

Alway 26

(1285)

K. u. Fader *[signature]*

Editio optima

De illustribus signis
resoluit, Censuris, Verborum &c.


Ex


p. 117

probat

13









LUGD. BATAV. Apud IACOBUM HACKIUM .1686.
Cum Privilegijs.

ALMOTATA

BAHTHOL

ALINA

THOMÆ BARTHOLINI
ANATOMIE

Ex omnium Veterum Recentiorumque
Observationibus

Inprimis Institutionibus b. m. Parentis

CASPARI BARTHOLINI,

A D

CIRCULATIONEM HARVEJANAM,

E T

VASA LYMPHATICA

QUINTUM

RENOVATA.

Cum Iconibus novis, & Indicibus.



LUGDUNI BATAVORUM,
Apud JACOBUM HACKIUM.
cl3 l3 c lxxxvi.

1686

TYPOGRAPHUS ANATOMIÆ FAUTORI

S. P.

Cum animo destinaverim Anatomiam Bartholinianam prelo iterum subjiciendi, tum plarimorum curiosorum querela ad aures meas devenère, de innumeris navis & erroribus quibus editio mea novissima scatuit. Omnem igitur adhibui diligentiam, ut incuriæ hætenus commisse certissimâ medelâ subvenirem : ne latissimus tuus Anatomia campus (in quo tot sagacissimi & dexterrimi Anatomicorum Filii desudavère) sorderet. Sed ut Promptuarium hoc omnis doctrinæ Anatomicae cumulatissimum numeris omnibus absolutius foret & nitidius; hoc opus committendum duxi curæ, & industriæ Amici cujusdam in re Anatomica curiosi, qui passim tam in textu quam in Iconibus appositis plurima fideliter emendavit seduloque correxit, si quæ menda tibi occurrant, illa quæso singulari tua humanitate subleves. Estor rerum æquus Judex & æstimator, quoniam humani nihil à me alienum est. Benè vale, meosque labores & conatus in tuos transferto usus.

Dabam Lugd. Batav.

Ipsis Calend. Junii 1686.



AUGUSTE

DANORUM MONARCHA

DOMINE

CHRISTIANE

QUINTE

DOMINE CLEMENTISSIME,



Estinatum
Divo FRE-
DERICO
TERTIO,
Regi glo-
riosissimo,
Opus Ana-

tomicum, quod flamma-
rum injuriis ereptum, ex

* 3

te-

tenebris nunc emerſit, Ti-
bi, Auguſte, ſubmiſſo cul-
tu, quantum poſſum, ve-
nio conſecratum. Tu quip-
pe in ſolio paterno ſucceſ-
ſor, incredibili clementia
ſolatus es publicum luctum
ex Magni Regis Exceſſu,
& privatum domeſtici in-
cendii damnum, quibus
percuſſus animus langue-
bat, Regio favore nos pro-
ſequutus, bono animo eſ-
ſe juſſiſti, ne deinceps in-
nocentiſſimæ Muſæ deſpe-
rent tam benignè haſtenus
à Regibus habitæ. Inna-
tam quippe Majeſtati Tuæ
clementiam ubique exſe-
ris, ejuſque radios ad me,
quem

quem Archiatri Tui Hono-
rarii titulo dignatus quo-
que es, gratiose diffundis,
ut nomen in folio avito
mutatum sit, non animus,
in subjectos vere Paternus.
Ut igitur conspectior sit
orbi nostra felicitas, in
Tua incolumitate sita &
clementia, renatam hanc
Anatomen Tuæ Majesta-
tis nomine Serenissimo su-
perbientem, in publicum
protrudo. Devotæ qui-
dem subjectionis leve do-
cumentum, Majestate ta-
men Tua neutiquam indi-
gnum. Pretiosis alii gem-
mis & auro gratiam aucu-
pantur. Major omnibus



THOMAS BARTHOLINUS
LECTORI
BENEVOLO

S.

P

Rodit tandem in publicum orbis theatrum Anatome mea Nova, multorum votis expetita, quam & publica utilitas & necessitas privata mihi aliud agenti extorsit & imperavit. Quatuor lustra effluxerunt cum Anatome Reformata per manus Doctorum volvi cœpit, in qua ad Circulationem Harvejanam efformata tantum sibi mox licere putarunt Typographi, ut, Clarissimorum Naturæ interpretum applausu & Tyronum usibus avide desideratam, toties exinde varia prela, variis etiam linguis, fatigarent, ut tandem irrepentibus tot editionum erroribus pro meo fœtu plusculis navis vitijque defœdato, & pristino, quem dederam, habitu nitoreque deficiente, agnoscere postea non potuerim. Tractu etiam tot annorum exolescere cœpit, & velut senium cum auctore induere, ut ad juventutem novam recoquenda videretur, si rigidam lyncei seculi

P R Æ F A T I O.

culi censuram, publicamque expectationem vellet sustinere. Scilicet fata sua libri habent, habent aetates crescendi & decrescendi. Enimvero ex quo postremam manum Anno reparatae Salutis MDCLXII. Anatome nostrae Reformatae imposui, variis Observationibus novis hic & ubique res Anatomica crescens, priorum temporum studia superavit. Tota enim Natura se Mystis suis explicuit, & cum singula observationes singulis seculis, quae praeceperunt, vix numerarentur, unius seculi, quod terimus, felicitas omnium seculorum observationes vicit. Natura facilitati ingenia praeclara se conjunxerunt, & occasione benevola usi Prosectores, nulli opera pepererunt, ut vocantem Naturam prompte obsequio sequerentur. Nobis par Naturae favor adspiravit. Diligentiae enim nostrae, quamdiu hoc saxum volvimus, ea revelavit, quibus pomœria Reipublicae Anatomica extenderentur. Ut taceam cetera, Lacteus Thoracis ductus, à Pecqueto in brutis inventus, in Humano corpore, per sectiones sollicitato, primis nobis detectus fuit, quem publica demonstratione & dissertatione in lucem protraximus. Mox laboribus favente fortuna, novum Naturae secretum, omnibus seculis nube immersum, nobis patuit, quod ingenium nostrum & eruditi orbis exercuit. Splendidi nempe aquarum canales, (quos Vasa Lymphatica appellavimus,) tam alte hactenus animalium visceribus immergi, ut omnium ante nos Prosectorum oculos manusque effugerint. Aliorum quoque studium in rimandis Naturae abditis eluxit, secandi indefessa dexteritate, per universum orbem literatum, gloriosa emulatione certatum, ut ex fertili Naturae campo, tot operariis exculto, uberrima mæsis colligeretur. Ne miretur posteritas, aut invideant

P R A E F A T I O.

deant felicitati Antecessores, quod palma seculo nostro observationum certitudine sit servata, pro omnium excusatione notandum, variis subsidiis adju-
tos esse nostros, ut eo processerint, quo priores eni-
ti non potuerint. Desit quippe hoc seculo majo-
rum auctoritas, vel imminuta, quum manus ocu-
latas requirant curiosi, non credulas. Præterea,
cum curiosum homini ingenium Natura dederit &
novitatis avidum, unius felicitas multos excitat, qui
laudis cupidine illecti, de Natura genereque morta-
lium bene mereri cupiunt. Hinc cultris certatur,
cruentantur manus, acuuntur ingenia, labor inde-
fessus impenditur, usque ad inutilem subtilitatem.
Junguntque, qui in hoc stadio magna animi con-
tentione decurrunt, in auxilium artes illas, sine
quibus manca est Anatome. Videas enim Prosectores
nostræ ætatis majori, quam olim, studio, Mathe-
sin excolere, mechanica discere, picturâ excellere,
faustoque utilissimarum artium conjugio, veterum
simplicitatem post se relinquere. Geometria benefi-
cio artificiosus musculorum contextus emergit. Op-
tica visum illustrat. Mechanica hominem totum
format, sed plerumque in mente. Pictura adum-
brat singula & æternis tabulis posteritati sistit. Ex
mechanicis id præterea commodi sentiunt, quod folles
idoneos ad respirationem, syringas fistulasque ad va-
sa investiganda, lagenulas pro excipiendis succis, &
microscopia ad minutissima quaque in corpore per-
spicienda, conficiant, quorum ope nihil non asse-
quuntur. Et ne sanguis operationis cursum in se-
cundo impediat, repagula fingunt, sive ligaturis fi-
lisque sive secreto modo certos limites definituri.
Chymiam cum Anatome sociantes, actionum natu-
ralium rationes reddunt manifestas. Experimentis
deni-

P R Æ F A T I O.

denique omnia tam veterum quam recentiorum inventa & placita velut ad lapidem lydium examinantes, dominio veræ solidæque rationis naturam subjiciunt, sibi propitiâ, omnibus salutarem. Hac via ad Anatomies culmen procedunt qui de majoribus triumphant. His adminiculis veterum defectum suppleant, hominemque quasi carceribus ruptis nobis apertum sistunt, in quo curando cum gloria occupemur. Tot tantisque Experimentis hoc seculo natis vel propalatis Anatome nostra augeri debebat & immutari, ut novo habitu, eoque illustri, curiosis placeret. Imo turbata, per Lactea & Lymphatica nostra vasa, veteri corporis æconomia, ex novis principiis & observationibus, plurima, quæ antea credidimus, ad normam Naturæ, apertius nobis locuta, erant varianda, delenda alia, multa addenda quæ illius deerant perfectioni, jam Dei indulgentiâ ad majora incrementa perductæ. Intererat sane & famæ nostræ & Tyronum utilitati, ut ad mentem observationum nostrarum pariter & aliorum Professorum, qui ad Naturæ complementum operam contulerunt, Nova editio adornaretur. Et quamquam in flexu hoc ætatis ad senium vergentis, post tot annorum labores, rude donatus, ferias meritis sim, publicam tamen utilitatem privatæ præferendam existimavi, haud nescius Juniorum studium in secando versari felicius, Seniorum in judicando. Quibus cum annumerari me velint, qui vel meritis vel annis immerentem in precio quodam habent, aggressus sum Deo auspice Novam hanc Anatomem, in qua quid à me præstitum sit paucis aperiam. Imitatus Architectos, qui ex ruderibus novam fabricam moliuntur, veterem Anatomies Reformatæ ex Institutionibus Parentis b. m. Caspari Bartholini, propriisque

P R Æ F A T I O.

priisque & aliorum Observationibus ad Circulationem
 sanguinis olim concinnata editionem, velut mate-
 riam novæ hujus Anatomies, ad nostri temporis
 Experimenta, quotquot in hunc diem passim prodie-
 runt, accommodavi, auxi, emendavi, & opus ex-
 inde prorsus novum construxi, in quo nec antiqua
 Anatomies rudera, qualia quidem ad usus nostros
 servari poterant, neglexi, nec nova supplementa om-
 nium Recentiorum desiderari passus sum, qua fabri-
 ca Nova perficeretur. Omnia ad Circulationem
 Harvejanam & Lymphatica nostra Vasa exegi,
 quibus velut fundamentis novis superstructum est edi-
 ficiū, quod publico bono adornamus. Nonnunquam
 verbulo solo textum veterem immutavi, sæpe pro-
 lixiori sermone auxi, ubi vel observationes nupera,
 vel partium actiones novæ, fusiolem calamus desi-
 derabant, ea tamen temperantia, ut nec in obscu-
 ris brevitatē, nec prolixitatē in manifestis cul-
 pare possis. Formæ enim portatili me accommoda-
 vi, juniorum in gratiam, quibus grata sunt opu-
 scula *Græcæ*. Quorum fugienti quoque memo-
 riæ consulturus, icones partium novas huic editioni
 addidi, ad ductum demonstrationum, mihi olim usi-
 tatarum, confectas, hætenusque necdum publice vi-
 sas, quibus accessere non pauca aliæ ex illorum scri-
 ptis, qui magna nominis celebritate Anatomem illu-
 strarunt, ad novissimæ naturæ elegantiam expressæ,
 quorum in operis progressu recolui, apud posteros
 perennaturas. Summa: nucleum exhibeo omnium
 observationum & opinionum, quæ hætenus vel ex
 theatris Anatomicorum vel scriptis prodierunt, in
 quibus nec fides mea in recensendo desiderabitur,
 nec candor in judicando. Naturæ enim partes egi,
 non meas, singulis sua reddens, sed cum sænore.

Illa

P R Æ F A T I O.

Illam quidem, quæ ad Anatomies augmentum & ornamentum ipse contuli, quanquam sine comparatione aliis laudentur, malui censura meliorum subijcere, quam judiciis eximere. Non omnia nos assequimur, nec forsan post nos alii, quicquid sibi blandiantur, universam exhaurient naturam. Restabit semper quod discant, & secuturo seculo tanta reservantur, quanta nobis indulgit Numen, ut nobis majorem gratiam referant posteris, quam nos majoribus. Utinam bene de publico merendi propositum fata iniqua non interverissent. Anatomem quoque Utilem seu Practicam ad sedes affectas inquirendas, quam penè confectam habebam, huic subjunxissem, eadem methodo ex morbosis corporibus concinnatam, qua nostra hæc ex sanis. Sed Vulcano imputandum, quod operis necessarii laus illibata aliis servetur. Quod vero flammæ, prædium meum librosque devastantes, Anatome Nova, quam damus evaserit, Dei providentiæ adscribo. Opportune ante fatale incendium Cl. Gerardo Blasio, Medico Amstelodamensi Professori, non uno nomine mihi æstimando, transmiseram musteum opus, & à calamo meo adhuc madens, cum de editione inter nos & Hackios, illo parario, convenisset, cui ea propter ob servatum novum Medicæ Reipublicæ civem corona quercea debetur. Idem Blasius amplissimas à me publicoque gratias meretur, quod me absente, summa fide editionem procuravit, parique cura huc contulerit quicquid ad operis splendorem pertinebat. Tu vero, Lector benevole, ultimum hoc Anatomicorum laborum Testamentum, quod signavi, tuis commodis resigna. Defectus si qui sint, pro arbitrio supple, & erroribus ignosce pro humanitate. Instat tempus, quo hinc migrandum, ut
longio-

P R Æ F A T I O.

*longiorem spem inchoare vix liceat. Interim his
aliisque, quæ hætenus deproperavit calamus, frue-
re, mihiq; quia alia non peto, meisq; bene
precare. Vale. Scripsi in Aula mea Hagested,
nuperrimè restaurata, utinam auspiciò, ipso Divi
Thomæ festo XXI. Decembr. clj l3 c. LXXI.*

INDEX

INDEX AUCTORUM

In Anatome nova Bartholiniana
citorum.

A.

Abenfina.
Abenzoar.
Achillinus.
Achmeres.
Actuarius.
Ægineta. (Paulus)
Ælianus.
Æmilianus. (Ja.)
Africanus. (Leo)
Agrippa. (Corn.)
Ahakia. (Martin.)
Albertus. (Salomon)
Albucaſes.
Aldrovandus. (Ulyſſ.)
Alexandrinus. (Jul.)
Alliotus. (Petrus)
Alpinus. (Proſper)
Alvarez. (Ant.)
Amſtelodamenſis obſervatio.
Andernacus. (Jo. Guid.)
Ab Angelis. (Jo.)
Alexand. Aphrodiſæus.
Apitius. (Cæſ.)
Aponenſis. (Petr.)
Aquilonius. (Fr.)
Arantius. (Jul. Cæſ.)
Aretæus.
Argentarius. (Jo.)
And. Argolus.
Ariſtoteles.
Arnifæus. (Henning)
Arrianus.
Afellius. (Cæſ.)
Athenæus.
Averrhoës.
Augenius. (Horn.)
Auguſtinus.
Aulus Gellius.
Aurelianus. (Cæſ.)

Autor Anat. vivor.

— Mot. Muſculi

Auzotius. (Adrianus)

B.

Back. (Jac. de)
Baldus. (Camillus)
Ballonius. (Guil.)
Barbatus. (Hieron.)
Barbette. (Paulus)
Baricellus. (Jul. Cæſ.)
Baronius. (Cæſar)
Bartholinus. (Albert.)
Bartholinus Pater. (Cæſ.)
Bartholinus. (Erafm.)
Bartholinus. (Thom.)
Bartolettus. (Fabr.)
Bauhinus. (Cæſ.)
Bayrus. (Petr.)
Beckerus. (Dan.)
Bellinus. (Laurent.)
Bellonius. (Petr.)
Benedictus. (Alex.)
Benedictus. (Jul. Cæſ.)
Benivenius. (Anton.)
Benettus. (Chriſtoph.)
Bertinus. (Georg.)
Beſlerus. (Mich. Rupert.)
Beverovicus. (Jo.)
Beza. (Theod.)
Biblia.
Bils. (Ludovicus de)
Blafius. (Gerardus)
Blotteſandæus. (Benedictus)
Bodinus. (Jo.)
Bogdanus. (Martinus)
Bokelius. (Jo.)
Bontius. (Jac.)
Borellius. (Jo. Alphoſus)

**

Borel

INDEX AUCTORUM.

Borellus. (Petrus)
 Borrichius. (Olaus)
 Bosius. (Hippolytus)
 Botallus (Leon.)
 Botterius. (Henricus)
 Bourdelotius. (Petr.)
 Boyle. (Robertus)
 Brentius. (Joh.)
 Brigitta.
 Brodæus. (Joh.)
 Brodæquius. (Nic.)
 Bronzerus. (Hieronym.)
 Bruno. (Jac. Pancrat.)
 Bucretius. (Dan.)
 Burrhus. (Fr. Jos.)
 Burserus. (Joach.)
 Busbequius. (Aug.)
 Buxtorfius. (Jo.)

C.

CAbrolus. (Barth.)
 Cæsalpinus. (Andrea)
 Caimus (Pomp.)
 Cajus. (Jo.)
 Camerarius. (Joach.)
 Campana. (Mandellus)
 Cananus (Jo. Bapt.)
 Capivaccius. (Hieron.)
 Caranza. (Alphon.)
 Cardanus. (Hieron.)
 Carpus. (Jacobus)
 Carrius. (Lud.)
 des Cartes. (Renatus)
 Casaubonus. (Isaac.)
 Casserius Placentinus. (Jul.)
 Castellanus. (Petrus)
 Castellus. (Petrus)
 Castellus. (Petr. Vascus)
 Castrensis. (Steph. Rod.)
 Cattierius. (Isaac.)
 Catullus.
 Cauliacensis. (Guido)
 Celsus. (Corn.)
 de la Chambre.
 Charleton. (Gualth.)
 Chifletius. (Jo.)

Cicero. (M. T.)
 Claudinus. (Jul. Cæs.)
 Clementina.
 Cletus. (Aetius)
 Codronachius. (Jo. Bapt.)
 Coiter. (Volcherus)
 Colle. (Jo.)
 Collius. (Franc.)
 Columbus. (Realdus)
 Columna. (Fab.)
 Constantinus. (Robert.)
 Cornelius. (Thomas)
 Cortesius. (Jo. Bapt.)
 Costa. (Jo. à)
 Costæus. (Joh.)
 Courvée. (Jo. Claud. de la)
 Cæf. Cremoninus.
 van den Cruce. (Balth.)
 Cunæus. (Gabriel)
 Cyprianus.

D.

DAmascenus. (Jo.)
 Dathirius. (Vaucilius)
 R. David Kimki.
 Deusingius. (Anton.)
 Diaconus. (Paulus)
 Digby. (Kenelmus)
 Dodonæus. (Remb.)
 Donatus. (Marcellus)
 Drake. (Rogerius)
 Drebbelius. (Corn.)
 Dunus. (Thaddæus)

E.

EBerus. (Paulus)
 Eichstadius. (Laurent.)
 Elsholtius. (Jo. Sigism.)
 Ens. (Gasp.)
 Ent. (Georg.)
 Ephesius. (Ruffus)
 Erastus. (Thomas)
 Erotianus.
 Everardus (Anton. Di.)
 H. Eugubinus.
 Eustachius (Barthol.)
 Eyssonius. (Henr.)

F. Faber

INDEX AUCTORUM.

F.

FAber. (Jo.)
 Fabricius ab Aquapend. (Henr.)
 Fabricius Hildanus. (Guil.)
 Falcoburgius. (Adr.)
 Fallopius. (Gabriel)
 Fernelius. (Jo.)
 Ferrara. (Gabriel)
 Festus.
 Fioravantius. (Leonard.)
 Florentinus. (Nicolaus)
 Florentinus. (Fr. Maria)
 Flud. de Fluctibus. (Rob.)
 Foësius. (Anutius.)
 Folius. (Cæcilius)
 Fontanus. (Jo.)
 Fontanus. (Nic.)
 Forestus. (Petrus)
 Forge. (Ludovic. de la)
 Fracassatus. (Carolus)
 Fuiren (Henricus)
 Furlanus. (Dan.)

G.

Galenus.
 Gassendus. (Petr.)
 Gattinaria. (Marc.)
 Gaza. (Theod.)
 Gemma. (Corn.)
 Gesnerus. (Corn.)
 Giggejus.
 Glandorpius. (Matth.)
 Glissonius. (Flanc.)
 Golius. (Jacobus.)
 Gordonius. (Bern.)
 Graaf. (Regnerus de)
 Grembsius. (Frid. Oswald.)
 Grotius. (Hugo)
 Guericke. (Oitho)
 Guiffartus. (Petr.)

H.

Haly Abbas.
 Hammelmannus. (Herm.)
 Harvejus. (Guil.)
 Henricus ab Heer.

Heiland. (Michaël)
 Heliodorus Medicus.
 Helmont. (Jo. Bapt.)
 Henaut. (Guiliel.)
 Herodotus.
 Heron Alexandrinus.
 Heurnius. (Jo.)
 Highmorus. (Nathan.)
 Hippocrates.
 Hoboken. (Nicolaus)
 Hofmannus. (Casp.)
 Hofmannus. (Maurit.)
 Hogelandius. (Corn.)
 Hollerius. (Jac.)
 Holste. (Jac.)
 Homerus.
 Horatius.
 Horne. (Jo. van)
 Horstius. (Gregor.)
 Horstius. (Jo. Dan.)
 Howenius. (Jo.)

I.

Iacchinus. (Leon.)
 Jacobus. (Desid.)
 Jacotius. (Julius.)
 Jessenius. (Joh.)
 Ignatius.
 Ingrassias. (Phil.)
 Joh. Jonstonus.
 Jordanus. (Th.)
 Joubertus. (Laur.)
 Jovius. (Paulus)
 Isaac.
 Isidorus.
 Justinianus.
 Justinus.
 Juvenalis.

K.

KEplerus.
 Kerckring. (Theod.)
 Kirstenius. (Michaël)
 Knoblochius. (Tobias)
 Kolhanfius. (Tob. Lud.)
 Kyperus. (Albertus)

INDEX AUCTORUM

L.

L Angelott. (Joël)
 Langius. (Jo.)
 Laurenberg. (Petr.)
 Laurentius. (Andreas)
 Leichnerus. (Eccardus)
 Levinus Lemnius.
 Leonicensis. (Jo.)
 Lepnerus. (Frid.)
 Libavius. (Andr.)
 Licetus. (Fortunius)
 Liddelius (Duncanus)
 Linden. (Jo. Ant. van der)
 Lofelius (Jo.)
 Loffius. (Jeremias)
 Lowerus. (Richard.)
 Lucilius.
 Lyra.
 Lyferus. (Michaël)

M.

M Acrobisus.
 Magnus. (Paulus)
 Major. (Jo. Dan.)
 Majus (Jo.)
 Marcellus Malpighius.
 Manardus. (Jac.)
 Mauasse ben Israël.
 Mancinius. (Læl.)
 Manelphus. (Jo.)
 Mantuanus. (Jo. Bapt.)
 Marchettis. (Dominicus de)
 Marchettis. (Petrus de)
 Marchius. (Casp.)
 Marius. (Fride)
 Marquardus. (Jo.)
 Martialis.
 Martinus. (Prosp.)
 Martinus. (Henr.)
 Massa. (Nic.)
 Matthæus. (Jo.)
 Matthiolus. (Andr.)
 Maurocordatus. (Alex.)
 Meara. (Ed.)
 Meibomius. (Jo. Henricus)
 Meibomius. Henricus)

Mekrenius (Jobus)
 Mela. (Pomponius)
 Meniotus (Jo.)
 Mercatus. (Ludov.)
 Mercurialis. (Hieron.)
 Merletus. (Jo.)
 Mersennus. (Petr.)
 Meyssonierius. (Laz.)
 Mœbius. (Gothofred.)
 Moinichen. (Henricus à)
 Molinettus. (Antonius)
 Montaltus. (Hieron.)
 Montanus. (Arias)
 Montuus. (Jo.)
 Moth. (Paulus)
 Mullerus. (Jac.)
 Mullerus. (Nicol.)
 Mundella. (Alois.)
 Mundinus Mundinius.
 Muretus. (Anton.)

N.

N Ancelius. (Frid.)
 Needham. (Gualth.)
 Nicephorus.
 Noble. (Carolus le)
 Nonius.
 Nymmanus. (Greg.)

O.

O Bsequens. (Jul.)
 Olhafius. (Joachimus)
 Oribasius.
 Ortelius. (Matthias)
 Ostenfeld. (Christianus)

P.

P Acius. (Fabius)
 Pagninus. Sanctus)
 Panarolus. (Dominicus)
 Paracellus. (Theophr.)
 Paræus. (Ambrosius)
 Parisanus. (Æmilius)
 Patinus. (Guido)
 Paulli. (Jac. Henric.)
 Paulli. (Simon.)
 Pavius. (Petrus)
 Pausanias.

INDEX AUCTORUM.

Paz. (Franciscus de)
 Pecquetus (Jo.)
 Petrus Petitus.
 Petrejus. (Henr.)
 Petronius.
 Piccolomineus. (Archang.)
 Pinæus. (Severinus)
 Pifo. (Carolus)
 Pifo. (Wilhelmus)
 Plantius. (Guiliel.)
 Platerus. (Felix)
 Plato.
 Plautus.
 Plazonus. (Frid.)
 Plempius. (Vop. Fort.)
 Plinius.
 Plotinus.
 Plutarchus.
 Politianus. (Laurent.)
 Pollux. (Jul.)
 Poppius. (Ham.)
 Posthius. (Jo.)
 Pouchius. (Ludovicus)
 Poza. (Fr.)
 Prææus. (Abrahamus)
 Primirofius. (Jacobus)
 Procopius.
 Prudentius.

Q.

Quercetanus. (Jof.)

R.

Radzivilius. (Nic. Chr.)
 Regius. (Henricus)
 Rejes. (Gasp. de los)
 Renodæus. (Jo.)
 Reufnerus. (Hicron.)
 Reufnerus.
 Rhodiginus. (Cælius)
 Rhodius. (Jo.)
 Ricciolus. (Jo. Bapt.)
 Riolanus. (Jo. Pater)
 Filius.
 Riberius. (Lazarus)
 Roberfius. (Jo.)
 Rolfinck. (Guernerus)

Rondeletius. (Guil.)
 Roonhufius. (Henricus)
 Anglica. (Rofa)
 Rouffetus. (Fr.)
 Rudbeck. (Olaus)
 Ruellius. (Jo.)
 Rulandus. (Mart.)
 Ruyschius. (Fridericus)

S.

Sachs. (Phil. Jacob.)
 Sala. (Jo. Dom.)
 Salius. (Petr.)
 Salmuth. (Phil.)
 R. Salomon.
 Salzmannus. (Jo. Rud.)
 Sammichelius. (Nic.)
 Sanchius. (Petrus)
 Sanct. Sanctorius.
 Sanctus. (Marianus)
 Sannazarius.
 Santorellus. (Ant.)
 Sarpa. (Paulus)
 Saxo Grammaticus.
 Saxonia. (Herc.)
 Scaliger. (Jul. Cæf.)
 Schagen. (Fr. van)
 Schenck. (Jo.)
 Schenck. (Jo. Theod.)
 Schelhammer. (Chriftophor.)
 Schneider. (Corn. Victor)
 Schoockius. (Martinus)
 Schottus. (Gasp.)
 Schröderus (Jo.)
 Schuyl. (Florentius)
 Scotus. (Michaël)
 Scribonius Largus.
 Scultetus Norib. (Io.)
 Scultetus Ulm. (Jo.)
 Sebizius. (Melch.)
 Segerus. (Georgius)
 Senguerdus. (Arnold.)
 Sennertus. (Daniel)
 Septalius. (Ludovicus)
 Servius. (Petrus)
 Servius Grammaticus.

INDEX AUCTORUM.

Severinus. (Marc. Apr.)
 Severinus Danus. (Petrus)
 Sinibaldus. (Jo. Bapt.)
 Sitonus. (Jo. Bapt.)
 Sladus. (Matthæus)
 Slegelius. (Paul. Marii)
 Smetius. (Henr.)
 Solenander. (Rein.)
 Solinus Polyhistor.
 Soranus,
 Spererius.
 Sperlingius. (Jo.)
 Speron Speronius.
 Spigelius. (Adrianus)
 Stenonius. (Nicolaus)
 Stephanus. (Carolus)
 Stetterus. (Jo. Conr.)
 Suidas.
 Swalve. (Bernh.)
 Swammerdam. (Jo.)
 Sylvaticus. (Jo. Bapt.)
 Sylvius. (Franc.)
 Sylvius. (Jacobus)

T.

TAcitus.
 Tackius. (Joh.)
 Tagliacotius. (Casp.)
 Tarnovius. (Joh.)
 Terentius.
 Tertullianus.
 Theophilus.
 Thonerus. (Augustus)
 Thorius. (Raphaël)
 Thuanus. (Jac. Aug.)
 Tidicæus. (Fr.)
 Tilefius.
 Tilingius. (Matthias)
 Tirinus.
 Toletus. (Guil.)
 Trafelmannus.
 Trallianus.
 Tremellius. (Em.)
 Trincavellius. (Victor)

Trullus. (Jo.)
 Tulpus. (Nicol.)
 V.

Valerius Maximus.
 Valleriola. (Fr.)
 Valfefius. (Fr.)
 Valverda. (Jo.)
 Varolus. (Constant.)
 Varro.
 Vattierius. (Petrus)
 Velthufius. (Lamb.)
 Verderius. (Petr.)
 Verulamius. (Fr.)
 Vesalius. (Andreas)
 Veflingius. (Jo.)
 Vidas. (Hieron.)
 Vigerius. (Jo.)
 Virgilius.
 Vitaglianus. (Anton.)
 Ulmus Avus. (Franc.)
 Nepos.
 Volchamerus. (Jo. Georg.)
 Vorm. (Hobb. à)
 Vorflius. (Jo.)
 Voffius. (Ger. Jo.)

W.

WAlæus. (Jo.)
 Wega. (Christophorus à)
 Wega. (Thomas à)
 Wepferus. (Joh. Jac.)
 Whartonus. (Thomas.)
 Wierus. (Jo.)
 Willis. (Thomas)
 Wincklerus. (Jo.)
 Wolfius. (Jo.)
 Wormius. (Olaus)
 Wormius. (Wilhelmus)

Z.

ZAccagnius. (Lælius)
 Zacutus Lusitanus.
 Zanches. (Fr.)
 Zas. (Nicolaus)
 Zecchius. (Jo.)
 Zerbus. (Gabriel.)

INDEX CAPITUM. LIBRI PRIMI,

Qui est

DE INFIMO VENTRE.

- Cap. I. De Cuticula.
Cap. II. De Cute.
Cap. III. De Pinguedine.
Cap. IV. De Membranis in genere,
de membrana carnosâ, & mem-
brana muscularum propria.
Cap. V. De Musculis in genere.
Cap. VI. De Musculis Abdominis.
Cap. VII. De Peritoneo.
Cap. VIII. De Omento.
Cap. IX. De Ventriculo.
Cap. X. De Intestinis in genere.
Cap. XI. De Intestinis in specie.
Cap. XII. De Mesenterio.
Cap. XIII. De Pancreate.
Cap. XIV. De Hepate.
Cap. XV. De Bili receptaculis,
nempe, Folliculo fellis & canali
bilario.
Cap. XVI. De Liene.
Cap. XVII. De Renibus.
Cap. XVIII. De Capsulis atrabiliaris
Cap. XIX. De Ureteribus.
Cap. XX. De Vesica Urinaria.
Cap. XXI. De Vasis spermaticis
Virilibus preparantibus.

- Cap. XXII. De Testibus.
Cap. XXIII. De Vasis deferenti-
bus, Ejaculatoriis, de Parastatis,
Vesiculis seminariis, & Prostatis.
Cap. XXIV. De Pene.
Cap. XXV. De Partibus mulie-
ribus Generationi inservienti-
bus, & primo de vasis spermati-
cis preparantibus.
Cap. XXVI. De Testibus fœmineis.
Cap. XXVII. De vasis deferenti-
bus, imprimis Tuba Uteri.
Cap. XXVIII. De Utero in genere.
Cap. XXIX. De Uteri fundo & ore.
Cap. XXX. De Uteri Collo majori.
Cap. XXXI. De Hymene.
Cap. XXXII. De Pudendo mulier-
bri externo in genere.
Cap. XXXIII. De Carunculis myr-
riformibus.
Cap. XXXIV. De Clitoride.
Cap. XXXV. De Alis & Labiis.
Cap. XXXVI. De Membranis fœ-
tum involventibus.
Cap. XXXVII. De Vasis Umbili-
calibus.

L I B. II.

DE MEDIA CAVITATE.

- Cap. I. De Mammis:
Cap. II. De Musculis intercostalibus.
Cap. III. De Diaphragmate.
Cap. IV. De Pleurâ, Mediastino
& Thymb.
Cap. V. De Pericardio, & humore
in eo contento.
Cap. VI. De Corde in genere.
Cap. VII. De Cordis partibus in

- specie, Auriculis, Cavitatibus,
Septo, Vasis & Valvulis.
Cap. VIII. De Vasorum cordis fœ-
tus unione.
Cap. IX. De Pulmonibus.
Cap. X. De fistula pulmonum.
Cap. XI. De Larynge.
Cap. XII. De Oesophago.
Cap. XIII. De Collo.

INDEX CAPITUM

LIB. III.

DE SUPREMA CAVITATE.

- | | |
|--|--|
| Cap. I. De Pilis. | dibulo, ventriculis cerebri, corpore calloso, fornice, plexu choroide, |
| Cap. II. De membranis extra & intra cranium. | glandula pineali &c. |
| Cap. III. De cerebro, ejusque Medulla in genere. | Cap. VII. De Fronte. |
| Cap. IV. De Partibus cerebri in specie, & primo de medulla oblongata & spinali, ejusque ventriculo nobili. | Cap. VIII. De Oculis. |
| Cap. V. De cerebello. | Cap. IX. De Auribus. |
| Cap. VI. De reliquis, quæ in cerebro observantur, partibus, Reti mirabili, glandula pituitaria, infundibulo, | Cap. X. De Naso. |
| | Cap. XI. De Ore, Buccis, & Labiis. |
| | Cap. XII. De Partibus in ore contentis, Gingiva, Palato, Uvula, Faucibus, osse Gutturis. |
| | Cap. XIII. De lingua. |

LIB. IV.

DE ARTUBUS.

- | | |
|---|---|
| Cap. I. De Manu in genere, & de Unguibus. | lumborum. |
| Cap. II. De musculis humeri, seu brachii specialiter dicti. | Cap. VIII. De Musculis cubiti, & radii. |
| Cap. III. De Musculis scapula, seu omoplate. | Cap. IX. De Musculis carpi, & digitorum |
| Cap. IV. De musculis Thoracis, seu respirationis. | Cap. X. De Pedè in genere. |
| Cap. V. De Musculis capitis. | Cap. XI. De Musculis femoris. |
| Cap. VI. De Musculis cervicis, seu colli. | Cap. XII. De Musculis tibiae. |
| Cap. VII. De Musculis dorsi, & | Cap. XIII. De Musculis pedum. |
| | Cap. XIV. De Musculis digitorum pedis. |

LIBELLI I. DE VENIS,

Respondentis Libro I. De Infimo Ventre.

- | | |
|---|---|
| Cap. I. De Vena in genere. | scendente, praesertim vena sine pari. |
| Cap. II. De Venarum substantia & Valvulis. | Cap. VI. De Vena subclavia ejusque ramis, ut jugularibus. |
| Cap. III. De Venarum corporis divisione, & de vena porta, & Venis lacteis, & lymphaticis. | Cap. VII. De Venis brachiorum & manuum. |
| Cap. IV. De Venis hamorrhoidalibus. | Cap. VIII. De Trunco Vena Cavae descendente usque ad crura. |
| Cap. V. De Vena cava trunco ad- | Cap. IX. De Venis cruralibus. |

LIBELLI

INDEX CAPITUM.

LIBELLI II. DE ARTERIIS; Respondentis Libro II. De Media Cavitate sive Thorace.

- | | |
|---|--|
| Cap. I. De Arteriis in genere. | Cap. IV. De Arteriis totius manus. |
| Cap. II. De Arteria magna trunco descendente. | Cap. V. De Arteria Magna trunco descendente. |
| Cap. III. De Arteriis Carotidibus. | Cap. VI. De Arteriis Cruralibus. |

LIBELLI III. DE NERVIS, Respondentis Libro III. De Capite.

- | | |
|--|--|
| Cap. I. De Nervis in genere. | nervis ex Cervice, adeoque totius manus Nervis. |
| Cap. II. De decem paribus nervorum, intra Cranium à Medulla oblongata ortis, eorumque progressu. | Cap. IV. De Nervis Thoracis vel dorſi, & lumborum. |
| Cap. III. De Nervis ex spinali medulla prodeuntibus, & primo de | Cap. V. De Nervis ex offis sacri Medulla prodeuntibus, & de Nervis totius Pedis. |

LIBELLI IV. & ULT. DE OSSIBUS. Ubi simul.

DE CARTILAGINIBUS, & LIGAMENTIS.

- | | |
|--|---|
| Cap. I. De Ossibus in genere. | Cap. XI. De Maxilla inferiore. |
| Cap. II. De cartilaginibus in genere. | Cap. XII. De Dentibus in genere. |
| Cap. III. De Ligamentis in genere. | Cap. XIII. De Dentibus in specie. |
| Cap. IV. De Cranio in genere. | Cap. XIV. De Spina ejusque vertebris in genere. |
| Cap. V. De Suturis Cranii. | Cap. XV. De Spina vertebris in specie. |
| Cap. IV. De ossibus Cranii propriis in specie. | Cap. XVI. De Osse innominato. |
| Cap. VII. De Officulis auditus. | Cap. XVII. De Costis. |
| Cap. VIII. De Ossibus capiti & maxilla superiori communibus, Cuneiformi & spongioso. | Cap. XVIII. De Osse pectoris seu sterno. |
| Cap. IX. De ossibus maxilla in genere. | Cap. XIX. De claviculis & scapulis. |
| Cap. X. De ossibus maxilla superioris propriis. | Cap. XX. De Ossibus totius manus. |
| | Cap. XXI. De Ossibus totius pedis. |
| | Cap. XXII. De ossibus Sesamoideis. |

ACCEDUNT.

- | | |
|--|--|
| I. EPISTOLA JOH. WALÆI, qua Chyli & sanguinis motus explicatur & adstruitur. | II. EPISTOLA ejusdem, qua motus Chyli & sanguinis ab adversariorum objectionibus vindicatur. |
|--|--|

THOMÆ BARTHOLINO

DN. DE HAGESTED,

Luculentum ANATOMIÆ opus edenti.

POne modum calamo, fatis est *Barthline* laborum,
Et via, qua possis surgere, nulla patet,
Fama tibi totum jam pridem colligit orbem,
Et seclum scriptis pignerat omne Tuis,
Utere concessis à Regibus utere donis,
Quæque negasti aliis otia, redde Tibi:
Sat scripsit, cui scripta orbi, cui didita Famæ
Computat æternos Bibliotheca dies,

Vitus Bering.

In EFFIGIEM TH. BARTHOLINI.

Sic Bartholini, sic ora Machaonis exstant,
Hafnia quo Medico tota superba Viro;
Clarescat, vitam qui servat in hoste Macedo,
Hic ex dissecti corpore civis avat,

Jo. L. BLASIUS,

Aliud EJUSDEM.

Hac tibi Natura produnt miranda pagella,
Quæ Thomas oculis viderat ipse suis,
Vera putes, quæ vera putat non credulus, illis
Si voluit Thomas credere, crede Viro.

Incom-

Incomparabili ANATOMICO &
ARCHIATRO Regio

DN. D.

TH. BARTHOLINO,

*Reſtori Academia Hafnienſis Magnifico & Profeſſori
Honorario, Anatomiam ſuam quartâ jam
curâ auctam edenti.*

SIC capit Oceanus nec reddere ſegnīs, eaſdem
Gurgite continuo fundit & haurit aquas,
Sic indefeſſus Titan Luſtrator Olympi
Perpetuum Ætherias itque reditque vias.
Sic rerum Natura Parens non deficit ullam
Qua beet Humanum dote benigna Genus.
Tutantos, BARTHLINE, Duces imitatis & Orbi
Sufficis æterna luce perenne decus.
Quosque recepisti ſœcundo pectoris alveo
Non niſi cum grandi ſœnore reddis opes,
Et citius ſeſe Natura, unaque relinquent
Gramina Humum, Oceanum Fluctus, & Aſtra Polum?
Quam tua deſtitui Mundum patietur hiantem
Mentis inexhauſtæ prodigioſa Penus.
At juſtas, Vir ſumme, tibi quis ſolvere grates
Et vel pro meritis verba referre potis?
Poſt Donatoris miracula prima ſupremi
Atque creatricis Munera Dia Manus,
Cui nulla in noſtro non ſe pars corpore debet
Compagemque reſert Machina tota ſuam.
Huc ades ô quiſquis propius te nôſſe laboras,
Et quidquid Pectus ſubtus & intus alit.
Turpe, alio ſub ſole ſitas percurrere terras
In Patria degas ſi peregrinus Humo.
Quid juvat extremas immenſi invifere metas

Orbis

Orbis & haud proprium visere velle sinum ?
 Collige Regales sumtus , Miracula Mundi ,
 Piscinas , thermas , templa , theaura , vias ,
 Et quæ cinxerunt septem Palatia Montes
 Rostra , Fora , & ductos per loca mille Lacus.
 Quidquid & externis accitæ latius oris
 Artificum innumeræ composuere Manus.
 Cuncta diu quum contuleris , concedite Moles
 Quas minima immensas vincit opella , feres.
 Non ebore , aut saxo , varioque expressa Metallo ,
 Non ceræ & digito debita Forma leui.
 Effigies sed Cœlesti quæ Pollice facta ,
 Quæque Creatorem monstret imago Deum.
 Nil sibi Phryx , nihil inde Libys , nil Dalinata possit ,
 Nil queat inde Lacon dicere jure suum.
 Nec Polycleteos huc Phidiacosve labores ,
 Lysippive vocem Praxitelisve Decus.
 Nil unde Antipater , Calamisve , Acragasve , priorve
 Mentor habent laudis , nil trahit unde Myron.
 Sive quis Auctoris mirari discupit artes ,
 Materie seu quis nobile censet opus.
 Sensibus hîc longe lassatis , denique captum
 Complecti discat nil potuisse suum.
 Attamen Ætheria ut monstretur origine , summâ
 BARTHLINI hîc Curâ Fabricata tota patet.
 Hoc referante suos aperit Natura recessus ,
 Naturæ & reliquæ totius instar , Homo.
 Quidquid & arcanum fuit ignotumve Priorum
 Ingeniis , præsens explicat omne Liber.
 Quin Rivos sequor ipse meos & mille meatus ,
 Memet ut ex ipso noscere Fonte queam.
 In'cue quis lateam , doceant hæc rite Tabellæ ,
 Et , quas progeniuit quæque Tabella , Notæ:
 Cedite Apelléo ductu formata Deorum
 Oraque mendaci reddita clara Manu.

Quos Venus & Mavors, quos Ira, Metusque, Dolorque;
Cernimus hîc amplos incoluere Lares,
At simul inspicimus, Pietas sociataque Virtus
Purgatas possent quas habitare casas.

Joh. HOPNERUS.

Venerando PARENTI
TH. BARTHOLINO

Anatomen quartum Renovatam edenti.

ERgo tot Hippocrates, tot nomina clara Deorum
Cedite, nam Phœbum tempora nostra ferunt.

Panditur æternis facilis Natura libellis,

Totaque per partes scribitur illa novas.

Magne Parens, tibi debentur ventura Nepotum

Secula, quem proprio nomine Pallas amat.

Te Duce jam reſerata videt ſua viscera pectus,

Et quicquid latuit, te præeunte, patet.

Lympha fluit, lactisque novo decurrere rivi

Fonte ſciunt, proſtant his elementa libris.

Vive per æternos operum ſamæque triumphos,

Ut jactent titulos ſæcla futura tuos.

CASPARUS BARTHOLINUS

Thom. Fil.

In EFFIGIEM
PARENTIS.

SIC Patris ora micant, senium mini-
tantia vultu,
Sed manet æterni florida fama
Viri.

CHRISTOPH. BARTHOLINUS
Thom. Fil.

Ad PARENTEM.

DUM totum renovas hominem reserasque
recessus,
Ecce novum toto panditur orbe decus.

THOMAS BARTHOLINUS
Junior.



THOMAS BARTHOLOMÆUS
 A. C. 1561
 1561



THOMAS BARTHOLINUS

A.C. CIO IDC LXXI

Ætat. LVI.

Herr. Diemer gen.

G. Appelmans sculp.



IN
ANATOMIAM
BARTHOLINIANAM
PROOEMIUM.

ANTHROPOLOGIAⁱⁱ seu doctrina de Homine, *ανθρωπολογία*ⁱⁱ
vulgo, & recte tamen, in geminas dispec-
tatur partes: *Anatomiam*, quæ de corpore,
ejusque partibus, agit: & *ψυχολογiam*,
quæ de anima.

Anatomia itaque, rectius Anatome, ab *ἀνατομῆς*, quæ
alioquin S. Ignatio inter martyria recensetur. *Celso Aur.*
apertio. *Tertulliano* prosectio, unde Prosector, ut ad hanc
nos accingamus, quatenus pars Physicæ est, (nam Medica
Anatome, de qua *Galenus* in *Adm. Anatom.* quanquam uti-
lis, medicis relinquenda,) Subjectum habet Corpus anima-
eujusque, terrestris, aquatilis, volatilis, &c. non tan-
tum humanum. Verum humani corporis structuram po-
tissimum rimari solemus, 1. Ob perfectionem maximam,
quæ regula est imperfectionis. 2. Quia animalia varia in-
numera fere sunt, ut iis secandis & rimandis humana ætas
his faculis non sufficiat. 3. Ob usum incredibilem, ad ue-
minem non redundantem, qui seipsum & proprium ædi-
ficiū pernoscere cupit, tum ut sanitatem melius rueri, &
ægritudines profligare possit: neque quisquam Physicus
esse, aut dici potest, nisi hanc, ante omnes doctrinæ Physi-
cæ partes, artem ad unguem calleat. Neque idcirco Ani-
mantium dissectio minus utilis, aut Anatomico negligenda,
partim ob analogiam cum corpore humano, partim
propter viventium motus cognoscendos, partim denique
ob Exercitationem tam Anatomicam quam Chirurgicam.
Democritus sedem bilis & naturam in illis quæsit. Post il-
lum *Galenus* simias, aliaque aperuit, ut & *Severinus*, *Aldro-*
vandus, *Castellus*, *Bronzeus*, *Panarolus*, & nos diversi generis
disle-

*Anatomie
subjectum.*

*Cur potissi-
mum de hu-
mano cor-
pore in A-
natomia a-
gatur?*

*Brutorum
dissectio ut
tilis Ana-
tomica, &
cur?*

dissecuimus. Ex vivorum Anatome *Asellius* venas lacteas, *Harvejus* & *Walaeus* sanguinis motum, invenerunt, *Pequetus* lacteas thoracicas, & nos vasâ lymphatica.

Diviso totius corporis. Porro, quia ob varias actiones corpus humanum non ex una & simili parte constat, verum pluribus; ideo sciendum corpus totum dividi (tanquam quantitativum seu integrale) in continentia, contenta, & imperum facientia, ex antiqua *Hippocratis* doctrina, hoc est, in partes solidas, humores & spiritus. Atque laxa hac ratione partes dicuntur omnes, quæ quantitatem habent, & totum complent, atque integrant, etiam ungues, pili, adeps, medulla. Strictè vero & propriè pars dicitur, quæ forma totius participat & vita; estque Anatomis tantum *solida*. Unde non male partem definit *Fernelius*: Corpus toti coherens, communique vita conjunctum, & ad functionem vel usum comparatum: *Galeno* vero pars est corpus toti quadantenus conjunctum, & aliqua ex parte propriam habens circumscriptionem. Summatim dicunt: partem propriè esse;

1. Quæ vivit, nutritur, nec aliam nutrit. Ita excludunt spiritus, humores, &c. item adipem, quæ quandoque abit in partis nutrimentum, & medullam ossium tanquam illorum alimentum.

2. Quæ solida est.

3. Quæ propriam habet circumscriptionem. Contrarium in adipe est, quæ terminatur figura partium circumjacentium.

4. Quæ toti continua, Mathematicè & Physicè, ratione materiæ & formæ simul.

5. Comparata ad functionem vel usum. Ubi excluduntur verrucæ, tumores, & alia præter naturam corpori viventi adnata.

Ut vero intelligatur, quid significant hîc *functio* & *usus*, breviter explicandum. *Actio* vel *functio* potest esse vel privata vel publica. *Privata* actio est qua partes sibi consulunt, *Publica* qua toti Animali. *Publica* Actio opposita usui, est actio partis præcipuæ in organo quod integram actionem absolvit. Habet enim quælibet in animantis corpore actio peculiarem particulam, teste *Galeno*, per quam perficitur. Exempli gratia: Cutis habet actionem privatam per se, ut alimenti attractionem, retentionem, &c. habet vero etiam publicam, pro toto animali, videlicet dignotionem qualitatum tactilium. Sic actio Hepatis vel cordis est sanguificatio, testium seminis elaboratio, mammarum lactificatio.

Quid per actionem partis intelligatur?

Quid per usum?

Usus vero est auxilium, quod partes minus præcipuæ, ut pars

pars præcipua functionem edat, conferunt, isque omnibus inest, etiam nihil agentibus ex *Galeno*. Ex tribus potissimum fontibus hauritur, & sunt

1. Propria ejus *temperies*, hoc est, Symmetria quatuor qualitatum. Exempli gratia, Cutis quoad qualitates primas est temperata, quæritur in quem usum? Resp. Ut dignoscat omnes qualitates tangibiles.

2. Quæ temperiem consequuntur, & sunt secundæ qualitates: durities, mollities, crassities, tenuitas, densitas, raritas, &c.

3. Quæ necessario accidunt, ut magnitudo, numerus, meatus vel cavitatis, figura, conformatio, connexio, situs, superficies. Verum nos in hisce institutionibus, in gratiam discen-
tium, cum aliis Anatomicis raro accuratum hoc discrimen inter actionem & usum servabimus; præsertim ad evitan-
dam tædiosam variarum rerum repetitionem.

Antequam vero ad partes divisionis, seu differentias, ac-
cedamus, tenenda summa quæstionis istius, *Quenam pars Quenam
prius generetur.* Sciendum secundum *Hippocratem*, partes *pars prius
omnes simul formari & discriminari, quemadmodum in cir- generetur?*
culo nec principium nec finis est. sed omnia simul princi-
pium atque finis. At non omnes partes simul perficiuntur &
exornantur; Verum 1. vena umbilicalis. 2. Hepar: postea Cor
(quod *Aristot.* primo generari voluit, Hepar vero *Galenus*)
tandem cerebrum. Umbilicalis ergo vena primo perficitur
& absolvitur ratione amplificationis sanguineæ, non ratio-
ne primæ constitutionis ex semine. Alii vero dicunt, ex se-
mine esse partium quasi stamen, ex sanguine subregimen;
putantes duo esse principia materialia partium corporis: se-
men & sanguinem. Quam sententiam refutavit, & ab-
undè explicavit in *Controversiis Anatomicis* Cl. Pater quæst.
11. De Part. earumque Fac. & Funct.

Atque ita vasa ante viscera ratione perfectionis gigni di-
cuntur. Et merito. Alias enim viscera nutriri non possent
absque instrumento hoc proportionato, vena, per quam san-
guis ad alendum defertur, ex antiqua hypothefi. Quemad-
modum enim ex nucleo, vel semine, in terram missò, primo
descendit in terram radix oblonga, postea aliæ radices se di-
fundunt in latitudinem ad superficiem terræ, ex quibus
postea truncus & rami; sic ex semine in uterum commissò
primo oritur vena umbilicalis, sanguinem excipiens ex pla-
centa uterina, ex qua umbilicali oritur vena portæ cum suis
radicibus.

Nunc ad divisiones seu differentias partium accedemus, *Partes quæ
quæ variæ esse possunt. triplices?*

Late sumendo *partes* nonnulli dividunt, ut quædam sine necessitatis, quemadmodum cor, Hepar, cerebrum, pulmo, ventriculus: quædam commoditatis, & vel magna, ut oculi & testes, vel minoris, ut ungues: quædam ornatus, ut coma & barba.

Sed nos dividimus partes præcipue ratione finis, vel ratione materiae.

Ratione finis.

Ratione finis dignioris aliae sunt principes, aliae minus principales, & ministræ.

Partes principales.

Principes sunt Hepar, Cor, Cerebrum, quæ aliarum partium principia sunt. Ut, ex cerebro nervi oriuntur (communi sententia) ex corde arteriæ, ex Hepate venæ. Addunt alii testiculos, sed nulla necessitate, quia ad Individui conservationem nihil conferunt, & sine illis generatio fit, ut exemplis docemus lib. 1. cap. 22.

Principium radicationis.

Intelligendum autem principium non radicationis seu originis; nam ita semen omnium partium est principium, sed dispensationis & distributionis; hoc est, quod à se emitit aliquod instrumentum, vim, & communem materiam. Sic à corde tanquam principio dispensationis oriuntur arteriæ, quia hæ à corde virtutem suscipiunt, ibique initium habere videntur. Ita de venis & nervis intellige cum suis principis. Ita ab ossibus oriuntur cartilagines, item ligamenta.

Principium dispensationis.

Partes ministræ.

Ministræ vel sunt necessariae, vel non.

Necessariæ sunt, sine quibus animal vel non vivit, vel male vivit. Sic inservit pulmo cordi; intestina ventriculo; ventriculus cordi, Hepati & lieni; Hepati vesicula fellis, porus biliaris, & vesica urinaria; cerebro sensum instrumenta omnia.

Non necessariae, ut caro simplex, &c. respectu aliarum partium: nam in tabidis absumitur, & in carnosus est oneri, eaque infecta privantur apud Aristotelem.

Ratione materiae.

Ratione materiae proximæ partes aliæ sunt simplices, ita, homogeneæ, sive similes; aliæ compositæ, heterogeneæ, seu dissimiles.

Pars similis, quid ea, & quotuplex?

Similaris pars est, quæ in similes sibi partes dividitur, ita, ut omnes particulae ejusdem sint cum toto substantiæ, ut quælibet pars carnis est caro, &c.

Tales partes similes ab aliis plures, ab aliis pauciores recensentur.

Λ

Aristoteles variis in locis has numerat: Sanguinem, pituitam, bilem, sanie, semen, lac, fel, pinguedinem, medullam, carnem, venas, arterias, nervos, fibras, membranas, cutim, ossa, cartilagines, pilos, ungues, cornua, pennas.

Averroës ex his quasdam omittit, & addit melancholiam, spiri-

spiritus, musculum, chordam, ligamentum, axungiam.

Galenus variis in locis has habet: os, cartilaginem, venam, arteriam, nervum, membranam, seu panniculum, fibræ, tendinem, ligamentum, unguem, cutim, pinguedinem, medullam, humorem vitreum & crystallinum, carnem musculorum & viscerum, cum propria substantia cerebri, ventriculi, intestinorum, uteri.

Archangelus omnes hæc hactenus ab aliis dictas retinet, & addit spiritus triplices, 4. humores alimentarios, item excrementitios, ut urinam in vesica, bilem flavam felleæ vesicæ, pituitam excrementitiæ, & omnia omnium coctionum excrementa, cuticulam, & internam cavitatum interiorum. Addit autem adhuc alias similes non vulgatas 17. propriam nimirum substantiam (remotis aliis partibus similibus venis, arteriis, &c.) cerebri, linguæ, pulmonis, cordis, jecoris, vesicæ biliaris, lienis, ventriculi, intestinorum, renum, ureterum, vesicæ urinariæ, uteri, penis, testium, musculorum, glandularum. Sed frustra cetera nova hæc adducit: Sub carne enim continentur fere omnia. Nam *Hippo-*

*Caro quod-
tuplex?*

Crati & *Galenus* alia est caro musculorum, alia viscerum, alia glandularum. At alibi *Galenus* triplicem proponit carnem. 1. in musculo, quæ *Veteribus* tantum caro vocatur. 2. *περίσχυμα* in jecore, corde, rene, &c. 3. tandem in ventriculo, vesica, venis. 4. in ossibus, sed improprie.

Unde quadruplex colligi potest Caro. 1. Musculosa, quæ *Galenus* sæpe Caro fibrosa dicitur, estque mollis & rubicunda, & proprie Caro dicitur. Atque *Hippocrati* sæpe Caro idem quod musculus. 2. Viscerosa vel viscerum. *Erasistrato* parenchyma seu affusio sanguinis, *Galenus* similis & simplex Caro, quæ viscerum vasa firmat, spatia inania replet, & actionem edit. 3. Membranosa, vel cujusque partis membranosa carnosa substantia, ut in œsophago, ventriculo, intestinis, utero, vesica. 4. Glandulosa, vel glandularum, quæ est 1. pro vasorum divisionibus firmandis. 2. pro humoribus

1.

2.

3.

4.

*Glandula-
rum usus* 1.

2.

3.

4.

superfluis, præsertim serosis quia spongiolæ & raræ sunt glandulæ, imbibendis: Unde vulgo dicuntur emunctoria: Capitis quidem, quæ in collo sunt: Cordis, quæ sub axillis: Hepatis, quæ in inguinibus. 3. pro partibus humectandis ad faciliorem motum, vel alias ad prohibendam siccitatem. Tales sunt ad linguam, laryngem, in oculorum angulis, &c. 4. ex principiis *Glissonii*, *Whartoni*, *Charletoni*, ut pars illarum succum nutritium nervis ministret, pars secreta eorum excipiat, & per lymphatica vasa in venas reducat, excrementa eorum foras exportet, adeoque omnes glandulas

las nervis inservire, glandulasque mesenterii & nostras lumborum esse præcipue nutritias. Quæ quidem pleraque nituntur hypothefi novæ de succo nervorum nutritio, de qua nos suo loco. *Galenus* 16. De Us. Part. c. 2. negat in glandulas nervos inferi. Distinguit ibidem duo glandularum genera, illas, quæ sunt velut stabilimentum divisionis vasorum, nullis nervis ad id indigere, quod neque sensum, neque motum voluntarium ad id postulent: glandulas vero ad succos alimenti utiles generandos, nervos habere communi partium ratione, sicut & venas & arterias. 5. *Malpighius* glandulas vel esse fontes pinguedinis, vel saltem medium propagationis ejusdem ex sententia *Folii* suspicatur. 6. *Stenonius* probabiliter statuit, glandulas cribra esse, hoc modo conformata, ut dum ex arteriis in venas per capillaria transit sanguis, liberatæ à sanguinearum amplexibus serosæ partes caloris vi per convenientes sibi poros expellantur in capillaria lymphaticorum, concurrente nervorum extremis venis affixorum directione, elicitò per sensuum perceptionem mentis imperio subjectâ. Quomodo appositè glandularum officium, in teri separatione seu lymphæ positum, explicatur. Cæterum quia in glandulis multum operæ & olei consumpserunt Recentiores, accuratorem glandularum naturalium *Whartono* duce addimus *Divisionem*. Vel enim ad individuum spectant, vel ad speciem. Illæ reperiuntur in *Abdomine*, nempe mesenterii, omenti, lumbares nostræ, succenturiatæ, pancreas, glandulæque vagæ: in *Thorace*, thymus & illæ pharyngis. Circa *Collum & palatum*, paria septem, duæ laryngis thyroideæ, jugulares numerosæ, parotides, series concatenatarum, maxillares externæ & internæ *salivales* dictæ, amygdalæ vel tonsillæ. In *Capite* conarion, plexus choroides, glandula pituitaria, carunculæ lacrymales. Circa *Artus*, sub axillis, in inguine, circa flexuras cubiti & genu, in musculo fasciali, & glandulæ concatenatæ ab auribus ad claviculas. Sunt præterea & aliæ, quas postea in loco signabimus. *He* vel *Maribus* propriæ, ut testes, epididymis, parastatæ, medulla deferentium glandulosa, vesiculæ seminales, caro glandosa corporum nervosorum, & glans penis: vel *Feminis*, ut testes fæminini, placenta uterina, alæ seu nymphæ, clitoris, carunculæ myrtiformes, & mammæ. Ratione *Conformationis* dividuntur à *Franc. Sylvio* in conglomeratas & conglobatas, quibus tertium addit genus, nempe renales, & quos hinc excipit, testes. Conglomeratæ sunt ex variis quasi partibus & minoribus glandulis conglomeratæ, & cum aliqua superficiei suæ inæqualitate conglu-

*Divisiones
glandularum, ex
Partibus.*

ex Conformatione.

conglutinatis exurgentes, ut Thymus, Pancreas, &c. Conglobatæ verò æqualem superficiem habentes, ex una quasi sibi continuata substantia conflatae sunt & conglobatae, quales sunt in mesenterio & lumbis, inguinibus, collo. Ita distinguere debere, doctrinae ratio suadet. Experimento id ipsum confirmat *Graefius*. Nam ablata membrana, qua tam conglobatae quam conglomeratae vestiuntur, & immisso tum per ductum pancreaticum & salivarem, item per singularum glandularum arterias, liquore aliquo, ope syringæ novæ, observat glandulas conglomeratas à se invicem recedere, non item conglobatas. Ratione *Vasorum* quoque & *Ufus* distinguuntur, laudato *Sylvio*. Conglobatae enim alterâ parte convexâ, lymphatica ut plurimum excipiunt, alterâ verò concavâ interius ex plurimis tenellis rivulis alia lymphatica ex se emittunt, quæ omnia lymphatica versus & ad communem ductum thoracicum propellant liquorem in se præparatum vel aliunde acceptum. Peculiare quoque his esse *Stenonius* noster & *Graefius* observarunt, quod in medio cavitatem habeant. Conglomeratis verò sola vasa lymphatica evehencia competunt, in peculiare cavitates suum liquorem immediatè deponentibus, v. g. salivales in oris cavitatem, pancreaticæ in intestinum tenue. Sed his missis regredimur ad partes.

Partes similes decem numerantur: Os, cartilago, ligamentum, membrana, fibra, nervus, arteria, vena, caro, cutis. Partium similium numerus.

Ex iis quædam sunt ad sensum tantum similes, ut venæ, arteriæ, nervi, (addunt alii musculus) aliæ simpliciter similes sunt. Venas, arterias, nervos, musculos, non esse revera simplices, recte docuit *Aristoteles*: Nam musculus constat carne, fibris, tendine: Nervi ex dura piaque matre & medulla: Arteriæ ex duplici differente tunica: Venæ ex tunica (fibris etiam secundum alios) & ostiolis sive valvulis. Simpliciter & verè similes sunt os, cartilago, ligamentum, membrana, fibra, caro, cutis. His alii addunt ureteres, auram aurium, &c. sed frustra. Nam 1. non sunt partes toti corpori communes, sed partibus quibusdam propriæ. 2. Auram aurium nihil est nisi spiritus insitus, qui ex partium solidarum nomenclatura excluditur.

Hic notandum, partes has omnes dici vulgo vel spermaticas, vel sanguineas, vel mixtas.

Spermatica, quæ ex semine factæ, & sunt octo priores enumeratæ; quæ si dissecantur, non regenerantur, nec verè uniri queunt; sed callo medio junguntur ob inopiam materię Pars spermatica quid?

teriæ & virtutis effectricis, quæ post conformationem partium sopitur.

Sanguinea quid? *Sanguineæ* seu carnosæ partes contra regenerantur, quia ex sanguine factæ putantur, ut caro.

Mista pars est cutis, de qua postea lib. 1. cap. 2.

Etenim semen & sanguis communiter statuuntur duo principia generalia generationis nostræ: ira, ut in semine sit principium materiale paucissimum, effectivum plurimum. In sanguine materiale plurimum, efficiens vero imbecillius. Ex semine prima partium rudimenta & filamenta tanquam stamina constitui dicuntur; ex sanguinis adfluxu subtegmen: Sed quidnam revera statuendum sit contra vulgatam hanc opinionem, docetur in *Controversiis Anatomicis C. Bartholini Patris*. Dicendum enim potius, ex solo semine partes primo constari, tanquam materia ex qua: sanguinem vero maternum conferre ad partes nutriendas, augendas & amplificandas. Cutis in proportionem ad reliquas partes mediocrem portionem seminis adepta est, nec adeo copiosam ut spermaticæ, nec adeo exiguam ut sanguineæ.

Pars dissimilaris quid? *Partes compositæ* seu *dissimilares* sunt, quæ in partes dissimiles plures dividi possunt, ut manus non secari potest in alias manus, sed in ossa, musculos, venas, &c. *Dissimilares* Philosopho dicuntur membra: alioquin partes *organicæ* vulgo dicuntur seu instrumentales.

Organicæ partes. In quovis autem organo quatuor ut plurimum sunt partium genera. Exempli gratia, in oculo 1. est pars, per quam fit actio, nempe visio, ut humor crystallinus. 2. Sine qua non fit, ut nervus opticus. 3. Per quam melius fit, ut tunica & musculi oculorum. 4. Per quam conservatur actio, ut palpebræ, &c.

Quia vero magis vel minus compositæ sunt dissimiles, dividuntur in 4. gradus seu ordines.

1. Sunt similes ad sensum, ut musculus, vena, arteria. 2. Ex his constant & reliquis similaribus, ut digitus. 3. Ex secundis componuntur, ut manus, pes, &c. 4. Ex tertiis, ut brachium.

Tandem in maxima sua membra dividitur corpus, aliis in caput, thoracem, ventrem & vesicam; aliis, ut *Aristoteli*, *Ruffo* & *Oribasio* in caput, collum, thoracem (sub quo etiam inum ventrem complexi sunt) unde Hepar in Thorace *Hippocrates* collocavit. manus & crura. Sed rectius aliis in *Ventres* & *Artus*.

Commodissima divisio totius. Ventres sunt insignes cavitates, in quibus nobile aliquod est viscus: & quemadmodum tria sunt principalia membra,

bra, sic tres ventres: *Infimus*, vulgo abdomen, Hepar continet, & partes naturales. *Medius*, seu thorax, cor, & partes vitales. *Supremus*, seu caput, cerebrum, & partes animales. *Artus*, qui melioris vitæ causa sunt dati, sunt manus & pedes.

Atque ita quatuor libros faciemus: 1. De ventre imo. 2. De cavitate media. 3. De suprema, sive capite. 4. De artubus. His respondebunt quatuor alii libelli: *Primus*, de venis, quæ ab Hepate in cavitate ima oriuntur. *Secundus*, de arteriis, quæ à corde prodeunt in cavitate media. *Tertius*, de nervis, qui à cerebro prodire communiter statuuntur. *Quartus*, de ossibus, quæ maximam partem in artubus reperiuntur: & sicuti ossa conjuncta compagem constituunt, quasi totum aliquod corpus: sic etiam venæ, arteriæ & nervi.

Aliam divisionem corporis reperire licet apud *Fernelium*, cujus tamen usus non est nisi in Medicina. Dividit corpus in *Regiones publicas & privatas*.

Privatas vocat cerebrum, pulmones, renes, uterum, &c.

Publicas seu communes facit tres in totum corpus extensas. 1. Habet venam portæ, & partes omnes, quibus ejus rami prospiciunt. 2. Incipit à radicibus cavæ, & terminatur in tenues venas, antequam in capillares desinant. 3. Habet musculos, ossa & corporis molem desinentem in cutem.


Primam regionem præcipuè purgamus per intestina; secundam per vias urinarias; tertiam per cutis spiracula.

FIGURÆ EXPLICATIO.

Hæc Tabula hominis viventis effigiem exhibet, in quo tum abdominis partes externæ, tum conspicuæ sub cutē venæ à Chirurgis incidi solitæ, locusque inurendorum fonticulorum repræsentantur.

- A. Hypochondrium.
- B. Epigastrium.
- CC. Hypogastrium.
- D. Ilia.
- EE. Inguina.
- F. Pubis regio.
- G. Umbilicus.
- H. Scrobiculus cordis.
- I. Jugulum.
- K. Vena frontis.
- L. Vena temporum.
- M. Vena jugularis.
- N. Vena cephalica.
- O. Vena basilica.
- P. Vena mediana seu communis.
- Q. Vena cephalica manus sinistra.
- R. Salvatella.
- SSSS. Vena saphæna descendens.
- T. Vena saphæna in ipso pede.
- V. Vena schiatica.
- XX. Locus fonticulorum in brachio & crure.





ANATOMIÆ

BARTHOLINIANÆ

LIBER I.

DE INFIMO VENTRE.



ETHODO sectionis hic venter præmittitur, cuius anatome omnium primo instituitur, ut citius removeatur sentina excrementorum, & putredo à cadavere exulet. Ratione œconomix corporis, ab ore initium capit *Jo. van*

Ratio ordinis. Cur sectionis initium fiat ab imo ventris?

Horne in *μικροσκόπῳ*. Alii à dorso. Sic quilibet instituti sui rationes sequitur. *Fernelius*, *Lindanus*, *Schenckius* quoque ab organis chylicationis Physiologiam Medicam ordiuntur. *Rolfinck* Syntheticam Methodum eligit. Nos Analyticam.

Est autem totum id, quod intus diaphragmate à thorace distinguitur; circumscribitur à cartilagine ensiformi, ossibus pubis, coxendicis, & sacro, lumborum vertebra, & utrimque costis nothis. *σχίζω* & *νόθος*:

Imus venter quid?

Pars ejus anterior dicitur *epigastrium*, quod stomacho cum proximis intestinis circumvolvitur. *Arabibus* *صراق*

Vide Tab. I. lib. I.

mirach, quod in genere de abdomine usurpatur; in specie sumitur pro rugis ventris ab uteri gestatione relictis, & de cute supra ventrem aggregata, teste *Giggejo*.

Et hujus quidem pars superior lateralis *hypochondrium* dicitur, Cartilaginibus inferioribus costarum vicinum; quod dextrum vel sinistrum, alias *φρένες* & præcordia, quod negat *Riolanus* ulla auctoritate probari posse, nisi *Bauhini*. Sed *Celsus* usitata hoc sensu vox, qua etiam *Fernelius*, *Laurentius*, *Manardus* usi sunt, ut alios taceam. Notat vero *Lindanus*, *hypochondria* prominula esse præcordia depressa & notabiliter cava.

Imi ventris partes, & earum appellationes.

Media regio *umbilicalis* dicitur, cuius duas partes laterales vocat *Aristoteles* *λαγόνες* à laxitate, *Galenus* *καεῖνες*, inania.

Inferior, quæ est ab umbilico ad pubem, dicitur *hypogastrium*, præeuntibus *Hippocrate*, *Galeno*, *Ruffo*, *Polluce*. imus venter Latinis, & *aqualiculus*. Hujus partes laterales *Ilia* dicuntur, in femoris vero flexu ad pubem *inguina*: *pubes* autem pars est supra pudenda proxima, quæ lanugine seu pilis tegitur.

Pars

Pars infimi ventris posterior, vel est superior, quæ *lumbos* constituit: vel inferior, quæ *nates*.

Ceterum constat hic venter ex partibus integumentis & testis, hoc est, *exterioribus & interioribus*.

Vestientes seu continentes (quas abdomen proprie vocant) vel communes sunt, ut cuticula, cutis, pinguedo cum sua membrana, panniculus carnosus, & tunica cuius musculo propria; vel propriæ, suntque musculi abdominis & peritonæum.

Partes omnes in hoc primo libro examinanda. Partes interiores seu *contenta*, vel ad *nutritionem* faciunt, vel ad *procreationem*.

Ad *nutritionem*, vel ad *χύλωσιν* quocunque modo faciunt, ut ventriculus, omentum, pancreas, intestina cum mesenterio, lacteæque venæ cum Receptaculo, & lymphatica vasa: vel ad *αἱμώτευσιν* quovis modo, ut venæ meseraicæ, venæ portæ cum radicibus, cava cum radicibus, Hepar, vesica biliaria, porus biliaris, lien cum vase brevi & hæmorrhoidalibus, arteria cœliaca, renes, capsulæ atrabiliarie, ureteres, vesica.

Ad *generationem* quæ faciunt, vel sunt viriles vel muliebres: Viriles, ut vasa spermatica, corpora varicosa seu parastatæ, testes, vasa deferentia, prostata, vesicæ seminarie, penis, &c. Muliebres, ut vasa spermatica, corpus varicosum & testes, vasa ejaculatoria, uterus cum suis partibus, &c.

Cum vero in utero est homo, alia adhuc considerata sunt, ut vasa umbilicalia, tunicae fœtum involventes, &c. de quibus suo loco.

CAP. I.

DE CUTICULA.

*Cuticula
quid?*

*Vide tab. 2.
lib. I.*

*Materia
cuticulæ an
semen?*

*An san-
guis?*

Cuticula, Græce *ἐπιδερμὶς*, aliis summa vel ultima cutis, item cutis efflorescentia, cutis operculum &c. est pellicula, vitæ sensusque expers, tenuis, densa, ex sanguis, è vaporibus oleosis, crassis, & viscidis, à frigiditate externa condensatis, ad tegendam cutim.

Materia ex qua cuticulæ non est semen, nam 1. Non est pars corporis. 2. Non nutritur. 3. Pars spermatica ablata non regeneratur, at cuticula facile deperditur affricu vel attritu, aut per vesiculas ab igne, aqua fervente, &c.

Neque ex sanguine materia est, nam 1. Omnes venæ in vel intra cutim terminantur. 2. Non habet fibras spermaticas, ex quibus omnis pars sanguinea firmamentum habet.

3. In

3. In morbis diuturnis & tabe sæpe crassescit. 4. Incisa vel dilacerata non emittit sanguinem. 5. Non rubet, &c.

Neque ex excrementis alicujus coctionis materiam habet cuticula. Non ex primæ coctionis excrementis, aut secundæ; quia ex fæcibus, urina, vel bile, quomodo fieret? neque ex tertiæ. Tertia enim coctio triplex habet excrementum.

1. Halituosum & tenue, quod expirat. 2. Tenue quidem sed magis solidum, aqueum, ut sunt ichores, humores serosi, qui acrimonia & acerbitate potius impedirent generationem cuticulæ, aut natam eroderent. 3. Crassum, tenacius, strigmentorum instar adhærens, quod exsiccari & in cuticulam verti putant *Archangelus & Laurentius*, & monstrant ex foridibus, quæ ex pedum plantis in balneo abradiuntur. Atqui hoc modo in balneis cuticula decederet.

An excrementum coctionis?

Refutantur Archangelus & Laurentius.

Ergo materia est aliud excrementum, nempe vapor oleosus, crassius, lentus, & humidus (nam ex siccis halitibus firpilus) ex cute & membris subditis. Sic videmus in pulte cuticulam superius fieri ex vaporibus ascendentibus, & per frigus condensatis.

Vera materia Cuticulæ.

Genita vero est cuticula partim in utero cum cute, partim extra. Intra, nam 1. Sic etiam rudimenta & initia adsunt dentium, pilorum, unguium, in fœtu. 2. Absque cuticula maderet cutis, & exsudaret humor cum dolore, ut in intertrigine, & phœnigmis. 3. Experientia ostendit cuticulam in abortu nonnihil conspicuam, & vi cujusdam humiditatis abradentis separari potest. Sed adhuc in utero est tenellula, mollior, & inchoationem duntaxat accepit: quia ibi non tanta frigiditas est, sed minor, videlicet ex serosa humiditate fœtum ambiente. Verum extra uterum complementum accipit, & perfectionem à frigiditate aëris, quæ magis condensat, exsiccaturque, quæ causa est quod cutis omnium infantum initio rubere videatur. Hinc facile apparet, quid dicendum ad argumenta *Higbini* ex fœtus cuticula & locis calidioribus, ubi cuticulam crescere scribit, deprompta, ut nobis persuadeat non à frigore condensari, sed in fœtus formatione à particulis seminis, ut alias partes in utero formari, à particulis cognatis postea nutriri & novam generari cum continuitas ejus solvitur.

Efficiens ergo remota & interna est calor internus, vaporem protrudens ad superficiem corporis, quemadmodum calore solis fiunt exhalationes. Proxima & externa est frigiditas alicujus corporis, ut aëris, &c. cogens atque densans. Sic puls, fervidum lac, ferculaque alia calida, cuticulam nascuntur, aliquando etiam ambientis siccitas, externi

Causa efficiens.

terni humoris absorptione, materiæque reliquæ adstrictione. Vapor autem iste quo terrestrior & viscosior est, eo solidius quod inde generatur.

*Ufus cuti-
culæ.*

Ufus est tueri cutim. Propterea non nihil *dura* est, *tenuissima* tamen & perspicua, quemadmodum ceparum tunica pellucidæ, ne, si crassior, esset, cutis non recte sentiret. *Callosa* tamen *aliquando* ob labores in pedibus & manibus.

Densa est & cute compactior. Unde pustulæ aquosæ cutim transeunt, non cuticulam. Non tamen nimis densa, ne prohibeat corporis transpirationem. Patentia enim sudoris ora per medium dorsi rugarum in vola manus microscopio observavit *Malpighius*, & ubi sudoris excretoria vasa hiant in abrafa cuticula versus cutem, *convexam* quandam *pelliculam* interiora versus extendi, cucurbitæ similem, ad præstandum forsan *valvula* ministerium, ut interdum tensa detineat sudorem & laxata exitum permittat. Et densa quidem est cuticula non tantum ad tuendas partes subjectas, verum etiam ne nimius effluxus fiat vaporis, sanguinis, spirituum & caloris. Nam est operculum osculorum & extremitatum vasorum. Quare non sine agritudine vivunt qui sine cuticula hac nascuntur, quod in *Ludovico Bohemiæ & Hungariæ Rege* verum fuit qui etiamnum puer canus evasit.

*Cuticula
color.*

Colore candido est, ideoque *frigida & sicca temperie*, & plane *exsanguis*. Dilacerata enim vel incisa nihil ex se cruoris emittit. Neque sanguine nutritur, quod voluere *Laurenbergius* & *Sperlinger*, quia non attractione propria alimenti intrinsecus nutritur, sed accessione partis, vapore in similem cuticulæ naturam concrecente, ut recte disputat *Casseri*. *Æthiopibus* nigra est, subjecta vero cutis non item. Nigredinem autem cuticulæ in *Æthiopibus* à subiecto mucoso & reticulari corpore accersit *Malpighius*.

Numerus.

Numerus etiam in accidentibus spectatur. Est autem numero una; semel tantum duplex iuventa est, & quidem ab *Aquapendente*. Una poris cutis tenaciter immersa & inseparabiliter affixa; altera separabilis sine cutis offensione. Quod in quibusdam tantum, non omnibus corporis locis contingit. Geminatam quoque applicatis vesicatoriisprehendit *Laurenbergius*; sed rarum id, ad cutem enim penetrare vesicatoria, humor exstillans docet & dolor. In calis quidem multæ sunt, quarum curationem & generationem tradidit *Fallop*.

Connexio.

Connexio hæc est; ut ita arte cohareat cuti, homine vivo, ac si continua esset. Sæpe tamen præter naturam instar exuviarum serpentis deponitur, quod de se *Felix Platerus* testa-

testatur, & in febribus ardentibus variolisque contingit. De causa exuviarum serpentis, erucæ, &c. vid. *Senguerdii Exerc. Phys.* In Podagricis observavit *Salmuth*, in tertiana intermittente, aliisque. In demortuis candela vel ferventi aqua separatur: in vivis Phœnigmis. In glande non cuti, sed carni adheret, ubi idcirco non cuticulam esse, sed cutem tantum tenuissimam judicat *Riolanus*.

CAP. II.

DE CUTI.

Cutis, Græce *Δέρμα* quasi *Δέρμα* vinculum, est integumentum corporis commune; vel membrana, temperata, ex semine, à propria facultate, genita, ut sit tactus instrumentum, & ad subjectarum partium tutelam.

Dicitur *membrana*, quod intelligendum non simpliciter, sed ut membrana sit sui juris & proprii temperamentum. Male *Refutatur* ergo simpliciter *Piccolhomineus* voluit cutim esse simpliciter membranam; Cutis enim crassior est, & habet substantiam propriam, estque temperata. *Piccolhomineus.*

Lindano substantia cutis reapse gemina est: exterior nervea, interior carnea. Utriusque simile in cortice mali aurantii cerni. Hinc in ulcere cutaneo mundificato incarnari citius partem, difficilius cicatrizar, quia cutis interior est pars sanguinea, exterior spermatica. *Nicol. Massa* duplicem quoque olim credidit, internam candidam & mollem, externam duriolem. Illam glutinosam, hanc spermaticam vocat *Spigelius*. Glutinosam quoque cutis carneam partem, albam fibrosam appellat *Rolfinckius*. Ex accidenti id fieri existimat *Riolanus*, quia cutis crassities in plures cortices secatur. Et *Jo. Th. Schenckius* recte negat ex se carnosam esse, nisi qua parte à carnoso panniculo mantellum accipit.

Aliorum autem sententia est, *Materiam* esse semen & sanguinem, probe invicem mista, ut cutis habeat mediam naturam inter carnem & nervum. Unde *Galenus* ait, quod sit quasi nervus sanguine præditus: non ait simpliciter, ex carne & nervo, sed cum particula *quasi*. Nam & membranæ eam assimilât, quia alicubi extendi potest, sentit exquisitè, albi-
Materia cutis quæ Galeno.

Aristoteles ex carne exsiccata & quasi senescente cutim constare voluit. Atqui cutis deglubitur facile à subjectis partibus, & inter carnem & cutim est pinguedo, membrana, &c. ad quam opinionem *Fernelius* accessit, quando cu-

tim faciei subjectæ carnis portionem quandam siccio rem dixit, in quo & reprehendendus ipse, quia 1. Separari à carne possit. 2. Cicatrices aliorum more admittat.

Aliis.

Alii ex extremitatibus vasorum dilatatis, eo quod ubique vivat & sentiat, & in eam vasorum extrema desinant: Verum hoc de omnibus partibus dici potest.

Alii ex nervis mollioribus in superficie corporis expansis, concurrente sanguinis additione: Verum hæc opinio ejusdem cum priori valoris est.

*Materia
vera cutis.*

Ergo ex semine in quantitate moderata accepto constat cutis: & pro ampliacione moderatum sanguinem accipit: videtur tamen superare semen. Nam albicat cutis naturaliter: licet pro subjectorum corporum & humorum copia variet. Nam qualis humor, talis color in cute efflorescit. Sic Sanguinei rubent. Isterici flavescent vel nigricant. Quorum exempla videantur apud *Marcellum Donatum*, aliofque. Caro, si subjacet, citius rubet: si pinguedo, albicat.

*Cicatrix
quid?*

Ad semen respiciunt autores, quando ajunt cutim vulneratam non coïre. Ratione sanguinis simile quid cuti fit cicatrix: estque ex carne exusta & quasi exsiccata. In pueris tamen propter cutis tum humiditatem, tum humoris glutinosi copiam, observata est vulneris per veram cutem consolidatio, *Spigelio* teste.

*Efficiens
cutis.*

Quamobrem cutis cum sit quasi ex membranosa (frigida & sicca) & carnosa (calida & humida) substantia, temperata erit in omnibus qualitatibus primis & secundis, ut recte judicet de omnibus.

*An ex fi-
bris?*

Efficiens est propria vis cutis generatrix, nempe cutifica, quemadmodum in osse est ossifica, in nervo nervifica, &c. Vis illa exstruens partem similem diversam à reliquis similaribus. Quomodo autem ex eadem materia seminali efficiat nervos, ossa, &c. vis est occulta & quasi divina.

*An ex fi-
bris?* *Stenonis* judicio maxima cutis pars ex fibris arteriarum, venarum, nervorum & tendinum, contexta est. Tendines cuti insertos ex cute canis *Carchariæ*. Sic quoque in humano corpore abdominis muscoli plurimos tendines cuti habeant continuatos, præcipue in illa parte lineæ albæ quæ supra umbilicum est: idem quoque à lateribus lineæ albæ conspici monet, si ad aliquot digitorum à medio distantiam cutis dissecetur sectione parallela, cutisque una cum substrata pinguedine à subjectis musculis separetur. In cubito idem observari, ubi versus omnes partes distributæ fibræ tendinosæ cuti inferuntur, relicto spatio in sui medio, quo cuti minus adhærent. Ita palmarem in manu & pede plantarem, aliofque

que qui cuti altera extremitate continuantur, panniculi car-
nosi nomine vulgo exprimi. Cutim constare ex vena, arte-
ria & nervo *Autori de Anat. Viv. Columbo, Jac. Sylvio visum,*
quia illuc vasa illa confluunt & desinunt, *Furlani conje-*
ctura.

Actio publica cutis & toti animali necessaria est: esse ta- *Cutis actio:*
ctus instrumentum primarium, non adæquatum, mem-
brana enim omnis est adæquatum organum, ut in ossibus,
nervis, ventriculo, &c. videre licet. Nam licet organa sen-
sus omnia sint partes dissimilares, tamen una similis est
primaria causa actionis, à toto organo edendæ. Exempli
gratia: manus est quidem organum tactus, at maxime ea
pars cutis, quæ volas manuum & pedum investit, quippe
temperatissima. Et quia cutis in qualitatibus primis est tem-
perata; ideo etiam in secundis, ut mollitie, duritie, crassi-
tie, tenuitate, &c.

In membranis verò præcipue *fibrilla* nervorum sensum *Fibrilla*
tactus obeunt, ex quibus ferè constant. Hinc non malè *Car-*
tesii filamenta nervorum organum sensus vocat, quæ variè
ab objectis mota sensum cerebro imprimunt. Sed abutitur
suo ingenio, quando membranas asserit, quæ tegunt nervos
& partes, non esse magis sensus tactus organon, quam chi-
rothecæ quibus corpus contractamus. Neque enim chiro-
thecæ partibus coherant, aut fibris suis interioribus respon-
dent.

Ad cutis fabricam, tactusque rationem explicandam no-
va confert observatio *Malpighii*, quam compendio referam.
Post cuticulam sese illi obtulit *reticulare corpus*, cujus cre-
bris foraminibus continentur non solum *sudoris vascula*, sed
innumera penè *pyramidales papille*: hæ emergunt à subjecta *Papilla cu-*
cute, sub protractis enim singulis rugis, quæ in cuticula & *tis.*
reti protuberant, bini *papillarum ordines paralleli* per lon-
gum ducuntur, in quorum medio dispersa locantur sudoris
vasa. Hæ papillæ è cute erumpentes tandem in cuticulam
desinunt, & singulæ in plures veluti *fibrillas* dividi videntur.
Has papillas esse adæquatum tactus organum, quia nerveæ
sunt portiones, quæ afficiuntur etiam in dolore. Cutem verò
totam exsiccata ex *fibris* infinitis per longum & oblique cir-
cumductis constare microscopio apparet, easque esse ner-
vorum propagines, quos in cutem dispergi *Vesalius, Sylvius,*
Veslingius, Willisius, alique notarunt.

Usus cutis primus est, ut sit corporis tegumentum, ideo *Usus cutis.*
figuram accepit ita rotundam, longam, &c. prout partes
subjectæ requirunt, ideo etiam foris *sita* est, & quia emun-

2. Storium quasi corporis esse debet. *Alium* cutis lineatæ usum commendant Physiognomici, qui in manu ex lineis & colliculis, in fronte ex lineis Planetariis & adventitiis hominis fata præfagiunt, imprimis quæ ab interiorum viscerum constitutione dependent. His enim singulis singulas lineas in vola manus respondere, vero chiromantiæ fundamento fuisse deduxit *de la Chambre*. Tertius usus est Medicus. Accommodata emplastris anodynis; exsiccata, parturientibus succurrit, convulsionibus Epilepticis experimento *Hildani* & *Beckeri*, vulneribus cranii, teste *Poppio*. Quartus illustrior, ut exitum det excrementis, & fuligines excludat insensibili perspiratione, quâ magis sublevamur quam omnibus sensibilibus simul unitis. Per hanc ex arte Statica *Sanctorius* triginta annorum experientia deprehendit, pluribus unica die naturali tantum evacuari quantum per alvum quindecim dierum cursu. Quintus, Attrahere 1. Aërem in transpiratione in Apoplecticis, hysteris, urinatoribus. 2. Succum in longa inedia ex impositis emplastris, si observationibus *Zacuti Lusitani* credimus, & vim purgantium aliorumque medicamentorum exteriorum. Hinc
- 3.
- 4.
- 5.

Cutis foramina.

Perforata est variis in locis, ad introitum & exitum necessariorum. Sunt autem ejus foramina alia conspicua, ut os, aures, nares, &c. numero 30. ex computo *Laurenbergii*, si unguum loca simul numerentur: alia inconspicua & insensibilia, ut pori. Pori illi corporis, alias inconspicui, hyberno tempore conspiciuntur, cum corpus derepente denudatur, tum enim cuticula anseris deplumati cutim æmuletur. Ab his poris videtur fuisse, quod humana cute pro fenestris uti quidam Persarum Rex potuerit, si fides *Oribasio*.

Sudorum foramina.

Per eosdem poros cutis laxatos sanguinem & arenulas excretas observavimus in *Hist. Rar. Anat.* quos adeo patulos in struma vidit *Lindanus*, ut non tantum granum hordei potuerit imponi, sed pisum album, rubrum & summum digiti minimi. Præter naturam ita dilatantur. Calore quoque ampliantur in sudoribus. Unde hauriant sudores olim vidit *Galenus* 1. Simpl. Fac. 12. per arterias nempe & venas osculis in poros cutis hiantibus. Arterias solas nos eligimus, & Lymphatica vasa addimus, quæ vel lympham per tunicarum subtilitatem emittunt, cutis poris vicinam, vel arteriis indunt. Ita *Hippocrates* in Epid. sudorem guttatim effluere indicat velut per aqueductus. Hinc ejusmodi sudores hydatides nonnunquam in cute excipiunt, pustulasque tales aqueas per universum corpus efflorescentes post pruritum passus est *Jo. Theod. Schenckius*. Sed propius rem tangens

Steno-

Stenonius, mediantibus glandulis lympham hanc ex arteriis ad poros deducit. Cutim enim habere *vasa excretoria lymphatica* à glandulis oriunda, ad quæ materia per transpirationem exhalans per arterias deportetur & per lymphatica expellatur. Observavit idem singulis *poris* suam *glandulam* subjacere, quæ vel major est in ægris vel minor in sanis. Major est in iis qui sudant multum & sæpe. Ad has *glandulas pororum* miliares per transversum excurrentes nervus hiat, *Malpighio* notante, imò ipsæ arteriæ. Ex minimis his glandulis excernitur per totum sudor, ut madidæ fortè *papille* (tactus organon *Malpighio*) nervæ reddantur, ne arescant, & ne callo quodam ex assiduo usu tententur. Unde in locis exquisito tactu pollentibus plurimus sudor erumpit, ut in plantis pedum & manuum volis, sub axillis, &c.

Pori interiores partium quoque considerandi, quibus membranæ interiores, vasa & viscera abundant, ut recte ex *Hippocrate* corpus sit *ὑμμερροειδές*, & citò vapores sursum deorsumque commeant, in subitâ virium refectione, in purgationibus, in vaporum malignorum communicatione. Per hos poros partium sanguinem quoque transire, ex suspensis demonstrat *Harveius*, quia rubent facie, postea soluta ligatura detumescunt; unde suam circulationem sine anastomosibus ex arteriis ad venas per carnes derivat. Quod terti humores vesicæ immissi ligamento munitæ, odore nares non feriant, nec abscessus cordis in juvene lipothymiam intulerit, quod objicit *Lowerus*, quanquam cotidiana exempla noxiorum vaporum ex utero, abscessibus, hypochondriis ad cor cerebrumque elevatorum aliud doceant, ex pororum diversa fabrica & figura causam elicimus.

Poros namque singulares diversosque *forma & magnitudine* in singulis partibus ingeniose fingit *Cartesius*, sicut in cribris perforatis, quorum diversitas facit, ut hic vel ille humor perlabi possit vel impediri. Sunt certe varietates hæ pororum percommoda ad multa phænomena explicanda. Nec tantum pororum est tanta varietas, sed corporum quæ poros transire debent. Pro figura enim varia rerum, similes pori aptantur, si liber utrinque com meatus est. Sphærici pori sphærica corpora, tringulares triangularia, cubici cubica, & ita porro admittunt. Neque ullus utrinque transitus possibilis, si sphærica corpora per triangulares poros viam tentent, aut versa vice. Sic non quivis vapores ad cor cerebrumque penetrant per quoslibet poros. Sicut vesicam suillam vel agninam inflatam aër non pervadit, propter aëris

figuram poris vesicæ minus convenientem, aqua facilè simili figura prædita, quam in vesica. aquæ immersa, invenimus. Testatur *Boyleus* Exp. 36. per poros vesicæ non aërem, sed tantum aquæ transcolari, quantum ad salem Alcalizatum in liquorem solvendum sufficit. Particulas aëris, quasi *ramosis* expansas impedire transitum per foraminula, per quæ aquæ particulae non *ramose* possunt elabi, scribit *Deusingius*, eodemque modo impeditum aërem ramosum in corpore flatus excitare. Multa alia ex pororum figura solvuntur problemata. Cibi suis poris præditi inutiles sunt stomacho, si saliva alterius figure penetrare eos nequeat. Humores contra nutritii partibus nostris facile agglutinantur, si in poros idoneos inciderint, quod etiam *Lorverus* prævidit. Causam hinc repetit *Pecquetus*, cur pervia bili demeacula, serum & sanguinem excludant, nec bili vicissim pateant, quæ serum solent admittere, alia enim esse quadrata, alia triangularia. Bilis quoque diversam à sero esse figuram. Quomodo sanguis & serum in renibus separentur, suisque singula meatibus excipiantur, ex varia configuratione meatuum probat *Jo. Alph. Borellus*, plurimis enim experimentis comprobari, poros angustissimos à rebus subtilioribus non penetrari, licet ipsos crassiora pervadant: rursusque à poris satis patentibus & laxis, subtilia non admitti, quamvis minus tenuia introducantur. Alia qui de poris volet, consulat fratris *Erasmi Bartholini* Dissertationem.

*Crassities
cutis.*

Crassa est cutis & sextuplo cuticula crassior, sed tenuior quam in aliis animalibus, neque aliquis è cute in corium apparatus de cutis crassitie judicet, apparatu enim eo corrugatur plurimum & incrassatur. Et levior fieri videtur, ita enim apparatus ex observatione *Loselii* pendet libras mercatorias quatuor cum dimidia. *Mollis* & exquisite sentiens, sed mollior & rarior in facie, pene & scroto; durior in cervice, cruribus, plantis pedum, dorso: media in duritie & mollitie est in digitorum apicibus. Sic quædam cutis est crassissima, ut in capite (teste *Aristotele*, quem falso citat *Columbus*.) quædam crassa, ut in collo; quædam tenuis, ut in lateribus, unde titillatio; quædam tenuior, ut in vola manus; tenuissima in labiis. In pueris tenuior & porosior quam adultis, in sceminis quoque quam viris; in calida regione quam in frigida. Æstivo quoque quam hyberno tempore cutis rarior; quo fit ut animalium pelles æstate excoariate difficiliter pilos quam hyeme contineant. Variat quoque plurimum pro diversitate subjecti; unde in nonnullis densitatis & crassitiei admirandæ, si credimus *Petro Servio*,
adeo

adeo ut ea innoxie carbones igneos atrectare, gestare, continere & propemodum extinguere duæ Æthiopissæ potuerint. *Fallopianus* vidit in homine præpingui ita incrassatum corium, ut sensum amiserit, ratione nimix nervorum impactionis. In hippiatro vidi callum in manibus crassitie nucem juglandem æquasse.

Connexio. Quædam cutis à subjectis partibus facile separatur, ut in ventre inferiore & medio, brachiis & cruribus. *Veslingio* inhæret subjectæ pinguedini laxius, ut alicubi incisa statu ab ea deduci queat, barbaro in curandis leprosis apud Orientales experimento. Ab aliis difficulter, ob membranam carnosam, cui nectitur fibris & vasorum beneficio. In plantis pedum & volis manuum vix separatur, quibus connascitur ad firmiorem apprehensionem. Vix etiam à carne frontis & totius fere faciei, maxime aurium & labiorum, ob tendines & musculos, maxime eum, qui latus dicitur, commistos. Sic in fronte mobilis est, & in occipitio quorundam, propter peculiare musculos, in reliquo corpore non item, nisi in animalibus, ob panniculum carnosum subjectum, vel propter villos, quos musculorum instar plures attribuit *Higlmorus*.

Cutis *vasa* communia accepit pro nutritione, vita & sensu. *Venas* cutaneas accepit duas per caput & collum à jugularibus, duas per brachia, thoracem & dorsum, ab axillaribus. Ab inguinibus duas, per infimum ventrem, lumbos & pedes: in foeminis à partu difficili, in varicosis multis ramis conspicuas. *Arterias* paucas easque exiles, ad tempora & frontem, digitos, scrotum & penem sitas. Plures tamen concedit *Lindanus*, quia per has, ex *Galeno*, fit insensibilis transpiratio, addo, sudorum rivos. *Hofmannus* præterea monet, in inflammationibus cutaneis, & in febrium paroxysmis, pulsationem in nulla non particula sentiri. *Nervos* per eam repentes nullos, sed plurimos in eam desinentes, recipit, ut *Galeno* visum: quanquam ramulos exiles per eam currentes statuatur *Joh. Veslingius* summus Patavinorum Anatomicus; & rectè, illorum enim præsentia ad sensum necessaria, & fibrillas cutis hinc derivandas, nuper dictum.

C A P. III.

DE PINGUEDINE.

Pinguedo est corpus simile, vitæ expers, ex sanguine unctuosum, in membranarum frigiditate, concrefcens, ad totius

tius tutamen. Vitæ esse expertem, sectiones indolentes restantur, & absorptiones. *Plinius* idcirco suos spirantes à muribus scripsit arrodì; & apud *Ælium* Dionysius Tyrannus dormiens, neque acubus poterat excitari, ob nimiam pinguedinem. Ex balænis quoque in Groenlandia sine sensu ullo doloris adeps insciis excinditur.

*Discrimen
inter pin-
guedinem
& adipem.*

Pinguedo, Græce *πικρὴ*, à *Gaza* male vertitur *adeps*: Pinguedo enim est aërea, calida, & humida humidiorum animalium, & calore facilius funditur, difficulter cogitur rursus, sed nec frangi potest, & mollis, laxa, & rara: Contrarium vero intellige in sevo, quod prompte coit, solvitur difficulter, &c.

*Non est
pars.*

Est autem pinguedo proprie loquendo, non pars, sed potius humor, nisi forte una cum membrana consideratur, ut sæpe fit à *Galeno*. Fibris villisque membranosis muniri docet *Veslingius*, ex qua membrana adiposa, quam solo habitu à panniculo carnosio distinguit *Blasius*. Pinguedo duplex est, narrante *J. Dan. Majore* ex *Molinetto*: *Radicalis*, quæ etiam in macilentis, & *Secundaria*, seu unctuosus & spissus humor, radicalibus staminibus pinguedinis, tanquam telæ textoriæ, impactus, ut coctione tamen & eliquatione rursus separari possit. Sed radicalis inter membranas potius referenda, quales in embryonibus pinguedine destitutis.

Ratio ordinis hæc est; quia pinguedo in homine est inter cutim & membranam carnosam, in brutis membranæ quæ cutem movet, subjicitur.

*Quibus
partibus sit
data.*

Pinguedine destituuntur partes, quibus esse poterat inutilis, commodam complicationem, & distentionem impediendo, ut cerebrum, palpebræ, penis, scrotum, & testium membranæ. Adest vero præcipue in partibus quæ valentius moventur, durior, adipis instar, fibris & venulis intertextæ; ut in vola manus, digitorum internis sedibus, (nam ibi plures tendines, nervi, & vasa, quæ humectari debent) pedis planta, maxime calce. Mollior in variis partibus est, de quibus suo loco.

*Materia
non est
chylus.*

Materiam pinguedinis lacteum esse succum, seu chyli pinguiorem partem ex lacteis *Asellianis* pancreatis attractam à mesenterii membranis & glandulis, scripsit *Cacilius Folijs*, ex eoque ossa nutriri. *Parisanus* generari una cum sanguine in hepate ex aërea chyli portione. Cui opinioni oppono 1. Pingues cibos comedentes non statim pinguescere. 2. Crudiorem esse chylum quam pro partium nutritione. 3. Pueros subito debere pinguedine vestiri. (Quod quidem etiam in nuper natis observamus, qui sanguine tantum materno fue-

fuerunt nutriti.) 4. Chylum necessario mutari antequam ad partes veniat. 5. Nullum esse ductum à Mesenterio ad extrema; nam quanquam per tubulos lacteos seu lymphaticos nuperos chylus deferri posset, tamen ille in longo itinere immutatur, & oleositatem in viis intermediis deponit: neque per membranas fugitur, ut opinatur idem vir doctus, neque per glandulas defertur. Non illud, 1. quia denfiores sunt, quam ut filorum instar fugant. 2. tumidæ apparent, & in anatome oleosum humorem in se monstrarent. Neque hoc, quia 1. glandulæ partibus pinguibus continuæ non sunt. 2. nec humorem utilem, sed excrementa recipiunt, imo humore albo pituitoso abundant, non pingui. 3. Animalia sine glandulis multa pinguescere observamus. Pinguior autem chyli portio materia pinguedinis est, sed tantum remota, quatenus vero chyli portiones pinguiore ex lacteo thoracico vasis sanguineis infunduntur, cumque sanguine circulantur, pinguedinis materiam subministrant membranis adiposis adhærentes, sicut aliæ ejusdem chyli particulæ in corde immutatae nonnihil, aliis partibus in alimentum cedunt. Ita quod de hepate dicit *Parissanus*, de corde nos interpretamur. Sanguini enim pinguedinem sive chyli sive sanguinis non multum immutati, in ipsis vasis sanguineis inesse experientia docet. Frustula pinguedinis non semel in vasis cordis enata vidimus, & ante nos alii, quæ polypum imitantur. *Fr. Ulmus* junior refert, obesæ mulieri eductas esse cum sanguine membranas digito longiores, aranearum telis in medio simillimas, in extremis verò longè crassiores, & plurimo adipe undique obductas. Nec id circulationi, ut suspicatur *Ulmus*, repugnat. Pertranseunt hæc & alia cor, & immutantur ibidem, quæ immutari vel debent vel possunt. *Gassendo* chylus & pinguedo eadem sunt. Fieri enim adipem ex sanguine delato per venas mesaraicas ad glandulosam pancreatis substantiam, eundemque propagari per venas, nobis lacteas, circa tunicas intestinorum & mesaraicarum ad irrorandas ejusmodi partes, nec alio succo lacteas nostras impleri. Sed de vera lactearum, chylique per eas distributione alibi disputavimus. Quare, si sanguinem in universum consideremus, vulgo

*Nisi leviter
immutatus.*

*Qui in va-
riis par-
tibus reperi-
tur.*

Materia unanimiter statuitur sanguis, unde *Aristoteles* Sed san-
ait, quæ sanguine carent, nunquam habent adipem, vel se-
gum: sed sanguis defecatus, & absolute coctus, neque adhuc
omnis ejusmodi sanguis, sed qui tenuis est, æreus, & oleosus. *Æreus &
Et respondet lactis butyrosæ substantiæ, seminis oleosæ ma-
teriæ; unde Aristoteles non sine causa pinguedinem humi-*

oleosus.

FIGURÆ EXPLICATIO.

Hac tabula communiā integumenta in abdomine separata, & ab uno latere pinguedo suis vasis respersa, ab altero vero musculi aliquot detecti exprimuntur.

AA. Cuticula.

BBBB. Cutis.

CC. Pinguedo extra situm à panniculo separata.

DDD. Panniculus carnosus.

EEEE. Pinguedo in suo situ per dimidiam abdominis partem relicta.

FFFFF. Distributio quorundam vasorum per pinguedinem.

G. Copiose glandula in inguine.

HH. Linea alba.

I. Umbilicus.

K. Musculi pectoralis pars detecta.

LLL. Musculi serrati antici majoris dentatæ productiones.

MM. Musculus abdominis oblique descendens in suo situ.

NNN. Musculus abdominis rectus per oblique descendens tendinem transparentem.

OOO. Musculi recti inscriptiones nervosæ.

P. Musculus pyramidalis dexter in situ.


dam esse negavit, nempe aquea humiditate, non aërea. Contra quam scripserunt Fernelius, & Columbus. Et cum pinguedo fit ex oleoso sanguine, vel chylo in sanguine contento, de calore multum deperditur. Unde Aristoteles: Quæ à frigore condensantur, ab iis multum caloris exprimitur. Et alibi: Materie naturales sunt tales, in quali sunt loco.

Pinguedo
sanguine
frigidior.
Sed mode-
rate calida.

Hinc adipis natura est paulo frigidior sanguine, interim calida est moderate; nam 1. foris imposita digerit, resolvit, discutit. 2. est tenuior pars sanguinis, & oleosior. 3. ignem facile concipit. 4. intus auget calorem, quemadmodum omentum coctionem ventriculi, &c.

Alii volunt esse frigidam, quia Aristoteles ait: quæcunque à frigido concrescunt, & à calido solvuntur, frigida sunt. Atqui pinguedo à frigido concrescit. R. Adeps est frigidus respectu caloris quem antea habuit, dum sanguis erat, vel cum sanguine versabatur. Sed ex eodem Aristotele discendum, quod quæ frigore concreverunt, & facili calore resolvuntur, non multum caloris perdiderint.

Effi-



*Efficiens
pinguedi-
nis.*

Efficiens vel generans pinguedinem est calor temperatus, & humidus, omnis coctionis auctor. Efficiens concretioni est frigiditas membranarum (à quibus album colorem contrahit) non simplex, sed respectiva, sufficiens tamen ad coagendum exsudantem partem oleosam sanguinis, quemadmodum & plumbum liquatum cogitur, mox ubi ab igne removetur, etiamsi in locum satis calidum, igne tamen frigidior, effundatur. Et pinguedo à frigore concrescit in certo quodam quasi gradu (nam non fit quodlibet ex quolibet) quamobrem non in quavis parte generatur pinguedo. Fieri autem pinguedinem ex frigiditate, Galenus & alii eruditi statuerunt, ita ut, quod in sanguine pingue, leve, & tenue est, dum fit in calidioribus corporibus alimentum, in frigidioribus servetur, (unde calida, & sicca animalia parum, aut nihil pingua) & cum venæ extra se transmittunt, incidens in membrana concrescit.

*Pinguedo
quomodo
fiat?*

*Pinguedi-
nem fieri à
frigiditate
probat.*

Nam 1. Sanguis etiam hoc modo extra vasa concrescit, ob frigidi aëris accursum, licet ob internam etiam frigiditatem.

2. Aristoteles ait, ex iis, quæ liquantur, quæcunque caloresolvuntur, à frigore densantur, quemadmodum oleum.

3. Frigidiora sunt pinguiora, ut castrata, fœminæ; item quæ in terra diu latent otiosa; sic hyeme omnia pinguiora sunt.

4. Non nisi locis frigidis adnascitur pinguedo: quemadmodum in membranis: ita videmus omentum esse pingue ratione membranosæ substantiæ, tum etiam ratione loci, à calidioribus visceribus remoti, quandoquidem intestinis incumbit, peritonæo subjicitur, & quia pluribus venis, & arteriis refertum est, multum pinguedinis colligit. Sic circa cor nascitur adeps, nam ibi pericardium adest, frigida, & crassa membrana: deinde serosus humor in eo contentus: ex inferiore parte *2. l. p. p. sua*, seu flabellum, ex utroque latere pulmones instar folium, mediastinum, &c. Sic ad renes nascitur pinguedo, quia seroso abundant excremento, spinæ adjacent, intestinis operiuntur.

*Unde pin-
guedo in
omento.*

Circa cor?

*Circa re-
nes?*

5. Operculum, aquæ ferventi imminens, vapores ad se sublato cogit, & in aquam vertit, ob frigiditatem. Nam fac aërem calidissimum ambire, tum vapores operculo insidentes non densantur.

*Opinio, fieri
pinguedi-
nem à ca-
liditate.*

Alia opinio est, quod pinguedo sit à causa calida, eo quod materia ejus sit calida, & quod flammam facile concipiat pinguedo; item, quod omnia in corpore fiant per coctionem, calorem. Sed ex præcedentibus responsio liquet. Et

nos

nos non intelligimus simpliciter frigiditatem, unde cruditas, sed debilem calorem.

Alii dicunt à membranæ densitate pinguedinem habere *Opinio, fieri consistentiam, eo quod densi sit densare. Resp. Frigidi est à densitate densare, & densitas est à frigore, neque densi est densare, nisi Refellitur.* esset qualitas primâ actîva, aut frigus sibi adscisceret. Alias tenuitas membranæ efficeret tenuem pinguedinem. Et cur densitas vasorum materiam contentam non densat?

2. Ita obijciunt: Operculo denso licet calidissimo, occurrens vapor sublatus ex aqua fervente mutatur in aquam, aut in distillatione per alembicum, exhalatio è re subjecta, tum vitro denso impeditur, reflexa in densiorem substantiam vertitur. Sed responsio ex prioribus liquet; & deinde, qui ebullitione vapores attolluntur, si vase ita includantur, ut expirationi locus denegatus sit, novis vaporibus continenter succedentibus, ne fiat penetratio corporum, necesse est resumî priorem consistentiam: sed, si exitum habent, eunt in aquam, ob aërem frigidum ambientem vitreum operculum. Hinc ut facilius, & copiosius liquor emanet, illud subinde frigidâ distillatores refrigerant. Sic aëre foris frigido, vapores intus calidi ad fenestras in aquam abeunt; aëre foris calido non item.

3. Ajunt multa esse frigidissima, ut cerebrum, meninges, &c. quæ pinguedinem non habent. Resp. Istæ partes etiam sunt densæ. Nec natura voluit; foret enim inutilis ibi, & noxia: Calori vero moderato, densior cutis, pili, & cranium prospiciunt.

Fabius Pacius causam confert præterea in siccitatem, ratione fibrarum pinguedinis. Cui repugnat, quod 1. pinguedo non sit sicca, sed humida. 2. Fibras sensibiles, ut sanguis, non habeat. De quibus vide Contr. Anat. b. m. Parentis nostri. *Opinio, fieri à siccitate.*

Aliis Neotericis novum commentum placet, fieri pinguedinem à forma peculiari pinguisca, sicut os à forma ossiformi, &c. Qui sine dubio falluntur, quia 1. pinguedo non vivit. *A peculiari forma.*

2. certam dimensionem non habet. & 3. in pinguem medullam ossium concrevit sanguis sine talis formæ auxilio.

Pinguedinis tamen collectionem fieri fortuito, ideo negat *Malpighius*, quia natura conspicua pro ea receptacula in animalibus efformavit, quod etiam alio experimento didicit in

ranis, quibus *oleosæ striæ* partibus adhærent; dum enim languide adhuc redit in cor sanguis in trunco venæ portæ, cui etiam appenduntur dictæ striæ, videntur conspicuæ guttulæ olei, compressis præcipue striis, quæ una cum sanguine in hepatis cavum rapiuntur, & in pennatis, in quibus vasâ me-

sente-

senterii fere sunt diaphana, idem non semel vidit.

Forma pin-
guedinis.

Vasa ejus.

Sacculi pin-
gues.

Illorumque
figura.

Glandula.

Ufus.

Adeps enim in sanguine passim observatur, præsertim venoso, teste *Charleto*, & in aliis animalibus, annotante post *Severinum Malpighio* ut confirmetur ea quæ de pinguedine nuper diximus. Nam secundum naturam *Forma* pinguedinis, quamdiu in vasis est, non est concreta, sed liquida, & fusa ob calorem, qui adhuc in vasis continetur. Per urinam liquida excreta fuit, observante *Helmontio*, & sanæ mulieri par alvum, *Hildano*. *Folius* liquidam credit esse propter homogeneitatem, concrefcere extra ob fibrarum heterogeneitatem. Sed fibrarum, aut in corpore, aut extra, dissimilitudinem, nemo facile advertat. Circa membranam carnosam diversimode cumulat & concrefcit.

Observavit præterea *Malpighius*, ubicunque pinguedo est, præcipuè circa cutem, & in musculorum interstitiis, ibi inveniri multiplices membranas *sacculorum* ad instar, & *loborum* excavatorum, quæ substratæ cuidam membranæ crassiori, veluti fulcimento & basi adhærent. Per hanc propagari *venas* & *arterias*, quarum trunco à lateribus pinguedinis moles, veluti milii acervus, cumulat. *Vasa sanguinea* expandi in ramos, arborum instar, quorum extremitatibus appenduntur *membranosi sacculi* seu *lobuli*, pinguedinis *globulis* referti, qui veluti folia arboris adnata, arboris exactam figuram complent. *Membranosi* isti *sacculi* varie figurantur. Sunt enim leviter depressi & ovalem pene figuram habent, instar glandularum conglomeratarum. *Nectuntur* ad invicem membranis, quibus efformantur, & vasorum reti. Hinc in cadaveribus hominum, brutorumque insigniter emaciatorum, pinguedinis loco complicationes pellicularum copiosæ observantur. Sed *Venæ* tres habet pinguedo abdominis, *mammillarem* externam superne descendentem, *Epigastricam* inferne è crurali per inguina ascendentem, & à lumbis quamplurimas emergentes *venas*, quibus *arteriæ* sociantur. Per hæc vero cutisque *vasa*, *cucurbitulæ*, *scarificationesque* ex interioribus humores trahunt, quantum quidem suspicor.

Glandulas habet copiosissimas, quæ excrementa ex corpore in se recipiant. In morbosis & excrementitia humiditate abundantibus copiosiores.

Ufus. 1. Instar vestis calefacere, calorem nativum fovere, sua visciditate effluxum prohibendo, crassitie, & densitate meatus occludendo, ne frigus penetret; & æstate calorem inhibendo, quo minus penetret.

2. Im-

2. Imprimis coctionem ventriculi juvare. Unde omentum excisum, flatus, & ructus gignit, & pro bona coctione alia adhibere oportet, quæ ventriculum tegant.

3. Calidas, & siccas partes, ut cor, oblinire & humectare.

4. Motum faciliorem reddere, si moderata fuerit (abundans enim impedit motum, omnesque actiones) & partes fervare, ne exsiccentur nimis, distendantur, aut rumpantur. Hinc cartilaginum extremitates tuetur, articulos majorum ossium, & quorundam ligamentorum externa sede, item vasis ad cutim delatis substernitur. Sic ob hanc causam pinguedinis copia in orbita oculi, ne ob motum continuum exsiccatio, & ariditas quasi sequatur. Et vena coronalis cordis multa pinguedine est munita, ut motui, & magno calori cordis obviam eatur.

5. Est instar pulvinaris, & propugnaculi, contra ictus, contusiones, compressiones. Hinc clunibus, volis manuum, & pedum natura dedit copiosam pinguedinem. Sed, iudice *Riolano*, peculiarem, instar membranæ duram.

6. In inedia vertitur in alimentum, nam dulci, seu nobis, naturæque familiari, & pingui nutrimur, si *Galeno*, *An vertatur in ali-* & aliorum autoritatibus credimus. Quorum mentem *mentum.* *Rondeletius* de refectione potius aliqua interpretatur, qua partes inescantur, donec proprium alimentum accedat. *Higlmorus* aliter hæc explicat. Quia enim in inedia ob defectum humidi, quod ab alimentis restauratur, calor partium non temperatur, sed magis indies incalescit, inde in adipem, dissipatu facilem, agens, eam citissime absorbit.

7. Spatia vacua implet inter musculos, vasa, & cutim, adeoque corpus reddit æquale, album, molle, pulchrum, formosum. Hinc tabidi, & vetulæ deformes.

8. Continuum nativi caloris est pabulum, vel ut conservet flammam vitalem in sanguine, quasi oleo perpetuo in ellychniis. De pinguedine id negari non potest, quia ipse chylus pinguior in vasis id præstat. Natura quidem est sollicita magis in calido coercendo per respirationem, quam augendo per oleum adipis: sed in nimio calore, non moderato, qualis ex oleo hoc subministratur.

9. *Malpighio*, ut sanguineis salibus, aliisque acribus particulis, ligamen & vinculum impertiatur, impediaturque fermentationem sanguinis: Lixivium enim acre, quod fusa salia continet, si oleo misceatur, acridinem ejus evidenter remittere, & tantam fieri miscelam, lactis speciem referentem, ut amplius nulla arte divelli possit. Idem in sapore accidere. Fieri autem hanc miscelam inchoative in omenti vasis,

vasis, hepate, ambitu corporis, cæterisque partibus, ubi hiant adiposa vasa in venas, perfici vero una cum sanguinaria massa in pulmonibus, in quos universa corporis vasa humores tandem eructant. Hinc sanguinis asperam naturam tolli, nutritionem impredientem, quia in tabidis absumpta pinguedine sanguis est copiosus. Metuo tamen ut oleum camino addatur. Pinguia enim nocent febricitantibus, & faciliè in bilem abeunt. Præpingues certe inepti sunt, & morbis obnoxii. Tabidorum autem sanguis copiosior, quia sero abundans, partibus apponi non potest, viscerum vitio.

CAP. IV.

De MEMBRANIS in genere, de membrana carnosa, & membrana musculorum propria.

Situs membranæ carnosæ.

Pinguedini in homine substernitur membrana carnosa, quæ tamen cuti proxima est in fimiis, canibus, ovibus. De hac antequam agamus, membranæ natura in genere cognoscenda.

Membranas Veteres vocarunt *ὑπόσπιν*, aliquando *ὑπόσπιν* tunicas, aliquando *πλευρίσας*, aliquando operimenta, & tegumenta: Et late Galeno atque Anatomicis tunica, & membrana unum sunt, strictè, & propriè iisdem,

Differentia inter membranam, tunicam, & meningem.

Membrana est, quæ partem ambit corpulentiores, ut peritonæum, pleura, periosteum, pericardium, & musculorum membranæ peculiares.

Tunica strictè, & propriè vasis tribuitur, ut venis, arteriis, ureteribus, utero, vesicæ biliaræ & urinariæ, œsophago, ventriculo, intestinis, testibus.

Meningis vox peculiariter cerebri membranis tribuitur.

Est autem membrana pars similis lata, plana, alba, & dilatabilis, & semine viscido, & aquoso, à facultate propria membranifica, ut partes vestiendo custodiat.

Forma est superficiei æqualitas, tenuitas, levitas, (ne oneret) densitas, validitas, ut dilatari possit.

Usus.

Usus est 1. partes vestiendo custodire ob duritiem, & densitatem, & instrumentum tactus esse: nam membranarum ope partes sentiunt. Et tanta necessitas est membranarum, ut natura quamlibet partem membrana intexerit. 2. Ad robur partium conferre. 3. Ne frigore pars lædatur, & ne calor naturalis exhalet. 4. Ut partes partibus jungat. Sic mesenterium intestina dorso connectit. 5. Vasorum ora clau-

claudere; ne humores effluant, vel refluant: Ut fit in vesica ad ureterum implantationem; in cordis ventriculis per valvulas.

Est autem membrana alia crassior, alia tenuior.

Tenuis differt in tenuitate. Nam Periosteum costarum est *Membrana* tenuius quam pleura; periosteum capitis quam pericranium; dura, quam pia mater, crassior est. *quod simplex?*

Crassa est membrana carnosae, quae nec ipsa quidem aequalitatem servat; nam in collo crassior est. Sed de membrana carnosae jam audiemus.

PANNICULUS CARNOSUS, seu *membrana carnosae* quibusdam musculus membraneus dicitur, aliis panniculus nervosus, adiposus, &c. Carnosa dicitur, quia in quibusdam locis circa frontem, ambitum colli, & aures, ab it in carnem musculosam, & animalibus totam cutim hujus interventu moventibus videtur esse musculus: adeo carnosae fibris dominatur, praesertim in collo, cujus motu muscas abigunt. In homine vero excepta fronte est immobilis, nisi quod *Vesalius*, & *Valverda* referant fuisse qui cutim in thorace, dorso & alibi instar jumentorum movere potuerint. In quibus membrana cum brutis haud dubie ejusdem fuit constitutionis. Deinde in modo natis carnem refert, ob sanguinis copiam; in adultis membranam, ob exsiccationem continuam. In homine aliquo, si fiat exacta separatio, apparebit; cum constare ex quatuor membranarum distinctis. quod tamen negat *Riolanus*, refragante *Veslingio*. Pro panniculo carnosae *Spigelius* alique eas membranaceas fibras habent, quae ubique pinguedini intexuntur. Pro musculis subcutaneis habet *Stenonius*, unde credit panniculi hujus occasionem naturam.

Ufus 1. Munire partes vicinas, imo totum corpus integere, & defendere, unde apparet ejus *situs*, quod totum corpus ambiat. In quibusdam partibus membranae specie, in quibusdam musculi, quod contra eos notandum, qui ex communibus corporis involucribus excludunt, quod in quibusdam tantum partibus conspiciatur. *Ejus usus.*

2. Pinguedinem continere, ne diffluat, aut à continuo musculorum motu liquecat.

3. Vasa ad cutim abeuntia (quae eunt inter cutim, & hanc membranam) fulcire; Nam

Connectitur cuti per plurimas venas, pauciores arterias, nervorum propagines, & fibras membraneas, membranarum vero musculorum subiectis, per fibras tenuiores. Falsum ergo illud, absumpta per inediam pinguedine, cutim cum

C

muscu-

Ortus membrane carnosae. musculis non aliter cohaerere, quam pilam cum linteo quo obducitur. Dorso firmissime adhæret, membranæ specie, ideo inde oriri dicitur; in hominis parte anteriore colli, & fronte, à cute & musculo lato vix separari potest; adeo adhæret, & musculus latum constituere putatur.

Superficies est lubrica, parte qua musculos tangit ob lentum humorem membranis oblini solitum, ne motus musculorum impediatur. Sensu est exquisito; unde, si acri humore vellicetur, rigor fit & concussio, ut à bile vel quavis acri & vellicante materia in febribus.

Membrana musculorum quæ?

MEMBRANA MUSCULORUM PROPRIA, quam alii à periosseo sive pericranio oriri volunt, alii à musculorum nervosis fibris, tenuis est, & annectitur musculo per tenuissima filamenta. Hinc *Stenonia* unica membrana non est, sed fere ubique tendinum à diversis musculis prodeuntium membranosa expansio, unde fibræ in cutem recedunt. A panniculo carnosio non distinguit *Blasius*, quam tamen separare potest *Riolanus*. In pedibus *fascia lata* ei substituitur.

Fascia lata.

Usus membranae musculorum.

Usus est 1. musculos vestire, & ab aliis separare. 2. Eidem sensum tactus communicare. 3. *Riolanus*, ut sit fundamentum cum membrana carnosâ adipis corpus ambientis.

C A P. V.

DE MUSCULIS IN GENERE.

MUSCULUS Græce *μῦς*, ac si muri similis esset excoriato, dicitur; Latinis etiam lacertus ob similitudinem: licet certa figura musculis ob varietatem eorum tribui nequeat.

Musculus quid?

Musculus est pars organica, motus voluntarii instrumentum. Nam sola hæc pars facultatis motricis influxum recipere potest. *Helmontius* musculis vitam singularem tribuit, etiam à morte aliquamdiu perseverantem, ut motus convulsivus in Epilepsia, qui involuntarie perstat. Quod tamen verius à retractione, & siccitate nervorum, spirituumque defectu dependet. Errat & idem, quando musculis novas fibras suboriri credit, Paralyfin inferentes. Nemo illas vidit, imo nec regenerari possunt, tanquam partes spermaticæ. Potius in defectu aliquarum fibrarum resolutio esset collocanda.

Quomodo ab externis objectis moveantur membra ita concipit *Cartesius* de Homine: nempe exigua filamenta, quæ nervorum medullam constituunt, ex cerebro, omnibus illis partibus inesse quæ cujuscumque sensus organo inserviunt: atque

atque hæc filamenta ab horum sensuum objectis facillime moveri posse. Cum vero paululum moventur, ipsa è vestigio trahere cerebri partes, ex quibus originem sortiuntur. Sicut si funis extremitatem trahas, campana, cui altera ejus extremitas cohæret, eodem momento sonum edit. Eademque opera recludere meatus quorundam pororum in interiori cerebri superficie existentium. Unde spiritus animales statim cursum suum exorsi atque per eosdem in nervos & musculos delati excitant motus. Ingeniose imaginationi nostræ motum subjecit.

Organica est hæc pars, quia constat 1. Carne. 2. parte Ten- *Musculus*
dinosa (& hæc duæ sunt musculi partes, quæ actionem ejus *est pars ora*
concernunt) 3. Venis alimento revehendo inservientibus. *ganica.*
4. Arteriis calorem insitum custodientibus, & alimentum
advehentibus. 5. Lymphaticis superfluum humiditatem
referentibus. 6. Nervis sensum impertientibus, & maxime
motum. Nam a cerebro per nervos vis motiva musculis da-
tur, quia nervi incisus vulneratisque, aut arcte ligatis, sen-
sus motusque in musculo cessat. Non tantum quod com-
mercium cogitationis intercipiatur, sicut suspicatur *Petitus*,
sed vel spiritus interceptione, vel influentia luminis anima-
lis impedita. Deinde si nervus secetur, pars musculi superior
versus cerebrum, sensum motumque retinet, & versa vice.
Si vero medulla spinalis secta sit, nervi infra sectionem orti
sensum ac motum amittunt, alii non. Non igitur insitus
nervis spiritus *Petito* hic concedendus. Adhæc quo muscu-
lus mole amplior, eo majorem nervum obtinuit. De quo
argumento videndus *Auctor Anonymus* de Rat. Mot. Musc.
7. Membranis tegentibus, de quibus notat *Stenonius*, non
modo transverso fibrarum ductu musculos ambire, sed &
eodem se modo inter singulas illorum fibras insinuare. An-
sulis membranosis id fieri *Aquapendens* docet, illustratque
ex *Galeno*. *Bilsius* quoque, teste *Sassio*, ostendit, quamlibet
carnis fibram propriam suam habere membranam. Ea ta-
men tam est subtilis, ut attentionem non mereatur. 8. Pin-
guedine humectante, & in nimio motu exsiccationem pro-
hibente.

Connexio musculorum totius corporis inter se artissi- *Connexio.*
ma est: Hiant tamen quando eos flatus, serum, aliudve in-
tercedit, ut in pleuritide spuria, & de milite à Turcis fla-
gellato *Veslingius* nobis retulit, adeo diductos fuisse muscu-
los, ut flexo leviter corpore singuli situ suo extuberarint.

Dividimus musculos in partes geminas, carnosam & ten- *Musculi*
dinosam. *partes dua.*

*Tendinosa
quotuplex.*

Tendinosam statuimus, vel *unitam*, vel *disgregatam*.

Unita est, ubi apparet tota pars tendinosa, alba, dura, sive in principio, sive in fine, sive in medio, sive in his omnibus.

E contra vero *disgregata*, divisa est in multas minutas fibras, vix apparentes, carne circumfusas; quæ tamen tendinosæ fibræ inter carnosas observari possunt, in cocta carne suilla, galli Indici, &c. Sic in nonnullis musculis, præcipue vero crurum galli Indici, perspicue apparet tendinosum integrum, & unitum à principio ad finem. Sic nonnunquam in homine tendo statim ab exortu cum carne mistus descendit. Alibi apparet tendinosum, unitum in fine, & disgregatum in principio, ut in Deltoide; alibi in medio tendinosum; alibi musquam.

*Fibrarum
distinctio.*

ab Origine.

ab Officio.

De *Fibris* nonnulla addenda, quas *fila* mallet vocare *Lin-
danus*. Distinguit eas à nervis *Willisius* origine & officio, quanquam ex *Aristotele* media illarum sit natura inter venam & nervum. *Origine*, quod illæ partibus connatæ sint. Hinc *Fernelio*, quem variis rationibus *Riolanus* Pater illustrat, primum humanæ architecturæ stamen sunt. *Officio*; fibræ enim principalius ac immediatius quam nervi exsequuntur actus facultatum, motum & sensum. Nimirum illæ musculum aliasque partes motivas contrahendo, motum ipsum efficiunt; nervi tantum motus istius obeundi instinctum à cerebro deferunt. Ego ex fibris nervos compositos credo, sicut & tendines, & pro vario compositionis modo tantum differre.

*De fibris
tendinosiss
notandum.*

1.

2.

3.

Fibras autam *tendinosas* in utroque ejus extremo coeunt-
tes ita intorqueri & invicem coalescere monet *Croone*
de Motu Musc. ut funem aliquem grandiore ex innume-
ris aliis minoribus textum referant. De quibus porro tria
notat *idem*. 1. ex iis potissimum musculos constare, quod
ex eo liquet, quod 50. fibrarum pondo alligatum tendini in
musculo gracili interno, ab humo sublato facile sustineamus,
altera musculi extremitate manu apprehensa. 2. Non
modo pro ratione situs partium movendarum varios ductus
obtinere, sed fibras ejusdem musculi, iisdem motibus desti-
natas, variis implicationibus contorqueri, ac sibi invicem
interferi, ut in seminervoso videre est; in aliquibus fibras
recta à capite ad caudam incedere, in aliis plus minusve, per
lineas quidem spirales aut *ἑλικοειδῆς*, obliquari: aliis autem,
duplex series, quæ utrimque ex tendine quodam recto e-
nascatur, qui ab initio ad finem musculi pergit. 3. Fibras
in aliquibus musculis plures esse ac magis à se distitas quam
in

in aliis, & in diversis ejusdem musculi locis aliter ab invicem distare ex *Vesalio*: imo semper prope istam musculi partem, quæ in ipsius contractione tumescit, spatia sive intervalla inter singulas fibras laxiora esse, prope utrumque extremum, constringi. In *fibris* istis musculorum explicandis accuratus est *Stenonius*. In specimine Musculorum Hafniensi docet sequentia: 1. Nullus occurrit musculus, cujus singulæ fibræ non abeunt utrinque in tendinem. 2. Nulla fibra in musculis unam rectam lineam constituit, sed singulæ in tres minimum lineas, quæ duos angulos alternos comprehendunt, divisæ. Nec ipsæ hæ tres lineæ semper rectæ, sed sæpe caro, (ut in sphincteribus) sæpe & tendo (quando digiti incurvantur) curvam lineam efficiunt. 3. Tres illæ lineæ singularum ejusdem musculi fibrarum, non eandem servant longitudinem. 4. Series fibrarum quilibet musculus habet rectas, quas *ordines* vocat *Stenonius*, & transversas, quas *versus* appellat. Ejusdem ordinis fibræ, in eodem plano sunt & parallelogrammum obliquangulum, seu rhomboideam figuram exhibent, cujus duo opposita parallela, quo loco cum reliquis parallelis acutos comprehendunt angulos, extra oppositas in partes porriguntur. Et hæc extra figuram pergentia parallela oppositos tendines referunt in diversa abeuntes, reliqua his intercepta, totamque figuræ aream replentia parallela carniū situm repræsentant. Notat vero ibidem 1. in utroque tendine, ut ut tenui, totidem esse filamenta sibi mutuo incumbentia, quot in ventre numerantur carnes. 2. Interiora filamenta tendinum exterioribus semper breviora. Summa: in quolibet ordine tres sunt figuræ, duæ sibi inverso modo oppositæ syringæ, & medium parallelogrammum. *Versus* fibrarum ut plurimum in tres figuras resolvitur non eidem plano incumbentes, unam carniū, quæ rectangula, duas tendinum, quæ vel rectangulæ, vel triangulæ, vel trapeziæ. Ex versibus sibi mutuo ita impositis, musculus exsurgit, ubi versuum compages ex fibrarum in ordinibus serie innotescit; nam tot in musculo sunt versus, quot in quolibet ordine fibræ. Fusius hoc afferre debui, quia aliorum Anatomicorum industriam, *Galenī*, *Aquapendentis*, *Riolani*, &c. superant. Ad consueta redimus.

Tendinem autem statuimus cum *Aquapendente*, esse corpus continuo à principio ad finem musculi, & esse quidem corpus sui generis frigidum, siccum; natum ex semine, tanquam principio generationis: at dispensationis principium est os, nam oritur ab osse, & in os inseritur. Nonnulli ramen musculi à cartilaginibus, nonnulli à tendinibus oriuntur, &

*De iisdem
fibris obser-
vationes.*

1.

2.

3.

4.

*Fibrarum
ordines.*

Versus.

*Tendo mu-
sculi quid?*

*Ejus prin-
cipium.*

Tendounde in eos implantantur. Atque hinc recte dicitur tendo, quod
dicatur? tendatur instar chordæ in arcu.

Alioquin dividitur musculus in principium, medium, & finem.

*Principium
vel caput
musculi.*

Principium & caput musculi quando tendinosum est, vocant Galenus & Anatomici ligamentum, illudque statuunt insensibile, item quod sit minus tendine, seu fine musculi. Est autem principium in bona parte musculorum tendinosum, rarius carnosum. Et ex rei veritate loquendo, principium æque vocari potest tendo atque finis, cum ut plurimum tale sit principium, qualis finis, in substantia, in tenuitate, luciditate, albedine, &c.

*Tendo dici
potest de
principio
& fine*

*Duo notan-
da circa
principium
musculi.*

*Regula Ga-
leni.*

*Qua Wa-
leao displi-
cet, & cur?*

*Diluitur
objectio
Riolani.*

*Medium
musculi.*

Omnis autem musculus movere dicitur principium suum versus, & omnis musculus habet nervum, qui inseritur vel in caput, vel circa medium, (& in aliis per superficiem musculi, in aliis per substantiam) ita, ut ubi nervus inseritur, ibi principium musculi sit: quam seu *Polycleti* regulam ponit Galenus, & ait; si nervus infereretur in caudam, ibi fore principium. Verum hæc regula displicet *Johanni Waleo* consummata eruditionis Medico, qui putat perinde esse sive in principium, sive in medium, sive in finem musculi nervus inferatur. 1. quod ea multorum musculorum motus obscuriores reddat. 2. Quod ea vera non inveniatur in musculo pectorali, quandoque in aliis thoracis & abdominis musculis. 3. Quod nulla illius regulæ ratio sit, sive enim in principium, sive alibi nervus musculo inferatur, æque spiritus per nervum influentes in musculum adigere musculum ad motum possunt: non aliter ac in instrumentis pneumaticis quandoque inferne, quandoque superne bene adigi aërem videmus. 4. Quod vero ea regula sæpe vera inveniatur, id contingere per accidens, quia musculi plerique sursum moventur, & quia nervi superne descendunt, quare non poterant tutius quam superius musculo inferi. Quod vero ex recurrentis nervi contorsione *Waleo* opponit *Riolanus*, nihil est. Nam, ut in *Walei* defensionem id addam, ad confusionem evitandam recurrunt nervi, alioquin, si in capita insertionem primario natura intenderet, rectè in laryngem, ut alios sexti paris nervos posset deducere. Aliqui musculi duas nervorum propaggines recipiunt, ut diaphragma; aliqui quinque, ut musculus temporalis.

Medium musculi, quod vocant ventrem seu corpus, ut plurimum tumet, & carnosum est; paucis in medio tendo est, ut in musculo Digastrico inferiorem maxillam aperiente, & secundo pari ossis hyoïdis.

De carne musculorum censet *Stenonius*, non esse parenchyma vel tomentum, sed fibrillas, quæ arcte sibi connexæ tendinem componunt, laxius junctæ carnem constituunt. De fibris carneis concesserim, quæ à tendinosis differre videntur. Quanquam in prima partium constitutione sint sibi similes, & in ultima quoque resolutione. Hinc *Riolanus* Pater, in valde sene vix quidpiam superesse præter fibras.

De ventris quoque longitudine monet idem *Stenonius*, non esse semper mensuram fibrarum carnosarum, cum longissimus sæpe venter brevissimas obtineat carnes.

Finis seu cauda musculi aliis tendo dicitur, aliis chorda, item *ἄνω ὄψω* (15); estque finis modo teres, modo latus, modo longus, modo brevis, modo unus, modo plures. Finis autem, siue tendo puratur communiter constare ex concursu fibrarum, ligamentorum, & nervorum tenuissimorum, paulatim in idem coalescentium. Volunt enim nervum cum ad musculi locum pervenit, in varias scissuras dividi, & his obviā ire ligamentum, quod eodem modo findatur. Hinc statuunt.

1. Tendinem sentire, secus quam caput, quod volunt esse insensibile & immobile. At falsum hoc; quoniam principium musculi tendinosum, quando pungitur, æque convulsiones gignuntur & sæva symptomata, ac si finis musculi pungeretur. Deinde principium musculi habet motum; ergo & sensum. Motum habet: quia musculus etiam in capite contrahitur & expanditur, præsertim quando carnosum est.
2. Finem statuunt esse crassiorē quam caput: quod tamen aliquando verum; aliquando non, ut in bicipite, & aliis.

3. Volunt tendinem esse molliorem ligamento (ut vocant) seu principio musculi, quanto nimirum est durior nervo. At contrarium est verum, videlicet tendinem esse duriorē principio, quia sæpe abit in ossēam, & cartilagineam naturam, ut in pedibus pennatorum; principium vero non item. Præterea negatur nervos ingredi tendinem. Nam *Aquapendens* & *Riolanus* observant sectione multa, eos ingressos musculi carnem, dispergi in minimos ramulos euntes in flexum quandam membranosum, & deinde in nihilum abire, seu desinere, antequam in tendinem veniat. Deinde nervus est mollis, quomodo ergo duro corpore miscbitur? Nec sensu magis destituetur finis quam caput, cum neque ad hoc nervi perveniant; nam nervus insertus deorsum tendit, non sursum.

Magnitudo musculorum varia est pro partium movenda-

An parenchyma?

Finis musculi unde constet, Galeno & aliis Anatomicis?

An caput musculi sit insensibile?

An immobile?

An finis crassior capite.

An nervi ingrediantur tendinem.

Magnitudo musculorum. rum necessitate. Alii minimi, & breves, & tenues, alii longi, angustii, crassi. Eandemque magnitudinem semper servant sive dilatentur in motu sive contrahantur, quanquam figura seu situs mutetur, angulis obtusis vel acutis, ventresque modo tumeant modo relaxentur. Neque enim spiritus animales tantum distendunt, ut quantitas multum augeatur, Imo sine ullius materiæ accessione in tumorem attolli, in bicipiti, massetere, &c. demonstrat *Stenonius*, quia anguli ampliantur, laterumque carnosorum distantia augetur. An autem sine spiritu hæc sacra peragantur in musculis dilatatis, non dixerim. An solis nervis ii insunt, qui nervi reliquam molem commoveant?

Numerus. *Numerus* iniri non potest, quia cottidie augetur observantium diligentia, vel dividendum conatu. *Galenus* semel numeravit supra 300. *Avicenna* 529. *Aquapendens* 420. imo 500. si qui dividi possunt, dividantur. *Riolanus* 431. *Spigellii* præceptum est: omnes musculos simplices aut plures esse, prout una membrana, vel pluribus inter se juncti aut distincti fuerint. Sed fallit hoc.

Figura. *Figura* in actione sua constituti musculi multiplex est, prout varie contrahitur, vel enim rotundus est vel oblongus, vel angulos diversos constituit. In situ, transversus, rectus, obliquus, latus. In conformatione, fere sibi similis, sive magnus sit sive parvus, quocunque denique loco locetur. Quæ vero diversitas sit, quæque musculi figura, ex Geometrica demonstratione propalavit *Nic. Stenonius* in Myologiae specimine Florentino. Ubi musculus repræsentat, per *fibrarum motricium* collectionem ita conformatam, ut mediæ carnes parallelobipedum obliquangulum constituent, tendines vero oppositi duo prismata tetragona componant, Quia obscuri termini novi sunt, breviter ex illo explicandi. *Fibra motrix* est minutissimarum fibrillarum sibi mutuo secundum longitudinem immediate junctarum certa compages, ejus intermedia pars ab extremis differt consistentia, crassitie & colore, & ab intermedia parte vicinarum fibrarum motricium separata est per transversas fibrillas propriæ musculorum membranæ continuas. *Cara* est intermedia pars fibræ motricis transversis fibrillis membranosis circumdata; mollis, lata, crassa, colore in variis animalibus vario, in multis rubicunda, in aliis cinericia, in quibusdam alba. *Tendo* est extrema pars fibræ motricis, tenuis, dura, alba. *Ordo* est series fibrarum motricium rectilinearum, inæqualiter æqualium, ad eosdem angulos inflexarum, & secundum tendinum excessum dispositarum, quæ

carnes carnibus secundum plana transversa, tendinesque tendinibus eo modo immediate imponuntur, ut omnium carnum latera tendinosa sint in iisdem duabus rectis. *Ver-* *Versus* est series fibrarum motricium rectilinearum æqualiter æqualium, & ad eoldem angulos inflexarum, quæ cum plana fibrarum motricium inter se parallela sint, carnes carnibus secundum plana lateralialia eo modo immediate imponuntur, ut latera transversa omnium carnum sint in iisdem rectis. Singula figuris delineata facilius intelliguntur, quas ex laudato *Stenonio* communicamus.

Ratione *Actionum* variarum, variam musculorum differentiam ad tres præcipuas reducit *Charleton*. 1. sunt Congeneres, vel Contrarii seu Antagonistæ. Illi unum, hi contrarium opus efficiunt. 2. alii seipsos movent, alii alias partes. 3. alii peculiare motus varios, flectendo, attollendo, circumagendo, suspendendo, constringendo, &c. respiciunt, Ipsa autem *Actio musculi* est motus voluntarius. *Musculorum differentie ratione Actionum.*

Motus musculi est triplex: 1. Contrahitur musculus intus se caput versus; hoc dum fit, oppositus relaxatur. 2. Contractus ita manet. Qui motus *Tonicus* dicitur, in quo musculus in motu tonico seu æquabili permanet, sicut aves in aëre suspensi, vel, quod putat *Valleriola*, à facultate rectrice tensus conservatur. Contractionem autem hanc quoque vocat *Rolfinccius*, sed factam. Et hi duo motus sunt per se. 3. Post contractionem relaxatur, quod fit per accidens & ab alio. Unde semper sunt oppositi musculi & antagonistæ. Quomodo contractio musculorum fiat, simili mechanico illustrat *Stenonius*. Machinam qua palos sublicasque in terram pangunt artifices in substructionibus (ubi plurimi homines, singuli suam chordam trahentes, interventu funis ductarii, fistucam elevant,) musculum per mediam carnem transversim dissectum referre: chordas namque tendines imitari, pro hominum distantia sensim longiores, affixum chordis pondus partem mobilem, ipsos homines carnosas fibras.

Hujus vero actionis vel motionis opus, quod conspicitur in partibus, quibus inseruntur musculi, pro varietate partium variat. In faucibus enim est deglutitio; in cubito flexio, & extensio, &c. Imo sæpe unum ex altero sequitur. Nam thoracis musculi dum agunt, deversimode thoracem dilatant, vel eundem constringunt, vel attrahunt aërem, vel fuligines expellunt, respirationemque efficiunt.

Motus musculorum hic, modo voluntarius dicitur, modo animalis, ut naturali contradistinguat, in brutis spontaneus. Nam motum hunc possumus excitare, tardare, sedare, *Isque voluntarius.*

EXPLICATIO TABULÆ

FIGURA I.

ABCD *Fibra motrix rectilinea,*BC *Caro.*ABCD *Tendines.*

FIGURA II.

ABCD *Fibra motrix rectilinea inflexa.*ABC, BCD *Anguli alterni obtusi.*

FIGURA III.

Exhibet fibras motrices novem rectilineas inequaliter æquales, & secundum tendinum excessum dispositas.

FIGURA IV.

Exhibet easdem fibras motrices æqualiter utrimque inflexas, sed nondum unitas.

FIGURA V.

Exhibet easdem novem fibras motrices unitas, quo modo in ordine conspiciuntur, ubi BCFG. est parallelogrammum carniū, ABFE, HGCD duo trapezia tendinū. Inter carnes relicta spatia sunt, quo distinctius omnia conspiciantur.

FIGURA VI.


Exhibet fibras motrices æqualiter æquales eo situ, quo in Versu conspiciuntur: ubi BCLK rectangulum carniū est, ABKI, LCDM duo rectangula tendinū.

FIGURA VII.

Exhibet musculum ex novem ordinibus compositum. AD primus ordo est, cpi sequentes octo paralleli sunt.

prout volumus. Estque in hoc motu, voluntas hominis, vel appetitus brutorum, similis equiti, qui equum incitat, nervi habenis, musculi equo. Sunt musculi quidam singulares, ut auris internæ, diaphragma, thoracis, palpebrarum, qui partim voluntarium motum habent, partim naturalem, quia nobis non cogitantibus aut volentibus, sæpe actionem edunt.

Motus can- *Causa motus musculorum non una est. Primaria sunt*
sa primaria spiritus animales, accedente lumine animali irradiante ner-
à spiritibus vos, ut dictum factum ad motum nutu voluntatis inciten-
animalibus. tur. Spirituosum quendam liquorem è nervis exstillantem
sunt alii. Willisius vero spiritibus animalibus à nutritio-
nis opere residuis ac ubique intra fibras dispositis miscet ar-
terio-



teriosum sanguinem, cuius ope illi vim suam loco motivam fortius exerant, additis sulphureis corpusculis sanguinis particulis salinis, quas ascititias particulas in motu excutunt spiritus animales velut pulvis pyrius, unde musculum subito intumescere valideque contractum, nixum motivum vehementem edere. Quomodo autem violenti isti motus secundum naturam semper in nervis procedant, non video.

quid à sanguine?

Sanguinem arteriosum copiosius in musculos irrudentem quoque jungit *Croone* de Mot. Musc. quia 1. una cum venis arteriæ in musculos inseruntur, & omnis musculi caro nihil aliud esse videtur, quam ista sanguinis per fibrarum intervalla fluentis portio. Id apparere ex iis qui fame enecantur, in quibus, vasis sanguine plenis, musculi collapsi omni carne fere spoliuntur; deinde ex febre diuturna, quæ ad summam maciem redigit, denique in equis quibusdam carnis musculosæ compagem levi motu quovis facile dissolvi ac eliquari, pastuque iterum celerrime refici. 2. Ex *Aquapendente* tensio musculi ac penis in eo convenit, quod uterque rigescat, hujus autem tensionem non ab inflatione esse aliqua, sed sanguine per arterias copiose influente. 3. ex demonstratione *Fallopium*, nulla in corpore pars motu voluntario se movere, nisi quæ, præter fibras, carnem etiam habet. 4. Posita hac causa, commodam dari rationem contractionis ac intumescentiæ musculorum. Sed verbo responderi potest, arteriosum sanguinem nutrimento tantum & calori destinatum, carnemque inde exsurgentem non motum primario perficere, sed robur & meliorem motum musculi. Sanguis in Paralyti abundat, motu cessante, quia spiritus animalis deficit.

an à spiritibus influentibus?

Spiritus à Corde influentes defendit cum *Aristotele Petrus Petitus*, qui postquam moti fuerint ab imaginatione, conjunctas partes & artus omnes moveant. Infitum enim esse nervis spiritum, qui excitetur imperio voluntatis, ut veteres quoque docuerunt, per facultatem, seu species immateriales lucidas. Imaginationem continuari in nervis, quam cum motrice confundit. Musculum igitur vitalem spiritum concipere, & angustiis quibusdam includere, ut dum ad animi vota exsurgit, è circumfusarum partium resistentia impetum capiat, obnitensque artus transferat. Ut vela cum ventum concipiunt, resistentiam pariunt, quo is luctatur, eaque lucta superior navigium propellat. Ingenio hic utitur, non experientia *Petitus*. Imaginationem in nervis à cerebro remotis, non concesserim, quantum etiam *Cardanus*, à *Scaligero* vapulans, memoriam inesse

hæſſe partibus omnibus, etiam digitis aſſerat. Cur ergo in ſomno reliquæ partes ab imaginatione ſua ceſſant? Plura de his *Libell. de Nervis*.

Ad motum muſculorum ſpontanea fibrarum contractio *Secundariæ* concurrir, ut *cauſa ſecundaria*; ſeu promptum illarum ob- *à fibrarum* ſequium, ad recipiendos ſpiritus animales, ſicut ego inter- *contractio-* pretor. Sine ullo influxu muſculum, vel minimo nervi *ne.* iſtius qui in eum inferitur, impulſu motuæ, contrahi, ad- eoque membrum cui affixus eſt, facillime movere, ſubtilioribus placet, à *Charletono* refutatis. Spontaneum enim motum per influxum ſpirituum fieri ad oculum conſpici in limacæ phiala vitrea incluſa.

Rationem motus muſculorum aliam concipit *Carteſius*: *Ratio mo-* nempe ſi ſpiritus animales ex cerebro non tendant aut fere *ius Carte-* non conentur fluere per tubulos nervorum muſculis infer- *ſia* tos, *valvulas* nervorum manere hiantes, & muſculos otari, etiam quando libere ex uno in alterum commeant. Si vero ſpiritus ex cerebro, impetu quodam connitantur ingredi *duos tubulos* ejusdem muſculi, & iſte impetus utrinque ſit æ- qualis, inflare muſculos quantum fieri poteſt, & ſiſtitur tam pars & immota manet. Si majori impetu fluere nitantur per tubulos unius muſculi quam per alterius antagoniſtæ, oc- cludere valvulam hujus tubuli, recludere vero illius, ut muſculus ille unde hi ſpiritus egredi nequeunt, contrahatur, alter vero extendatur, & vice verſa. In animali ſpiritu con- ſenſus eſt. De modo influxus conjecturis variari poteſt. Non placent tamen hæc ſomnia Carteſiana *Petito*: ſpiri- tuum enim ab uno muſculo in oppoſitum impoſſibilem eſſe tranſitum. Nec poſſe deſultorios illos ſpiritus mutare mu- ſculos, cum muſculi oppoſiti diverſas habeant origines & inſertiones: neque denique nos aſſequi poſſe, quid faciat ſpiritus animalis, ut determinet ſpiritus in oppoſito conten- tos quos non attingit. Excufari poſſent ingenioſa commen- ta, ſi de valvulis, de poris muſculorum, eorundemque clau- ſura & apertione certa nobis experientia conſtaret. Interea libere dubitemus. Quomodo in actione hæc motus muſcu- lorum, partes quibus affiguntur, determinate moveantur, in duabus figuris extremis poſt *Galenum* Geometricè de- monſtrat *Müllerus* apud *Horſtium*, & ex illo *Charleton*. Spi- *Ex lumine* ritibus animalibus ſubſtituit *lumen animale*, ex noſtris prin- *animali.* cipiis *Kolhaſius*, & ex hypotheſi Carteſiana, ex conario il- lud in muſculos derivat, ut particulis muſculorum motis & rarefactis, locumque ampliorem requirentibus, dilatari muſculum & expandi oſtendat.

Uſus

Ufus.

Ufus omnium partium musculi, sicut in quovis organo perfecto, ita & hic se habet. Nam 1. est à quo primo, & per se editur actio, & est caro fibrosa, (maxime tamen secundum fibras; nam vulnerata carne secundum fibrarum rectitudinem motus illæsus est, secus quam vulneratis fibris accidit.) ut plurimum venter musculi, qui maxime contrahitur. Hinc si musculum in vivo, aut in mortuo, transversum, sive in principio, sive fine, sive in medio, absceces, in se conglobatur, sicut & aquæ injectus facere solet. *Riolano* præcipua pars est tendo, à qua actio dependet, quia peculiari substantia prædita, qualis extra musculum nusquam reperitur. Sed de carne fibrosa hæc verius dicuntur, quæ omnibus musculis adest, cum Tendo in quibusdam deficiat. 2. Sine quo non fit, ut nervus: Nam si nervi lædantur, musculi motus perit. 3. Per quod melius fit & firmitus, ut tendines, & fibræ tendinosæ. Unde illi tantum musculi, qui continuos, & fortes motus edunt, tendines unitos & conspicuos acceperunt. Nam musculi vel se tantum movent, ut ani, & vesicæ; vel cutim simul movent, ut in labiis, fronte, & facie: & in his omnibus tendo non apparet: vel os movent, & hi plerique in tendines conspicue terminantur, quia motus validus membri gravioris hoc requirit: vel aliud leve quid movent, ut musculi linguæ, & laryngis, (quorum quidam tendines habent, quidam non) oculorum, testium, & penis. 4. Quæ actionem conservant, ut venæ & arteriæ, membranæ & pinguedo. 5. *Spiritus vitalis* hic addi potest, quo musculi ad motum vegetiores redduntur. His præcipuum munus tribuit post *Aristotelem P. Petitus*, sed id omnibus partibus commune. Quanquam enim certas quasdam proprietates in singulis membris nanciscatur, sicut ex *Avicenna* & *Averrhoë* idem colligit; tamen nusquam transgreditur naturam spiritus vitalis, vitæ non motui primario destinati.

CAP. VI.

DE MUSCULIS ABDOMINIS.

Musculi
abdominis
quot?

Musculi abdominis dicti inferiorem ventrem obtineant, & *Galeno* tot sunt, quot positiones fibrarum; rectæ, transversæ, obliquæ, & hæc vel sursum, vel deorsum. Ita *Galeno* octo sunt, utrinque quatuor; duo obliqui descendentes seu obliqui externi, duo obliqui ascendentes vel interni, duo recti, duo transversi: Sed duos alios *Massa* invenit, & post eum *Fallopianus*, quos pyramidales vocant, alii *Fallopianos*, *Sylvius* succenturiatos. Et ita hæcenus decem fecere

fecere Anatomici. *Casseri*us rectos pro pluribus habet; & recte: quorum ut plurimum quatuor sunt utrinque; atque ita ut plurimum *sedecim* sunt *musculi abdominis*, ad minimum & rarius quatuordecim, quando recti tres tantum sunt utrinque; aliquando octodecim, quando rectorum quinque utrinque reperiuntur. Omnes plicatos & involutos in embryo invenit *N. Fontanus*.

Primum par oblique descendens, seu externum, ita dictum *Oblique descendens* ob fibras, quæ oblique descendunt à parte superna ad infernam; totum sui lateris abdomen obvelat, cum maximum *Principium* sit, & latissimum.

Oritur in pectore ex inferna parte sextæ, septimæ, octavæ, & nonæ costarum, antequam in cartilagine desinant; & oritur quidem variis principiis triangularibus, seu pinnis; juxta serratum pectoris musculum majorem, cujus pinnis digitatim implexus est, quæ postea in unum coalescunt. Singulis vero pinnis ex interstitiis suarum costarum singuli nervi porriguntur. Deinde oritur etiam parvo spatio interjecto ab apice transversorum processuum vertebrarum lumborum. Adeo principium ejus late diffusum est, videlicet à sexta costa ad imam lumborum vertebram.

Desinit in abdomen medium, ubi apparet linea alba, & os pubis, & desinit quidem in latum tendinem, currentibus eo infinitis fibris obliquis. *Finis.*

Est autem LINEA ALBA, cui aliquando pinguedo adjacet, concursus tendinum musculorum abdominis, exceptis rectorum. Nam tendines obliquorum uniuntur, & ita coeunt ab utraque parte, ut quasi tunicam abdomini obductam forment, vel quasi unicus esset tendo. *Linea alba quid?*

Alba est, quia carnis expers, procedens à mucronata cartilagine ad ossa pubis: estque infra umbilicum angustior, quam supra.

Musculi hi duo oblique descendentes perforati sunt. 1. ad umbilicum. 2. ad inguina, in viris, ut vasa seminalia exeant; in mulieribus, ut duo ligamenta uteri rotunda & nervea exeant, & in pudendum prope nympham desinant.


De origine vero oblique descendentium contrariam opinionem concepit olim *Aquapendens*, eamque postea *Laurentius* tanquam novam, & suam proposuit, reprehendens omnes alios Anatomicos, quos misere falsos ait. Vult autem hæc contraria opinio, hos musculos nominandos potius externos ascendentes, ut principium sit à superiore parte ossis pubis, ossis ilii, & à transversis lumborum processibus; finis autem sit in costis. Probant ita: *Error Aquapend. & Laurent. de ortu oblique descendentium.*

1. Mus-

FIGURÆ EXPLICATIO.

Musculum abdominis oblique descendente in extra situm, reliquos in situ ostendit, ex
Casserio.

- A. In sinistro latere pars musculi oblique descendentis in suo situ.
 AAA. Oblique descendentis musculi, extra suum situm in dextro latere remoti principium, uti & nervorum plurium insertio, fibrarumque obliquus ductus.
 BB. Musculi recti, ex quibus duo supra umbilicum N. reperiuntur, unus infra.
 C. Pars carnea, sive venter, oblique descendentis musculi hic desinit, incipit autem ejusdem tendo, sive finis membraneus.
 DD. Foramen in tendine hujus musculi, per quod vasa spermatica in testes, versus scrotum transmittuntur.
 E. Musculus oblique ascendens in suo situ, cum fibris ad superiora excurrentibus.
 F. Principium carnosum oblique ascendentium musculorum, ab ossis ilii spina, seu appendice GG. enatum.
 G. Spina seu appendix illa ossis ilii.
 HH. Linea circa quam tendines obliquorum abdominis musculorum incipiunt, Spigelio semilunaris dicta.
 II. Recti musculi, sub tendinibus musculi oblique ascendentis transparentes.
 KK. Productiones peritonæi, vasa spermatica involventes, & in scrotum descendentes.
 LL. Perforationes in musculorum ascendentis & recti fine, ad vasorum spermaticorum egressum.
 M. Glandula inguinis detecta.
 N. Umbilicus.
 OOO. Linea alba abdominis.
 P. Femora prope pudenda.
 Q. Penis, seu virga.
 1. 2. 3. 4. 5. Nervi qui sub singulis costis in oblique descendente musculum distribuendi egrediuntur.
 9. 10. 11. 12. Inferiores 4. costæ.
 aaa. Fibrae oblique ascendentis musculi.



FIGURÆ EXPLICATIO.

Hac tabula ostenduntur Recti abdominis Musculi cum suis inscriptionibus, ut & Vasis Epigastricis & Mammariis, ab interna eorum parte conspicuis. Item Musculus abdominis Transversus circa principium separatus, & Pyramidales in situ, ex *Veslingio*.

A. Musculus transversalis circa principium solutus.

bbb. Principium ejus.

cc. Tendinis portio.

D. Musculus rectus.

e. Principium ejus.

fff. Inscriptiones nervosæ.

g. Finis.

H. Musculi recti alterius posterior facies, in qua

i. demonstrat Venam & Arteriam mammariam descendentem.

kk. Venam & arteriam epigastricam descendentem.

ll. Anastomosen venarum seu concursum.

MMM. Peritonæum musculis denudatum.

NN. Musculi pyramidales.

OO. Processus peritonæi in scrotum descendentes.

Eorum ratio 1. Musculum debere oriri obgerunt ab aliquo quiescente & immobili, ut est os pubis in respectu ad costas. Resp. Costæ sunt quiescentes respectu lineæ albæ.

1. refutatur.

2.

2. Ajunt musculum trahere principium versus, & quia oblique descendens respirationi inservit, trahere costas pubem versus. Resp. Respirationi non primario inservit hic musculus, ut infra agetur.


Responsio.

Oriri superius non inferius hos musculos probatur.

Nostra vero sententia, quæ Galeni est, probatur 1. Ex ingressu nervorum, qui circa principium. 2. Ex ductu fibrarum, quæ eunt hic ab initio ad lineam albam. 3. Fatentur omnes esse concursum tendinum etiam oblique descendendum in lineam albam. Ergo ibi finis. 4. Ex actione communi probatur, de qua infra.

Ufus, secundum *Riolanum*, qui os pubis mobile dicit, osseam hanc chopagem antrosum movere, quiescente vel leviter moto thorace, in conjugali amplexu, & progressu in iis qui carent tibiis & cruribus. Sed moveri abdomen etiam cælibi


cælibi



FIGURÆ EXPLICATIO.

Exhibet præfens tabula Musculum abdominis oblique ascendentem à principiis suis solutum ; transversum , & rectorum alterum in situ , alterum cum pyramidalibus è situ remotum.

- A.** *Musculus abdominis oblique ascendens , circa principium separatus , in quo*
bbb. *Principium,*
cc. *Portio tendinis ejus qui rectum musculus operit.*
DDDD. *Musculus rectus in situ.*
E. *Recti musculi è suo situ extracti interior facies.*
f. *Recti musculi inferior extremitas pubis ossi adhærens.*
gh. *Vasa Epigastrica è ramo iliaco orta , ex quibus g. venam , h. arteriam denotat.*
i. *Extremitas horum vasorum , quæ cum mammaria superius descendente junguntur.*
kk. *Musculi pyramidales è situ remoti.*
l. *Tendo eorum muscutorum umbilicum attingens.*
MM. *Musculus transversalis.*
nn. *Principium ejus primum nerveum ac membranosum.*
OOO. *Principium ejusdem secundum carnosum.*
ppp. *Tendo ejusdem peritoneo adnatus.*
qqq. *Nervi à spinali medulla ad hunc musculus.*
rrrr. *Propagines venæ , & arteriæ rectorum muscutorum ; quæ transverso musculo transmittuntur , abscissæ.*
SSSSSS. *Costæ.*
TTTTT. *Musculi intercostales.*
T. *Os sternum sive pectoris.*
XX. *Cutis separata dependens.*
Y. *Spina ossis ilium.*
Z. *Musculi quidam ossi ilium adnati.*



cœlibi & casto quotidie observamus, nec ad defectus insperatos musculorum artificium constructum, sed naturales actiones, *Spigelius* ex eodem principio mobili, os illud oblique sursum trahi, & ad thoracem inclinari horum musculorum ope suspicatur.

Secundum par est *OBLIQUE ASCENDENS*, seu internum, habens fibras contrarii situs: proxime substernitur, & figuram habet triquetram.

Principium oblique ascendenti-um. *Principium* ejus carnosum est à costa ossis illi, membranosum vero, tum à processibus transversis vertebrarum lumbarium, à quibus nervos accipit, tum à spinis ossis sacri.

Finis duplicatus.

Fine adnascitur carnosus nonnihil singulis costis nothis, & veris nonnullis, reliqua vero sui parte finali paulatim abit in tendinem, & quidem duplicem: una pars supra rectos musculos vergit, altera pars infra: ut rectus quasi in vagina sit repositus, sed prope lineam albam reunitur, & in eandem inferitur. Quod *Riolanus* supra umbilicum tantum accidere, non infra annotavit.

Tertium par *RECTORUM* est, ob rectas fibras. Statuitur vulgo hoc par tantum unum esse.

Rectorum musculorum exortus.

Initium recte *Galeno* in pectore est carnosum, ab utroque latere cartilaginis ensiformis, à sternone, & à quatuor costarum notharum cartilaginibus; tendine in os pubis finitur. Alii è contra hic in osse pubis volunt esse initium, & superius finem. At resp. 1. Recti in superiori parte accipiunt nervos, alterum scilicet eorum nervorum ramum, qui in obliquum musculus descendente inferebantur, & alios insuper ab ultimis dorsi, & à primo lumborum pari. 2. musculus non solet habere tendinosum principium, & finem carnosum. Alii ex neotericis duo principia habere, duosque fines musculos rectos volunt, principium unum, & unum finem in pectore; alterum vero in ossibus pubis. Qui opinioni novæ de mobilitate ossis pubis (de qua nos infra) hanc sententiam debent.

Rectos plures esse musculos probatur.

Inscriptiones habet rectus musculus ut plurimum tres in mediæ staturæ hominibus, nonnunquam quatuor in proceris, quibus abdomen longius. Sed secundum inscriptionum multitudinem statuimus cum *Carpo* & *Casserio* esse plures musculos, quia 1. Ad quodvis internodium nervus accedit. 2. Si unus esset, contractus in se, non posset æqualiter omnes partes comprimere. 3. Nullus talis esset musculus in toto corpore, in quo tamen multi sunt longi, sine tali inscriptionum numero.

In interna rectorum superficie sunt duæ venæ conjugatæ, cum totidem arteriis.

Superior Mammaria oritur à vena cava, clavibus subiacente, cujus ramus quidam insignior ad mammas pergit, & sub recto musculo ad regionem umbilici usque excurrit, ubi terminatur.

Huic obviam it altera, Epigastrica, quæ in mulieribus ab utero, in viris à vena cava oritur, & sursum pergit ad superiorem venam, quam antequam attingat, ut plurimum oblitteratur. Nonnunquam tamen hæ duæ venæ conjunguntur manifestis anastomosibus, idest, extremitatibus, se contingunt. Hinc consensus mammarum cum utero putatur, abdominis cum naribus. Nam in narium hæmorrhagia abdomini affigimus cucurbitulas. Et contractatis mammis ad Venerem incitantur fœminæ.

Arterias accipiunt recti ab Epigastrica: Nervos ab extremis thoracis vertebrae prodeuntes.

Arteria
& nervi.

Ufus horum musculorum proprius *Riolano* est antrorsum movere ossa pubis ad procreationem hominis, supra refutato: *Spigelio* pectus ad pubis ossa, & pubis ossa ad pectus recta trahere, sicque thoracem flectere; unde in canibus, & simiis hi ad jugulum usque pertingunt, quia thorax illis admodum erat incurvandus. Contrarii autem hi motus, nisi incisionibus illis rectorum juventur, difficultatem involvunt. *Helmontius* tendi eos suspicatur in adscensu, unde anhelitus difficilis: *Flud* vero generali usu reddere ventrem sphericum, & centraliter comprimere.

Quartum par PYRAMIDALES musculi, incumbunt rectorum infimis tendinibus. Nec sunt rectorum partes, ut putant *Vesalius* & *Columbus*, sed distincti musculi, ut probat *Fallopis*, licet rationibus quibusdam validis, quibusdam inanibus. Esse vero peculiare musculos inde liquet. 1. quia membrana peculiari vestiuntur. 2. fibris non conveniunt cum rectis.

Pyramida-
les.

Oriuntur principio carnosum, nec admodum lato, ab externo osse pubis, ubi etiam nervi ingrediuntur: & quanto longius ascendunt, tanto sunt angustiores, donec apice acuminato in transversum musculi tendinem desinant. Et ex hoc loco observavi aliquoties gracilem & rotundum tendinem produci usque ad umbilicum. *Urachus*, monente *Riolano*, in fœtu productio est tendinum pyramidalium, qui coalescentes unicum funiculum constituunt, tractum per foramen umbilici, & fundo vesicæ affixum, tanquam suspensorium vinculum.

Eorum opus.

◊ Sinistrum pyramidalem dextro minorem reperit *Riolanus*, & cum unicus adest, sapius sinistrum, quam dextrum.

Ufus Pyramidalium. *Ufus* pyramidalium est rectos juvare in compressione sub-jacentium partium. Hinc prout validiores sunt tendines rectorum, ita modo defunt (quod rarum) pyramidales, modo adsunt robusti, modo tenues, modo unus tantum. *Bauhinus* ait: Si absint, tum vel caro rectorum capitibus juncta, quod sæpe observavimus, vel adeps eorum vicem gerit. Et alii volunt, esse quasi stragula quædam musculorum rectorum.

◊ *Fallopianus* vult, pyramidales, vesicam dum mingimus, comprimere ad excretionem urinæ. Contra *Aquapendens* vult, quod se attollant ac elevent, & una subjectum abdomen atque peritonæum, ne premantur nimis subjectæ partes. Astringit autem *Fallopianus Columbus*, ac si statuisset erectioni penis inservire hos musculos, cum id *Massa* statuatur, cujus sententiæ suffragatur *Fluddius* ob situm horum musculorum: illi autem usui inservire non possunt, quod partem dictam non attingant, & in fœminis quoque inveniuntur.

Musculi transversi.

◊ *Quintum par TRANSVERSI*, situ infimi, oriuntur à ligamento quodam ex osse sacro prodeunte, & musculus sacrolumbum tegente, deinde ab infima costa & ab osse ilii. Finiunt membranoso tendine in lineam albam, contumaciterque adhærent peritonæo ubique, nisi circa pubem. Horum peculiaris *usus* est colon comprimere.

Actio musculorum abdominis.

◊ *ACTIO* omnium musculorum abdominis est quasi duplex: 1. *Æquabilis* contentarum in abdomine partium retentio & compressio: nam omnes simul agunt, adjuvante diaphragmate, quo spectant fibræ omnium musculorum in eodem centro concidentes, hoc modo apud *R. Flud.* expressio.*

Cur musculi abdominis plures?

◊ 2. Quæ hanc sequitur, excretio superflui. Et quia partium comprimendarum magnus est numerus, ut intestina, uterus, vesica; non sufficit unus musculus, sed plures in diversis locis agentes, secundum varios angulos: rectos, transversos, obliquos. Habet quidem quælibet pars vim expellendi; sed partes quæ cavæ sunt, & sæpe multumque onerantur, indigent horum musculorum auxilio, ut cum sit expulsio excrementorum, vermium, urinæ, fœtus, mœlæ, &c.

Abdominis musculorum actio secundaria.

◊ Hæ veræ sunt actiones, quæ patent ex fabrica. Sed natura abutitur aliquando his musculis ad thoracis motus, quan-

quando magna & violenta expiratione opus est, ut in clamoribus, tussique, &c. tum enim thoracem non parum constringunt.

Ufus. Sunt calidi & humidi temperamenti, quia caro prævalet in iis: ideo fovent calorem & coctionem: Moderate crassi: ideo tumentur partes, suntque iis propugnaculo, etiam quando quiescunt: item, ad formam conducunt, hinc deformes sunt obæsi, hydropici, graciles, &c.

CAP. VII.

DE PERITONÆO.

A Blatis omnibus musculis abdominis, in conspectum venit PERITONÆUM, subiacens, & intestinis obducum, dictum à circumtendendo, quod circumtendatur partibus, quæ inter diaphragma & crura sunt. *Peritonæum unde dicatur?*

Est autem PERITONÆUM membrana viscera inferioris ventris investiens. *Peritonæum quid?*

Membrana est, & quidem satis tenuis atque mollis, ne operi sit; sed valida & densa, ut laxari distendique possit. *Crassior est in mulieribus ab umbilico usque ad pubem, ut in gestatione fœtus distendi magis possit; in viris præsertim crapulæ addictis crassior à mucronata cartilagine ad umbilicum, ob ventriculum putatur à Laurentio, quod tamen vix verisimile est: decebat enim inferiorem partem crassiorem esse, ne stantibus nobis viscerum pondere laxaretur.*

Alii volunt Peritonæum esse ex ligamentosa & nervosa substantia; *alii* ex solis nervis; *alii* ex solis ligamentis; *alii* è meningibus cerebri.

Figura Peritonæi est ovalis. Est enim instar vesicæ; vel ovi oblongi. Nam inferiorem ventrem totum succingit; ideo huic longitudine & latitudine respondet. *Ejus Figura & magnitudo.*

Superficies ejus est intrinsecus levigata, & velut humore oblita, ob intestina quæ tangit; extrinsecus fibrosa, & non-nihil aspera, ut connectatur cum musculis. *Superficies.*

Ortum habet ad spinam ad lumborum vertebra primam & tertiam, ubi crassius est peritonæum; unde ibi non, nisi rumpatur, separari potest. *Ortus.*

Connectitur etiam superius diaphragmati artissime (unde eo inflammato hypochondria sursum convelluntur) inferius ossi pubis & ilii, antè lineam albam & transversorum musculorum tendinibus. *Connexio.*

Est autem ubique duplex (Laurentius vero cum Cabrollo) *Peritonæum duplex.*

FIGURÆ EXPLICATIO.

Peritonæum cum suis processibus expressum est,
sub quo ventris inferioris viscera pleraque trans-
parent.

AAAA. Quatuor communia corporis tegumenta decussatim dissecta.

BBBB. Musculi abdominis eodem modo dissecti.

CC. Os pectoris, seu sternum.

D. Cartilago ensiformis.

EEEE. Peritonæum universam infimi ventris cavitatem obvelans
& ambiens, quod subiecta viscera transparenere videntur.

FF. Hepatis sub Peritoneo siti adumbratio.

a Fissura, inquam vena umbilicalis L. inseritur.

GG. Ventriculi obscura effigies.

H. Lienis in sinistro hypocondrio siti imago.

III. Intestinorum multiplices anfractus, obscure hic apparentes.

K. Umbilicus.

L. Vena umbilicalis à Peritonæi involucri liberata.

MM. Arteriae duæ umbilicales.

N. Urachus.

OO. Vasa partim ad ventriculi fundum, partim ad omentum di-
stributa.

PP. Processus Peritonæi in quibus vasa præparantia continentur.

QQ. Testium muscoli cremasteres sive suspensores dicti, ex quibus
dexter in suo fere situ cernitur, sinister vero separatus dependet.

RR. Testes scroto exuti.

S. Os pubis.


T. Penis.

V. Exortus vene Epigastricæ.

X. Arteria Epigastrica, dictæ vene comes.

Y. Vena Epigastrica propago quedam.

Z. Arteriae itidem propago quedam.



omnes membranas, etiam piam matrem duplices facit) quod tamen maxime circa spinam apparet, supra umbilicum ita firmiter cohæret, ut discerni nequeat: at ab umbilico ad pubem manifeste dividitur in duas tunicas, adeo distantes, ut in earum capaci duplicitate vesica contineatur, quod paucis observatum: idque in hunc usum: 1. Ut ibi sit robustior membrana, ubi gravatur. 2. Ut vasa umbilicalia illic excurrentia tutius ferantur; nam hæc peritonæum duplicatum permeant. Quare etiam

Fernelii
error.

Foramina
quot?

Processus.

Hernia
causa.

Vasa.

Uusus.

Peritona-
um mater
tunicarum
in imo ven-
tre.

Perforatur peritonæum antèrius in fœtu, ubi umbilicus est: Deinde *superne* foramina habet, ubi diaphragmati connascitur, ad transitum vasorum. Male ergo *Fernelius* contra *Galenum* negat Peritonæum habere foramina. Sunt hæc tria: Primum, ubi transitus est venæ cavæ. Secundum, ubi transitus est stomachi. Tertium, ubi transit arteria magna & nervi sextum par per diaphragma. *Inferne* circa anum, cervicem vesicæ & uteri, vasaque ad crura abeuntia per Peritonæum, abdominis musculos, & cutim.

Processus habet binos oblongos, tanquam fistulas vel canales laxiores, in viris descendentes in scrotum, per foramina tendinum musculorum obliquorum & transversorum, in quibus productionibus, vel didymus, uti vocarunt veteres, vasa seminaria descendunt & recurrunt, atque prope testes processus hi magis explicant, fiuntque testium tunicæ.

Hujus exterior tunica si dilatatur, & interior (quæ priori) arctissime adhæret, nisi juxta os pubis, ubi se jungitur) rumpitur, hernia fit, prout vel intestinum, vel omentum, vel utrumque illabitur.

Vasa accipit à vicinis diaphragmaticis, mammariis & epigastricis, aliquando & à seminalibus. Nervos exiles ab iis, qui abdominis musculis porriguntur. Hinc sensu peritonæum præditum est, contra quam putavere alii ante *Vesalium*, quibus etiam refragatur experientia.

Uusus *Peritonæi* est, qui membranarum in genere. 1. Partes continere, & hinc inde connexiones mittere. Hoc maxime facit Peritonæum: nam omnia viscera infimi ventris tegit & firmiora reddit; omnibus tunicam producit atque largitur, quibusdam tenuiorem, prout usus postulavit, quibusdam crassiorem, ut ventriculo, intestinis, vesicæ, utero. Ab eo etiam prodeunt duæ membranæ duplicatæ, omentum & mesenterium. Peritonæum etiam hoc facit, ut vasa in longum producenda, inter duas ejus tunicas excurrant.

2. Claudere venarum orificia. Hinc jecur, si membrana

non

non obduceretur, ora venarum ejus in conspectum venirent. Inde quoque eæ partes, in quibus plures sunt arteriæ, crassio rem membranam acceperunt, ut lien. 3. Promovere musculorum abdominis actiones, ex Galeno.

CAP. VIII.

DE OMENTO.

Sub Peritonæo est OMENTUM quasi operimentum, aliis *Omenti* zibus, rete vel reticulum, ob ductum vasorum erra- *etymon.* bundum, Græcis ἐπιπλωον dictum ab innatando, eo, quod intestinis veluti innatet. Nam omnibus animalibus

Situs. *Situs* est ad hepar, lienem, & ad ventriculi fundum, in- *Situs.* deque intestinis instratum, quorum anfractus involvit, & ingreditur, nonnullis ad umbilicum cessat, in aliis sæpe in- *Connexio.* fra umbilicum protenditur, & aliquando usque ad os pu- *Connexio.* bis, ubi inseritur: aliquando utero jungitur arcto nexu, ut in fatua Neapoli singularis doctrinæ vir, *Marcus Aurelius Severinus* reperit: & fundo uteri in alia Venetiis me præ- *Sterilitatis* sente alligabatur: & quando intercedit fundum vesicæ & u- *causa.* teri, os uteri comprimi, & mulieribus sterilitas adferri puta- *causa.* tur, in viris autem epiplocele, quando in scrotum descendit. Quia autem in sinistrum potius quam dextrum latus extenditur, inde Epiplocele sinistra frequentior.

Non raro intestinis nudis, sub hepate omentum delitescit, *Situs omen-* quod accidit non à strangulatione, cum in strangulatis suo *ti in stran-* loco inveniatur, & in non strangulatis retractum reperia- *gulatis.* tur; sed, si *Spigelio* fides, ab intestinis flatu tumidis. In hydropicis plane computruisse observavi. C. *Stephanus* injuste venatoribus denegavit.

Infantes, si *Riolano* credimus, omento suspenso destituunt- *In Infante.* tur, quod dum crescunt deorsum extenditur, & in declinante ætate iterum imminuitur.

Origines duas distinctas habet à Peritonæo, & est quasi *Ortus.* duplicatum Peritonæum. 1. Ad ventriculum oritur, nempe ejus fundum. 2. Ad dorsum & intestinum Colon; & nullum initium alteri cohæret. Hinc duos habet parietes, seu duas *Partes.* membranas, subtiles & leves (ne pondere gravent) sibi ipsis incumbentes: Externam seu *anterior*em, quæ alligatur exteriori membranæ ventriculi ad fundum, & simæ lienis parti. Internam & *posterior*em, quæ alligatur colo intestino, & oritur sub diaphragmate, statim ad dorsum à Peritonæo. Atque inter hos parietes *cavitatem insignem* habet: in qua

non-

FIGURÆ EXPLICATIO.

Tabula hæc Intestinorum & Omenti situm exprimit, & Vasa umbilicalia ad vivum representat.

AA. Abdominis integumenta dissecta, & undique reflexa, ut interiora veniant in conspectum.

B. Mucronata cartilago.

CC. Jecoris gibba pars.

DD. Ventriculus.

EE. Coli intestini pars sub ventriculo sita.

FFFF. Omenti superior membrana ventriculi fundo amexa.

G. Umbilicus.

HH. Vena umbilicalis.

II. Arterie duæ umbilicales,

K. Urachus.

L. Vesica.

aaa. Vasa gastrepiploica per omentum & ventriculum sparsa.

MM. Intestina.

Riolanus
vesellieur.

nonnulli valde inepte, arbitrantur contineri naturalem spiritum, potius flatus cum *Aquap. hypochondriaci*, quamquam id sit p. n. humor *Laurentii*, & illuvies lienis *Bauhini* magis naturæ consentiunt. *Riolanus* à producto mesenterio propagari vult, quia membranas mesenterii divellendo continuabis usque ad colon, idque ex *Hippocrate* alibi probat. Sed frustra, quum mesenterium ipsum sit à Peritonæo, & quartam tantum partem omenti esse mesentericam fateatur.

Figura.


Figura est marsupii aucuparii; nam superius orificium orbiculatum habet, inferius autem omentum rotundum est quodammodo, nonnunquam inæquale, foraminulis exiguis pertusa *Cartesio*, in sola superficie emergentibus.

Magnitudo.

Magnitudo variat: nam in nonnullis hominibus ad umbilicum, in nonnullis ulterius progreditur, ut ante dictum. Naturaliter vix semilibrę pondus excedit, ut annotat *Riolanus*. *Vesalius* tamen omentum quinque librarum vidit.

Vasa.

Hoc peculiare habet omentum præ aliis membranis, quod per substantiam ejus plurimæ *Venæ* spargantur & *Arteria* à *Cœliaco* & mesenterico ramo; *Nervi* vero exigui à sexti paris ramulo duplici: Et ob venas multas, *Adeps* multus in omento est: eique innumeræ glandulæ interjectæ, quæ humidum



FIGURÆ EXPLICATIO.

Tabula demonstrat omenti inferiorem membranam ; Mesenterium item cum adjunctis intestinis & glandulis , ex *Casserio*.

AAA. Omenti membrana inferior ex qua Colon suspenditur.

aaa. Vasa Epiploica.

BB. Coli pars.

CC. Ligamentum coli.

DDDD. Mesenterium.

EEEE. Glandulae Mesenterii minores.

F. Glandula maxima Mesenterii in ejus medio sita , Pancreas *Asellio* dicta.

GGG. Vasa Mesenterii.

HHHHH. Intestina tenuia & crassa.

I. Vesicae urinae fundus.

KK. Arteriae umbilicales.

L. Urachus.

M. Umbilicus abscissus.

midum faeculentum depascuntur. Quem adipem saepe eliquatum observamus febri tabifica laborantibus.

Rarissimum est omentum plane esse carnosum , quale in *Nosocomio Leydensi* vidimus exsectum.

Substantia. Substantia : Omentum ex observatione *Malpighii* conflatur quidem ex tenui extensa membrana , sed in sacculos , *In striis.* strias , seu mavis amplum vas excavata & propagata , quæ amplexu subsequitur venarum & arteriarum propagationem , ita ut cum venæ & arteriæ reticulariter ad latera & in finibus propagentur , eodem sacculo , seu membranosis striis in continuata propagine investiantur ; intus etiam contenta pinguedine , ea tamen lege , ut à tota stria seu sacculo , minimi lobi diversæ figuræ pinguedine referti , propriis vasibus irrigati , propriaque membrana obvelati investiantur.

Quæ videntur vasa adiposa. Probabile ipsi videtur , vasa esse adiposa , quia in recentem maceratis animalibus æqualiter turgida apparent , & videntur veluti intestinula globulis referta ex liene , ventriculo & glandulis pinguedinem accipientia.

Horum distributio per totum corpus. Vasa hæc adiposa omenti per membranam quoque adiposam diramificantur , ut verosimile sit , quia omentum dorso alligatur , veluti centro totius corporis , media adiposa membrana , quæ per universum corpus propagatur , in omnem



Uſus.

omnem corporis regionem, diffeminari adipem & hæc vaſa.

Uſus 1. Ob adipis copiam omentum juvat & fovet calorem ventriculi, ſeu fundi, nam ſuperior pars ventriculi fovetur ab incumbente jecore, fovet etiam calorem inteſtinarum, tanquam partium membranofarum, & exſanguium. Hinc gladiator ille, cui *Galenus* omentum abſtulit, facile à frigore lædebatur, quare ventrem lanis ſemper obvolutum habebat. Eſt itaque omentum ventriculo inſtar pulvinaris, & coctionem promovet. Rarum enim eſt quod de juvene refert *Foreſtus*, & de aliis *Riolanus*, qui ablato omento commode tamen vixerint: forſan ventriculi robore aliunde accerſito, vel benigna nativitatſ forte propagato. Alioquin illius defectu catharrus, fluxus alvi, lienteria, phthiſis, & alia oriuntur.

2. Membranæ hunc uſum præſtant ex *Veſalio*, ut fulciant ramos venæ, & arteriæ euntes ad ventriculum, duodenum, colon, & lienem; deinde beneficio membranarum naſcitur pinguedo.

3. *Joh. Walæus* arbitratur ramos arteriarum & venarum majori copia omento tributos eſſe, quam ut ſoli omenti pinguedini, aut nutritioni ſint dicati, verum eos inſtitutos eſſe, cum rami venæ portæ ſint, ut plus ſanguinis ad cor redire poſſit.

4. *Corde. Com.* in lib. de de M M. alterum eum ventriculum, ſeu ſecundarium penu, à quo ventriculus eſcam repetit, quaſi ruminationis gratia.

CAP. IX.

DE VENTRICULO.

Ventriculi
etymon.

Ventriculus dictus quaſi parvus venter, eſt pars organica, in infimo ventre ſita, ſtatim ſub diaphragmate, chyliſificationis inſtrumentum. In thoracem per vulneratum diaphragma aſcendiſſe obſervavit *Paræus*, deorſum vero, ob auctum omentum, *Veſalius*. Thoracem quoque à primo ortu occupaviſſe *Riverius* obſervavit, noſque ſimile exemplum in *Hiſt. Anat. rar.* annotavimus. Sed naturalis

Situs.

Situs eſt in epigaſtrio, nullis oſſibus circumdato, ut facilius diſtendatur, & quidem ſtatim ſub diaphragmate in medio quaſi corporis, ſpinæque incumbit: Pars vero ſiniſtra, quæ major, & ad fundum rotundior, in ſiniſtro hypochondrio eſt, ut cedat epati, quod in dextro latere, atque ita in æquilíbrio quaſi ſit corpus: Dextram verſus paulatim attenuatur.

nuatur, ut cibus sensim eo protrudatur. Ex quo fundamento citur, dormituris conducere primum sinistro lateri incumbere, usque ad coctionis absolutionem: deinde vero dextro, secus quam vulgo putant. In sinistro vero fundus est, ubi morari debet cibus, ad dextrum enim revolutus, viciniot est exitu. Quamquam hic consuetudini multum dandum.

Número unicus est in homine, & animalibus utramque maxillam dentatam habentibus. *Riolanus* in homine bis duplicem observavit continuatum, sed ore angusto intercisum. Idem in fœmina Wittebergensi *Sperlingius*, & sacculum lapidibus refertum ventriculo adnatum vidit *Helmontius*. Quinetiam duplex fuerit in ruminante apud *Sal-muthum* & alios, dubitare non licet. In pennatis nonnullis duo sunt ventriculi, unus membraneus, Ingluvies Latinis, recipiens tantum alimenta, ut inde leviter cocta injiciantur in pullos; cum alias pennatorum pulli non nutrimentur. Alter est carnosus valde & calidior, intus habens membranam duram, qua recipitur alimentum durum. Tertium in quibusdam addit vir insignis *P. Castellus* pariter carnosum.

*Numerus
ventriculo-
rum in pen-
natis.*

In ruminantibus, cornigeris, & altera maxilla dentatis, quatuor sunt: Venter primus, reticulum, omasus, & abomasus; de quibus *Aristoteles*. Venter, & pars ejus reticulum, crudo cibo custodiendo dicantur, omasus ab ore immediato tractu pabulum suscipit, si tenue sit, si crassius, prius ruminatum, ab hoc brevi mora in abomasum labitur.

*In rumi-
nantibus.*

Ruminatio autem est cibi in ore repetita masticatio ad perfectiorem coctionem, unde alimentum optimum, & eo nomine inter pura erant ruminantia animalia Judæis. Fit ea, non ut quidam censent, quod cibus in primo ventriculo talem acquirat qualitatem, ut ille ventriculum ad expulsionem per superiora stimulet; nam sic in quovis ventriculi acriore morfu, & in omnibus præter voluntatem fieret ruminatio: Sed à ventriculi voluntaria actione dependet, qua per membranam singularem quidvis pro arbitrio, & quovis tempore expellit; quemadmodum Melitenis ille bibo, nobis visus, omnes liquores assumptos pro nutu rejiciebat, & alii fumum tabaci deglutitum reddunt. *Riolanus* œsophagum musculosum habuisse ruminantem Melitensem, ad ventriculum usque protensum, fibris rectis conspersum, recte divinavit, nam in dissectione Monachi ruminantisprehendit *Fr. Plaxxonius* œsophagum undique muscoli instar carnosum, sicut testis mihi est *Jo. Rhodius*. Fibras transversas in interiore gulæ tunica voluit *P. Aponensis* in Probl. quem explicat *Joh. Amilianus* in Rum. Historia. In Ceta-

ceis piscibus triplicem notavi, ut in Tursione, aliisque; sed ita coherentem, ut loculi potius sint, foraminulis invicem pervii.

Orificia.

Orificia habet duo, & ambo quidem in suprema ventriculi regione.

Cur Symptomata oris ventriculi Cardiacis similia. Sinistrum.

Sinistrum vulgo superius dicitur, alias Os ventriculi simpliciter, aliis Stomachus ob amplitudinem; de quo *Jo. Fac. Manardus* in Epistolis; Veteribus cor, quia ejus affectus animi deliquia, aliaque symptomata Cardiacis similia gignunt, tum ob exquisitissimum sensum, tum quia cor condolet per consensum, & vicinitatis, & nervorum ab eodem ramo prodeuntium. Orificium hoc majus est, crassius & amplius, ut etiam cibum durum, aut etiam semimausum admittat. Situm est ad vertebra thoracis undecimam, versus partes posteriores, fibras circulares carnosas habet, ut claudat orificium, naturali instinctu, ab assumpto alimento; ne fumi ascendant, cerebrum petant, morbosque generent, & ita perfectior fiat coctio. Ita illud quasi ollam operculo, ad retinendos fumos tegimus, ne decubitu vario alimenta in os regurgitent. Hinc in stomachicis cibis semicoctus quandoque refluit ad os, & auget malum, movente *Lindano*. Per hoc orificium cibus & potus intromittuntur. Est autem adhuc in epigastrica regione, estque vicinior spinae, quam cartilagini ensiformi: ideoque in ejus affectu posteriori potius regioni, quam anteriori applicabimus epithemata.

An anima sedes sit in orificio stomachi?

In stomacho tanquam centrali puncto, & radice principium vitae, & sedem animae collocat *Helmontius*, ut praesit quoque, & dominetur capiti, principibusque facultatibus. Si pressius sedis partem quaeras, exorbitanti modo inesse respondet, in puncto centraliter, ac velut in atomo unius membranæ spissitudinis meditullio. Sed stomachus sedes animae esse nequit, quia 1. Scatet semper cibus impuris. 2. Nullæ inde facultates nobiles dimanant. 3. Voraces & plus appetentes, plus animae haberent. 4. Anima non est centro alicui affixa. 5. Læso eo, non statim mors, ut in eultrivoris patet. Quod si vero damni quid patiatur, id viciniae cordis, & communioni nervorum per accidens adscribendum. In nervis quippe non hæret anima primo, sed ibi potius, unde nervus oritur: & membrana communis est. Dici tamen lato modo potest vitae principium, quia ibi sedes appetitus, & prima alimentorum apprehensio, cujus vitium in sequentibus coctionibus nusquam mutatur in melius. Dominatur autem capiti propter membranarum consensum & vaporum certissimorum, ex ciborum concoctionibus,

bus, elevationem. Quibus nervos stomachicos, præeunte Galeno, addit Riolanus, quibus muniri fortius quoque docet Mæbius, ut sese arctius claudere, chyli in gulam regurgitationem præcavere, & ejusdem motum ad pylorum promovere queat.

Orificium dextrum, vulgo inferius, distat à fundo, quem admodum sinistrum fere: Angustius est, & clausum manet, donec cibi concoctio absoluta, hoc est, donec cibus in cremorem liquidum mutatus est. Per partes tamen emittere liquidiora, & facilioris coctionis alimenta, in vivorum sectione observavit Waleus, quod levi apertione potest ab- solvi; nec opus est ut crassiora, necdum cocta demittat; sicut objicit Riolanus, quum angustam rimam penetrare nequeant. In vomitu claudi sursum inversum Pylorum Helmontius affirmat, quia sanitati sit inconveniens inferne istas fæces demitti. At tamen concedit aperiri interdum inter primum & reliquos vomitus, quando ex intestinis ascendit aliquid. Et re vera apertum esse etiam noxiis humoribus, lienteria testantur, fluxus alvi alii, miserere mei, & alii affectus ultro citroque per Pylorum transeuntes. Post mortem manere clausum idem credit, quod non aliter fieri suspicor, quam sicut aliæ partes tum rigent.

Est nonnihil reflexum, & fibras transversas habet, circumque crassiolem (alii vocant tubercula glandulosa) instar muscoli Sphincteris. Hunc nomine *valvula* dignantur quidam, quæ tamen adeo arcte raro clauditur, quin & fæces, & bilis, & alia subinde ascendant. Chylus autem naturali cursu inferna petit, nec nisi coactus remeat. Hanc valvulam magis expressam hic videri, quam alteram extremitati illi la. circumdatam scribit Riolanus. Circulum membranosum mollem ex corrugata interiore tunica intestini summi expressum vidit Jo. Th. Schenck, quanquam fibras transversales sufficere suspicetur. Mæbio vero potius attrahit chylum pylorus, quam claudit ventriculum. At Lindano verus usus est, ut coarctando seipsum magis, minus, curam gerat ne quid vel crudius elabatur, vel satis coctum detineatur. In leone fere cartilaginosum observavi. Dicitur pyloros & janitor, quia chylum emittit: non quia ostium est pro excrementis, quod contra Celsum notat Verderius.

Potest valde dilatari, uti & sinistrum. Hinc varia exempla testantur, sæpe deglutita fuisse, & per vomitum, & secessum rejecta, quæ oppido magna fuere; ut annuli aurei, nuclei, cultelli, lapilli, ferramenta, ranæ, lacertæ, serpentes, anguillæ integræ, fistulæ musicales, nummi, &c.

E 3

Pylor-

Dextrum,
scilicet pylorus.Aperitur
in chyli
distribu-
tione.Clauditur
quandoque
& aperitur
in vomitu.Valde di-
latatur in-
terdum.

FIGURÆ EXPLICATIO,

Nervi stomachici dicti exprimuntur.

- A. *Ventriculus.*
- B. *Gula seu œsophagus.*
- C. *Ventriculi sinistra pars amplior.*
- D. *Orificium ventriculi superius, stomachus, καρδιά.*
- E. *Nervus sexti paris externus dexter, orificium cingens.*
- F. *Nervus sexti paris externus sinister.*
- GG. *Vasa Gastrica fundum perreptantia.*
- H. *Orificium ventriculi inferius, Pylorus.*


An pylori sit aliquod regimen in inferiora? Pylorus inferioribus imperat omnibus, ex sententia *Helmontii*, digestionis moderator. Ex cujus indignatione Paralyfin deducit & vertiginem, à filice eundem obstruente inappetentiam & mortem. *Salmuth* ex ejus arrofione & schirro mortem inductam vidit, quæ mala dependent à vitiata concoctione, vel impedita digestionem.

Ventriculi fibrarum usus, eorumque Ventriculus *fibras* habet triplices: rectas, obliquas, & transversas; quæ putantur facere ad attractionem, retentionem & expulsionem. Verum rectius forte alii statuunt, conducere fibras ad robur & firmitatem, quemadmodum in tela fortiori plura solent intertexere: præsertim cum aliæ partes multæ absque fibris ejusmodi attrahant, retineant, expellant, ut hepar, lien, cerebrum, testes, pulmo, mamma. Et aliæ partes, ut ossa, cartilagine, licet fibras habeant, nihil tamen attrahunt aut expellunt.

Numerus, *Fibrarum numerus* in membranis incertus, authorum dissensione. Primam tunicam, seu exteriorem plures fibras rectas habere, & secundam plures transversas, inter plerisque convenit. De tertia seu interiori dubium. *Galenus*, *Abensina*, *Mundinus*, *Sylvius*, & *Aquapendens* rectas tantum tribuerunt. *Vesalius* cavitatem versus rectas, obliquas vero exteriori parte. *Costaus* obliquas solas concedit. Nos cum *Fallopio* & *Laurentio* experientia ducti & ratione, omnis generis fibras admittimus.

Superficies. *Superficies* extrinseca est levis, plana, & albicans: intrinsecus, quando ventriculus constrictus est, apparet rugosus & nonnihil rubens.

Membranae. *Membranas* habet triplices: primam communem & externam à peritonæo natam & crassissimam inter eas, quæ à peritonæo oriuntur, quamvis alioquin tenuis satis sit. Quam



Vide tab.
ro.

Crusta in
ventriculo
unde ?

Pori ven-
tricali.

An pa-
teant ?

An per il-
los transu-
det chylus ?

Connexio.

in vomitu principem concurrere *P. Castellus* suspicatur. Secundam carnosiore, quæ media est, & ad meliorem concoctionem quidem fibris carnosus donata est. Tertiam infirmam & nervosam, in quam vasa terminantur, œsophagi. oris & labiorum tunica continuam: ut nihil ventriculo ingratum recipiatur, & quia in ore cibi fit præparatio. Hinc quando in ventriculo bilis, communicantur linguæ amaritudo, & flavedo: è contra etiam oris & linguæ vitia œsophago & ventriculo. *Lindanus* advertit, internam hanc tunicam tanto semper duriores esse quo vicinior ori, ne durioribus, quæ masticantur, lædatur; molliorem, quo anui. *Rugosa* est hæc tunica, ut dilatari melius possit. Rugas istas à magnitudine membranæ internæ deducit *Higbmorus*, quæ ad exterioris angustiam se contrahit. Rugas vero habet ob crustam carnosam sibi adhærentem, ut melius ab ingestis durioribus defendatur. Crusta ista statuitur esse ex excrementis terræ coctionis ventriculi: estque spongiosa, habet meatus, veluti fibræ breves, ab infima superficie ad extimam, ut chylus tenuior facilius ibi ad concoctionis terminum morari possit.

Ventriculi ergo substantia cum membranea sit & frigida, calore juvatur vicinarum partium. Nam dextro lateri superjacet Hepar & etiam mediæ parti; est enim adhuc Hepar sub fovea cordis: sinistro adjacet lien; integitur ab omento pingui: subtus est pancreas; adjacent etiam diaphragma, colon, truncus venæ cavæ, & aortæ.

Poros suos habere ventriculum, dubitare non possumus, sed an eam habeant illi figuram, ut chylum aliaque assumpta necessitate cogente transmittant, nulla oculari experientia scimus. Tenuiorem tamen chylum hac via meare *Veslingio* & *Gassendo* concessum, & spiritualem cibi potusque partem in famelicis & citâ restauratione egentibus *Mæbio*.

Cum autem inordinate pateant pori ad externas partes reliquas, quo dnce ad organa sanguificationis manuducitur chylus? Observatio quoque reclamât. Quocunque enim modo tractatus ventriculus vivorum animalium, vel exemptus, firmiter contenta retinet. Et frustra patentia vasa extarent. Unde gravius errat *P. Vattierius* quod ordinaria naturæ lege per membranas ventriculi ad hepar lienemque transudare credat, sicut alibi probavimus.

Connecitur ventriculus in sinistra parte diaphragmati (non spinæ) orificio suo; ideo nimis repletus, impediendo diaphragmatis motum, dyspnœam parit: In dextra duodeno jungitur, altero orificio seu Pyloro.

Ad ventriculum in sinistro latere sub diaphragmate insignis formatur *cavitas* membranis inclusa, partim à ventriculo, partim à diaphragmate, partim ab omento. Erudita de ista habet *Tylpius*, quem examinat *Riolanus*. De hac cavitate intelligendus locus *Hippoc.* sect. 7. Aphorism. 54. *Quibus inter septum transversum, & ventriculum pituita concluditur, & dolorem exhibet in alterutrum ventrem viam non habens, iis per venas in vesicam pituita versa, morbi fit solutio.* Vide *Galenum* in commento contra *Marinum*.

Figura est rotunde oblonga, & similis tibiæ utriculari, *Figura* præcipue quando cum duodeno & œsophago consideratur. Anterior æqualiter gibbosus est ventriculus; posterior, dum in corpore latet, duos gibbos habet: dextrum minorem, & sinistrum majorem, inter quos mediant dorso vertebrae, & truncus cavæ atque arteriæ descendens.

Magnitudo variat, communiter scæminis quam maribus *Magnitudo* minor, ut utero crescenti locus detur. Minores enim ut plurimum sunt ipsæ scæminæ, nec viris tamen gulosiores, ut credit *Aristoteles*, in eadem nempe magnitudinis ratione & sanitate, quin calore concoquente & digerente illis cedunt. Et in gulosis, & potatoribus major est, ita, ut cum turget, quasi nudus tactu deprehendatur. Est enim dilatatus valde, ideoque tenuior in potatoribus, in quibus nonnunquam adeo attenuatur, ut corrugari amplius nequeat, unde imbecillitas diuturna. Quod præcipue *J. Walens* sectione observavit, in iis senibus contingere, quorum ventriculus in confectione cibi flatu progignit; qui non raro etiam in voracibus, plus spatii, quam cibus occupent. Dilatatum ad umbilicum usque pervenire vult *Columbus*, & cum copia nimia turget, etiam longius progredi censet *Archangelus*; at contractus & corrugatus in sobrie viventibus crassus est, & sub Hepate occultatur. Cognoscitur autem magnitudo ventriculi 1. ex magnitudine oris. Qui enim oris sunt magni, ii & voraces, sed infimul audaces & magnanimi. 2. Si à cartilagine ensiformi usque ad umbilicum longius est spatium, quam faciei vel pectoris.

Pondus cum œsophago exsiccati ex observatione *Loselii* *Pondus* est duarum unciarum cum drachmis duabus; in quo tamen varietatem deprehendi, pro subjectorum diversitate.

Vasa plurima recipit. *Venas* à liene vas breve, quod inferitur non in os ejus, sed in fundum, ibique in ejus tunicas se ingerens, inter illas sursum quidem, orificium versus repit, sed antequam id attingat, oblitteratur; in quibusdam prægracilitate non conspicitur, in quibusdam plane deest, unde

E s

forlan

ἡ δὲ
ὁμοιοῦς αὐτῷ τῷ φρενὶ ἔχει
καὶ τοὺς φρενὶς ἀποκρίματα, καὶ τὸν
σπλῆνα, καὶ τὸν διήρονα καὶ τὸν
σπλῆνα, καὶ τὸν νοτίον, καὶ τὸν κατὰ τὸν
σπλῆνα καὶ τὸν νοτίον, καὶ τὸν
σπλῆνα καὶ τὸν νοτίον, καὶ τὸν
σπλῆνα καὶ τὸν νοτίον, καὶ τὸν

An ad appetitum vel coctionem faciat sanguis ex liene rejectus.

forſan pejus illi concoquunt, vel hunc defectum aliis arteriis compenſat natura. In aliquibus multiplici ramo luxurians vidi. Et revera plerumque rami ſplenicus eſt ſoboles. *Rolfinceius* ſex, *Hornius* quatuor ſurculos obſervarunt. Quia ergo in fundum inferitur, non faciet ad appetitum ſanguis acidus ibi ejeſtus, uti volunt. *Alii* autem volunt, excrementum melancholicum, quod tranſmutari non poterat in liene, in ventriculum per hoc vas deferri, ut acerba & acida ſua vi ventriculi coctionem promoveret, cibosque juſto tempore morari faceret. Verum impediretur potius coctio alieno humore excrementitio ingeſto. Si de ſucco acido fermentante explicemus, verior erit ſententia, qui aliunde venire non poteſt, quam ex liene. Is enim lien, ex obſervatione *Walai* coctus & deglutitus, præſertim ſuillus, proxime ad hominem accedens, gravitatem ventriculi ſolet emendare. Unde acida ſpleni amica, acetum ſpleneticis exhibet *Hippocrates*, & *Celfus* malagma ad lienem conficit aceto acerrimo temperatum. Ad hæc latus ſiniſtrum interioris ventriculi nigrius dextro invenit *Riolanus*. *Alii* nihil ad ventriculum per vas breve, ſed à ventriculo ferri ad lienem; ſive chyli tenuiorem partem, quod probant *Comringius*, *Joan. Daniel Horſtius*, *Regius*, ſive ſanguinem, quod *Hogelandio* placet, ligatura in vivis edocti, rentur, de quo infra.

Deinde à Vena portæ venas accipit ventriculus ramum pyloricum, gaſtricum, gaſtroëpiploidem ſiniſtrum & dextrum.

Una vena inſignis eſt Gaſtrica, quæ fundum ventriculi perrepat, ſed eum non plane tangit, ne à valde extenſo ventriculo metus ruptionis eſſet; ſed ramos ſpargit ad ventriculum multos: quos volunt *Picolhomineus* & *Aquapend.* tenuiorem & ſubtiliorem partem exſugere, antequam ad hepar chylus deveniat. Et videtur ſuaderi poſſe hæc opinio. 1. quia alias non poteſt reddi ratio tam citi tranſitus, quando ii, qui nimium bibere, ſtatim illud in copia emingunt. 2. alias rumperetur fere ventriculus, cum nimia ſunt ingeſta. 3. ideo citiſſime virium reſectiones ex vino odorato, juſculis, aliisque aſſumptis confortantibus.

Per gaſtricas chylum non ferri.

C. *Piſo* per eaſdem Gaſtricas, epiploicas, & vas breve chylum ad lienem deſert. Sed 1. ſanguinis hæc ſunt vehicula, non chyli. 2. in gaſtricis valvula prohibet quidquam ad lienem per ramum ſplenicum ferri. 3. lien nec chylum recipit, nec arterioſum ſanguinem conficit, contra *Piſonem*. 4. Aquoſiori chylo lymphatica in progreſſu distributionis deſtinata. Vid. *Hiſt. Laët. Thor.* Licet vero inter ligaturam & ven-

& ventriculum tumeat vas breve, non supra versus lienem, hoc minime ostendit chylum à ventriculo, ferri ad lienem, sed sanguis est, qui circulandus, si ligatura impediatur, vas prædictum extendit, sicut contra *Regium* monet *Barbatus*. Citæ vero restaurationis causam in Lactæas Thoracicas rejicimus. Olim ramulum in œsophago observavi, quem lymphaticum posterior cura revelavit.

Hoc damnato, *Swalve* subtiliorem alimenti portionem *An per* in cita restauratione à ventriculi membrana spongiosa im- *spongiosam* bibi suspicatur, indeque venarum osculis instillari, cum san- *membra-* guine versus cor refluxo protinus confundendum. Forsan *nam imbi-* occulti meatus vel in ore, vel œsophago, vel ventriculo latent, nobis ignoti. Donec illi detegantur, lactæas nostras fervemus, per quas cito transitu ad cor assumpta commeant.

In fundum ventriculi in quibusdam hominibus meatus fellei pars inseritur, per quam fel in ventriculum deferri *P. Severinus* nostras voluit: sed hic error naturæ est. Unde bilis vomitioni obnoxii sunt tales, sunt enim biliosissimi, quales observarunt *Galenus*, *Vesalius*, *Fernelius*, *Casserijs*. Dicuntur *πικρόχολοι ἄνω*.

Arterias accepit ventriculus à Cœliaca, venarum comites, non tantum ad vitam, sed ut sanguis à corde subministraretur ad nutritionem, nam chylo nutriri antiquata & falsa jam est opinio, quum more aliarum partium sanguine alatur, (chylo tantum delectetur) ex arteriis allato, qui sanguis ad cor refluit ex doctrina circulationis probatæ, & assertæ in epistolis à *Clariss. Walæo*. Per arterias splenicæ à liene acidus succus ventriculo subministratur, ut idem *Walæus* & *Hogelandus* arbitrantur, quod concedimus, quia vas breve arteriosum huc pertingit, & proprio vehendi munere alibi arteriæ defunguntur, vel in lienis absentia, quod *Riolano* faciles largimur.

Nervos item à sexto pari, ad orificia geminos à ramis *Nervi* stomachicis, postquam in thorace recurrens productus, pulmonibusque atque pericardio prospexit, qui, quia molles, & longum iter conficiunt, membranis robustis obducti sunt. Et ita se interfecant, ut oblique, adeoque tutius ducantur. Dexter oris ventriculi partem anticam & sinistram cingit. Sinister posticam & dextram. Ab utrisque ramis, *Willisio* observante, juxta oppositas orificii superioris partes delatis, plures surculi producantur, qui mutuo inosculati, *Plexum* *Plexus nervi* *nervorum* reticuli instar constituunt, quem coronam reticulari plexu vocat *Rosinckius*.

Ramo stomachico inferiori juxta sinistram partem fundi ven-

ventriculi alii rami uniuntur à plexu mesenterico & lienari. In dextra ejusdem parte, propagines ab utroque ramo stomachico, furculis à plexu hepatico uniuntur. Ubi truncum hujus paris sexti terminari credit *Willisius*. An verè nescio, quia ulterius protenditur ad omentum, mesenterium, &c. Sed ille nervum intercostalem distinguit à vago pari, quem nos alique sexti paris præcipuam sobolem credimus. Quia ergo ita orificium involvitur nervis, ac si ex solis nervis compositum esset, hinc valde sensibile est orificium hoc ventriculi; nam ibi sedes appetus & fames animalis esse debuit; quemadmodum partem eam contrahi & quasi corrugari sentiunt valde esurientes. Rami nervorum ex his quoque deorsum mittuntur ad fundum usque. A sinistro nervo abit propago, secundum supremam ventriculi sedem ad pylorum, quem aliquot ramis implicat, & jecoris cavum accedit. Alii etiam duo nervi adeunt ventriculi fundum à ramis juxta costarum radices ductis. Quamobrem mirum non est, quod percusso & affecto cerebro ventriculus turbetur, & vomitiones fiant, maxime in hemicrania. Atque vicissim male affecto ventriculo, cur animalis facultas langueat. Et cor compatitur, quia ab eodem trunco sexti paris, unde cardiaci oriuntur, etiam rami stomachici procedunt, *Villisio* demonstrante in figuris.

Lymphatici.

Vasa Lymphatica quoque ventriculus habet. Ea depingit *Rudbeckius* per ventriculum discurrentia, & in glandulam inter pylorum & stomachum sitam, inserta, humorem è ventriculi emulsum substantia vel arteriis fundentia & exinde in Receptaculum chylosum.

Ventriculi fermentatio.

Coctionem in ventriculo præcedit fermentatio ciborum, quod inculcat *Hippocrates de Prisca Med.* quia dura comminui, crassa, ut ossa, testæ, &c. in animalium ventriculis fundi, non posse à solo calore videntur, nisi prius ab alio incidantur. Fiatque ita præparatio ad chylicationem. Ventriculi tales sani fermentati dicuntur *Coo*, vel fermentantes, ut explicat *Foësius*, quod contra *Schoockium* notandum, qui de morbofo ventriculo tantum *Hippocratem* accipit, fermentationemque à concoctione naturali excludit, solo calore cum *Aristotele* contentus, aucto à spiritibus arteriosis sanguinis & ciborum potiusque, quia nulla sensibilis ventriculi intumescencia post cibum apparet. Nec sanos ructum acidum edere, nec succum talem fermentantem in ventriculis animalium inveniri. Non dissimilibus argumentis pugnat *Mæbius*. Sed calor non sufficit, quia calidissimi ventriculi nonnunquam male coquunt, & frigidiores bene.

Necess-

Necessarius tamen tam proprius quam alimentorum in fermentatione, ante & post. In gulosis intumescencia conspicua. Et fermentationem notarunt qui post pastum ex le-
thalibus ventriculo inflatis vulneribus cibum ebulliendo erupisse viderunt, & qualem in se deprehenderunt, qui ardore stomachi laborant, sicut scribit *Maur. Hofmannus*. Acidum autem illud jamjam ostendemus inveniri, quo ventriculi virulorum imbuti fermentant in culinis lac & à ferro separant. Incidendi igitur eum laborem, bili attribuit *P. Severinus*, quod ante ex *Hippocrate & Galeno* alii probant; quanquam non de ventre sed intestinis *αγιλίαν* apud *Coom* explicet *Schelhammerus*. Bilis tamen ordinaria natura lege in ventriculo non reperitur, nec cibum ullum solidum resolvit, quanquam ad colores diluendos adhibeant pigmentores. De la *Chambre* spiritus sine quibus fieri vix potest. *Willisus* ad chylificationem peragendam spiritus ex nervis stomachicis affatim advocat, unde stomachus supra menstrui cujusvis chymici virtutem corpora dissolvit. *Riolanus* id à chyli reliquiis, quæ fermenti naturam induerunt, contingere putat; concurrit quidem, siquidem omnibus fermentum induci potest; sed ad primum deveniendum, unde chylus fermentatus, & unde primi cibi fermentum deductum fuit, antequam chyli reliquiæ poterant exsurgere. *Major Doctorum pars* Melancholiæ id omne tribuunt, quæ per vas breve in ventriculum defertur, & de quo Melancholici alias non bene coquentes, propter saporis acrimoniam subinde conqueruntur. Quæ melancholia, si de succo acido accipiat, salvari potest, qui per arterias ex corde provenit. Assumpta enim acida quævis, ut acetum, eoque macerati cibi, succus citri, oleum sulphuris aut vitrioli, cremor Tartari, & similia, ventriculi imbecillitatem sublevant & emendant. Extra corpus quoque acetum fermentat terram & lac, quemadmodum atra bilis, chalcitidis acor Theriacam, fermentum, acidum, panes, &c. Bilem acidam ex liene advocat *P. Castellus*. Acidum hoc in sanis quoque reperiri, indicium est, quod sanitatis sit index 1. *Aph.* 3. ubi ructus acidus signum bonum est in longis intestinorum laxitatibus.

De succo vero hoc fermentante non idem omnes sentiunt:

Helmontius solo splenis odore in stomachum inspirato, cibos fermentari fierique cremorem acidum, sicut ex sola aqua in verum acetum mutatur concepto è cadis fermento. *Flogelandio* succus similis est spiritui vini mixti cum chalcantho.

An salinum,

cantho. *Mæbio* est succus ventriculi, non acidus, sed acris & salinus, quod gustu in variis animalibus expertus est, de sale volatili sanguinis arteriosi participans, quo sale dissolvatur cibus. *Fracassatus* salinum recipit fermentum, sed illud mercuriale ac armoniacum censet, & maxime volatile, parum sollicitus an à ventriculo, vel liene, vel recrementis ciborum prodeat, quia sanguis salinarum partium est penu.

vel acidus,

Excitare etiam calorem admittit, quia in aquis stygiis pyrotechnia salium vires aperit. In acido nobiscum plerique consentiunt. *Jo. Theod. Schenck* innatum ventriculo menstruum hoc esse, à chyli vero reliquiis & corde extrinsecus adveniente alio tum calido tum acido roborari. Consentit *Swalve*, ex relicta chyli portione aclescere, ac plicis infixum spiritum acidum foveri. Esse autem spiritum acidum experientia probat. Eximatur enim vel in sanissimis ex cavitate ventriculi chylus, semper & ubique acidus deprehenditur, quomodocunque demum sapuerint ingesta. Media via prudenter graditur *Fer. Lossius*, fermentum esse acido-salinum,

vel acidosalinum.

quia tanta est ejus varietas ratione individuorum & specierum. Hic magis acidum, ibi magis salsum. Ratione etiam ætatis variare. In veteri glire nullam falsedinem, in juvene aliquam. In adultis hominibus acidulum, in infantibus insipidum, in canibus modo salsum, modo acidum. Variat

Quomodo à calore dependent?

etiam ratione caloris. A moderato excitatur, extinguitur ab immoderato. Hincque adeo est, *Charleto*no judice, cur tum in Leucophlegmaticis frigidaque ventriculi intemperie laborantibus, languet adeo ac dejicitur appetitus: tum in febribus aliisque calidioribus morbis, in totum destruitur, sicut massa farinacea in frigido loco difficulter fermentatur, in calido nequaquam.

Calori primas partes defert *Cartesius*: concoqui enim cibum vi quorundam liquorum, qui in cibi poros illabentes, ipsum separant, agitant, & calefaciunt: Liquores hos à corde per arterias deductos esse calidos, & cibum ut plurimum ejus naturæ, uti sua sponte corrumpatur & calefiat, sicut fœnum humidum in horreo. Liquorem hunc ex sanguine esse & aquæ fortis officio fungi.

Auctoris de his sententia.

Ut breviter dicam: sicut Chymici herbas contusas calido loco exponunt, addito fermento, sine sale, quod fermentationem impedit, ut putrescant & fermentent ex se, quo resolutis per minima particulis spiritus efficaciores eliciantur: ita de ciborum in ventriculo coctione habendum. Quicquid sit,

Coctionis requisita.

Tria ad coctionem ciborum requirit *Joannes Wal-*
laus.

Lens, primum humidum aliquod diluens cibum, potum nempe & salivam, deinde comminuens & incidens, ut humor acidus, tenuis, & tandem fundens, fluxileque reddens illud quod incisum est, quale calor est, quo in rapacibus animalibus & hominibus quibusdam, licet non bibant semper, fluxilis redditur chylus. Non dubitarim ego excrementa tertiarum coctionis crustæ adhærentia, tanquam imprægnata adhuc nutritorum vi, aliquid cum cæteris conferre ad coctionem, quæ illis abrasis alioquin vitatur, quod etiam in diuturna inedia experiuntur ad coquendum segniores: salivam vero, præter diluendi munus, alio nobiliori defungi in ipsa concoctione, nempe in ore cibum præparare, unde odoris mutatio; lichenes alibi in corpore detergere, & scorpiones araneasque, vel necare vel fugare. *Cartesius* salivam in stomacho imbutam ciborum quoque particulis in ore miscet, ut earum actionem promoveat. Ex salivalibus vero vasis deducta arterioso sanguini suum fermentum debet. Hanc: fermento comparat *Hofmannus* potum aquæ quam affundunt pistoris.

Quid autem acido illo succo fiet, peracto fermentationis officio? *H. Regius* remanere credit post chyli expulsionem, ut ventriculus pungat, famemque excitet. Sed fames in stomacho sensibili oritur, quum acidus succus in fundo versetur; Ad hæc foret etiam fames repleto ventriculo. Putarim igitur expelli cum chylo, & tum vel in sanguinem una transire, vel in obstructionibus mesenterii deorsum ferri, & turbas ciere.

ACTIO ventriculi est *coctio*, quæ Chylificatio dicitur. Est enim ventriculus concoctionis primæ organum, cujus coctionis principium & præparatio fit in ore, medium in fundo ventriculi, finis in intestinis tenuibus. Perficitur vero hæc coctio calore moderato, non ventriculi tantum, sed etiam adjacentium partium; nec non ingenita quædam cunjunctæ animalis ventriculo facultate, quam ex vitrioli aut tartari natura participare vult *Higlmorus*, quibus Chymici ad faciliorem separationem utuntur, non tamen exclusa qualitate occulta. Vertit autem alimenta in chylum album, & sibi similem à sp. acido, sic liquorum quemlibet sale volatili imprægnatum per affusam acetosam lactescere post alios prodit *Svalve*; dum utroque orificio prope clauso se ipsum contrahit, & arte complectitur, quæ ingeruntur. Sed de tota concoctionis ratione vide *Ioh. Walai* Epistolas, quas jam citavimus.

Uusus est cibum & porum recipere, lapillos continere & *Usus*
genc-

generare, quod annotat *Gentilis* & *Zacutus*, (Aves tamen lapillis indigent & arenulis, ut melius concoquant, sive quod mundentur Ventriculi, sive quod sal aliquod insit,) nec non bufonem, lumbricos, aliaque sæpe à nobis observata, præter institutum est naturæ. Quod dicendum quoque de infante ibi & concepto, & formato, perque os deinde excluso, cujus historiam descripsit *Salmuth*, & nos similia alibi annotavimus, quod sit ob cavitatem ejus insignem & amplam.

C A P. X.

DE INTESTINIS IN GENÈRE.

Intestina.

Intestina sunt corpora oblonga, rotunda, concava, varie circumgyrata, continuata cum pyloro usque ad podicem, pro chylo excipiendo & excrementis primæ coctionis.

Nomen.

Nomen habent, quia in intima corporis sede sunt, unde *Tertulliano* cruces dicuntur intestina trophæorum, uti & *Græcis* quibus *ἑντερά* dicuntur; quibusdam quoque *χορδαί*, quare barbaris chordæ; unde fides quoque, quia fiunt ex arescentibus intestinis, chordæ dicuntur.

Magnitudo.

Magnitudo quoad capacitatem cavitatis & substantiæ crassitiem non est eadem, ut postea dicetur. *Pondus* omnium excicatorum ex observatione *Loselii* est libræ unius Medicæ. *Longitudo* ut plurimum sexies plus minus superat longitudinem hominis cujus sunt, sed palmo uno & semisse deficiente, teste *Picolhomineo*; septies numerant *Laurentius*, *Paræus*, & *Riolanus*, & ante hos *Celsus*, qui tamen ab *œsophago* mensuram exordiebatur. *Hippocrates* cubitos fere tradicim, vel non minus duodecim ponit: at statura justa hominis vix superat cubitos tres cum dimidio. *Fluddius* in corpore quodam ulnæ unius cum dimidia, intestina ulnarum novem tantum invenit; unde certa mensura definiri nequit. Variat pro anfractuum multitudine & voracitate quam ob causam.

Usus gyrorum.

Gyros acceperunt, sive anfractus & convolutiones, ex capitis principio & fine, ne ingressus & exitus impedirentur. Et gyros quidem habent in hunc usum. 1. ne alimentum statim elabatur, nondum perfecta facta coctione. Deinde, ne nondum absoluta chyli distributione, si statim elaberetur, aliud mox alimentum assumere cogamur, & ita ob voracitatem à negotiis impediamur. Hinc animalia, quo rectiores ductus habent à ventriculo ad anum, eo gulosiora sunt: quo convolutiores, eo continentiora: quod *Cabrolus* in admodum

modum voraci observavit, cui unum tantum intestinum signæ forma intortum erat. 3. Ne crebrius deicere alvum necesse sit; ut in animalibus voracibus, quandoquidem in anfractibus illis diu delitescere possunt excrementa.

Sita sunt in infimo ventre, cujus majorem implent cavitatem, interdum ad dextrum latus compelluntur, quod in dissecta hydropica vidi. Situs.

Connectuntur per mesenterium, quo & omenti interven- Connexio.
tu colligantur dorso, & in ossis ilii cavitatibus fulciuntur.

Substantiam habent membranofam, uti ventriculus; ut Substantia.
distendi possint à chylo, fæcibus, & flatibus. At crassior est substantia in crassis; & quanto magis ad finem vergunt, eo crassiora fiunt, ut finis coli & rectum intestinum.

Substantia hæc in tres tunicas potest dividi: Prima pro- Tunica-
pria & interior, in tenuibus intestinis rugosa est, in colo ex-
panfa in cellulas, alioquin nervosa satis. Eam *crusta* quæ- Crusta.
dam quasi membranea succingit, ex intestinorum tertiæ

coctionis excrementis genita. 1. ne mesaraicarum ora ob-
struantur. 2. ne eadem, cum tunica interiori callosa, ex per-
petuo chyli transitu reddantur. *Lindano* crudior tantum est
& limosa chyli pars, ut sit veluti lorica contra offensas. Ru-
gosum aut spongiosum mollissimæ substantiæ *peristoma* vo- Quid peri-
cat *Pecquetus*, *muscum* villosum *Bilsius*, quod testatur *Sas-* stoma?
sius ejus esse inventum, per quem vaporis specie transeat Ejus usus.
Ejus usus.

chylus, ipsi *ros* dictus. *Pecquetus* vero, ut alimentorum a-
speritas innoxie transeat, & qui subtilior succus est ex fæci-
bus in lacteas venas transcoletur. *Jo. van Horne* in tenuibus
crustam similem esse quoad usum *filtro laneo* pharmacopo-
larum asserit; quoad substantiam dici *velamentum bombyci-*
num: in crassis plicas habere & rugas. Observatione *Stenonii*
villosæ tunicæ villi in cylindro tortuoso axem omnes respi-
ciunt. Contra *Bilsum* observavit *Jac. Hem. Paulli*, peristo-
ma hoc spongiosum, carneo & albido colore variegatum
tum obvelate orificia venarum interioris tunicæ, qua abra-
sa demum foraminula conspici sanguine ex rubris mesarai-
cis scaturientia: *Vermicularem* crustam appellat *Regn. de*
Graaf, quia inter se agitata orificia conspexit. *Secunda* etiam
propria, quæ media, valida est, & fibris carnosis donata.
Tertia communis est & exterior nata immediate ex mem-
branis mesenterii, nisi quod duodeno & colo ventriculo
adhærente ab inferiore omenti membrana oriarur; media-
te vero à peritonæo. Inter duas proprias illas interior sæpe
læditur in dysenteria, illæsa altera.

Fibras habent non tantum transversas, uti vulgo putat- Fibræ.
tur, F

FIGURÆ EXPLICATIO.

Ventriculus apertus, & subjecta ipsi & continuata intestina in naturali quandantenus situ spectantur.

- A. OEsophagus.
 B. Orificium ventriculi superius.
 bb. Nervi stomachici hoc orificium amplexantes rudi modo expressi.
 C. Pylorus.
 DD. Tunica communis ventriculi separata.
 E. Tunica ventriculi propria prima, quæ media est.
 F. Tunica ventriculi propria secunda, quæ intima & rugosa.
 G. Duodeni portio.
 h. Meatus felleus.
 IIII. Intestina, tum jejunum, tum ileum, cum vasculis perreptantibus.
 K. Intestinum cæcum, seu appendicula vermiformis.
 LLLL. Intestinum colon.
 M. Valvula in principio coli aperta.
 mmm. Ligamentum coli cellulas continens.
 NN. Intestinum rectum videtur, tenuibus ipsi incumbentibus remotis.
 O. Sphincter ani.
 PP. Musculi levatores ani.

tur, sed omnis generis: Intima obliquas; media tunica transversas fibras habet. Rectæ fibræ, quæ ad transversarum tutelam datæ sunt, pauciores sunt in tenuibus, in crassis plures, præsertim in recto, quod robustum esse debebat, ob collectionem excrementorum durorum.

Pinguedo. Pinguedine extrinsecus obducuntur intestina, imprimis crassa, intrinsecus muco, ex glutinosis chyli excrementis vel arteriis relicto, de quo Blasius, ut fœces hac lubricitate facilius transeant, & sensus in intestinis fiat hebetior.

Vasa. Vasa habent, quæ inter communem membranam & proprias maxime distribuuntur, venas lacteas, primi generis, quæ chylum deferunt per glandulas mesenterii ad Receptaculum chyli, & alias à vena portæ, quas sanguinem afferre putant pro nutritione, sed potius sanguinem revehunt ad hepar, à nutritione intestinorum residuum. Arterias à Cœliaca quoque habent ad vitam, quæ motu suo præservant à putre-



putredine, imprimis vero ad nutritionem intestinorum, quæ hoc alimento indigebant, ex liene derivando. *Nervos* à sexto nervorum pari, sive à plexu & fasciculo nervorum à *Fallopio* descripto, inter duos renes formato ex duplici costali & stomachico. Tantum autem arteriarum & venarum numerum habere intestina credit *Joh. Waleus*, 1. ut ad cloacam corporis amandari excrementa possint, quæ in vasis continentur, unde foetus, licet cibum ore non assumat, in intestinis tamen excrementa habeat. 2. quo copiosior sanguis deferri per venam portæ ad hepar possit, atque ita possit ab hepate perfici.

Pori intestinorum.

Poros singulares tribuit *Cartesius*, per quos subtiliores cibi partes agitatz in ramulos venæ portæ fluant, quique eas à crassioribus segregant, sicut farina, quando incernitur, tenuior excutitur, relictis in sacco furfuribus. Non indicat quo loci sint siti, aut qua figura. Locus juxta venarum oscula esse debet. Figura, pro chyli varietate, varia. Sed in tenebris hic ambulamus.

Differentia intestinorum.

Dividuntur communiter intestina omnia in tenuia sive gracilia, & crassa seu ampla. Licet enim unus continuus ductus sit ab orificio ad podicem: tamen quia variat hic ductus, magnitudine, numero anfractuum, substantia, situ, figura & officio, plura esse dicuntur.

An intestina tenuia recte dicantur superiora.

Tenuia, ob membranarum tenuitatem ita dicta, sita sunt partim supra, partim infra umbilicum; adeoque umbilicalem regionem juxta & hypogastrium occupant, secus quam in canibus. Unde *veteres* exemplo canum, tenuia vocarunt superiora, crassa inferiora; quod in homine falsum. Nam in eo plus est ex crassis supra umbilicum, & plus ex tenuibus infra; cum id quod longius, sit infra; jejunum, quod breve, supra. Atque ita omnia tenuia in media regione sunt, circa umbilicum. 1. quia nobiliora. 2. ut viciniora sint centro mesenterii, adeoque proxime à mesenterio venas & arterias capiant. Sunt autem tenuia intestina tria: Duodenum, Jejunum, & Ileum. Atque hæc chylum perficiunt & distribuunt: quia ob angustiam quævis pars chyli tangi potest, ab eorum tunica & vasis. Juvat hanc distributionem insitus motus Peristalticus, quo intestina superne deorsum contrahuntur. Nam, ut *Pecquetus* docet, dum superior pars corrugatur, inferior simul distenditur, quæ cibis ingurgitata ampliore chylum in lacteas potest transfundere. Ex hac tunicarum complicatione forsan *valvularum* similitudo oritur, quas in crasso intestino à se inflato & exsiccato plures se demonstrare posse asserit *Ruyfchius*.

Valvula.

De motu vero *Peristaltico* hæc monet *Lindanus*: 1. In ventriculo habere initium, finem in intestino recto. 2. Esse instar lumbrici repentis vel hirudinum se contrahentium, teste *Spigelio* & *Harvejo*. 3. Ob utramque causam, excretionem tam sursum ad os quam deorsum ad anum naturam moliri, prout vel tempestivo morfu contentorum, vel intempestivo urgetur natura; ab illo depositionem excrementorum naturalium; ab hoc vomitionem quamlibet.

Crassa ita dicuntur, quia crassiores tunicas habent, crassam chyli partem continent; pro fecibus colligendis & nonnihil retinendis facta sunt. Suntque tria: Cæcum, Colon, & Rectum, Suntque ad latera tenuium, quæ quasi circumvallant, sita, ut cederent tenuibus, & ne hæc ab iis premerentur.

Ufus omnium intestinorum est, ut sint instar terræ, ex qua *Mesaraicæ* sanguinem accipiant, & lacteæ sugant vel ad se propulsam excipiant chylum. *Tenuium* vero usus est, in transitu chylum ulterius coquere, eumque distribuere. Imo æque hic atque in ventriculo fieri chylicationem, ex pullo credit *Stenonius*, in quo post *Coiterum* observavit, vitelli tunicam singulari ductu annecti intestino, & hac liquorem vitelli ad intestina ferri. *Crassorum*, chyli reliquias excrementitias seu feces continere; item flatus, & bilem ab Hepate, vel pancreate venientem. *Ufus secundarius* exsiccatorum, doloribus colicis, aliisque intestinorum affectibus mederi: depravatorum, lumbricos continere, ascarides & lapillos, nec non varie affici, de quibus Medici,

CAP. X.

DE INTESTINIS IN SPECIE.

Primum tenue intestinum, cui pancreas subjacet, præsertim in canibus, dicitur *DUODENUM*, Gal. *ἡ δωδεκάδακτυλον*, Hero- philo *δωδεκάδακτυλον*, acsi duodecim digitorum longitudinem haberet; quæ ramen hodie in nostris corpusculis non reperitur, imo vix quatuor æquat, nisi a proceritate desciverint, quod credendum non est. Neque transversi digiti intelligendi, qui vix ad octo ascendunt, nisi pylorum quoque veteres eadem forsitan mensura sint complexi.

Prodit in dextro latere à pyloro spinam versus, sive sub ventriculo, fere circa mesenterii centrum ubi lactei rami lumbarès glandulas ingrediuntur; ubi lumborum vertebri per ligamenta membranosa junctum, descendit recta ab-

FIGURARUM EXPLICATIO.

Intestinorum tunicæ & vasa in hac tabula sunt expressa.

FIG. I. Intestini portio una cum vasis mesaraicis.

AA. Intestini portio adhuc integra.

BB. Tunica intestinorum externa separata, ut vasorum sub ea ductus cernatur.

CC. Media intestinorum tunica seu propriarum prima.

DEF. Vasa mesenterica, è quibus D. venam; E. arteriam;

F. nervum innuit.

FIG. II. Tunicas exprimit solas, ex Veslingio.

GG. Tunica intestinorum communis separata.

H. Tunica intestinorum media.

FIG. III.

I. Intestina intestinorum tunica cum suis plicis eleganter expressa.

FIG. IV. Exhibet recti intestini musculos.

K. Recti intestini portio.

LL. Musculi duo levatores ani.

M. Sphincter ani.





que circumvolutione, & terminatur in sinistro latere ubi anfractus inchoantur.

Crassius est reliquis tenuibus; sed angustiori cavitate, ne confestim chylus delabatur. Largius vidimus Patavii, & simile depingit *Aquapendens* sine flatu turgidum, quale illud fuit, quod plures lapides nucis muscatæ magnitudine plumbeo colore continebat apud *Trafelmannum*.

Duodeni
foramina.

Duo habet foramina inferiori loco versus jejunum: unum cholidochi meatus, à quo flavo colore in sectionibus tingitur; alterum ductus Pancreatis novi *Wirsungiani*, quæ tamen interdum vidi in unum coaluisse, unico osculo juncta, plerumque satis manifesto, nonnunquam valde subtili.

Usum peculiarem assignat *Helmontius*, acidum cremorem ex ventriculo delatum, in salem salsum confestim commutandi. Istum tamen saporem in ventriculo habere opinantur alii, quos sequitur *Jo. Th. Schenck*, licet *Slegelius* admissioni bilis hoc loco tribuat, vel succo pancreatico, quem
tamen



tamen *Whartonus* insipidum dicit contra experientiam *Sylvii* & *Graefii*, qui acrem succum pancreaticum in hoc intestino cum affluente bile & pituita excitare effervescentiam febrilem opinantur.

Venam habet propriam *Duodenam*, & multas *Lacteas*.

Arteriam à dextro *Cœliacæ* ramo.

Nervos exiguos à stomachicis.

Jejunum.

Secundum JEJUNUM dicitur, quia, ut plurimum magis quam reliqua vacuum est, præsertim in sectionibus. 1. Ob copiam & magnitudinem *mesaraicarum* lactearum, quæ ibi infinitæ quasi sunt, statim majorem chyli partem exsurgentes. 2. Ob liquiditatem transeuntis chyli. 3. Ob Hepatis vicinitatem: quod tamen recte negat *Asellius*. 4. Ob bilis acrimoniam. Ingreditur enim ad hujus intestini principium seu ad duodeni finem porus *bilarius*, à jecore advehens bilem ad excitandam expulsionem.

Membrana ejus interior exteriori longior est, unde in plicas corrugatur, quo valvulæ instar præterlabentem chylum remoretur.

Deficere in fœminis jejunum falso asserit *Riolanus*, ab illis deceptus, qui vel vitio oculorum non viderunt, vel repletum pro jejuno non habuerunt. *Laurentius* notat rubicundius videri ob hepatis viciniam.

Situs ejus sub umbilicali regione, desinitque quando gracilius fit prope ileon.

Venas habet à dextra *mesenterica*, reliquis etiam intestinis, si rectum excipias, communes, sicut & lacteas.

Arterias à *mesenterico* superiori.

Nervos, à sexti paris ramo, qui costarum radicibus exporrigitur.

Ileon.

Tertium ILEON dicitur ἰλεὸν ὡς περιελκόμενον à circumvolvendo, unde & volvulus dicitur ob circumvolutiones plurimas, ad cibi moram facientes, quare & pauciores plicas habet.

Oritur statim à jejuno, ubi pauciores *Mesaraicæ* inferuntur.

Finit ad Cœcum.

Situm est sub umbilico ad *Ilia* & *coxas* utrinque.

Longissimum est intestinum, viginti unum palmos admodum æquans; latum est unum digitum. Jejunum vero non adeo longum est, nempe duodecim vel tredecim palmos circiter, & latum digitum parvum, nisi infletur. Et sicuti *Ileon* sub umbilico est, ita jejunum totum fere sedem supra umbilicum occupat, cum plurimis suis circumgyrationibus. Quod ita explicat *Riolanus*: jejunum occupat totam regionem

gionem. umbilicalem, huic ileon accumbit, in toto circuitu lateraliter & in hypogastrico, ubi major pars intestini jacet.

Ileon hoc frequentius in scrotum delabi potest, unde ^{Hernia} hernia intestinalis. Et in hoc intestino Volvulus fit sive Iliaca ^{passio Iliaca} passio, in qua vomitus ut plurimum stercoris est. Vario autem modo ileon in iliaca passione afficitur: vel enim una pars in alteram inferitur, velut gladius in vagina, vel cœcum in ileum ingreditur, oppletque illud, vel spiræ instar intorquetur, velut funis, vel farciminis instar à flatu aliave materia obstruente impletur, distenditurque, ut interdum rumpatur, vel denique loco movetur in scrotum descendendo. Quas omnes iliaci affectus causas dissectio cadaverum revelavit.

Riolanus tres aliquando appendices membranosas cœco similes in hoc intestino notavit. Crassum intestinum.

Primum crassum intestinum dicitur Cœcum. 1. Ob usum obscurum, quem habet in adultis, verum in fœtu excrementa recipere dicitur. Urinam continere in fœtu, *Courvei* est conjectura; quippe quibusdam animalibus, quibus amplum est intestinum cœcum, dedit natura membranam allantoidem, ut alteram vesicam: quæ hanc membranam non obtinent, iis cœcum intestinum strictius est, quo vesica lotio plena distendi possit. *Knoblochius* quidem duplex dicit habere orificium, septo membraneo secretum, ut per unum ab ileo excipiat, & per alterum in colon traducat; sed necdum id in homine deprehendimus, in quo unum orificium & remittit & excipit. 2. Quia unum tantum foramen habet, unde & *μυόχολον* dicitur. Est enim appendicula quedam parva instar vermis oblongi, quæ orta ex initio coli & fine Ilei, substantia satis crassa, supra colon se contorti vermiformis instar sternit, & peritonæi membranæ annectitur, extremitate vero sua jungitur reni dextro, peritonæo mediante & à mesenterio maxime est libera.

Numero unicum. Desuisse in homine memini. In avibus duplex. In Anate duò quoque oblonga observant *Amstelodamenses*, in Grue *Sim. Paulli*, in Cygno *Borrichius*. Quod duplex.

Longitudo est quatuor digitorum, Latitudo pollicis, sed angustissima est capacitas. *Riolanus* amplissimum invenit, & ipsi ventriculo æquale, mihi quoque visum. In Leone colon æquat crassitie. *Sylvius* in multis solidum, quibus ab Ileo in colon mox fœces transeunt. Generarique tantum appendicem *Massa* suspicatur, si diarrhœa laborans ab ortu puer, dum liquidæ sordes cœcum prætervolant, nec in eo

cunctantur, frustratus suo officio gracilescit. In nuper nato infante ejusdem tenuitatis observavi.

Cœcum in cuniculo amplum, intus membranosa cochleata *Valvula* præditum invenerunt *Amstelodamenses*. Non à dextra coli principii parte, sed sinistra originem sumpsisse in quodam vidit *Salzmannus*.

Maculosum.

Maculosum in canibus nonnunquam conspicitur, quasi grandinibus conspersum, quod à tunicæ subtilitate provenit.

Intestinum cæcum antiquorum.

Veteres per cœcum intellexerunt globosam, & capacem partem ad principium coli, quod *Celsus* innuit, & *Rufus Ephesus*. Notum enim veteribus fuisse, secus ac *Laurenbergius* arbitratur, inde probo, quod 1. bruta secuerint. 2. *Pollux* & *Aristoteles* distinctum tradiderint. 3. *Galenus* & usque & situ à colo distinxerit, ad dextram cœcum, ad sinistram colon collocans.

Usus cæci.

1.

Usus cæci est, non ut sit *χρεὶν οὐκεία*, quod *Hofmanno* visum, sed 1. excrementa recipere, ne cum impetu semel dilabantur ad colon, generentque dolores, & semper excernere cogamur. Ubi & quibusdam creduntur fœces & ossa cæci quadragesimo post die excreta delitescere. *Conciliator* fœces à chylositate hic secerni contendit. Unde *Jo. Th. Schenckio* est torcular chyli. *Helmontius* termentum stercoreum hac sede locat. *Maur. Hofmanni* conjectura, reliquias fœcum reservat, iisque massam chyli excrementitiam porro ita fermentat, ut & ipsa in fœces abeat nec putrescat.

2.

2. Ad chyli elaborationem aliquid conferre, five exsugendo ex mesaraicis venis albis neglecta chyli frustula, ut *Galenus* dixit, five inobedientem chylum digerendo, qui in ventriculo & tenuibus domari non potuit, propter assumptorum multitudinem, ut *Zerbus* autumat.

3.

3. Esse ligamenti vice, peritonæum sustinentis, ne decadat. Sed & ipsum hoc cœcum in quodam *Pharmacopæo* juxta inguen devolutum observavit *Riolanus*, & in puerulis in scrotum, quibus ossi sacro incubabat.

4.

4. *Highmore* est quasi diverticulum quoddam prope valvulam coli, quo recedunt flatus in diuturna alvi obstructione, ne valvula violeatur illorum violentia. Ita & sentit *Mebius* atque *Blasius*. Aliter nonnihil *Simon Pauli* noster, esse receptaculum naturale flatuum inter coctionem & præsertim ex flatulentis cibis genitorum, hinc enim sues glandulis flatulentis vescentes amplius habere cœcum, & duplex esse gruibus, quod naturaliter vescantur hordeo flatulento. Conjecturam ingeniosam experientia in homine firmabo. Novi matronam hoc cæci loco semper de mumure quo-

re quodam & flatu conquerentem, quoties vel crepitus elidendus vel ad alvum deponendam sollicitatur: sententiam hanc etiam amplectitur G. Blasius. 5. *Mekrenio*, ut valvulam intestinale fluctuantem firmet. 6. Canibus egerendi, &c. difficultatem inesse suspicatur *Severinus*, quia cæcum initio perangustum, & nonnihil obliquum. Inde forsan quia flatus, genitos ex varia voracitate, promptè non admittit.

Secundum crassum dicitur COLON, quob *ἀπὸ τῆς καλῆς* *Colon* derivant à torquendo, quod in eo fiant tormina colica. Alii *ἀπὸ τῆς καλότητος*, quia cavum, & ventrem efformat. Alii *ἀπὸ τοῦ* *tardo*, quia transeuntes remoratur fœces. Spurius *Galenus* à colando, quia angustum est ad modum colatorii, & involutum, ut fiat gradatio fœcis, ne simul tota descendat. *Lindano* propter summam amplitudinem, nam *κῆλον* magnum Ionibus.

Situs ejus varius est, nam principium ejus, quod capàcius *Col. p. 1.* & rotundum, est in dextro llio à cæco ortum, ad renem *gressu* dextrum, cui adhæret; deinde sursum reflectitur sub epate, ubi folliculo fellis nonnunquam nectitur, & ab eo luteo colore inficitur: & per poros imbibit bilem transudantem, colici doloris interdum causam, monente *Tulpio*: ulterius pergit transversum sub fundo ventriculi, & à sinistris lien jungitur membranis tenuibus, ubi etiam angustius, unde colici dolores in sinistro latere graviores, adverteite *Cass. Bauhino*, deinde reni sinistro alligatur, ubi obliquos admodum gyros habet, ad modum literæ S circumflexos, *Riolano*, qui fœces & flatum facile remorantur, & inde in rectum recta desinit. Omento solo alligari contra me *Riolanus* affirmat, sed pro me respondet *Marchettus*, infra omentum immediate etiam mesocolon annecti. Circundat ergo quasi totum abdomen, & modo ascendit, modo descendit, (hinc communiter alvum exonerantibus unam dejectionem sequitur altera) ut diutius fœces contineantur, nec confertim effluant, nec semper necessum sit alvum exonerare. Quo facit etiam ejus magnitudo & cellulæ. Nam

Longum est communiter palmas octo vel novem; *latissimum* vero & amplissimum omnium.

Cellulas accepit, ut diutius in iis contineri possit, & diutius excoqui etiam duriusculum aliquod non bene prius coctum, & tandem per mesaraïcas lacteas, quæ ad colon vehuntur, mitti possit materia cocta ad organum sanguificationis, & ne cellulæ hæ dissolvantur, atque ut in se collectæ efficiant cavitates per intervalla majores & minores.

Ligamentum, à paucis descriptum, vel vinculum quoddam,

dam, medii digiti latitudine per ejus medium secundum longitudinem parte superna intexitur, & à cœco ortum ad rectum terminatur. Deinde ob amplitudinem duo ligamenta fortia habet, unum sursum, alterum deorsum, ut supernis & infernis partibus alligetur. *Riolanus* tamen pro uno ligamento hæc duo habet, superiori ligamento oppositum. Secto ligamento non amplius cellula, sed intestinum continuatum spectari recte scribit *Marchettus*, cujus ea propter usum esse, ne à flatibus intestinum disrumpatur.

Secundum coli longitudinem extrinsecus observantur appendiculæ quædam pingues, à liene ad principium recti intestini, ut observarunt *Riolanus* & *Spigelius*. Quarum usus sit humectare intestinum, quo facilior excrementorum fiat delapsus. *Lindano* sunt fibræ omenti avulsæ. Male sunt enim naturales.


*Patavina in
cola
Vide tab.
13.*

Ad coli initium apponitur valvula crassa & membranosa satis, & à *Bauhino* inventa, sursum spectans, non deorsum, ut scribit *Laurentius*; nam excrementa ex ileo in colon ascendunt, non descendunt ob situm intestinorum supernum. Si vero naturalis excrementorum lapsus consideretur, descendunt illa ad exitum properantia. Atque ita cum *Sperlingero Bartholinus* in gratiam redibit. Prima hujus valvulæ inventio videtur deberi *Sal. Alberti* Anatomico Witteberg. ut liquet in appendice ad tres orationes à se editas circa finem, & ex observationibus *Schenckii* lib. 3. tit. de ileo. Alias præter *Bauhinum Varolus* ejus inventionem etiam sibi tribuit, qui arte Anatomica innotuit in Academiâ Patavina Anno 1572. Unde *Riolanus* illi potius deberi primam inventionem quam *Bauhino* arbitratur; sed revera frustra illi hanc laudem detrahit, quum plures rem eandem, uno vel diverso tempore, sine plagio, observare possunt. Omnibus quippe patet Natura, diligenter inquirentibus.

*Quomodo
invenitur.*

Invenitur hac via: per rectum infusa aqua vel flatu in Ileon pertransire nequit, nisi violenter: sed ab aqua nonnihil labefactatur.

In ejus figura & numero non consentiunt auctores. Missis enim iis, qui eam plane negant; *Bauhinus* unicam statuit, figuram unguis habentem. *Archangelus* ait ad cœcum esse valvulas tres uti in corde deorsum spectantes. Nos in plurimis cadaveribus Patavii & alibi eam quæsimus, & semper invenimus: verum unicam, & quidem forma orbiculatam & circularem. *Pavius* ad *Hildanum*, & postea *Falcoburgius*, membranosam valvulam non invenerunt, sed potius annulum, sive circulum, prominente limbo exstantem & in Zibe-



FIGURÆ EXPLICATIO.

Hæc tabula valvulam intestinale exhibet ex Tulpio.

g. Ileum intestinum.
 h. Cæcum.
 c. Colon.
 ddd. Valvula pendula.
 l. Ilei ingressus.
 efff. Colon divisum.

gg. Interior coli tunica.
 hbb. Valvula elevata.
 i. Ilei initium.
 kkk. Circulus.
 l. Nexus cum Ileo.

FIGURARUM EXPLICATIO.

FIGURA I.

Pars Intestini jejuni valvulas conniventes exhibens.

- A. Pars intestini jejuni.
- B. Interior facies Intestini.
- C. Pars quadam reflexa ut facies interior apparere possit.
- aaa.&c. Valvule conniventes.
- bbbb. Vestigia valvularum conniventium exterius apparentia.

FIGURA II.

Pars intestini jejuni aliter delineata, ut clarius valvularum conniventium Figura conspici possit.

- A. Exterior jejuni facies.
- B. Interior facies jejuni.
- CCCC. Valvule conniventes.

FIGURA III.

Valvulam coli duplici pellicula constantem, & valvulas conniventes, cum cellulis proponens.

- AAA. Superficies Coli exterior.
- BBBB. Partes Coli replicate ut interius inspicere possit.
- CC. Pellicula binæ quibus valvula constat Coli, nonnihil à se invicem distincta, ut ilei cavitas in medio videri possit: quanquam αὐτοψία in exsiccatis melius ostendat, quam ars chalcographica exprimere poterit.
- DDDDDD. Valvule conniventes.
- EEE. Spatia inter valvulas conniventes aperta.
- FFFF. Cellulae, quas externum ligamentum efformat, eoque abscisso collabuntur.
- G. Intestinum cæcum, idest, appendicula instar vermis oblonga.
- H. Antiquorum intestinum Cæcum.
- I. Intestinum Ileum.

fig 1




fig. III





fig. II



*Ejus vera
descriptio.*

Zibethica fele *Amstelodamenses* circulum tantum durior rem. At circulus iste præter valvulam nihil est, nam circulari figura valvulæ nonnullæ; & in corde, & reliquis venis cernuntur. Totam valvulæ hujus constitutionem elegantissime delineavit vir magnus *Nic Tulpus*, quod sit circulus ex quo dependet membrana, lata duos digitos, & ita conformata ut apta sit occludere ilei intestini egressum. Antequam pendet instar cortinæ, vel veli alicujus laxioris; pendulæ autem hujus membranæ latitudo admodum dispar est: etenim qua ileum respicit, diffundit se laxè, adæquans ferme duos digitos transversos, sed quo longior, hinc recessus eo utique arctatur pressius, adeo ut circa intestini medium (eo usque enim excurrit) vel prorsus oblitteretur, & desinat in membraneum illum ambitum, qui intrinsecus determinat intestinum colon à cæco. Ex qua inæquali latitudine sequitur necessario semicircularis illa forma, quam proponit valvula arte extenta: uti exprimit fideliter minor figura. Membrana vero hæc annectitur superius villoso illi circulo qui colon finit, sed subtus firmatur, vel potius detinetur valide à duabus exilibus membranulis prodeuntibus utrinque ex latere illius orificii, per quod tenuia intestina sese exonerant in laxiora: quorum vinculorum usus est impedire ne valvula facile vacillet, illigant quippe ipsam ileo, sed inferior valvulæ pars fluctuat libere.

Usus est, ne ex crassioribus intestinis in tenuia aliquid remeet, aut regurgitet ex stercore vel flatu, præsertim in valida excretionē, aut etiam in alvi constipatione: unde postea vomitus stercoreis sequi posset. Hinc materia Clysmatum ad tenuia naturaliter pervenire nequit.

Valvulas *conniventes* in jejuno & colo observavit *Kerkringius*. uti ex Fig. addita patebit.

Venas habet & *Arterias* colon sub ventriculo ad Epiploide postica. Sed in sinistro latere hæmorrhoidalem venam, & à Mesenterica inferiori, hæmorrhoidalem arteriam, venas quoque *lacteas*, sed paucas.

Rectum.

Ultimum crassum RECTUM dicitur, ob rectum ductum, (Barbaris longanon) & in anum *desinit*: pergit enim recta deorsum à summo osse sacro ad extremum coccygis, quibus *connectitur* firmiter per peritonæum, ne decidat: *connascitur* etiam cervici vesicæ in viris, cervici uteri in mulieribus, musculosa mediante substantia. Unde harum partium consensus in viris & mulieribus, præsertim in his uteri & intestini, nam intestino exulcerato, sæpe excrementum per pendendum rejicitur.

Len-

Longum est, quasi palmum unum cum dimidio, latum tres digitos; & corpulentum ac crassum, habens pingues appendices, exterius adnatas.

Venas habet à ramo hypogastrico venæ cavæ, & hæmorrhoidales, lacteas quoque, sed paucissimas.

Nervi quatuor ejus extremo inseruntur, qui hoc intestinum valde sensile reddunt, ut in tenesmo videre est.

Ejus finis dicitur PODEX vel ANUS, tres habens musculos; ex quibus forte quinque constitui possunt. De ano.

I. Dicitur *Sphincter*, vel ani constrictor, orbicularis circumjicitur ano instar annuli fatis lati; ita ut licet pars ejus aliqua in fistulis vel aliis affectibus abscindatur, non ideo totus ejus usus penitus tollatur. Si totus secetur, involuntarie plerumque fæces exeunt, unde relinquenda particula, consilio *Aquapendentis & Marchetti*.

Cum *Galeno Fallopius & alii*, duos faciunt ex hoc musculo, quia pars ejus superior est crassior; pars inferior cuti inseparabiliter annexa, ut in fronte sit & palpebris, ideo hanc partem cuticulosum musculum, vel carnosam cutim vocavit *Galenus*.

Oritur ab inferioribus vertebrae ossis sacri, & fibris transversis circumjicitur longo ani spatio.

Connectitur *anterior* 1. Vesicæ meatui per fibrosos nexus.

2. Peni, cujus musculis dat originem. 3. Collo uteri, posteriori Ossis coccygis subjecto. *Ad latera* per ligamenta ab ossis sacro in os coxæ producta.

Usus est, constringere anum, ne nisi volentes fæces excluamus. Ideo resolutus vel aliter læsus, facit fæces invititis hominibus excidere: sicut læso Sphinctere vesicæ lotium involuntarie effluit.

II. & III. Duo alii in Sphincteris superiorem partem habent insertiones admodum cum ea commixtas. In quatuor *Ani mus-*
culi levato-
res. dividit *Riolanus*, quod tamen absque laceratione fieri posse negat *Marchettus*. Dicuntur *Ani levatores*, quia

Usus eorum est anum sursum retrahere in suum locum, post excretionem, præsertim magnis conatibus factam. Unde iis debilitatis aut resolutis, modo difficulter retrahitur podex, modo exterius propendens manet.

Sunt hi musculi sub vesica lati & tenues, orti à ligamentis pubis, ossis sacri & coxendicis: vel potius à partibus superioribus ossis sacri & portione ossis ilium, monente *Riolano*: unde deorsum feruntur ad partes ani tam dextram quam sinistram quas ambiunt. Portionem vero quandam habent peculiarem & distinctam, radici penis & collo uteri adnatas.

tam, quæ tertius & distinctus musculus statui potest. Musculorum horum usus in iis cessat, quibus clauditur anus. Talem vidit *Fernelius*, & nos Patavii in Anna quadam, quæ, podice clauso, excrementa per os, peracta concoctione, reddidit, inserto cornu.

CAP. XII.

DE MESENTERIO.

*Mesenterii
nomen.*

MESENTERIUM dicitur, quod sit in medio intestinorum, non quasi medium intestinum sit, ut vult *Cicero*, eumque sequutus *Macrobius* (nam ex intestini natura non participat, nisi quod membranosum sit, nec patrocinium *Laurenbergii* ullum, quia medium mundum, idest terram recte dicimur incolere, siquidem terra mundi pars est. Mesenterium autem non est intestinorum pars. Rectius *Spigelius* pro medio aliquo viscere intestinum apud *Ciceronem* explicat) sed intestina instar circuli & in orbem complectatur, colligat, & vestiatur. Dicitur & *Mesaraion*: *Galenus* apud Aristotelem vertit *Laetes*, lato modo pro iis quæ laetes, hoc est, intestina, in illis contenta involvunt.

Divisio.

Unum est, sed dividunt alii, ratione crassitie: in *Mesaraion* sive mesenterium, & *μεσόκωλον*. Illud crassius, quod in medio ventris est, & intestina tenuia connectit: hoc tenuius quod colon annectit in dextro & sinistro latere, & parte in finem recto intestino adhæret.

Figura.

Figura ejus circularis est fere, & postquam in exortu angustum fuit, in progressu ad circumferentiam degenerat in plicas plurimas, ut intestinorum longitudinem coarctet. Nam palmus unus Mesenterii plusquam 14. palmos intestinorum angusto spatio complectitur. In lateribus sit oblongum, præsertim in sinistro, ubi ad rectum descendit. Unde etiam *Galenus* triplex fecit mesenterium, dextrum, sinistrum & medium.

Magnitudo.

Magnitudo ejus est à centro ad circumferentiam spatii trium ulnarum: Longitudo autem & circumferentia trium ulnarum.

Ortus.

Ortus ad primam & tertiam vertebrae lumborum, quæ causa creditur magni illius lumborum & intestinorum colicæ, ubi à peritonæo fibræ membranæ producuntur, quæ in membranas abeunt robustas: habere quoque membranam propriam, utrinque peritonæi membrana munita experimento in Virgine probat *Warthonus*.

Per has *mesaraice Vena*, tam sanguineæ quam chyli feruntur.

tenuissimæ & plurimæ, paulatim in pauciores & majores concurrentes, disseminantur, uti & Vasa *Lymphatica*, ad membranæ humectationem, vel seri superflui expurgationem. Sed de his fufius libello 1. c. 3. Eodem modo & *Arteria*, ex *Cæliaca*, ut arteriosum sanguinem cum calore deferant ad mesenterium, & intestina, pro singulorum nutritione, & fermentatione, neutiquam ut chylum trahant in sano statu, aut alia, ut opinantur *Varolius* & *Spigelius*. Dari autem per has etiam in mesenterio circulationem sanguinis, contra *Riolanum* demonstrabimus infra. Accipit etiam *Nervos* ab iis, qui à sexto pari costarum radicibus exporriguntur, nec non à nervis venientibus à lumborum vertebris, ut sentiendi vim mesenterio largiantur, in nothis doloribus colicis aliisque manifestum, & motum obscurum in chyli distributione.

De *Nervis* accuratius *Willisius*, ex quo pauca per compendium libabimus. Uterque ramus sexti paris *mesentericus*, statim bifidus, binos in utroque latere plexus immediate constituit. In medio horum plexus omnium maximus, velut Sol inter planetas, consistit, è quo furculi & fibræ numerosæ in omnes mesenterii partes disperguntur, quæ in toto processu vasa sanguifera assequuntur, eadem varie circumligant. Inter hunc plexum & singulos quatuor prædictos, peculiaris fibrarum *fasciculus* producitur.

Ufus singulorum ex eodem *Willisio* varius. *Nervi* sunt spirituum animalium canales, plexus conditi, fibræ emissaria ultima ad partes mesenterii, ad motum & sensationem actus: *Nervi* mesenterici quasi molendinum perpetuum agerent, pro humore alibili in intestinis præparando, eodem versus omnes partes exportando, semper occupantur, ideo tam copiosi variis fibris, cum in musculis sit quies, hic nulla. Hinc motus musculorum persimilis simpliciori operi textorio, sed intestinorum & viscerum motus, textura plurimum variegata. Hinc intestinorum motus *peristalticus* vermiculationis dependet, in quantum hæ fibræ ex fasciculo successe agunt, & motum quemvis inceptum progressu velut spirali usque ulterius promovent. Ad sensationem quoque, ut heterogenea & noxia à chylo & sanguine excludantur.

Habet interjectas glandulas minores, molles, albas, succo albo refertas, numero incertas, rotundas, non nihil compressas, etiam ad spatia implenda & calorem fovendum: sed majorem unam in exortu glandulam habet quam pancreas post *Fallopium* *Asellius* vocat. ab altero pancreate sub ventriculo & duodeno sito diversum. Ex hac Venarum lactearum

Nervi mesenterici
propagatio, propagatio
Plexus.

Fasciculus,
Ufus.

Glandule.

FIGURÆ EXPLICATIO.

Quadruplex Vasorum genus per mesenterium disseminatum, ut & Pancreas in situ naturali ostenditur.

- AA. Hepatis pars convexa.
 B. Hepatis pars concava.
 C. Vesicula fellis.
 D. Meatus bilarius.
 E. Intestini duodeni portio.
 F. Pancreas integrum in situ.
 GG. Vasa splenica inciso pancreate detecta.
 H. Lien.
 I. Venæ portæ ramus mesentericus.
 K. Arteria mesenterica.
 L. Nervus sexti paris in mesenterium disseminatus.
 MMMM. Intestina mesenterio adherentia.
 N. Jejuni intestini principium.
 OOOO. Mesenterium.
 PPPPPP. Vasa mesenterii, quorum nigra venas, nigris accumbebentia arterias; candida nervos & lacteas venas designant.
 QQQQQ. Glandulæ per mesenterium dispersæ.


rum originem idem deducit, quia ibi in unum omnes coeunt, indeque tum deorsum, tum sursum ad hepar porrigi credebantur. Accedit quod colore illis venis non sit ab simili, & venæ hæ ipsæ hic aliquid habent proprii, ut miris anfractibus, gyris, flexibusque toto ejus corpore intextæ sint.

Adeps.

Circumfunditur *adeps*, ut in omento, ex sanguine pingui è vasis delapso, & membranarum densitate retento, concretus; ut earum partium calorem foveat, chylique præparationem qualemcunque promoveat.

Usus Glandularum.

Glandularum *usus* 1. distributiones varias ramorum venæ portæ & arteriæ magnæ fulcire. Hinc circa centrum mesenterii majores glandulæ, quia ibi majorum & magis collectorum vasorum est distributio. Porro hæ glandulæ, si quandoque scirrhum patiantur, sequitur macies totius corporis, quia premunt & occupant divaricationes ramorum venæ portæ, & lacteæ, quo minus per hos feratur libere alimentum.





FIGURÆ EXPLICATIO.

Hæc Tabula Mesenterium è corpore exemptum exprimit
ex Vesalio.

- | | |
|--|---|
| <p>A. Mesenterii centrum, eaque dorsi pars, quâ id à peritonæi membranæ initium ducit, quæ arteriam magnam & venam cavam vertebris hic adnectunt.</p> <p>BB. Glandula mesenterii major, ab Asellio Pancreas appellata, in quam omnes venæ lacteæ connectuntur.</p> <p>CC. Glandula vasis quæ ad intestina usque sunt interjecta.</p> <p>D. BEE. Mesenterii pars quæ tenuia intestina dorso alligat.</p> <p>F. G. Mesenterii pars quæ colo connectitur, à dextro rene ad hepar.</p> | <p>G. H. Inferioris omenti membrana, hic mesenterii vicem subit, colicæ partem ventriculi fundo attensam, dorso adnectens.</p> <p>H. I. Mesenterii pars, colon, à liene ad rectum intestinum protensum, connectens.</p> <p>I. K. Mesenterii pars, rectum intestinum dorso adnectens.</p> <p>L. Mesenterii membrana gemina, unguibus divulsa, inter quas vasa feruntur, & adeps & glandula continentur.</p> <p>M. Mesenterii prima membrana.</p> <p>N. Mesenterii altera membrana.</p> |
|--|---|

2. Humectare intestina, humoribus quos ex partibus exsugunt, adeoque concoctionem quasi elixatione promovere, ex *Galeno*. Quem quidem uñum negat *Spigelius*, eo quod dentur animalia glandulis his destituta, nihilominus tamen pingua; alia vero licet has habeant, macilenta sint. Quod salva *Galenii* & nostra assertione posset accidere; quia illa optimum succum haud depurandum, hæc tam paucum nutritium habeant, ut à glandulis his quantum sufficit depurari nequeat.

Igitur 3. ex intestinis redundantem humiditatem absorbere; ut *Hippocrates* voluit, eandemque per vasa reddere.

4. Addo peculiarem, recipere venas lacteas pertrauseuntes copiosiores, & chyli quandam servare portionem, eandem ab excrementis serosis liberare, & ad Receptaculum chyli iterum remittere, quia 1. similis cum majori illa media est usus, & substantia eadem, quæ magnitudine tantum superat, quia majora illac transeunt vasa lactea. 2. id observavi in piscibus, præsertim Orbe utriusque sexus, præter majorem candidam, etiam alias minores, succum candidum emisisse. 3. ea data ratione facilius & atrophia & reliqui affectus innotescunt. quo etiam *Afellius* quoque videtur inclinasse,

5. *Warthonus* usum credit ex principiis *Glissonii* secerdere succum nutritium partium nervosarum à succo lacteo ex lacteis *primi generis*, qui succus per nervos assugatur & asportetur, reliqua parte lactea per lacteas *secundi generis* ferri ad receptaculum. Sed de hypothese hac nutritii succi infra dispiciemus. Certe reliqua pars, per lacteas *secundi generis* deferenda, non sufficiet alimento omnium partium sanguinearum.

6. *Backio* chylus in has glandulas fertur, indeque admixto aliquantulo sanguine in venarum ramulos deponitur per portam hepatis adducendus. Idem sentit *Deusingius*, *Bilsius*. Quibus nulla *avroſia* favet. Receptaculo chylum, non solam lympham excipi in *Spicil. Lymph. Vaf.* probavimus.

Quod vero *Riolanus* in his glandulis sedem & radicem ponat omnium strumarum in corpore, easque nunquam foras erumpere, nisi Mesenterium fuerit strumosum, quod exemplo etiam juvenis dissecti confirmat *Roonhusius*, vero non est simile, nam 1. ut remotæ causæ esse possunt & per accidens. 2. inter strumas capitis & mesenterii glandulas nulla communio, nisi per lacteas thoracicas *Pecqueti*, ignotas *Riolano* cum hæc commentaretur, vel per jugularia lymphatica. Plures sunt strumosi qui sanas has habent glandulas.

dulas. 4. Omnes forent strumosi, quia in omnibus hæ glandulæ. 5. Subalpini strumosi aliam mesenterii conformationem haberent. Illorum autem bronchocele non à mesenterii vitio, sed vel à privata aqua vel aliunde dependet: Vide *Obs. nostris de Nive*. 6. Strumæ à quovis humore cujuscunque regionis implentur.

Mesenterii. Usus mesenterii est esse commune intestinorum vinculum, quo lumborum vertebriis annectantur.

*Membrana-
rum.* Membranarum vero ejus duplicium usus est, ut per eas vasa tutiori ductu ad intestina abeant.

Ad Mesenterium pertinet RECEPTACULUM CHYLI à Pecqueto primum inventum in brutis, mox à nobis in Homine, cujus hic brevem historiam trademus.

*Receptaculi
chylosi in-
ventio
in brutis,* Invenit Jo. Pecquetus Diepæus A. C. 1651. Parisiis trium annorum observatione in ovibus, canibus, aliisque animalibus vivis, post pastum quarta hora dissectis, à mesenterio seu venis Asellii prodire sub iisdem Receptaculum quoddam chyli, in quod per varios lacteos ex mesenterio derivatur omnis chylus, & ex quo per alios ramos thoracicos ad axillarem venam idem chylus sursum fertur cordi inferendus. Accepto insolitæ observationis indicio, statim in animalibus rei veritatem cognovi. Mox in hominibus quarta ante strangulationem hora cibo potuque satiatis, 19. Febr. & 20. Mart. 1652. nunquam ante visa primus Hafniæ detexi, nempe in mesenterio Glandulas lumbares lacteas, & in thorace ductus lacteos chylo destinatos. Circa eadem tempora Leidæ Jo. van Horne similia in brutis observavit in Ductu Chylifero descripta. Omnium applausu excepta observatio tot seculis abdita.

in homine.

De Receptaculo hic agemus, quia Lacteus Thoracicus ad Libell. de Venis spectat. Diversitas est nonnulla in homine & brutis, & in his quoque pro specierum & individuorum varietate.

*Nomina
varia.*

Receptaculum vocatur Pecqueto propter usum & figuram, chyli stagnum, penu, vesica. Hornio est saccus lacteus. In homine raro tam amplum est. Revera enim, est tantum ramus lacteus magis vel minus dilatatus. Sed una cum hoc ramo glandulas tres lumbares lacteas in homine notavimus, vel membranula invicem alligatas, quæ speciem Receptaculi refert, vel fibrillis. Whartonus suspicatur dari locum seu cavitatem, in quam omnes ramuli lactearum & lymphaticarum se exonerant. Concedit tamen nobis, fieri posse, ut commune Receptaculum in homine minus sit conspicuum, & canalis potius sit, quam Receptaculum. Nos glandulas

glandulæ lacteas lombares tantum in homine invenimus. Plerumque utriculi membranacei speciem gerere credit Th. Cornelius, sed quia sub exitum vitæ contrahuntur & corrugantur, glandularum similitudinem referre. Eleganter Eysenius glandulis tenellis intercisum ait. Harum loco substantiam adiposam super receptaculum repperit Needham, lacte turgidam, cui sine dubio glandulæ erant immersæ.

Situs, sub centro mesenterii, circa lombares vertebrae inter earundem musculos $\psi\phi\alpha\sigma$, mediâ fere regione inter renes & capsulas atrabilarias. Non prorsus medium lomborum locum servat, sed subinde ad dextrum deflectit, plerumque ad sinistrum in brutis juxta cavam descendentem prope renem sinistrum, interdum ad utrumque latus inter musculos lombares sub cava. Superior glandula in homine dextrum eligit, statim sub appendicum diaphragmatis exortu, reliquæ inferiores cum Receptaculo brutorum pariter situm occupant. Profundior hic situs necessarius est ob viciniam lacteorum, tutus ex circumcingentibus, commodus propter calorem vicinæ arteriæ & faciliorem chyli per musculos $\psi\phi\alpha\sigma$, & appendices septi expressionem.

Situs.

Cur profundus?

Substantia variat. In brutis membranosa; sed tenuis ex peritonæo, apparetque prima fronte viscida pituita concreta aut pinguedo. Ad tactum mollis & glabra, digitisque pressa lubrica & flaccida. Interius si vel digitis vel cultro rumpatur, apparet inter duas membranas cavitas quædam chylo ejusque Cava vel lymphâ repleta, qua evacuata, vix sensibilem cavitatem deprehendas.

Substantia in brutis.

In hominibus diversa substantia. Nam glandulosa est & solida, aliarum glandularum Mesenterii instar, venulis lacteis irrigata, & chyli per minimos anfractus capax. Solæ hæ glandulæ sufficiunt hominibus, quia 1. voraces esse non debent, canum instar. 2. chylo sorbendo satis capaces, præfertim quia 3. moram in glandulis non trahunt liquores nutritii, sed continuo effluunt, & affluentibus aliis cedunt. 4. in vivis patentiores pori illarum & canales sunt. 5. pro vasorum confluentium insertionem, cavitatem opus non est, ut in hepate, liene, &c.

In homine glandulosa,

Cur sufficiens?

In homine tamen saccum lacteum semel inventum à se depingit Ol. Rudbeck, non omissis nostris glandulis. Est vero tantum amplior lactei Thoracici ramus, capacitate brutis cedens Rothomagi quoque Receptaculum chyli in homine repperit Carolus le Noble. Vidit enim corpus cavum, cellulis divisum intus & intersectum, magnitudine ac figura inæqualibus constans, & obvolutum membranis tenuissimis,

Receptaculum quoque visum.

FIGURARUM EXPLICATIO.

FIGURA I.

Receptaculum seu compages novarum Glandularum in suo situ exhibetur, eique annexa,

- a. Hepar.
- b. Ventriculus reclinatus.
- c. Vesicula fellea.
- d. Intestinum duodenum.
- e. Pancreatis pars sub duodeno, ad quam sparguntur rami lactei ex glandulis Receptaculi.
- f. Glandulae lumbares Receptaculi in suo situ junctae.
- ggggg. Intestina ad sinistrum revoluta.
- h. Ren dexter.
- i. Ramuli lactei ex glandulis in Pancreatis superficie sparsi.
- kkkkk. Costae aliquot prominentes.
- l. Vena cava descendens truncus.
- mm. Emulgentes venae.

FIGURA II.


Externa in capite humano lactearum insertio visitur.

- aaa. Tripartita lactearum thoracicarum in axillarem sinistram insertio.
- bb. Axillaris vena integra.
- c. Vena jugularis externa.
- d. Clavicula sinistra.

FIGURA III.

Vesiculam chylosam in homine exhibet ex Ol. Rudbeckio.

- A. Ventriculi humani fundus.
- b b b. Hepar in suo situ.
- ccc. Mesenterium ab intestinis rescissum, ac supra hepar reclinatum.
- d. Mesenterii pars lumbis sive dorso adnexa.
- eee. Pancreas glandulosum s. glandula mesenterii chylo turgida.
- ff. Pancreas carnosum.
- g. Lienis pars anterior.
- h. Ren dexter.
- ii. Duodenum ad k ligatum, & à reliquis intestinis abscissum.
- l. Vena splenica.
- mmm. Tres glandulae circa vesiculam chylosam posita.
- n. Arteria aorta.
- oo. Vena cava.
- p. Ductus serosus ex glandulis xx ortus, ad vesiculam chylosam ascendens.
- q. Vesicula chylosa sive sacculus lacteus.
- r. Vas serosum ex glandula m ortum, ac vesiculae insertum.
- ssss. Quatuor ramuli lactei in pancreate glanduloso erumpentes, ac vesiculam chyli subeuntes.
- tt. Ductus chyloferus ex vesicula in thoracem ascendens.
- u. Pars peritonaei dorso incumbens.
- xx. Glandulae ad bifurcationem caeve & aortae posita.



mollissimis glandibus distinctum, copioso circumfusum adipe, infinitaque implicatum fibrillarum multitudine, quæ vicinas partes, sed maxime Aortam, nexu arctissimo complectebatur. Hujus longitudinem fere semipedalem fuisse, latitudinem superiorem trium quatuorve digitorum, sed à summo paulatim decreascentem, in imo angustiore. Hic glandulæ nostræ lumbaræ junctæ fuerunt, & tunicæ inclusæ. Receptaculum in puero 14. annorum Guiffarto observatum, præter naturam ampliato ductu lacteo dilatatum credo, quia propter putredinem disruptum, & purulenti chyli copiam effudit.

*Numerus
in brutis.*

Numerus. Unicum in brutis, ut respondeat glandulæ majori mesenterii, unicaque cavitas. Observavimus tamen & in cane duplex, utrinque unum, oblongius inter musculos lumbaræ & vertebrae situm, in quo dextrum ad thoracem mittebat tumidum ramum, sinistrum à glandula mesenterii lacteum accepit, quod cum dextro tamen ramulos communicabat.

In homine.

In hominibus tres glandulæ lumbaræ, duæ majores sibi invicem impositæ, sed mutuis ramulis lacteis conjunctæ, inter cavam descendantem & aortam in angulo quem emulgentes cum cava faciunt. Tertia superior diaphragma propius accedit, ejusque principio nerveo sub appendice immergitur. Varius tamen est in variis numerus, siquidem in quodam homine plures in mesenterio glandulæ comparebant, quam in aliis hæcenus à me dissectis, ut etiam quamplures aortam ad ilia usque comitarentur.

Magnitudo

Magnitudo. In brutis à diaphragmate ad tertiam lumborum vertebrae nonnunquam protenditur, latum, ut impleat spatium inter lumbaræ musculos, ad renes ejusque capsulam extensum. Nonnunquam minus, & curiose investigandum. Cavitas interior non est adeo ampla, sed ad digitos duos, vel unum vel medium capiendos accommodata. Insignem tamen amplitudinem admittit Pecquetus, quando scilicet moram ibi chylus facit, velut in vicinos renes per adherentes arterias emulgentes superfluos humores transfundat, vel quando exactiorem illic coctionem postulat, vel ut fermentetur velut vinum in cupa

Ejus Cavitatis.

In hominibus, quia plures glandulæ, singulæ trium transversorum digitorum æquant longitudinem. Si cavitas adsit, vel voracitatem notar, vel moræ longioris locique & spatii necessitatem. Unde variat pro vario statu ibi magnitudo.

Figura.

Figura. Externa in brutis inæqualis, glabra tamen. Ovalem nobis depingit Pecquetus, sive pyramidalem. Sed ea figura

figura apparet tantum declinatis ad latera intestinis, quæ secum trahentia Receptaculum, oblongum efficiunt. Formæ enim est compressæ in situ suo relictum. Subinde tamen & nobis oblongiori forma apparuit. In hominibus vel rotundæ sunt glandulæ, vel oblongiores & conglobatæ.

Valvulas in cavitate suspicatur *Pécquetus* ad mesenterica-
rum lactearum ostia, regressum chyli prohibentes, quia presso lacteo thoracico nihil deorsum potest remeare.

Color. Candidus est, lacti simillimus, qui non perit facile
cum vita, sed constans est, sive ob duplicem tunicam in
brutis, quæ quasi lacte coagulato, quo abundat, imbuta
vestigium sui non libenter obliterat; sive ob nativum glandularum candorem, & contentum humorem lacteum. Interdum tamen difficilius discernitur ob pinguedinem adjacentem in obesibus, & chylum aquosorem seu lympham, cujus quoque hoc est Receptaculum. Notavimus in homine uno, alteram glandulam candidam, alteram obscuriorem carneo colore, vitio forsân corporis egri contractam.

Connexio. *Postica* parte adhæret vertebriis lumbaribus; *Connexio*
Antica mesenterio per ramusculos lacteos secundi generis, *Postica,*
qui chylum ad hanc cisternam derivant, Eos videbis, si re-
clinato mesenterio cum intestinis ad sinistram latus, intuearis diligenter. Penetrare ipsam substantiam, dubium non est, quia illis ligatis intercipitur contentus alias in Receptaculo chylus.


In his truncis lactearum juxta Receptaculum, notat *Pécquetus* ampliorem tunicam *valvulas* indicare, quæ refluentem chylum inhibeant. *Ad latera* glandulis seu capsulis atrabiliaris, & renibus apponitur, sive *immediate*, ut in canibus nonnullis, ita tamen, ut cultro separari facile possit, sive *mediate* per ramulos lacteos. Manifestius id in homine observamus. Spargunt glandulæ lacteæ novæ ramulos ad pancreatis partem duodeno subjectam, emulgentem venam sinistram transcendentes, alios quoque ad arteriam emulgentem dextram. Quinimo invicem glandulæ ramulos lacteos mittunt, superior rotunda ad inferiores, hæ rursus & sibi communicatos ductus largiuntur & vicinis locis. *Superius* prope diaphragma ex Receptaculo seu glandulis *Superior,* lacteis prodeunt rami lactei thoracici, de quibus suo loco.

Ufus. 1. ut ex lacteis mesenterii venis chylum excipiant *Ufus,*
omnem, eundem nonnihil præparent beneficio calidorum vasorum vicinorum, arteriæ & venæ, & breviter præparatum ad thoracicas & ipsum cor detrudant. Contineri ibi chylum sensus docet, illumque accipere ex lacteis mesarais,

FIGURÆ EXPLICATIO.

Glandulæ novæ lombares separatæ, earumque rami lactei ad axillarem, exemptis visceribus, monstrantur.

- a. Glandula superior lactea nova.
- bb. Glandulæ duæ inferiores separatæ, ramisque lacteis invicem conjunctæ.
- ccc. Rami lactei ex glandulis adscendentes.
- dd. Solitarius ramus thoracicus.
- e. Emulgens Arteria dextra ad sinistram reflexa, ad quam rami lactei ex glandulis progrediuntur.
- ff. Renes.
- gg. Arteriæ truncus descendens infra cor abscissus.
- hh. Spina dorsi.
- i. Lactea thoracica ad sinistram subclaviam sub arteriâ subclavia repens.
- k. OEsophagus dextrum versus nonnihil reflexus.
- ll. Glandulæ thymi quæ thoracicam lacteam abscondunt teguntque.
- m. Arteria subclavia abscissa.
- n. Valvula lacteæ thoracicæ & interna lacteæ insertio.
- o. Valvula jugularis interna.
- p. Axillaris vena expansæ & per longum discissæ facies interior.
- q. Jugularis vena interna.
- r. Jugularis vena externa.
- s. Axillaris vena ad brachium progressus.
- ttttttt. Costa utriusque lateris.
- u. Vesica in suo alveo.
- xx. Diaphragma utrinque resectum.



cis, pressione illarum innotescit, sursum denique promoveri, ramificatio lactearum exinde prodeuntium facit fidem, imo compresso mesenterio & vulneratis lacteis in thorace vel ligatis, vel digito adactis, chylus illac vel prodit vel in tumorem tollit vicinum mesenterio locum. Ad hæc, in lactei liquoris defectu, talis humiditas serosa in illis reperitur, qualis in glandulis conspicitur.

2. Lympham ex Lymphaticis vasis recipit Receptaculum, & per eosdem ductus thoracicos lacteos amandat ad cor. Hac lymphæ fere semper repletur, quando chylus deest,

3. Lympham à chylo in levi illa præparatione & expulsionis conatu separatam in adjacentes vel *renes* exprimunt, vel *emulgentes arterias*, quibus ramos mittunt, vel *capsulas atrabilarias* sero melancholico destinatas, vel denique per *Peritonæi* duplicaturam, in qua morantur.

4. Alii partem tantum chyli huc admittunt, eamque vel ad partium recreationem & refectionem per thoracicum ductum amandari, ut *Deusingius*, vel ad sanguinis in corde fermentationem, ut *Riolanus*, vel solam esse lympham seu rorem sanguini conficiendo idoneum, ut censet *Bilsius*: reliquam vero pro sanguine idoneam & sufficientem per portæ ramos ad Hepar deducentes. Quorum sententias variis Opusculis dudum discussi. Omnem chylum ex mesaraicis à Receptaculo recipi, & omnem quoque ad thoracicas refundi, ligatura utrinque in vivo cane facta demonstrat *Pecquetus*.

5. Plurima inventi hujus commoda in affectibus variis illustrandis proposita vide in *Hist. Lact. Thorac. & Dub. Anat. Lact.* & defensa in *Defens. contr. Riolan.* & in *Spicileg.* alibique.

6. Aquoso humori seu lymphatico proprie destinatum Receptaculum, quo semper magna copia abundat, *Jac. de Back*, eumque sequuti alii tuentur. Secundario id fieri certus sum, quia lymphæ infinitas alias vias habet, chylus hanc solam.

7. Non incommode *Whartonus*, ut glandulas nostras cum receptaculo communi jungat, in has glandulas lumbares se distribuere venas lacteas primi generis & vasa Lymphatica, antequam Receptaculum ingrediantur, alias enim non posse ad lacteum thoracicum ferri.

CAP. XIII.

DE PANCREATE.

PANCREAS, ac si diceret totum carnosum, potius totum glandulosum est, laxum & informe: si globulos, ex quibus constat laxè inter se junctis, junctim sumas, alias enim ut monet *Whartonus*, singuli noduli seu globuli duritiem quandam & firmitudinem præ se ferunt, tres aut quatuor digitos longum, interdum sex vel septem, & amplius, tenui membrana à peritonæo investitum, & in pinguiori corpore tota quasi pinguedo videtur, quæ cœnosa pinguedo & humiditas aliis dicitur. Aliis Calicreas dicitur, item Lactes ob candorem & molliem.

Situs. Situs ejus est sub posteriore parte ventriculi, hujusque fundo, duodeno & vena portæ, usque ad regiones hepatis & lienis, cui per membranas alligatur. Cum substantia propria lienis aliquando uniri vidit *Marchettus*.

Ortus. Oritur vero ad primam lumborum vertebra. In medio album est ejus *capitulum*.

Habetque *venas*, ramum splenicum, *arterias* sinistram ramum Arteriæ cœliacæ, *nervos* sexti paris qui ad Ventriculum & duodenum tendunt, & glandulas. *Vasa Lymphatica* quoque, quorum hic insignis plexus visitur, observante *D. van den Cruyce*, à quo varii ramuli tum ad lienem, tum ad pancreas derivantur, unde lienosi sputatores. A liene prodire testatur *Swalve*, venam portæ cingere, præterlabi pancreas, & in Receptaculum chyli tendere.

Præter quæ, habet & ductum alium, membranofum, non arteriosum, quod *Lindanus* voluit, quia ipse dubitat cujus sit propago, aortæ ipsius an cœliacæ ante emissam splenicam, sed sui generis, secundum Pancreatis longitudinem modo oblique, modo recta linea expansum, à nullo hætenus descriptum, qui primo Patavii nobis præsentibus 1642. initio Martii mensis, *Joh. Georgio Virsungo* Anatomico plane diligenti, sed cruento fato extincto apparuit, licet priori autumnus in gallo Indico ipsi ostensus à *Maur. Hofmanno* domestico tunc *Virsungo*, capacitate insigni & parietum robore. *Fallopio* innotuisse non credo. Parvorum meatuum quidem meminit, in pancreas & glandulas proximas desinentium, sed cum hic ductus unicus sit, potius per nebulam venas lacteas vidit in pancreas mesenterii & reliquas glandulas dispersas, vel vasa Lymphatica. Unicus plerumque, quam

quam ab eodem duplex sit observatus, parallela linea invicem extensus: à *Maur. Hofmanno* quadruplex in accipitre. brevis in loco ordinario, & infra istum largior. Cujus *crificium* amplo hiatu in intestinum duodenum aperitur, juxta meatus bilarii ingressum, cum quo nonnunquam eodem osculo jungitur, frequentius vero, quod cum Auctore deprehendi, diverso sed vicino furculo copulatur. Idem *Hofmannus* observavit in Ciconiis duplicem, quorum alter Cysticum, alter Hepaticum bilis canalem comitetur. Non raro, præsertim in Homine, in ipsum meatum bilarium aperitur, tumque, advertente *Highmore*, neque inter tunicas ejus decurrit, neque valvula ulla adstat. In cæteris Valvula ante exitum sita extrorsum spectans, quæ stylum ex duodeno adactum in sinum novum non admittit, unde in animali vivo ligatura constrictus intestinum versus intumescit magis, ultra vero statim inanitur, si credimus *Jac. Backio*, quod experimentum difficile est, ante enim quam vel separaretur ductus impeditur, vel ligetur, expirat animal: *Highmore* valvulam aliam præter tunicam intestini interiorem non invenit, nec admittit. Est vero ea obliqua, & valvulæ vicem supplet. Neque eam concedit *Swalvius*, quia flatus ab intestino mox totum pervadit, distenditque per fistulam immissus. Inde totum Pancreatis corpus meatus perrepat, utrinque infinitos dispergens ramulos, donec angustioribus, sed ordinatis furculis & recto ductu sensim taciteque lienem versus terminetur. Lienem autem non ingreditur, licet id se observasse fidem mihi *Folius* fecerit: fortassis id præter naturam, nec debuisse videtur, quia ante obliterantur rami ordinato defectu, quam lienem tangant, & cavitatis deficit versus intestina eminens. In qua quidem capacitate, humor conspicuus est nullus, nisi quod immissus stylus flavo plerumque biliosoque colore tingatur, parietibus ejusdem simili tinctura infectis, ut bilis hic contineri ordinaria naturæ lege videatur, quod ad oculum pleno bilis vase in biliosa diarrhæa Venetis quoque *Johannes van Horn* amicus vidit. Unde novi ostenti

Ufus.

*non pro
chylis ve-
hendo.*

Ufus quis sit, valde adhuc dubium. Variant enim eruditorum conjecturæ, quas in compendium redigam. Aliquid ex intestinis ductum ingredi non fit verosimile, propter valvulam vel rugosam intestini tunicam. Chylum tamen ex duodeno trahere, ut ibi præpararetur, qui idcirco in vivis reperitur, defendit *Backius*, non quidem ad nutriendum pancreas, cum is humor ad ea sit ineptus, & arteriæ cœliacæ id præstent, verum ad commune bonum. Cæterum qua

via

via redibit ad organum sanguificationis? Nam lien recte denegat. Redibitne ad duodenum & inde ad mesenterium? Circulus foret in infinitum. In venas transferri quid attinet, ut per ambages eat? In vivis non facile invenerit, & hic pancreas cum majori glandula mesenterii confunditur. Acrius urget doctum Virum *Hornius* ex Anatome: intestinorum enim plicas carnosas, descendente chylo, foramen ejus claudere, nec chylum in eo videri posse propter impossibilem ligaturam in vivo. Prius quidem concedit *Backius* de impetuoso fluxu materiae crassae. Et cur in aliis non eadem ratio? Ad alterum, ligaturam in vivo ab intestino exortui injiciendam; si enim egerendo natum sit, intumescet supra ligaturam, sin advehendo, inanietur. At egerendo esse natum, ligato intestino, extractoque inde in appenso vitro succo pancreatico expertus est *Graefius*. Qui attractum chylum ex duodeno lien conferunt, magis falluntur, quia 1. non pertingit hic ductus ad lienem. 2. impedimentum idem tunicae rugosae obstat. 3. commune habet cum poris cholidochis ostium, ut egerendo utrumque serviat.

Affinis est sententia *Dom. Marchetti*, qui statuit Ductum *Nec pro* hunc esse principium Venarum Lactearum, quod probat, *principio* quia 1. nullus alius truncus repertus lactearum. 2. ex sub- *Lactearum* stantia ejus alba, lacteis simili. Hinc praeter foramen in duodenum desinens, alios canales inde oriri in cadaveribus a se observatos, qui quidem versus Hepar porrecti, extra Pancreas plexum faciunt, postmodum disjuncti supra venam Portae, & arteriae Coeliacae raram dextrum ad Hepar perveniunt, ipsumque ingrediuntur. Sed de trunco certiora *Pecquetus* invenit in Lacte Thoracico. Canales illi visi, sine dubio, Lymphatici rami fuerunt, lacteos enim fuisse, evincere non potest, quia nec colorem album addit, nec liquoris cursum.

Egerendo igitur quia destinatur, videndum cui humori evacuando inserviat. Vel utilis ille est, vel inutilis seu excrementitius. Utilem effundere illis creditur, qui acidum succum vel ventriculo ad fermentationem hinc deducunt, vel chylo in intestinis.

1. Succum fermentativum ventriculo adferre, ut ingeniose statuit *Jo. Dan. Horslius*, difficile est creditu, quia *Nec ad fermentum* 1. in pancreate, glanduloso corpore, non generatur. 2. à vehendura liene vel arteriis promptior via, hæc impeditior, pyloro *ventriculi* obstante. 3. occursum chyli in duodeno turbaretur, & à vicino cholidochi inquinaretur. 4. nunquam talis in hoc ductu visus liquor.

Nec intest-
inis.

Succi natu-
ra acid a.

Et varii sa-
poris.

Non pitui-
ca.

2. In intestinis promovere *fermentationem* chyli succum pancreaticum, majori veri specie dicitur. Hujus sententiæ est *God. Mæbius*, chylo simul cum bile in duodeno admixto: si enim purum esset excrementum, canalem hunc ad inferiora intestina locasset Natura. Succus vero hujus naturam primus *Franciscus Sylvius*, ductusque hujus usum propius propalavit, ex natura glandularum conglomeratarum. Scilicet pancreaticum succum salivæ non absimilem, aut chyli ab alvinis fœcibus secretioni, aut ejusdem saltem per lacteas ventioni servire, & pituitæ multæ in tenuibus intestinis restibili materiam suppeditare. Ex sanguine autem & spiriibus animalibus subacidum reddi. An tanta copia ad intestinum confluere possit, quamvis peculiari vesica non contineatur, contra negantem *Deusingium*, phiala sua *Graefus* dirimet, etiam in sanis canibus.

Graefus enim singulari vitro excipiens succum hunc, varii saporis deprehendit, semel acidum gratissimum, aliquando pene insipidum, nonnunquam austerum, sæpius salsum, sæpiissime acido-salsum. Hunc in intestinum infundi, misceri alimentis fermentatis, deorsum cum illis in venas lacteas propelli, hinc sursum ad thoracicum & dextrum cordis ventriculum, misceri cum bile in intestinis, unde effervescencia & consistentia alimentorum fluidorum, & chyli candor, quia alia sale lixivo & oleo abundantia ad acidorum affusionem albescunt: ita sulphuri rubenti in quovis lixivio soluto acetum vel vinum acidiusculum affusum lacti simillimum fieri. Ita ex principiis Magni præceptoris *Sylvii* commentatur, & in eandem sententiam *Svalvius* concedit, negat tamen *Needham* in statu naturali acescere.

Inutile per ductum Pancreaticum expurgandum, vel erit
1. Pituita seu dulcis & insipidus humor albus, ex quo, cum bile mixto, fœces croceo colore tingi *Velthufius* tradit: sicut propter obstructionem hujus ductus humor ille lenis hæc excerni solitus cum urinæ misceatur, crocea evadit, at fœces alvi albescunt, aut argillaceo colore imbuuntur, & alvus est astricta. His concinit *Whartonus*. Sed flavo colore tingitur in ductu humor, antequam in intestino bili externæ vesiculæ misceatur. Mera est conjectura utriusque, urinas, ictericos, fœces alvi flavere ab hujus albi succi cum bile commixtione. Hinc attrahi elective è nervis sexti paris & plexu nervorum superiore pancreati continuo excrementitiam hanc materiam dulcem & inspidam, & ad intestina rejici *Whartono* non largimur, quia 1. talia nervorum excrementa nullus vidit. 2. plexus nervorum pancreas non ingreditur,

tur, ut inde difficile sit elicere. 3. Ramuli ad pancreas sparsi nervosi non sunt, sed lymphatici. Habent quidem hi speciem nervorum, sed, fatente *Swalvio*, pancreas non subintrant, sed ad receptaculum eunt.

2. Chyli purgamentum ad duodenum non mittitur, ut *Nec chyli* censent *Licetus*, *Riolanus*, *Veslingius*, siquidem in hoc ductu purgamentum chylus non visitur: & chyli purgamenta jam per alvum tum. fuere excreta, nec alia deponit, antequam novam in venis axillaribus & corde habeat mutationem.

3. Serum in pancreate separari & per ductum expurgari, visum *Maur. Hofmanno*, *Pecqueto*, & *Barbato*, ut Pancreas sit colum lymphæ, sicut hepar bilis, lien acidii succi: Aperitis enim sæpe canum abdominibus, in exitu duodeni reperit *Pecquetus* ex hoc canali liquorem effluentem instar aquæ limpidæ & aciduli saporis. Aqueum quoque & subamarum liquorem ex hoc ductu effluentem vidit *Th. Cornelius*. Hinc notante *M. Hofmanno*, in perturbationibus ventris rarissime sola bilis fluit, sine aqua: hydropicos quoque per aquam absorbentis pancreatis ductum, quam Hepatis meatum cholidochum expurgari magis esse verosimile. Suppressionem urinæ quoque in hydropicis ex hujus obstructione advocat *Pancrat. Bruno*.

De origine hujus aquæ non conveniunt. *Barbatus* male in pancreate separari à calidiore chyli parte ad sanguinem minus idonea; melius *Hofmannus* ex vena splenica transudare, vel à glandulis pancreatis absorptam colligi in truncum: Verius *Pecquetus* & *Lepnerus* per pancreaticam arteriam excipi. *Usum* hujus lymphæ ex nostris principiis recte hic divinavit, ex canali effusæ, partim ut in Receptaculo viscosiorem chylum diluat, obstructiones arceat, & fermentationem promoveat, quod nobis quoque favens *Alb. Kyperus* astruit, partim ut in Intestinis bilis mordacem impetum reprimat, & ex alimentis separet tenuiorem chylum, inque venas lacteas subtilitate sua permeantem comitetur. Eandem lympham denique pro succo nutritio *Barbatus* admittit, me non repugnante. Hinc

4. Crassiora purgamenta sanguinis ineptiora quam ut domari à liene potuerint, imo ipsam atram bilem hac expurgari, sicut *Lindanus* asserit cum dubitante *Riolano*, minus naturæ consonum, aut huic parti decorum: neque enim crassa lien, sed liquida congerit, sed male affectus admittit. Idcirco neque

5. *Melancholice* sentinam in liene accumulata evacuat, Neque me- quod primo scripserat *Higbmorus* in *Disq. Anat.* sed dese- *lancholice*.

FIGURARUM EXPLICATIO.

In hac Tabula tum Pancreatis corpus una cum novo Wirsungiano ductu, tum per idem deducta ad lienem vasa exprimuntur.

FIG. I.

- AAA. Pancreas dissectum.
 BB. Novus in Pancreate repertus ductus.
 cccccc. Ramuli ejusdem ductus.
 d. Orificium ejusdem.
 e. Orificium meatus biliarii.
 ff. Meatus biliaris.
 ggg. Pars intestini duodeni.
 HH. Ramus splenicus.
 II. Arteria splenica.
 K. Arteriae cœliacae portio.
 L. Anastomoses venae & arteriae splenicæ.
 M. Venæ splenicæ ramus hæmorrhoidalis.
 NN. Corpus lienis.
 OOO. Vasorum in liene ingressus.

FIG. II.

- A. Lienis pars convexa.
 BB. Membrana lienis separata.
 C. Parenchyma lienis nigricans.

FIG. III.

- AAA. Lienis pars concava vasa excipiens.
 B. Vena splenica.
 C. Arteria splenica.


ruit deinde in Lib. de Affect. Hypochondr. quanquam in eodem luto hæsitans Maurocordatus hunc ductum *melancholichum* vocaverit, qui forsitan nobiscum ignorat quid sit decantata ista melancholia. Cæterum quia certum est, ex ipso Pancreate, cujus hic ductus proprius, & in quo incipit & terminatur, aliquid per ductum ad intestina expurgari, salva lymphâ, quam nolim repudiare, olim in hujus inventi incunabulis suspicatus sum

Sed vitem.

6. Bilem evacuari, quod etiam ipsi *Wirsungo* placuit, sive in Pancreatis coctione generatam, sive in liene per ramum splenicum hac transeuntem; utrumque enim hepar subsidiarium censetur. Estque quasi vesicula biliaria lienis, quæ commodum osculo suo jungitur alteri meatui vesicæ biliaris

riæ

Fig. I



FIGURARUM EXPLICATIO.

FIG. I.

Exhibet omnia Lagenulæ parandæ necessaria.

- AA. Lagenula vitrea.
- BB. Foramen exile in Lagenula ventris parte superiore.
- CC. Funiculus annulis ferreis ornatus.
- DD. Calamus Anatum sylvestrium longus & tenuis.
- EE. Charta quæ calamus obvolvitur.
- FF. Calami pars amplior.
- G. Calami pars tenuior.
- HH. Lagenulæ orificium.
- I. Epistomium ligneum.
- KKK. Filum Epistomio annexum.

FIG. II.

Exhibet Lagenulam cum omnibus requisitis ut decet ornatam.


FIG. III.

Denotat instrumenti partes, quo secundus Ductus Pancreatici exitus claudi potest.

- AA. Tabula duæ ex ebore confectæ.
- BBBB. Quatuor foraminula in tabularum extremitatibus facta.
- CC. Cylindri duo.
- DD. Cochleæ duæ circum cylindros volvendæ.

*Objectiones
solvantur.*

riæ hepatis juxta duodenum, ut quem usum præstat hæc jecori, eundem credi possit & illa lieni præstare. Ne dubitemus, biliosus humor interiora hujus ductus oblinat. Ad quam sententiam meam plurimi Eruditi accesserunt, licet in quibusdam dissentiant. Contra alios in diversum à me abeuntes, notandum 1. similem quidem esse vesicæ bilariæ, non ratione cavitatis vel tunicæ, sed situs & usus. 2. Quam dulcedinem caro pancreatica sapiat, ductum tamen amarum humorem posse vehere, etiam à dulcissimis, ut sanguine, separabilem. 3. ramulos hujus ductus cum splenico ramo, ex liene transeunte, communicare, qui ad ductum hausta referunt, non contra. 4. Bilem ex cholidochi vicinia non admitti, propter valvulam vel obliquum ductum, ut neque stilus neque flatus adigi possint ob circulum membræ, applaudente *Lysero* olim nostro, quacunque demum



AAA. Ductus pancreaticus
 BBBB. Ejus Rami laterales
 C. Ejus cum ductu bilario unio
 DD. Meatus bilarius
 E. Exitus ductus utriusq
 FFFFFF. pancreatis facies interior.
 G. Ejus pars à ductu bilario separata
 HH. Ventriculi sursum retracts fundus

I. Pylorus
 K. intestinum Duodenum.
 L. MM. intestini tenuis pars
 NN. mesenterium ab intestinis liberatum
 O. Vena mesenterica.
 P. Arteria mesenterica.
 Q. Ductus cysticus
 R. Ductus hepaticus.
 S. Int. Duod. apertum.

Back of
Foldout
Not Imaged

fig. I




fig. II





fig. III



FIGURARUM EXPLICATIO.

FIG. I.

Exhibet canem, in quo ostendit modum & locum ubi instrumenta Tab. XX. notata intestino sunt affigenda.

- A. Phiala.
- B. Acus.
- M. Pylorus.
- N. Intestinum duodenum.
- O. Pancreas.
- P. Prelum.
- Q. Laryngotomia.

FIG. II.

Repræsentat canem, cujus abdomen post applicationem instrumentorum consutum est.

- AA. Phialæ duæ ad Succum Pancreaticum & salivam colligendum.
- N. Pars vesicæ qua vitrum tegitur ne sanguis per ejus foramen intrans Succum Pancreaticum inquinet.

mum commotione. 5. In biliosa diarrhæa, propter totius infectionem, vas plenum esse bile, in sanis tantum tinctum. 6. Neque semper expurgari bilem, sed intermedio tempore candidum ductum observari & vacuum.

Excrementa arteriosi sanguinis. 7. *Excrementa arteriosi sanguinis* à corde & liene, imprimis serosa & biliosa, per vicinos arteriæ Cœliacæ ramos in se recipere, quæ non semper in sectionibus videntur, quia cito elabuntur per viam patentem, præsertim in vehementi commotione. Colligi semper, *Graefii* experimenta testantur.

Utilis usus in vomitu.

Per alvum.

Utilis usus *Riolano* est, per hanc viam in vomitu expurgari humores varios & illuvies primæ regionis, atque ita febrium diuturnarum malignarum & chronicorum morborum fomitem delitescens in Pancreate, excerni. Ego invento doctissimo facile aliquid addam. Non solum vomitu, sed & per alvum prolici beneficio medicamentorum cholagogon ferventem à bile intemperiem, mesenterium, lienem, arterias & cor ipsum adurentem. Hincque in ardentibus febribus dejectiones biliosæ, & in dysenteria cruor, à largo bilis diluvio hinc ad intestina continuo manante, quæ tanto difficilior est curatu, quo longius se Pancreas à medicaminum vi removet, intra viscera profunde immersum, nisi quic-



Back of
Foldout
Not Imaged

quicquid breviori via per vomitoria eliciatur.

Usus Pancreatis ipsius. 1. Fulcire vasa transeuntia, ut ramos venarum portarum, arteriarum cœliacarum, & nervorum: præsertim ramum splenicum. 2. Ventriculi coctionem, quæ in calido & humido fit, juvare. 3. Ventriculo esse instar subjecti pulvinaris. Hinc lapidescens in vetula illa Romana, primo, ad quotidianum vomitum, mox atrophiam & mortem, compulit, teste Dom. Panarolo in observationibus. 4. Exfugere præterlabentem sanguinem serosum, & beneficio glandularum expurgare. 5. In morboſis ac melancholicis corporibus lienis affecti vice fungi, quod Cl. Thuani exemplo docet Riolanus. Cujus pancreas amplitudine & pondere jecur æquabat, totum tamen schirrosum erat, at jecur induratum & sphaericum gypsea pituita refertum, lien adeo exilis videbatur, ut vix unciam penderet. 6. quia secundinæ instar est, teste Varolio, hinc Highmorus nobilius officium tribuit, nempe quicquid in chylo cœnosum continetur, ad se trahere, separare, puriusque reddere, antequam hepar ingredietur. sed unde illi chylus? 7. Whartono nervis inservire, eorum scilicet superfluitates excipere, quæ nobis adhuc ignotæ. 8. Fr. Sylvio, non coacervandis excrementis inutilibus, sed elaborandis humoribus corpori utilibus & necessariis inservire glandulas omnes.

Usus Pancreatis.

CAP. XIV.

DE HEPATE.

Hætenus de organis coctioni primæ vel chylicationi dicatis: nunc ad ea quæ secundæ coctioni sive sanguificationi quocunque modo faciunt, accessum facimus. Atque in his primarium hætenus fuit hepar.

Hepar est pars organica, in infimo ventre, statim sub diaphragmate dextri lateris sita, sanguificationis organum, & venarum principium ex Galeno.

Hepar, Græcis ab inopia dictum, quod subveniat partium indigentia, Latinis jecur appellatur, quasi juxta cor. *Venarum principium* dicitur, quia in eo apparent dispersæ radices duarum venarum maximarum, cavæ & portæ, tanquam in terra aliqua radicibus affusa. Venæ lacteæ à pancreate putantur oriri: sed Lymphaticarum & in hepate observantur surculi. Radices autem arborum etiam in terra dispersæ, extra terram in truncum compinguntur. Vena arteriosa cordis revera est arteria; Arteria venosa autem vena est, & hepatis

*Hepar cur
venarum
principium?*

FIGURARUM EXPLICATIO.



FIG. I. Hepar è corpore exemptum , ejusque potissimum partem simam exprimit.

- AAA. Hepar in sima parte , sua tunica vestitum , villosum.
- B. Vena portæ , ejusque ex sima hepatis sede egressus.
- CC. Duo trunci vene cavae juxta gibbam hepatis partem.
- D. Venæ umbilicalis ex hepate egressus.
- EE. Vesicula fellis in sima hepatis parte sita.
- F. Ductus bilarius , Cysticus dictus.
- G. Alter ductus bilarius , Hepaticus vocatus.
- H. Arteria quæ à ramo Cœliaco ad sima hepatis pervenit.
- I. Ramus hujus arteriæ hepar ingrediens.
- KK. Alius ejusdem arteriæ ramus ad vesicam felleam abiens.
- L. Nervus sexti paris ad hepar delatus.
- M. Lobus exiguus in omentum exporrectus , per quem hepar aqua plenum interdum evacuatur.
- NN. Eminentiæ hepatis , Portæ olim dictæ.
- a. Fundus vesicæ felleæ extra hepar prominens.
- d. Canalis communis , quem rami hepatici ductus constituunt.

FIG. II. Capsulam Glissonianam exhibet.

- A. Hepatis gibbum.
- B. Pars illius dextra.
- C. Cavum Hepatis.
- D. Pars sinistra.
- E. Truncus portæ sursum reflexus , ut cætera vasa facilius conspiciantur.
- 1 2 3 4 5. Ejusdem quinque rami majores.
- F. Ductus communis.
- G. Porus bilarius ipsiusque prima divisio.
- H. Meatus cysticus.
- I. Vesicula fellis.
- aaaaaaa. Capsula communis aperta.
- bb. Pori bilarii subdivisiones.

fig. 1



pati potest natales debere, quia in foetu cum cava jungitur, & cum hac per anastomosin patet: præterea ad cor defert, non refert sanguinem, siquidem huic argumento aliquid fidendum.

Numerus.

Numero communiter unum est, raro duo: Rarius plane deficit hepar, ut in Matthia Ortelio.

Situs.

Situm habet in infimo ventre, sub septo transverso (quod & Hippocrates & Aristoteles agnoverunt) ad costas, & quo ad majorem partem in dextro hypochondrio, digiti transversif ab eo distantia, ne motus ejus impediatur: ideo hepatis tumor dispnceam parit. Avibus in utroque latere æqualiter est situm: uti & fere canibus gracilem & longum lienem habentibus. In homine raro mutatur situs, ut hepar in sinistro, quod notat Gemma & Spererius, nec ita pridem Parisiis in sicario observatum Decano Guid. Patino, de quo Riolanus & nos in Historiis, splen in dextro latere conspiciatur. Intumbit autem leviter ventriculi parti anteriori, superiori, & potissimum dextræ, alias ad sinistram etiam pars ejus aliqua porrigitur, nonnunquam maxima, exiguo liene. Aristotelem vero aliqui putant hepatis situm ignorasse, quia dixit: *ὡς ἐν τῷ Ἀλφειῳ*, &c. quod illi interpretantur, supra septum situm est hepar. Verum Philosophus interpretandus est: Trans vel ultra septum situm est; nam id significat *ὡς ἐν* cum accusativo, at cum genitivo super vel supra.

Figura.

Atque ob diaphragma, cui cedere debuit, figuram accipit superiorem & exteriorem satis rotundam, convexam vel gibbam, æqualem & levem, ubi etiam posterius ad venæ cavæ transitum sinus est oblongus. Et ob ventriculum accipit figuram interiorem & inferiorem cavam, quæ pars ejus sima dicitur, estque inæqualior, in qua duo sunt sinus: ad dextram unus, pro vesica biliaria; ad sinistram alter, pro transitu stomachi. Estque hepar ad dextram amplæ rotunditatis, ad sinistram angustæ & acutæ.

Divisio.

Dividitur hepar à nonnullis in partem dextram, quæ crassior, & sinistram quæ tenuior: inter quas mediat fissura parva, ubi umbilicalis vena ingreditur. Alioquin communiter integrum est in homine, nisi quod Spigelius notavit hic lobum quendam exiguum, carne quam reliquum hepar molliore, tenui & subtili membrana cinctum, qui in omenti duplicatura vel cavitate continetur, heparque aqua plenum interdum evacuat. In hoc lobo exili & molliori observare mihi olim visus sum inferi venas lacteas in sectionibus piscium, ut secundum partium hepatis diversitatem, vasorum trium insertionem haberemus, hæctenus desideratam: Sed poste-

posterior observatio nos docuit ea esse *Vasa Lymphatica*.

Hujus autem lobi *Spigeliani* usus alios assignat *Glissonius*: *Lobi Spigeliani* usus.

1. ut omentum hepati facile commodeque adnectatur. 2. ut hiatum locumve alias vacuum expleat. 3. ut ita majora vasa in pylori compressione protegantur. 4. per hunc fossula in hepate efformetur per quam cavæ truncus delabatur. 5. Cavam protegat, ne inter hepar & spinam comprimatur. Verum in brutis, si bovem excipias, aliaque, hepar dividitur plures in partes, quas lobos vel pinunas vocant, quibus

ventriculū ceu digitis tegi & contineri ajunt. Male ergo *Hepar in Galenus & Plempius* in lobos divisum humanum hepar volunt *homine non naturaliter*, nam præter naturam & raro in lobos finditur, *dividitur in lobos.* quod observarunt *Fernelius, Sylvius, Gemma. Galenus* excusandus, quod extuberantias hepatis ex vasorum truncis formatas pro lobis acceperit. *Plempium* autem erudite refutat *Horsius Junior*, quod fissuras, sinus, extuberantiasque hepatis pro lobis plene distinctis venditaverit.

Magnitudo & crassities ejus est in homine insignis & maxima (uti & cerebrum) non tantum ob nutritionis puritatem, quemadmodum in brutis; sed ob spirituum animalium procreationem, qui dissipantur sæpius (& ex vitalibus generantur, hi vero ex sanguine defæcato) & magis ob varias in homine functiones. Majus tamen est in frigidioris intemperiei corporibus, & in timidis & gulosis, macilentis & pueris, ut calor cordis augeat, velle sanguis magis temperetur. In tabidis mortuis vidi modo hepar maximum, & quadruplo quidem, ac quintuplo majus solito, modo minimum etiam. Et ab aliis inventum, aliquando hepar minimum & perditum: lienem vero majorem & robustiorem ejus officio functum. *Magnitudo.*

Hepatis magnitudinem ex longitudine digitorum metiuntur *Rhasis & Aben Sima*, pondere & mensura *Glissonius*: Longitudo enim in convexa ejus parte major est quam in cava, siquidem illa instar arcus, hæc chordæ instar se habet. Ita & Latitudo. In cava, longitudo hepatis proxime respondet intervallo, quod cubitum carpumque interjacet. Latitudo ejus manus fere longitudini æqualis est, & crassities. Hepatis pondus tricies & sexies pondus totius corporis minus.

Membrana cingitur tenui, orta ab altera venarum membrana, quæ à peritonæo originem habet: vel à peritonæo succingente diaphragma & revoluta supra hepar, ex *Riolani* placito. In hac vesiculæ attolluntur aqueæ, (à capillaribus Lymphaticis,) à quibus hydrops, teste *Platero*. Easdem in Caprea vidi albicantes numero multas, quæ dissecta intra folli- *Membrana.*

FIGURARUM EXPLICATIO.

FIGURA I.

Exhibet jecoris partem convexam.

- AA. Jecoris pars convexa.
- B. Membrana jecoris separata.
- CC. Ligamentum jecoris, septale dictum.
- DD. Vena cava è jecoris supera parte egressus.

FIGURA II.

Jecoris partem concavam proponit.


- AA. Jecoris pars concava sursum conversa.
- B. Lobus jecoris cui se omentum jungit.
- C. Fissura jecoris è qua vena umbilicalis D. descendit.
- E. Vesicula fellis.
- F. Canalis cysticus.
- G. Porus biliaris in duodenum H. desinens.
- I. Truncus vene portae descendens è jecore.
- K. Arteria Coeliaca dextra.
- L. Nervus ad jecur delatus.

FIGURA III.


Vesicam Fellis ostendit.

- A. Vesiculae biliariae fundus.
- B. Sinus ad cervicis vesiculae exortum.
- C. Cervix vesiculae.
- DDDD. Meatus vesiculae biliariae inter vene portae F. & cavae G. radices per hepatis substantiam dispersae.
- E. Meatum vesiculae concursus.
- H. Porus biliaris latior quam cervix vesiculae.
- I. Meatus communis, pori biliarii, & cervicis vesicae.
- K. Orificium meatus biliarii in duodeno.
- LM. Duodenum intestinum apertum.
- N. Arteria in hepar dispersa.
- O. Nervulus hepatis & vesiculae cordis (qui nimis magnus sculptus.)


Fig. I



II



III



I
I

folliculum seu tunicam singularem serum cum pituita cum mucilagine recondebant; aliamque flavam substantiam, sive vitio naturæ, sive quod cicuratum esset animal. Vermium intortos funiculos in aliorum animalium membranis hepatis non semel inveni.

Connexio.

Connecitur per tria valida ligamenta, 1. *Abdomini* per venam umbilicalem: quæ in adultis post partum arefit, & in ligamentum abit, ne *Διφραγμα* nimis pendulum sit, & deorsum nimis tendat. 2. *Superius* diaphragmati, à dextra parte, per ligamentum latum membranofum, tenue, sed tamen validum, à peritonæo, qua diaphragma succingit, ortum, & hoc ligamentum suspensorium dicitur. 3. Etiam *superius* diaphragmati, sed à sinistris, per aliud ligamentum à peritonæo natum, teres & validissimum; *posterius* etiam, ubi cava transit, gibba parte peritonæo adhæret.

Tria hæc ligamenta pro uno habet *Riolanus*, quod venam umbilicalem esse contendit arefactam, quæ cum traducatur per duplicaturam peritonæi, comitem habet ipsam membranam, quæ revoluta supra hepar, excurrit usque deque ad ipsum diaphragma, quod investit & adnectit. Sed res eodem recidit. Ligamenta enim diversa dicenda, quia diversas hepatis partes annectit & suspendit, quanquam à peritonæo duo posteriora oriantur. Jamque ex ejus calculo duo erunt ligamenta, non unicum; prius ab umbilicali, alterum à peritonæo.

Quartum ligamentum mucronatæ cartilagini annexum ad fissuram hepatis, singulare non est, sed cum secundo ligamento nostro confundendum. *Spigelius* à membrana derivat, qua succingitur hepar, putatq; *Glissonius* non aliter videri quam membranæ illius duplicationem quandam, ad cartilaginem ensiformem usque protensam: idque ne in hoc illudve latus hepar varie fluctuet, aut spinam versus dilabatur.

Substantia.

Substantiam habet rubram & mollem, ut bacillo dequassari possit, & separari à vasis intertextis, sive cocta, sive cruda, vasis circumfusam, instar sanguinis concreti; unde *πυρρὸν* dicitur, id est, affusio, quia affunditur vasis, & spatia inter hæc replet. In piscibus nonnullis pinguedo videretur concreta, ex qua oleum excoquitur ad lucernas. Difficulter tamen corrumpitur; observavit enim *Riolanus* fortuito hepar per integrum annum asservatum, incorruptum permanisse. Substantia quoque hepatis bovino simillimam esse, & coctum nec consistentia, nec colore, nec sapore, ab eo discrepare, quare & nostram carnem similiorem esse bovinæ quam suillæ.

Color hepatis sani rubicundus; si vero omni sanguine destituitur, aut decoquatur, recte cum *Gordonio* dicendum, subcandidam esse, sicut in Embryone, antequam affusio fiat sanguinis. Sed rubicundum amplissimum in nuper natis boni habitus invenire licet. Flavum in orbe pisce demonstravi. In Lampetra viride est. Unde de principatu jecoris disputat *Bronxerus*, eique contrarius *Joan. Colle*, quanquam sanguis sit ruber, sive hic, sive in corde, sive ex se contracto colore. In quibusdam ægris, ut hydropicis, pallidum est valde, uti etiam splen & renes.

Vasa autem illa in hepate sunt *radices venæ portæ & cavæ, Vasa* paucis, ut prima fronte apparet, sed, si accuratius inquirentur, ex observatione *J. Walci*, innumeris, interjectis arteriis & exilibus, magis albescentibus, à cœliaca per simam partem dispersis. De hac arteria monet *Glissonius*, quamprimum hepar ingreditur, in omnes Capsulæ communis & pori bilarii partes distribui, ultimisque suis capillaribus in easdem desinere: partem vero maximam in Portæ tunicam absumi, exiguam in porum bilarium excurrere. In bilarii ductus hepatici ramos inferi demonstravit *Jo. van Horne*, attestante *Fr. Sylvio*, adeoque nullam arteriæ hepaticæ partem in parenchyma exporrigi credit *Glissonius*, sed in vasa solum absumi, alias sextuplo majorem esse debuisse. Non solum ex cœliaca, sed aliquando ex mesenterica superiore ramum vidit *Marchettus*. Arteriarum autem usus est, partim ut nutrant hepatis partes, & calore cordis perfundant, conspirantibus ad id etiam venæ portæ ramis; partim ut pulsu & recurrenti necessitate juvet urgeatque sanguinis ex hepate egressum, ex conjectura *Slegelii*. Nam quod *Galenus* tradit refrigerari hepar ab arteriis, non est veritati consonum: calent illæ & motu suo sanguinem promovent, alliciuntque ad partes ubi inferuntur. Hæ radices vasorum apparent distinctæ, abstracta carne seu parenchymate hepatis, quomodo ferantur hinc inde inordinate, inter quas etiam disseminantur tenues surculi Cystici, in unum postea porum euntes, & bilem ad folliculum, &c. deferentes. Conjungitur autem cum radicibus portæ, ut ibi sanguis à bile segregetur. Sed portæ radices plures per imam partem hepatis hinc inde disseminantur, paucæ per summam: è contra cavæ radices plures per superiorem & gibbam partem, pauciores per cavam seu simam partem.

Non radices, sed surculos vocat *Highmorus*, monens unicuique horum orificio in brutis, ubi in cavam hiant, *valvulam* appositam esse, ne sanguis rursus in jecur regurgitando illud suffocet.

Rami capil-
lares.

In excarni hepate demonstrat *Glissonius*, ramos *capillares* portæ, cavæ, & pori, in quaslibet parenchymatis partes distribui *æqualiter*, servata tamen magnitudinis cujusque *proportione*. Ex eodem *Glissonio*, omnia simul capillaria paria sunt toti parenchymati, omnes ramuli suis capillaribus, omnes rami ramusculis omnibus, totusque truncus (ubi unus solum adest,) vel omnes trunci (ubi plures reperiuntur) omnibus suis ramis, adeoque totus truncus toti parenchymati pro æqua proportione respondet.

Fellei.

Vasa vero fellea haud eandem exquisitæ proportionem obtinere *idem* monet: quippe diviso jam in ramos poro bilario, rami illi conjunctim spectati, communis trunci amplitudinem excedunt, idque ita continue fit, donec ad ultima capillaria sit perventum, quia, ex naturæ lege, bilis plusculum in hepate semper recondi debuit.

Quomodo
Vasa in ex-
carni hepa-
te distin-
guenda.

Quomodo vasa hæc in Hepate excarnando distinguere possint à Dissectore, operæ pretium est, per compendium ex *Glissonio*, accurato Hepatis dissectione, annotasse.

1. Rami Portæ rubicundiores paulo, & colore nubilo obscuroque magis, quam rami venæ cavæ. Habent tunicam duplicem, propriam, & à Capsula. Inde crassiores fortioresque evadunt, atque ad arteriæ naturam accedunt; quin etiam canalis eorum minor est, quam cavæ.

2. Rami, ramuli, & vasa capillaria, Cavæ, simplici tunica induuntur, sunt candidiora, tenuiora, magisque pellucida & amplioris cavitatis.

3. Rami Vasorum felleorum, ramuli, & capillaria vasa, ex pallido fuscoque flavescent, crassiore tunica quam cavæ & portæ, canali tamen angustiore.

4. Si duo vasa in eadem capsula se invicem comitentur cum ramulis, sese mutuo non decussantia, alterum venæ portæ, alterum vasorum felleorum est propago. Sin decussatim quasi posita sint, illud ad cavam, hoc ad portam spectat.

5. Ramulus, quo propius ad posticam hepatis partem pervenerit, eo quoque major evaserit, ad venam cavam pertinet. Si versus sinum hepatis, ejusque centrum perpetuo increverit, venæ Portæ est soboles.

6. Si vasorum horum genus aliquod, duplo plures ramulos vasaque capillaria, quam alterum, habere videatur, scias, vas pluribus ramulis donatum, ad venam Portæ attinere, alterum vero paucioribus præditum, ad cavam.

Vene La-
cteæ nullæ
in hepate.

Venarum Lactearum radices additæ hæcenus in hepate fuerunt. *Asellius* aliquando earum truncum hic observavit.

Locum

Locum autem presse non addidit, quem in lobo tertio ego aliquando designavi. Asellianos plerique sequuti, interque eos *Highmorus*, manifeste ad simam hepatis pervenire asserens. *Maurocordatus* in equo idem confirmat.

Sed decepti omnes sunt. Nullæ enim lacteæ in hepate apparent, nec ex eo progredi visæ, quanquam post *Asellium*, *Waleum*, *Highmorus*, nonnulli id demonstrare conati sint. Frustra tamen. Non enim motum humorum attenderunt. Aliqualis coloris splendentis similitudine deceptos apparebit. Quod nos in Orbe pisce annotavimus, postea aliter esse deprehendimus. Ramum lacteum in Orbe visum sub eodem lobo ulterius versus cor perrexisse *Jo. van Horne* suspicatur. Easdem lacteas deprehendit *Whartonius* non in hepar, sed in glandulas cavitati hepatis vicinas inseri. Fefellerunt omnes oculi. Fateri non erubescimus, meliora edocti Naturæ favore. Certum est ramulos ex hepate progredi, sicut depingit *Asellius*, *Waleus*, *Highmorus*, sed falsum est lacteos illos esse, aut chylum ad hepar vehere, quod *avrofia* nos *Hafnia* deteximus; liquore enim ichoroso seu seroso pellucet, qui ex hepate pellicitur, quæ nos vocavimus primi.

Vasa Lymphatica, alii, ut *Ol. Rudbeck*, Ductus Hepaticos *Vasa Lym- phatica*. Aquosos. Hæc vasa limpida aqua per tuniceæ subtilitatem pellucet quæ ligata, hepar versus intumescunt, quia lympham ad Receptaculum chyli vehunt, quod ista lymphæ non raro repletum cernitur.

Oriuntur ab ipso hepate variis locis, portamque annulatim amplexantia cum cava egrediuntur, variis ramulis, pluribus vel paucioribus, modo sine glandulæ commercio, modo glandulas ingressa venæ portæ substratas, in Receptaculum desinunt. De quibus nos fusius in *Historia Vasc. Lymphat.* *Ol. Rudbeck* in *Duct. Aquosis*, & alii post nos non pauci. *Ruychius* alia ab extrema hepatis parte prodeuntia, seseque in anticam glandularum partem insinuantia ostendit; alia à postica parte ortum sumentia & ad Receptaculum chylitendentia. Glandulis vero non semper immisceri vidimus, probatque *Mart. Bogdanus*, & nuper *Amstelodami* confirmatum, referente *Blasio*. Horum *Uusus* est, ut aquam hepatis superfluam ad Receptaculum vehant, ex hepate. Ligatura id docet. Versus enim Receptaculum inaniantur, tument qua hepar respiciunt. Quo conspirant *valvule*, quarum sedes designavit *Rudbeckius*, sed conspicuas nobis aperuit *Ruychius*, receptaculum chyli respicientes, prohibentesque ne quid è receptaculo ad hepar perveniat.

Origo lymphæ hujus dubia. Ab hepatis privata coctione *Lymphæ origo*.

separari suspicio est, vel ab arteriis subministrari. Illud vel inde probabile videtur, quod semper vasa Lymphatica in apertis animalibus, etiam jejunis conspiciantur plena. *Glissonio* ex halitibus calidi hepatis, quibus pars aliqua humoris ex nervis commisceatur. De qua sententia in *Spicileg. Lymph.* egimus.

Motus.

Cursus lymphæ ad Receptaculum chyli, indeque per lacteum thoracicum ad axillarem & Cor ipsum. Ad oculum hæc patent, si receptaculum aperiatur, vicinæque partes vinculo constringantur. Chylo autem in Receptaculo, & sanguini in corde miscetur, sive ut diluat utrumque, temperetve; sive ut nutritia pars ulterius perficiatur. Gelatinæ enim instar densatur igni exposita.

Rarus Anastomoses.

Anastomoses vel conjunctiones radicum venæ portæ & cavæ peculiariter sunt notandæ. Rejctis enim iis, qui plane negant uniones harum venarum, aut qui obscure eas cognosci putant: Inter quos nuper prodierunt *Harvejus* & *Riolan.* quorum ille nusquam invenire potuit aliquam anastomosin, sive in jecore, liene, aut aliquo viscere, licet cocta fuerint usque quo friabile totum redderetur parenchyma, & tanquam pulvis ab omnibus vasorum fibris esset expressum ac cuque detractum. Hoc tantum in jecore recenti observavit, omnes propagines venæ cavæ, per gibbam hepatis perrepantes, tunicas habere infinitis puncticulis cribrosas, tanquam in sentina ad decumbentem sanguinem recipiendum fabrefactas: Portæ vero ramos non similiter se habere, sed in propagines divaricari, & ubique utriusque ramos ad visceris umbonem excurrere, sine anastomosibus. Cæterum habet & porta complura foramina magna parvaque, sicut cava, quorum aliqua transmittunt stilum, aliqua non, sed formant sinus quosdam tenui membrana cinctos. Unde manifestum per illa clausa foramina moram trahere sanguinem, non transcolari, obducta aliquibus tunica. *Riolanus* eodem animatus genio, anastomoses venarum cavæ & portæ & arteriarum hepatis strenue impugnat, ne circulationem sanguinis ibi admittat. Metuit confusionem humoris cocti cum incocto. Quid refert? Confundatur Chymus in sanguinem rudiores mutatus ex lacteis cum illo qui in cava continetur, uterque enim in corde est perficiendus. Alter autem ex porta profluens, utrumque acido suo succo præparat. *Pecquetus* quoque irritò semper conatu in jecore tentavit. *Glissonius* pariter connexiones admittit, nullas anastomoses pervias. Portam enim & porum bilarium immediate conjungi, item ramos cavæ & portæ passim adeo arcte, ut citra alte-

alterius rupturam divelli nequeant. Porum autem biliarium & venam cavam nusquam nisi portæ interventu: nusquam pervias deprehendi neque stilo, neque obverso lumine. *Rolfincius* nulli partium studio additus conjunctionem radicum venæ portæ & cavæ agnoscit, rarius tamen veras *anastomoses* per extremorum osculorum contractum, crebrius per truncorum insertionem inveniri: radices enim, ut plurimum sibi invicem incumbentes, in medio foramine *pertusas* conasci: has tamen conjunctiones esse *exiles & paucas*: nam plurimas radices superesse, quæ ex cava ad portam non pertingunt, & contra.

Quicquid sit, anastomoses istas omnium Anatomicorum auctoritas asserit ab ipso *Erasistrato* & *Galeno* ad nos reducta, quia manifestum est diligenter inquirenti, conjungi has radices modo per transversum, ut altera alteri quasi per medium incumbat, modo extrema unius venæ tangunt extrema alterius, modo extrema unius tangunt medium alterius, modo se invicem non tangunt, forte ubi rami hepatis tantum nutritioni inserviunt. Præcipue observandum monet *Bauhinus* insignem anastomosin, quæ canalem æmulatur, & est veluti communis & continuus ductus, ex radicibus portæ in radices cavæ stylum satis magnum admittens; sed quia auctoritatibus nudis stare non licet, in consilium experientia nobis advocanda, quæ necessario eas suadet ob sanguinis transitum ex venis portæ ad cavam, & ex arteriis manifestis, quum solus per carnem transitus non sufficiat in celeri & copioso fluxu. Notandum enim contra *Glissonium* à me hic dissentientem 1. naturam ad unum idemque officium peragendum diversa organa construxisse, quod ex variis expurgandi feri viis patet. Ipsius *Glissonii* est confessio, naturam vario itinere delectari, quoties commode per diversas semitas ad eandem metam itur. 2. Per parenchyma hepatis transire, immisssa siphone aqua vel lacte constat. At si in febre hepatis, obstructo parenchymate, per solas anastomoses vasorum necessarius sit humorum transitus, poterint & sano statu junctas operas conferre pori & anastomoses. 3. Multa pervia in vivis; quæ in mortuis clausa apparent. Quod in chyli via ad lacteas liquet. 4. In inæquali sanguinis copia & motu, non sufficere parenchyma, quanquam omnibus illud capillaribus par sit.

Non quidem, fateor, ad oculum apparent aperta omnium anastomoseon genera in demortuis, quanquam dari ea, inde nemo possit negare; sed quædam insensibilia sunt, nec stylum, nec flatus admittentia, quædam flatus tantum. Cl.

Walaus nusquam in hepate venas portæ in ramum majorem venæ cavæ aperiri expertus, sed minimos venæ portæ ramos in minimos venæ cavæ ramos patere, ut inflato ex-carni hepate, aquæ innatanti animadvertit. Ego curiose in bovino hepate inquisivi anastomoses manifestas, in quibus magis ob magnitudinem conspicuæ esse debebant, exemplum doctissimi *Slegelii* sequutus. Verum enimvero oculum fugiunt: juguntur quidem diversis nexibus vasa inter se, truncus cum truncis interjectis ramulis, rami truncorum, vel cum truncis alterius, vel cum ramulis, idque vel in medio ramulorum, vel in extremis, quemadmodum vidimus & coherere utraque vasa in uterina placenta: Caterum nusquam pervio foramine stylus per ullam anastomosi admittitur. Negandum tamen non est in vivis dari aditum, naturæ non nobis cognitum, propter transitus necessitatem. Indicio id mihi est, quod in conjunctionibus vasorum, etiam majorum, ubi clausæ anastomoses videntur, tenuis præter solitum sit tunica & fere solitaria, visu penetrante perceptibilis, quæ in vivis à calore & motu facile sanguinem rarefacta transmittit.

Per has ergo uniones radicum venæ portæ & cavæ sanguis transire potest: sic per has transit materia peccans, quando purgationibus habitum corporis evacuas. Non quod ex porta ad mesenterium deducatur, ut hactenus creditum fuit, sed vel exinde cor transiens per arterias Cœliacas effundatur, exinde per alvum, vel per ductus bilarios ad intestinum, vi Pharmaci protrudatur.

Notandæ quoque anastomoses quibus vesicæ bilis venulæ venæ portæ & cavæ ramis junguntur: de quibus quid sentiat, consulendus *Glissonius*.

Notandæ adhuc Synanastomoses *Lymphaticorum Vasorum* cum Vasis hepatis, imprimis arteria Cœliaca, qua inflata observavit *Borrichius* noster, lymphatica flatu distendi, uti & lacteum thoracicum, ut constet ex arteriis lympham derivari, & eandem lacteum thoracicum, ingredi median-tè Receptaculo.

Notanda denique eorundem *Lymphaticorum anastomosis* manifesta cum ramis quibusdam lacteis paulo supra chyli Receptaculum, observante *Olao Rudbeckio*.

Adest etiam in hepate *Capsula Communis* vel *Vagina Pori* *Capsula hepatis*, indicio *Glissonii*, quæ membrana est ex peritonæo, sed crassior atque carnosior, Portæ truncum, ubi hepar intrat, & Porum bilarium, involvens roboris ergo, & ut portam in transferendo sanguine juvet, hepatis tunicæ circumcirca conti-

continuatur, & ad Portæ normam divaricatur, ad ultima usque capillaria cum illa divisa, ubi porum biliarium obtegit, minus crassa, nam pars ejus magna inter Portam & porum intercedit. Protuberantia tereti extuberat, toto pori tractu. Verbo: peritonæi est tunica, qua portæ vena indigebat, quia arteriæ munus obit: *Porta* enim vena intra jecur arteria prorsus est, experientia *Pecqueti*, tam quia sanguinem infert hepati, sicut arteria, quam quia tunicam crassiorem intra jecur adepta est, vel duplicem, arteriarum more.

Usus Capsulæ est *Fr. Sylvio*, sanguinem per Portæ Venam *Capsula* segnius fluentem in motu suo juvare, atque eadem opera *usua*. Bilis quoque affluxum promovere; recte. Nam membranosi muscoli loco esse potest. *Needhamo* aliud cor est, easdem hepatis vices præstans, quas cordis ventriculi pulmonibus & universo corpori.

Venæ portæ radices paulatim versus imam partem fiunt *Ortus ve-* pauciores & majores, quinque numero, quæ *sinum oblongum* *narum*. efficiunt concursu suo, donec in unum truncum abeant, qui *vena portæ* dicitur: De *Sinu* dicto notat *Glissonius* in embryone magis esse conspicuum, ubi & *tubulus* seu *canalis venosus* ex hoc sinu fere ex adverso ostii umbilicalis venæ, in cavam recta immittitur. Sic etiam radices cavæ superne & in anteriore parte in unum *truncum* coeunt, ante cujus egressum apponuntur hinc inde in ramis majoribus circuli quidam membranosi valvulis simillimi, modo crassiores, modo aranearum telarum instar rariores, quorum indicium fecerat *Stephanus*, & postea *Comringius* in bubulo hepate, quos & nos invenimus ad latiore truncum spectantes, qui regressum sanguinis non tam impuri & fœculenti, quam puri, semel ad cor egressi, impediunt: Deinde statim ad hepar in duos ramos magnos dividitur, ascendentem & descendentem, atque hinc dicitur cava oriri ex superiori parte, seu gibba hepatis, portæ vero vena à sima parte.

Nervos habet hepar à sexto pari duos, unum à stomachico, alterum à costali, dispersos tantum per tunicam ejus, non per substantiam (sicuti vult *Vesalius*) ut profunditas ejus sensu careat in humorum tot motibus. Unde etiam dolores ibi obtusi & potius gravativi fiunt. Observavit tamen *Riolanus*, venam Portam comitari duos nervulos insignes, ipsamque hepatis substantiam subire.

Describit hunc *Glissonius*, quia observavit omnes hic nervos vel in capsulæ substantiam, vel in pori biliarii tunicam terminari. At *Willisio* advertente, ex ramo mesenterico bi-

FIGURÆ EXPLICATIO.

Sima hepatis pars una cum Vasis parenchymate liberata, ex Glissonio.

- A. Pars hepatis dorso vicina.
- B. Latus illius dextrum.
- C. Anterior ejus fimbria.
- D. Latus sinistrum.
- E. Vena cava, ubi diaphragma pertransit.
- E 1. E 2. E 3. Tres ejus rami primarii, in universum fere hepar distributi.
- F. Vena Portæ sursum reflexa, ut alia vasa facilius in conspectum veniant.
- F 1. F 2. F 3. F 4. Quatuor rami Portæ in sinu hepatis quadrantes dispersi: quintus autem ab hoc latere conspici nequit.
- G. Vesica fellea.
- H H. Vena umbilicalis in ligamentum degener.
- I. Ductus communis.
- K. Canalis venosus, ligamenti jam minus obiens.
- L. Cavae descendens truncus.
- a. Membrana hepar investientis portiuncula.
- b. Pars diaphragmatis cavam circumplectentis.
- c. Porus bilarius.
- d. Meatus cysticus.
- e. Vasorum horum concursus.
- f. Arteria hepatica.
- o o. Nervi hepatici.
- p p p p. Capsula communis aperta.
- q q. Lymphatica Vasa.
- m m m m m m m. Portæ ramuli minores.
- n n n n n. Cavae ramusculi.



fido, duo plexus adfunt, quorum superior est Hepaticus, ex quo fasciculus satis magnus, qui arteriam hepaticam vellet reticulo è fibris conflato investit, ut sanguinis influxum moderetur. *Cartesio* à nervis premitur hepar, ut partes sanguinis subtiliores ad cor amandet, & spiritus vividiores generet. An autem liquorem nutritium effundant, in *Libell. de Nervis* dispiciemus.

Sanguificationis locus, materia & efficiens.

Actio hepatis, secundum *Galenum* & plerosque ante nostra tempora, etiam secundum *Asellium*, est sanguificatio. Ex chylo enim, per mesaraicas lacteas attracto, jecur sanguinem conficere, quod fit in ramis venarum lactearum, tanquam in loco; *μαρσίχμω* vero hepatis non tantum vasa fulcire, ut quidam volunt; sed efficiens esse sanguificationis: una vero cum sanguine generare naturalem spiritum.

Quomodo fiat sanguificatio?

Sanguificatio ita fit, ex principiis quæ hæcenus secuti sumus, hicque recensebimus antequam ad novos Hepatis usus digrediamur: Chyli in ventriculo facti, & in tenuibus intestinis absoluti pars inutilior & crassior in crassa intestina deturbatur, atque per anum excluditur; pars vero laudabilior & tenuior à venis lacteis per intestina dispersis attrahitur, alteratur nonnihil, & ab iis vi ab hepate advocata sanguinis rudimentum accipit, & Chymus tum dicitur. Difficultas est apud *Asellianos* aliosque Hepatis Patronos; an trahatur ab hepate vel pellatur illuc. *Attrahi* videtur à calore hepatis, sicut à calido succino palea, & calido foru ad extrema cutis provocatur sanguis. Id hic in ligaturis videre est, & vivis sectionibus, in quibus tanta fieri putatur hepatis attractio, ut celeriter depleantur lacteæ. *Pelli* non eadem est necessitas, secus ac aliis visum, quia motus principium aut ab externo chyli esset, aut interno. Non hoc, quia 1. nihil seipsum, nisi vivens, pellit. 2. Recenter extractus ex vasis chylus se non movet. 3. Appetitu caret. 4. Deorsum semper pelleretur, non sursum ad hepar; aliæ sanguificationis organa. Nec illud, 1. quia arteriæ mesaraicæ satagunt sui sanguinis pellendi, & venæ recipiendi. 2. Venæ autem lacteæ exiles. 3. Fibræ venarum propriæ plus ad robur conferunt, quam pulsionem. 4. Ventriculus & intestina contrahuntur quidem, sed ad expellendum chylum sufficientes non sunt, nam obscurus illorum motus, nec si evidens sit, in hepar statim pelleret. 5. Constrictis illis visceribus undiquaque, tantum chyli retinetur, quantum expellitur. 6. Abdomen sæpe quiescit, pro nutu nostro, per musculos moveri aptum; at chyli motus continuo fit & celeriter, statò scilicet distributionis tempore. 7. Sine discrimine ad hepar vel alias par-

partes amandaretur fœculentus eque ac purus chylus. Igitur attrahi deberet ab hepate *primario*, adjuvante tamen *secundario* aliquali intestinorum constrictione. Hic Chymus attractus, in radicibus lacteis tanquam in *loco*, à parenchymate hepatis, adjuvante interno chyli calore, tanquam *causa efficiente*, converti existimatur in substantiam sanguinis novam. Ruborem autem parenchymati similem, non ab hepatis carne acquirit, quæ ipsa sanguini affuso suum debet colorem, quem deponit si abluatur, vel coquatur, & in aliis animalibus nonnullis viridis cernitur, sed potius à calore proprio & adscitio (sicut rubent uvæ) quo evanescente rubor disparet, ut in venæ sectione contingit. Caloris digestionem ex radicibus symphyti fit sanguis symphyti ex *Quercetano*. Sed nec ille sufficiens est, quum in sanis cadaveribus adhuc rubeat, *lumen* igitur accersendum, quod in rubro colore plurimum inest, etiam sine calore subsistens, nisi accedente subiecti resolutione, per putredinem extinguatur & exhalet. Hinc coctus sanguis nigricat, & putridus offuscatur. Hinc quo quis insiti luminis naturalis plus habet, eo splendidiori sanguine lucet; contra melancholicis, eo offuscato, nigricat, & obscurior cernitur. Lumen ignemque id præstare, oleum sulphuris indicat, ex cujus mixtione liquores rubent.

Nonnulli acidus spiritus addunt, salinæ naturæ, sicut sp. Vitrioli affuso tinguntur julapia. Hisce salibus chyli, sanguinis salia adjungunt. Alii bilem in lacte miscent, pro rubore inducendo, sicut mulierculæ in vaccis febricitantibus observant inter coquendum lac tingi. Quod tamen experimentum non succedere testantur rerum exploratores. *Cartesius* ex ingenio poros profert, quorum ea in hepate constitutio sit, ut quotiescunque chylus hepar intrat, ibi comminuatur, elaboretur, colorem formamque sanguinis adipiscatur, quemadmodum atratum uvarum succus, licet albicans, in rubellum tamen vinum convertitur, cum vindemiarum tempore scapis suis permixtus vasi ad fermentandum committitur. Dissimile tamen nonnihil exemplum. Uvæ enim atræ rubedini viciniore quam candidus chylus. A calore & motu ex albo pallidove ad rubicundiorum speciem exsurgere, exemplo mali cydonii, panis, aliorum ciborum, & succorum nutritiorum illustrat *Glissonius*.

Calor autem iste *lumenque*, partim hepati, siquidem in eo chylus mutatur, insitum est, & ipsi chylo, prævia præparatione ex eo emergens, partim accensum, sive ob cordis viciniam & vicinarum partium, sive ab arterioso sanguine ex corde & liene derivato.

Ita

Ita generatus, ut creditum fuit, crudior sanguis, non ad nutritionem hepatis, aut corporis distribuitur, quo munere defunguntur arteriæ hepaticæ, sed per anastomoses insensibiles carnis & vasorum in cavæ radices expellitur, ubi brevi mora ulterius elaboratur, moxque cum sanguine venæ portæ & arteriarum redeunte, in truncum cavæ effunditur, recta omnis per superiorem trunci partem ad cor vergens, ut ibi ultimam acquirat perfectionem, nutriendis partibus singulis accommodatam. Non quidem ad hepar hac via redit, obstantibus valvulis, in hepate extrorsum, in corde introrsum spectantibus, quemadmodum tota conformatio, & ligaturæ docent: his intumescit semper cava versus hepar, inanitur juxta cor.

Peracta deinde omnium corporis partium per arterias capillares nutritione, quia non absuitur omnis sanguis qui continuis pulsibus subministratur, nec recurrere potest superfluous per eandem viam, ob valvularum cordis ad aortam situm, extra cor quidvis effundentem, nihil admittentem, & siquidem ligata arteria quacunque impletur turgetque ea parte quæ cor respicit, versus venas flaccescit & detumet: Igitur redire debet quasi per circulum ex minimis vasis iterum ad maximas venas, & ipsum cavæ truncum, inde sursum deorsum ad cor. In transitu hepatis, alius nuper ibidem generatus sanguis cum illo venæ portæ, & qui ex arteriis redundat, simul jungitur ad deperditi restitutionem, atque ita denuo repetitur *circulatio*. Interea, ut supra dictum, bilis extrahitur à sanguine per furculos in folliculum fellis porum biliarium desinentes. Serum vero ob tenuitatem retinetur nonnihil, ut facilius sanguis ubique permeare possit, postea vero serum partim ad renes amandatur, (cum seroso sanguine, qui secundum *Galenum* non coquitur in renibus, sed cum serum excrementum sit hepatis, sit tantum segregatio sanguinis à sero in renibus) & hinc per ureteres ad vesicam; unde postea urina partim ad cutim abit, & exit per sudores insensilesque transpirationes: partim per lymphatica absorbetur.

*Hepar non
sanguifica-
re.*

Chyli in sanguinem mutatio prima ordine ita se habet, naturæ consona, si organum ipsum excludatur. Hepar enim vel prorsus *non sanguificat*, vel *non solum*. Sanguificandi officium post *Aristotelicos*, solis fere rationibus certantes, quos inter, post veteres, acerrimi *Casalpinus* & *Hofmannus*, primus nostro seculo suspectum reddidit *Jo. Pecquetus* Thoracicarum venarum detector, mox ego Lymphaticis vasis inventis. Utrumque impugnavit *Riolanus* & pro Hepate stetit.

stetit. Illud quoque *Carolus le Noble* refutare pro Hepate aggressus, sed à *Guil. Henaut* defensum, & à cordis Patrono *P. Guiffart*.

Rationes contra Hepar invictæ sunt: 1. Nullæ lacteæ ve- *Quia. 1.*
næ ad hepar tendunt, quæ chylum afferant, sed omnes ad
Receptaculum, inde per subclavas ad cor, ex observatione
prima *Pecqueti*. 2. Quæ lacteæ creditæ sunt *Asellio, Waleo,* 2.
Highmoore, aliisque, nos primi esse lymphatica observavimus,
nihil ad hepar, sed liquorem limpidum ex hepate efferentia.
3. In aliis venis meseraicis, vel arteriis, nunquam chylus vi- 3.
sus, nec alii ductus observati aut demonstrati, per quos chy-
lum ferri diceret ad hepar. 4. Hepatis color natus sanguini 4.
non respondet. In foetu subflavet. Enotum candicat. In ani-
malibus vel album est, vel flavum, vel viride. Hinc rubri
sanguinis auctor esse non potest. 5. Hepate nonnumquam 5.
vel deficiente, ut in *Matthia Ortelio*, vel locum mutante;
quod in *Historiis* dictum, vel duplicitate peccante, quod in
monstro *Hassiano* vidit *Heilandus*, sanguinem tamen solito
modo confici dubium non est. 6. Hepar sæpe male affici- 6.
tur, illæsa sanguificatione, scirrhus apud *Hollerium, Horstium,*
Ballonium, Paræum; abscessu lapideo apud *Dodonaum, Zacu-*
tum; cancroso apud *Riverium*, putredine, aliisque vitiis, quo-
rum exempla meminimus. Plethoricam matronam no-
vi sanamque hepate duro. 7. Sanguinem in foetu per aliquot 7.
dies ante conspexit *Harvejus*, quam vel minimum quid je-
coris delinearetur. 8. In pullo ab ovo nondum excluso col- 8.
lor hepatis pallide flavet ad ultimum incubationis diem.
Ruberet vero si in sanguine conficiendo occuparetur. 9. In 9.
pullo vitellus per umbilicalia vasa ad hepar non vadit, sed ad
intestina per suum ductum eructat nutrimentum flavum.
In Leone vidi medio mesenterio inferi umbilicum. In ovi-
paris pariter & viviparis observat *Needham*, quod sinus por-
tæ in cavam exoneratur, absque transcolatione hepatica,
quam diu embryo in utero est. 10. Chylum axillaribus ve- 10.
nis infusum manifeste post *Pecquetum* vidimus, nunquam
hepatii, aut ejus vasibus.

Nom solum Hepar chylum in sanguinem convertere, sed *An solum*
partirii cum Corde officium, inventis Lacteis Thoracis *sanguificet?*
suspicati sunt non pauci. Quæ nostra fuit opinio viso *Pec-*
queti invento antequam Vasa Lymphatica essent à nobis
detecta. Nec aliter potui, quia 1. ductus *Pecquetiani* viam
ad Cor monstrabant, & *Aselliani* ad hepar, qui adhuc ex-
tare videbantur. 2. Sæpe hepar in cachexia & hyprope affe-
ctum deprehenditur ex Anatome. 3. Impedita hepatis
actio-

actione five chyli aliqualis commeatu, quia universus chylus ad thoracem irruit, suffocatio sæpe oritur, & orthopnoea, ut testantur exempla. 4. Hepar sanum sanguinem conficit, ubi cor patitur, & venæ thoracicæ quocunque vitio nihil chyli deferunt. Ita in homine & canibus vidimus, hepate sano, pulmonibus vitiatis, lacteas in abdomine copiosas, flaccidas thoracicas. Vidi quoque hydropicas virgines, laudabilem sanguinem menstruum ex arteriis excrevisse. 5. Nulla est ductuum lacteorum Pancreatis & thoracico-rum ad cor vel hepar proportio, si vel soli hi, vel illi chylum deferunt. 6. Receptaculum unicum & parvum, lacteæ copiosissimæ.

*Pro hepate
tentamina.*

Pro antiquo visceris munere omnia tentare constitue-ram, ut cum *Pecqueti* observatione conciliarem. Qualis vero chylus ad hepar, & qualis ad Receptaculum destinandus, ambigua conjectura dubium. Verosimile videbatur utrumque chylum *crassum*, *tenuemque* modo ad Hepar, modo Cor distribui, pro viarum commoditate & necessitate, *primario* tamen subtiliorem ad Cor, crassiorem ad Hepar, five simul, five per vices. In dissec-tis canibus quibusdam vidimus, quarta post escam hora, Receptaculum, venas thoracicas, lacteas mesenterii, lacteo chylo abundare, ventriculo nondum à crassioribus alimentis exonerato. In aliis eadem hora dissec-tis apparuerunt nominatæ viæ splendente sero plenæ: In dissecto homine bene pasto sexta hora ventriculus cibo plenus, lacteæ thoracicæ tenuiores, glandulæ lacteæ & lactea mesenterii vasâ chylo plena. *Necessitatis* tamen tempore subtiliorem statim thoracicas pervadere dubitare non potui, quia sumpro cibo vel cordiali potione statim fames sedatur, viresque reficiuntur. Salva res esset, si lacteæ essent venæ, quas pro lacteis in hepate habuimus.

Cæterum labore Duce, comite Fortuna, Lymphaticis Vasis à nobis repertis, ex hepate lympham, non chylum ad hepar vehentibus, antiquo Hepar munere spoliare coactus sum, & exsequias illius sanguificationi parare, non odio antiquorum, quos donec potui, vindicavi, nec inconstantia, quam in me excusant eruditi, sed laudabili ingenuitate, ut *Barbatus* vocat, & natura sic jubente.

*Dubiorum
solutio.*

I.

Ad dubia à me proposita, & mihi deinde ab aliis opposita, notandum 1. Chylum nec per lacteas ullas, nec per venas mesaraicas ad hepar ferri visum, nec per alios surculos invisibiles immediate ex ventriculo, nec per poros fictitios Lacteæ enim omnes ad glandulas & Receptaculum exonerari, ligaturæ docent. Venæ sanguinem continent, nec in-
stina

stina hiant, ut sugant. Canaliculi adhuc latent. Poris pressis ex ventriculo nihil possumus exprimere. 2. Receptaculum unum sufficere pro universo chylō, quia natura ita voluit, & monstravit. 3. Lacteas thoracicas æquiparari posse omnibus venis chyliiferis in mesenterio, quia successivus fit chyli ad cor transitus, nec moram ibi trahit, sed celeritate numerum compensare. 4. Adducentium lactearum numerum in mesenterio præ abducentibus in thorace augeri, non quod ad hepar chyli pars sit delata, sed ex relictis sordibus chyli in glandulis. Plures thoracicas condere non voluit Natura, etiam ex legibus mechanicis, quia per angustas solasque vias fortius aquæ decurrunt, quam per patentés rivulos divisos. 5. Paucioribus vasis in abducendo chylō indigere naturam, quam in adducendo, quia celerius chylus in lacteas incitatur ex Receptaculo, propter vicinorum viscerum compressionem, vicinæ aortæ continuum pulsū, & muscū Psoas; tardius ex mesenterio in Receptaculum, ob defectum aortæ. Vid. *Pecquet. Exp. in Diss. Lact. & nostrum Hep. Defunct.* 6. Ab Hepatis obstructionibus aliisque affectibus, quanquam non sanguifcet, sanguinis tamen vitia dependere, quod in *Dubiis Lact.* à nobis probatum. Necessarium enim viscus est, licet inter prima locum non mereatur. 7. Arteriam celiacam ex ventriculo nihil, sed ex corde chylum, primam sanguinis signaturā notatū, cum sanguine posse ad hepar deferre. Chylus enim in sanguine delitescit, quo partes forsā aluntur, sed in corde prius sanguinis nutritii virtute imprægnatus.

Loweri est experimentum: si canis saginato post 4. vel 5. horas vena jugularis aut arteria carotis incidatur, dein totus è corpore sanguis effluat, & in vasculis receptus refrigeretur, mox chyli lactescentis ingens copia à cruore coagulato secedit, eique innatat: è contra si eodem modo tractaveris animal jejunum, in cruore nihil chyli apparet, aut separatur. Nihil tamen pro hepate hinc conficitur, non enim immediate chylus ullus ex ventriculo seu per lacteas seu venas mesaraicas accipit, quem primo labore ad sanguinem coquat.

Non tamen inutile viscus est, nec, quia Epitaphium illi crexi, prorsus ex corpore emortuum eliminavi, sed principe sanguinis consiciendi officio, quo per tot secula defunctus fuit, excidens, ad alia ministeria destinatur. Igitur ex his principiis sanguinem non conficit, sed perficit & purificat. Nam

Usus hepatis est, ut sit 1. Transcolatorium sanguinis à bi-

K

Usus Hepa-

le, tin. 1.

le, sicut lien acidi succi, renes serosi, &c. *Pecquetum* Duceremur sequimur. Probat hunc usum parenchyma aptum, deinde quod bilis sit secundæ coctionis excrementum, ex sanguine, non chylo, qui huic non pertingit, secretum. Hinc biliosum viscus hepar, pro varia bilis tinctura aut in flavum rutilat, aut in subcineticum languet, aut in viridem fuscumve abit. Hinc etiam in fœtu circa formationis initia croceum Hepar jam cystidem habet & bile turgidam. Bilem hic à sanguine secerni sapor indicat. Experimento *Th. Cornelii*, sanguis juxta portas jecoris subamarus est, at ubi è gibba ejusdem parte egressus in venam cavam influit, amaritiei prorsus est expers. Vetus hæc doctrina, ne novandi studium nobis exprobreter. Hepar enim instar pumicis, colatorium esse sanguinis *Vesalius* docuit, teste *G. Cuneo*, & antea *Galenus* jecur bilem secernere prodidit. Modum explicat *Charleton* in *Oecon.* qui videatur. Individua idcirco est hepatis & vesiculæ copula, nec hepar sine hac, aut ejus vicaria, nisi in monstro *Everardi*. Hunc usum illustrent coci, cœnopolæ, pharmacopœi, qui per colum cibos, vina, pharmaca depurant. Ad morbos quoque hepatis explicandos per commodus. Defendit denique hunc & illustrat *Glissonius*.

2. Pistilli vicem gerere in respiratione, molis gravitate, quando diaphragma deorsum à pulmonibus premitur, in extrudendo chylo ex ventriculo, *Pecqueto* quoque auctore.

3. Calorem, ex eodem, ventriculo subministrat, pro ciborum elixatione.

4. Recte addit *Rudbeckius*, aquosum humorem à sanguine quasi per filtrationem repurgare, & per ductus serosos ad Receptaculum mittere.

5. Utriusque humoris, biliosi pariter & serosi secretionem conjungit *Jo. Theod. Schenkius*, ut sanguini refluo ultima manus imponatur, biliosum ad vesicam & intestina, posteriores ad renes amandari, adde & ad Lymphatica vasa hepatis. Ita & *Eyssonius*.

6. Non secerni tantum bilem & lympham, sed perfici ab hepate vult *Goth. Moebius*: ut bilis alimentaris pars in naturalem vertatur, & lympham nostra coquatur ad perfectionem suam sale volatili ex spiritibus acidis alimentorum elicito. Hinc hepate male affecto, hydrops.

7. Perfectionem sanguinis, ex hac secretionem ortam, in ejus incrassatione ponit *Ger. Blasius*; hinc hepate male affecto, sanguinem tenuem manere & nutriendo corpori ineptum.

8. Alii non separari in hepate humores, sed conjungi suspicantur,

Cantur, nec percolari, sed misceri. Humores commiscendos esse, vel sanguinem ex mesenterico & splenico ramo redeuntem, in hoc tenuem, in illo crassum, ex prima *Hornii* conjectura: vel chylum noviter affluentem cum colore edulcorato, quod placuit *Lindano* & *Deusingio*; vel chymum & bilem cum sanguine ad diluendum affluxo, quod visum *Jac. Baekio*, quanquam falsa de chylo hypothese nixis: vel denique bilem cum sanguine, qua fluidior fiat. Hunc usum *Fr. Sylvius* variis rationibus probat, quia 1. sanguis separari non potest à bile, cujus ope fluidior existit. 2. impossibile est secerni bilem, non destillatione, nec præcipitatione, nec colatura, quia hepatis est permixta. 3. Exsugere non potest, quia in fellis folliculo suctionum instrumenta non sunt. 3. Nihil in ductuum biliorum structura observatum est unquam, quod bilem potius quam sanguinem ex portæ venæ capillaribus ad se alliciat. 5. Fabrica vesiculæ favet expulsionioni.

Quia è diametro pugnat cum nostro Colatorio officio, *Dubiorum solutio.* nonnulla dubia afferam. Distinguendum igitur existimo inter hepatis actionem, & vesiculæ. Hepar segregat bilem à sanguine, quasi colatura, sicut renes serum à sanguine: eandem vesiculam excipit, sive pulsione illius, sive hujus tractione, & expellit, non ad hepar, ne inquinetur iterum sanguis depurandus, sed ad intestinum.

Dubius *Sylvianus* *Deusingius* respondit, quorum hæc summa. 1. Bilis non fluidum reddit sanguinem, potius inerascat, unde calculi in vesicula fellis. Fluidus est sanguis ex sero vel lymphæ. 2. Bilis permixta est ita, ut tanquam heterogenea separari possit. 3. *Hipp. 4. de Morb.* trahere ad se folliculum in hepate quicquid biliosi inest. Non vult bilem à folliculo trahi per modum suctionis, qualis vel ore contingit, vel folle exercetur, sed simili modo quo plantæ creduntur sugere vel allicere succum per radices. Pelli ab hepate bilem *Fallopianus* docuit, & *Laurentius*. Huic pulsioni inservire radices venæ portæ in hepate *Deusingius* autumat, quæ arteriarum instar concitantur ex *Pecqueto* & *Glissonio*. 4. In porulis partium vel vasorum, illam transitus diversitatem ob solam figuratum ac modorum diversam rationem, particulis seu corpusculis transeuntibus obtingere, ex mente *Pecqueti* & *Boylei*, qui demonstrat aërea corpuscula per vesicam agninam non posse transire, per cujus tamen poros corpuscula aquæ pertransire possunt. 5. Expellit vesica ad intestinum per cholidochum, non ad hepar. Non me interponam inter dissidentes amicos. Abundat unusquisque suo sensu.

senſu. *Needham* urget animalia non pauca cyſti fellea carentia : præterea nonnullis ex veſicula fellea nihil bilis per menſes aliquot effluere.

9. Inſervit quoque , ex laudato *Sylvio* , continendis firmandisque teneris venæ cavæ radicibus , ut & Portæ venæ ramis , una cum bilariis ductibus Hepaticis , intra communem Vaginam conſiſtis , & in capillares propagines diſcerptis.

10. Lienis ſanguinem fervidum refrigerare credebatur *Jo. van Horne* in Duct. Chyliſero , ut deinde cor quoque eodem ſanguine temperato refrigeretur. At poſtea in *Microſmo* , quanquam chyli partem craſſiorem per meſaraicas rubras cum *Deuſingio* , *Bilſio* , aliisſque , ad hepar admittat ; tamen Hepatis officium tantum fatetur conſiſtere in chyli & ſanguinis traduſione , & in humoris bilioli ſequeſtratione.

11. Ad fermentationem præparari hic ſanguinem *Veltſius* defendit , quia viſcus hoc humectat , emollit & laxat.

C A P. X V.

De bilis receptaculis , nempe FOLLICULO FELLIS , & CANALI BILARIO.

In dextra & cava parte hepatis , pro duplici bile recipienda , tenui & craſſa , duo meatus ſunt inſculpti : *Veſica bilaria* , & *canalis bilarius* , qui *πύξις χοληδόχου* dicuntur. Agnovit hoc *Galenus* ipſe , cum ait ab hepate expurgari bilioſum excrementum duplex : impermixtum & ſincerum , deinde permixtum & craſſum , quod contra *Hofmannum* colligimus ex 4. *Uſ. Part.* 12. 13. & lib. 5. cap. 6. Idemque experientia teſtatur. Profundit enim canalis craſſiorem & ſæculentam bilem , veſicula vero naturaliter continet tenuiorem & magis flavam. Hæc quippe portæ adjacens , ex ſpirituoso ſanguine & arterioſo fugit copioſius , ille ad cavæ radices parciorem bilem trahit & craſſiorem , quia craſſior ille ſanguis.

Veſica bilaria figura. Membrana.

VESICA BILARIA , ſeu folliculus fellis , *πύξις χοληδόχου* , eſt vas oblongum , ſubrotundum (hoc eſt , pyriformem figuram habet) concavum , duplici membrana donatum , una qua alligatur jecori à peritonæo , quæ & eadem eſt qua jecur regitur , origine ex *Schenckio* , cæteroqui diſtinctæ , abſque fibris , & qua pars tantum extra jecur propendens veſtitur , altera propria & craſſiore , ſed valida , omni fibrarum genere conſtante ; quam ſuccingit cruſta quædam , ex excrementis

tis terræ suæ coctionis genita, ad arcendam bilis acrimoni-
niam..

Vesicula raro deest. Quod si præter naturam deficiat in *Magnitu-*
monstrosi, vel secundum naturam in quibusdam animali-*do.*
bus, defectus ille refarcitur Poro Bilario, vel analogo alio
organo.

Vesicula hæc parva est, lienis & renum respectu. Duorum
fere transversorum digitorum in latitudine : quo tamen
quis biliosior, eo vesicula major observatur.

Dividitur in fundum & cervicem. *Diviso.*

Fundus rotundus est, inferiori loco situs, quando nimi-*Fundus ve-*
rum hepar in naturali suo situ est, colore bilis flavo tingitur, *ficula.*
quancquam & nigro, quando nimirum bilis diu retenta ad-
uritur.

Cervix fundo durior sursum spectat, oblongatur & an-*Cervix.*
gustatur, donec in angustum meatum & tenuissimum ab-
eat, *meatum* Cysticum dictum, qui in communem ductum
intestinalia petentem definit. Ad cervicem observatur primo
sinus quidam peculiaris ex spongiosa prominentia, quam
pro valvula habet *Spigelius*, deinde membranulæ vel *valvula*
aliquando binæ, aliquando ternæ, quæ bilis regressum im-
pediunt. *Glissonius* solum *annulum fibrosum* agnoscit, quo mea-
tus hic valde arctatur. Expertus est enim bilem levi digito-
rum compressione prorsum retrorsumque inter vesiculam
& dictum vas fluctuasse, uti & inter vas hoc & ductum
communem, nec aliam se invenisse valvulam. Notat idem,
meatus hujus ductum infra annulum fibrosum multo pa-
tenticorem quam in ipso annulo. In cane crassitiem cervicis
digitorum equasse vidi, sine valvula, forsan quia oblitterata fue-
rat nimia distensione. Multis rugis asperam & interceptam
observavit *Highmorus* & *Riolanus*, ne tam facilis ac lubricus
esset bilis descensus. Aperiri valvulas interdum à spiritibus
per nervum hepatis insertum, bilique reductum in hepar con-
cedere, ex ira probat *Regius*, & subita sanguinis in iratis ab-
adusta bile effervescentia. Cæterum majore vi compressio-
nis, & inflatu, nihil bilis possumus reducere. Et si tanta spi-
rituum esset vis, aperirent eadem facilitate, & recluderent
valvulas in corde, quando in arteriis sunt copiosiores. Pene-
trant quidem ipsi ob subtilitatem clausas valvulas, sed san-
guinem secum non ducunt. Bilis sane aliunde accendi po-
test, ubique in sanguine calido hærens. Tandem à spiritu
violencia frangeretur valvula, & periculum majus immine-
ret, quam rupta vesica, cujus exemplum habet *Salmuth*.
Notant *Blasius* & *Sladus* *Communicationem* in hoc notabi-

Foramina
cervicis.

lem mediante vase quodam semilunari, inter *cervicem* vesicæ & *ductus Hepatici* ramum proximum. Esse & plurimâ foramina in *cervice*, quorum unum hujus communicationis initium sit. Ferri autem primo, quasi ambiendo ipsam *cervicem*, ita ut paululum primo descendendo, hinc rursus ascendendo, quasi *semicirculum* circum vesicæ *cervicem* faciat. Conspiciuntur hæc in bubulo hepate sunt, an in humano, necdum oculus potuit assequi.

Accepit folliculus fellis plurimos exiles *meatus* fibrarum in parenchymate radicatarum, multifariis ramulis donatos, qui vasa capillaria sunt vesiculæ, in hepate, inter cavæ & portæ radices, disseminatis, qui postea in unum, nonnunquam, lusu naturæ, duplicem meatum, prope sinum spongiosum, *Cysticum truncum* vocatum, juncti, bilem puram in vesiculam advehunt.

Ductus bi-
larius sin-
gularis.
Ejus Val-
vula.

Inter hos ramos conspectior unus est in Obs. Amstelodamensibus à *Blasio*, *Slado*, &c. descriptus, vocaturque illis *Ductus singularis bilarius*, calami anserini magnitudine, vesicam ingrediens à tergo, ubi ea hepati adhæret. *Valvula* satis insignis, qualis ad Coli principium, ad orificium circa vesicam apparet. Colligitur ex duobus ramis insignioribus, sicque deinde per duplicaturam membranarum vesicæ, ureterum instar, fertur in vesicam, ubi dicta valvula aperitur. Hæc autem vesica ubi se exonerat in intestinum, quotidie rursus impletur, & sic deinceps. Contra ac arbitratus est *Arnisaus*, repleti vesiculam à bile, quæ à chylo, per porum bilarium impedita descendere ad intestina, ad vesiculam regurgitet. Vidi enim sæpe *Walaum* ostendentem minima vesiculæ per manum compressionem, etiam intestinis chylo repletis, bilem facile in intestina eructari.

Vena.

Venas duas *cysticas gemellas* à Porta accepit, exiles, ad revehendum ad Portam quicquid à nutritione membranæ superest: *Arterias* exiles à dextro cœliacæ ramo, ejusque superiore sede, quoque accepit, ad tunicæ nutritionem, & calorem conservandum. Ergo bile non nutritur, ut vult *Foubertus*. Arteriæ istæ licet parum, aliquid tamen bilis ad vesicam mittunt, non tamen sufficiens, pro bile copiosa, secus ac *Bacchio* visum, reliqui enim *meatus* forent frustranei. Aliquid bilis per arterias vesiculæ infundi, flatus indicant, qui experientia *Fr. Sylvi*, per arterias tubulo immixti, vesicam distendunt. Nec dubitandum de eo, quia pro nutritione sanguis ad vesicæ membranam pergit, ut per poros deinde facile & bilis & flatus penetrent. In ramos bilarii ductus hepatici quoque inferi demonstravit *Jo. van Horne*. Utraque autem vasa, tam

venæ

venæ quam arteriæ, à cervice per membranam vesicæ ad fundum pergunt. *Nervulum* parvum, vix conspicuum, à sex-ti paris exili propagine hepatis tunicam perreptante.

Lymphaticum vas à me *Hafniæ* observatum, deinde elegantè à *Rudbekio* depictum, vesiculæ corpus percurrens, cum reliquis lymphaticis portæ, in communem alveum definit, expurgatque separatam in hepate lympham, naturaliter splendidam, sicut nobis apparuit, licet subinde, mora longiori, bile infecta, flavescere eâ possit.

Ufus bilem flavam, excrementitiâ, & puram, tenuiorem- *Ufus.* que (non excrementum cum sanguine mistum, ut renes) recipere, nonnihil ad tempus retinere, ne intestinis semper molesta sit, & postea expellere, retrolabentem vero ab intestino rursum recipere, quod *Hornius* amicus tuetur, nullum habemus indicium, tumque frustra expelleret. Situs cervicis incurvus versus intestinum, eidem refragatur.

De bilis autem hujus *Ufu* variè commentantur eruditi. *Bilis usus.* Aliqui cum *Aristotele* nullum admittunt, habereque tantum necessitatem materiæ, & educi, ne sanguis inquinetur; quam sententiam tuetur *Comringius*. Aliqui plus bili tribuunt, ad totius commodum destinantes. 1. Hepar calefacere, auctore *Halyabbate* & *Aben Sina*, & inde digestionem secundam confortare, caloremque naturalem hepatis juvare, sicut ignis sub lebe. Imo toti corpori calorem largiri, si credimus *Nemesio*, imprimis stomacho ad promovendam coctionem. Id si verum, de moderata illius quantitate accipiendum, alioquin nimius bilis calor ventriculum ureret.

Addit *Glissonius*, ut hepar ab obstructionibus liberum tueatur, ut sanguinem à coagulatione vindicet, ut sanguinem biliosorem attrahat, sive allecetet, versus arterias celiacam & mesentericam, quæ vasis felleis è regione adjacent, utque adeo sanguis biliosus, per hepar reversurus, ibidem defæcet. Quam magneticam bilis attractionem ipse defendat, cum nihil tale in bile extra vesicam observemus, nec ullo experimento nitatur.

2. Hisce vicinum est *Helmontii* dogma: esse hepatis & totius sanguinis balsamum, ab hepate ad mesenterium ductum, adeoque præcedere fel in opere sanguificationis, hepar sequi, & habere insuper necessarij visceris constitutionem. At quomodo in hepar perveniret, siquidem Anatomæ doceat, ex hepate hunc ferri humorem, non referri. Nam per mesenterium nimis longa via, in qua propter acrimoniam ad exitum properat, vel obtunditur vis. Unde autem generabitur, si sanguinis præcedat coctionem? Arteriæ &

venæ paucae ibi dispersæ, bilis autem copiosa colligitur. Præcedere hepatis actionem, embryones docent, in quibus hepar sanguine abundat, antequam bile turgeat vesicula, vel leviter tingatur.

Aliter nonnihil *Jac. de Back*, bilem esse sanguinis condimentum, à membrano cystis felleæ corpore, à sanguine per arterias cysticas advecto separatam, in proprium promptuarium, ut inde necessitate postulante, sanguini addi & hæmatosin juvare possit. Sed qua via sanguini addetur?

Perfecit ex ingenio hæc de Bile commenta *Fr. Sylvius*, duplici via ex vesicula deducens, partim ad hepar, per *hepaticum* ductum, partim ad intestina per communem, quem *intestinales* vocat: illam ut sanguini diluendo inserviat, de quo capite superiori diximus; hanc, ad juvandam pituitæ intestinalis separationem, & chyli à fœcibus secretionem. Priorem viam difficilem reddit sive valvula, sive obliqua insertio.

Jo. Tackius tincturam sanguinis ex cibis elici judicat sulphure per bilem accedente: Fel enim, si per distillationem examinetur, & sal lixiviale præbere, & tincturam sulphuream, instar rubini: Hincque felle corrupto icteritiam & hydropes in promptu esse.

3. Non dissimilis est eorum sententia, qui à prutredine bilem tueri existimant vel chylum, vel sanguinem, vel vicinas partes heparque ipsum, cui fidem ex eo facit *Zerbus*, quod amota fellis vesicula ab hepate, statim hepatis substantia in circuitu fellis, dissolvatur & lique scat.

4. Plures fœcibus expellendis destinarunt, sive roboratis calore illius intestinis, sive acrimonia irritatis. Quanquam enim in duodenum, aut jejuni initium inseratur ductus bilarius, tamen ad colon & ileon facilis transitus. Jejunum transire ex colore flavo liquet, & chyli celeri per illud cursu. Moderata tamen requiritur, alioquin alvus exsiccatur, vel nimium solvitur. *Pecqueto* bilis peristaltice movet interiorum intestinorum tunicam, clysteris naturalis vices obit, & mixta cum recrementis externitur.

5. Addo fœces fluxiles reddere, quem usum pictoribus præstat in miscendis coloribus.

Porus bilarius.

Alterum bilis receptaculum est CANALIS vel PORUS BILIARIUS, qui in iis quoque animalibus reperitur, quæ vesicula destituuntur, ut Cervus, Dama, Camelus, Capreolus, Delphinus, Vitulus marinus, &c. quod vena non est, quia diversum à sanguine humorem separatim vehit, sed est vas oblongum, & duplo latior meatus, quam est cervix vesiculæ,

culæ; vidi ego in cane amplitudinem intestini tenuis æquasse, amplius venis & lymphaticis, quia à callo obstructus. *Longitudo*, juxta *Glissonium*, ab exortu ejus ex hepate ad terminum illum quo meatui cystico & ductui communi conjungitur, est circiter duarum unciarum; *Magnitudo* autem peninæ anserinæ minuscule æqualis. *Highmoro* digito minori. Antequam in hunc quasi truncum crescat, ramos spargit inter venas portæ totidem quot hujus portæ rami, vel quot lobi in animalibus, sed majores & crassiores venis, postea in minores adhuc divisus, & copiosiores quam illi qui ad vesicam, ut ex singulis venis, quibus per anastomoses junguntur, & singulis hepatis particulis, bilem exsugant.

Porum hunc bilarium *ramum* tantum esse *Cystici ductus*, *An porus* & ex vesicula fellis per cysticum ad porum, quem *Hepaticus* *biliaris* *fit* cum vocat *Riolanus*, bilem deferri pro sanguine diluendo *Ramus cysticus*. *Magnus Fr. Sylvius* existimat. Difficultates aliquæ me mo-

vent, quæ amicis consensum retardant. 1. si infletur vesicula, intestinum sentit influentis motum, neutiquam ductus illius hepaticus. 2. Deficiente vesicula an per eundem hepaticum bilis descendit ad intestina, & adscendit, seu retrogreditur? 3. Obstructo eodem ductu, quod alias vidi, qua via bilis ex vesicula perveniet ad sanguinem hepaticum? 4. Centuplo plures ramuli ad ductum hepaticum quam ad vesiculam distribuuntur, ex observatione *Glissonii*, sine dubio ut demittat bilem copiosam ad ductum communem, nec opus sit ut ab inopia vesiculæ aliquid hauriat. 5. *Deusugii*, contrariam *Sylvii* rationem, non satis capio: Ubi, inquit, vesicula nulla est, apparet non ad Hepar, sed ab Hepate ad intestina per hunc ductum profluere humorem: Nisi ut necessitatem indicet fluxus biliosus ad intestina. Quicquid sit, ab hepate abit recta, interdum bifurcatus, binis tamen ejus ramulis in unum mox coalescentibus, ex observatione *Riolani*; simplex initio, in fine geminus *Veslingio*, mihi duplex ubique observatus aliquando, per communem ductum in intestinum (non in vesiculam, ut existimavit *Fallopium*) excrementum bilosum crassum recipiens, quod liquido animadverti potest, si is canalus apertus infletur, intumescit enim intestinum, non vesicula. Et observavit *Riolanus* quosdam dysenteria à bile obiisse, quibus cervix vesiculæ fuit obstructus, sed porus bilarius admodum dilatatus, quod & *Galenus* agnovit, qui vult bilem recta propelli etiam à jecore in duodenum, postque *Galenum* canalus hujus bilarii descriptio vera *Fallopio* debetur.

Chylodochus vocatur *Gassendo*, quod chylum trahere cre-

Non est

chylodochus.

dat. Idem *Jac. de Back*, qui *vas lacteum* appellat. Sed chylus hac via ferri nequit, quia 1. vel valvula impedit, vel obliquus ductus, vel ipsa rugosa intestini tunica, quam admittit *Backius*. 2. deficiente ductu cholidochi, chyli tamen fit trajectio ad organa sua. 3. Chylus in mesenterio observatus hunc ductum præterisse. 4. Impurior chylus hepar intraret. *Riolanus* necessitatis tempus concedit, obstructis tenuibus & mesenterio. Sed potius atrophiam tum & mors sequetur.

Valvula
 caret.

Canalis biliaris valvula caret. Experimento id probat *Riolanus*. Si enim juxta hepar inflaveris ductum, distendi videbis & vesicam & intestinum: si à parte inferiore juxta intestinum, vesica & hepar turgescit. Simili quoque *Fr. Sylvius* tubulo, in ductum biliarium immisso, erumpentes in hepate maculas & vesiculas subflavas observavit.

Ductus
 communis
 naturalis.

Communis ductus seu meatus, in intestini jejuni principium vel circa duodeni finem abiens, constituitur ex cervicibus canalis biliaris & vesiculae felleae, & oblique inseritur, inter utramque intestini tunicam, digiti longitudine, & quidem aliquando bifidus, membranulis intimae & mediae intestinorum laxi orificio propositis.

Obliqua in-
sertionis
descriptio.

Valvulam oblongam meatus communi apponit *Higmo-rius*, ne si forsan obtureretur vesicula, totaque turgeat bile, nihil tamen ad hepar regurgitet. In omnibus illam *Marchettus* vidit. Sed ipsam protuberantiae hujus substantiam tantum connivere observavit *Jo. Faber*, & revera sufficit obliqua insertio, quam ita describit *Glossonius*, quod 1. in posticam intestini partem, indeque inter tunicas ejus oblique deorsum feratur, ubi utramque exteriorem intestini tunicam perfrangit, adeo laxè eum interior tunica complectitur, ut digito huc illuc facillime dimoveatur. 3. Quicquid illò versum tendit, & ingredi conatur, id simul eodem nisu interiores intestini tunicas versus exteriorem comprimit. 3. Regressus omnis præpeditur à fibris annularibus, quæ totum obliquum tractum obsident. Ex communi ductu bilis copia, ut in biliosis naturis, sæpe regurgitat ad ventriculum, quando his jejunis venter diutius torquetur.

Præterna-
turalis.

Nonnunquam, sed raro, ductus abit in fundum ventriculi, eo bilem effundens. Unde bilis vomitus, iique homines dicuntur *πικρῶλοι ἀνῶ*. Quod in animalibus rapacibus rarum quoque est, ex observatione *Argentarii*, ut quoque in canibus, ex observatione *Joh. Walei*, contra ac id arbitratus est *Akakia*. Si vero ad jejuni finem meatus inseritur, dejectiones semper biliosae obtinent, & ii dicuntur *πικρῶλοι κατω*.

Qualis

Qualis esse debuit, ille cui in colon implantabatur Cholo-
dochus à *M. A. Severino* Neapoli dissectus. Quia enim colon
intestinum sapissime tangit vesiculam, ab ea quoque tingi-
tur simili colore, & inde fluida alvus reddi potest, iudice
Riolano.

CAP. XVI.

DE LIENE.

LIEN sive SPLEN, in sinistro hypochondrio situs est, è *Lienis si-*
regione hepatis, tanquam alterum hepar, sub diaphra-
gmate, inter costas & ventriculum, in nonnullis altiori vel
humiliori sede quam in aliis; in omnibus tamen posticæ seu
dorsali parti vicinior est, quandoquidem vertebris & costis
spuriis innititur, ut tactu deprehendi nequeat, nisi tumi-
dus ad abdomen appropinquet, atque hic ejus situs raro im-
mutatur, ut in dextro sit latere, & hepar in sinistro.

Numerus.
Numero plerumque unus est, raro duo, ut notavit *Aristoteles* 4. de generat. animal. 4. & *Posthius* *Monspeli* & *Roma* *Panarolus*. Patavii quoque *Marchettus*, & olim *Hipp. Bosius*. Rarius tres sibi invicem superimpositi, non tamen
æque magni, ut observavit *Fallopianus*, rarissime penitus defi-
cit, ut loco dicto meminit etiam *Aristoteles*, item *Laurentius*, & *Schenckius* de *Matthia* *Ortelio*, & *Hollerius* de puella:
nec deficere potest naturaliter, siquidem natura non abundat
in superfluis, nec deficit in necessariis. Fabulosa ergo opinio
vulgi, in cursoribus eximi & eximi posse absque vitæ peri-
culo, quod à paucis hætenus visum, aut literis mandatum,
nisi à *Plinio*, *Fluddo*, *Fioravanta*, *Rousseto*, qui si veri sunt,
pessime sane vixisse homines certum est, vel brevi post mor-
tuos nobilissimi visceris defectu, vel parte tantum truncatos
exteriori, nam profundiora lienis vulnera pro lethali-
bus habenda, ob arteriarum copiam, & consensum cum partibus
principibus; nata indubie ex antiqua *Erasistrati* opinione,
qui lienem frustra à natura creatum existimavit, quod *Plan-
tus* etiam in *Mercatore* habet, quos alii sequuntur, eo tan-
tum nomine excusandi, si minus necessarium esse velint in
genere animalium, non in hac vel illa specie. Carent enim
sine noxa liene, quæ vesicam non habent, ut *Chamaeleon*
& alia multa. Insecta vero splene carent. Quamobrem fal-
sum illud: *Habet & musca splenem*.

Lien tamen innoxie canibus, felibus, &c. eximi cœpit in
Anglia. Hafniæ idem cum successu tentatum vidimus præ-
sente

FIGURARUM EXPLICATIO.

FIG. I.

Bovis Lien, ex Hignoro.


- AAAA.** Substantia Lienis ejus tunica propria tecta.
B. Vena Portæ portio.
C. Ejus Ramus sinister, seu Ramus splenicus.
D. Ramus hic prope Lienem apertus, ut Valvula b ostendatur.
EEE. Lienis tunica dissecta & inversa, ut vasorum & fibrarum progressus ac plexus melius ostendantur.
FF. Arteria splenica portio, quæ totam lienis substantiam percurrent, in illam
aaaaaa. Surculos suos dispensat.
GG. Fibre quedam nervosæ mire complicatæ, inter quas Arteria surculi excurrunt, & quibus parenchyma lienis affixum adnascitur.
b. Valvula in Ramo splenico, extrorsum versus portam spectans.
ccc. Foramina quæ in termino Rami splenici à Lienis substantia ducentia, conspicua sunt.
dd. Nervi per latera arteriæ splenicæ percurrentes.
cc. Terminus Rami splenici ad portas pene Lienis deficientis.

FIGURA II.

Vasa Lymphatica & sanguinea in Liene ligata
ex Fr. Ruyschio.

- A.** Lien Vituli.
B. Vasa sanguinea & lymphatica ligata.
C. Vasa splenica.
D. Arteria splenica.
E. Nervi splenici, quorum numerus incertus.
F. Vasa lymphatica in extrema Lienis parte ortum ducentia.
fff. Valvula in iisdem Vasis.
G. Ligatura.

Fig. I



sente Rege Augustissimo *Friderico III.* animalibus exinde sanis & agilibus. Quater enim ex canibus majoribus minoribusque extractum lienem totum excidit *Regius Chirurgus Philippus Hacquart*, vidimusque vivos & superstites, præter unum majorem. Id noluit olim credere *Cal. Aurelianus*. In homine succederet forsan experimentum, nisi visceris magnitudo & vasorum copia impediret. Secuit tamen extra costas prominulum *Ballonius*, idem visum *P. Bourdelotio*. Et in scirrho proficua foret sectio, quam in vetula cum felici successu instituit *Fioravanti*, quod in *Cent. Hist.* annotavimus. Nihil visceris necessitati id derogat, quia & uterus necessarius excinditur, sicut in *Epistolis* docuimus, & aliæ partes. Supplet ejus defectum *Pancreas*.

Cur homini
lien magnus?

Magnitudo non tanta est quanta jecoris, homini tamen satis crassus lien est & magnus, non tam ob humorem quem frangere debuit contumacem, & ductu difficilem, quam ob arteriosum sanguinem fermentativum, quem continere debet: longitudine scilicet fere sex digitorum, latitudine trium, crassitie unius, qua magnitudine in nullo alio animali est. Diversa tamen est magnitudo pro subjectorum varietate, & constitutione hominis. Majorem putant datum esse iis, qui *Melancholicum*, seu acidum succum natura copiosorem acceperere, quo affluente augeatur facile ob laxam ejus raritatem. Quibus augefcit, iis minuitur corpus, & minus floret; unde *Trajanus Imperator* fiscum appellavit lienem, quia, ut, hoc ditescente, plebs depauperatur, sic, liene augefciente, minuitur corpus. Causam hanc adferunt, qui elaborare chylum credunt, quod nimis per ramum splenicum trahat ex chylo hepaticque subtrahat. Sed cum ea lienis actio suspecta sit, alia inquirenda ratio. *Cl. Conringius* in magnitudine præternaturali id fieri concedit, alioquin si naturalis sit & legitima, floret corpus cum liene.

In quocunque statu sit, existimo minui corpus, si lien augeatur, quia acidum sanguinem fermentantem reliquo corpori detrahit, & vel in sui nutritionem absumere, si naturaliter major sit, vel non posse præparare & expellere, si magnitudo sit vitiosa.

Figura.

Figura ejus plerumque oblonga est instar linguæ bovis, unde linguosum viscus quibusdam; foris ad latus sinistrum & diaphragma gibba nonnihil: nonnunquam ob costas impressiones habens, latere dextram respiciente concava, ob adjacentem ventriculum: ubi per longitudinem mediam, linea quædam alba prominentiis donata, venas & arterias cum omento admittens. Alias præter naturam varias accipit

pit figurat: globosam exacte, triangularem, acuminatam, eminentiis exasperatam, bipartito sectam, &c. ut recte annotavit *Archangelus Piccolomineus*. In lobos divisum observavit *Higlmorus*, *Horstius Junior*. Nos quinque vidimus in liene, qui renes bubulos referebant. Rotundum *Rhodius*.

Color in fœtu rubens est, ut hepatis, cum nutrimento alatur purior: in adultis vero subnigricans, ob succum crassiorrem quo alitur in provectioribus ad livorem tendit. Rubrum in adultioribus observavimus, & ante nos *Vesalius* & *Spigelius*, qui idcirco credit nigriorem sani non esse hominis. *Comaringius* colorem illum obscurum nimix diætæ vitio, in primis potui adscribit. Ego temperamento cujusque hic multum tribuo, & caloris varietati. Præter naturam autem liem varios colores induit juxta humorem dominantem, lividum, cinereum, &c. In brutis calidis magis nigricat quam in homine, in porcis magis candicat.

Connectitur per membranas tennes à peritonæo natas ipsi peritonæo, omento, & reni sinistro, aliquando & septo, quod negat *Fernelius*, qui excusari non potest, nisi eum centrum diaphragmatis intellexisse dicamus, huic enim non annectitur. In cava vero parte annectitur superiori omenti membranz, à qua etiam, sive, secundum alios, à peritonæo, sive, secundum alios, sui generis

Tunicam accepit tenuem & simplicem, hepatis tamen membrana crassiorem, quæ in senescentibus plurimum sæpe induratur, ut & ossæ evadat & cartilaginea. In splenetico eorii bubuli instar crassam vidi. Crassior esse debebat, ut vim arteriosi sanguinis fortius sustineret. Duplicem dicit *Higlmorus*, in cujus medio linea est, quam omento tribuit *Lindanus*, ex congressu omenti cum membranis vasorum parenchyma ingredientium *J. Theod. Schenckius*.

Substantiam vel *massam* habet instar crassi, nigri, & concreti sanguinis, solubilem, adeoque à vasis suis facile fluentem, & *Fr. Sylvio* placenz uterinæ similem.

Fibras absolvere parenchyma, mire inter se contextas in variis elutis & expressis observavit *J. Jac. Wepferus*. Implari eas, ex tunica ortas frequentes cum arteriis multis *Higlmorus* advertit, quas *fibras* post *Vesalium* accurate idem describit, quod sint *filamenta* tenuia, valida, nullam cavitatem habentia, nec à ramo splenico, nec arteria originem ducunt, sed varie inter se complicatæ fibræ, quasi *retia* multa complicata & connexa, circa quas parenchyma, caruosa quædam substantia, leviter undique circumvoluta, adhæret, interjectis ubivis foraminibus plurimis, quæ cancellos, seu vacua

Ufus,

vacua illa spatia, quæ retium chordis interjacent, referunt, seu foraminula illa inania in spongia aut pumice expriment. Excurrere quaquaversum ad tunicam ipsius, indeque reflecti addit *Whartonus*. *Ufus* harum fibrarum nervosarum ex mente *Higbomori*, quem sequitur *Deusungius*, est 1. laxum spongiosumque lienis parenchyma stabilire, ne à sanguinis ex arteriis affluentis impetu rumpatur. 2. Spongiosum idem parenchyma constringere, ut sanguis, per laxas cavitates diffusus, in venam splenicam comprimitur, sicque arteriarum pulsus ancillentur. 3. *Glissonio*, partem sanguinis tenuissimam, mitissimam & aquosam elicere, indeque in nervos capillares, sibi conjunctos, transferre ad plexum nervorum, glandulis renalibus appositorum, ut vicem vehiculi succo nutritio præstet. Sed chylo sufficiens est liquor, quo diluatur, prope glandulas. Quem hic accipere tradit, alibi reddere docet. Vid. *Spicileg. Vasc. Lymph.* 4. Ut intra spongiosas has cavitates & denfos meatus sanguinis sæculentia ulterius excipi & contineri possit, *Willisio* auctore. 5. Credo ego, plerasque esse Lymphaticorum propagines. 6. ex genere vasorum emerisse has fibras, & vasorum naturam retinere, cavas esse, & sanguinem vehere, probat *J. Th. Schenckius*, quia si stylo prosequaris distributionem, in nulla alia corpora tandem dirimi observantur.

Vasa habet Lien omnis generis,

Vena.

A *vena portæ* insignem truncum, qui ramus splenicus dicitur, longe infra hepar situs, & transversum ad lienem missus. Hujus rami numerosi surculi, sed ut plurimum fibrarum instar tenues, vel fibræ ipsæ invicem contextæ ex *Higbomoro*, absumuntur in liene, præter duos qui à liene quandoque prodeunt: unus dicitur vas breve, ventriculum ingrediens modo una, modo pluribus propaginibus: qui frequentius, quod *Waleo* debemus, ramulus est venæ splenicæ, qui ubi ad spatium inter ventriculum & lienem medium venit, in duos bifurcatur surculos, quorum unus lienem, alter ventriculum accedit, quod vas volunt alii sanguinem acidum eructare ad appetitum, aut ventriculi corroboracionem, qui deinde per intestina excernatur. Alius ad anum abit, & hæmorrhoidales venas internas gignit. *Vasa* venosa concomitari arteriosa ad splenis extrema fere usque, notat *Ruyfchius*, secus an in splene bovino.

Arteria.

Arterias habet magnas, multasque, quintuplo plures quam venas, à *Cœliacæ* ramo, secus quam hepar. 1. ad vitam & calorem innatum fovendum. 2. Ut fortius mutari possit sanguis. 3. Ut ad nutritionem sui accipiat sanguinem, & præparet

paret insuper acidum succum cum sanguine arterioso ad se delatum, pro chyli & sanguinis totius fermentatione. Arteriiis 4000. constare scribit *Grembsius*. Arteriarum hinc *Vas* breve nascitur, multis furculis, sicut vena, divisum, & hæmorrhoidale, quod nomino, ob usum in viscere hoc deplendo insignem.

Observandæ autem præcipue sunt *Anastomoses* frequen- *Anastomo-*
tes, arteriarum lienis cum venis ejusdem, præsertim una in-
signis ante ingressum vasorum in lienem: reliquæ in liene
sunt. Istius usum vult *Highmorus*, ut aliquid sanguinis ar-
teriæ per venam hanc amandent, ne lien, nimia illius op-
pressus quantitate, obrueretur, ab officio impeditus.

Lactæas nec *Asellius*, nec posteri observarunt.

Vasa Lymphatica circa lienem exorta adumbrat *Ol. Rud-*
beck, quæ serum ex liene & proximis partibus absorbent, & *Vasa Lym-*
vesiculæ chylosæ tradunt. Quanquam ea neget *Whartonus*, *phatica*.

aqueumque liquorem à sanguine, mediantibus parenchy-
mate, & fibris nervosis, prolici; admittit tamen *Fr. Sylvius*.
Modum ea in liene detegendi aperit *Ruychius*, per ligatu-
ram vasorum omnium & amputationem lienis. Notat por-
ro idem 1. Vasa illa non solum in splenis superficie reperiri,
verum etiam in parte interiore arteriam splenicam ner-
vosque comitari. 2. In omnibus animalibus ejusdem gene-
ris, haud æque esse copiosa. 3. Lienem humanum non tan-
ta gaudere Lymphaticorum copia, quanta vitulinum. Igi-
tur figuram horum vasorum in liene vitulino exhibuit.

Nervulos etiam à sexti paris ramo costali sinistro, magis *Nervi*.
per tunicam quam substantiam dispersos.

At singulis arteriæ ramis, plures nervorum ramos adstites
in bovino liene observat *Glissonius*, eosque diversæ magni-
tudinis, quorum bini arteriæ trunco utrinque accumben-
tes, præ cæteris sint conspicabiles. Nervos istos quo lieni
propiores fiunt, eo etiam grandescere magis, idque spatio
aliquo, postquam lienem subiere, similiter usdem continge-
re. In homine id negat observari *J. Th. Schenckius*.

Usus nervorum lienis, ut devehant spiritum animale *Usus ner-*
ad lienem pro illius sensu, robore & motu. Addit *Deus* *verum ad*
gius, ad sanguinis in liene fermentationem, ac constituen- *sensum*.
dum ibidem naturale aliquod fermentum ad sanguinem
fermentandum & spirituosum reddendum. Sed cur alibi *Non fer-*
eadem vel fermentatio fit sine nervis, ut in ventriculo, vel *mentum*.
nulla fit cum nervis, ut in aliis partibus omnibus, quæ ner-
vos habent, sine fermento. Absona tamen non est conjectu-
ra à *Fr. Sylvio* ante probata per chymiam. Spiritibus enim

animalibus digeri hic sanguinem arteriosum & in tincturâ aut fermenti sanguinei essentiam exaltari, sicut omnia fixa unius spiritus volatilis opè redduntur volatilia, & ex fixi volatilisatione, hinc volatilis fixatione, manant multæ mutationum tincturæ.

Cur multis
nervi lie-
nis?

Willisus rem hanc illustrat & confirmat. Multis enim lieni opus esse nervis, ut 1. fibratam ejus texturam *convellendo*, faciem atram in eo reconditam conquassent, ipsamque à putredine & coagulatione vindicatam natura acida & fermentativa imbuant. 2. Vasa sanguifera modo *contrahant* & *constringant*, modo *aperiant* & *dilatent*, ut sanguinis faculentia modo uberius, modo parcius ex arteriis in lienem deponatur; etiam ut *fermenti* in liene confecti plus aut minus cruori suffundatur. 3. Proprium liquorem lieni instillent, qui visceris virtute fermentativam promoveat. 4. Ab eodem humorem acetosum & quasi vitriolicum sæpe imbibant, à cujus acrimonia ac insigni vellicatione in spasmos aguntur. Sed posteriores duo usus si de animalibus spiritibus accipiantur, notandum eos inter humores minus proprie numerari, nec eos secundum naturam acidos esse, aut vitriolatos, alioqui spasmi in cerebro essent perpetui.

Actio lie-
nis.

Lienis Actio ex veteri opinione triplex potissimum doctoribus eam sequentibus statuitur. 1. Attrahere humorem melancholicum, excrementitium & limosum ex hepate. 2. Melancholicum excrementum inde secernere, ut bono sanguine nutriatur. 3. Secretum in ventriculum & intestina eructare. Statuitur enim alimentum lienis ab arteriis elaborari & frangi, quia caro fungosa & laxa nutrirî debeat sanguine vaporoso & subtili. Ductus per quos eructare putatur excrementum melancholicum, sunt primo Vas breve; deinde vena hæmorrhoidalis. Volunt itaque splenem esse melancholici excrementi, seu fœculenti, crassi sanguinis in hepate segregati, receptaculum (quemadmodum vesica biliaria flavam bilem recipit) & ideo lienem è regione hepatis positum.

An lien
excremen-
tum melan-
cholicum
recipiat ab
hepate?

Lienem vero excremento recipiendo tantum dicatum ex eorundem auctorum sententiis, *negamus*; nam 1. in liene nulla ampla est cavitas excipiens, quemadmodum in folliculo fellis & in renum sinibus membranosis atque vesica. 2. Si excrementi receptaculum esset, cur non inferiori loco situs est, ut commodius suscipiat ponderosum excrementum, quemadmodum reliqua receptacula? 4. *Rondeletius* negans lienem esse humoris melancholici receptaculum, hanc dat rationem: quod humor is, dum naturalis est, totus in osses

&

& alias duras & siccas partes impendatur; atque cum ejus in nobis portio minima sit, ei excipiendo partem nullam esse dicatam, uti nec sanguineis excrementis, quæ sudoribus & insensibili transpiratione abeunt. Hoc tamen argumentum minus validum existimamus. 4. Cur non per hepatis substantiam disperguntur surculi hujus receptaculi, aut saltem rami splenici, quemadmodum vesica biliaria ramulos suscipit in hepate dispersos? 5. Cur non sunt ductus quidam ab hepate hunc succum deferentes? 6. Nulla pars excremento alitur, quicquid *Columbus* dicat, nullam partem excremento nutriri, liene excepto. 7. Absurdum est regurgitare debere excrementum in venam portæ, & postea in ramum splenicum. 8. Per eosdem ductus excrementa susciperet, & rursum expurgaret. 9. Firmissima ratio est: lienem excrementi receptaculum non esse, quia alterum est sanguificationis organum, ut paulo post probatur. 10. *Fr. Sylvius* in Affectionibus melancholicis etiam diuturnis, & post multorum annorum vexationem ad mortem usque ægros comitantibus, in cadaverum plurimorum perscrutatione, innoxium & plerumque præ cæteris visceribus satis sanum invenit lienem, non inflatum, non induratum, non obstructum. In melancholicis tamen putres observavit lienes à succo cancroso *Ballonius*, & in quartanariis atro piccoque colore turgentibus *Car. Pifo*. Et quartana & mœrore *Fernelius* lienem inflammatum contraxit, tumidum, lividum, pice nigra refertum, sicut in Vita ejus narrat *Plantius*. Sed ex morbofo statu de sede melancholici excrementi naturali non audemus quicquam probare.

Posterioribus visum, lienem instar hepatis sanguinem elaborare, sed nec de via consentiunt, nec de chyli natura. *An lien sanguificet ut hepar?* *C. Bartholinus* Parens noster statuit, lienem ex crassa Chymi parte per ramum splenicum insita facultate ad se tracta sanguinem crassiores, sed tamen laudabilem elaborare. 1. Probavit hoc ex structuræ affinitate cum hepate. Quemadmodum enim hepar carnosum viscus est, tunica vestitum, vasis plurimis donatum, cujus caro quasi sanguis affusus est: ita etiam Lien viscus est, tunica donatum, & plurimis vasis varie implicatis, cujus caro propria quasi sanguis affusus & congelatus est. 2. In Liene plexus sunt plurimi & infinitæ anastomoses. Nusquam autem sunt plexus, nisi ad novam elaborationem, ut videre est in cerebro, hepate, testibus, mammis, &c. 3. Patet hoc ex situ rami splenici, qui est longe infra hepar, ex trunco venæ portæ, ubi attrahitur pars Chymi, sive chyli sanguinis aliquam dispositionem habentis; si

itaque materiam ibi recipit, ex qua fit sanguis, cur non etiam sanguificabit lien? 4. Natura solet corporis partes aut geminare, ut cuius unum latustribuatur, quemadmodum patet in renibus, testibus, pulmonibus, mammis, organis sensuum, &c. aut si unicam facit, eam in medio locare, ut cor, ventriculum, uterum, vesicam, nasum, linguam, os, &c. Lien ergo erit alterum hepar. 5. Lienis morbi, quemadmodum & hepatis, sanguificationem lædunt. 6. Interdum hepatis situs mutatur, ut sit in sinistro latere, & lien in dextro. 7. Hepate deficiente & minuente augetur lien, & hepatis opem fert, uti exemplis multis notum est, unde lien sæpe visus fuit in dissectionibus major & rubicundior hepate. 8. Verisimile non est tam numerosas arterias lienem ingredi in excrementorum gratiam, quin potius ad coquendum crassiorem sanguinem, ut ita per contrariam tenuitatem contumax crassities frangi possit. 9. In fœtu lien rubet ut hepar, ob causam supra datam. 10. Quales morbi hepatis, tales pæne lienis. 11. Et vitia lienis atque hepatis iisdem prope tolluntur remediis. 12. Si auctoritates valent, prodeat *Aristoteles* lib. 3. de partibus animalium cap. 7. ubi ait; simili prædita natura hepar & lien; item, lienem esse quasi jecur adulteratum, & ubi lien exiguus est, ibi hepar bipartitum esse, & quod omnes partes fere in corpore bipartitæ sint. *Plato* lienem vocat expressum hepatis simulacrum. Alii vocant hepar vicarium, sinistrum, &c. *Auctor libri de respirationis usu* hoc confirmavit, uti & *Aphrodisæus*, *Aræteus*, & alii. *Archangelus* alterum usum lienis facit copiosiores sanguinem conficere.

Quibus
partibus
lien sanguifiet?

Si quærat, in quem usum sanguis à liene confectus?

Alii putant eundem cum hepate, videlicet ad corpus totum nutriendum, & ad auxilium hepatis ferendum.

Sed ille statuit hoc non fieri, nisi necessitate postulante in hepatis aliquo defectu, vel affectu vitioso.

Ordinarie autem putat lienem esse organum conficiendi sanguinis, ad nutrienda viscera infimi ventris, ut ventriculum, intestina, omentum, mesenterium, pancreas, &c. atque ipsum etiam lienem nutriri sanguinis istius aliqua portione, reliquam vero ad partes dictas amandare. Hepar vero arbitratur, sanguinem procurare reliquis partibus corporis, præsertim musculosis. Probatque 1. quia à splenica, vel ramis ex hac natis, aut huic vicinis, videlicet ramis venæ portæ solis habent nutritionem viscera infimi ventris, non à vena cava. 2. Quia viscera ista crassa sunt, magis terrestria & sordida: quales partes in reliquo corpore non inveniuntur. Ideo talem

talem sanguinem hæ partes à liene requisiverunt. 3. Et ideo hepar majus est, quia pro toto reliquo corpore sanguificat: lien minor, quia tantum pro infimo ventre, nisi quando in necessitate hepatis opitulari debet. 4. In canibus lien est gracilis & longus, quia partes vel viscera imi ventris minora sunt in cane, & minus sunt circumgyrata quam in homine. 5. Conspicuum est discrimen inter pinguedinem in partibus musculosis, aut iis, quæ à cava nutriuntur, genitam, & inter pinguedinem cœnosam & facile putrescentem in imo ventre, ut omento, intestinis, mesenterio, &c. Hinc tot putredines in partibus mesentericis. Et quo humor est crassior, (uti est pinguedo cœnosa) eo citius putrescit: ut cœnosa citius quam pinguedo in partibus musculosis. Sic sanguis lienis magis est dispositus ad putredinem, quam hepatis, & hujus magis quam cordis dextri ventriculi. Deinde minus putrescit sanguis arteriarum; minime omisit spiritus. 6. Argumentum firmissimum hoc credit, quod ubi pars reperitur viscerum substantiam habens, ibi etiam venæ adsunt ex porta seu ramis lienis: ubi vero pars est carnosa musculosa, ibi venæ adsunt ex cava originem habentes, ut liquet in intestino recto, in quo, ob duplicem substantiam, duplices venas natura posuit. In musculosa venæ sunt hæmorrhoidales externæ dictæ, ex cava oriundæ: in viscerosa siue intestinali substantia, venæ sunt ex porta.

Hæ similesque rationes permoverunt Parentem piæ memorie, ut ex chymo per splenicum ramum attrahere lienem probaverit. In quam sententiam concesserunt tum Anatomici plerique, *Varolius*, *Posthius*, *Jessenus*, *Platerus*, *Baubin*, *Sennertus*, & *Riolanus* in Anthropographia prima. Sed condonandum isti seculo, quia ignoravit, quæ posteris jam innotuerunt. Venæ enim lacteæ ab *Asellio* detectæ docent, nullum chylum seu crassum, seu tenuem à mesaraicis venis trahi, aut usquam deferri, sed per lacteas tantum ad hepar, vel cor, non lienem. Ad hæc ligatura in vivis monstrat, nihil per mesaraicas deduci ad lienem, sed contra à liene ad mesaraicas. Rationibus autem supra adductis id ex parte damus, fieri sanguinis quandam in liene generationem, modo postea explicando, non ex chylo, cujus hic nullæ viæ, sed ex sanguine arterioso à corde transmissio, cui forsitan suus chylus admixtus. Sano igitur sensu, eo modo lien ad sanguinem conficiendum concurrat, quo hepar, nempe percolando acidum, sicut hoc bilem.

Hofmannus & *Spigelius* per arterias mesaraicas lutosam. *An chyl*
chyli portionem deducunt ad lienem, ut ibi in sanguinem portio ad
coqua-

lienem de-
feratur &
per quas
viam.

coquatur. Qui eadem culpa tenentur. Arteriæ enim sanguine ad mesenterium devehendo destinatae sunt, quod ex ligaturis oppido manifestum est, eademque via vehi sanguinem & revehi chylum à natura est alienum, ne confundantur. Præterea, nunquam in sectionibus vivis chylus ibi observatus. Lutosâ autem portio chyli, qua nulla pars ad sui nutritionem indiget, rectius per intestina expurgatur.

J. Sperlingius, vir eruditus, per lacteas venas hoc negotium, ut ad hepar, absolvi putat. Quæ via expedita foret, si lacteæ venæ ad lienem pertingerent, quod nemo adhuc advertere potuit. Aliter opinantibus imposuere nervosâ fibrillæ.

Alii, qui mesenterium nihil mittere ad lienem perviderunt, à ventriculo rectâ chylum ad lienem advocarunt viis manifestis vel occultis. Manifestæ viæ illis est vas breve venosum, ejusque rami, per quos aquosiores chylum lien subit. Sed vas breve ad ventriculum succum acidum vehit à liene, nihil ad lienem, sicut nec ullæ venæ. Ad hæc interdum non inseritur in lienem, sed ramus est splenicæ extra illum, adeoque nihil ad lienem, sed ad jecur desert. Taceo nunquam vas breve candicante succo fuisse repletum. Substituit quidem in hoc casu venam splenicam *Joh. Daniel Horstius*, sed invita experientia & venarum officio. A liene & arteriis omnem sanguinem accipit, nihil reddit splenicæ venæ, unde ligata in vivis versus lienem impletur & tumet ex *Walei* observatione, sed versus hepar inanitur. Ad ligaturam tamen provocat *Regius*, fieri vasis brevis intumescentiam inter ligaturam & ventriculum, inter ligaturam vero & lienem fieri detumescentiam. Nihil id movet *Backium*, qui nodum tamen non solvit, & *Hogelandius* in hac observatione est diversus, ut valde dubitem, quia difficile experimentum, per se vas breve ita solum impleri, antequam accuratius pluribus oculis viderim.

Præter vas breve, etiam per venas gastricas & epiploicas serosum & potulentum ex ventriculo absorberi probat *Carolus Piso*, qui ignoravit motum humorum in his venis. Utraque vasa se exonerant in ramum splenicum, & tum recto ductu ad hepar amandatur sanguis, nec, obstantibus valvulis, ad lienem regreditur.

Occultas vias qui urgent, vel poros ventriculi, vel distinctum vas nobis invisibile & incognitum adhuc, obtrudunt. Inter illos est *Veslingius*, quem *Barbatus* non improbat, nec tamen defendit ejus Commentator *Blesius*, inter hos *Conringius*, qui tamen in humore coquendo differunt. *Veslingius* lienem

lienem conficere vult sanguinem ex aquosiore chyli portione, admistisque partibus terreis sordida, attractis per poros invisibiles lacteis similes, ex ipso ventriculo sibi accumbente & pancreate. *Conringius* solum potulentum per vas nobis invisibile propter cohaesionem arctam lienis cum ventriculo & contentum serum non ita candicans, aliquando detegendum. Sed salva res foret, si aut pori illi, aut vas peculiare nobis monstrarentur, quibus oculatae manus. Ipse *Conringius* pro candore suo hanc postea sententiam mutavit. Pori angustiores sunt, quam ut sordidae chyli partes admittantur, & quis impediet quo minus aliò quam in lienem transfundent. Sæpe in minori cohaesione cum ventriculo, nullum mihi vas apparuit, nec tale quid in juvene, subito post largiorem portionem à frustulo linguæ bubulæ nuper hic suffocato videre potuimus. Contingere tale quid aliquando in statu p. n. aut in certo quodam individuo consentit *Rosincius* auctoritate *Coi* 4. de Morb. Quod dicendum quoque *Barbato*, cui prompta lienis intumescencia est eorum, qui thermales aquas absorbent.

Cæterum solum potulentum ex ventriculo statim exsurgit à liene existimant *Reusnerus*, *Piso*, *Hippocratem* sequuti, adeoque sanguinem tantum aqueum conficere ordinario. Sed nulla ratio firma id persuadet, siquidem viæ defunt manifestæ. Nec tenue solum attrahere debet, quo tanquam vehiculo & chylus, & sanguis indiget, quanquam seorsim non fluat, sed varie cum crassiori mistum pro sanguinis constitutione, donec officio suo defunctum, vel à renibus separaretur, vel toto habitu corporis exsudet, vel lymphaticis recipiatur. Si præter naturam in ventriculo serum à crassiori chylo segregatur, vel per vomitum redditur, & crassior chylus hoc vehiculo destitutus in intestinis colicam efficiet, sicut apud magnum nostrum *Wormium* vidi; vel per pylorum excernitur, semper patulum liquidioribus & concoctis facilioribus cibis, observatione *Walkei* desideratissimi; multo magis largiori potu, qui celeriter interdum in potatoribus sternuis per urinam redditur, non lienem transeundo, sed per intestina, si convenientia adsit qualitatis, humorum tenuitas, laxitas vasorum, roburque trahentis facultatis, quibus conspirantibus recte *Asellius* asserit, nullam esse tam longam viam, quæ non facile acceleretur. Aliter constitutis, non statim per urinas potus labitur. Sunt enim qui integro die *Baccho* indulgent sine matulæ necessitate. Sunt etiam quibus lubrica alvus solvitur, ut per intestina ferri dubitandum non sit. Sanguis quidem lienosorum te-

nus est & aquosus, non quod talis immediate ex ventriculo proveniat, sed vitium est totius sanguinis per arterias lienis communicatum. Taceo lienis male affecti hæc esse signa, à cuius statu præter naturam ad naturalem nullum firmum argumentum ducitur, qua responsione alias omnia, quæ pro hoc potulento chylo adducuntur à viris doctissimis, solvuntur.

Aliis argumentis chylum aut sanguinem liquidiorum ad lienem abire negat *Velthufius*, quia 1. Lien viscus siccum est, & quando à temperie iusta deflectit, citius ad temperiem siccam quam humidam labitur. 2. Lienosis sæpe os siccum. 3. Tartarei humores & crassi in & circa lienem indicant magna lienem non prolii humiditate. 4. Nulli aut pauci, quos vitium lienis affligit, cachexia laborant, aut superfluo humore multum turgent, aut tumescunt. Pro instituto parum valida videntur argumenta. Ad siccum non vergit, nisi inflammatum, quod in quartanario vidit *C. Pifo*, Alias humidum esse, vesica indicat apud *Coiterum*. Et scorbutici plerumque sputatores, sudore diffuentes. Quando vero serum à liene intercipitur, ad ductum salivalem revivumque corpus parum cumulat.

Quæ animalia liene destituantur.

Dubium est cur lien solis illis animalibus obtigerit, quibus renes & vesica teste *Aristotele*, quod in *Chamæleonte* verum invenit *Panarolus*? An propter serosi humoris tractionem? Non crediderim. Sed liene carent, quia parum sanguinis elaborant, unde & serosus humor non opus habebat peculiaribus receptaculis, superfluum autem in sanguine, absuitur in pennas, cuticulam, squamas, &c. Liene igitur carent, quia fermentatio necessaria haud erat in imperfecta coctione illorum, qui perpetuam & naturalem lenteriam habent.

Mixtam ex omnibus his opinionibus lienis actionem nuper procudit in enchiridio *Riolanus*, limosum sanguinem attrahere ad sui nutritionem, inde serum quoddam particulare fermentativum per arterias splenicæ effundere in ventriculum, & cum sit bibulum ejus parenchyma, per venas elicere & emungere superfluum liquorem ex ventriculo. Ad quæ per partes jam fuit responsum. Nobilior sane est lienis actio, quam ut superfluum ex ventriculo suscipiat. Id autem per quas vias? Nam venarum officium est sanguinem in partibus ex arteriis revehere ad truncum, ex doctrina Circulationis frustra hic à *Riolano* impugnata. Nec aliud ligaturæ in vivis docent.

Franciscus Ulmus, *C. Pifo*, & *Æmilius Parisanus* contendunt

sunt lienem pro sinistro cordis ventriculo arteriosum sanguinem conficere, sicut pro dextro hepâr. Quæ sententia refutatur, quia 1. nulla est via per quam in cordis sinistrum ventriculum illabatur sanguis hic confectus; neque enim per Aortam potest, propter valvulas ad ostium ejus sitas. 2. permistio fieret succorum, perfecti & imperfecti, si eadem via, eodemque tempore acciperet cor sanguinem & redderet. 3. sine liene multa vivunt, quæ tamen vitales spiritus generant.

M. De la Chambre tract. de Digest. existimat lienem conficere spiritus in usum abdominis. Sed is spiritus ad nutriendas & vivificandas partes inferiores per aortam suppeditatur qui possit sufficere. Si tamen spirituosus sanguinis modificationem quandam in usum abdominis accommodatam intelligat, excusari meretur.

Ad nobiliores actiones lienem destinavit *Helmontius* novitius, ejusque commentator *Grembsius*. Pro sede Archæi sui venditat, qui cum sit organum immediatum animæ sensitivæ, determinat actiones vitalis animæ in stomacho residentis. Sedem vocat 1. intellectus, in qua conceptus formantur, quia viscus est omnium sanguineum maxime, pluribusque arteriis opulentum, cerebrum autem servare tantum conceptus à liene missos. 2. Somni & somnii. 3. Veneris, quia pollutiones sunt nocturnæ, ibique circa stomachum primi Veneris motus sentiuntur: Ex lumbis enim dicuntur egressi, in quibus lien princeps membrum vitale; demum quartanarii affecto liene minus salaces. 4. Vario-^{organum anima sensitiva?}rum morborum, qui alioquin cerebri creduntur & thoracis, ut Asthma, Pleuritis, Apoplexia, Epilepsia, Incubus, Vertigo, &c. Sed 1. omnia falso supposito nituntur. 2. Ventriculum esse sedem animæ, non cerebrum, nemo Anatomicorum saniorum concedet. 3. Lien sanguineus est in alios usus, ut sanguinem acidum pro totius sanguinis & chyli fermentatione præparet. 4. Sunt animalia quæ & dormiunt & ætus Veneris sentiunt sine liene, etiam eo, si ad-[?]est, affecto. 5. Pollutiones nocturnæ à calida vasorum spermaticorum constitutione, & sanguine seroso acrique illarum dissectio docet. 6. De renibus in lumbis id dicendum potius infra patebit. 7. Aliæ in abdomine partes, præter lienem, in quartanariis afficiuntur. Negandum tamen non est, lienem aliquid conferre, ut causâ remotior, sanguinem acidum subministrando. 8. Lien morborum adductorum sedes est remota, propter vapores inde elevatos; Idiopathici autem morbi primario à cerebro dependent.

Walæi de
usu lienis
sententia.

Ultima sententia, eaque verissima, est *Joh. Walæi*, Præceptoris quondam nostri meritissimi, ex *autoſia* & certa ratione deprompta. Is cum in vivis dissectionibus nullum humorum motum per venæ portæ ramum splenicum ad lienem observaret, certo concludit, non esse verosimile vel melancholiam ex hepate, vel chylum per ramum splenicum ad lienem ferri, quare nec lienem melancholicum recipere ab hepate excrementum, nec ex melancholia chylove in liene sanguinem fieri. Sed contra animadvertit semper, omnem sanguinem ex liene & celeriter satis & satis valide continuo ad hepar deferri, ut & illum ex vena hæmorrhoidali, vase brevi, & aliis venis quæ ramo splenico junguntur. Nullum autem humorum motum esse ad lienem nisi per arteriæ cœliacæ ramum splenicum: quare lienem aliunde naturaliter non accipere materiam quam immutet, quam ex arteria cœliaca: putat autem verosimile esse sanguinem ulterius perficiendum, à cordis calore dissolvi, & ubi is à corde adigeretur per arterias cœliacas in lienem, non totam illam sanguineam massam retineri à liene, sed ut vesica fellis tantum bilem, ita lienem partem sanguinis acidam vel crassio-rem capere, quam possis melancholiam appellare, non aliter ac destillatione Chymica segregari è rebus spiritum acidum videmus: Illum acidum humorem perfici à liene, à quo lien nigricans & acidus sentitur. Hunc acidum humorem permisceri postea sanguini in vasis, & chylo in ventriculo, & eos reddere tenuiores: quare obstructo liene crassos in corpore humores coacervari, non quod crassi humores à liene non trahantur, quos nec in eo naturaliter licet invenire; sed quod lien attenuantem illum humorem acidum nequeat sanguini chylove communicare. Hujus acidi humoris quicquid ad nutritionem ineptum est, id cum sero per urinam excerni, facile enim talia acida, ut acetum, spiritus sulphuris, aquæ miscentur, qui & acidus humor possit destillando ex urina iterum elici.

In melancholicis ex vena secta brachii, nigri & adusti sanguinis grumus, digitum longus, extractus apud *Fr. Ulmum* juniorem, unde ex *Vallesio* sentit, humorem melancholicum idem in sanguine præstare, quod in lacte coagulum & acetum. In hac sanguinis parte crassiori seu acida, plerique cum *Walæo* acquieverunt, fermentum sanguini hinc mutuati, & fluiditatem. Particulas acido-salinas & fixioris naturæ in fermentum acidum converti *Willisius* consentit, ibidemque in tincturam perficitur *Fr. Silvio*. Verbis non re discrepans *Cartesius* partes vocat quæ minus in corde inflammam-

flammari possunt, sicut vesicula fellis purgat illas quæ aptiores sunt ad inflammationem. More veteri *Mœbius* sanguinem terrestriorem copioso fero dilutum ulterius coqui & perfici. Quot auctores, tot in verbis sententiæ. In re fere omnes conveniunt.

Succum acidum ex liene provenire non credit *Highmorus*, quia in liene talis sapor, si comedatur, nunquam reperitur, & sanguis in illo ejusdem est saporis ac dulcedinis cum alio. Facultatem vero coagulandi seu fermentandi in omnium ventriculis, sicut in vitulo, vigere & esse semper. Recte *Swalvius* ex principiis quoque *Sylvianis*, sanguinem porulis lienis & carne spongiosa subigi, & ope spirituum fixum reddi volatile, quod acidum & austerum nimis temperari, exaltari, perfici, genuinam ut spiret gratiam. Et *J. Theod. Schenckius*; terrestrem illam seu melancholiam aciditas & acerbitas sequitur ex necessitate materiæ, quanquam dulcedo insit sanguini, estque agentis extrinseci alterantis effectus: Remissam dulcedini non contrariari, sin intensa, esse vitiosam.

Usum vero duplicem assignat *Highmorus*: 1. Ut calore *Highmori* suo, quasi foco supposito, concoctionem promoveat, ut *usus*. motu inter particulas ciborum inde oborto, facilius per fermentum stomachale & partem potulentam fiat salium solutio. Sed communis hic usus, minus ex dignitate visceris. Quid fiet ventriculo, quando laxatis ligamentis procumbit in hypogastrium? *Riolani* est prognosticum, multum lædere & turbare ventriculi actionem, si illi incumbat. *Æmulum* tamen hepatis æstuarium est *Pecqueto*, proprio quoque fomite ex copiosis arteriis, ventriculo ad concoctionem calorem subministrans. Hinc bibulas magis animantes, ampliori splene donatas, quia ventriculus adversus aqueum frigus densiore indiget incalescentia: in iis quæ parum bibunt, parvum esse, quæ nihil, nullum, quia illis ad calorem jecur sufficit. 2. Ut per nervum mediantibus nervosis illis fibris, sanguis à spiritibus animalibus ad nutum passionum commoveatur & agitetur. Agiraretur autem tum prius jecur, quo sanguis fertur, quam cor.

Glissonius ex novis suis principiis aliud officium attribuit: *Glissonii* ut vehiculum succi alibilis per fibras nervosas à sanguine se- *usus expen-*paretur, & in nervos sibi conjunctos transferatur; hinc in *dicitur.* nervorum plexum glandibus renalibus aditum, traduci, ubi nervorum confluxus, eidem excipiendi par in promptu est, & cum succo alibili à glandulis mesentericis & lumbaribus promauante mistum, tempore somni præcipue intro
ad

ad cerebrum, & spinalem medullam simul cum eo confuere, quo potissimum tempore liquore illo nutriuntur: Excusso vero somno, cerebrum & medullam spinalem sese contrahere ac tensiora evadere; hinc motum succi alibilis in nervis fieri refluxum, ferrique pedetentim liquorem illum partim in solidas partes nutriendas, partim ad glandulas e-munctrices. Ingeniosum usum nulla observatione firmat, nec unquam in nervis vel fibris lienis quicquam succi alibilis monstravit, etiam eo tempore quo maxime eo turgere debent. Hinc difficultates movent *Higlmorus & Deusingius*, quarum hæc summa: 1. Credibile non esse aquosos humores absorptos per nervos ad cerebrum refundi. 2. Quomodo vehiculum succi alibilis à sanguine separaretur in animalibus liene carentibus, aut quibus exsectus fuit? Certe canes, quibus ademptum lienem vidi, commode nutriuntur & expedite se movent. 3. Lien nobilior subsidiariam glandulis operam præstabit. 4. In cassum diversas partes pro succi alibilis & vehiculi ejus præparatione constitui, cum in chyli generatione ambo simul præparentur in ventriculo. 5. Motum reciprocum, si quidem possibilis, in nervis perfici non posse, quia liquida seipsa movere nequeunt, nec in nervis virtus invenitur pulsifica, qua à loco ad locum promoveantur. 6. Si excusso duntaxat somno recedit ad partes nutriendas, infantes & animalia diu dormientia, non nutrentur, vel marcescerent. 7. Cur nervis his aliud quam cæteris officium? Sed ad nostra redeamus.

Quatenus ergo lien acidam sanguinis partem ex corde trahit, & mittit præparatam ad mesenterium, ut reliqua pars ab hepate elaboranda fiat purior & illustrior, potest quodammodo locum habere antiquorum opinio, statuens lienem esse risus sedem. Etenim animalia alacriora plus splenis habent; salaciora plus jecoris; placidiora minus fells; timidiora plus cordis; magis vocalia plus pulmonis, &c. Unde illud:

*Cor ardet, pulmo loquitur, fel commovet iras,
Splen videre facit, cogit amare jecur.*

Quomodo
excernat
excrementa
sua tenuia? Quamobrem lien sanguinem præparat pro commodo viscerum infimi ventris, & totius corporis, eo quo dictum modo. Et pars excrementitia, quæ à liene separari non potest, expurgatur, si tenuis & aquea 1. per arterias, non solum ad intestina, verum etiam ad renes per emulgentes, (Hinc in affectibus splenis urinæ sæpe nigræ, ubi propterea diureticis utimur. Et splenetici atque melancholici dicti abundant sero, ut ex *Hippocrate & Galeno* notum, nam serum

crat-

crassissimi humoris vehiculum esse debuit. Hinc quartana-
rii copiosissime sudant, meijuntque) & in nimia copia per
hæmorrhoidales. 2. per ventriculum (unde in scorbuto sa-
livæ proventus uberrimus, uti & in quartana, adeo ut sali-
vationem in numero signorum ejus posuerit *Galenus*.
Hinc etiam melancholici sputatores insignes esse solent)
mediante non solum vase brevi, sed & aliis vicinis vasibus.
3. Per Lymphatica vasa.

Si crassa & terrea fuerit, per anum evacuatur recta (non *Quomodo*
ventriculo mediante:) nam 1. à melancholia, ut docet *Galenus* *crassa?*
lenus, excrementorum est nigredo. 2. à pondere & gravidi-
date deorsum cogitur. 3. humoris nigri per hæmorrhoidas
internas vacuatio, à præsentibus morbis melancholicis libe-
rat, à futuris vero præservat, ut locis plusculis docet divi-
nus senex.

CAP. XVII.

DE RENIBUS.

Ex sanguine triplex repurgatur excrementum: bilis te- *Triplex ex-*
nuis in folliculum fellis, bilis crassa in canalem bila- *crementum*
rium, & serum in renes, & in lymphatica vasa. Quia ergo *sanguinis*.
de priorum duorum excrementorum receptaculis dictum
est, de tertio quoque nunc agendum, Lymphaticis ad *Libell*.
de Ven. rejectis.


RENES à fluendo dicti, quod per eos materia urinæ fluat, *Renum*
Græcis *νεφει* appellantur, quasi mingentes, à *νεφειν*; à qua *etymon*.
etymologia nihil diversum sentiunt, qui ex *Varrone* quasi
rivulos dictos renes putant.

Bini reperiuntur, quia inter omnia excrementa serosum *Numerus*.
est copiosissimum, & utramque bilem excrementitiam su-
perat, ob sanguinem, cujus vehiculum esse debet, donec
sanguis in cavæ ampliores venas pervenit; & ut uno affecto,
alter humorem trahat serosum: verum enim non arbitror
quod tradit *Beverovicus*, & *Lofelius* post illum, uno rene *An uno re-*
affecto alterum quoque urinam non expurgare. Idem ob- *ne affecto*
servat *Riolanus* doctus à *Foresto*. Vidi & ego, sed sciendum *alter offi-*
in illis exemplis, simul obstrui lotium interdum in calculo- *cium non*
sis, quia alter ren prius fuerat calculo obstructus. Contra- *faciat?*
rium enim apparet in iis quibus ren alteruter tantum calcu-
lo grandiori obstruitur, aut ulcere consumptus est; & con-
trarium ac illi existimant, in aliis partibus contingit, uno
oculo læso alter videt, consumpto omni pulmonis lobo in
una

FIGURÆ EXPLICATIO.

Instrumenta urinaria , & generationi inservientia virilia in suo situ ostendit.

- A A A. Hepatis pars sima.
 B. Vesicula fellis.
 C. Ductus biliaris sursum reflexus.
 D. Vena Cystica.
 E. Arteria tum in hepar , tum ad vesiculam distributa.
 F. Vena umbilicalis sursum revoluta.
 GG. Venæ cavæ truncus descendens.
 II. Venæ emulgentes.
 KK. Renes in situ naturali.
 LL. Arteria emulgentes.
 MN. Capsule atrabiliarie cum propaginibus ex emulgente in illas distributis.
 NN. Ureteres è renibus ad vesicam descendentes.
 O. Vesicæ urinarie fundus.
 PP. Ureterum ad latera vesicæ insertio.
 QQ. Urachi portio.
 R. Portio recti intestini abscissi.
 SS. Venæ præparantes , quarum dextra ex trunco , sinistra ex emulgente vena nascitur.
 T. Corpus pyramidale ex venarum & arteriarum præparantium unione ortum in sinistro latere expressum.
 VV. Arteriarum præparantium è trunco aortæ origo.
 XX. Testes , quorum sinister communi integumento est exutus.
 YY. Vasa deferentia , quæ à testibus ad abdomen ascendunt.
 Z. Penis.
 a a. Scrotum , quod testem sinistrum integebat , ab eo separatum.
 b b. Ilia.
 c c. Ossa pubis.
 d d. Lumbi.



una parte; alter respirationem promovet, nisi forte utraque pars à communi causa afficiatur, alioquin enim interdum id tantum fieri, fateri coguntur. Raro unicus tantum reperitur, isque magnus in medio positus, cum alias corpus in æquilibrio non esset, nec vasa commodè ferrentur. Monstrosum est, si in unum uterque inferiori loco colligatur, mutua cohæsiōe; quod Patavii vidimus. Rarius tres vel quatuor reperiuntur, invicem sibi vel impositi, vel subjacentes, quando scilicet copiosum serum colligitur.

Situs.

Situs habent sub hepate & liene, ubi incumbunt spinæ lumborum musculis, inter duas peritonæi tunicas, ad latera venæ cavæ & arteriæ magnæ, sub quibus maximi nervi reconduntur, tam ipsius muscoli Psoæ, quam alii ad crura hæc manifeste transeuntes; unde fit ut calculo in renibus existente, stupor in ejus lateris crure perferantur. Rarum est quod observavit *Cabrolus* spinæ ipsi lumborum incumbere. Neque plane è regione sibi invicem oppositi sunt; ne tractioni impedimentum aliquod esset, & ne pars aliqua feri præterlaberetur. Sed *dexter* ren in homine inferior est, ut credat jecori, cui proxime subjacet, sine suo tertiam vertebra lumborum attingens: raro elatior est sinistro, raro etiam situ sunt pares bini renes. Sinister ut plurimum lieni ex parte subjicitur, raro liene superior est. In brutis contra liendeorsum magis vergit, & ren dexter magis sursum, quare hepatis ipsorum sinus inculpitur ob renem; quod in homine non fit, secundum naturam. Notant hic quidam, dextrum renem viciniorem esse cavæ, sinistrum magis remotum; ob sinistram emulgentem, quæ longe quam dextra est longior.

Magnitudo.

Magnitudo non semper æqualis utriusque est, ut plurimum tamen. Longitudo fere est quatuor vertebrarum; latitudo plerumque trium digitorum; crassities pollicis, dexter tamen sinistro major est plerumque, quia ob calorem dextræ partis vehementius trahit serosum sanguinem, nisi à morbo erodatur, ubi gracilescit, & extenuatur. Majores etiam sunt salacioribus, ut cum aliis observavi. Sed non æque semper ad corpus conveniens eorum est proportio.

Superficies.

Superficies sicut in jecore est lævis & lubrica; raro & præternaturaliter in homine inæqualis, quasi ex multis renibus vel glandulis renes essent compositi, quod frequenter in fœtu utero adhuc conclusio quivis deprehendere potest: & in adulto bis terve vidit *Marchettus*, fierique posse consentit *Veslingius*, quanquam in adultis carnosum corticem obducit *Riolanus* prætendat. Uti fere semper fit in bove & urso, in vitulo,

vitulo, & omnium elegantissime in Tursione, instar racemi uvarum quadratis triangularibusque tessellis compacti artificiose, ut in Anatome ejus demonstravi.

Color ruber est obscure, raro intense rubet. In male affectis varie colorantur renes; quemadmodum & hepar & lien. Colori

Figura est phaseoli, item folii asari, si planam superficiem spectes. Exterius in dorso seu ad ilia gibbosa & rotunda est figura; inferius ad partem supremam & imam gibba, sed ad mediam concava & sima. Renem sinistrum triangularem vidit *Helmontius*, ubi dexter ne avellanam æquabat. *Hippocrates* pomis comparavit: sine dubio latioribus & rubris; nisi per *μῆλοισιν* similitudinem quoque renum cum aliis brutis indigitaverit. Figura

Conneſtuntur per membranam externam, quæ à peritonæo est, lumbis & diaphragmati, per emulgentia vasa calæ & aortæ, per medios ureteres vesicæ. Et dexter ren cæco intestino, quandoque & jecori, sinister lieni & colo. Hinc flatuum & excrementorum copia axacerbatur nephritis, & à colico sæpe discerni nequit, ut etiam in eo sit deceptus *Galenus*. Connexio

Membranam duplicem habent: primam internam proximam & propriam, absque pinguedine & venis, tenuissimam; nam à tunica externa & communi vasorum ingredientium dilatata, (nam vena ingreditur tantum cum una tunica) quæ cum arcte connascatur, carnem compactiorem reddit, & intro reflexa comitatur vasa, ventresque subit & succingit. Alteram externam à peritonæo, seu ejus duplicatura, laxè adhærentem, unde *fasciam renum* vocant. Est enim renum involucrum & stragulum, quia multus ei adeps circumfunditur, in ejus gratiam venam adiposam dictam recipit, adeo ut renes in obesis occultari non appareant. Unde scrutari renes dicitur, qui occulta scit aut rimatur; Scriptura enim duabus vocibus utitur כְּלִיֹּת & מְחֵת illud à perficiendo di-

ctum vult *Mercerus* & consummando, quod in renibus vis consultandi insit & consilii perficiendi: Hoc à מְחֵת litura obductione derivant, & radice מְחֵת linire, incrustare, quandoquidem renes adipe incrustantur & occultantur. Scrutari renes quidem de concupiscentiis & Venerea delectatione explicatur à quibusdam à כְּלִי desiderare, teste *R. Davide* & *Pagnino*, vel à כְּלִי vase, eo quod in renibus & ex his sit illarum rerum libido: tamen etiam hoc est occultum scrutinium; Furtiva Venus noctes amat & occulta, quod fusc in

FIGURARUM EXPLICATIO.

Tabula proponit renes, tum integros, tum discissos, ut vasorum ingressus egressusque spectentur.

F I G. I. Renum formam & emulgentia vasa exhibet.

- AA. Membrana renum communis adipe circumfusa separata.
- BB. Capsula atrabiliaria, seu renes succenturiati.
- CC. Renes.
- D. Membrana renum propria particula separata.
- EE. Truncus venæ cavæ descendens.
- FF. Truncus arteriæ magnæ descendens.
- GG. Ureteres.
- HHH. Venæ emulgentes.
- II. Arteria emulgentes.
- KK. Venæ spermaticæ.
- LL. Arteriæ spermaticæ.
- m. Venæ adiposa ex emulgentē.
- n. Arteria adiposa.

F I G. II. Vasorum emulgentium in renum sinuam partem ingressum demonstrat.

- AAA. Renis dissecti facies interna.
- B. Pelvis ureteris.
- C. Venæ emulgens variis ramis in renem diffusa.
- D. Arteria emulgens multifariam divisa, venæ ramusculis sese jungens.

F I G. III. Ureteris exortum adumbrat.


- AA. Ren dissectus.
- B. Sinus amplius, seu pelvis ureteris circa renem.
- C. Ureter deorsum vergens.
- DDD. Tubuli ureteris carunculas amplectentes.
- EEEE. Caruncula papillares.

F I G. IV. Carunculas ostendit.

- AAA. Discissi renis aspectus.
- BBB. Ureterum, quæ carunculas ambiunt, oræ aperte.
- CCC. Caruncula papillares dictæ, quæ urinam in renes transcolant.

F I G. V. Apertus Ren in sinum usque exhibetur.

- AA. Ren per gibbam partem divisus.
- BBB. Caruncula per medium sectæ.
- CCC. Tubuli ureteris.
- D. Vulnus in ipsum usque sinum penetrans.



Vindiciis nostris *Anatomicis* contra *Hofmannum* demonstravimus. Adeps autem datus ad renum calorem servandum à feri copia, & ad vasa tuenda; dextro minus, si credimus *Aristoteli*, plus sinistro: quia calor dextri vel concrefcere non finit, vel concretum liquat. Hoc cubatu molli ipsis opus esse *Lindanus* conjicit, ne lumborum attritu doleant. Imo temperari calorem renum, & præservari ab ardore. *Malpighio* probabilius ex subintrante pinguedine pelvis membranas & fistulas, quibus separatur urina, obliniri contra acredinem & falsedinem urinæ: Forsan etiam non exiguam adipis portionem, cum redeunte sanguine, per venam cavam commisceri; contabescere enim renes & corpus, eo adipe absente, ex *Foresti* observatione.

Substantia. Substantiam vel carnem habent duram, compactam & densam, fere ut Cor, sed non ita fibrosam, quia vasorum adfunt fibræ. Sed ad sinus interni utrumque latus, remoto adipe, apparet substantia laxa, inæqualis & cavernosa. Hæc caro subinde absumitur putretque, unde vermes in renibus. In cane ejus magnitudinis vermem vidi (vidit & *Blasius*) in rene dextro cochleæ instar latentem, ut præter externam renis tunicam nihil superesset ex carne.

Canalicularia. De substantia ita hætenus credidimus. At nuper *Laurentius Bellinus* prodidit, substantiam Renum, nihil aliud esse quam *canaliculorum* & *capillarium meatuum*, per quos urina in pelvim effluat, aggeriem, nec aliam in illis carnem reperiri. Secto enim per quamvis partem Rene, satis aperte conspici *fibras* quasdam seu *filamenta*, à superficie externa ad cavum usque pelvis producta. Versus externam renum partem *subrubro* colore esse, at ubi Pelvim subiere, *albedinem* induere, & invicem contexta & implicata *desinere* in cavitate Pelvis, non in *plures papillulas* divisas, sed in *unum corpus* abeuntia, etiam in homine. Ablata enim Pelvi in conspectum venire *fibrosam* Renis carnem, non in *plures mamillas distinctam*, sed inordinato, tortuoso & implicito ductu pelvim undiquaque circumdantem. Hæc *filamenta* esse *meatus* & *canaliculos*, per quos serum salsum stillat in pelvim, si ab altero illorum extremo pelvim spectante comprimantur, inde enim prodire urinam, quasi ex tot siphunculis. Si coloratus liquor tam venæ quam arteriæ emulgenti injiciatur, ubique conspici intumescantiam & surculos. Perspicillis id quoque observari. *Fibras* nonnullas cavas esse, negari non potest; sed aliis quoque imperviis carnosis fibris donari renum substantiam, concedi pariter debet. Hinc in Observationibus suis, *Amstelodamenses* notant, in renibus ca-

minis

ninis videri, quo pacto à pelvi, per glandulosam substantiam, usque in carnosam renum partem, deducantur fibræ quædam albæ, per quas serum coletur: ipsam vero glandulosam substantiam, si prematur, nil nisi serum emittere, carnosam simul sanguinem. Perspicilla fallere quandoque possunt, quia, ut recte *Jac. Hem. Paulli*, facile vel inæqualitas quædam pro vasculo, vel rimula, vel tenuis ruptura pro fovea vel poro accipitur. Sed persequamur Renum historiam hætenus receptam;

Ventres quasi binos acceperere; exterior in parte ima, *Fallopianus* porta dictus; per quem emulgentia vasa feruntur, & primum ingrediuntur bipartita, statim vero plerumque quadripartita disseminantur in totam renum substantiam, donec tandem in tenuissima capillamenta absumuntur. Interior nihil aliud est quam sinus ureteris amplius, hoc est, sinus membraneus, factus ex ureteribus, in cavo renum expansis & dilatatis. Ureteres vero in progressu intus non attenuantur, ut alia vasa, sed ramorum, octo aut decem ut plurimum, instar fistularum fines habent latos & apertos cribri in modum *Ruffo*, excipientes carunculas nonnullas.

Caruncule hæ sunt instar glandularum, minus coloratæ & duriores reliqua carne. Primus eas *Carpus* invenit, quamvis *Rondeletius* se primum inventorem ait, & mammillares vocat processus. Alii papillares carunculas appellant, quod papillis mammarum simillimæ sint, pisi sunt magnitudine, superius sunt latiusculæ, inferius convexæ; & perforationes habent angustissimas, ut vix capillum admittant: qui sulci & canaliculi observantur, *Eustachio* describente, si secundum longitudinem renes secantur; qua sectione quoque carunculæ secantur & conspiciuntur. Loco harum calculos in bove inveni. Tenuës debebant esse perforationes, ne sanguis pro nutritione renum requisitus una efflueret cum sero & bile in ureteres, quod alioquin fit renibus male affectis, aut meatibus nimis patentibus. Per canaliculos hos lotium in urinarii meatus ramos percolari non dubitat *Eustachius*. Num autem à tenuissimis venis & arteriis fiant, an in ipsa renum substantiâ sint excavati, ex Anatome judicare non potuit. *Lindanus* extrema esse arteriarum pronunciat. Quid si *Bellino* hic præluxerit *Eustachius*?

Vasa habent omnis generis. Venas à cava.

1. *Emulgentes* ab officio dictas, *Blasio* potius *Renales* vel *Referentes*, quæ magnæ & insignes sunt, ob seri in corpore copiam: in quibus valvulas observari ait *Bauhinus*, prohibentes seri in cavam regressum, sed aliud docet experientia,

Vena ex

arteria e-
mulgentes.

Vascula in
vena.

FIGURARUM EXPLICATIO.

Ex L. Bellino.

FIG. I.

Renis humani ab Uretere ad pelvim usque per longum secti.

AAAA. Ren dissectus.

B. Ureteris dimidium ad dextram reflexum.

C. Alia Ureteris medietas ad sinistram inclinata.

D. Vena Emulgentis ramus.

E. Arteriae Emulgentis ramus.

F. Alter vena Emulgentis ramus.

GG. Pelvis aperta.

HHH. Quaedam papillaris corporis portiones à Pelvis tubulis conspiciuntur.

I. Principium Ureteris.

FIG. II.

Humani renis medietas Pelvi vasisque plurimis liberata, ut unio & coitus tortuosus Renalium ductuum repræsentetur.

AA. Extrema filamenta ad extimam superficiem desinentia.

BB. Renalium ductuum coitus, qui papillare corpus tortuosum efformat.

CC. Guttulae feri à papillari corpore digitis expresso effluentes.

FIG. III.

Ejusdem papillae portio separata.

AAA. Fibrarum extremitates ad superficiem Renis protensa.

BB. Albicans ejusdem papillae pars, ex qua

CC. Guttulae feri eliciuntur.


FIG. IV.

Cervinae papillae portio à Rene separata.

A. Cervinae papillae albicans pars, ex qua serum exprimitur.

B. Filamenta ejusdem à Pelvi ad usque Renis superficiem continua.


III



II



I



IV



latiori enim sua parte cavam, acuminata & lunari renes spectant, à quibus aperiuntur ex *Harveji* observatione, quam *autores* veram inveni & demonstravi, ut facile aliquid à renibus per emulgentes ad venam cavam possit remeare in solennis circuli circuitu. Brevi & obliquo ductu feruntur deorsum ad renum sinam partem, quemadmodum & arteriæ emulgentes, quæ insignes sunt, ab aortæ trunco ad renes derivatæ non tam ad calorem vitalem suppeditandum, ut frigiditati obviam eatur, quam ad renum nutritionem, & ad serum in sanguine arteriali copiosissime contentum expurgandum; vasa enim hæc emulgentia, raro sibi similia aut unius numeri, sed aliquando senis, quinis, quaternis, ternis, plerumque binis ramulis distincte renes adeuntia, idque vel uroque latere vel alterutro, raro unico, ubi ea sinam renis partem ingressa sunt, uterque ramus subito in quatuor aut quinque minores subdividitur, qui rursus in alios minores dirempti, tandem in capillares minimasque venulas arteriolasque resolvuntur, quæ ad capita caruncularum desinunt, in quæ serum transfundunt, ut ad ureterum tubulos distillet: nusquam tamen emulgentes ad tubulos ureteris aperiuntur. Flatu enim aut aqua immissa, per emulgentes quidem fluit, per tubulos autem non effluit. Emulgenti sinistro quibusdam inseritur furculus venæ *αζύγης*, à quo consensus creditur thoracis cum renibus, quem arteriæ non leviter promonent.

De ramis emulgentium minoribus notat *Bellinus*, tunica pelvis involutos per fibrosam carnem dispersos circulariter illius partes amplectentes, orbicularem figuram æmulari: & ab interna horum circulorum seu alveolorum parte prodire minores furculos simili forma orbiculari, sicut *Highmorus* descripsit. At à se inventum addit: ab externa circulorum parte, tam arterias quam venas capillares produci, quæ ad extimam usque Renis superficiem excurrentes, undequaque fibrosæ carni miscentur, quod videri posse demonstrat abrafa carne & immisso humore colorato in venam & arteriam emulgentem, tum enim per superficiem renis exsudare liquorem; & secto rene, filamenta directa apparere, eodem colore tincta ad superficiem pertingentia.

Adiposa.

2. *Adiposa.* Dextram ab emulgente, rarius à trunco, sinistram à cava productas ad exteriorem tunicam, quæ sanguinem continent pinguedinis. Ex adipe propriis vasis *adiposis* per membranam adiposam propagatis hæc deducit *Malpighius*. Aliis porro vasis ad nutritionem non indigent renes, præter arterias, nonnunquam ex aorta immediate, inter-

interdum ex cœliaca ortas, sicuti vesica biliaria & urinaria; nam non ut hæc purum excrementum trahunt.

Nervum utrinque unum habet exilem à *Stomachico* sexti *Nervi*. partis ramo in propriam membranam distributum, unde ventriculi & renum consensus, ut in nephriticis ventriculi subversio & vomitus. Pauca vero nervorum propagines circa principia arteriarum mesenterii prodeunt, quarum pars cum arteriis emulgentibus cavum renum subit, & per substantiam disseminatur. Hinc nephritici dolores gravativos habent vehementiores: sed dolor tamen fit acrior, si calculus in ureteres angustos & valde sensibiles ingreditur. Interplexum hepaticum & renalem nervum amplum protendit *Willisius*, unde consensum ventriculi & nephriticorum repetit, quia in tali vomitione vasa cholidocha irritata inaniuntur.

Cur in calculo renum vomitus?

Vasa Lactea propter viciniam renibus communicare in *Hist. Lact. Thor.* suspicabar, quia brevis ea esse via videatur, quæ 1. potiores citissime & copiose mejant. 2. In diabete legitima potus talis brevi reddatur, qua fuit assumptus. 3. In quibusdam lac seu chylus cum urina fit redditus. 4. Nephriticos exhibita lithonriptica statim subinde sublevant, vel Venerem stimulantia, legumina, &c. brevi mora & sine impedimento viarum ad arterias emulgentes & spermaticas deveniant. 5. Diuretica in urinis odorem & colorem imprimant. 6. Cum cibis deglutita multa, acus, pili, apii radices, fungi, muscæ, semen anisi, carbones, alkekengi, paleæ, olus, &c., simul cum urina sint reddita. Defendit id mecum *Mæbius*. Hinc in fœminis plerisque, ut & aliis in temperaturis frigidioribus, ex chylo aquosiori, semper tale albicans sedimentum in urina etiam sana deprehendi. Alii communione manifestam non inveniunt. Tutatus sum interim hanc thesin in *Defens. contr. Riolanum*, & in *Hep. Exaut. contra Schenkium*, commodiorem ob viæ brevitatem, quam per vulgares ambages. Vicinitatis jus multum posse, viis nobis, non Naturæ, ignotis, variæ in corpore *metastasis* doceant, alibi propositæ.

Lactea.

Lymphatica vasa ad renes quoque lympham immediate ob viciniam deducere, in *Hist. Vas. Lymph.* dubitabam. Mediate per lacteas vicinas concedit *Mæbius*. Lymphæ ductus Renibus assignat *Bellinus* accuratiori manu aliquando ostendendos.

Hæc vero *structura* renum est in homine. Nam alia in cane *structura* est, ubi alia adsunt cavitates, in hominis vero renibus nullæ, nisi quæ ab emulgentibus & ureteribus varie divisas formantur.

M 5

Ficti-

*Cribrum
benedictum
antiquum.*

Fictitium quoque *veterum* nonnullorum est de *cribro benedicto* somnium. Finxerunt enim, in renibus duas cavitates secundum longitudinem sitas: unam supremam, in quam sanguis serosus ex emulgentibus effunderetur, alteram infimam, quas transversa quædam membrana distinguere putabatur, instar cribri angustissimis foraminibus pervia; unde colatorium vocarunt, & benedictum cribrum, per quod voluere percolari serum in ureteres, sanguinem vero probum remanere pro nutritione renum. Hæc antiquorum

Vesalii error.

somnia *Vesalius* recte rejicit; sed interim hallucinatur, dum cavitates retinet in humano rene, quales in canino cernuntur, prohibetque secari renes hominis & ovis ob pinguedinem. Defendit hoc cribrum *Riolanus*, sed per carunculas tantum explicat, ut nos, tenuissimis foraminibus pervias, ut supra dictum.

Pororum figura.

His foraminibus seu *poris* certa magnitudo & figura assignatur ex *Cartesii* principiis, quibus accommodati liquores permeant, non alii diversi. Frustra enim, ut *Pecquetus* bene urget, postque eum *Deusingius*, circulari foramini triangulum æqualis cum illius diametro altitudinis, ut & trianguli quadratum, aut aliud ejusmodi Polygonum coneris intrudere. Hinc bilis excluditur, quando serum admittitur, quia figura utriusque est diversa.

*Quomodo
seri secretio
fiat?*

Quomodo sine facultate secretrice, seri in renibus secretio fiat, aperit *Bellinus* ex mente *Jo. Alph. Borelli*. Sanguis quippe per arteriam emulgentem ad subtilissimas arteriolas renis, inde extra vasa effluit in spatiola inania, ubi & venæ emulgentes capillares, & Renales ductus sibi proportionatos ingreditur, pelliturque motu diaphragmatis, compressis renibus, ad pelvim, sanguis vero ad venas, ut ad cavam regrediatur.

*In venum
usu Aristotelis error.*

Usus. Erasistratus & Asclepiadis sequaces frustra à natura conditos renes putarunt. Et *Aristoteles* quandoque asserit, nullam eos necessitatem habere. Sed

Urina quomodo fiat.

Usus est, serosum sanguinem attrahere per emulgentes arterias, ut ita sanguis repurgetur. Per hæc vasa ergo egrediens sanguis semper fertur per ramos emulgentium, qui in carnem totam renum disseminantur, & in tenuissimas tandem abeunt vias, ut in carnem renum tandem effundatur recta humor serosus: pars vero sanguinea & laudabilis partim remanet pro nutritione renum, partim per emulgentes venulas patulas in cavam redit ad cor, serosa & aquea percolatur per carunculas papillares, perforatas in ramos ureterum, qui in unum amplum sinum sive ureterem expansum coeunt,

coëiunt, in quem effunditur serum, & per ureteres in vesicam, unde urina. Quia vero flavescit urina, putatur portio bilis flavæ à folliculo fellis non repurgatæ cum sero permiscere, ut mundentur ureteres à bile, sicut intestina.

Colthasius, Sennertus, Olaus Wormius, quos magno numero sequuntur alii, Hofmannus, Meibomius, Horstius, Lofelius, Eickhsadius, Sperlinger, & plures, præparationem renibus attribuunt, quod calidi renes propensionem ad libidinem, frigidi Veneris segnitiam adferant, quod in iis animalibus quæ Venere utuntur, odore saporeque seminis virus referant, quo destituantur castrata. Quod in Gonorrhœa à seminis copia, remedia refrigerantia non sine successu renibus admoveantur: Quod ex lumbis egressi dicantur homines, iidemque pro libidinis sede decantentur: Quod iis flagellatis Veneris appetitus suscitetur: quod denique in salacibus rabies nephritica contingat, quæ certe non sunt nullius momenti, nisi forsan odor saporque inde renibus adveniat, quod talili nutrimento nutriantur, qualis seminis materia est quæ ad generationem seminis vicino loco defertur. Et cum renes calident aut frigent, vicina quoque caleant frigeantque loca, per quæ seminis materia defertur, in quibus alteratur, quare & constitutioni renum semen respondeat. Putat enim Joh. Waaleus, huic renum usui circulationem sanguinis obstare; nam à renibus ad testes non defertur sanguis, per emulgentes & venas; sed tantum ex aorta per arterias Spermaticas delabitur. Posset tamen cum circulari sanguinis motu conciliari hæc renum actio à tantis viris defensa, si dicamus 1. sanguinem arteriosum serosiores trahi à renibus per emulgentes arterias, unde reliquus qui recta descendit per arterias Spermaticas sit defœcator & semini aptior. Cujus id iudicium habemus, quod si renum attractio imbecillior sit, sanguisque serosior ad testes deveniat, ad generationem ineptum semen effundatur, quanquam copiosius. 2. A renibus irradiari vasa Spermatica vicina, quemadmodum cerebri subjectas sibi partes irradiat insita proprietate, luminis æmula. 3. Si quidquam ad testes ex renibus ferretur, facile esset à sero rem expedire, quod acre titillationem excitat ad stimulum desideriumque Veneris. Non enim Helmontii argumentis persuadeor, sal lotii tollere semini fecunditatem, si moderatum fuerit, cum juvet & acrimonia sua semen & fluiditate. Carent quidem aviculæ maxime salaces renibus & vesica; sed renibus vicarium quid habent, neempe carunculas quasdam renum speciem ostendentes, teste Aristotele, aliisque continuas cum vena cava & aorta per emulgentia vasa.

An venæ
præparent
semen?

Conciliatur
hæc senten-
tia cum
circulatio-
nis doctri-
na.

Beve-

*Angene-
rent san-
guinem?*

Beverovicus sanguificationem quandam renibus tribuit. 1. Quod parenchyma, & plurima vasa habeant. Sed parenchyma potuerint ob vasa habere, ne implicarentur: vasa autem debuerunt habere plurima quo copiose serum expurgarent, ita ut plurimis minimisque ostiolis serum ad carunculas sine sanguinis copia emitteretur. 2. Quod qui in sanis rubri, clari, solidi, pro morbi specie, modo obscuri & subnigri, modo subalbidi inveniuntur, interdum laxi & fragiles & quasi putres, interdum duri & aridi. Sed id potuit contingisse, quod ut reliquæ quædam partes, ita & ipsi renes ægrotaverint, aut quod præ morbo læsa alibi concoctione, bono nutriri sanguine non potuerint. 3. Quod cruda calculosorum sint urinæ, sed ejus rei aliam vulgo reddere causam solent, quod obstructis renibus tenuiora tantum queant exire. 4. Quod quasi ex leucophlegmatia calculi tumeant & pallefcant; verum id facile contigerit quod à debilibus renibus, aut non satis è corpore trahatur serum, aut renibus obstructis debite haud possit expelli. Si tamen asserere is aliusve velit, quod admissa illac sanguinis circulatione, sanguis hic paulo amplius quam in simplici vase immutetur, me non habebit adversantem. Pro se quidem sanguinem mutant, sed pro reliquo corpore tantum serum expurgant.

CAP. XVIII.

DE CAPSULIS ATRABILARIIS.

HÆc vasa à plurimis negliguntur, nec observantur: quamvis semper & in omnibus cadaveribus inveniantur, quidquid contradicat *Archangelus*. Neque statuentum est, esse has capsulas ex superflua materia, ut est sextus digitus.

*Inventor
primus.*

Prima inventio horum corpusculorum debetur *Bartholomæo Eustachio*, qui sub glandularum nomine meminit, & post eum *Archangelus* & *Bauhinus*. *Casseri*us renes succenturiatos vocat. Nos ob usum, quem iis tribuimus, capsulas atrabilarias vocabimus. *Whartonus* glandulas ad plexum nominat, seu glandulas ad plexum nerveum sitas.

Situs.

Sunt vero capsæ hæc ita sitæ, ut foris incumbant renibus parte superna qua cavam venam respiciunt, adipe tectæ & membranis. Hepati dextram adhæsisse semel vidi.

Numerus.

Numero tot sunt quot renes. Cuilibet enim reni una capsula incumbit. Quatuor nobis aliquando visæ, quarum duæ
majo-

majores figura quadrata supra, totidemque minores figura rotunda, sed inæquali & aspera, infra emulgentes crant sitæ.

Magnitudo non semper æqualis; ut plurimum dextra sinistraam superat, aliquando tamen & hæc illam, in fœtu renes scere adæquant, forsan quia humidiores, & dilutiorem succum melancholicum continent, quem cum fortiter satis non expellant, sed coacervant, hæc capsulæ dilatantur. In adultis vero arctantur, minoresque fiunt, quanquam proventus melancholiæ illis sit uberior, partim quia paulatim collecta melancholia paulatim excernitur ob robur naturæ; partim quia serum à calidioribus exsiccatur, quo fœtus abundabat; partim denique quia crescentibus renibus comprimuntur: tamen in adulto ob atræ bilis copiosum proventum (dupla magnitudine semel observavi, quum alioqui majorem nucem vomicam non superent.

Cavitatem habent internam manifestam in majori extremitate tam in adultis quam fœtu, extrema totius fere capsulæ interius ambientem, in qua humorem quendam continereprehenduntur fœculentum & nigrum, ut etiam parietes interiores eo nigrore tincti appareant. In infantibus subinde sanguis serosus mihi apparuit. Miror cavitatem hanc non vidisse *Riolanum*, vel videre noluisse, quantum adeo exiguum clamitet, ut vix tenue pisum admittat, capacior tamen est subinde, & semper adeo diffusa, ut multa pisa compressa capiat, & stilum hinc inde adactum sine violentia. Capax igitur continet spatium respectu exigui corporis. Nec unquam natura frustanea etiam in minimis venarum capillarium spaciis. Exigua est recepti portio, sed multa censetur, quia successione recipitur & ejicitur. Posset quidem à sanguinis permistione mitescere hic humor, sicut & billis posset, utrique tamen excremento sua vasa & receptacula dicata sunt, ne sanguis inquinetur. *Lindanus* nos veros putat in fœtu, *Riolanum* vero in adultis. Sed in fure satis adulto demonstravi Hafniæ cavitatem quæ 12. pisa capiebat. *Blasius* similia observat. De hac cavitate duo notat *Wharthonus*. 1. In eam plurima è glandulæ substantia prodeuntia foramina hiantibus osculis terminari. Forsan ex Lymphaticis. 2. Cavitatem ipsam, in venam sibi proximam dehiscentem, ibidem *valvula* muniri, venam versus apertam, retrorsum clausam.

Figura & substantia sæpe renibus respondent, nisi quod hæc monnihil laxior sit, ut videantur quasi parvi renes magnis incumbentes. Unde forte *Casserio* renes succenturiati dicun-

Magnitudo.
Vide Tabulam.

Cavitas

Riolanus notatus.

Figura & substantia.

FIGURARUM EXPLICATIO.

Capsulæ atrabiliaræ hominis & aliorum animalium exhibentur. In quibus omnibus

- A. Capsulas integras representat.
- B. Easdem dissectas, ut in conspectum veniant cavitates interiores diversa forma varias.
- C. Venas & arterias earum indicat, tum ab aorta & cava, tum ab emulgentibus enatas.
- D. Vena est cava.
- E. Arteria aorta.
- F. Vasa utriusque lateris, emulgentia dicta.
- G. Renes decurtati.

dicuntur: sæpius vero depressa sunt substantia instar placenta (intus tantum excavata) & figura quadrate oblonga; subinde triangulares, rarius orbiculares, quia raro eadem figura cernuntur.


Connexio. Connectuntur, ubi intumbunt, exteriori renum membranæ adeo firmiter, ut negligentioribus diaphragmatis membranæ connexæ relinquantur exemptis renibus. Hinc fit, ut multi non observent.

Vena & arteria. Vasa habent: venas & arterias ex mediis emulgentibus eo derivatas. Interdum ex rene simul eo vena mittitur, aliquando autem furculus juxta hepar ex cava eo producit, aliquando & ab adiposa, aliquando ex omnibus istis locis, modo simplici, modo duplici ramo. In dextra parte fere semper à trunco venæ cavæ ramus oritur, in sinistra ab emulgente, teste *Marchetto*. Aliquando arteria simplex ex emulgentibus, duplex aliquando, nonnunquam ex aortæ trunco modo unus ramulus, modo tres.


Lymphatica vasa. Lymphatica vasa quoque habent. Existimat enim *Balthasar van den Cruyce* in Epist. ad *Deusingium*, in bibonibus ad has glandulas excretorias per venas lacteas seu aquæ ductus, qui à ventriculo versus pylorum & circa duodenum oriuntur, ferri aquosos & serosos humores, quando ventriculus à potu distenditur & repletur. Idem postea multis presentibus confirmasse & palam ostendisse *Bilsum*, ac præterea à Lymphaticis illis recta tendere ad Receptaculum quoddam membranofum capacitatis satis amplæ inter Renes succenturiatos situm.

Nervi. Nervos acceperunt hæ capsæ. Nam circa principia arteriarum



Capsulae humanae Rotundae



Capsulae humanae Triangulares



Capsulae humanae quadratae et Ouales



riarum mesenterii, aliquæ nervorum propagines invicem mistæ producuntur, quarum pars una renes & incumbentes has capfas adit.

Ufus secundum Auctorem.

Ufus hætenus ignoratus est. Si aliquid conijcere licet, uti recte considerata structura & ductibus omnino licet; dicemus recipi in his capsulis humorem biliarium, crassum & excrementitium, qui à sanguine in hepate, vel corde, vel liene, vel utroque confecto, maxime vero eo, quem in liene elaborari supra probavimus, nondum expurgatus fuit ibique servari & vinci, quia per angustos renum meatus penetrare non potuit; neque nos gravis rei sursum ascensio moveat, quæ subinde à facultate partis expultrice vel tractice in corpore nostro evenit, imo tractio vel pulsio vehementior elatiori positu in spiritualibus juvatur. Hinc forte urinæ etiam nigræ sunt, si aliquando humor hic in capsis nimium coarcevetur: ubi quoque sedes alicujus causæ morbificæ indubie sapius esse potest, præsertim melancholicæ, cujus sensum doloris quo minus percipiant melancholici impediunt nervi exiles & humorum crassities sensum obtundens.

Defensus contra Highmorum,

Quamquam hic humor sit p. n. nec in bene disposito corpore reperiatur, sicut objicit *Highmorus*; tamen etiam hisce similibusque excrementis glandulæ dicatæ sunt, ne corpus morbosum evadat si retineantur. Quamquam etiam excrementitia materia semper transmittatur ad aliqua emunctoria ut foras è corpore eliminetur, ut recte *Whartonus* urget, non tamen id semper immediate, quod in sero videmus, venosum genus aliaque loca interdum percurrente.

Et Marchettum.

Marchettus pueros nobis obvertit, in quibus, tali succo non abundantibus, majores glandulæ cernuntur. Cui superius satisfecimus. Laudatus antea *Cruycius* optima ratione à nobis vocatas Capsulas Atrabiliarias defendit, quia à Liene per funiculum nervosum humorem recipiant in cavitate sua atrabilarium, spiritu salis acidi imprægnatum, qui inde per ductus satis conspicuos ad vasa emulgentia & ipsos Renes derivatur. *Cl. Veslingius* in usu hoc convenit, sed unde veniat non explicat, aut quomodo. Nam tractum serosæ humiditatis adjuvare credit, atræque bilis particulam recondere, quæ coaguli instar seri à sanguine separationem promoveat.

Secundum Vislingium.

Secundum Olhafium.

Olhafius excrementis renum crassis & terrestribus à concoctione illorum resultantibus assignat. Unde quia à majori viscere major excrementorum copia redundat quam à minore, conceptaculum ejus in dextris debuit esse amplius, & dextræ capsulæ majores, quia major sinistro est ren dexter. Nullus autem de viis cogitavit per quam sanguis ater huc depo-

deponatur. In promptu sunt arteriæ circulatoribus (nam ex antiqua opinione facile est viam invenire) capsulis his ab emulgentibus communicatæ, vel ab ipso aortæ trunco, quæ nutrimentum quaecunque adferentes, una deponunt sanguinis arteriosi excrementum, quod in superioribus evacuaturnon fuerat. Sed quomodo regrediatur ex capsulis, *Quia* quomodo ad renes perveniat, ut tingantur urinæ, non æque *humor è* facile est explicatu; nam venæ in emulgentibus desinunt *capsulis ad* vel ipsa cava, raro in renibus, atque ita vel succum illum *renes per-* excrementitium perpetuo servarent, quod verosimile non *veniat.* est, & venæ tum nihil agerent, vel rursus ad cavam remitterent & ad cor, vel sane per emulgentes venas recta renes ingrederentur, nihil repugnante contrario motu exeuntis sanguinis ex renibus. Hunc motum contrarium humor crassior & validior facile superat, contrahentibus etiam multiplicibus ramis, quemadmodum in fluminibus contrarias subinde aquas ad margines & in medio decurrere videmus apertis ostiis. At sæpius vena capsulæ dextræ immediate inferitur è trunco cavæ: Tum sane vel non satis expurgatur illa capsula, unde morbus latens; vel negligendus ibi circularis motus, qui in minimis non raro variat; vel si religiose servandus est, reverberium renum hic concipimus; sanguis enim ex renibus per emulgentes venas refluxus sursum ad cavam, quia serum tantum, non succum alium crassorem in renibus deposuit, per venam capsulæ proximam sese insinuat, & ex capsula per arteriolas regrediens cum emulgentibus arteriis rursus renes adit, indeque per urinās expurgatur. Qui optime conjecerit, optimus vates esto.

Commercium Capsularum cum liene per nervos fieri ex *Cruycio* audivimus. Non dissentit in viis *Whartonius*, sed in materia. Melancholicum succum quidem impugnat, concedit tamen aliquid ex liene ferri ad has cavitates, quod nominare nescit, nervis inutile, sed venis proficuum, ad serum tamen accedens, per nervum sexti paris turgidulum & quasi nodosum, cui arcte appenduntur hæ glandulæ, cujus nervus ex plexu in funiculum unum copulatur, ex quo funiculo nervi ad lienem disseminantur. Sed tanti non esse iudicat *J. Th. Schenckius*, ut tale excrementum ipsis imputetur, quod substantia etiam à communi isto nervorum excremento differt.

Nervos quidem retinet *Fr. Sylvius*, sed nihil ab illis alienum substituit: liquorem enim hac cavitate contentum ex sanguine & animali spiritu paratum inservire sanguini à Renibus post lotii serosi separationem redeunti & hactenus

Usus secundum Spigelium & Laurenbergium.

An in adultis habeant usum?

minus fluido à coagulatione & coitu servando.

Spigelius, quem imitatur fideliter *Rostochiensis Laurenbergius*, his capsulis alios usus assignavit, 1. ut impleant vacuum inter renes & diaphragma. 2. ut fulciant ventriculū eo loco qui est supra venas & arterias emulgentes. Sed Resp. 1. Natura nihil facit frustra aut inconsiderate, multo minus partem nobilem & animatam soli spatio implendo determinat, quam paulo majori rene poterat replere. 2. Fulcra hæc propter exilitatem nimis forent debilia. Nec soli ventriculo, sed aliis partibus vicinis communis esset hic usus. *Riolanus* glandulis accensens nullum in adultis habere usum scribit, sed esse post partum inutiles, tanquam vietas & marcidas, instar vasorum umbilicalium, adeoque usum quærendum in fœtu, ubi sunt grandiores, quorum renes quum adipe destituuntur, excipitur in capsulis succus adipi renali generando dicatus. Sed 1. marcidas esse in adultis, vetant cavitas, venæ, arteriæ, humor, &c. 2. Umbilicalium usus cessat, quia non alligandus amplius fœtus, nec à matre attrahendum alimentum. Has autem capsulas inservire adultis, supra probatum, alioquin frustaneæ venæ, arteriæ, &c. 3. Fœtus renes carere semper adipe, falsum deprehendi. 4. Adeps à succo illo seroso & atro nunquam generatur, oleaginosus autem vix ab ullo hic visus. 5. Nec glandularum usus in adultis cessat, quanquam moles contrahatur.

C A P. XIX.

D E U R E T E R I B U S.

Ureterum.

Numerus.

Ureteres seu urinæ ductores, sunt vasa oblonga vel canales, è renibus oriundi, in vesicam explantati, urinam à renibus in vesicam advehentes.

Numero communiter ureteres bini sunt; utrinque unus, aliquando duo, aut etiam plures, ante insertionem tamen in unum coeunt, ut in subjecto quodam quoque observavit *Car. Stephanus*, & *Fo. van Horne*; At ureteres utrinque binos in vesicam diversis locis insertos, alterum juxta cervicem, alterum in fundum vesicæ delatum, in cadavere lue Venerea laborante vidit *Cl. Riolanus*, & in alio *Panarolus*. *Salomon Albertus* dextro lateri tres, sinistro unicum notavit. Nos parem diversitatem advertimus sæpicule, ut in *historiis Anatomicis rarioribus* inter alia monstramus.

Situs.

Situs. Plures occupant partes secundum principium, medium & finem. Principium est in ipsis renibus, quicquid

Hofman-

Hofmannus, *Riolanus*, *Laurenbergius*, *Plempius*, *Lindanus*, contra auctoritatem veterum, *Hippocratis*, *Aristotelis*, *Aretæi*, *Ruffi*, *Celsi*, repugnent, in quibus veluti radices è terra oriuntur, ut vena ex hepate. Nec similitudo cum vesica nos movet; quia 1. ureterum peculiaris, ab utroque distincta, est natura. 2. renum ventri parum absimiles. 3. non omnia referunt naturam sui ortus aut colorem, ut in aorta & cava videamus. Neque cohesio cum vesica quidquam infert, quum arctior hic quam in renibus non sit, commode inter membranam vesicæ & musculus separabilis. Ergo *Principium* est in renibus, ex fistulis seu canaliculis novem vel decem, quibus singulis carunculæ supra explicatæ apponuntur; licet etiam medio eorum perforato carunculæ apponantur. Fistulæ vero illæ in pauciores & majores abeunt ramos; communiter tres, distributos in renis regionem summam, mediam & infimam. Hi deinde in unum amplum sinum coeunt, qui sima renum parte egreditur. *Medium* est totius canalıs oblongus, lumborum musculus incumbens, inter duas peritonæi membranas, quibus

*Ureterum
principium;*

Medium.

Connectuntur Ureteres; & superius renibus, inferius vesicæ, ejus interiori substantiæ continuantur, ut citra disruptionem divelli nequant. *Finis* est, ubi implantantur, oblique delati ad latitudinem digiti inter vesicæ propriam membranam & musculus ejusdem circumvolutum, non longe à collo vesicæ in postica sede. Et præter obliquam ureterum insertionem, quæ prohibere nihil potest, quia patula, nisi leviter seri ad ureteres regressum, apponuntur implantationi duæ membranulæ transversæ instar valvularum in scollibus, occludentes ureterum introitum; nè urina regredi queat. Hinc ne flatum quidem vesica inflata, & ad cervicem arctata immittit. Negant has valvulas *Laurentius*, *Riolanus*, *Plempius*, reliquis repugnantibus cunctis. Sed licet tortuosus sit ductus, parulus tamen est. Colon quoque non parum intorquetur, magis ileon, valvulam tamen affixam habent. Quin ipsi coguntur, præeunte *Vesalio*, fateri geminam membranam mutuo applicatam foramen ureterum exacte intercludere, quam nihil prohibet valvulas appellare, cum revera valvularum figuram habeat & usum. Unam valvulam mitralem in viro sano observavi, tam arcte claudere angustum orificium, ut stilum quidem admitteret, sed ex vesica nullum regressum. *Foramina* ureterum & meatus urinarii ad trianguli figuram se metuo respicere, observavit *Borrichius*.

Connexio.

*Ureterum
finis.*

*Cur urina
egredi ne-
queat in
emulgen-
tes?*

Magnitudo. Oblonga sunt vasa, crassa & concava, pa-

leam lata. At in calculosis dissectis, sæpius vidimus cavitatem eorum duos digitos admittere, imo æqualem intestinis fieri.

Figura.

Figura. Teretia sunt vasa instar canalium, nonnihil obliqua, instar literæ S.

Membranae.

Membranam duplicem habent: Unam communem à peritonæo ad validitatem, alteram propriam substantiæ interiori vesicæ similem & continuatam, albam (hinc vocant quidam, inter quos *Celsus*, venas colore albas) exsanguem, nervosam, crassam, validam, fibris rectis & obliquis, ut distendi queat, donatam.

Vasa.

Venas & arterias exiles à vicinis partibus recipiunt.

Nervos vero à sexto pari & medulla lumborum. Unde exquisitè sentiunt, caventque ne pituita viscida inhærendo necessarium meatum occludat, divinante *Lindano*. Et dolent, si calculi pertranseant, quem doloris sensum juvat & distentio membranosi hujus corporis à calculis grandioribus.

Usus.

Usus est, ut per eos tanquam canales urina in renibus à sanguine segregata feratur in vesicam; arenulæ etiam aliquando & calculi, vermes, aciculæ, capilli, pus, sanguis, &c. Urina vero fertur manifesto ductu antea explicato in vesicam, quem ductum quia ignoravit *Asclepiades*, voluit cæco modo serum in vesicam duci, ac si in halitum prius resolveretur, transudaret, & postea in humorem priori similem concretesceret: quam etiam transudationem statuit *Paracelsus*.

Error Asclepiadis, & Paracelsi.

C A P. XX.

DE VESICA URINARIA.

Vesica sita.

Vesica hæc in hypogastrio sita est, inter geminas peritonæi tunicas, in cavitate, quæ sit ab ossibus sacro, coxarum & pubis, tanquam in proprio ventre & ab abdomine separato; in viris supra rectum intestinum; in fœminis inter collum uteri & os pubis. Vesicam nullam in Patavino invenit *Marchettus*, sed ejus loco cavernulas. In puella quoque ejus defectum observavit *Jo. van Horne*: ureteres enim in media pube se exonerabant, qua parte glandulosa quædam corpuscula exterius eminebant urina transudante madida. Vesica quoque caruisse hominem illum, qui, deficiente pene, lorium ex spongia emittebat sub umbilico sita, de quo nos in *Hist. Rar.* putamus.

Magni-

Magnitudo variat, prout enim majores pulmones, eo ma- *Magnitudo.*
 jor quoque vesica est: adeo ut quæ pulmonem non habent
 animalia, vesicam quoque non habeant: & prout varie
 distenditur: aliquando enim plena in ventre prominent, ut
 tactu deprehendi queat, aliquando vacua in sectionibus vix
 cognoscitur statim ob parvitatem, quæ instar pyri majus-
 culi test.

Figura est oblonge globosa pyri instar & rotunda, ut ca- *Figura.*
 pax sit: atque intus cavitatem unicam habet vesica, raro
 duas, membrana ceu septo distinctas. Quales in puella 35.
 annorum invenit *Völtherus Coiter*, & *Casp. Bauhinus*. *Moi-
 nichernius* noster ex Anatomie Patavina *Molinetti* refert vesi-
 cam parvam majori aliquando fuisse adnatam, quæ tamen
 cum ipsa communionem habebat. De vesica vitulina idem
 narrat *Blasius*. Nec dissimiles in cadavere Magni *Casauboni*
 reperit nobis descripsit *Raphaël Thorius*, & *Brouardus*, qua-
 rum altera sinistra adscititia rotundo foramine in dextram
 erat pervia quatuor digitorum apices admittente, urina
 turgens, quam stans vicibus & solito conatu per dextram
 excernebat, capacitatis ad illam sextuplæ membranæ toti-
 dem villi continua spissis & reliquis vesicæ majori commu-
 nibus. Duplex hæc cavitas in his similibusque non forma-
 tur ex dilatatione ureteris intra duplicaturam vesicæ, quod
 sæpe tramen evenire potest, sed in *Casaubono* uterque ureter
 in vesicam desinebat, eandemque talem ab ortu fuisse, idem
 demonstrant. Ita volente natura, ut sicut animus ejus supra
 mortales, ita corporis singularis constitutio parem admira-
 rationem posteris relinqueret: hujus autem figuram exhibuit
Beverovicus. A fundo sensim coarctatur in collum angus-
 tum, unde duæ vesicæ partes: fundus & cervix.

Connectitur fundus peritonæo, item umbilico per inter- *Connectio.*
 medium ligamentum, urachum dictum, & duas umbilica-
 les arterias resiccatas, ne homine recto incedente fundus
 cervici incumbat: unde vesicæ & umbilici consensus est, &
 hujus dolor à calculo vesicæ magno. *Cervix vesicæ connecti-
 tur* in fœminis collo uteri & vicinis ossibus coxarum. In
 viris, recto intestino.

Substantia est partim membranosa ad robur, extensionem *Substantia*
 & corrugationem; partim carnosa ad motum. Nam duas ha-
 bet membranas & unum musculus circumvolventem to-
 tam vesicam, quem omnes alii Anatomici, excepto *Aguapen-
 dente*, tertiam ejus membranam faciunt, non musculus.

Primo membrana est extrema & communis, à peritonæo, *Membra-
 ne.*
 valida & densa.

FIGURARUM EXPLICATIO.

I. II. & III. Vesicæ tunicas, tum à posteriori ejus parte sitas vesiculas seminales exprimunt.

FIGURA I.

- AA. Tunica vesicæ communis.
- BBB. Tunica ejus media musculosis fibris donata.
- C. Tunica ipsius intima rugosa.
- DD. Cervix vesicæ.
- E. Vesicæ sphincter.
- FF. Glandulæ prostaticæ.
- GG. Ureterum portio.
- hh. Eorundem inter duas vesicæ tunicas insertio.

FIGURA II.

- A. Vesicæ aperta intima tunica.
- BB. Ureterum pars.
- CC. Orificia ureterum in vesica diducta.
- DD. Vasorum deferentium portio.
- EE. Vesicula seminales expansæ.
- FF. Glandulæ prostaticæ divisæ.
- G. Foramen à vesiculis in urethræ principium tendens, valvula præditum.
- H. Meatus semini urinaque communis.

FIGURA III.

- A. Vesicæ posterior facies, externa tunica denudata.
- BB. Ureteres.
- CC. Vasorum semen deferentium portio.
- DD. Capsulæ seminales.
- dd. Earundem finis.
- EE. Vesicula seminales cellulas exprimentes varias.
- FF. Glandulæ prostaticæ.
- G. Urethra.





Fig. I



Custa vesica.

*Altera est intima & propria, tenuis, exquisitè sentiens, omni fibrarum genere intertexta, ut multum queat distendi & contrahi, ubi rugæ quamplurimæ in calculosis & veluti cuniculi exsculpti cernuntur calculos servantes, ex dilatationis desuetudine contracti. Hinc obducitur crusta carnosa, vel quasi tunica rugosa ex excrementis tertiæ coctionis, ne intima tunica ex acrimonia urinæ lædatur. In 5. vel 7. tenuissimas membranas hanc divisit *Borrichius*, vasis sanguineis per internas membranas discurrentibus, unde sanguinem vesica non fundit ex se, nisi ea tunica exesa & vasorum tunica.*

Quæ inter hanc propriam & extimam communem in medio est, ab aliis *secunda propria* membrana appellatur, quam tamen concedunt crassam esse, fibris carnosis donatam.

Musculus vesicae excretivus.

Sed *musculus* potius est ambiens totam vesicam: quia fibras habet perspicue carnosas ad vesicæ initium insertas: ita ut, quemadmodum musculus circularis ille sphincter dictus, vesicam constringit, ne involuntarie nobis urina effluat, ita hic musculus ad excretionem urinæ faciat, dum se contrahendo vesicam constringit. Atque hæc quidem *Aquapendentis* præceptoris nostri est sententia, cujus veritatem ita comprobare solet *Waleus* in vivis canibus, resectis omnibus abdominis musculis, exile penetrans vulnus vesicæ infligit, è quo vulnere non minus in distans urina, quam in sanis per penem ejicitur: non detrectamus tamen aliis concedere, musculos abdominis quoque ad excretionem conferre. Non obstat, quod ventriculus & intestina & uterus habeant similem membranam carnosam; illâ enim indigebant quoque ut distendi facilius & constringi possint, hinc etsi carnosior Vesicæ sit membrana, laxo tamen significatu etiam istorum membrana dicatur musculosa. Ad *Walci* experimentum *Riolanus* respondet, eadem ratione & sanguinem secta brachii vena ad distans fluere sine expellente musculo. Cæterum diversa est spirituosus sanguinis cum impetu exeuntis, & urinæ segnis conditio. Præterea in venis sanguis ab alio sanguine pellitur succedente, ex legibus circuli & insita facultate. Hinc fibris læsis, quod à nimio coitu factum narrat *Ballonius*, urina supprimitur, quia actio musculi in expellendo cessat.

Foramina.

Foramina tria habet vesica: duo paulo ante cervicem, ubi inferuntur ureteres, de quibus supra; tertium in cervice est pro urinæ exitu. Quartum foramen adjicit *Highmorns*, nempe *Urachi*, quod tamen fœtui proprium.

Est

Est autem *Cervix vesicæ* vel collum angustior pars, per *Cervix*. quam *urina* emittitur. In *viris* collum hoc est *magis oblongum*, *angustum*, & nonnihil contortum, quia penis corporibus subiectum sursum sub ossibus pubis ab ano ad penis exitum fertur: cui posteriore parte glandulæ binæ apponuntur, *prostata* dictæ; In *fœminis* *brevis & lata cervix* est, recta deorsum protensa, & uteri collo superius implantata. In utroque sexu *cervix* carnosa est, quæ vulnerata propterea *Musculus* coalescit, cum cætera vesicæ vulnera sint lethalia utplurimum ex *Hippocrate*, plurimis fibris contexta, præsertim *constricti-* *vus vel* transversis, quæ constringunt collum vesicæ, ne involuntarie nobis *urina* effluat, & *musculus* hic orbicularis ab hoc usu dicitur, *sphincter*: qui si refrigeretur, paralyti vel alio affectu lædatur, fit *mictio involuntaria*.

De *fibris sphincteris* accuratius quæ observavit *Borrichius* *Fibrarum* noster merentur expendi. In *fœmina*. *Cervix vesicæ* duos *sphincteris* transversos digitos longa, *sphincter* parvus, sed non orbicularis, ut vulgo dicitur, verum secundum *longitudinem* *descriptio,* *in fœmina,* sphincteris porrectis fibris insignis, nisi quod fibræ illæ tantillum ad *obliquos* angulos, sed vix notabiliter, inclinarent. Hunc sphincterem corpus *nervosum* crassum, penis corpori analogum exterius cingit, in quo fibræ *circulares*, nisi quod tantillum ad figuram *helicis* inclinent, ut solent in corpore nostro fibræ fere nusquam perfectum describere circulum.

In *Viro*, qua parte calculus exscinditur, observavit idem *In Viro,* *Borrichius* fibras procurrere *semiobliquas*, non *circulares*, adeoque earum multas dissecari ab imperitis lithotomis. In suillo sphinctere vidit *plures* esse uno *musculos*, eumque qui proxime ambit *cervicem vesicæ*, accedere ad *circulares* fibras, licet plane *circulares* non sint, reliquos duos agnoscere *fibras semiobliquas*, sicut in viro.

Vasa. *Venas* habet vesica, *hypogastricas* dictas, ad *cervicis* *Vasa.* latera implantatas, quæ varie distributæ per vesicam sibi mutuo arteriisque conjunguntur, mutuisque foraminibus perviæ sunt, ut facile ex uno in alium ramum sanguis deferatur ex observatione *Fr. Sylvii*, ad nutrientis sanguinis, per arterias delati, refluxum, quia trahit purum excrementum, nempe *urinam*, non alitur.

Arterias ab *hypogastrica* in *viris*, in *fœminis* à *vasis uteri* *cervicem* petentibus.

Nervos insignes à *sexto pari* & *medulla ossis sacri*.

Usus est, *Urinam* continere instar *matulæ corporis*, item *Ufus.* *calculos* & *arenulas*: interdum & alia, ut *pilos*, *testibus Galeno*, *Donato*, *Hollerio*, *Schenckio*, *Tulpio*; *vermes*, *au-* *ctore*

Store Hollerio, Mundanella, Dodonæo, cujus etiam hic *Haffnia* recens est exemplum, aciculas, &, quod mirandum, oculus, ex nupera *Joh. van Horne* observatione: deinde jussu tempore expellere.

De vesica universa hæc observavit curiosa *Borrichius*. Nempe incocta *acidis* in mucilaginem abit tandem, in *salsis* incrassatur patiturque se in phyllas secari commodius, in *oleosis*, ut & liquore salis alkalium, ut Tartari, herbarumque incineratarum, non incrassatur, non abit in mucilaginem, sed quasi prunis candentibus imposita adurit, patiturque se quasi in pulverem teri. Ex quibus apparet, quanto vesicæ periculo, ad lapidem frangendum vel acida, vel salia, vel oleosa injiciantur.

C A P. XXI.

DE VASIS SPERMATICIS VIRILIBUS PRÆPARANTIBUS.

H Actenus nutritionis organa: sequuntur procreationis seu generationis, quæ aliter se habent in viris, aliter in mulieribus. In viris omnium primo occurrunt.

Vasa spermatica duplicia, duæ nimirum *vena spermaticæ*, & duæ *arteriæ*.

Vasa spermatica. & eorum oritus. *Vena dextra*, à trunco *venæ cavæ* oritur, paulo infra *emulgentis* exortum: *sinistra* ab *emulgente*, nam alias deberet *aortam* supergredi, & immineret periculum *ruptionis*, aut potius ne *pulsu arteriæ* motus *sanguinis* in *vena* *isteretur* quodammodo & impediretur: quam obrem rarius à *cava*, aliquando ex utroque loco oritur.

Arteria seminalis utraque ab *arteria magna* oritur, pene duorum digitorum transversorum intervallo ab *emulgentibus*.

Magnitudo. *Vasa* hæc in viris majora sunt quam in *fœminis*: *Arteriæ* vero ampliores sunt *venis*, quia plurimum caloris & spiritus vitalis & sanguinis arteriosi pro semine requirebatur. Aliquando una *arteria* deest, aliquando utraque & forte in *sterilibus*. *Arteriarum* deficientium loco, in utroque latere duas *venas* vidit *Pavius*.

Ductus. Hæc *vasa* nonnihil à se invicem distant, supra *ureteres* oblique ducuntur ad *inguina*, sed in progressu junguntur per infinitas *anastomoses* hæ *venæ* & *arteriæ*, ut intra *tunicam venarum* *arteriæ* ita copulentur, quasi unum essent vas, & connectuntur *membrana* à *peritonæo* enata, atque ad *testis principium* postea *capreolorum vitium* instar deferuntur, adeo

adeo invicem implicita, ut oculus accuratior discernere nequeat venam ab arteria, quanquam revera distincta sint vasa, perque ea fiat circulatio.

Talis vero plexus constitutus vocatur à nonnullis *corpus corpus ut- varicosum*, pampiniforme, pyramidale, &c. quæ ita aliis *ricosum*. distinguuntur: ubi primo ex angusto principio vasa præparantia in latiore veluti basin se explicant, pyramidalia dicuntur. Ubi vero postea ante ingressum ad testes flagellorum instar vitis hinc inde varie crispantur, dicenda Pampiniformia.

Recto ductu, non tortuoso, ad testiculos tendere arterias has observat *Graafius*. Circa vasorum plexuumque horum medium observatur sanguis commutatus in albicantem colorem, velut spermatis rudimentum primum, si credimus *Bauhino*, *Glacano*, & *Rogersio* post *Galenum*.

Notat vero *Barbatus* Pyramidalia vasa ex angusto principio in latiore basin se explicare ut discernatur à sanguine ferum; perfici enim semen in testibus spumescere in Epididymidibus, asservari in parastatis: nullamque esse differentiam inter refrigeratum semen, & seclusum sanguinis ferum. Adjuvant.

Vasa Lymphatica, quæ sursum ad Receptaculum ex testi- *Vasa Lym- bus* procedunt, vasa præparantia comitantia, quæ judicat *phatica*.

J. Th. Schenckius ad elaborationem & perfectionem seminis necessaria. Non quod deferant materiam, sed referant lympham superfluum. Cæterum hæc vasa peritonæum non perforant, ut in canibus; sed feruntur inter ejus duplicitatem cum nervo exili à sexta conjugatione, & musculo Cremasteri, qui *Riolano* monente, peritonæi processui foris incumbit, & cum eo ad testes descendit.

Vasa hæc generationis præparantia cum jam testem attingunt, non mutantur in vasa deferentia, tanquam continua sibi corpora, ut multi putant: sed propriam testis tunicam penetrant, & per ejus substantiam disperguntur atque desinunt.

Ufus arteriarum spermaticarum est, sanguinem & spiri- *Ufus*. tum ad testes deducere, & in plexibus istis variis, vi & efficacia à testibus accersita, præparare per inoram & accuratum examen in labyrinthis anfractibus, ad futurum semen & testium nutritionem, cujus nutritionis gratia in impuberibus arteriæ hæc sanguinem vehunt antequam possint elaborare: *Venarum* vero spermaticarum arteriis circa testes recte implicatarum, sed per mutuas anastomoses, quæ inter venas maxime sunt eleganti retis forma, observante *Hornio*,
(inter


FIGURÆ EXPLICATIO.

Complectitur hæc Tabula Renes, Vesicam, Penem, & Vasa seminaria, prout è corpore exempta solent ostendi.

- AA. *Renes succenturiati.*
 BB. *Renes veri.*
 CC. *Venæ emulgentes.*
 DD. *Arteria emulgentes.*
 EE. *Venæ spermaticæ.*
 FF. *Arteria spermaticæ.*
 GG. *Venæ cavæ Truncus in ramos Iliacos divisus.*
 HH. *Arteria magnæ truncus itidem divisus.*
 IIII. *Ureteres.*
 KK. *Vasa semen præparantia.*
 LL. *Eadem vasa ubi Pampiniformia constituunt.*
 MM. *Testes omnibus suis involucris tecti.*
 NN. *Vasa semen deferentia retro vesicam euntia.*
 O. *Vesica.*
 P. *Ejus cervix.*
 QQ. *Glandula prostatica.*
 RR. *Musculi duo penem erigentes.*
 SS. *Duo alii musculi urethram dilatantes.*
 T. *Corpus penis.*
 V. *Præputium glandem obtegens.*

(inter has enim & arterias nullas dari antequam ad testes pervenerunt, probat Graafius, quia tubulo immixtus in arterias ligatas liquor, sistitur, nec in venas intrat) conjunctarum, *Usus* est, sanguinem à testium nutritione & seminis generatione superfluum revehere ad emulgentem sinistram, vel ad venam cavam immediate in dextris, ubi vena spermatica plerumque à cava propagatur. Nec metus est, ne semini iste per venas recursus materiam præripiat, aut spiritus genitor à testibus superne remeet: Nam per intricatam vasorum commistionem, nulla pars remeat, nisi quam testes sibi & toti minus necessariam remittunt. Igitur arterias vehementes majores ut plurimum cernimus, venas vero spermaticas revehentes minores, quia testes tantum non emittunt quantum acceperunt. Spiritum autem retineri, tacitus sanguinis cursus per venas indicat. Is sane eadem in testibus vi retinetur ne refluat, qua in cæteris partibus.

Ner-



TABULÆ EXPLICATIO.

Exhibet Vasa semen præparantia & Deferentia Testiculorum, prout ea in subiecto humano representantur, ex R. de Graaf.

FIGURA I.

- A. Arteria semen præparans modo naturali ab Arteria Aortæ truncusque ad Testiculum excurrentis.
- BB. Ramificatio Arteriæ semen præparantis ad Testiculum properans, præterquam in hoc subiecto, rarius observata.
- C. Ordinaria Arteria semen præparantis divaricatio in duos ramos.
- DD. Ramus Arteriæ semen præparantis minor, quæ ad Epididymides excurrit.
- EE. Ramus Arteriæ semen præparantis major, quæ superiori Testiculi parti implantatur. & per ejus dorsum descendit versus Testiculi partem inferiorem, cui annexus est Globus minor Epididymidis, atque rursus regreditur per Testiculû ventrem, ubi in plures ramos dividitur.
- F. Globus Epididymidis major superiori Testiculi parti firmiter annexus.
- G. Epididymidis pars media inversa, ut arteriæ ramificationes, per partem ejus inferiorem excurrentes, conspiciantur.
- H. Globus Epididymidis minor inferiori Testiculi parti firmiter adherens.
- I. Epididymidis finis, sive principium vasis semen deferentis.
- K. Vas semen deferens, antequam ad vesicâ urinariâ posteriora pervenit, abscissum.
- L. Testiculus ea ratione collocatus quâ vasa ejus optime conspiciuntur.

FIGURA II.

- A. Vena semen præparans à vena cavâ trunco descendente eleganti modo usque ad Testiculum excurrentis.
- BB. Rami Venæ præparantis ad omentum & Peritonæum tendentes.
- C. Prima Venæ præparantis divisio in duos ramos, qui postea rursus vario modo subdividuntur, iterumque uniantur.
- DDDDDD. Valvule Venarum præparantium, circa quas venæ, dum inflantur, nodosæ apparent.
- EEEEEE. Venarum præparantium divisiones ac uniones plurimæ, ut sanguis à seminis generatione superfluus, in una ramificatione detentus, per alteram ad cor redire possit.
- F. Superior Testiculi pars cui Vena præparantis ramificationes in dorso implantantur.
- GG. Ramificationes Venarum præparantium ad latera Testiculorum per tunicam albugineam repentes.
- H. Corpus Testiculi.
- I. Globus Epididymidis major superiori Testiculi parti firmiter annexus.
- K. Epididymidis pars media.
- L. Globus Epididymidis minor inferiori Testiculi parti firmiter adherens.
- M. Vas semen deferens in medio fere abscissum.

FIGURA III.

- A. Vasis semen deferentis portio, & in ea cavitâs conspicua.
- B. Serpentine flexus circa finem Epididymidis ex parte soluti.
- C. Ultima Epididymidis solutio.
- D. Serpentine flexus circa medium Epididymidis soluti.
- E. Ejus partis ultima solutio.
- F. Altera pars circa medium Epididymidis ex parte soluta.
- G. Ejusdem partis ultima solutio; quapropter videtur totum corpus Epididymidis esse tantum unicum vas continuatum, quod sensim Testiculi partem superiorem attingens magis magisque attenuatur.
- H. Globus major sive principium Epididymidis, prope quod vas ejus, in plures ramos dividitur.
- I. Venter Testiculi.
- K. Arteria præparans quæ ab inferiori Testiculi parte per ejus ventrem ascendit.
- LL. Venarum præparantium ramificationes.

fig.1




fig.11





fig.111



Back of
Foldout
Not Imaged

Nervos copiosos inter hæc præparantia primo loco nominant *Glissonius*, *Rogersius*, *Whartonus*, *Charletonus*, quippe qui liquorem aliquem spermati condendo utiliore advehant. Neque enim arterias canalem seminalem ingredi, aut sanguinem in illum infundere, adeoque potius calorem refocillandis iis partibus quam semini conficiendo advehi. Sed sanguinem afferri ad testes inviti fatentur, cujus vestigia manifesta in medio testiculi prope vas nervosum agnoscunt. *Whartonus* concedit arterias sanguinem ad testes quidem deducere, sed tantum pro materia seminis ignobiliori, nervos autem nobilissimam virtute plastica imbutam. Ad argumenta opposita notandum: 1. nervos copiosos, quicunque sint, animale spiritum ad semen conferre, de alio enim liquore nihil constat. 2. Substantiam testium albicare, quia candidum ex sanguine humorem extrahit vel conficit. 3. Si propria testium tunica est expansio nervorum, certe defensionis gratia id factum, non ut per tunicam materia seminis advehatur. Alibi non memini per tunicas alimenta deferri. 4. Nervos à sexto pari huc protensos, sensui quoque inservire, qui in testibus exquisitus, & morui, nam tetrahuntur in congressu. 5. *Lymphatica* vasa suum seminum vel ex arteriis, ut alibi, vel ex coctione testium superstitium revehere. 6. Semen esse sanguine nobilius, quia subtilior ejus est pars, ex cujus jactura magis debilitamur, quam si vigesies tantundem sanguinis sit ablatum. 7. Cerebrum quoque debilitari propter animalis spiritus jacturam, & sanguinis melioris, quo instauratur, subtractio-

An materiam semini vehant?

Lacteas venas ex Receptaculo Pecquetiano ad testes derivatas: cum vasis spermaticis, succum chylosum pro seminis materia deferre *Antonii Everardi* est placitum, auctoritate *Bilsi*. Vidit enim in cuniculis junioribus lacte materno nutritis distributionem horum vasorum in omnes corporis partes. Sed lacteas in testibus ego non vidi. Nec cuniculi juniores hic quicquam testari possunt. Admittit tamen & spiritus animales & sanguinem arteriosum ad hanc fermentationem. Cur igitur entia multiplicanda? Si chyli pars pinguior necessaria, per arterias poterit apportari, accepto prius in corde sanguinis signaculo.

An Venæ Lacteæ?

CAP. XXII.

DE TESTIBUS.

Testium

TESTES seu TESTICULI, quasi attestantes virilitatem & viri robur, sine quibus in foro Romano attestari non licebat, *ἰδύμω*; etiam seu gemelli appellantur, quia communiter.

Numerus.

Número bini sunt. Raro unus tantum & magnus: ut Syl-
læ & Cottæ, teste *Arriano*, quod & ego in secundo Viro
memini, rarius tres, ut in Agathocle Sicilia Tyranno, & fa-
miliis nonnullis Italiae *Coleorum*, Bergomi imprimis, alio-
rumque Parisiis, notante *Fernelio*, quod & illustrissimæ in
Germania familiæ proprium. De tribus à se visis testantur
Vesalius, *Forestus*, *Plaxxonus*, *Rolfinckius*, *Patinus*. In Fr.
Philipellio Romæ tres testes Chirurgus esse dixit, cum alii
enterocele laborare crederent, quem tamen impugnat *Le-
lius Zaccagnius*. Item quatuor, quod & *Aristoteles* ex parte
annotavit. Et *Riolanus* pater adeo exiles ut steriles fuerint,
quia materiam seminis vel non concoquunt satis, vel non
facile ob angustias admittunt. *Varolius* quatuor quoque vi-
dit. sed duos de medulla glandulosa explicat *Whartonus*.

Cur testes

in viris so-

ris siti?

Situs in viro foris est extra abdomen sub ventre ad radi-
cem penis in scroto seu involucri suo. 1. Ob castitatem, si
Aristoteli credimus. Nam animalia, quæ testes habent abdi-
tos intus in corpore, salaciora sunt; sæpius coeunt, & plu-
res foetus gignunt. De circum foraneo salace historiam re-
cirat *Rolfinck*. 2. Ut ob longiorem ductum diuturnior ma-
teriæ seminis mora meliorem præparationem efficiat.
3. Vult *Laurenbergius* uti forent viciniore externo illi in
quo debebant generare. Sed certe illa vicinia nihil, verum
penis vicinia, ad generationem confert: nec hoc observari
in pluribus animalibus videmus, quæ extra se generant.

Testes intra cavum abdominis ad pubertatem usque la-
tuisse, duabus historiis probat *Mart. Rulandus*, unica *Plate-
rus* & *Paræus*, & non dissimili *Riolanus*. Vidi Hafniæ pue-
rum, cui à prima nativitate testis in abdominis cavo inclu-
sus gressus difficultatem faciebat. In quibus, si penis lateat,
sexuum mutatio apparens subinde fieri potest.

Testibus transversim incumbunt & ambiunt *Epididymi-
des*, quasi parvi testiculi, oblongi, rotundi, alibi & tortuosi,
sed in utroque extremo acutiores, de quibus *cap. seq.*

Magnitudo.

Magnitudo communiter in viris est instar exigui gallina-
cci

cei ovi, vel columbini. Et in viris majores sunt testes quam in mulieribus.

Figura testium est oblonge rotunda seu ovalis, si sine epi- *Figura.*
didymide seu parastata considerentur. Variat hæc figura
nonnunquam, ob vasa vicina magis vel minus turgentia:
unde nonnullis dexter testiculus varicosior dicitur: & puta-
tur etiam calidior, semenque magis percoctum habere. Un-
de Hippocrati ἀππερογόνος vel marem generans dicitur, eo
quod sanguinem & spiritum puriorem & calidiorem à vase
magno accipiat, nempe arteria magna. Sinister frigidius semen
continere putatur, serosius & imbecillius, quia ut plurimum
ab emulgente materia deferri creditur, ideo Hippocrati hic
testis ἡλυγός, dicitur, fœminas procreans. Unde vulgatum
illud, fœminas generari à sinistris & in sinistris; mares à dex-
tris & in dextris. Et Hippocrates ait: *Inest ut in viro, sic in*
muliere, semen virile & muliebre, id est, calidius & frigidius.
Verum non arbitror fœminas perpetuo à sinistro teste gene-
rari, illumque frigidius semen accipere. nam 1. Viragines
subinde mares robore & corporis & animi superant. 2. Ex
arteria magna æque sinistro testi atque dextro sanguis com-
municatur. 3. Sæpius in dextris deficit arteria spermatica
quam sinistris. At sequioris sexus generatio non tam depen-
det à sinistro testiculi frigore, quam utriusque testiculi, imo
totius corporis constitutione frigidior, quod materiam
seminis subministrat. Partes tamen sinistrae in universum
dicuntur frigidiores. Sinister etiam dextro plerumque ma-
jor. Unde deceptus adolescens Patavicus cum se hernia la-
borare crederet, secundum se operatio imperito commisit-
set, nisi ab *Aquapendente* aliter fuisset edoctus.

Et sinister testis in simul semine magis turgere, plenior est,
& venam arteriamque majorem habet, ut natura fœmina-
rum generationem magis intendere videatur, quam mascu-
lorum. Male ergo *Aristoteles*, naturam semper intendere
generationem maris per se, tanquam id quod perfectum; *Error Ari-
stotelis.*
fœminam vero fieri, quando natura impedita non potuit
marem gignere, unde mulier ipsi quasi monstrum naturæ.
Atqui natura videtur magis esse sollicita de fœminæ gene-
ratione quam de viri, ob causas ante dictas, neque natura
semper melius respicit, sed magis necessarium, quale fœ-
mina est: harum enim multæ pro uno viro sufficiunt. Nam
tempore fœtus inutiles sunt fœminæ, deinde etiam brevio-
ris vitæ, nec tam diu operam dare possunt liberis atque vi-
ri. Sed de hac re plenius egimus *Controv. Anatom. 12. de*
partibus.

Integumenta *Integumenta & involucria data sunt testibus, alia communia, alia propria.*

Communia. *Communia aliis partibus & ad tutelam ab externis injuriis data sunt duo.*

Scrotum. *Primum ex cuticula & cute tenuiore, quam alibi, efformatum, & dicitur scrotum vel scortum, instar sacculi vel bursa foris propendens & tactu obvium. Molle est & rugosum, pinguedine carens, ad faciliorem extensionem & corrugationem; Quia materia pinguedinis oleosa ad testes abit in semen. In infima parte lineam habet secundum longitudinem excurrentem, qua in dextram sinistramque partem dividitur, suturam vocant.*

Cur pinguedine carent. *Secundum ex panniculo carnosio constat, etiam tenuiore quam alibi, venisque & arteriis referto, & διερθς dicitur: quod tegumentum ab aliis sub scroti nomine comprehenditur.*

Propria. *Proprie tunicæ vel involucria, utrinque quemlibet testiculum investientia sunt tria:*

Prima Tunica propria dicitur ἐλυθροειδής, id est, vaginalis, aliis vero ἐλινγεειδής est à forma, quæ tenuis, sed tamen valida, venis referta, orta à peritonæi processibus, Darto an nascitur fibris multis membraneis, quas alii pro peculiari tunica recensuere; unde extima parte aspera, interiori vero lævis est.

Secunda ἐρυθροειδής rubra, & fibris carnosiss donata nonnullis, à cremastere enata, quæ priori statim intus obducitur. Rufus hanc primo loco nominat, eumque sequuti Riolanus & Veslingius pro prima tunica habent, quia elythroidi circumjecta, & à musculo cremastere propagatur.

Tertia ultima & infima immediate testis substantiam ambiens & veluti constringens, albuginea dicitur, aliis nervea, quia alba est, crassa & valida, à tunica vasorum seminariorum orta.

Substantia. *Substantia testium est glandulosa, alba, mollis, laxa & spongiosa, ob plurima vasa ibi dispersa, & cavernosa, absque tamen cavitate, uti hepar & lien etiam cavitatibus carent. Sui tamen generis est substantia. Nam si coquatur, more glandularum non exsiccat, & friabilis evadit, sed coit magis, lactis instar, & luti in modum exsiccata condensatur. Ita cum Harvey sentit J. T. Schenckius. Pultaceam ex Ruffo explicat Lindanus. Fibrosam substantiam vocat Riolanus. Omnino esse vasatam scribit Vanclius Datherius Bonglarus, ita ut totus testis sit totum vas: in Aprugno enim teste vasa interjacere testicularia & leve stratum propriæ*

præ carnīs. At siquidem propriam carnem in aprugno observavit, ob magnitudinem conspicuam, cur humano denegamus, quamvis ob exilitatem non ita discernatur. Conspicua illa vasa vidit *Graafius* in cane seminali materia impleta, vas deferrente prius ante coitum ligato, In gliribus quoque per tunicam albugineam transparenere semine candida, quæ à tunica cdenudata; in pelvim aquæ injecta & agitata, à se invicem iscedunt: Prodire vero sex vel septem tenuissimis ductibus è testiculo, qui singuli de latere in latus curvati majorem Epididymidis globum constituunt, in eoque concurrentes uno simplici ductu ad vesiculas seminales exeunt.

Ductum novum in medio glandulosa testium substantia describit *Highmorus*, quem *Walao* etiam observatum testatur *Blasius*, vocatque *nerveum Whartoni*, rectius alii *seminali*, in quo forsan latuit calculus ibidem inventus à *Salzmanno*. Hic ductus à testium fundo ad superiorem illius partem ascendens, in tunicæ albugineæ interiorem partem quam fortissime implantatur, neque tunicæ solummodo affixus, sed & in Parastatarum caput se inferens, cui pertinacissime adheret, in inferiore vero ac media parte non nisi vasorum interventu membranæ alligatur. Unde *Usus* ductus *Highmorus* struit, ut semen à testibus elicatum, in Parastatas educatur: per illum. Ut sit quasi communis seminis alveus, in quem confluit ex substantia testium & inde ad Epididymida effundatur, quibus continuus est ductus. Infundi huc ab arteria spermatica depuratum sanguinem *Jo. van Horne* crederemus, nisi tanta fiducia negaret *Glissonius* uspiam arterias canallem hunc seminales ingredi. In ipsam autem substantiam testium arterias sanguinem pro seminis generatione effundere, insertio illarum fidem facit. Nam

Vassa acceperunt omnis generis. Venas & arterias à seminariis, quarum per tunicam & ad interiora distributiones, & mutuas anastomoses tradit *Highmorus*. Nervum medicrem à sexto pari. Aliquando etiam bini recipiuntur à vigesimo primo pari spinalis medullæ, vasis seminalibus conjuncti, cum his per peritonæi productionem delati, & in tunicas disseminati; unde albugineam tunicam constitupere videntur, à cujus interiore superficie hinc inde numerosæ fibrillæ spargi in ductum nervosum, eundemque conficere creduntur *Whartono*. In testium parenchymate longe plures ponit *Glissonius*, non tamen ad succum germini advehendum, ut *Rogersius* cum civibus suis credit, sed pro animalibus spiritibus traducendis.

Lymphatica vasa in testibus sunt illustria & manifesta. *Vasa Lym-*
 Con- phatica.

FIGURARUM EXPLICATIO.

Testium tunicae, substantia, & vasa proponuntur,
ex Veslingio.

FIG. I.

- AA. Cutis scroti separata.
- BBB. Membrana carnosae, hic Dartos appellata.
- CC. Prima testium tunica Elythroides.
- D. Musculus cremaster.
- EE. Secunda testium tunica, Autori erythroides dicta.
- FF. Testium tunica albuginea.
- G. Glandulosa Testis substantia.
- H. Vas pampiniforme seu pyramidale.
- II. Epididymis.
- K. Parastates varicosae.


FIG. II.

- A. Vasorum preparantium portio.
- BB. Vas pyramidale.
- CC. Epididymis.
- DD. Parastates varicosae.
- E. Testiculus membrana propria opertus.
- F. Vas deferens portio.

FIG. III.

- AA. Venae & arteriae in vase pyramidalis explicitae.
- BB. Epididymis.
- CC. Parastates varicosae.
- D. Vas deferens.

Conspectiora illa in majoribus animalibus, tauro, equo, ariete, verre, quae bene vasata sunt; in testiculis quoque Viri, aliorumque animalium deprehendit *Glissonius*, nec dubitat quin in omnibus, licet haud aequae facile, reperiuntur. Depingit haec vasa ex testibus scaturientia, ac vesiculam chylosam ab utroque latere ingredientia *Ol. Rudbeck*. In cane mirae magnitudinis vidit *Moinichenius* noster cum spermaticis è testibus adscendentia in glandulas Receptaculo vicinas. Accuratus *Whartonus* describit, quod oriantur ab ipsis testiculorum tunicis & inde venas per processum concomitantia, abdomen ingradientur, & venas paulo post deferen-



ferentia ad mesenterii glandulas vergant, unde cum lacteis ad *Receptaculum* commune deferantur. Unde radices lymphaticorum in tunica albuginea sustineri ait *J. Th. Schenckius*. Ab interna etiam testiculorum substantia provenire *Graafius* credimus.

Eorumque
usus.

De *Uso* Lymphaticorum non convenit; *Glissonius*, *Whar-tonus*, *Charleton*, ancillari superflua seu aquosa parti ex nervis reducenda constanter existimant. Nos serum in coctione testium, vel arteriis superfluum revehere credimus; & nobiscum *Rolfinchius*, *Mæbius*, *Rudbeckius*, ut semen exinde fiat purius, & testes inutili serositate liberentur. Hinc illis vasis vel obstructis, vel non bene serum trahentibus, semen fit aquosius & ad generandum ineptius, cumulanturque in testiculis humiditates, unde hydrocele, quod in pueris sero abundantibus familiare, lymphæ per tunicarum subtilitatem in testibus translucet. Ex arteriis hæc proveniunt, quibus lymphatica sociantur. In nervis talem lympham nemo vidit. Hydrops non raro scrotum occupat, arteriis serum mittentibus, & lymphaticis non accipientibus.

Motum lymphæ à testiculis esse hoc experimento comprobatur *Graafius*; nam ligata lymphatica, si prope testes abscindantur, nihil sui liquoris emittere, contra, si prope ligaturam.

Musculi.

Musculum habent utrinque unum, ortum à ligamento valido, quod in osse pubis est, ubi muscoli abdominis transversi finiunt, quorum quasi partes esse videntur, non à portione ultima carnosa musculorum oblique ascendentium, quod censet *Riolanus*. Incedunt autem per processum peritonæi, quem fere ambiunt, & initis testium adnascuntur. Dicuntur *Cremasteres* seu suspensores, testes enim alias pendulos suspendunt, ne vasa seminalia nimis detrahant. Incoitu etiam testes retrahunt, ut canali seminario abbreviato, citius & facilius semen advehatur. Quod tamen maxime liquet in nonnullis (musculos hos motus voluntarii esse participes) qui pro arbitrio retrahere testes possunt, & rursum dimittere: ubi hi muscoli procul dubio solito sunt robustiores, ut testes non tantum contineant, sed etiam de loco in locum moveant.

Usus musculorum
testium.

Seminis
causa efficiens.

Usus testium est, calore & vi seminifica semen conficere. Seminis enim causa efficiens est *πρωτοχυμα* testium proprium, tum ob temperamentum calidum & humidum, tum ob specificam proprietatem; cum huic carni similis alias in corpore non reperiatur. Convertunt autem sanguinem ex arteriis præparatum in semen, quod pro conservanda specie requi-

requiritur : quod vero superest , vel regreditur per venas spermaticas ad cor, vel in testium nutritionem abit , vel per lymphatica excernitur. Neque sine testibus semen ordinarie gigni ; aut animalium perfectorum generatio fieri potest, ab iis enim semen & formam & colorem accipit. Si-
Sine testi- bus non fit generatio.
 ne testibus generasse quosdam, sed non ordinaria & integra naturæ lege probant *Smetius* in Misc. *Fontanus* in Phys. *Cabrolius*, *Hofmannus* de Gen. aliique. De canibus, tauris, equis ; nonnulli quoque testantur, exsectis testiculis generasse. Sed vel mala fide castrata fuere , vel residuum aliquid seminis concocti in vesiculis seminariis hesit. Ita Capones interdum gallinas ineunt, relicto in illis altero testiculo. Nar- rant quidem de mulieribus, quæ ex concubitu cum Eunuchis aliquando conceperunt. Sed concludit *Th. Cornelius*, à meeretricibus non extorqueri veritatem. Locus autem ubi generatur semen, non est ampla aliqua testis cavitas, sed vascula tenuissima inibi formata, & tunica subtili donata, ut recte *Vesalius*. Testibus autem seminis generationem auferunt post *Aristotelem* *Fallopium*, *Cabrolium*, *Posthium*, *Cass.* *Hofmannus*, *Cæsar Cremoninus*, *Adr. Spigelius*, *Regius*, *Lindanius*, aliique, quia materia seminis testes non ingrediatur, nec unquam semen in illis reperiatur. Esse vero primario serosi humoris cum semine defluentis receptaculum ex glandulosa eorum substantia & sinistri testiculi magnitudine colligunt : sed spadones & castrata eos refutant, quæ virilitate exsectis testibus vel contusis privantur. Et in testibus non raro semen observatum est, ut testantur *Dodoneus* *Obiserv.* 39. de milite Hispano, *Hofmannus* de generat. capite 18. *Carpus*, *Riolanus* ; plus in sanis, minus in morbidis ; recte docente *Rolsinckio* ; Deest quidem in quibusdam cadaveribus, quia à morbo, &c. generatum non fuit, vel in morte dissipatis spiritibus ejus loco aqueus humor substitutus : nec nisi per testem ad vasa deferentia pervenire potest, quæ à testibus incipiunt, sicut præparantia in eisdem desinunt ex Anatomicorum plurimorum observatione, & cur sinister testis dextro major sit, aliam causam reddunt eruditi.

Testes semen ex sanguine conficere negat *Marchettus*, quia 1. venæ à spermaticis ortæ ad testem aut membranam ejus insertæ, nutriunt tantum testes & membranas. 2. Nulla foramina sunt per quæ ex testibus semen confectum exeat, ingrediaturque in vasa deferentia. 3. Semen ibi non invenit, sed in Epididymidibus. 4. Nullam cavitatem habent. Igitur usus testium illi est, fovere calorem Epididymidum,

TABULÆ EXPLICATIO.

Exhibet Testiculos humanos cum suis involucris propriis , & vasis , ex R. de Graaf.

FIGURA I.

- A. Vasorum præparantium partes abscisse.
- B. Tunica vaginalis omnia Testiculorum vasa in se continens.
- C. Musculi Cremasteris principium.
- D. Musculi Cremasteris fibra carnea , quæ tunica vaginali annectuntur , atque per ejus longitudinem excurrunt.
- EE. Musculi Cremasteris fibra carnea in tunica vaginali obscuro fine terminantes.
- F. Tunica vaginalis testiculos continens.

FIGURA II.

- A. Vasa præparantia transversim dissecta.
- B. Vasa Testiculorum à tunica vaginali liberata , & per tenuissimas quadam membranas sibi mutuo leviter connexa.
- CC. Arteria semen præparans per ventrem Testiculi ascendens.
- DD. Venarum semen præparantium ramificationes ad latera Testiculorum excurrentes.
- E. Tunica albuginea Testiculi substantiam undequaque continens.
- F. Tunica vaginalis pars retracta.
- G. Globus Epididymidis major.
- H. Epididymidis pars media.
- I. Globus Epididymidis minor.
- K. Epididymidis finis sive vasis semen deferentis principium.
- L. Vas semen deferens abscissum.

FIGURA III.

- A. Arteria semen præparans prout ordinariè in corporibus humanis reperitur.
- B. Arteriæ semen præparantis divisio in duos ramos.
- CC. Ramus Arteriæ semen præparantis major ad Testiculum excurrentis.
- DD. Ramus Arteriæ præparantis minor ad Epididymidem properans.
- E. Globus Epididymidis major Testiculo adhærens.
- FF. Epididymis inversa , ut videatur qua ratione arteria sub illa excurrat.
- G. Finis Epididymidis.
- H. Vasis semen deferentis portio.

fig. I




fig. II




fig. III



TABULÆ EXPLICATIO.

Exhibet Testiculos brutorum animalium, in quibus vasa Testiculorum tum artificio, tum naturâ suâ facilius & clarius conspiciuntur, ex R. de Graaf, qui ipse suarum figurarum correctioni in hac editione præfuit.

FIGURA I.

- | | |
|---|---|
| <p>AAA. Tunica vaginalis Testiculi ad latera deducta.</p> <p>B. Arteria præparans quæ antequam ad Testem accedit, de latere in latus sursum deorsumque volvitur.</p> <p>C. Vasa præparantia tenui quadam membrana adhuc simul connexa.</p> <p>DD. Arteria præparans per ventrem Testiculi sursum ascendens.</p> | <p>E. Vene præparantis propagines.</p> <p>F. Testis caninus cum Epididymide semine turgidus.</p> <p>G. Globus Epididymidis major.</p> <p>H. Globus Epididymidis minor.</p> <p>I. Principium vasis semen deferentis.</p> <p>K. Vas semen deferens in cane ante coitum ligatum.</p> |
|---|---|

FIGURA II.

- | | |
|--|--|
| <p>A. Vasa præparantia abscissa.</p> <p>B. Vasa præparantia prout ad testes excurrunt.</p> <p>C. Vasorum præparantium ramificationes ad Epididymides tendentes.</p> <p>DD. Arteriarum præparantis ramus maximus per ventrem Testiculi excurrens.</p> <p>EE. Venarum præparantium ramificationes.</p> <p>E. Testiculus Caninus semine turgidus.</p> | <p>G. Globus Epididymidis major semine turgens.</p> <p>H. Globus Epididymidis minor similiter ob copiam seminis distensus.</p> <p>I. Finis Epididymidis sive principium vasis semen deferentis.</p> <p>K. Vas semen deferens similiter antea cautum illæsis vasis præparantibus in inguine canis ligatum, ut vascula seminaria semine repleta clarius conspiciantur.</p> |
|--|--|

FIGURA III.


- | | |
|---|---|
| <p>AA. Globus Epididymidis major inversus, ut videantur ductus Epididymidis divaricationes, eorumque progressus.</p> <p>B. Superior pars testiculi ex qua vascula seminaria egrediuntur, quæ globum Epididymidis majorem constituunt.</p> | <p>C. Vasa præparantia abscissa.</p> <p>DD. Vasorum præparantium divaricationes.</p> <p>E. Corpus Testiculi canini.</p> |
|---|---|

FIGURA IV.

- | | |
|---|--|
| <p>A. Testiculus caninus transversim dissectus.</p> <p>BBB. Vascula seminaria prout inter</p> | <p>membranas certo ordine collocata detinentur.</p> <p>C. Radix Epididymidis Highmori dicta.</p> |
|---|--|

FIGURA V.

- | | |
|--|---|
| <p>A. Testiculus gliris in quo vascula seminaria nulla præparatione prævia ita semine turgent ut per membranam albugineam clare atque distincte appareant, eaque ablata sponte à se invicem secedant.</p> <p>B. Vasa præparantia abscissa.</p> <p>CC. Arteria præparans.</p> <p>DD. Vene præparantis ramificationes.</p> <p>E. Egressus Vasculorum seminariarum e Testiculo.</p> | <p>F. Globi Epididymidis majoris pars concava Testiculo naturaliter adjærens jam sursum protracta.</p> <p>G. Globus Epididymidis minor, cujus prima divisio in hoc animali quasi in orbem vertitur.</p> <p>H. Vasis semen deferentis portio.</p> <p>I. Vasorum præparantium ramificationes ad Epididymides excurrentes.</p> |
|--|---|



TABULÆ EXPLICATIO.

Exhibet testiculos humanos variis modis dissectos cum corpore glanduloso, ex R. de Graaf.

FIGURA I.

- A. Principium Epididymidis sive locus in quo Vascula seminaria nostra tunicam Testiculi albugineam perforant.
 BBB. Globus Epididymidis major sursum protractus ut conspiciantur ejus ramificationes variae, excurrendi modus, & eorum in testiculos ingressus.
 CC. Vasa preparantia abscissa.
 DD. Vasorum preparantium per tunicam albugineam repentium divaricationes.
 E. Tunica Testiculorum albuginea Testiculum undique quam arctissime continens.

FIGURA II.

- A. Corpus Testiculi à tunica albuginea denudata.
 BB. Tunica albuginea inversa & sursum protracta.
 CCC. Vasorum preparantium tunicam albugineam perforantium portiuncula abscissa.
 D. Tunica albuginea dorso Testiculi propter membranas Testicul. ibi concurrentes firmiter adhaerens.

FIGURA III.

- A. Substantia Testiculi à Tunica albuginea denudata.
 BBBB. Corporis Testiculi solutiones, quibus patet illud non esse glandulosum, uti prima fronte apparet, sed ex vasculis compositum.
 C. Tunica albuginea sursum protracta portiuncula.

FIGURA IV.

- AAAA. Vascula seminaria Testiculorum inter membranas tenuissimas certo ordine collocata.
 BB. Vascula seminaria per membranaceam substantiam Testiculi dorso adhaerentem excurrentia.
 C. Vasculorum seminariorum tunicam albugineam perforantium portiuncula abscissa, antequam serpentinoductu, ut videre est in Fig. I. BBB. globum Epididymidis majorem constituunt.
 DDDD. Tunica albuginea in parte anteriori Testiculi aperta & ad latera deducta.

FIGURA V.

- A. Testiculus transversim dissectus.
 BBB. Vasculorum seminariorum dispositiones.
 C. Membrantarum Vascula seminaria, ne confundantur detinentium concursus Testiculi dorso firmiter annexus.




FIGURA VI.

- AA. Glandulosum corpus in anteriori parte divisum.
 B. Urethra in superiori parte aperta.
 CCC. Ductus glandulosi corporis denudati.
 D. Locus carunculae per quam semen à Testibus & Vesiculis seminariis profusus erumpit.

fig. II



fig. IV



ut facilius hæ semen conficiant. Ignobilis sane usus partis quæ nos testari concedit. Calorem habent pro vicinorum foru, sed præcipue pro commodo proprio. Plures vero arterias majoresque accipiunt, quam pro privata nutritione parvi corpusculi ovalis. Ad cætera nuper respondimus.

Nec soli segregationi lymphæ seu feri ex sanguine inserviunt. Prodidit id post alios *Lindanus*. Quorsum enim tanta copia sanguinis ad testes procumberet, solius segregationis causa. Segregatur quidem serum & per lymphatica vasa reducitur, sed peracta testium coctione. Plus quam serum in testibus conspicitur sanis. Oleosum semen & pingue, quod Dissectoribus apparet, ab illo differt.

*Succum
nervæum
non esse
materiam
sanguinis.*

Præter sanguinem ex arteriis, pro materia seminis etiam succum nobiliorem per nervos quadruplo numerosiores quam reliqua vasa, in glandula testium excidentibus defecunt *Angli Prosectores*, cum sanguine eundem misceri in testiculi parenchymate, digeri & nonnihil alterari. Superius rationes huic succo nervoso opposuimus. Jam *Willisus* solus sufficit huic conjecturæ, quæ Anatomem nostram turbat, convellendæ. Is sedulus nervorum scrutator, non nisi unicum nervum, è pari vertebrali profectum, huc pertingere deprehendit, qui etiam magna ex parte musculo cremasteri impenditur: debilitari autem cerebrum, quia post magnas profusiones seminis majora tributa liquoris spirituosi à sanguine exiguntur, quo cerebrum defraudatur: præterea spiritus animales, prostaras actuantes, à medulla spinali accessitos in actu Venereo, multum absumi.

*Consensus
testium
cum toto
corpore.*

Testes etiam calorem & robur videntur corporibus virilibus addere, ut patet in castratis, qui quasi in fœminas mutantur habitu, temperamento, moribus, &c. Et certe maximus consensus est testium cum partibus superioribus, præsertim vero corde: videmus enim epithemata cordialia & refrigerantia in virium defectu & hæmorrhagio testibus applicata juvare, ac si cordi admoventur, vel parti affectæ. Quæ ejus rei sit causa dictu difficile est. *Facchinus*, *Laurentius*, *Hofmannus* id fieri putant ab animi affectibus, qui libidini junguntur. Sed & eunuchi libidinosi, magni enim amatores mulierum sunt: & eunuchi sæpe iræ aliisque animi affectibus indulgent, viri tamen habitum non recipiunt. *Galenus* videtur arbitratus in testibus spiritum gigni qui inde per totum corpus diffundatur: Sed glandulosa corpora, è quorum genere testes, inepta sunt ad calidi spiritus generationem, & viæ quoque circa testes non suppetunt ad novi illius spiritus distributionem, ex opinione *Galenii*. Quare
nec

nec *Mercurii* placet opinio, eos spiritus ibi quidem non gigni, sed vitales in testibus majori copia colligi, ut ex iis per totum corpus remeant, nam qui colliguntur, ad feminis generationem faciunt. Sed magis arridet *Th. à Vega* opinio, donec probabiliorem invenerimus, auram quandam seminalem in generatione seminis elevari, quæ ita corpus immutet. Certe non castratorum carnes seminis aliquod virus referunt quod castrata non habent. Aura ista ad cor pervenit, siue per corporis spiracula interiora, siue per venas, vel lymphatica vasa, referentes ad cor generati seminis superfluitates. *Helmontius* actione Regiminis ad distans testes agere suspicatur, sicut stomachus in uterum, uterus in superiora, idque sine rectis viis aut notis, quas tamen libenter quaerit *Anatomicus*, ubi potest. *Veslingius* ingeniose mutationes has aliasque vocum, temperamenti, roboris, deducit ab infiti caloris à copiosa materia, quæ facescere in semen debebat, oppensione. Consensus autem cum corde partim à nervis dependet, partim (quia circulationem in testibus defendimus) à venis dictis ad cor successive remeantibus, quibus & cordialium vis ascendit, & refrigerium, quemadmodum in extremis manuum cordialia & refrigerantia eodem successu applicamus. Consensum per nervos cum cerebro habent. Nam testantur *Crokius* & *Rogersius* juvenem libidinosum correptum Epilepsia vehementi ab exiguo tumore testium. Ex testis læsione vidit *Marchettus* convulsionem in maxilla inferiori.

CAP. XXIII.


DE VASIS DEFERENTIBUS,
Ejaculatoriis, de Parastatis, Vesiculis
seminariis, & Prostatis.

Vasa spermatica præparatoria supra proposuimus, quæ desinunt in testes, ad quas materiam pro semine advehunt.

Alia vero vasa sunt quæ incipiunt à testibus, & desinunt ad radicem penis, quo deferunt & ejaculantur semen jam in testibus confectum. Suntque duo talia deferentia vasa, utrinque unum.

Dividimus autem hæc vasa in principium, medium & finem.

Principium vocant *Parastatas*, quasi superficialiter testibus adstantes, item corpora varicosa, seu variciformia, quia
vari-



FIGURÆ EXPLICATIO.

Testis substantia vasata, ex *Raucl. Dathirio*.

- A. Testis per medium discissus.
- B. Tunica albuginea.
- C. Vasorum preparantium in albuginea insertio.
- D. Ductus Highmorianus.
- EE. Vasa preparantia albugineam perforantia, & ductui semicirculari nexu commissa.
- FF. Genuina testis Virilis substantia vasata.
- G. Exiles fistule, modo plures, modo pauciores, è ductu, ubi statim ex albuginea emerit, in capite testis, exortæ.
- H. Vas ejaculatorium, recta Epididymidis continuatio.

varicuum instar contorquentur: apud *Galenum* in *Exegeti* voc. *Nomen*. *Hipp.* veniunt nomine *imdidymidar*, quod testibus incumbant, quæ tamen usu peculiari alii distinguunt, ut Epididymidis semen præparent, Parastatæ vero ulterius perficiant: alii invertunt, hæcque præparare semen credunt, illas perficere, nescio an satis bene ex antiquis Medicis. Suntque corpora oblonga testibus imposita, alba, crassa, teretia, nonnihil tamen depressa, solida, quæ sensim angustantur.

Rogersius vocat vasa *Comparantia*. *Whartonus* distinguit in Epididymida & Epistatam. Alii discrimen ponunt inter Epididymida & Parastatam: 1. situ. 2. substantia. 3. colore. 4. calore. 5. ductu minore vel majore. 6. succo. Sed confundunt partem cum toto. Commode enim, doctrinæ gratia, Epididymidividitur Epididymis seu Parastata, quia vermi similis, in *dis* *divisio*, caput, corpus & caudam, quæ ita distinguuntur:

Caput, testium superiori parti adhæret valide, latum, durius, ex plurimis glandulis per membranas compactis confans, vasis nonnullis à præparantibus donatum, cavitatem exiguam à ductu nervoso admittens, qua semen in testibus confectum recipit; quod hic cinericeum magis, quam in corpore, ubi perficitur & candidius apparet. Sanguis vero non nisi per vim & p. h. hac effunditur.

Corpus ipsum ad medium testiculi laxa cohæsione prætensum; tortuosum, instar varicosorum corporum seu gyrorum intestinalium circumvolutum, ad fundum testis pergit cavitare præditum, in qua semen candidius efformatur.

Cauda à fundo testium, cui æctius accumbit, triangulari tuberculo simile *Lindano*, sursum adscendens continuatur Vasi ejaculatorio seu Deferenti, gyris paulatim oblitteratis; ut recta semen deferenti vasi infundat.

Datthirius Epididymida, sicut testes; plane vasculosam pronuntiat; ex fistulis subortam, fistulasque ex ductu seminali. Qui de corpore ipso Parastatarum admitti potest, non de capite glanduloso. Vasis quoque post *Hippocratem* accenset *Lindanus*, qui cum *Higbmoro* in describendis Epididymidibus accuratus est. Postremus *Græsius* duplici separatione vas quoque esse invenit, cujus dissoluti longitudo quinque ulnas excedit, ut constet ipsi 1. Testes ab his non differre, nisi quod illi ex variis, hæc maxima sui parte ex uno tantum ductu, sed parum crassiori, consent. 2. Epididymides à vase deferente non differre, nisi quod hoc recto; illæ quasi serpentino ductu incedant, & molliores evadant propter tenuitatem.

Substantia. Quoad *Substantiam* igitur, media hæc *Paraſtata* eſt inter teſtes & ipſa vaſa deferentia: habent enim ſubſtantiam hiſ molliorem, iis duriorem, quia intruſ glanduloſæ ſunt, & fungoſæ; exteriuſ vero membranōſæ.

Ortu. Unde autem oriantur, *Spigeli* recentiorumque nonnullorum opinio contra omnium authoritates ita ſtatuit: per continuationem oriri à vaſis ſeminariis, ſeu arteriis, ita ut continua ſint & vaſa præparantia & paraſtata, & vaſa deferentia, & pro vario tantum officio & ſitu varia iis imponuntur nomina.

Walaus vero *Autopſiæ* magis reſpondere arbitratur, non oriri à præparantibus hæc vaſa, ſed illiſ permuſceri potiuſ, connecti, & in ea aperiri: idque, ut ille putat, quo ſanguis per arteriaſ præparanteſ impuſſuſ deponere in vaſis deferentis ramuliſ eam materiam poſſit, quam ad generationem ſeminis aptam habet. Reliquum vero ſanguiniſ per *Anaſtomofeſ* aliaſ veniſ infundi, & circulatione ad cor redire.

Cæterum oriuntur à teſtibuſ, per fiſtulaſ exileſ *Galeno* obſervataſ ſeu fibraſ candidaſ innumeraſ: & nullum omnino vaſi ſemen deferenti cum veniſ & arteriis teſtium communio eſt, quod ex ſeſtione patere putat *Veſaliuſ*. Teſtium vero intimæ tunicæ illigantur, quamviſ & propriam habeant.

Uſuſ. *Uſuſ* paraſtatarum eſt, ſemen perficere & abſolvere, vi à teſtibuſ accepta; Deinde, dum in iis ſemen moratur, ſit ut libido vehemens & crebra non excitetur.

Uteriorem hic fieri elaborationem, qualis apud chymicoſ circulatione illa ſeu Pellicatione celebratur, concedit *Highmoruſ*. Sublimare ſemen & volatiliorem reddere *Rogeriſ* placet, qui tamen poſt *Veſlingium* ſeminis rudimenta ad teſteſ, non à teſtibuſ tranſmittent, iter videtur ignorare naturale per viaſ manifeſtaſ conſpicuum. Ex ductu enim ſeminali patet ad caput Epididymidiſ foramen, hinc per corpus ejuſdem tortuoſi flexuſ cavi ad deferentia vaſa aperiuntur.

Semen hic non elaborari primario. Semen primario in Epididymidibuſ elaborari *Lindanuſ* probat, quia 1. in vaſiſ præparantibuſ ſanguis, non ſemen ſit: in deferentibuſ ſemen, non ſanguis. 2. Proſtata ſeminis ſemper pleni reperiuntur, poſteaquam ſemel quiſ cœperit Venerem experiri. 3. ex ſtructura ipſa. Ideo enim arteria� illaſ, quæ Epididymideſ conſtituunt, tam mire eſſe conglomerataſ, ut dum in hac viæ longitudine diuturniorem moram ſanguis trahit, fiat ex eo ſemen elaboratiſſimum.

Nos, quia à parte teſtium in hoc negotio ſtamus, ad *Lindani*

dani rationes respondemus. 1. In testibus semen primo confici ex sanguine præparato in præparantibus, & exinde per Paraftatas ferri ad Deferentes, unde hic semen, in præparantibus sanguinem conspici. 2. In Prostatas tam ex testibus quam Paraftatis semen profluere, ex his immediate, ex illis mediate, si semen vocandum est, quod continent Prostata. 3. Diversam structuram, a nobis allatam, ostendere non peer arterias, quæ pauca ad caput Epididymidis inferuntur, sed ex ductu seminali semen ex testibus infundi Paraftatis, & gyris innumeris ibidem perfici. 4. In feminis deficere, in quibus tamen fit, licet serosius.

MEDIUM simpliciter dicuntur vasa ejaculatoria, vel vasa spermatica deferentia, quia semen à testibus & epididymidibus seu corporibus varicosis ad vesiculas seminales deferunt: nam humorem albicantem continere cernuntur, imò & paraftata sæpe semine refertæ reperiuntur.

Substantiam habent albam & nervosam: *Figuram* tere-tem & longam: *Cavitatem* obscuram, quia semen ratione spirituum, quibus pollet, facile permeat. In maioribus animalibus manifesta, monente *Higlmoro*. In aliis etiam in vasis progressu.

Situs eorum est partim in scroto, partim in cavitate abdominis supra os pubis. Nam sursum feruntur, & præparatoriis inectuntur per tenuem membranam, atque pergunt ad ilia & os pubis, quod eam ob causam superficiariam cavitatem habet. Deinde deorsum reflexa super ureteres deducuntur, & sub posteriore parte vesicæ, super recto intestino ad vesicæ collum utrinque dilatantur, ubi

Finitis est.

Circa finem crassiora fiunt & latiora, teste *Vesalio*, quam partem pro altero testium pari *Varolius* habuit. *Medullam glandulosam* in canali hac parte ponit *Whartonus*, digitorum aliquot spacio, antè ingressum in penem, i. ut extra coitum materiam huc delapsam sistat & conservet in futurum usum. 2. Ut in coitu seminis profusionem aliquandiu remoretur, ne confestim & minore cum impetu ac delectatione cessuat, neve guttatim exstillans, generandæ proli reddatur inefficax: Incipere hanc medullam exortu tenuiori, ubi vasa deferentia primum ad vesicam appellant, *desinere* crassiorem ad urethram vesiculis seminalibus conjunctam. *Rollinckio* nihil aliud est quam crassior pars deferentium *Vesalii & Varolii*. Circa finem hunc dilatata hæc vasa constituunt.

VESICULAS SEMINARIAS multas seu cellulas, quæ quasi

FIGURARUM EXPLICATIO,

Ex R. de Graaf.

FIG. I

- A. *Vena semen præparans à venæ cavæ trunco descendente ad Testiculum excurrens.*
 BB. *Rami Venæ præparantis ad omentum & Peritonæum tendentes.*
 C. *Prima venæ præparantis divisio in duos ramos.*
 DDDDDD. *Valvule venarum præparantium, circa quas venæ, dum instantur, nodosæ apparent.*
 EEEEEEE. *Venarum præparantium divisiones ac uniones plurimæ, ut sanguis à seminis generatione superfluus in una ramificatione detentus, per alteram ad cor redire possit.*
 FF. *Superior Testiculi, cui Venæ præparantis ramificationes in dorso implantantur.*
 GG. *Ramificationes Venarum præparantium ad latera testiculorum per tunicam albuginæam repentes.*
 H. *Corpus Testiculi.*
 I. *Globus Epididymidis major superiori Testiculi parti firmiter annexus.*
 K. *Epididymidis pars media Testiculo leviter adhærens.*
 L. *Globus Epididymidis minor inferiori testiculi parti firmiter annexus.*
 M. *Vas semen deferens in medio fere abscissum.*

FIG. II.

- A. *Vasis deferentis semen portio, & in ea cavitas conspicua.*
 B. *Serpentini flexus circa finem Epididymidis ex parte soluti.*
 C. *Ultima Epididymidis solutio.*
 D. *Serpentini flexus circa medium Epididymidis soluti.*
 E. *Ejus partis ultima solutio.*
 F. *Altera pars circa medium Epididymidis ex parte soluta.*
 G. *Ejusdem partis ultima solutio.*
 H. *Globus major seu principium Epididymidis, prope quod vas ejus in plures ramos dividitur.*
 I. *Venter Testiculi.*
 K. *Arteria præparans, quæ ab inferiori testiculi parte per ejus ventrem ascendit.*
 L. *Venarum præparantium ramificationes.*

fig. 1. 11





fig. 1



utrinque una, insignis, magna & anfractuosa videri posset, cum una in aliam eat, quas non rectius quam uvæ racemo comparaveris: cavitates granorum mali punici cellulas ordine & figura eleganter æmulantur.

Riolano utrinque 4. Whartono 20. Rolfinckio 30. Rogerio favillæ dicuntur. *Deusingius* dividit in *Vesiculas*, salivalem humorem continentes, & *Capsulas* in extremo Vasorum deferentium, semen aservantes. Nescio quo auctore Nisi capsulæ illius sit *Whartoni* glandulosa medulla. Idem *Whartonus* duplici substantia consistere in equis observavit, vesica nempe membranosa & glandulosa substantia. Sed rectius *Rolfinckius* cellulas vocat glandulosa substantia intertextas. Intestino avium minorum varie contorto assimilat *Graafius*. *Rondeletius* has vesiculas primus descripsit, & post eum *Fallopianus*. Vesiculæ hæc nervæ sitæ sunt inter vesicæ urinariæ & recti intestini ligamenta, ad latera vasorum deferentium, paulo antequam hæc vasa crassiora fiant & uniantur. Patent in urethram per *foraminula*, per quæ semen velut ex corio Mercurius, emittitur compressa. Dextræ vesiculæ foramina diverso loco, quam sinistræ inferi notat *Graafius* ex *lyringa* sua.

Taurus an
post exse-
ctionem te-
stium gene-
rare potue-
rit?

Ufus est, semen elaboratum continere & reservare ad futuros coitus, adeo ut sufficere semen possit etiam pro multis foetibus. Itaque non mirum, quod *Aristoteles* proposuit, taurum, cui exsecti erant testes, tamen postea genuisse: quamvis hoc alii prostatis adscribant, ut *Archangelus* & *Columbus*. Potest autem in istis cellulis semen à multis mensibus coacervari, & pro harum vesicularum multitudine in pluribus congressibus semen emitti potest; nec tamen uno coitu totum effundi.

Whartono peculiaris generis semen in se conficiunt, quia glandulosæ sunt, idemque in vesica sua ad coitus tempus aservare. Non determinat, quale sit semen. Si plura genera sint, solum illud secundum censetur, quod testes subinistrant. Non credit *Rogersius* novam hic fieri spermatosin, sed velut in ventriculo cerebri quarto, à novo fermento spiritus ad germen ulterius imprægnari & confici. Cur autem hic semen colore illi est subcineritio vel livescente? *Deusingius* in vesiculis vel excrementum veri seminis per peculiarem vasis deferentis ramulum advectum, vel ex affluente sanguine generatum, ad illinendum meatum, in capsulis semen contineri scribit. Sed distinguit conjugenda; & quis peculiarem illum ramum observavit? Diversitatem quidem hujus liquoris ab illo in testibus advertunt alii.

alii. *Secchenchio* distat consistentia, colore, odore & pelluciditate, quæ etiam causa sit, quod excretum in coitu semen dissimulare appareat, maxime diutius retentum. *Riolanus* excrementitium quoque iudicat, cum probabile non sit, purissimam materiam ac spiritum genitorem inter sordes lotii & stercoreis contineri. Sed rectius *Bauhino* & *Highmoro* subflavum hoc semen dicitur & oleaginosum, quia tale ut plurimum secundum naturam in vesiculis conspicitur.

Et: quod semen verum contineatur in hisce vesiculis; præter auctoritatem *Fallopium*, *Varolium*, *Plateri*, *Laurentii*, *Aquapenderentis*, & *Casserii*, patet ex hac experientia: si premantur, statim semen ad fistulam virgæ exprimitur, sicuti lac ex mamma, lotium ex vesica, &c. At si prostatas digitis comprimamus, nihil tamen exit abique vesicularum compressione. Quod autem perpetuo ex illis in meatum urinarium semen non exilleret, caruncula impedit, quæ foramen obturat. In his Gonorrhœæ virulente perpetua sedes recentiorum observatione in ductus abscessu manifesto prodita: A situ harum vesicularum & testium extra cavum peritonæi rationem quarit *Riolanus*, cur Viri corrupti feminis tetræ vaporibus non ita crudeliter infestentur, ut mulieres. Sed peritonæum non impedit feminis evaporationes, quia venæ interiorius sursum patent: Ad hæc Viragines iis neutiquam afficiuntur. Ratio igitur in seminis qualitate investiganda, quæ Viris & Viraginibus benignior est, nec petit nec inficitur.

An in vesiculis contineatur semen?

An prostata semen contineant?

Post constitutas vesiculas seminarias vasa illa deferentia deinde uniuntur in unum exiguum ductum, qui in prostatas abit.

PROSTATA autem quasi attestantes sunt glandulæ duæ, à vesiculis seminariis usu, forma, situ & magnitudine manifeste diversæ, ut quæ ac *Hofmanno* visum, quarum

Situs est ad radicem penis supra sphincterem sive muscolum vesicæ, utrinque ad hujus collum. *Columbo* dicuntur parastatæ, *Vesalio* glandosum corpus, *Fallopio* glandosum assistens. Alii testiculos vocant ad differentiam testium. Anterior & posterior sunt depressæ ad latera rotunda.

Magnitudo fere nucis juglandis est, majores in lascivis. Venis, arteriis, lymphaticis & nervis donatæ.

Substantiam habent spongiosam, durioram tamen & albidioram quam aliæ glandulæ, membranaque involvuntur deniorem; & hæc omnia, ne oleosus, & alias facile penetrans humor exsudet & diffuset: & quia sensu sunt exquisito, in congressu voluptas excitatur. Patent hæc glandulæ poris quibusdam

FIGURARUM EXPLICATIO.

Exhibet Vasorum deferentium cum Vesiculis feminalibus communionem prout in corpore humano naturaliter occurrit, ex R. de Graaf.

FIG. I.

- AA. Vasorum semen deferentium partes crassa substantia & exigua cavitate donata.
 BB. Vasorum deferentium partes tenui substantia & magna cavitate capsularum ad instar dilatate.
 CC. Vasorum deferentium extremitates rursus coarctatae & exiguo foramine in Vesicularum seminariarum collum hiantes.
 DD. Vesicularum seminariarum collum membrana quadam intermedia in duas partes divisum, ita ut unius lateris semen, cum semine alterius lateris confundi non possit antequam ad Urethram pervenit.
 EEEE. Vesiculae seminae statu distenta, ut mirabiles earum dilatationes & coarctationes conspiciantur.
 FF. Vasa ad vesiculas seminae tendentia.
 GGG. Membrana quibus vesiculae seminae & vasa deferentia in suo situ detinentur.
 HH. Vasa sanguinea ad latera vasorum deferentium excurrentia, eaque suis ramificationibus amplectentia.
 I. Caruncula caput gallinaginis representans, per cujus quasi oculos semen in Urethram erumpit.
 KK. Ductum corporis glandosi in Urethram ad latera Carunculae hiantes.
 LL. Corpus glandosum in anteriori parte divisum.
 MM. Urethra aperta.

FIG. II.

Omnes haec litterae quemadmodum in priori externam, sic in hac internam vesicularum seminae substantiam exhibent.

Fig. I





Fig. II



buldam in urethram, qui evidenter apparent in iis qui Gonorrhœa obiere, cujus Gonorrhœæ non raro hi pori dilatati propria sedes sunt, consentientibus *Vesalio*, *Spigelio*, *Highmoro*. In equo 12. foramina exigua advertit *Whartonus*, quæ singula in papillis, grani sinapis magnitudine, in urethra protuberantibus reperiuntur. Tria vel quatuor in cadaveribus observavit *Rolfinckius*. Pauciora quam decem in homine *Graafius* non invenit.

Meatus novus.

Meatum novum, sed exilem, concavum in homine invenit *Joh. Dan. Major* cum *Cass. Marchio*, qui ex porositatibus prostaticarum in urethram educitur & terminatur, per quem seminalis ille liquor in fistulam stillat. Tot ductus quot foramina vidit *Graafius*, qui ita à se distinguuntur, ut uno inflato reliqui non intumescant, quia tot classes, quot ductus.

Ufus earum est continere humorem oleaginosum, lubricum & pinguem, qui exprimitur cum opus est, ad meatum urinarium illinendum, ut defendatur meatus hic ab acrimonia seminis vel urinæ, & ne exsiccatus confideat, sed lubricus maneat; quandoquidem per eum in coitu subito & simul humor iste una cum semine exit. Oleaginosi hujus humoris defectum vidit *Riolanus* suppletum liberali victu humectante, semicupio, & oleo amygdalarum per syringam injecto in Urethram.

Hæc voluit *Galenus*, quando dixit in iis contineri humorem quendam spermati similem, sed longe tenuiorem, cujus humoris usus sit ad Venerem excitare, & in coitu delectare. *Plaxxonus* addit, ut præsidio sint vasis deferentibus contra vel disruptionem vel compressionem à Vesica aut intestino recto; hincque simul seminis aliquid exprimitur in valido egerendi duratas fæces conatu. Suppressionem urinæ à prostaticis tumefactis observavit *Riolanus*, & à calculo in illis genito *Rhodius* poster.

An prostatica semen conficiant?

Interim *Spigelius*, *Riolanus*, aliique sunt, qui semen continere putant, colligere, & hinc excernere, perfectionemque quandam largiri, ut autumat *Veslingius*. Alii, ut *Laurerentius*, utrumque; vult enim *Aesculapius* & semen incrassare, & tenuem humorem gignere ad titillationem excitandam. Cæterum semen non continere, compressio illarum monstrat, nisi unà Vesiculæ comprimantur. Et cum hic Gonorrhœæ diuturnæ sæpe sit sedes, frequentioreinque illam ad plures annos observemus sine insigni valetudinis noxa, non sit verosimile ex prostaticis sperma fluxisse. Patavii cuidam mihi visus, qui ultra annos 30. eo fluxu laboravit, & adhuc

Sedes Gonorrhœæ.

cate-

cætera sanus, laborat. Non igitur semen in his continetur, nec si pertranseat, commoratur.

Sunt alii, qui putant facere ad seminis generationem, inq̃ scolas cum Vesiculis generare semen, ut probare satagit *Regius*; quod si verum esset, utique castrata etiam generarent. Emittunt quidem castrata semini similem humiditatem & ad Venerem incitantur, ut de Eunuchis notum, quos pollutiones nocturnas pati scimus, sed spe prolis frustrantur. Quodd si observata sint generasse, quod de caballis taurisque, ex electis testibus vel contusis narratur; supererat sine dubio in vesiculis seminalibus ex testium generatione, quod semel sufficeret; sin sæpius, jam alter testiculus fuerat relictus. *Lindannus* revera esse materiam seminis concludit, neque diversam esse ab ea quæ fecundat feminas, nisi quod in congressu imprægnetur spiritibus & spumescat & crassescat, agitata ab illis. Hinc coagulari dicitur *Rogersio*.

Triiplicem materiam seminalem constituit *Riolanus*, purissimam in testiculis, excrementitiam in vesiculis, oleaginosa in Prostatis. *Whartonus* sententiam exinde firmat, quod Prostata peculiari ductu in Urethram desinant, distorque in nonnullis animalibus exitus prostaticarum ab exitu deferentium & vesicularum: materiam vero seminalem, quæ hæc generatur, magis crassam esse, lubricam & viscidam, cum testiculorum semen sit lactei coloris, vesicularum serosiorum & pallidam, omnia tamen ad generationem requiri: Nam prostata in calculi asperi extractione, si à lithotomis lacereentur, steriles fieri viros, uti & si vesicæ distrumpantur. Certum est, semen quod excernitur, esse heterogeneum, mixtum ex semine vero testiculorum, & oleaginoso liquore prostaticarum. Sed prolificum semen illud est, & solum vocatur. Hic liquor una exit propter causas ante dictas. Sufficit unum, illudque verum, quod ut fiat prolificum, per varias epididymidum vesicularumque vias debet perfici. Hinc læsio prostaticarum & vesicularum sterilitatem inducit; quia semini perfectio subtrahitur & vehiculum.

CAP. XXIV.

DE PENE.

Membrum virile seu genitale communiter Penis dicitur, à pendendo, item *Virga*, *Colis*, &c. Alia nomina solent imponi plurima, quæ reticere præstat, quam nominare, in quibus recensendis operosus est *Rosinckius* post *Bauhinum*.

FIGURARUM EXPLICATIO.

Penis partes omnes repræsentantur , ex *Casserio*.

FIGURA I.

- AAA. *Urethra dissecta interior superficies.*
- B. *Pars urethrae quæ glandem perforat.*
- CC. *Glans.*
- DD. *Duo penis corpora nervosa.*

FIGURA II.

- A. *Corporis nervosi membrana separata.*
- B. *Medulla ejusdem corporis nigricans.*
- C. *Glans nuda.*

FIGURA III.


- AAA. *Interna pars nervosi corporis , à quo omnis spongiosa substantia detracta est.*
- B. *Nervus hoc ipsum corpus ingrediens.*
- CCC. *Arteria ejusdem corporis.*
- DD. *Septum pellucidum , Spigelio dictum.*

FIGURA IV.

- AAA. *Vena per dorsum penis excurrentes.*
- BB. *Arteria.*
- CC. *Nervi penis.*
- D. *Glans.*

FIG. V. Penis musculos in situ ostendit.

- AA. *Partes circa nates.*
- B. *Pubis regio.*
- C. *Penis cute nudatus.*
- DD. *Duo nervosa corpora.*
- E. *Urethra.*
- FF. *Duo muscoli urethram dilatantes.*
- GG. *Duo muscoli penem erigentes.*
- aa. *Principium eorum ab osse coxendicis.*
- H. *Anus.*
- I. *Sphincter ani.*
- KK. *Duo muscoli rectum intestinum sursum trahentes.*



num. Plato in Timæo animali cuidam comparat, quod ei insita sit vis generandi appetens. Cæterum est pars & instrumentum animalis, visque appetens cerebro insita.

Situs.

Situs est ad ossis pubis radices, ut commodius fieret congressus, & aliis partibus impedimento non esset; estque in medio positus, quia *Numero* unicus. Quidam tamen aliquando Bononiæ dissectus duplicem penem habuit. Quod & in prodigiis de puero narrat *Obsequens*. Alius Annæ nomine in Latio nuper errans eo plane caruit: ejusque loco spongiam fungosam sub umbilico excernendæ urinæ à natura gestavit.

Figura.

Figura oblonge rotundus est; sed non exacte, quia in superiori parte, quam dorsum penis vocant, est latior.

Magnitudo.

Magnitudo, quæ in crassitie & longitudine consistit, variatur tum in specie, tum in individuo. *In specie* homini tanta est, quanta ad procreandam sobolem requirebatur: In proportionem vero brevior, quam in multis brutis, ob modum congressus in genere humano, qui non fit more brutorum. *In individuis* maxima est varietas. Nam ut plurimum major est 1. in parvis viris. 2. in iis qui à coitu abstinere, si *Galeno* creditur. 3. Si vasa umbilicalia non proxime ligentur ad umbilicum in infantulis: alias enim ob urachum, vesica & vicinæ partes magis sursum trahuntur, quamvis contraria hic omnia existimet *Spigelius*. 4. Nasutis: nam penis magna ad nasum proportio, si credimus Physiognomis. 5. stolidis & asininis ingenio præditis. Nonnullis nationibus magnitudo hujus membri est insignior, ut *Æthiopibus*.

Penis cur pinguedine caveat, opinio I. Laurentii error.

Constat cuticula, cute, panniculo carnosio, & propria substantia. *Pinguedine* caret etiam in obesissimis hominibus. Causa vero cur neque in eo, neque circa eum adeps reperitur, quæritur. Alii, ut *Laurentius*, putant causam esse, quod pinguedo mollicie sua erectionem impediret: Atqui quamdiu corpora penis inflata sunt, erigitur penis. Alii causam dant, ne pondere læderet, & ne penis in nimiam molem excresceret. At si pinguedo pauca esset, non ponderaret, neque penem nimis amplificaret. Verior ergo causa est, deesse pinguedinem, ne sensus obtunderetur, & voluptas minueretur, fusæper frictionem pinguedine.

Penis partes 4.

Substantia propria non est ossea, quemadmodum in cane, lupo, vulpe, rosmaro, balena, &c. sed peculiaris & propria, qualis nulla est in alia parte corporis. Quatuor autem sunt propriæ penis partes, Urethra, glans & duo corpora nervosa.

Urethra.

URETHRA seu fistula urinaria est canalis nervosus, ejusdem

dem semper amplitudinis à vesicæ cervice, cui conjungitur, non tamen nascitur ab ea, nec cum ea continuatur, tantum longior aliqua cervix ad extremum penem; nisi ubi glans cum nervosis corporibus jungitur: ibi enim superficialem habet cavernulam, in qua aliquando humore erodente collecto ex gonorrhœa vel aliunde fit ulcus & dolor intolerabilis. Valde dilatatur in calculosis: *Alpinus* adeo dilatatam in Ægypto vidit, ut magnam avellanam admitteret. Hinc inflari & facile calculum extrahi.

In hujus principio pori illi sunt per quos ante diximus semen exillare: adest quoque *membranula* seu caruncula instar valvulæ circumtensa ne semen & urina ad vasa spermatica refluant. Eroditur hæc ab humoribus acerbis, vel à cathetere, unde gonorrhœa perpetua. Observante *Riolano* in pueris usque ad vigesimum annum ista invenitur, sed cur posteriori ætati denegetur, ubi major aucto semine ejus est necessitas, causam non video.

Urethram hanc amplectuntur corpora penis & contingunt, sub quibus ponitur, & una cum iis reflectitur, atque deinde ad glandem exporrigitur, designans hac ratione figuram literæ S.

Duplicem autem *membranam* & *substantiam* insuper habet propriam urethra.

Una membrana est interna & tenuis, exquisiti sensus, ut calculosi testantur: qua etiam glans integitur, nata ex membrana tenui penis nervos investiente: altera exterior & carnosior & fibris transversis. Substantiæ propriæ medium est laxum, spongiosum & nigricans, ut cum corporibus nervosis distendi queat.

Uſus urethræ est, ut sit ductus communis urinæ, seminis & humoris oleaginosi, in primis tamen seminis, nam ex *Aristotelie* iis adest, qui urinam non reddunt, & abest quibusdam qui mingunt.

GLANS vel caput penis est pars extima tumens, subrotunda vel turbinata, æqualis, coronæ modo circulo cincta. Glans.

Carnem habet sensilem magis & solidiorem, quam in reliquo ipse est, tenuissima membrana intectam.

Mollis est & exquisiti sensus, pruritus ergo. In aliis acutior, in aliis obtusior,

Involucro vel tegmine donatur quod *præputium* dicitur, à putando, ab Hebræis enim & Turcis resecatur, unde appellæ & recutiti dicuntur. Apud hos autem mirum est, quod *αὐτόπληξ* mihi retulit *Joh. Veslingius*, præputium in puerulis frequenter ita excreſcere ut caudæ in morem acuminetur, carno-

FIGURÆ EXPLICATIO.

Exhibet Partes genitales simul cohærentes prout
à parte anteriore sese repræsentant ; ex R. de
Graaf.


- A. Vesicæ urinariæ pars anterior.
B. Collum Vesicæ urinariæ.
CC. Ureterum portiones.
DD. Vasorum semen deferentium portiones.
EE. Vasa ad vesiculas seminarias excurrentia.
FF. Vesicula seminaria.
GG. Prostatarum sive Corporis glandosi pars anterior.
H. Urethra spongiosæ suæ parti adjacens.
II. Urethra pars spongiosa.
KK. Musculi penem erigentes vel extendentes dicti.
LL. Corporum nervosorum principia, ab ossibus pubis separata,
quæ folliculorum ad instar dum penis inflatur protuberant.
MM. Penis cutis ad latera diducta.
NN. Cutis duplicatura præputium constituens.
OO. Cuti quæ retro glandem annexa fuit.
PP. Penis dorsum.
Q. Glans penis.
R. Meatus urinaris quò Glans in anteriori parte perforatur.
SS. Nervi supra dorsum Penis excurrentes.
TT. Arteria supra dorsum Penis excurrentes.
V. Corpora nervosa simul concurrentia.
WW. Vene duæ quæ simul cœunt & uno ramo insigni per Penis
dorsum excurrunt.
X. Vena aperta, ut valvule in ea conspiciantur.

carnosum & magnum valde in quodam observavit Hilda-
nus ; & inferiore parte glandi alligatur per membranam vel
vinculum quoddam, frænum appellatum, quod in foramine
balani terminatur. ab extremitatibus nervorum conflari
quidam volunt. Carol. Stephanus ex tendinum musculorum
penis & nervi complexu.

Corpora
nervosa.

Duo CORPORA NERVOSA, utrinquè unum, reliquam,
& quidem maximam partem penis constituunt : quæ sub-
stantia tota est quasi crassissima arteria, fungosa carne in-
farta.

Duplex



FIGURARUM EXPLICATIO.

Ex R. de Graaf.

FIG. I.

Exhibet Membrum virile à superiori parte usque ad Urethram per medium divisum.

- A A. Glans Penis cum ipsis Corporibus nervosis per medium divisa.
- B B. Corporis nervosi Penis membrana à se invicem diducta.
- G C. Arteria per spongiosum Corporis nervosi substantiam repens.
- D D D. Membranacea sive spongiosa Penis substantia, per quam arteria ramificationes excurrunt.
- E E. Septum intermedium.
- F F. Fibrosæ Septi intermedii propagines pectinis adinstar ascendentes.
- G. Urethra circa Corpus glandosum abscissa.
- H. Urethra medium.
- I. Urethrae finis Glandem perforans.
- K K. Urethrae substantia spongiosa.
- LL. Corporum nervosorum principia folliculorum adinstar dilatata.
- M M. Musculi Penem erigentes vel extendentes dicti.

FIG. II.

Exhibet Membrum virile ad latus secundum longitudinem apertum.

- A A. Glans nulla.
- B. Frenum.
- C C. Portiuncula cutis à qua reliqua pars, Penem tegens, separata est.
- D D. Urethra Corporibus nervosis subjacens.
- E E. Corporis nervosi Penis membrana divisa.
- F F. Arteria per Corporis nervosi substantiam spongiosam excurrens.
- G G. Corporis nervosi substantia spongiosa.
- H H. Arteriarum abscissarum orificia in Corporibus nervosis conspicua.
- I. Urethra.
- K. Spongiosa Urethra substantia.
- L L. Septum intermedium Corporum nervosorum.

FIG. III.

Exhibet membrum virile transversim divisum.

- A A. Spongiosa sive fibrosa Corporum nervosorum substantia.
- b b. Arteria duæ Corpora nervosa perambulantes.
- C. Urethra meatus urinarius.
- D. Urethra substantia spongiosa.
- E. Septum intermedium.
- F F. Membrana Corporum nervosorum validissima.
- G. Membrana tenuissima Urethrae substantiam spongiosam continens.
- M. Vena insignis per Penis dorsum repens.

fig. I





fig. II



fig. III



Duplex enim est substantia, prima exterior, quæ densa; dura & nervosa; altera interior, fungosa, rara & cavernosa, atque ex nigro subrubra, unde *Vesalius* ait, impleri eam plurimo nigricante sanguine, instar farciminis.

*Unde penis
induratio
& erectio?* Rara autem est hæc substantia, ut impleri possit spiritu & sanguine utroque, quod dum fit, nervosa substantia magis tenditur, & efficit, ne spiritus cito dissipetur, unde penis induratio, adeoque erectio, non tam coitus causa, quam ut recta & longissime semen vir ejaculari queat, ad uteri orificium prius facto virilis membri intra muliebrem sinum motu.

Hæc duo corpora oriuntur ex inferioribus ossium coxendicis partibus, tanquam à firmo & stabili fundamento, cui firmiter alligantur duobus ligamentis, ubi in exortu invicem dissident, ut urethræ locus detur, deinde sursum feruntur, & circa ossis pubis medium coalescunt, instar duorum cornuum literæ y. non quidem utroque corpore manente integro; sed amittunt de nervosa substantia fere tertiam circumferentiæ partem: distincta tamen manent interventu alicujus septi membranei, quod non duplici, ut in exortu corporum, sed unica membrana constat, tenuissimi & pellucidi, nervosis & robustis fibris transversis firmati; quarum fibrarum series est instar pectinis textorii.

Vasa omnis generis penem ingrediuntur, *nervi, venæ & arteria*. 1. *externa & cutaneæ* frequentes, à pudenda: deinde *interna & per corpus* dispersæ. Male ergo venis destituti penem quidam putant. *Arteriæ* internæ sunt duæ insignes, ab hypogastrica ortæ, quæ inferuntur ad initium coalitus corporum, & secundum longitudinem penis disseminantur. In medio autem, ubi septum tenuius est, per spacia fibrarum ramulos hinc inde mittunt, dextra arteria in sinistrum corpus, & sinistra in dextrum, spiritum & sanguinem vehentes ad inflandum & erigendum penem, nutriendumque. Nervi ab ossis sacri medulla etiam per penem disseminantur, tam externi & cutanei, quam interni, & insigniores, qui per mediam bifurcationem ascendunt, indeque ad musculos, totum corpus & glandem disseminantur, ut exquisitus sensus & delectatio adsit, & ex cerebri impressione infletur. Ex utraque causa, sanguinem maxime facere ad penis erectionem putat *Graafius*, qui detineatur ibi à musculis comprimentibus.

Musculorum etiam duo paria habet penis. *Primum* par brevius & crassius penem erigens, collaterale *Spigelio* dictum, *oriatur* nervosum sub penis principio ab appendice coxendicis, & car-

& carneosum fertur ad penis corpora, in quæ non procul ab exortu inseritur. *Usus* est penem erigere & sustinere in congressu.

Secundum par Urethram dilatans est longius, sed gracilius, proliferum *Lindano*. Oriuntur hi duo muscoli carnosissimi à sphinctere anī secundum longitudinem penis: subtrus deinde feruntur, & ad latera urethræ circa medium inseruntur. *Usus* est inferiorem urethræ partem dilatare, tum in mictione, tum præsertim in coitu, quando corpora penis repleta sunt, ne seminis exitus cohibeatur. Comprimere vesiculas seminales non videntur posse, quia eas non attingunt. Atque in his musculis locus est, ubi calculos extrahunt communiter Chirurgi, secundum illorum longitudinem, non latitudinem lineâ seroti in cute ad latus diductâ, ut contra antiquos adnotat *Marianus Sanctus*, immissio catheteris excavato in urethram, super quam incisio facienda, quem modum *Aquapendens* describit & approbat.

Tertium par Transversorum ex Aquapend. addit *Lindanus*. Hi origine eadem cum primis, transversim abeunt ad intermedium spatium, quod sphincterem inter & par secundum est, inibi que ad cavum ovale, urethræ implantatur. *Usus*, ad diducendum illud ovale cavum & faciendum locum semini istuc primum à Prostatis vehementius erumpenti ac spumanti.

Usus penis est ad coitum: qui à viro recte fieri nequit absque erectione pudendi, & hanc consequente seminis excretionem. Vir enim *arripua* recta ejaculatur ad os uteri, ubi postea iunctum cum semine fœmineo, & ab utero attractum quando est & retentum, conceptus factus esse dicitur.

Secundarius *usus* est ad emittendam urinam; ob quam tamen non est factus, cum sine eo fœminæ lotium excernant. Ob duplicem hunc penis usum totidem meatus constituunt Arabes teste *Vesalio*, qui similem conformationem in quodam observavit.

Nonnullis glans parte qua debebat anteriore perforata non est, sed inferiore, ut ex *Aristot.* & *Paulo* annotat *C. Hoffmannus*, qui nisi erecto pene vel sedentes mejere non possunt; aliis & frequentius superiore: utrique ad generationem non ita apti sunt: subinde plane impervius, ut notat *Julius Obsequens*.

CAP. XXV.

DE PARTIBUS MULIEBRIBUS
Generationi inservientibus, & primo de Vasis
spermaticis præparantibus.

*Muliebria
genitalia a
virilibus
penitus dif-
ferre.*

Partes Muliebres generationi inservientes nonnullæ conveniunt quodammodo cum virilibus, ut vasa spermatica, testes, & vasa deferentia. Aliæ vero plane differant, ut uterus cum fundi orificio & collo, hymen, carunculæ myriformes, & vulva cum alis, clitoride, & monticulis

Neque enim existimandum est cum *Galeno*, *Archangelo*, *Fallopio* & aliis, hæc muliebria dicta membra à virilibus non differre nisi solo situ. Quæ opinio nata est ex iis, qui putarunt, fœminam esse tantum virum imperfectum; & ob frigiditatem membra generationis non potuisse foras protrudi; quemadmodum in viro vi majoris caloris extra propelluntur.

Cæterum muliebres partes non tantum situ à virilibus differre, sed universa structura, quoad numerum, superficiem, magnitudinem, cavitatem, figuram, officium & usum, satis manifestum est perito Anatomico, & cuivis, qui sequentia hæc cum præcedentibus conferre velit.

*Similitudo
penis cum
utero inep-
ta est.*

Et satis apparet opinionis eorum falsitas, ex multiplici, quam afferunt, conjectura. Quidam enim uterum seroto virili assimilant, quidam glandi penis. Peni virili aliqui uteri collum respondere volunt, aliqui clitorida. Quæ omnia propria fragilitate cum concidant, ad explicationem partium accedimus.

*Vasa præ-
parantia
mulierum.*

VASA SPERMATICA PRÆPARANTIA in mulieribus numero, ortu, officio, &c. se habent ut in viris. Quomodo autem defferant, nunc duntaxat dicendum.

Differunt primo *Magnitudine*. Muliebria hæc vasa sunt breviora ob brevem viam, sed ideo etiam anfractibus pluribus, corpus varicosum constituentibus, pollent: quo diu satis semen immoretur & præparetur. Deinde *injectione*. Nam in mulieribus non tota ad testes feruntur, sed in medio dividuntur itinere; & major pars ad testem abit, corpus varicosum constituens; minor in uterum desinit, in cujus latera disseminatur, præcipue vero ad superiorem fundi portionem, pro nutritione uteri & conceptus; & ut per ea vasa menstruorum pars aliqua in non gravidis expurgetur, Tri-
fidus

fidus enim minor ramus infra testiculum in tres furculos scinditur, quorum unus, ut dictum est, ad uterum excurrit, alter vasi deferenti sive tubæ uteri, & ligamento rotundo, distribuitur, tertius furculus, uteri latus sub membrana communi perreptans prope veram uteri cervicem desinit, venis hypogastricis etiam insinuatus, cum quibus & arteriis per anastomoses junguntur. De quibus videantur *Zerbus*, *Fallopius*, *Platerus*, aliique qui *Riolano* mihiq; viam monstrarunt, sicut fufius demonstravi in *Defensione Vas. Lymph.* Rarum est quod *Beslerus* depingit, arterias spermaticas cum arteria emulgente habere anastomosis. Hanc ob causam in mulieribus vasa hæc non excidunt peritonæo, neque os pubis pertingunt, quia testes & uterus intus sita sunt.

Venæ istæ & arteriæ seminales pluribus mirabilibus anastomosibus implicantur ad seminis præparationem: imo etiam venæ arterias hypogastricas uteri in se admittunt. ex observatione *Arantii* & *Riolani*. Arterias tamen in fœmina, quæ masculos peperit, defuisse meminimus, & *Rhodius* vidit. Singularem arteriarum spermaticarum multiplicationem in meretrice Patavina observavit *Rolfinckius*. Nempe, gemino, in latere singulo, à trunco oriebantur principio, inferebanturque prope testes minori & prope cornua uteri majori propagine. Aderant etiam hypogastricæ arteriæ, quæ latera uteri adlambentes, cum illis jungebantur ad uteri cornua. Nervos & Lymphatica vasa addit *Whartonus*; illos ut præparantes cum arteriis, hos ut reducentes cum venis, & *Fr. Zanche* & *Tolosanæ* in lapidem induratas narrat.

C A P. XXVI.

DE TESTIBUS FOEMINEIS.

TESTES vero MULIEBRES, licet usu convenient ex parte cum virilibus; in multis tamen, quoad structuram, differunt. Et I. quidem.

Situs; quem habent intrinsecus in cavitate abdominis duorum digitorum latitudine supra fundum in non gravidis, & ope ligamentorum illi superiorum adnectuntur, nempe ut calidiores sint atque adeo fœcundiores; cum materiam elaborare debeant, ex qua sola homo generari debuit, accedente virili semine, non ut materia, sed ut efficiente.

2. *Magnitudine*, quæ non tanta in mulieribus, nisi raro. Nam ob caloris augmentum post annum 24. nonnihil contrahuntur, antea albo succo amplius distenti, & mollius.

Q 4

3. Su-

Quomodo
testes mu-
liebres dif-
ferant a
virilibus.
Cur testes
muliebres
intus siti &

3. *Superficie externa*, quæ inæqualior est.

4. *Figura*, quæ non ita rotunda, sed antica & postica parte lata atque depressa est. Magis etiam testes sunt interius cavi, & repleti magis humore spermatico.

5. *Substantia*, quæ putatur nonnullis durior esse quam in viris, sed verius nonnullis mollior, & si à membrana separet, tota ex pluribus glandulis ac vesiculis coagmentata; raro tamen virilibus similes. *Rolfinckius* sex vel septem glandulas numerat. Præter has tamen majores, hydatidibus similes, observavi in puerpera exilia alia corpuscula conglobata instar ovorum formicæ. In Cetaceis nonnullis nulla, nisi in magnitudine, substantiæ diversitas.

Mulierum testes esse ovario analogos, Problema est *Stenonii* nostri, quocunque demum modo ex testibus in uterum ipsa ova, vel ovis contenta materia transmittatur. Ex Anatome piscis ex canum genere id suspicatur, cum videat viviparorum testes ova in se continere, cum eorundem uteris ibidem in abdomen, ovi ductus instar, apertus sit. Certe ex ovo omnia generantur, etiam homo, quod in *Plaltia* docet *Cous*. Ovum exclusit mulier Norwegica, & alia puerpera *Hafniensis*, de quibus in *Hist. Rar. & Epistolis* egimus. simile exemplum recitat *Rhodius*. Medusæum caput in ovo gallinæ invenit *Paraus*, cujus generationis modum tradit *Licetus*. Commoda hypothesis ad explicandum hominis brutique conceptum ex *Harvejo*. Ad uterum mittitur ea via qua alias semen muliebri solet. An vero tot foetus expectandi, quot vesiculæ in testibus, si foecundatio à Viro accedat? An sicut in gallinis tria ova, in Africanis 30. unica galli compressione, ita in gemellis vel trimellis humanis, totidem vesiculæ imprægnantur? Dies singula docebit. Legi merentur quæ habet *Kerckringius*.

6. *Temperamento*, quod putatur communiter esse frigidius, & semen contentum humidius, tenuius, & aquosius, aquoso lacti persimile.

7. *Integumentis*. Nam integuntur una tantum tunica: quia alias in loco sunt abditæ: & illa validissime adhæret, atque *Galeno* *dissecto* dicitur. Interim ubi vasa seminalia testes amittunt, quoad mediam partem à peritonæo investiantur.

8. *Connexione*; nam duplici meatu manifeste, imo altero obscuriori, utero connectuntur, quibus in coitu effunditur non serum, sed muliebne semen. Distinctius *Veslingius*, ductum porrigi ad fundum uteri evidentem, utcunque brevem, tum ab eo exiliorem alterum, sæpiusque delitescentem, ad cervicem. Non tam arcte nectuntur, quin distenti humo

humoribus in pugni magnitudinem eleventur in hysterica passione, pro utero reputari.

Vascula præter venas & arterias, habere quoque *Lymphatica*, *Vasa Lymphatica*. quorum omnia sunt plena, recte consentit *Rolsinck*. His obstructis cumulatur in testiculis lymphæ. Vesiculam magnam lymphæ refertam inveni in infanticida Hafniæ, & vesiculam aliam sero plenam, loco dextri testiculi in adultera Parisina notavit *Borrichius*, & in alia *Rhodius*, tumidumque sero in hysterica *Riolanus*, in tympanitide *Zasius*, & æqueum tumorem in ligamento sinistro *Rolsinckius*, de quibus nos in opere de *Morbis Lymphaticis*.

Arterias spermaticas à trunco aortæ in mulieribus *Harvejus* admittit nullas, sed ramos hypogastricæ arteriæ adscendere ad testes muliebres, id quod ad circulationem perficiendam est satis, quanquam *Besslerus* arterias spermaticas à trunco descendente ortas depingat.

Ussus est, elaborare semen *ἵμωρ* suo modo: quod contra omnem rationem & experientiam mulieribus denegare ausus fuit. *Aristoteles*, in locis nonnullis, contra expressam *Hippocratis* doctrinam de genitura, ubi semen è corpore etiam emittere mulieres tradit, interdum quidem in uterum, ex quo humidus redditur, nonnunquam foras, si plus æquo uterus dehiscat. Conferre autem in utero ad generationem exinde demonstrat, quod post coitum, siquidem mulier bene conceptura sit, semen ab utroque emissum profluat. Alii autem Anatomici quidam negant, testes elaborare: vel esse tantum glandulas ad recipiendam humiditatem, qua abundare debet uterus, cujus opinionis *Cremoninus* est; vel notæ tantum gratia & signi conditos, cujus effari auctor est *Rhodiginus*, & demum *Hofmannus*, cui cadavera potius testium censentur, quam testes, quia parvi, exsuccis & impactiles sunt. Sed quod humiditatem attinet, negandum 1. non tanto opus fuisse apparatu ad uterum irrigandum. Unico vase serum lentius advehente poterat satisfieri huic postulato, imò solis poris, vel lymphaticis, ut in humore lento in genu destillante fieri notum est. 2. utrumque usum præstare posse, *ἵμωρ* esse & irrigare. 3. semen, non humiditatem aliam, ex dissectis foeminarum testibus erupisse, experientia constat. Eo copiosius erumpente *Guinterius* fuit in sectione impeditus. Testantur idem pollutiones mulierum nocturnæ, & illis castratis steriles olim evasere, teste *Athenæo*. In suis id expertus est *Galenus*, nostrique rustici sues foeminas, equas, vaccas, exsectis testibus castrant. *Varro* vaccas exsectis testiculis, si statim admittantur, concipere scribit. 4. illud

Q 5

semen

FIGURÆ EXPLICATIO.


Partes muliebres generationi inservientes in situ naturali repræsentantur, & Mammæ interna structura exhibetur eadem Tabellâ.

- AA. Hepar in suo situ.
 BB. Vesicula fellis cum poro bilario.
 C. Intestini duodeni portio.
 DD. Pancreas in suo situ, per quod vasa ad lienem tendunt.
 E. Lienis corpus.
 FF. Vena cavæ truncus descendens & ejus divaricationes.
 GG. Arteria magnæ truncus descendens, inferius variè divisus.
 HH. Emulgentia vasa.
 II. Renes veri.
 KK. Renes succenturiati.
 LL. Ureteres ad vesicam descendentes.
 M. Vesica urinaria fundus.
 N. Urachi in fundum ejus insertio.
 O. Intestini recti portio.
 PP. Vena ex utroque latere præparantes.
 Q. Arteriarum præparantium è trunco exortus.
 R. Locus divaricationis truncorum Cavæ & aortæ, ubi arteria venam supergreditur.
 SS. Arteriarum umbilicalium portiones.
 T. Uteri fundus.
 VV. Testes muliebres.
 XX. Vasa semen à testibus ad uterum deferentia.
 YY. Duo superiora uteri ligamenta, vesperilionum alis assimilata.
 ZZ. Tubæ uteri Fallopio sic dictæ, sive cœci meatus seminis.
 a a. Duo inferiora uteri ligamenta rotunda, à pube abscissa.
 b b. Cavitas ossis Ilium, quæ in fœminis amplior quam in viris est.

Mammæ muliebris characterum explicatio.

- c c c. Vasa per ejus superficiem sparsa.
 d. Glandularum maxima & media.
 e. Papilla.

TABULA XLIII.



250
 men in fœminarum dissectione reperitur, si vegetiores
 fuerint & à morbis liberæ. In his & gravidis tumentes se-
 mine invenit *Beslerus*, & figura eleganti expressit. 5. verum
 semen esse, re & sensu, ex effectis colligimus masculo simi-
 libus, ut mola, ovis subventaneis, &c. quamquam imperfe-
 ctioribus, ob sexus discrimen, cui mas vitam & perfectio-
 nem superaddit. 6. calor in fœminis ad semen suum gene-
 randum adest sufficiens, adsunt instrumenta; imo nonnullæ
 viros superant. Parvi quidem sunt & exiles, sed neutiquam
 exsucci. Exilitatem numerus compensat, sicut ex uvæ ra-
 cemo plus succi interdum exprimitur, quam ex solido po-
 mo.

Aliis argumentis semen muliebri impugnat *Harvejus*,
 quia 1. mulierum major pars asserit, ipsas in coitu semen
 non effundere. Et licet salaciores quædam humorem ali-
 quem emittant, eum tamen fœcundum semen non esse;
 plurimas enim 2. sine ejusmodi effusione & nonnullas quo-
 que citra voluptatem aliquam concipere. 3. Coitus tempo-
 re, quando maribus testiculi turgent, in cervis & damis cæ-
 terisque viviparis omnibus uteri cornua immutantur; testi-
 culi autem dicti nec turgent, nec quicquam à solita consti-
 tutione variant. 4. Esse igitur potius glandulas mesenterii,
 glandulis proportionem respondentes, ut stabiliant venarum
 uterinarum divaricationes, & humorem lubricandis parti-
 bus conservent. Probabilem *Harveji* sententiam judicat *Rol-
 finckius*: nihil enim emitte spirituosum fœminam videri,
 quia hoc agentes non excipiat magna virium debilitas.

At *Jac. de Back* voluptatem in coitu esse majorem vel mi-
 norem urget. Addo, quia nec tam spirituosum semen con-
 ficiunt, nec longa est ad uterum via. In damis testiculi non
 turgent, quia turgent cornua. Dubitat vero *Backius*, 1. num
 tanquam medium inter genituram masculam & uterum
 interveniat semen muliebri, ut aptior ille fiat. 2. num ad
 fœtus auctioris alimoniam & augmentationem conferat,
 sicut pullus albumine & vitello nutritur.

Everhardus, licet *Harvejo* favens fœminarum testes semen
 conficere, sed minus perfectum, adeoque quod neque effi-
 cientis neque materialis causæ vices compleat, negare non
 potest, sed tamen in usus necessarios: siquidem ejus benefi-
 cio, mediante circulatione sanguinis, ac spirituum commu-
 nione, multæ alterationes mulieribus accidunt; succrescit
 pubes, menstrua fluere incipiunt, sororiant mammillæ, at-
 que uterus virtutis seminalis irroratione ad generationem
 disponitur. Semen sui generis in testibus confici & ad ge-
 nera-

nerationem concurrere, vix dubitabam. Sed modus adhuc later. Magis tamen materia quam efficientia obviat rationem.

C. A. P. XXVII.

De VASIS DEFERENTIBUS, imprimis
TUBA UTERI.

DE vasis semen muliebri deferentibus paulo intricatior est doctrina tradita hactenus ab Anatomicis, partim opinionum varietate, partim rei ipsius obscuritate, quam tamen reducere conabor, & quantum fieri potest, illustrare.

Vassa deferentia vel lato significato sumuntur, vel stricto. *Strictæ* pro obscuris tantum ductibus & vasis, quæ seminis in testibus generati partem ad uterum deferunt. *Late* & in genere. 1. Pro præparantibus etiam. 2. Pro his & *tuba uteri*, quam ad vas servatorium & jaculatorium alii referunt. De utrisque nos breviter & distincte.

Vassa deferentia proprie sunt ductus exiles à testibus derivati, vel ad fundum uteri, transitu brevissimo, vel ad tubas uteri variis ramulis eisque tenuissimis venarum lactearum æmullis, nisi ipsæ venæ lacteæ sint, vel illas comitentur, per membranas disseminati, ex vasis Spermaticis præparantibus corti illisque continuati, sed hic nomen & usum mutant, quia testes transeunt & lambunt proxime.

Priorem in sola uteri latera, quæ cornua dicuntur, *inferi* opinio est *Galen*i, & aliorum Anatomicorum, qui aliam insertionem se reperire non potuisse profitentur. At *Zerbus*, *Fernelius*, *Laurentius* alterum ex hoc ramulum invenerunt, qui non in fundum, ut prior, sed in cervicem abit, adeo ut hujus vasis deferentis pars una brevior, sed amplior, in sui lateris medium cornu inferatur, & ibi in uteri capacitatem semen quaecunque effundatur: Altera vero pars angustior & longior, secundum uteri latera feratur infra os ad cervicis initium. *Varolius* hujus alterius partis etiam meminit, aitque eam in iis quæ non conceperunt, adeo exiguiam esse, ut non nisi à perito Anatomico observeretur, in gravidis vero amplissimam. *Spigelius*, quum invenire non potuerit, pro lusu naturæ habet. *Veslingius* admittere videtur, quando ad fundum & vaginam à testibus materiam seminalem hac derivat. *Ego* libenter accesserim *Spigelio*, quia raro compareant. Semper quidem ad uteri cervicem ramuli disseminantur, sed illi recto itinere à præparantibus veniunt, sanguinem

FIGURÆ EXPLICATIO.


Genitales mulieris partes anticas proponit.

- AA. *Renes muliebres extra corpus separati.*
 BB. *Capsula Atrabilaria sursum elevata.*
 c. *Cavitas in capsula atrabilaria dextra.*
 d. *Vena ex cavæ trunco ad capsulam dextram, ex Emulgente sinistra ad sinistram derivata.*
 cc. *Arteria ad capsulas deducta, ex trunco arteriæ magnæ.*
 ff. *Venæ cavæ truncus descendens.*
 GG. *Arteria magna descendens.*
 HH. *Emulgens vena utrinque ad renes producta.*
 IIII. *Ureteres utrinque ex renibus ad vesicam descendentes.*
 K. *Vena spermatica sinistra ex emulgente.*
 L. *Arteria spermatica sinistra à trunco arteriæ descendens.*
 m. *Vena & Arteria spermatica conjuncta per membranam involventem.*
 n. *Testiculus sinister membrana sua adhuc involutus.*
 o. *Vesica urinaria deorsum reflexa.*
 P. *Uterus muliebris.*
 Q. *Vagina uteri.*
 R. *Pudendum muliebre externum.*
 SS. *Ligamenta uteri rotunda.*
 t. *Clioridis vestigium.*
 u. *Ligamentum latum membraneum testiculos involvens.*
 xxx. *Tuba uteri.*
 y. *Testiculus dexter à membrana lata separatus.*
 zzz. *Arteriæ & Venæ spermaticæ dextræ variis anastomosibus hinc inde cohærentes, circa testiculum vero, a membranis separatæ.*

guinem vel cum eo chylum potius quam semen deducen-
 tes, de quibus Anatomici alii videantur, imprimis *Platerus*,
Riolanus, & *Bartholinus Pater*.

Usus horum vasorum est, materiam seminalem partim
 ad tubas uteri perferre, ut ibi ulterius perficiatur & ad futu-
 ros usus reservetur, partim ad uteri fundum. Ubi ramus al-
 ter in cervicem definit, hac quoque seminalis humiditas
 emititur, majorem delectationem creans ob viæ longitu-
 dinem.


Vas alterum deferens, quod antequam ejaculetur, semen
 asservare debet, est *tuba uteri à Fallopio* ita appellata à si-
 militudine classici organi, quam ita describit ipse: Meatus
 seminarius gracilis & angustus admodum oritur nerveus ac
 candi-



FIGURÆ EXPLICATIO.

Hæc Figura Genitales Mulieris partes inversas ostendit, sive partem posticam.

- AA. *Renes quæ dorsum respiciunt.*
 bb. *Emulgentes arteriæ.*
 cc. *Venæ Emulgentes.*
 DD. *Arteriæ Magnæ truncus descendens.*
 EE. *Venæ cavi truncus descendens.*
 ff. *Capsula Atrabiliaris, in quibus cavitæ conspicuæ.*
 gg. *Ureteres utrinque discissi.*
 HH. *Rami iliaci arteriæ magnæ.*
 h. *Vena ad capsulam dextram.*
 iiiiii. *Arteriarum Lumbarium exortus.*
 kkkk. *Venarum Lumbarium ortus.*
 l. *Arteria Spermatica sinistra ex trunco enata.*
 m. *Vena spermatica sinistra ab emulgente.*
 n. *Arteria spermatica conjunctio per membranam.*
 o. *Arteria spermatica dextra ex trunco.*
 p. *Vena spermatica dextra ex trunco.*
 q. *Anastomosis utriusque vasæ spermatici.*
 R. *Pudendum muliebre externum.*
 rr. *Vasa præparantia separata, partim ad testiculum, partim ad tubam uteri, partim ad membranam latam disseminata.*
 ssss. *Tuba uteri, in sinistro cum sua membrana coherens, in dextro vero ab illa separata.*
 t. *Testiculus dexter per medium dissectus, ut vascula & vesiculæ appareant.*
 uu. *Vesiculæ duæ in testiculo conspectiores, humore plena splendide.*
 x. *Vesiculæ minores.*
 yy. *Testiculus sinister integer, sed separata tunica, in quo substantia ipsa glandulosa & vesiculæ hinc inde videntur transparentes.*
 zz. *Vas deferens, sive cornu uteri, ex testiculis ad uterum materiam seminalem perducens.*
 aa. *Ligamentum uteri latum.*
 ß. *Uteri pars postica.*
 γ. *Collum uteri seu vagina posticum latum.*
 δδ. *Venæ iliacæ bifurcationes, ex quarum interiori ramo ad cervicem uteri sparguntur ramuli infiniti.*
 εεε. *Ramuli venarum per vaginam dispersi, cum arteriis per anastomoses connexi.*
 ζζζ. *Ramuli arteriarum & venarum spermaticarum.*



candidus à cornu ipsius uteri, cumque parum recesserit ab eo, latior sensim redditur, & capreoli modo crispat se, donec veniat prope finem: tunc dimissis capreolaribus rugis atque valde latus redditus *fnit* in extremum quoddam, quod membranofum carneumque ob colorem rubrum videtur, extremumque lacerum valde & attritum est, veluti sunt pannorum attritorum fimbriæ, & *foramem* amplum habet, quod semper clausum jacet concidentibus fimbriis illis extremis, quæ tamen, si diligenter aperiuntur ac dilatentur, tubæ cujusdam aneæ extremum orificium exprimit.

Nos singula distinctius: *Tubæ* ab uteri fundo *nascuntur* una extremitate, nec proveniunt altera extremitate ad testes, aut ullam aliam partem insignem. Ideoque hac altera extremitate non sunt manifeste perviæ, sed occlusæ & cœcæ, ut sint instar intestini cœci, & quæsi uteri appendix. Potest tamen occlusio ea fieri ex sententia *Fallopîi*, quam pro sua venditat illo posterior *Riolanus*, à concidentibus fimbriis tubarum extremis, attrito panno similibus.

Numero duæ sunt, utrinque una.

Situ suo testes ex dimidio ambiunt, sed ubique à testibus distant spatio dimidii fere digiti transversi, nisi uterus sit affectus, quo contrahuntur & testibus propius applicantur. Ordinarie *alligantur* tantum per tenuissimas membranas alis vespertilionum non dissimiles; per quas venæ & arteriæ multæ disseminantur, à testibus in hos meatus delatæ, semenque ex testibus transferentes.

Substantia sunt nervosa, alba, densa, & dura.

Figura tereti & cava. Interdum ita cavitas præter naturam dilatata fuit, ut molam contineret, quod *Marquardus* in *Emp. Pract.* refert; aliquoties foetum, cujus exempla aliquot recitat *Riolanus*. Nec viæ ipsi aliæ viæ, per quas semen virile potuerit intrare, quam anfractuosi vasorum ductus. Sed in viva semen masculum spiritibus foecundum facile illuc trahi poterat per dilatatos ductus, in utero male affecto, qui ductus deinde concepto foetu & tubis distantis clausi difsectoribus non patebant. An siue masculo semine ex matris solius in tubis contento informis mola & foetus animæ expers formatus, qui à mare non animatus clausis ductibus matrem interfecit grandior?

In *Figura* autem naturali principium, medium, & extremum consideramus. Insertio seu *principium* ad uteri fundum est amplum, ubi & tubulum nervosum adipiscitur ad medium tubæ fere extensum, cavum, ut semen ad uteri fundum transmittat. *Medium* capax cellulas aliquot ostendit semen

semen candidum servantes. *Finis* angustior, licet aliqualem amplitudinem retineat. Ante finem tanquam capreolorum instar intorquetur, sicut in homine & brutis videre est. *Marchettus* in muliere vidit testes cum ligamenti & tubis ita implicatos, ut veluti sine distinctione una massa carnea videretur.

Ductus igitur tubarum non est rectus ubique, sed flexuosus, quia brevis via à testibus ad uterum. At voluptas non debebat esse brevis, quando semen in coitu confertim emititur à testibus in uteri cornua. Et quod viris sunt *vesiculae seminales*, semen asservantes, id in mulieribus cum sæpe coeant, & semen emittant, esse possunt cæci hi meatus: dici enim ita possunt, quia annexi testibus sunt per membranas, ut per vasa ad se à testibus translata tanquam per venas lacteas & mesaraicas facile trahant coctum ab ipsis semen, & in se recondant ad usus futuros, emittantque quando res postulat. In puerpera ductu dissecto observavi liquorem similem illi, qui ex testiculis fluit. In vitula à cornibus uteri ad testiculos processus notabiles instar ductuum describuntur in *Obs. Amstel.*

Usus est 1. *Fallopio* in Inst. caminorum vices gerere, per quos uteri fuligines exhalent. Quod quidem non crediderim. Nam fuligines condensantur & in aquam resolutæ ad tempus partus reservantur, vel per insensibiles poros ascendant, vel per uteri os expirant, tam in prægnantibus, quia nunquam adeo arcte clauditur os, ut superfætationum exempla testantur, quam in non prægnantibus. Nec quomodo per anfractuosos ductus transire possint fuligines, satis scio. Confirmatur tamen à *Whartono*, quia in animalibus majoribus immisso stilo ab utero in hujus vasis ductum, nullâ valvulâ impediente, ad expansam tubæ extremitatem pertranseat, ibidemque in abdominis civitatem exeat: hincque in prægnantibus tot symptomata, ab exhalationibus hac egredientibus. Quid autem, si cæca illa sit pars? 2. Eidem *Fallopio* in *Obs.* semen generare, quia hic semen semper, in testibus nunquam viderat, quibus supra fuit à nobis responsum. 3. Verus usus est semen ex testibus per cæcas vias vasorum in membrana disperforum attrahere, deinde attractum perficere mora aliqua in capreolis & cellulis, testium irradiatione, ut ad fœtum formandum sit accommodatius, denique deferre ad uterum, præsertim in congressu, per tubulos cornibus uteri implantatos, ut semini virili, sive in uteri cavitate, sive cervice occurrat ad conceptionem. 4. Revera cornibus uteri cæterorum animalium propo-

tione respondent. Hinc sicut alia animalia semper in cornibus concipiunt, ita aliquando etiam mulieres ibidem fœtum gestarunt, quod notavit *Riolanus*, & vidit *Harvejus*, quanquam testetur *Guido Patinus*, successor *Riolani*, nunquam id credidisse *Riolanum*, sed tantum scripsisse, ne fidem videretur derogare aulico narranti. Forſan semper semen masculum recipit Tuba, quando, ex observatione *Harveji*, in utero nihil compareret. Suspiciatus id sum in Resp. ad *J. Dan. Horſtium*. *Whartonus* ex utero quoque hic aliquid recipi exinde credit, quod in Anatome equæ gravidæ, viderit has Tubas plurimis *valvulis* toto earum ductu muniri, ne quid regrediatur; sed è cavitate uteri in tubas cernatur, foramen stilum admittens. Quomodo autem virile semen hinc ad testes per *fibrillas* nervotas, quas epididymidis loco esse vult, deinde ad uterum redeat, illoque præparato, in ovum conglobetur, idem *Whartonus* exponit.

CAP. XXVIII.

DE UTERO IN GENERE.

Etymon.

Uterus ab Utre ob cavitatem dictus, quo sensu uterum navis vocat *Tacitus*: *Isidorus* quod utrimque unus sit: Laxiori ratione venter in *Digestis* & *Inſtitutis* nuncupatur. *Matrix* etiam dicitur, *utriculus*, & loci muliebres, ubi nascendi initia consistunt, teste *Varrone*. In aliis animalibus, teste *Plinio* vulva dicitur, præsertim suilla, quam veteres Romani in delitiis habuerunt: qua de re videantur *Plutarchus* & *Langius* in epistolis. *Martialis* quoque, *Horatius*, *Apitius*, *Athenæus*, & inter novitios *Castellanus*. Vulvam à Bulga corruptam credit *Hofmannus*. Bulga autem *Lucilio*, *Varroni* usurpata vox, origine Gallicum est, si credimus *Festo*, qui sacculum scortum exponit. *Nonio* folliculus omnis & sacculus ad brachium dependens. Videndus de his *Vossius*. Sed vulva laudatis jamjam auctoribus, & *Celfo* approbatur.

Cur in hypogastrio
positus uterus?

Situs est in hypogastrio, seu infima parte imi ventris, quæ in cavitate, quæ pelvis dicitur, constituitur ab osse sacro & ossibus ilei: quare pelvis illa in fœminis amplior est: unde etiam nates habent grandiores & ampliores. Situs autem talis esse debuit, ut distendi uterus pro fœtus magnitudine posset & commode etiam excludi infans.

Deinde in medio locatus est uterus, ad nullum inclinans latus, nisi aliquando, dum utero gestat mulier masculum vel fœmellam: tum enim dextrum vel sinistrum magis occupare solet, quanquam non semper.

Posi-

Positus vero est inter intestinum rectum subiacens, & vesicam incumbentem, tanquam inter duo pulvinaria. Quid ergo superbimus, qui inter stercus & urinam nascimur?

Magnitudo consideratur in longitudine, latitudine, & crassitie, variantque hæc omnia, pro ratione corporum, ætatis, & Veneris.

Longitudo in iis, quæ mediæ staturæ sunt, & Venere utuntur, a pudendo usque ad fundi finem communiter est undecim digitorum; fundi vero trium.

Latitudo fundi duorum aut trium digitorum, quia in non gravidis eadem est latitudo fundi & cervicis. Atque hinc amplitudo facile conjici potest.

Sed *virginibus*, quæ nondum *expulsi* attingerunt, parvus est, & vesica minor: perfectis major: quibus tamen Venere abstinentibus, uti & vetulis, satis parvus, sed crassus est. At major in illis, quæ sæpe conceperunt, & utero gestarunt: ut manu comprehendi quasi possit, nisi quando jam gravidæ sunt: tum enim magis magisque amplificatur, & cum ante ingravitationem sacri ossis initium non superavit fundus, postea ad umbilicum & ultra etiam extenditur, ut tenuibus intestinis incumbat.

Crassities uteri eodem modo variat. Nam in virginibus *Gravidis* tenuis est substantia, in adultioribus crassior, & quo sæpius *an attenuetur uterus?* mulier uterum gessit, eo crassior est uteri substantia. Mensibus fluentibus crassescit uter; & quando instat mensium excretio, tumida & crassa apparet uteri substantia. In gravidis, *Galenus*, *Vesalius*, alique Anatomici putant uterum, quo magis extenditur, eo magis attemuari, crassitudinem *Errat Galeni & Vesalii.* in longitudinem absumi, ut loquitur *Galenus*. Sed ocularis experientia refragatur, & auctoritates, *Sylvii*, *Mandelli Campanæ Chirurghi*, *Arantii Varoli*, *Plateri*, *Bauhini*, *Heurnii*, *Roussetti*, & *Laurentii*. Nam à primo conceptu usque ad partum augetur secundum omnes dimensiones, & uti amplior, sic crassior paulatim redditur & mollior, ita ut postremis mensibus duos digitos crassa sit uteri substantia. Adeo tum uterus à membranea substantia abit, & rubra fit, fungosa & spongiosa substantia, moreque pumicis foraminibus pervia, in multos quasi cortices divisibilis: quod fit ob affluxum sanguinis & spirituum pro fœtu copiosum. De utraque opinione ita censet *A. Falcoburgius*, tenuiorem revera fieri uteri substantiam, ut in disiectis gravidis observavit; sed eam videri crassiorem, quod hepar uterinum illi arctissime connascatur, & hoc pluribus potuisse imponere. *Nic. Fontanus* vero dicit in utero gravidæ se separasse hepar uteri-

num à membrana, & membranam admodum crassam invenisse. Adesse quoque eam crassitiem, ea parte, qua placenta utero non adnascitur, *Harvejus* testatur. Recte id quidem; imbibit enim membrana, veluti spongia, affluentem uteri humiditatem superfluumque sanguinem, & crassiorē substantiæ conditionem induit. Si tenuior aliquando præter naturam reddatur, sive humoris defectu, sive nimia distensione, rumpitur de facili: à fortioribus pellenibus idem in puerpera observavit *Salmuth*. Crassissima vero est uteri substantia circa orificium internum, quod angustum; unde admiranda illa in partu dilatio & postea coarctatio.

Uteri figura.

Figura Uteri aliis rotunda statuitur; aliis pyriformis. Sed licet ad rotundam accedat; quo capacior sit uterus; tamen sentimus cum *Sorano* & *Fallopio* fundum cucurbitulæ optime assimilari posse: quia fundus recta deorsum sensim angustatur. Collum vero uteri canalem oblongum & rotundum repræsentat.

Connexio vel est Colli uteri, vel fundi. Collum vel cervix sua substantia & per membranas alligatur; fundus vero per ligamenta peruliatia.

A parte antica adnascitur cervix vesicæ urinariæ & ossibus pubis per membranas à peritonæo ortas. A postica per fibras tenues, ossi sacro mediate, immediate vero intestino recto cum aliqua pinguedine: circa pudendum vero cum æno coalescit. Ad latera per membranas peritonæo laxè neccitur.

Ligamenta uteri.

Fundus sua substantia non annectitur, sed liber est, quia moveri debuit, ut in actione dicetur; unde doloribus uteri periiit mulier Veneta, cui per omentum ligatus fuerat; ad latera vero annectitur per ligamentorum duo paria; quorum usus; uterum suspensum tenere.

Ligamenta uteri superiora.

Unum par superius est latum & membranosum, statuitur à musculis lumborum ortum; definit vero in fundum uteri prope cornua. Laxum & molle est, ut extendi & contrahi queat. *Aretæus* vespertilionum alis assimilat. Atque hujus paris beneficio alligatur fundus ossibus ilii. Verum quia fibris carneis intertextum est, musculos esse forte non immerito statuunt *Vesalius* & *Archangelus*; deducunt autem hæc vasa præparantia & deferentia, quemadmodum & testes continent. Laxatur autem aliquando hoc sive ligamentorum sive musculorum par (ut per vim, difficultatem partus, pondus fœtus, &c.) ut fundus uteri in sinum decidat, & inversa aliquando cervice; atque aliquando extra propendens abscinditur; ubi tamen accedat necesse est quoque solutio connexionis colli.

Procidencia uteri unde.

Alte-

Miltterum par inferius est, rotundum instar lumbricorum, subrubrum instar muscalorum, unde quidam musculos esse putarunt cremasterum vicem gerentes, ut matrix his moveatur & sursum trahatur, aut saltem firmetur & roboretur in oneribus ferendis, expellendo fœtu, clamoribus & laboribus, in defluxu humorum ad hanc partem, quam sententiaam amplectitur *Pineus*. Cavum etiam est maxime in fine, ubi in puellis sanguine plenum invenit *Marchettus*. Hoc oortitur à lateribus fundi uteri & in initio tangens vasa deferentia ad inguina ascendit, & sicut vasa spermatica in viris, sic hæc ligamenta in mulieribus per processus peritonæi & tendines musculorum oblique descendentium abdominis transeunt, atque in adipem ibi, membranasve ossium obliteerantur prope Clitoridem, cui alligantur ac in latam nerveamque exilitatem degenerant: ubi muscoli alii duo incipiunt extra abdomen tenues latique, totam internam labrorum faciem investientes; quorum ope quædam mulieres labra movent; reliqua pars præcedentis ligamenti in interni femoris membranam excurrit usque ad genu. Hinc est, *Riolano* monente, quod gravidæ primis mensibus de fœmorum interiorum dolore conquerantur.

Utilis hujus paris est 1. ut dictum, uteri fundum sursum trahere, ne decidat in relaxatis & ponderibus & laboribus, quod tamen de primo pari rectius dixeris. 2. Impedire adscensum uteri ad superiora, qui per se fieri nequit, nisi una puerandæ partes huic continuatæ & vagina sursum trahantur, sed in relaxato utero & distento sæpius contingit. 3. Per hæc ligamenta excrementitios humores uteri in inguinis glandulas nonnunquam deferri suspicantur *Riolan.* & *Marchettus*, ubi & bubones Venereos excitatos invenit. Alias bubones in inguinibus fœminarum à menstruis deducit *Hippocrates*, quos ad criticos abscessus refert *Aurelius Severinus*, eorumque vias in venis quærit *Arantius*, per quas ab utero ad inguina turgens humor derivatur. Venarum loco arterias repono, quibus purgamenta & hic & alibi ad extrema feruntur. 4. *Spigelius* in fœmina à nimio coitu mortua hæc ligamenta utero vicina, plena semine observavit. Unde suspicor ligamenta hæc recepta seminali humiditate humectare partes vicinas gravidarum, ut facilius omnia extendi possint & laxari, in virginibus & sterilibus ligamenta tantum sunt, & humore uterum ab æstuante calore defendunt. *Jo. van Horne* nihil aliud sunt quam minutissimæ arteriolæ, peculiari involucri donatæ, ut securius pergant extra abdomen.

Substantia uteri membranosa est, ut dilatari & contrahi pro necessitate queat, plicis multis donata, quæ in gravidis expanduntur ad uteri extensionem, contrahuntur vero excluso fœtu & in viætiis. Præter plicas habet & tubulos amplosque sinus, in gravidis maxime manifestos. Constat autem substantia uteri membrana communi & propria.

Membrana uteri.

Communis duplicata est, & lateribus utrinque adnata, à peritonæo orta, crassissima & validissima ad robur, lævis undique, nisi ubi vasa spermatica intrant, aut exeunt ligamenta.

*Propria & interna etiam duplex est; licet hoc non facile ob arctam adhæSIONem discernere liceat, nisi in exulcerationibus. Inter utramque autem fibræ carnosæ, quales in ventriculo reperiuntur, adsunt quas alii propriam vocant uteri substantiam & *μυεψυκα*, cui fungosum hinc inde corpus inspergitur; estque usus ad calorem uteri. Sed hæ membranæ non semper ejusdem sunt crassitie: ut supra de magnitudine dictum.*

Vasa.

Vasa uteri sunt Vasa lactea & lymphatica, venæ, arteriæ, & nervi.

Vasa lactea ad uterum.

Vasa lactea ad uterum pertingere, alimentarium succum chyli pro fœtu advehentia, variis indiciis suspicari sumus in Hist. Lact. Thor. quanquam oculis necdum satis pateant. Monuerat Hippocrates lac in uterum confluere, id attrahi per os embryonis. Probavit idiplum Harvejus, quanquam viis necdum perspectis. Sunt rationes quæ persuadeant breviter signandæ: 1. In ventriculis nuper natorum, & ingluvie, & intestinis primis similis chylo materia, & instar lactis coagulati visitur. Imo in ipso utero ventriculus fundit chylum. 2. Excrementa in intestinis crassioribus in utero adsunt, qualia sunt cum lacte vescuntur animalia. Meconium Anatomicis dicitur ex Aristotele, quale in nuper natis quotidie observamus. Vide de eo Aquapendentem. 3. In ore pulli in ovo & vitulorum in utero aqua reperitur similis illi quæ in amnio, nonnunquam aliæ res cum chylo assumptæ. Observavit Cartesius gramen in collo digiti longitudine. 4. Prope anum stercora in pullis circa 16. diem, eademque ante partum in secundinas egesta sunt. Vidit idem Coterus. 5. Bile & urina utraque vesica scatet. 6. Infans in utero cervicæ hærens antequam ejulare possit, & quamprimum lucem vidit, vehementer admoto digito fugit, quasi deglutiendo, & egre fugendi consuetudinem dediscit postea adultior, ut verò simile sit, diu assuetum fuisse ita nutrir. 7. Vagitus subinde auditur uterinus, non nisi patulo ore edendus.

Iatu-

Parvulum os in vitulo nondum ex vacca edito, sæpe vidi. 8. Infantes nuper ex utero matris prodeuntes videas obduci lento quodam humore, velut cremore lactis. 9. Lac ex utero, sive chylum fluxisse, exempla fidem faciunt apud *Laurentium*, *Zacutum*, aliosque. 10. Medicamenta nonnumquam illæsa ad uterum brevissima hac lacteorum via penetrant, sicut de croco testantur *Heurnius*, *H. ab Heer*. 11. Bina exempla superaddit *Schoockius* ex *Senguerdio*. Fœmina peperit prolem, cujus vertex tectus erat frustulis concissi oleris, quæ pridie mater comederat. Alia peperit infantem clausis pugnis farinam siccam habentem, similem illi quam nuper ante puerperium mater devoraverat. 12. *Backius* affirmat, in ovo in aqueo humore pullum interdum conspici rostrum aperire.

Ex coryledonibus uteri succo albo scatentibus exsugitur *Hurveys*, & exinde percolari per membranam in homine ex vasis sanguineis allatum, judicat *Courveys*. Arterias solas hanc materiam chylosam deferre *Needham* defendit, & fermentatione quadam fecerit. Sed separatio sola sufficeret. Patentes sunt pori uteri in prægnantibus, quia distenduntur. Sed 13. vias detexisse se credit *Deusingsius*, qui innumera ramos lacteos per ligamenta uteri lata ad ipsa cornua, totumque uteri corpus decurrentia in catella fœta observavit: quin & cum vasis umbilicalibus, lacteum ramum ingredi per umbilicum catellorum in utero adhuc conclusorum notavit idem cum *Eyssonio*. Hujus autem rami insertio neglecta vel omissa, dubios nos adhuc reddit. Ubique lateant, dari hic lacteos non ambigimus, ex quibus chylus defluit in chorion, exinde quasi per bibulam chartam per amnion, ex quo fœtus adultior conniventibus labris sugit.

Lymphatica vasa uteri descripsit *Glissonius* & *Whartonus*. Eadem ex utero progredientia delineavit *Rudbeckius*, quæ evaporarum ex utero serum in vesiculam chylosam ducunt.

Vena & Arteria se invicem comitantes feruntur inter uteri tunicas, inque tubulos illos membranaceos uteri sanguinem suum effundunt, non in intimam usque uteri cavitatem deferuntur, suntque duplices: Aliæ superne oriundæ, aliæ inferne. Nam à superioribus & inferioribus partibus, hoc est, à toto corpore venire debebat sanguis, tum ut in mensibus totum corpus expurgaretur, tum ut tempore aliquo gestationis fœtus nutriretur. Quæ superne veniunt, uteri corpus totum, sed fundum præcipue perreptant, suntque rami ex seminalibus derivati, antequam vasa præparan-

An ex coryledonibus
chylus?

An rami
lacteos manifestus.

Lymphatica
vasa.

Vena & Arteria.

*Cur uteri
venæ fini-
stra cum
dextris
jungantur?*

tia constituentur : & quoque ab hæmorrhoidali ramo, unde uteri & lienis tantus consensus est. Termini venarum & arteriarum sinistri cum dextris junguntur : ut pars dextra etiam augeatur copia alia sanguinis. Per arterias sanguis menstruus funditur in non gravidis ; unde si circa tempus menstrui fluxus , cordis arteriarumque pulsus major fieri possit, observavit *Walaus* menstrua melius promoveri, quod per arterias vehementius sanguis in uterum pellatur. Videmus quoque in exhibitis cordialibus, utero appropriatis, & sanguinem spirituofum urgentibus, urgeri statim ad exitum menstrua. Color denique menstruorum in sanis arteriosum sanguinem prodit. Per *venas* autem arteriis continuatas recurrit, quod totum evacuari nec potest, nec debet. Illis obstructis, quia sanguis libere sursum à minoribus uteri venis ad majores meare nequit, menstrua colliguntur, varias in utero turbas excitantia. Quæ venæ & arteriæ ab *infra* veniunt, & ascendunt, à cavæ & aortæ ramis hypogastricis oriuntur, & uteri collum perreptant, & infimam fundi partem, ubi cum superioribus ubique junguntur. Nam vasa per fundum lata admodum uniuntur & extra, & in ipsius uteri substantia. Quæ *diversæ* magis apparent in menstruosæ & gravidis. Et facile observari possunt, si in cadaveribus aliqua illarum infletur : omnes enim flatu intumescunt. Horum vasorum, aut tubulorum potius oscula cavitatem fundi subeunt, quæ acetabula dicuntur, item cotyledones : qui hiant & aperiuntur, cum menstrua purgantur : & in gravidis, ubi hepar uterinum iis jungitur (in brutis verticilli) sanguinem hauriens pro fœtu. Et quia in collum uteri ab his vasis rami feruntur, per eos gravidæ plethoricæ menstrua mittere possunt primis mensibus, ubi plus sanguinis suppetit, quam pro fœtu opus est. Illum enim sanguinem ex utero venire non est probabile : nam fœtus suffocaretur, & ex nimia oris interni apertione abortus sequi posset.

*Magnitudo
venarum u-
terinarum
in gravidis.*

Notandum autem, vasa uteri tempore gestationis adeo turgere sanguine, & præcipue circa partum, ut emulgentium amplitudinem vel venæ cavæ aut aortæ mediam induant, quia tum tardior hic sit circulatio, & crassiores partes ex arteriis ad venas amandantur, & per arterias copiosus sanguis labitur. Observavit enim *Harvejus* arterias multo quam venas esse numerosiores in utero, easdemque inflatas, vicinas venas pariter distendere, quod illis, ab inflatis venis vicissim non contingit, valido pro circulatione argumento : esse vero plures arterias, quod copioso alimento ad nutriendum fœtum opus sit, cujus reliquias pauciores venæ

rege-

regerant. *Courveus*, ne deficeret spirituosaferositas, quæ ex arteriis; ad membranam uteri, exinde ad uterum depluit pro foetus nutritione. Hincque uterus intumescere scribit *Jo. van Horne*, qui de his arteriis notat, inter se conjungi, ut sanguis ab uno in alterum moveatur, adeoque fluxum & refluxum aliquem in iisdem tempore gestationis fieri. Deprehendit id 1. flatu immisso, qui modo per hoc, modo per illud foramen erumpit. 2. Quia in discissa uteri substantia apparent hi rubuli cavitatem majorem habere, quam pro arteriatum ad uterum pertingentium propagatione.

De *Cotyledonibus* monet *Harveus* in convexa caruncula-
rum parte, quæ conceptum spectat, observari, quod in plu-
rimis cavitatibus & cotyledonibus seu acetabulis exterius
hiantibus materia alba & mucilaginosa reperiatur, quæ, ut
mel favos, carunculam totam implet, sitque colore, consi-
stentia ac sapore albumini ovi per similes; Conceptum vero
si à cartunculis istis avulseris, illico ex singulis cotyledoni-
bus & savis, eorundemque mucore, totidem surculos seu
capillares vasorum umbilicalium ramusculos simul extrahi.

Abutitur vero *Harveus* nomenclatura *Cotyledonum*,
quippe *Hippocrates*, interprete *Galeno*, vasorum ad uterum
pervenientium ora, non ipsis adnatas carnes glandulosas ita
appellavit; nisi cum *Segero*, analogiam illi concedamus, quam
cellulæ illæ seu acetabula habent cum osculis uterinorum
vasorum. In homine vices *Cotyledonum* præstat placenta
uterina, in quam oscula vasorum lacteorum, sicut in brutis
in carunculas, hiant, unde mucor ille albus. In ove veras
cotylas quærit *Needham*, ibi enim glandulæ uterinæ cotyla-
rum more sunt cavæ, quæ alios in se alveolos continent.

Nervi, ab ossis sacri nervorum paribus, & à sexta cerebri
conjugatione, complures feruntur ad uteri collum & partes
circa prudenda ad voluptatem: nec non ad fundi partem in-
feriorem: unde consensus uteri & cerebri magnus. Ad fun-
di partem supremam pauciores feruntur nervi, iique retis
modo invicem impliciti. *Willisio* auctore, ad testes à plexu
mesenterii maximo fibræ insignes mittuntur, & aliæ pro-
paginæ à Nervi intercostalis trunco, aliæque à nervo, qui
inter hunc plexum ac abdominis infimum intercedit ex-
euntes conveniunt. Hinc passionem hystericam oriri, quæ
est motus convulsivus horum nervorum, & globum illum
in abdomine, qui est plexus hic inflatus, non uterus, qui
interdum sanus est.

Actio uteri & usus est attrahere, & retinere semen mu-
liebre à testibus expulsum, & virile à pene injectum. Hoc u-
trum-

trumque, inquam, semen in fundum trahitur, retinetur, conservatur & fovetur, unde conceptus. Est enim matrix instar horti vel agri semen excipientis, conservantis, & alimentum suppeditantis: ideoque *Aristoteli* naturæ campus vocatur. Nam & uterus ager est generationis, locus vel materia in qua, suppeditans simul alimentum ex sanguine arterioso, imo etiam materiam ex qua, nempe semen muliebri, spirituosum vero seminis virilis substantia est architectus, qui opus absolvit, animatque muliebri semen. Utriusque autem semen debet esse fecundum virtute Plastica à toto decidua, & apte constitutum; hujus quidem ad formam animatam suscipiendam, illius ad dandam, quorum conjunctorum seminum calori interno calor uteri externus se jungit, & virtute singulari vim illam instam & Plasticam suscitavit ad opus suum perficiendum, modo nobis non satis cognito. *Fermentationem* seu actionem ipsam semini impressam, & justum massæ cujusdam in semine situm addit *Hogelandius*, quia videmus ex ovo minima agitatione quassato, nullos unquam excludi pullos, & semper in medio seminis animalium paulo post conceptum massulam quandam crystallinam pellucidamque invenimus. Certum est particulas singulas seminis determinationem singularum habere, referentem illam partem corporis parentum ex qua fluxerunt, quamque in fœtu debent effingere. Sed immutatio hujus vel illius massulæ determinatæ, situm tantum fœtus formati in utero variat, ex qua causa fœtum vario situ in utero collocatum advertimus. Ova quassata minus fecunda videntur à confusione & quasi ruptura singularum partium determinatarum, & caloris deperditione.

Virtutem conformatricem utero ascribunt *Fab. Pacius* & *Harvejus*, qui eam semini denegant, sed minus recte. Nam 1. ova excluduntur gallinæ incubatu vel alterius avis, in lecto, in fornacibus artificiosis *Ægypti*, *Hetruriæ*, & *Daniæ*, & semina in tabulatis germinant nullius uteri auxilio. 2. Citius conformarentur externa membra quam interna. 3. Ad conformationem fœtus Pater nihil conferret. 4. Nulla dari posset causa similitudinis in fœtu modo cum Patre, modo cum matre.

A semine autem virtutem Plasticam excludunt *Cartesiani*, inter quos *Regius* solo calore uteri & seminis particulas hujus asserit agitari, has vero agitas ob suas figuras necessario in germen animalis abire, eo modo quo ex oblongis salis particulis in aqua vi caloris agitis & inter se conjunctis, primum lamella, & ex ea sæpius multiplicata gra-

num

num cubicum, atque ex sex globulis in plano aliquo agitat-
tis & inter se unitis, rosa; & ex particulis vaporum è cellis
tempore gelido in earum januas vorticoso motu varie im-
pingentibus variæ stirpium partium imagines efformantur.
Ex hoc: deinde germine totam formationem fœtus citra ul-
lum animæ vel alterius corporeæ facultatis intellectum,
hanc dirigentem, paulatim ita perfici, ut in officinis vitrario-
rum post rudem vitreæ bullæ incisionem chirothecas, ocreas,
& allia ab ignaris conflare; & in quibusdam fontibus pro-
pter pororum in tubulis figuras, varias imagines vi erum-
pentium aquarum produci videmus. Elegans sane conce-
ptionis, in utero & formationis modus, si verus esset. Nemo
hic naturam artificem satis assequitur. Mechanice autem in
corpore omnia ruditer fieri, necdum mihi est persuasum,
qui nobiliora mihi de Natura semper promissi. Ens homo
foret per accidens, ejusque conformatio prima, imo fortui-
ta. Figuræ rerum nominatim ex accidenti evenerunt & con-
tingenter, variantque in singulis, quum nobilissimi homi-
nis conformatio Divina semper sit eadem, eodemque modo
per se contingat. Sine animo quomodo istud germen for-
mari possit, quod in manibus nostris situm non est, haud ca-
pio. Vitrum enim materiæ inanimis diductione conflatur,
& sicut hic manus artificis & flatus requiritur externus igne
juvantæ, ita in fœtu animato vis plastica interna seminis ani-
mati, cum calore uteri seminisque se jungit. Nec apparens
est fœtus formatio, ut aquarum artificiosæ imagines, sed
vera, sed constans & permanens.

Absentia, Paracelsus, & Amatus Lusitanus, contra etiam *An sine u-*
sine utero generationem posse fieri arbitrantur: sed nemo *tero conce-*
facile illis credet, nisi aliquod ejus ostenderint experimen- *ptio fieri*
tum, quod nunquam facient eorum asseclæ. Nam formari *possit.*
homunculum in vitro, ex semine virili & menstruo intra
finum equinum collocato, necdum videre contigit, & du-
bia debet esse fides, quum experimentum fieri non possit.
Exspiraret seminis sanguinisque vis & calor necessarius an-
tequam jungerentur, & semen fœmineum illuc deducere
admodum operosum.

Extra uterum factam conceptionem & fœtus formatio-
nem exempla nonnulla testantur. De *Tuba* uteri supra actum
ex *Riollani* relatione. In *Ventriculo* junioris uxoris cujusdam
futoris nefandi, conceptum fœtum & per os exclusum di-
giti longitudine, sed bene omnibus membris externis & in-
ternis conformatum descripsit ex litteris *Komelari* ad *Go-*
thofredum Hofmannum Salmuth, nec de fide historiæ ipsius
dubi.

dubitat. De uxore servi Marchionis scribit *Gasp. à Rejes* carnis & ossium fœtus quantitatem per os deposuisse. Apud *Marc. Donatum* Florentina mulier infantis sui ossa evomuit. Felem gravidam cattellas evomuisse Frater *Albertus Bartholinus* observavit. Quorum rationes expendimus *Libr. de Infol. Part. Vius* In collo uteri idem perfici illæ superfœtationes videntur demonstrare, quando partus conceptionis prius excluditur, ut majori in utero locus detur exituro. Sed illa præternaturalibus accensenda, rarissime contingentibus, siquidem vera sunt. In multis fit metastasis ab utero ad ventriculum. Superfœtatio autem sive in utero sive extra ab uteri continui virtute dependet.

Conceptus
quomodo
fiat?

Quomodo uterus ad conceptionem concurrat, hæc est nupera *Harveji* doctrina: Quia in disiectis animalibus post congressum, nullum semen in utero invenit, credit semen maris in uteri cavitatem haud pertingere, nec diu ibidem morari, sed brevi vel elabi vel evanescere. Hinc suspicatur 1. Semen illud maris *contagione* duntaxat quadam fœcunditatem apportare. 2. Conceptum naturalem in utero oriri, sicut in cerebro fit conceptus animalis. Sicut enim nos à conceptione formæ sive ideæ in cerebro, similem ei in operibus nostris efficitur: ita & ideam aut speciem genitoris in utero, post genituram, etiam absentem, formatricis facultatis ope similem fœtum generare, dum speciem, quam habet, immaterialem operi suo imponit.

In cuniculo *Everardus*, tertio à coitu die dissecto, imprægnatoque, nihil quicquam liquoris, succi, seminis, aut quod seminis habeat similitudinem, in utero reperit. Alibi tamen corpus seminale in utero substituisse affirmat, spiritibus modo evanescentibus, in cornibus vero uterinis nihil, præter cornua jam fœta, rubicundiora nempe, & magis extensa. Summa est: masculum semen in utero tamdiu remanere, donec ejus virtute uterus fœcundetur, deinde evanescere. Illustratur paradoxon exemplo animalium, quæ solo maris genitalis confictu concipiunt, & gallianarum, quarum ova gallus uno congressu quamplura fœcundat.

Multis difficultatibus premitur *Harveji* fabula, cui ipse assimilat. Semen enim maris statim omne evanescere, sola idea relicta, multa sunt quæ repungent. 1. Symptomata, quæ post conceptionem, varia molesta sunt, etiam statim in quibusdam. 2. Eadem mulieres à retento semine imprægnationem factam judicant, non nisi post diem tertium excerni observantes quod ad conceptionem fuit inutile. 3. Re-

vera

vera semen maris remanere & ad fœtum constituendum concurrere, similitudo indicat fœtus cum Parente, non tantum in idea, seu specie aut indole, sed etiam quoad corpus, adeo subinde simile alteri, ut ovum ovo. 4. Psaltria Hippocratica conceptum, ovi specie formatum, sexto die rejecit. 5. Rustici nostri equas post admissionem pellunt, ne semen conceptum rejiciant. 6. Quod in dissecis Damis nihil invenerit *Harvejus*, causa esse potuit, vel quod nimio seu cursu seu conatu ferè rejecerint, vel quod inter tormenta dissectoris ad tubas uteri confluerit, ubi delitescere credo, & cum semine fœminino conceptum moliri, quando primo mense non comparet in utero: vel quod non omnes conceperint, quæ concepissee ab illo putabantur. Fallit enim hæc res Veterinarios etiam peritos. 7. Dissimilitudo est inter conceptus cerebrum & uteri. Nam per organa sensuum ad cerebrum nihil materiale transit, sicut ad uterum, sed solæ species, unde ex illius conceptu immaterialis effectus sequitur, ex hujus corporeus & materialis. Hinc quia materialis est effectus, non poterit habere principium immateriale, nec solo ideæ contagio adscribitur. 8. Solo genituræ influxu uterus ideam hominis nequit concipere, quia diversa hominis seminisque est idea, nec credendum ea prudentia pollere uterum, ut ex semine rudi, qualis futuri hominis species sit futura sibi adumbret. 9. Multæ fœminæ concipiunt, quæ tamen ob Viri aversionem, speciem hujus hominis, quem oderunt, animo non concipiunt. Contra multæ conciperent, quæ mariti vel absentis vel alterius adamati ideam firmiter animo suo imprimunt. Externam speciem quidem à phantasia matris immutari, vel Æthiopis visi imago docet, sed totum hominem materiale ex immateriali uteri conceptu efformari valde dubito. 10. Ut ex seminibus veris arborum, herbarumque terræ commissis germinant plantæ; ita de homine statuendum.

Non rejiciendæ tamen *Harveii* observationes, qui circulatione sua famam meruit & fidem. Sententiæ summa est, semen virile efficientis rationem habere, fœminam materialis. Veterum nonnullorum ea de re conjecturas, observationibus suis confirmavit. Eadem voluisse *Aristotelem*, recte *Senguerdus* monet. Ille enim marem esse *ἄρσενος κινήσεως*, fœminam *θῆλης* conferre professus est. Parens quoque noster *Casp. Bartholinus* in Contr. Anat. jam pridem serio defendit, Patrem active, fœminam passive concurrere; illum formam suppeditare, seu animam, hanc materiam, seu corpus. Igitur quia semen masculum anima sua & spiritu

con-

FIGURARUM EXPLICATIO.

Uterus extra corpus positus cum annexis, testibus, vasis omnis generis, & vesica urinaria proponitur, ex *Casserio*.

FIG. I.

- A. Vesica urinaria ad inferiora revoluta.
- BB. Ureterum in vesicam insertio.
- CC. Cervix uteri, sive vagina, in quam plurima vasa disseminantur.
- D. Uteri fundus.
- EEEE. Duo inferiora & rotunda uteri ligamenta abscissa.
- FF. Vas cœcum, seu Tuba uteri, hoc loco ligamento superiori & lato adhuc annexum.
- GG. Idem vas in opposito latere à ligamento lato separatum.
- HH. Vasa deferentia utriusque lateris à testibus ad uteri fundum desinentia.
- II. Superius & membranosum uteri ligamentum, alis vespertilionum assimilatum, per quod complura vasa à præparantibus orta disseminantur.
- K. Vasa præparantia unius lateris, nondum à ligamento membranoso liberata.
- L. Vasa præparantia alterius lateris, à ligamento membranoso liberata, ut eorum in testem insertio conspiciatur.
- MM. Testes, quorum dexter membrana sua tectus, sinister omnino nudus ostenditur.
- NN. Vena & arteria plurima in cervicem & fundum uteri disseminate, expurgationi menstruorum & nutritioni fetus inservientes.
- OO. Nervi per uteri corpus disseminati, nimis magni insculpti.

FIG. II.

- A. Uteri fundus.
- BB. Inferiora & rotunda uteri ligamenta abscissa.
- C. Regio, in qua est osculum uteri internum.
- D. Testis dexter membrana sua adhuc vestitus.
- EE. Vasa deferentia ad uteri cornua à Testibus porrecta.
- F. Superius & membranosum uteri ligamentum, vasa deferentia Testibus alligans.
- G. Membrana Testis ab ipso separata.
- H. Glandulosa testis substantia.
- I. Uteri collum sive cervix, vulgo vagina.
- KK. ductus ex vase referente ortus, in cervicem uteri delatus, in quem gravida semen ejaculari dicuntur.



constat, & corpulentia: quando illa imprægnatum est semen fœmininum, citius vel tardius effluit corpulentia, tanquam inutilis huic negotio.

Sed cur interea, dum fœcundatur uterus, & semen fœmininum, in utero non comparet? *Janus Orchamus*, vel *Joh. Vorstius*, in minimas particulas resolvi, mox deinde recolligi & sub visum cadere tardius in animalibus, in homine citius. Veterum sententiæ consonum est, semen aërescere. *Barbatus* negat semen in cavitatem uteri attrahi, sed à vasis exfugi, quibus menstrua evacuantur, ibique misturam fieri & à maris semine, ut efficiente, menstruum imprægnari, ab arteriis fufum, & in utero deinde concurrere. Prorsus evanescere non concedimus, opinantes in tubis uteri delitescere immisum semen maris, ibique cum fœminino conjungi donec spiritum masculi fœmininum conceperit, deinde sensim inutile excerni. Fatentur id mulieres, tertio die nonnunquam, interdum serius citiusque humiditatem quandam ex naturalibus exstillare. Hinc primo mense mitiora esse symptomata, ingravescere deinde, forsan quando in utero sedem figit conceptus.

Ad speciei igitur conservationem necessarius est Uterus. Quanquam etiam ad Individui sanitatem conferat, tanquam totius corporis emunctorium: Tamen sine illo vixerunt plurimæ, etiam diutissime & feliciter, teste *Abenzoare*, *Ægineta*, *Viero*, *Zacuto*. In prolapsu putrefactum citra periculum totum fere abscissum observarunt *Rhases*, *Carpus*, *Mercurialis*, *Langius*, *C. Wega*, *Paræus*, *Bauhinus*, alique. *Fernelius* à se visam refert puerperam, quæ una cum fœtu uterum radicitus evulsum absque vitæ dispendio emisit. Alia recenset *Saxonia*. *Soranus* in Galatia sues habitiores fieri ait, utero abscisso. *Plinio* teste castrabantur fœminæ suæ, suspensis pernis prioribus, recisa vulva, ut amisso libidinis usu magis pinguescerent, fierentque gratiores. Nec ratio aliena, quia multorum morborum mater est, à vasorum angustorum obstructione & humorum prompto decubitu, qui absente utero, alia via patientiore promptius expurgantur. Veterinarii nostri vulvam relinquunt, sed aperto hypochondrio suis fœminæ, testes eximunt, eodemque modo equas vaccasque castrant.

Motus ma-
tricis.

Uterius actio uteri statuitur motus quidam naturalis: unde *Plato* uterum animal esse voluit, & *Aretæus* velut animal in animali ob motum. Nam in coitu & appetitu concipiendi uterus nunc sursum nunc deorsum movetur, & ad penem hiat instar animalis. Deorsum item movetur ad fœtus

tus & secundinæ expulsiōem tanto aliquando impetu, ut procidat.

Deinde rebus odoratis movetur, gaudet & oblectatur: at fœtentia, ut castoreum, aīam fœtidam, &c. fugit. Hinc *Aristoteles* ait gravidas mulieres ad odorem extinctæ lucernæ abortire.

Cur odoratis moveatur matrix & an sentiat odores?

Sed uterus odores sentit non sub odoris specie, sed afficitur ratione conjunctæ materiæ tenuissimæ, & vaporum. Sicut etiam videmus recreari omnes spiritus à rebus bene olentibus, non ratione odoris, sed vaporis conjuncti, qui spiritibus familiaris & acceptus. Unde citius partes genitales afficiuntur, quia acerrimo sensu sunt præditæ: & quia bene olentia bonos & gratos vapores habent conjunctos; fœtentia vero tetros & fœdos; ideo ab his spiritus impuriore redduntur, & cum spiritibus refertus sit uterus, hæc aversatur, illis gaudet.

Reperiuntur vero mulieres pravum habentes uterum, quibus suaviter olentia hystericam passionem pariunt, fœtida vero sanant: quia his irritata natura una cum fœdis vaporibus hisce materiam morbi excutit. Illis vero excitantur in utero vapores tetri prius latitantes, ut ascendant ad diaphragma, cor, cerebrum, &c. unde uteri strangulatus, partim per insensiles poros, partim per venas recurrentes & referentes ad superiora vapores cum sanguine uterino. Actionem enim Regiminis sine viis manifestis & notis cum *Hellmontio* non admittimus. Uterus autem non ascendit ipse aut loco movetur, nisi distensus majorem locum occupet, nec instar globuli revolvitur per capacitatem abdominis, ut *Hippocrates* & *Fernelius* divinarunt. Nec cornua uteri tumefacta magis oberrant quam uterus, ut suspicatur *Riolanus*, alligata enim sunt membranulis suis, & in abdomen semen effundere nequeunt interclusis viis, quanquam in orgasmo referari suspicetur, vapores facillime, quibus dissipatis, abdominis tumor subsidet.

Cur quibusdam mulieribus bene olentia noceant?

Præter sensationes odoratus, gustus, tactus, pollet & quodam brutali intellectu, ex mente *Hellmontii*, unde furit, si cuncta non respondeant voto. Cæterum *Platonem* hæc sapiunt, qui improprie animali comparavit. Furor unde sit jam dictum. *Highbornus* suffocationem uteri credit oriri à nimio sanguinis subtilis ac flatulenti in pulmonum vasis cordisque thalamis infarctu. Forsan & cerebrum iidem flatus lædunt, unde furor. Quod addit *Novator* ille *Hellmontius*, vivere sæpe, tumultuarique à morte muliebri quam intulit, nemo facile sibi persuaserit. A totius enim vita ejus

dependet vita; & si à morte tumultuetur, quod de Nobili Matrona in *Historiis* observavimus, vel flatibus remanentibus abscribimus, vel foetui, etiam mortua matre exitum quærenti, ut variis exemplis docemur. *Sphinx* Theologico-Philosophica narrat extinctæ matris ab utero, subito pusionem emisso claro vagitu saluum & incolumem egressum fuisse. Quo modo *Scipionis* & *Manilii* ortum describit *Laurentius*. *Eberus* duo exempla habet embryonis mortua matre exclusi, ut & *Joh. Matthæus*, nec dissimilia hic *Hassnia* multorum memoriæ obversantur. Sed contra negantes *Winchlerum*, *Sperlingerum* aliosque notandum 1. infantis necessarium esse robur. 2. matris amplum uteri orificium. 3. moriente matre diducendum os & divaricanda femora, alioquin ante suffocatur foetus quam exire possit.

C A P. XXIX.

DE UTERI FUNDO, & ORĒ.

DE utero in genere hucusque egimus, ejusque partibus similaribus. Sequuntur dissimilares *partes*, in quas eum dividimus: videlicet *Fundus*, *Collum* seu cervix, & *sinus pudoris*, cum partibus annexis.

Fundus est pars ab orificio interno usque ad finem ascendendo. Dividimus eum in partem angustam inferiorem, & amplam superiorem; cui tertiam partem, videlicet os, addimus.

Collum uteri brevius.

Angusta inferior est inter os uteri & amplitudinem incipientem, atque *collum breve* vocari potest, ad differentiam veri & longioris colli. Nam antequam amplitudo fundi incipiat inter hanc & os interius, intercedit quasi alterum collum, vel angustior canal, quam est amplitudo fundi, idque & in hominibus & in brutis. Et hanc partem, cervicem vocatam fuisse à veteribus, ut *Galeno*, *Sorano* &c. vult *Fallopianus*. *Pinæo* hæc pars est pollicari longitudine longa, in cerva nos longam quinque digitis transversis invenimus.

Sterilitatis quedam causa.

Hujus cavitas non est ampla, sed talis, quæ stylum majorem, vel parvam pennam admittat. Aspera est, ne semen attractum effluat, quemadmodum fit in nonnullis sterilibus, quæ hanc partem ob pravos humores lubricam habent. Asperitas hæc à rugis fit, quæ ex observatione *Pinæi* radices habent inferne sitas, aciem vero interne seu superne tendentem, ut ingressum facile, regressum difficile ferant.

Fundus.

Ampla & suprema pars præcipue Fundus dicitur. Atque hæc

hæc pars uterus & matrix proprie appellatur, estque pars præcipua, in cujus gratiam reliquæ factæ sunt, amplior & latior quam reliquæ.

Situs est in pelvi supra os pubis, ut ibi dilatari queat. *Riolanus* hoc in gravidis agnoscit, aliàs enim situm esse supra os sacrum.

In homine unicam cavitatem habet, quæ nullis cellulis est donata, uti falso septem cellulas ei aliqui tribuunt. In brutis communiter bipartitus est: unde *cornua* dicuntur bina binæ istæ in brutorum utero partes: licet cornuum forma non in omnibus brutis conspiciatur, sed in vaccis, cervis, ovibus, capris, &c. Cornua tamen ex imitatione tribuerunt etiam humano utero Auctores, quia ad latera fundi protuberantia utrinque est aliqua, ubi vasa deferentia inseruntur. Rarissime vero muliebris uterus bipartitur sicut in brutis, qualem in quibusdam observarunt *Baubini frater*, *Sylvius*, *Riolanus*, & ante hos *Obsequens*. Duplicem uterum Parisiis observatum scribit *Tilingius*. An talis sit illarum, quæ geminos pluresque foetus emittuntur, dubito. Duplex membrana involvens duplicis uteri loco sunt. Labente anno *Hafnia* plures foeminae gemellos ediderunt præter consuetudinem illarum, imo ternos, nihil tale ante aut postea passæ. Non igitur familiis gentilitium, aut ex duplici utero, quod semini imputandum. Neque in duplici utero concipi, placenta uterina convincit, quæ sola multis foetibus sufficit, sed totidem funiculos sustinens divisus locis, quot embryones, ut nuper in historia simili depinxit *Beslerus*. Cujus Figuram hic addimus.

An gestatio gemellorum signo aliquo in prægnantibus colligi possit, in *Diff. de Insol. Part. Viis* disputavimus. Nul- lum enim dari potest. Non tumor abdominis, qui major in simplici foetu aliquando, quam gemellis; nec motuum diversitas, quam non raro in gravidis ex solo embryone tantam observavi, ut gemellos crederes: & in gemellis motum exilem, præsertim ultimis mensibus ob loci angustiam: non linea externa medium abdomen dividens, quod falsum in uxore mea deprehendi: nec podum tibiæque ultimis mensibus inflatio, quia etiam in simplici foetu tument: nec denique ampla ventris ad latera distensio, quam varius situs in uno foetu fingere potest. Rebecca geminos gestare se ex motu vehementi quasi inter se collisorum embryonum divinavit, quia à Deo confirmata. Simplicem cavitatem in muliere Ferrariensi gemellos pariente *Cananus* vidit apud *Amatum*.

Cavitates in utero humano nullæ.

Cur in humano utero dicantur esse cornua?

Dividitur tamen in partem dextram & sinistram. In illa ut plurimum masculi generantur: in hac fœmellæ. Et raro aliter evenire compertum est, testibus *Hippocrate & Galeno*. signum an mas vel fœmina in utero geratur, hoc habent Venatores, si percussæ feræ in dextrum latus concidant, marem conjiciunt, quia in dextro latere pondus gestatum latet, contra, si fœminæ. Mulierculas ferunt marem gestantes semper dextrum pedem in ingressu magis elevare quam sinistrum, ut annotat *Salmuth*. Quæ omnia signa tamen sunt fallacia. Alia recenset *Hippocrates* ejusque sequaces, ab hoc loco aliena. Solus hæmorrhoidum fluxus indicat maris gestationem in nota mihi muliere. Ex germine tritici vel hordei quomodo sexus diversitatem divinet *Petr. Bayrus*, & ex sputo dulci vel amaro post inunctionem pulveris aristolochiæ *Henr. Martinius*, obscurum nobis.

Discernuntur dextra & sinistra pars, per lineam vel futuram obscure prominentem, quam medianam vocat *Aristoteles*. Similis in externo abdomine sub umbilico conspicitur, in duas partes regionem illam dividens, quam tum conspectiorem credunt quando gemelli gestantur. Sed in prægnantibus nonnullis hanc lineam vidi manifestam, quæ unicuique tantum fœtum postea enitebantur. Eadem nonnullam, sed rubicundior, ab umbilico ad sternum protenditur.


Superficies externa est lævis & æqualis, atque quasi aqueo humore obducta. Interna multis porositatibus gaudet, quæ ora sunt, per quæ tempore gestationis sanguis facile ex vasis uteri exeat, pro nutritione fœtus, vel ex recentiorum observatione lacteus succus, de quo antea diximus in *Coryledonibus*.

*Orificium
uteri interius.*

Uterus est semen recipere, fœtum continere, nutrire, &c. *Orificium* vel os interius uteri oblongum est & transversum, sed angustissimum (quando vero dehiscit, orbiculare fit & rotundum: unde forte obstetrices Germanæ vocant *die Rose*, rosam Gallicæ vero, coronam; *le couronnement de la mere*) instar foraminis glandis penis, ne intret nocivum aliquod; nec exeat facile attractum semen. Si quando extra vulvam procidit aut invertitur, os tincæ piscis exacte refert.

*Sterilitatis
quædam
causæ.*

Situs si immutetur, ut non in medio recta fundum respiciat; ad illud recta vir semen ejaculari non posse putatur, & semen potius refluere quam concipi. Si plane deest, quod raro fit, sterilitas omnino incurabilis causatur: uti & sterilitas fit, si aliter afficiatur, videlicet cancris, schirris, obstruptione, callositate, nimia pinguedine: præsertim nimia humecta-



meditatione & relaxatione, vel ex nimio congressu, ut in scortis, vel ex nimio profluvio humorum.

In gravidis viscosa & glutinosa materia annascitur orificio, & collum breve fere opplet; ut humectatæ hæ partes facilius in partu aperiantur.

Intra canalem hujus oris inferiori ejus parti tuberculum oblongum additum est, quod foramen exquisitius occludit, ex observatione *Riolani*. Ejusdem monitu circa hoc tuberculum pori sive foraminula conspiciuntur, quæ videntur esse extremitates vasorum deferentium, ad cervicem decedentium. Vasa illa pectinatim seu digitatim insita, sanguine plena, invenit *Columbus*.

Ufus orificii uteri.

Os matricis quando aperiatur?

Per hoc orificium uterus semen attrahit, quo concepto claudi dicitur; & vulgo quidem ajunt ita claudi, ut ne specilli aciem aut acum intromittat. Unde frustra & Medici per syringam liquores infundunt, & scorta foetum conceptum extrahunt. At referatur in superfœtatione, pravi conceptus, salvo foetu, ejectione, quæ interdum fit, emissionem seminis, & præsertim admirabili modo aperitur in partu; ubi pro foetus magnitudine dilatari debet, ut æqualis fere cavitass sit à fundo uteri ad pudendum, per quam foetus exeat. Et hoc, inquit *Galenus*, mirari possumus, intelligere non possumus. Et idem hoc monet agnoscere nos debere sapientiam & potentiam artificis, qui nos conformavit. Sed ex membranis corrugatis hoc orificium, uteri in morem, constat, quæ explicatæ immensum dilatari queunt.

C A P. XXX.

DE UTERI COLLO MAJORE.

IN uteri fundo tria observavimus; *fundum* ipsum, *collum* minus, & *orificium*. In collo majori itidem tria occurrunt. *Collum* ipsum, *hymen*, & *os vesicæ*. De hymene vero sequentem agemus capite.

Collum, cervix sive canalis uteri *Aristoteli* aliquando etiam matrix dicitur, & uteri ostium: *Fallopio* sinus pudoris. Estque canalis oblongus; cavus etiam ante nativitatem, & stilum & digitum admittens, ut in recenter natis videre est.

Situs inter os externum & internum, penem recipiens instar vaginæ.

Figura. Contortum nonnihil & obliquum est collum, brevius item & arctius, quando laxatum in se concidit; ut partes

partes: internæ non refrigerentur. At rectum est & ampliatum, 1. In coïtu. 2. In fluxu menstruali. 3. In partu, ubi admodum distenditur ad fœtus formam; unde etiam parturientitium summus dolor: & tum, uti & in menstruâ, non parum refrigerantur fœminæ.

Magnitudo. Longitudo communiter est octo digitorum, vel septem, ut digitum longiorem æquet. Latitudo est, qualis recti intestini. Sed adeo variant longitudo & latitudo, ut difficulter describi queant. Nam in congressu ad virgæ magnitudinem se accommodat, fitque cervix hæc longior vel brevior, latior vel angustior, & pro fœminæ libidine varie turgent: quod dum fit, carunculæ protuberant à spiritu replente, quemadmodum apparet in vaccis & canibus lascivientibus; canalis vero arctatur, & minor redditur, uti & in coïtu; ut penem arctius comprehendat: ideo.

Substantia est & ex carne dura nervosaque, & non nihil spongiosa & fungosa, ut penis; ad dilatationem & constrictionem. Intus superior pars rugosa quidem est, quando non distenditur, at ampliata, lubrica est & magis lævis. Cæterum etiam in diducto collo rugæ orbiculares sunt & multæ, in principio canalis prope pudendum, antica parte prope vesicam maxime, minus versus intestinum rectum, cui incumbit, illudque ad majorem delectationem ex titillatione ab attritu glandis facta. Et in juvenulis rugæ arctiores sunt, cervixque angustior, per quam menstrua expurgantur, etiam in virginibus adultioribus. Verum rugæ obliterantur, & latitudo callosa fiunt, atque lævia, ob factum crebrium attritum, 1. In vetulis. 2. In iis, quæ multum concubere, aut peperere. 3. In iis, quæ longo fluxu laborare menstruali vel alibo. Atque in his omnibus substantia etiam fit durior, ut quasi cartilaginea tandem evadat in vetulis, & quæ sæpe conceperunt. At in juvenulis mollior est atque delicatior. Miraam vaginæ dilatationem vel membranam intumescen-tem descripsimus in *Hist. Rar.* Duplicem vaginam habuit mulier Hafnien- sis duplici orificio patentem, quarum una angustior, latior altera. Per latiore ex marito filiam enixa est. Rugarum utilitas ad delectationem. Partum quoque facilitare protrudendo fœtum *Roonhusius* censet.

Uusus Colli est membrum virile erectum recipere ad prole-ctandum semen.

Tandem ultra partem mediam, ad finem colli antica & *Orificium* superiora parte, non longe à vulva in conspectum venit *Vesica vesica.* *insertio*, ut urina ibi per communem ductum expurgetur, digitalis internodii longitudinem æquat, exterius carnosa,

vel potius carnoso sphinctere obvoluta, *Pinea* observante intus nigricat, ejusdem substantiæ cum urethra hominis, quemadmodum quivis videre potest, facto prius à *Riolo* indicio.

Notavit *Wierus* in suis observationibus extremitatem colli vesicæ exteriorem, non eodem in cunctis fœminis loco apparere, pluribus supra colli uteri angustias exteriores: sub nympha conspicitur, paucis introrsum in superiore pudendi parte latet. A tergo vero ingressus vesicæ occurrit, quando adest, membrana *Hymen* dicta: de quo modo agendum..

C A P. XXXI.

D E H Y M E N E.

Hymen seu membrana eugion dicta, claustrum virginale aliis appellatur, item flos virginittis; quia cum adest, virginittis nota adest.

Dari revera aliquam virginittis notam. An vero detur aliqua virginittis nota, dubium esse non debet. Experiuntur enim omnes, qui virgines uxores ducunt, obstare aliquid, quo minus absque magna vi & impetu virga intrudatur. Unde *Terentius* ait, primam coitionem esse acerrimam. Et hæc cum sit, ut plurimum cum magno dolore sanguis egreditur, paucior vel copiosior: quem etiam sanguinem *florem virginittis* vocant.

Cur primo coitu virginibus dolor & hæmorrhagia. Nam ob dilationem angustioris colli, & lacerationem hymenis, omnes virgines primo coitu dolorem & sanguinis profluxum habent. Juvenculæ quidem illum majorem, hunc minorem, ob hymenis siccitatem & vasorum exilitatem: Adultiores vero menstruaque expertæ, illum minorem, hunc majorem ob causas contrarias.

Exceptio. Si vero menstrua fluant, aut paulo ante fluxerint, ob partium relaxationem facile penis intromittitur, unde paucus aut nullus dolor, paucus etiam aut nullus sanguinis profluxus. Ideoque tum temporis non instituendæ sunt nuptiæ, ne virginittas sponsæ, suspecta sponso reddatur.

Quid sit virginittis nota? Quid vero sit quod obstat & prohibet virgam ab ingressu, hoc est, qua in parte virginittis nota consistat; opinionones & discrepantiæ variæ sunt:

I. Opinio Arabum. I. *Arabes* Hymen dicunt esse centonem efformatum, ex quinque venis ad colli medium, utrinque insertis, ita ut dextrarum venarum oscula cum sinistris jungantur. Hæc ficta sunt.

II. Opinio. II. Alii, inter quos *Fernelius* & *Ulmus*, latera colli adhæresce-

hærescere statuere, in cujus distensione vasa rumpantur, quæ ibi feruntur. Sed hoc contra experientiam est, quæ testatur etiam in minimis puellulis cavitatem collo adesse, nec lateera cohærere.

III. *Alii* membranam transversam. Et hoc quidem recte. *III Opinio.* Ait falso, qui cribi modo perviam finxere, & in extremitate infima sinus locarunt: per quam voluerunt urinam emitti.

IV. Recentissima omnium opinio est *Severini Pinæi*, *IV Opinio.* chirurgi Parisiensis peritissimi, qui integrum libellum de notis virginittis conscripsit, alioquin non inutilem. Habet vero ille pro hymene quatuor carunculas myrtiformes, per membranulam vinctas, in exteriori sinu positas; de quibus postea. Et cum hodie nonnulli viri docti sequuntur, ut *Bauhinus*. Nos in nuper nata hic dissecta, non aliud invenimus, nec *Marchettus* in multis puellis.

V. Sententia communior est, hymenem esse membranam transversam intus in collo uteri, paulo supra collum vesicæ, quæ obstat primo penis introitu. Atque pro hac opinione stant experientiæ & auctoritates plures: & primo quidem quatuor clarissimorum Patavinorum Anatomicorum, *Vesalii*, *Fallopîi*, *Aquapendentis*, *Casserii*. Et vetustas fere tota non ignoravit. Unde auctor ipsius carminis antiqui:

Est magnum crimen perrumpere virginis hymen.

Ad stipulatur *Archangelus*, *Alexander Benedictus*, *Wierus*. Cognovit idem & *Carpus*, nec ignorasse videtur *Scaliger* exerc. 175. sect. 1. ubi loquitur de radice quadam mirifice ad Venerem faciente. Ait enim: Si quis super ea urinam reddiderit, illico turgere libidinibus ajunt: virgines, quæ præ sunt parvis, si super ea sedeant, aut urinam faciant, eis, perinde rumpi naturæ membranam, atque si a viro fuerint vitiatæ. *Columbus* & *Sebixius* ter invenerunt, *Bauhinus* bis, uti testatur in libro de partibus similaribus, & in institutionibus: assentiri videtur *Wolffius*, qui Patavii se invenisse testatur. *Adr. Spigelius* in omnibus virginibus se deprehendisse affirmat, & nos cum *Veslingio* Patavii vidimus. Nec opus est omnium auctoritates huc afferre. *Rosinccius* sæpe in foetibus observavit per stylum foratum spiritu appulso se explicantem: In recens natis ejus vestigia: in adultis rarissimam avem.

Quod vero in his *Columbus* & *Paræus* negant semper inveniri; *Laurentius* vero nunquam se invenisse asserit: imputandum est inopiæ cadaverum, aut negligentiae in dissectioni- *Refutatio eorum qui negant semper inveniri.*

tionibus: aut si putarunt se virgines secuisse, defloratæ forte fuere: aut si virgunculas; illæ quoque digitis nonnunquam ex petulantia eam rumpere possunt. At si dicant se secuisse abortus, puellulas bimas, trimas, &c. respondemus, non credi facile posse in illis deesse: cum auctoritates & experientia peritorum Anatomicorum citatorum adversentur. Deinde si in istiusmodi aliquando deesse deprehensum est, de quo dubitatur: eodem jure, quo illi dicunt præter naturam adesse hanc membranam, nos dicemus præter naturam abesse. Raro enim deest, ut plurimum adest. Alii vero nobis contrarii & *Laurentio* consentientes, ut *Cappivaaccius*, & *Augenius*, tanquam parum Anatomici rejiciantur. Injurius est in naturam *Higlmorus*, qui negat ullius esse: usus, adeoque nec à natura intendi, quod uterum tegere non possit magis quam nymphæ & cervicis latera coincidentia, nec naturam curare an virgo vel deflorata sit, modo generet.

VI. *Opinio.*

VI. Media est sententia *Melchioris Sebixii*, omnia signa virginittis esse conjungenda quando adsunt. Hymen autem quando abest, in collo angustiore & aliis acquiescendum, quo dilatato & sanguis & dolor in complexu oritur à solutione continui.

Hiscæ ita præfloratis, ad structuram hujus hymenitis seu membranæ transversæ accessum faciemus.

Situs est in collo uteri prope finem, à tergo colli vesicæ insertionis, vel paulo interius. Variat enim subinde: situs, sed parvo intervallo distans. Atque ibi hæc membrana instar diaphragmatis per transversum sita est.

Figura. In medio est instar annuli perforata, ut minimi digiti apicem in adultioribus intromittat, per quod foramen menses affluant.

Verum hoc foramen tripliciter invenit sæpissime *Aquapendens*.

I. Ut naturaliter sit constitutum, & respiciat foramen vulvæ. II. Ut superius appareat, & non vulvæ respiciat. III. Ut in medio non foramen sit rotundum, sed rimæ oblonga. *Sebixius* falcatæ Lunæ assimilat, sed pleniori. Nam in figura hic ludit natura.

Rarum vero est, hymenem esse absque ullo foramine: & tum menses egredi non possunt, unde tandem morbi & mors, nisi aperiatur, ut exempla testantur, nobis quoque nota.

Magnitudo. Ad latera cervicis ubi enascitur, crassior est quam in medio.

Connexio. Continuatur substantiæ cervicis, ac si ex ea enasceretur.

Foramen
hymenitis
medium
varium.

Sub

Substantia est partim membranæ, partim carneæ, neque ramentum admodum crassa est. In aliis vero tenuior est atque imbecillior, ut in virginibus Præanis Campaniæ, quas à 12. annis ætatis devirginari omnes ibidem amicorum relatione accepi ab Solis partim, partim proprio æstu Hymenem dirumpente, in aliis solidior crassiorque, & aliquando ita firma, ut sectione opus sit, præsertim quando segnior & impotentior est maritus; alioquin si hic validus, solet tandem post menses aliquot pertundere.

Venulidis donata est hæc membrana multis, quibus in primo coitu ruptis, dolor & sanguinis profusio oritur. Tandem vero evanescit ex coitu vel alias petulanti attritu, quemadmodum in viris frænum glandis quando laceratur.

Quæstio vero gravis est, an primo coitu egredi debeat sanguis in omnibus virginibus, qui certa & indubitata sit virginis nota?
Quæstio de egressu sanguinis in primo coitu.

Respondemus fieri ut plurimum, & fieri debere. unde *Deut. 22.* cruentatio linteorum in nuptiis senioribus ostendebatur, incorruptæ antea castitatis testimonio. In Mauritania id ipsum obtinuisse refert *Leo Africanus*, servarique adhuc in Syria ex Syro intellexi. *Augenius* quidem ex *R. Salomone* & *Lyrano* sensum scripturæ metaphoricum accipiunt, ut *expandere vestimenta* idem designet, quod per verba tæstium declarare & diligenter inquirere in sponsæ castitatem: Sed verum scripturæ sensum, ut verba sonant, retinent meliores *Interpretes* Perpetuum apud illos signum fuisse *Sæebizius* probat, quia 1. juniores virgines elocabantur. 2. curam sui quisque habebat ob litem à Jehova legem. Alii contra ut plurimum ex cruentatione sumi signum. *Marius* ad h. l. excipit cum impotente Viro, à Chirurgo facile dijudicanda. *Sennertus* in illa lege affirmativam valere asserit, non Negativam illationem, nec aliud concludere, quam, ubi adsit, esse signum. Ergo impediri potest, & non fieri: 1. Si ex petulantia ruperint virgines digito vel alio instrumento. Hinc quidam populi in recens natis fœmellis vulvas consuunt, interea spatium exiguum pro egressu urinæ relinquunt; nec aperiunt usque ac tempus nuptiarum: tum vero sponsus aperiiri curat, ut certo virginem habeat. 2. Si tempus sit menstruorum, aut paulo ante præcesserit, quemadmodum supra dictum. 3. Si rima oblonga sit in hymene: tum enim dilatio fit, non ruptio. 4. Si collum uteri amplum sit admodum & penis angustior, nec satis crassus. 5. Si dextre mas intrudat penem. 6. Si passa est virgo procidentiam utteri: unde ruptio hymenis. 7. Si tardius virgines elo-

elocentur. 8. Si humorum acrium defluxu perpetuo vel irrigetur hymen, vel erodatur, quod in morbosis frequens, temperamenti & cœli vitio. Saniores virgines Hebrææ, ob latam legem, cœlo favente & temperamento robustiore, hæc incommoda dato studio facile evitarunt.

Ufus *hymenis* est partes interiores ab injuria externa defendere. 2. virginitatem testari.

An sine
læsione hy-
menis fieri
possit con-
ceptio?

Potest vero sine læsa virginitatis nota virgo concipere, quod frequens esse in Antartico solo *Americus Vespulius* retulit, probantque *Speronus* & *Peramatus*. Parisiis quædam mulier fertur hoc sæculo imprægnata sine partium virginalium detrimento, cui similem historiam refert *Clementina*. Id quinque modis fieri possumus concipere, recensitis à *Plempio* & *Sinibaldo*, honoris ergo hic reticendis. Nec hoc conceptioni Salvatoris nostri quidquam officit, quam asserimus sine horum aliquo factam, sine Virri amplexu, sola Spiritus Sancti inumbratione, de quibus Theologi. *Suide* si credimus, membrana in B. Virgine ab obstetricibus fuit inventa, quum de illius virginitate dubitaretur, quod à Deiparæ verecundia alienum fuisse puto. *Jo. Bapt. Mantuanus*, ut Virginis partum excuset, aliunde ex ea Christum prodiisse suspicatur, quam naturali via. Sed scriptura sacra vulvæ apertæ meminit. Mendax *Simon Magus* ut Deum se profiteretur ex Rachele matre Virgine se matrum jactabat. In statu integritatis suspicatur *D. Augustinus* potuisse utero conjugis salva integritate fœminei genitalis virile semen immitti sicut nunc potest eadem integritate salva ex utero virginis fluxus menstrui cruoris emitti. Quam sententiam explicat & approbat *Vives*.

Sine virili autem semine fœcundari mulieres non credendum. *Pomponii* enim *Mele* narrationem de fœminis Insulanis hirsutis, & sine coitu marium sua sponte fœcundis, fabulosam censet *Caranza*. De Incubis res alia, & nos alibi. Sola imaginatione *Magdalena d' Auvermont*, *Hieronymi Augusti de Montelione*, Equitis Gallici uxor, *Emanuel* concepisse nuperis annis in Gallia promulgabatur, quod suspexit *de Lord* Prof. Monspelienfis, & mihi ibidem dissuasit *P. Sanchius*. Equas vento concipere Lusitanicæ, auctores veteres prodiderunt, quos tuetur *Lud. Carrus*. Sed rectius mentem illorum de fœcunditate equarum & conceptionis celeritate explicat *Justinus Epitomator*.

CAP. XXXII.

DE PUDENDO MULIEBRI EXTERNO IN GENERE.

Ubi finis est colli uteri, occurrit ultima & externa pars uteri, MULIEBRE PUDENDUM, vel orificium exterius, seu cervicis uteri os; aliis *vulva*, quasi valva, item cunius, à cuneo aut impressione forte dictus. *Plauto* saltus, hortus, fundus, alia item translatione concha, & navis eidem, aliis communiter natura muliebris. Romanis porca apud *Varronem*. Quo autem mordacitatis sensu *Suidas* & *Eustathius* *κύνειον* seu *κύρα*, hoc est, canem vocaverint, judicent experti.

Numero unicum. Duplici natura mulier inventa apud *Obsequentem*, & inter monstra *Licetus* plures observavit. Duplex quoque *Rolfincio* visum, sed alterum ineptum, quia non plane pervium.

Situs ejus est extrinsecus in anteriore ossium pubis regione, ubi plurimæ apparent partes citra dissectionem, & aliquæ etiam citra diductionem, ut pili pubis, labia & monticuli ipsi; rima magna exterior, alæ, tentigo; aliquæ vero non absque labiorum diductione, ut fossa navicularis, rimæ duæ minores ad nymphas, corpora clytoridis, foramen cervicis vesicæ cum valvula carnosa, rima rugosa vel os immediatum eervicis, cum carunculis quatuor & membranis totidem: ubi postea incipit canalis, de quo egimus.

Pili pubis in maturis erumpunt ad labia, ut melius claudatur rima. Suntque in mulieribus magis crispi, quam in virginibus, colore varii, à natura producti, partim ad tuendas partes, partim ad velandas, quas tegere honestum judicavit. Italicæ vero & Orientales foeminae nitoris studiosæ & elegantiae, arte sibi detrahunt, ut inutiles.

Diductis labiis apparet I. MAGNA FOSSA cum exteriori RIMA MAGNA, & eam fossam navicularem vocare possumus: quia naviculæ figuram habet. Est enim retrorsum magis profunda & lata, ut inferior posteriorque finis tanquam in fossam degeneret. In illa fossa diductis labiis apparent duo foramina, sed fere tantum in vivis, imprimis post coitum vel in prægnantibus, teste *Plaxxono* apud *Rhodium*. Cum admodum parva sint, in quibus serosus quidam humor non parva quantitate prodit, qui maris pubem in coitu madefacit. Utinque parva ruga velut operculo tecta, notante

FIGURARUM EXPLICATIO.

Tabula hæc Vaginam uteri, Clitoridis corpus & Pudendum muliebre externum in virginibus & defloratis comprehendit.

FIG. I.

- AA. Uteri fundus transversim dissectus.
- BB. Cavitæ fundi.
- C. Cervix uteri.
- D. Osculum in cervice uteri mulieris quæ sætum gestavit.
- EE. Vagina uteri dissecta rugosa facies.
- FF. Ligamenta uteri teretia abscissa.

FIG. II.

- A. Nympha seu potius Clitoris in suo sitn.
- BB. Pili pudendi.
- C. Colli vesicæ prope pudendum insertio.
- DD. Pudendum.
- EE. Ala
- FF. Uteri collum abscissum.

FIG. III.

- A. Clitoridis corpus sub cute prominens.
- BB. Labia pudendi externa distracta.
- CC. Ala seu Nympha pariter diducta.
- D. Caruncula meatui urinario (a) circumposita.
- EE. Productiones duæ carnosæ myrtiformes.
- FF. Expansiones membranosa rimam continentes.

FIG. IV. Puellæ pudendum exhibet.


- a. Clitoris.
- bb. Labia pudendi.
- cc. Ala sive nympha.
- d. Orificium urethræ, seu meatus urinarii.
- e. ff. h. Carunculae q. myrtiformes.
- e. Caruncularum summa & bifida urethræ orificium occludens.
- g. Hymenis foramen.
- h. Caruncularum infima.
- i. Anus.
- k. Perinaeum.

FIG. V. Litera A. ostendit membranam transversim pudendo inductam, quibusdam pro hymene habitam.

FIG. VI.

- A. Clitoridis summitas glandi virili respondens.
- B. Preputium ejus.
- CC. Clitoridis utraque curvæ Ischii tubercle abscissa.

FIG. VII. Clitoride transversim discissa, interior ejus fungosa substantia apparet.



tante *Rolfinckio*. Quo tendant meatus, ignorat *Lindanus*: Non dubito vasa esse excretoria seu lymphatica, ex glandulis fossæ serum profundentia, velut in superioribus ductus salivales. Colli uteri orificium seu principium in fossæ medio est.

Debebat autem fossa una cum rima externa amplior esse, ut fœtus in exteriori parte facilius exiret: cum cutis non ita dilatari possit, uti membranosa, quæ intus est, substantia.

Deinde RIMÆ duæ occurrunt COLLATERALES, quæ minores: dextra & sinistra, suntque inter labia & alas.

In fossa vero hac magna, primo omnium conspiciuntur *caruncula* quædam, de quibus modo agendum.

C A P. XXXIII. DE CARUNCULIS MYRTI- FORMIBUS.

IN medio fossæ apparent quatuor CARUNCULÆ, statim post alas.

Sitæ, ut quælibet unum angulum occupet, & per quadratum se respiciant.

Una quidem anterior est in ambitu foraminis meatus urinarii, ad claudendum, cæteris major ac bifida, ne reddita urina intret vesicam externum quid, ut aër, &c.

Secunda huic opposita est posterior, vel inferior *Riolano* suggerente, duæ reliquæ sunt collaterales.

Figura myrti baccas referunt.

Magnitudo variat. Nam in aliis breviores sunt, longiores, crassiores, tenuiores. Durant tamen qualescunque ad ultimam senectam, nec unquam conteruntur, etiam in iis, quæ sæpissime coivere aut peperere.

Adjunctas habent nonnullas membranas, quas una cum carunculis *Pineus* valvas vocat: ut ita *Substantia* sit partim carnosa, partim membranosa.

Foramen inter has carunculas medium, variæ capacitatis pro ætate cujusque: nihilominus observavit *Riolanus* tertiam magnæ rimæ partem in virginibus æquare.

Idem istas carunculas ex corrugatione carnosæ vaginæ pudendi consilari arbitratur, ut pars illa externa angustior ipsa vagina, in partu æque dilatari possit: quare in puerpera post enixum, per septem dies observavit omnino oblitteratas ex magna pudendi distentione, nec earum vestigium apparere nisi constricto pudendo & ad naturalem formam reverso.

Ufus est I. ad tutelam partium internarum, dum immediate claudunt orificium cervicis, ne introeat aër frigidus, pulvis, &c. Ad quod etiam nymphae & labia pudendi faciunt.

II. Ad titillationem & voluptatem; dum inflatur, & penem constringit valide, praesertim in juvenculis.

Pinaeus autem voluit usum esse longe alium. Statuit enim carunculus has, cujus extremitates membranæ carnosæ sunt, ita vinctas invicem, ut foramen quoddam relinquatur, esse hymenem vel veram notam virginitatis: nec transversim eam vult sitam esse, sed in longum, ut figura totius hymen-
nis fiat instar coni obtusi sive truncati.

CAP. XXXIV.

DE CLITORIDE.

HUjus inventionem sibi arrogat *Fallopianus*: *Columbus* vero gloriose, ut in aliis solet, sibi tribuit: cum tamen ejus fecerint mentionem *Avicenna*, *Albucasis*, *Ruffus*, *Pollux* & alii.

Alii nympham vocant, ut *Aetius* & *Agineta*. *Columbo* Nomina dicitur dulcedo amoris, & æstrum Veneris: quia hæc pars hujus par- est sedes delectationis in congressu præcipua: quæ si blande tit. contrectetur in iis, quæ diu à coitu abstinerunt, & appetentes sunt, semen facile profunditur, vel insigni titillatione delectat. *Κλειδός* Græcis dicitur, aliis Tentigo, aliis Κλειδ- virga vel plenis muliebris: tum quia peni similis est situ, sub- pls. stantia, compositione, spirituum repletionem & erectione: habet item aliquid glandi simile & præputio, tum quia in quibusdam excrescit in magnitudinem penis: adeo ut penis Similitudo virilis loco, Clitoride aliquando abutantur mulieres non- clitoridis nullæ, & mutuo coeant, quas confricatrices vocant, cujus & penis. libidinis inventrix scribitur *Philenis* quædam, qua usæ etiam sit *Sappho* poëtria: de quibus puto loqui *Apostolum Paul.* Rom. 1: 26. Unde hæc pars Contemptus virorum dicitur.

Est autem *Clitoris* processus parvus.

Situs in pubis parte media in fine superiore & anteriore rimæ magnæ, ubi concurrunt nymphae, ante meatum urinarium.

Magnitudo communis est exigua, sub nymphis fere latet in principio, deinde leviter prominet. Nam in adolescenturientibus puellis, incipit primum se clitoris exerere. In aliis vero major est vel minor: In nonnullis propendet instar pe-

nis virilis, si videlicet parvulae continuo & frequenter hanc partem contrectent & fricent, uti testantur exempla. Plane vero & præter naturam & monstruosum fere est, ad colli anserini magnitudinem excrecere, quale exemplum habet *Platerus*. Nec ab simile *Tulpius*, longitudine dimidiati digiti, crassitie colis puerilis, unde foeminis libenter se miscbat. Mentitur ejus longitudo Virum, quod in foemina *Hafniae* vidi barbata, Hermaphrodita credita; vere tamen foemina passim in itinere militibus usum corporis sui concessit. Tumorem clitoridis ad pedes propendentem describit *Georg. Hier. Velschius*. Quo vero magis excrefcit, eo magis impeditur viri congressus. Nam in coitu turget instar erecti penis, & quando erigitur ad libidinem stimulat.

Substantia. Substantia est non ossea, quanquam talis in Veneto scorto fuerit, jam abscissa, ob cujus duritiem membra amantium inflammabantur; sed uti penis virilis, ex duobus nervosis corporibus duris & crassis, intus porosis, nigricantibus, & spongiosis (ut dilatari possit hæc pars, rursusque concidere) ortum ab ossibus Ischii habentibus distinctum, circa margines eorundem osium. At circa osium pubis conjunctionem conjunguntur, & penis corpus constituunt. *Mentjotus* advertit manifeste tumere, & φλογώσιν concipere in furore uterino. Musculos obtinuit, *Pineo* tres, *Riolano* & *Veslingio* quatuor, ut penis virilis, eidemque officio inservientes: duo superiores rotundi, longioribus ligamenti insident, & ab eodem loco prodeunt; alii duo inferiores lati & carnosissimi, à sphinctere podicis prodeunt. Carnem hanc, quam musculos esse dixerunt, non clitoridi continuari, sed vaginæ annecti scribit *Marchettus*, ut potius sit portio carnosissima in externa parte vaginæ quam musculus.

Tentigo. Extremitas vel caput prominens instar glandis (reliqua parte delitescente) TENTIGO dicitur, foramen habens uti penis, sed non pervium.

Tegi videtur quasi præputio, quod constituit tenuissima quadam cutis ex alarum conjunctione.

Vasa quoque obtinet omnis generis ad se delata.

Vena & arteria pudendæ, nervus à sexta conjugatione, à plexu prope renes *Whartono*, vix conspiciendus, tamen omnia insigniora quam corporis ratio videri possit exigere, ob exquisiti sensus perceptionem & erectionem.

Usus est, ut sit sedes delectationis & amoris. Estque ut frænulum in pene. Nam ex ejus attritu seminis profusio excitatur.

Putat autem *Aquapendens*, usum clitoridis esse, ut uteri collum in coitu sustentet.

In

In hac vero parte *Æthiopibus* usitatam *fœminarum* circumcisionem *Bellonius* & *Fovius* factam putarunt. Modum amputandi tradunt *Aetius* & *Ægineta*, qui *Nympham* quoque appellant. Et etiam nunc ob insignem magnitudinem *Orientalis* urunt, ne amplius crescat, conductis ad id provectioris ætatis *fœminis*, quam operationem improprie ⲁⲗⲁⲥ circumcisionem appellant. Estque illis tam necessaria ob excreſcentis clitoridis deformitatem, quam decora; nudæ enim in *Ægypti* *Alcairo* puellæ sine velamine, post hanc circumcisionem demum aut matrimonium induſio vestiuntur. De quibus, ut & circumcisione, *Nos* fusius in *Antiquitatibus Puerperii*.

CAP. XXXV.

DE ALIS ET LABIIS.

Productions duæ occurrunt rubræ inter labia, quæ ⲁⲗⲁⲥ appellant; ALAS.

Galenus NYMPHAS, vel quod sponſum primo intro-mittant, vel quod aquis præſint & humoribus proſilientibus: nam inter eas tanquam parietes, urina cum ſibilo effunditur in diſtans, abſque labiorum irrigatione: vocant alii carunculas cuticulares.

Situs eſt inter utrumque labrum.

Magnitudo non eſt eadem: nam aliquando una ala, aliquando utraque, & rarius in virginibus quam mulieribus adeo excreſcunt, præſertim cum digitis frequenter attrahuntur, aut alias, humores affluunt; ut ob impedimenta, quæ ſequuntur, exciſione opus ſit. Et auctor eſt *Galenus* hunc morbum familiarem eſſe *Ægyptiis*; ut ideo nupturis virginibus, uti & aliis mulieribus amputent, cui conſonant *Aetius* & *Ægineta*, quod alii de Clitoride volunt intelligi: rectius meo iudicio, quum Clitoris productior impedire poſſit amicam copulam, & inſtar penis erigatur; nymphæ non item, quæ molliores, & aliquibus longiſſime propendent, etiam meretricibus hac parte quæſtum quærentibus.

Numero duæ ſunt; dextra & ſiniſtra. In principio autem fere junc-tæ ſunt, ubi productionem carneam faciunt inſtar præputii clitoridem veſtientis.


Figura eſt triangularis, ſed angulus unus obtuſior, videlicet qui inferne producit extra labra: criſtam galli æmulatur; unde forſan *Juvenali* criſta.

Color eſt rubeus inſtar criſtæ galli ſub gutture.

FIGURÆ EXPLICATIO.

Exquisita demonstratio Vasorum Spermaticorum, Testium & Tubarum seu cornuum, uteri humani. Ex communicatione Joan. Swammerdamii.

- AA. Vasa spermatica utriusque lateris, ab exortu ad Testem, Tubam, & Uteri fundum desinentia.
- BB. Venæ & arteriæ spermaticæ, in utroque latere corpus pyramidale constituentes.
- C. Testis sinister, seu dicti lateris verum foeminarum ovarium cum transparentibus ovis.
- D. Venæ & arteriæ spermaticæ in testem disseminatæ.
- EEEE. Membranosum uteri ligamentum, assimilatum alis vesperilionum, per quod spermatica vasa ad tubam disseminantur.
- FFF. Vasorum spermaticorum cum hypogastricis vasis per latera colli crispatis ascendentibus, sub Tuba & ligamento rotundo, in utroque latere unio.
- GG. Vena hypogastrica utrinque.
- HH. Arteriæ hypogastricæ in utroque latere.
- III. Demonstratio anastomoseon arteriarum uteri.
- KKKK. Implicationes venarum uteri.
- LL. Tuba seu cornu uteri sinistrum.
- M. Tubæ foramen amplum ac apertum, una cum fimbriis pannum attritum concinne emulantibus.
- N. Membrana Testis dextri separata & revoluta, ut spermaticorum vasorum ductus ad ovarium & ova commodius cernantur.
- O. Tuba uteri dextra inversa, ut tanto melius ejus ampla capacitas, per quam ova ex ovario in uterum provolvuntur, in conspectum veniat.
- P. Fimbria Tubæ dextre uteri.
- Q. Uteri fundus obscure protuberans.
- R. Uteri fundus paululum apertus. (stantia.)
- S. Patentes transversim discissorum vasorum copiosæ oræ in uteri sub-
- T. Pars membrane intestinum rectum operiens.
- VV. In utroque latere inferiora & rotunda uteri ligamenta, quæ nihil aliud sunt, quam præter membranam, minutissimæ arteriolæ & venula, quæ ad clitoridem & pinguedinem pubis propagantur.
- XX. Clitoridis crura externa. YY. Clitoridis crura interna.
- ZZ. Vasa in clitoridem dispersa.
- A. Vesica paulatim ad latus dextrum à loco suo remota.
- B. Colli vesicæ prope clitoridem insertio.
- cccc. Ureteres. DD. Ureterum in vesicam insertio.
- E. Fimbria tubæ sinistræ uteri.
- FF. Venæ preparantes utriusque lateris.



Back of
Foldout
Not Imaged

Tunica tenui obducuntur potius quam cute, quemadmodum oris labia & cæteræ ejus partes.

Substantia est partim membranosa, mollis & fungosa, nata fortassis ex reduplicatione cutis ad latera magnæ rimæ, partim carnosa.

Ufus sunt iidem, qui caruncularum myrtiformium: & præterea, ut urina per eas ceu parietes feratur. Instar ligamenti suspendere, ac veluti coarctare in virginibus hiatus externi partem inferiorem verosimile non videtur, quod nonnullis tamen visum. Labia id præstant, magisque coarctarent nymphæ defloratas, quibus longiores.

LABIA duo, inter quæ rima est externa constituta, extuberantias habent, quæ monticuli Veneris dicuntur, pilis decorati. In mulieribus magis depressi sunt. Hæc pars pudendum proprie dicitur. Et sunt corpora oblonga, mollia, atque substantiam habentia, qualis nulla alia est in toto corpore; partim ex cute & carne, partim & spongiosa, cui pinguedo subjacet duriuscula.

Inferna labiorum commissura, in virginibus tensa est, constricta hac veluti ligamentosa, in corruptis laxa, & in his quæ pepererunt laxior, experientia *Riolani*, & cujusvis, qui in hoc mustaceo laureolam quærit.

Ufus est ut supra.

C A P. XXXVI.

DE MEMBRANIS FOETUM
INVOLVENTIBUS.

PArtes omnes procreationi inservientes, tam viriles quam muliebres explicatæ sunt. Verum quia institutum est omnia exponere, quæ sub cultellum anatomicum veniunt; quædam etiam proponenda sunt, quæ in utero mulieris gravidæ continentur, ut sunt:

1. *Fœtus*, cujus structura in quibusdam tantum differt ab adulto homine; quas breviter enarrabo, prout in dissecto fœtu non ita pridem publice demonstravi. Differunt autem partes fœtus grandioris ab Embryone tenero, & utriusque ab adulto homine. 1. *Magnitudine*, vel proportionatæ ad totum corpus, vel minus proportionata. 2. *Colore*, quædam magis quam in adulto rubent, quædam magis pallent. 3. *Figura*, ut in renibus, capite, videre est. 4. *Cavitate*, ut in umbilicalibus vasis & cordis. 5. *Numero* vel *abundanti*,

*In quibus-
nam fœtus
differat ab
adulto.*

ut in ossibus capitis, sterni, & futuris cranii, vel *deficiente*, ut in omento, ossibus nonnullis, dorfi, carpi, &c. 6. *Duritie*, in iisdem ossibus. 7. *Situ*, ut dentes. 8. *Ufu*, ut vasa umbilicalia, cordis, cæcum, &c. 9. *Motu*, ut pulmones, &c. 10. *Excrementis*. 11. *Robore* & totius perfectione.

Hæc clariora erunt, si singulas particulas à nostris differentes percurramus, prout nobis ipsis in Anatomie foetus occurrerunt.

1. *Vasa Umbilicalia*, tria, pervia pro sanguinis transitu & recurso, quæ in adultioribus in ligamenta degenerant.

2. *Omenti* exiguum vestigium, vel plane nullum, siquidem ea est adhuc ventriculi aut intestinorum concoctio publica, ut à complicatis membris uterique calore satis foveri possint.

3. *Ventriculus* parvus, juglandem nucem non superans, isque vacuus plerumque, nisi humore chyloso, simili illi qui in amnio, vel lenta humiditate irrigatus.

4. *Cæcum* intestinum amplius, modo crassum, modo oblongum, fœcibus plerumque scatens, de quo supra diximus.

5. *Intestina tenuia* contracta apparent, flavis excrementis tincta per vesiculam fellis descendantibus.

6. *Intestina crassa*, præsertim rectum, meconium continent, h. e. excrementa nigra crassiuscula ex ventriculi, intestinorum, hepatis, lienis concoctione privata, vel solius lienis per cœliacam hic expurgati, vel solius hepatis per felleum ductum, morâ nigrore contracto; vel, quod verosimilius jam suspicamur, ex ventriculi concoctione publica, quam etiam in embryone, præsertim grandiori, concedimus, siquidem ore alimenta fugit.

Non possum quin hic inseram quæ per amicum nostrum communem G. Blasium communicavit Swammerdammius, ad ea, quæ circa Intestina adutorum jam antè adduximus, imprimis spectantia. Primum glandulosos tubulos exhibet ex intima tunica intestini devenientes, adeoque mucosæ intestinali ex glandulis intestinorum materiam adferentes. Exhibentur hi Fig. I. A. A. in intestino inverso, & ex parte etiam per longum B. dissecto. Alterum Cochleæ similem valvulam in intestino Rayæ, quæ Fig. II. transaret ab extra id aspicienti, III. vero ablatis tunicis omnibus seorsim proponitur.

7. *Renes veri*, ex plurimis glandulis compacti. *Succenturiati* grandiores, magisque excavati.

8. *Hepar* mole sua utrumque hypochondrium implet, *Lien* exiguus, quia nulla adhuc in ventriculo & venis fer-

men-

fig. 1

- AA. Tübuli glandulosi Intestinorum interiores
 B. Dissectum intestinum inversum.
 CCC. Vasa per tunicam exteriorem dispersa.
 DD. Rügæ s. plæcæ interioris tunicæ
 ex communicatione

SWAMMERD.

11

1

111



fig. 11 . et 111
 eiusdem

Valvula intestini Rægæ cochlearis

FIGURARUM EXPLICATIO.

Differentes fœtus ab adulto partes
demonstrat.

FIG. I.

- A A. *Renes succenturiati.*
- B B. *Renes veri, variis glandulis adhuc distincti.*
- C. *Arteria magna, ex qua rami ad capsulas & renes.*
- D. *Vena cava, ex qua Emulgentes, & capsularum venule.*

FIG. II.

Situm fœtus in utero monstrat, qui in aliis tamen variat.

- A. *Caput promum, ut nasus inter genua recondatur.*
- B B. *Nates quibus calcanea applicantur.*
- C C. *Brachia.*
- D. *Funis per collum ductus, & supra frontem reflexus, continuatusque cum placenta in sequenti fig. expressa.*

FIG. III.

- A A A. *Chorion membrana divisa.*
- B B. *Amnios, funem adhuc obvolvens.*
- C C. *Placentæ uterinæ pars concava interior fœtum spectans cum ramulis vasorum.*
- D. *Funis contorti portio.*

FIG. IV.

Placentæ externam faciem exhibet, utero adhærentem, sed hic avulsam, cum E E E E fissuris rimisque, numero & profunditate variis.

FIG. V.

Fœtus dissecti sceleton, in plurimis ab adulto differens, ut ex textu liquet.






Fig. I.




II



III



III



mentatio, cum puro succo chyloso alatur. In infante eandem lienis fere esse rationem inutilitatis, quæ partium genitalium, aliis placet, ob prædominantem humiditatem & partium tenuitatem; hincque infantibus usque ad annum 12. & 14. infrequentes morbos esse, qui ex intemperie lienis oriuntur. Utriusque color, quam in adulto, splendidior, rubicundiorque.

9. In *mammis* nullæ glandulæ, at papillæ leve vestigium.

10. *Thymus* vasis adnatus statim ultra cor triplici glandula majori eminet.

11. *Auriculæ* cordis ampliores, præsertim dextra, pallidiores.

12. *Uniones* vasorum in corde per Anastomosen & canaliculum singulares, de quibus *libro seq.*

13. *Pulmones* flavo rubore lucentes, qui motu majore deinde temperatur. Immobiles enim creduntur plerisque, quia sola transpiratio & materni sanguinis ventilatio sufficit embryoni, nisi vagitus uterinus superveniat. Ociari vero duplici de causa. 1. ne nimio liquore irrumpente suffocetur embryo, si frequentius os aperiret. 2. quia in utero aer non ambit embryonem, sed liquor. At *Hippocrati* leviter moventur, nec prorsus ociantur. Liquori aer est admixtus, qui attrahitur cum alimentis, vel, si credimus *Needhamo*, à fermentatione liquorum oritur.

14. In *capite* omnia majora. Oculi protuberantes, ingens cranium, sed in plures partes divisum, cerebrum molle, & humiditate fere diffuens, pericranium cum dura matre continuum suturas pertransit.

15. In *sceletio*, ossa totius corporis primis mensibus mollia, posterioribus quædam solida, prout magis necessaria sunt, ut costæ, quædam cartilaginea, ut sternum, carpus, tarsusque (sine apophysibus & epiphysibus omnia durioribus,) quæ tamen tractu ætatis in osseam duritiem, non ab extrema sed media parte inchoando, solidantur, quædamque post indurationem continua manent, quædam in plures particulas scinduntur.

16. Vertex diutissime apertus, sola membrana reclusus, qui paulatim cum ætate arëtur & concrescit. *Sutura* sagittalis ad nasum protenditur. *Commissura* majores ossium mobiles, invicem sibi impositæ, vel simplicis lineæ ductu juxta se protensæ, ut in egressu carni compressum loci angustię cedat. Os *cuneiforme* quadripartitum. *Nasi* ossa divisa & maxilla utraq; medio cartilagine. *Dentes* alveo-

lis suis, gingivis tecti, latent. *Vertebrae* processibus acutis carent, ne uteri collum lædant. *Sternum* molle in medio secundum longitudinem quatuor ossicula habet orbicularia, plana & porosa. *Ossa* quoque *Ileum*, *Ischii* & *pubis* distinguuntur per cartilagineas. *Carpus* & *tarsus* cartilaginei, deinde in plura ossicula in grandioribus diducuntur, quando apprehensionis & ingressionis necessitas id requirit. Cæterum de ossibus infantis accuratius egerunt *V. Coiter & Henr. Eyssionius*.

17. In externis, ut cute, pilis, unguibus, &c. aliqua est differentia omnibus nota.

II. Membranæ, quæ fœtum vestiunt, tegunt & ambiunt: de quibus hoc capite.

III. Vasa umbilicalia, de quibus sequenti.

MEMBRANÆ FOETUM INVOLVENTES in utero post conceptum omnium primo generantur, ad obvallandam nobiliorem seminis partem, ut patet oculorum notitia, vel in minimis conceptibus, & omnium fere auctoritatibus.

Efficiens est vis formatrix, non vero solus uteri calor: quemadmodum alias calor crustam producit in pulte vel pane. Nam I. Tum arcte adhæreret crusta fœtui, atque inseparabiliter.

II. Non tantus est uteri calor, ut assare queat seminis materiam tam brevi tempore; cum fere statim à conceptu generentur, & si tantus esset in utero calor, non fieret conceptus, ut habet *Hippocr.* l. 5. Aph. 62.

Materiam statuimus fœminei seminis crassiorē partem. Alii, ut *Arantius*, volunt esse tunicarum internarum propagines, chorion peritonæi, amnion membranæ carnosæ. Alii fœmineum semen has solas efficere membranas: Alii fieri tam ex virili quam muliebri semine.

Membranæ hæ circa humanum fœtum duæ sunt, circa brutorum tres: quæ junctæ & mutuo connatæ, ut unum videatur constituere, efficiunt SECUNDINAM dictam, vel secundam. 1. Quod secundum sit fœtus domicilium ab utero. 2. Quia hæc membrana in partu secundo, vel post fœtum exit. *Secundinarum* quoque nomine veniunt reliqua post fœtum prodeuntia, hepar uterinum, & liquores.

Prima membrana AMNIOS dicitur, ob mollitiem & tenuitatem, aliis agnina, charta virginea, indusium, &c. vel quasi amiciat fœtum. Estque omnium tenuissima, alba, mollis, translucens, paucisisque exiguis venulis & arteriis donata, fœtum immediate cingens inter duplicaturam ejus dispersis: cohærens Chorio fere ubique, præsertim in

extre

An filus
uteri calor
sit efficiens
membrana-
rum fœtus.

Opiniones
varie de
materia
membrana-
rum fœtus.

Numerus
membrana-
rum.
Secundina
quid & cur
ita dicta?

Humor in
amnio unde?

extremitatibus, circa placentam & in medio ejusdem, ubi vasa umbilicalia prodeunt, unita. A chorio tamen facile separavimus, in qua multus & copiosius reperitur humor, cui foetus innatat, ortus, ut hactenus crediderunt Anatomici, in brutis ex sudore & urina. *Aquapendens* vero quum observasset in brutis sudorem & urinam diversis membranulis contineri, hanc in chorio inferius & exterius, illum interiorius & superius in amnio, magis in homine quoque id fieri credidit. Sed experientia reclamatur & ratio, quia via ad chorium manifeste denegantur. At cum Urachum in homine pervium non inveniamus, neque urina in amnio exinde potest colligi, sed per penem excernitur si molesta sit, reliqua retinetur ad partus tempus in vesica, quae in humano foetu plerumque distenta est & tumida, brutis vacua. Nec officere putatur embryoni acrimonia urinae, quia 1. minor in foetu ob alimenti benignitatem & puritatem. 2. cutis humore lento oblituitur, bruta autem pilosa pelle se defendunt.

Ceterum nihil horum placet *Harvejo*, quia 1. uterque humor prius in conceptu reperitur, quam quippiam ex foetu appareat, & urina dicta prius quam sudor ille conspicitur. 2. In irritis quibusdam conceptibus dicti humores, praesertim exterior, inveniuntur. 3. Statim ab initio magna copia abundant. 4. Multa animalia nunquam sudant, & nonnulla neque urinam emittunt. 5. Nullum animal mellejere potest, ante renum & vesicae exstructionem. 6. In hos humores per chorion multi ramuli venarum umbilicalium disseminantur. 7. Multa animalia istos humores statim a partu avide devorant, quod in vaccis, ovibus, &c. quotidie observamus. Boni enim odoris & saporis sunt. In amnio qui continetur, gustu dulcem, tactu viscidum ex *Bunecio* annotat *Segerus*. 8. Humor amnii plerumque appropinquante partu absorbuitur, tumque deficit foetus alimentum. Putant vero nutritium esse succum ex chylo allatum, purissimum illum quidem in Amnio, quod *colliquamentum* vocant, crassiorem vero in chorio. Quae quanquam ita sint, tamen etiam excrementitii liquores foetu adultiore admiscuntur, qui tam copiose in partu praecipitantur, cum alimentarius succus maxime tum sit vel absumptus vel superfluous. Nutritium succum una cum urina non coagulari, experimento didicit *Needham*; destillatos vero humores omnes aquam mollem & lenem exhibere, lacti destillato simillimam: quod & allantoidis liquori cum ceteris sit commune. Secundum haec igitur *Ufus* est,

1. Ut innatando quasi in balneo levior reddatur foetus.

II. Ne

II. Ne impingat fœtus in partes vicinas duriores.

III. Ut in partu rupta membrana humor hic exiens lavem, lubricam & facilem viam per uteri collum faciat.

IV. Ut utilis portio, chylosa nempe & pinguior, sit fœtus alimentum, quod ore sugat.

Amnii pars subinde capiti exeuntis adhæret, unde *Galeatus* dicitur. Hanc *galeam* in masculis, in fœmellis *vittam*, *Galea* quid? diligenter asservant obstetrices ad varios usus, & felicia pueri portendere aliisque ea utentibus augurantur, si rubicunda sit, sin nigra fuerit, infausta ominantur.

Paræus & *Lemnius* aliique à felici validoque nixu matris, *galeam* remanere suspicantur, genitalibus robore naturæ dilatatis, in difficiliore partu in utero relinqui. *Spigelius* contrarius in debilitate matris & fœtus id arbitratur contingere. *Beslerus* rationem ab amnii tenacitate advocat, quam embryo perrumpere nequeat, vel ab ejusdem imbecillitate, unde raro pubertatis annos attingunt. Ego ex neutro augurium desumo. Tam *galeatos* infelices vidi, quam nudos, imo hos illis interdum fortunatiores, casuque evenit quod infirmis juxta ac robustis adhæreat.

Secunda membrana dicitur *CHORION*, eo quod instar circuli fœtum ambiat.

Hæc priorem immediate cingit, cui subjicitur orbiculari fere figura ad modum placentæ, cujus interiorem seu concavam partem tegit & involvit, expanditque se ad ejus mensuram, imo totum uterum replet. Difficulter ab illa separatur, firmiterque uterino hepatis vasa annectit & fulcit. Versus fœtum glabra, sed qua placenta insertitur & agglutinitur, asperior. Estque satis crassa & gemina. Pars superior crassior & mollior est, inferior tenuior, & magis membranacea *Harvejo*. Sub placenta densum observavit *Wepferus*, at *Courveus* tenuissimum ea parte qua placenta investitur cum *Riolano*, *Segero* & nobiscum statuit, ut facilis permeet chylus, ea quoque parte numerosiora esse vasa, tum ad nutritionem placentæ, tum ut liquor nutritius magis magisque fundatus reddatur spirituosior. Huic in brutis adhærent verticilli vel cotyledones, ex carnosa & spongiosa substantia constantes: In homine vero adhæret hæc membrana utero mediate, per rotundam & subrubram quandam carneam massam, alteri tantum, fere semper superiori & anteriori parti uteri connexam, nec totum fœtum cingentem; ex innumera sobole venarum & arteriarum, quibus intertextitur sanguis velut affusus, plasmatam.

Cotyledones quid?

Utrius-

Usus mem-
branae.

Utriusque membranæ *Usus* (ex principiis *Hævejanis*, quæ sequuntur *Courveus*, *Everardus*, aliique, est

1. Ad continendum fœtus nutrimentum. Hinc defectu pabuli fœtus exire, & primis mensibus in chorio majorem esse copiam liquoris, quam in amnio, & versa vice, ultimis mensibus majorem copiam in amnio quam in chorio, quia primis mensibus fuit abundantius liquor ab utero, at ultimis diebus totum fertur alimentum ad mammæ, interpretate *Courveo*.

2. Ad idem defæcandum & depurandum quasi per setaceum, primo per chorii poros trajectum, deinde per amnii membranam transmissum.

3. Ut sit quasi interceptum, ne copia alimenti nimia cum impetu irruente, fœtus suffocetur.

An humor
nutritivus in
chorio.

Negat vero *Aldes* in chorio humorem esse nutritium, quia cum postremo mense in vitulo aliquot librarum sit, altero qui in Amnio est, vix vigesima parte illum æquantem, (cum in eodem vitulo trium præter propter mensium valde parum humoris pro rata parte sit in Allantoide, si ad fœtum, cujus jam partus instat, comparatur) certo indicio illum humorem, qui pro rata parte maxime minuitur, alimentarem, alterum excrementitium esse qui augeatur.

4. Ad obvolvendum fœtum & ab injuriis externis defendendum.

Rotunda illa massa dicitur *PLACENTA UTERI*, ob formam: item *HEPAR UTERINUM*: quod exactius describam, prout mihi videre contigit.

Figura circularis est, sed circumferentia inæqualis, in qua quinque observavi prominentias justo ordine distantes, & in spatiis intermediis membranam chorion crassiorē. Qua uterum spectat gibba, aspera & undosa, velut coctus panis qui rimas duxit, incisæque hac parte fibras ostendit infinitas, quas si persequaris, ad venarum truncos te perducunt. *Faber* quadratam vidit angulis obtusis.

Numero unica, etiam iis quæ gemellos pluresve fœtus gestant. Unicæ enim placentæ totidem funiculi diversis locis inferuntur, quot embryones. In trimellis etiam diversi sexus unicam placentam *Hafniæ* vidi. *Beslerus* similem depingit, sed unius sexus masculini. *Riolanus* ita distinguit, ut gemelli ejusdem sexus, habeant eandem placentam communem; qui diversi sunt sexus, habeant suam propriam. Id vidit *Rolfinckius*. In gemellis quoque Romanis *Guil. Riva*, nescio tamen an ejusdem sexus. Unicam placentam nobiscum

cum tuetur *Whartonus*; observavit tamen unam istam gemellorum cujuscunque sexus, *lineâ conspicuâ* in duas partes determinari, ut unius medietas uni funiculo umbilicali, & alterius alteri evidenter sit appropriata. Quod discrimeti necdum observavi in trimellis, nec *Beslerus*, sed ramulos umbilicalium diversos per anastomosisin jungi. Notat quoque *Needham*, vasa dextri fœtus trans eandem in sinistram placentæ latus exporrigi, & versa vice. In trimellis duplicem placentam obstetrix nostra *Hafniæ* extraxit.

Magnitudo variat pro corporum fœtusque conditione. Pès tamen unus circiter in diametro.

Substantia videtur esse corpus ex infinitis fibrillis vasorum contextum. Deprehendit *Hoboken* hic fibras carneas cum vasorum umbilicalium propaginibus connecti, & colore distingui, illas ex nigro rubescere, has subalbicare. His tamen sanguis velut concretus est affusus, facile abscedens. Quomodo ex sanguine concreseat, explicat *Highmorus*. Quum igitur parenchyma habeat, non mirum si visceris alicujus instar pro fœtu alendo succum alimentarium seu conficiat seu præparet. In brutis nonnullis carunculas vocant *Aquapendens* & *Harvejus*. Rectius *Placentulas* vult *Segerus*, quia sunt carneæ particule in brutis loco placentæ in hominibus.

Duplex est in omnibus *Whartono*, ita ut altera ejus medietas pertineat ad uterum, altera ad chorion, atque hæ medietates inter se apte committuntur seu inoculantur, ita ut alveolus unius medietatis protuberantiam alterius in se excipiat & undique amplectatur. *Fallopins* suo modo distincte, semper adhærere alteri uteri ipsius parti in quo desinit foramen à meatu seminario veniens, quod foramen est quasi centrum totius spatii, quod à placenta occupatur. *Needham* in ruminantibus admittit duplicem placentam, in placentiferis vero, ut cane, fele, muliere simplicem, soli chorio propriam.

Substantia caruncularum in animalibus est spongiosa, & savi instar infinitis pene *acetabulis* constat, mucoso albumine repleta, quod post *Galenum* accuratius *Harvejus* observavit, quem humorem à se concoctum vel preparatum per vasa umbilicalia ad fœtum mittit. Et in homine non eadem ubique substantiæ natura aut facies. Hinc inde enim glandulosa levadit, præsertim in tumulorum summitate, velut emuntoria officinæ puerilis, in extremis simbriis adjecta. *Crassior* in colliculorum medio, circa extrema ora attenuatur, cum ipsis vasis capillaribus varia textura implicatis.

Nam

V

Vasa

FIGURÆ EXPLICATIO.

Tabula ostendit puellum nudum, tunicis omnibus tam propriis, quam communibus divisis.

AA. Chorii dissecti portiones à suo loco remotæ.

B. Annii portio.

CC. Uteri dissecti membrana.

DD. Placenta seu hepar uterinum, moles quedam carnea pluribus vasis donata, per quæ infans nutrimentum capit.

E. Divaricatio vasorum, quæ hic unum vinculum constituunt ad umbilicalia vasa contegenda.

FF. Vinculum per quod vasa umbilicalia à placenta ad umbilicum feruntur.

GG. Puelli perfecti, & partui proximi situs in utero.

H. Insectio vasorum umbilicalium in ipsum umbilicum.

Vasa habet, Venas & Arterias, per eam discurrentes, ex Umbilicalibus; quæ paulatim omnes extenuantur circa placentæ margines, mirisque plexus efformant arctè substantiæ illius coherentes, ut nulla pars ramulorum sit vacua. Anastomosis variis invicem junguntur, postea describendis, per quas ex arteriis in venas sanguis ex fœtu recurrens transit. Observavi enim in venis placentæ facile sive digito sive instrumento adigi posse sanguinem contentum versus truncum sive funem ipsum, non ita versus placentam: contra in arteriis evenit, quæ facillime digitorum impulsu sanguinem ad uteri hepar mittunt, ad truncum difficilius. Experimento alio refluxum sanguinis demonstrat Pecquetus. Insectio umbilici canalibus stipulam in placentæ confinio. Sola tum, si flaveris, fœtui vena spiritum insinuat; at è contra, si stipulam intra fœtum inspiraveris, ad placentam Arteriæ aërem effudent flaccida penitus vena & inanita.

Lymphatica vasa addit Whartonus & Nervos. His suppeditari etiam succum cum venis & arteriis pro nutritione fœtus ex sua hypothese scribit Rogersius illi consentiens. Sufficit hæc fibræ vasorum truncis circumligatæ; observatæ Needhamo.

Ufus est 1. ad fulcrum vasorum umbilicalium, quibus ut pulvinar substernitur;

2. Quia parenchyma habet singulare vel sanguinem pro fœtu nutriendo præparat, quemadmodum in adulto verum hepar olim creditum. Sanguinem enim maternum per venulas



nulas suas ex uteri venis mediate fugit, præparatque & ad usum attemperat, mox eundem per umbilicalem venam majorem hepatis fœtus infundit, ut recta ad cor per anastomosin canaliculumque deducatur, ex quo per arterias in totum embryonis corpus nutriendum distribuitur. Pars vero sanguinis per arterias umbilicales enatas ab iliacis regreditur ad placentam, tanquam adscititiam pueruli partem, ut partim calore suo conseruet, nutrietque sanguine arterioso, partim ut ibi ulterius perficiatur, quo labore peracto regreditur iterum in venas socias, ut una cum altero sanguine recentior à tubulis Uteri suppeditato, per umbilicales venas remeet repetatque dictum circulum: vel, quæ recentior *Harveji* sententia, succum alibilem à matre provinentem nutriendo fœtui porro concoquit: unde mammæ instar, succo albugineo scatet, & graviditatis tempore solum reperitur. 3. *Whartono* chylum cum succo nerveo miscere. 4. *Contræveo* succus ab utero defluens excipitur, puriorque redditur permeando carnem laxam ac spongiosam, non secus ac aqua per venas terræ transfluendo purificatur & clarescit. 5. Ut sit quasi fulcrum utero tumidiori, juxta eundem, unde in homine ampla est & crassa. 6. Propius ad verum accedit *Segerus*, ut ex uteri osculis tam sanguinem quam chylum recipiat, segetque receptos humores, h. e. sanguinem & chyli partem tenuem & spirituosam ab aquea & lactea vi à Natura sibi concessa. 7. Hepati vero similem usum habere credo, ut ex succo nutritio pro fœtus nutrimento, instar colatorii separetur inutilis lymphæ, eaque per lymphatica vasa expurgetur. In cæteris *Whartonus* est accuratus, quanquam in succo nervorum hæsitet, qui valde sunt exiles in parte insensibili. 8. Pulmonum vicaria censetur *Malpighio*, per quam propagata vasa excurrunt, & à matre exsudans humor albus adveniendi copioso sanguini per umbilicales arterias, ita exacte miscetur, ut jam factus sanguis ad cor iterum revehatur. Ita hujus hepatis, sicut alterius, usum alii in separando, alii in miscendo ponunt.

Tertia ALLANTOIDES, id est, farciminalis, non cingit totum fœtum: sed est instar cinguli vel farciminis.

Ufus est, urinam recipere ab uracho in brutis. Nam in homine hæc membrana non adest: sed in eo urinam recipit amnios sudori permixtam, vel ad partus tempus vesica servat. Unde *Vesalio*, *Highmore*, *Spigelio* neutiquam condonandum, quod Allantoidem in homine quoque admiserint, cuius descriptionem qui cupit, quia ab hac Anatome est aliena, *Aquapendentem* consulat.

Sed

Sed neque in brutis invenerunt *Harvejus*, *Everardus*, credentes ideo non esse diversam hanc membranam à *chorio*, sed *chorion* à quibusdam dictam, quia fœtus urinam suscipiat, ab aliis *Allantoidem*, quia figuram habet duplicis sarciminis, aut cinguli: quod si in paucis animalibus observetur, esse potius aliquid p. n. ex reduplicatione membranarum. Urinæ autem continendæ dicatam negat *Harvejus*, quia. 1. id muneris à *chorio* præstatur. 2. necesse esset, vel in ovillo & bovillo fœtu, in quo adest, majorem urinæ copiam abundare, quam in utrinque dentatis, quibus deest, vel tres humores dari, vel sane bina esse urinæ conceptacula. 3. *Chorion* à primo ortu aquâ plenum cernitur. Sed in brutis inveniri & separari, cæteri Anatomici nobiscum testantur, nuperrime quoque *Stenonius* & *Aldes*, qui *Allantoidem* humore excrementitio seu urina plenam vidit, eamque ex vesica in *Allantoidem*, & vice versa ex *Allantoide* in vesicam, per *Urachum* pervium, levissima pressione fluere animadvertit, omniaque illa animalia *Allantoide* carentia, vel quibus *Urachus* non est pervius, uno tantum humore, eoque in *Amnio* concluso nutriri ex abortibus humanis, sectionibus animalium, autopsia certior est. Bisulcis vero eam tunicam datam, quia humor, qui in *amnio* illorum continetur, serosior seu tenuior est. Vidit quippe *Aldes* humorem *amni* vitulini & ovilli nil fere concreescere; cum alias *lymphâ* super ignem coëat. *Courveus* iis animalibus datam, aut processum vesicæ, quibus ampliora sunt intestina, imprimis cœcum, adeoque vesica non satis est continendo lotio.

Causa erroris *Harvejo* hæc fuit, suspicante *Aldes*, si quis *chorion* dissecet, illa parte ubi *Allantoidem*, tenuissimam membranam ambit, (ambit autem immediate nullo humore intercedente) statim humor effluit, ut *Allantoides* facile non videatur: Si autem *chorion* superius, non ad latera, ita dissecet, ut solum humorem in *Amnio* effluere sinat, integra manet *Allantoides*, humoreque excrementitio turbidiore, sive urina plena cum *Uracho* pervio. *Needham* *Allantoidem* in bubulo, cervino, suillo, ovillo fœtu inflat sæpe & ad spectaculum suspendit, errandique causam *Harvejo* fuisset, quod ubique numerus tunicarum, numerum liquorum excedat.

Harvejum excusat *Jo. ab Angelis*, quod non negarit *Aquapendenti* visam, sed sibi; deinde quod hic de fœtu adulto & factio, ille primò concepto loquatur: Diversitatem igitur iudicii diversitati subjectorum diverso tempore consideratorum adscribendam. Pietas in tantum Virum laudanda, qui

in singulis omnia videre non potuit, quæ acutius juniores cernunt.

De Allantoide peculiariter adnotat *Needham*, eam nullam in se venulam aut arteriam visibilem continere. Quod de amnio humano quoque *Aldes* affirmat.

Quartam tunicam addit *Needham*, caninam in canibus & cuniculis, refertam vasis cum funiculo ad mesenterium pergentibus.

CAP. XXXVII.

DE VASIS UMBILICALIBUS. .

Diffectis membranis & remotis, occurrunt VASA UMBILICALIA dicta, quia in regione umbilici, fœtu excludo, & sanguine nonnihil intro protruso abscinduntur, no-
doque conclusa

*Umbilicus
quid? &
quibus con-
stituitur
partibus.*

UMBILICUM constituunt, ab umbone dictum, quod in medio ventris sit, imo totius corporis, si circulum dime-
tiatur brachiis extensis.

Sunt autem quatuor vasa umbilicalia, VENA UNA, AR-
TERIÆ DUE, & URACHUS. Quæ integuntur & obvelan-
tur communi quadam

Tunica vel quasi crusta, quam alii vocant intestinulum, funiculum, laqueum, &c, quæ non solum omnia vasa in-
volvit, sed & distinguit singula.

Estque hujus tunicæ usus, ne vasa invicem implicentur, rumpantur, aut alio modo lædantur. Imprimis venæ, quæ simplicem tenuemque membranam habet, firmitudini in-
servit, unde huic, observante *Hobokenio*, peculiariter jun-
gitur, ut nonnisi difficulter ab ea separetur.

*Vena um-
bilicalis.*

VENA UMBILICALIS, arteria multo major per geminas Peritonæi membranas delata, prima omnium ante alias ve-
nas producta est, ratione perfectionis, quia pro nutrimento reliquis subministrando inservire debebat.

*Ejus inser-
tio.*

In cavam intra corpus fœtus, prope dextram cordis auri-
culam desinit, jecurque permeans, in portam perforatur, deinde è gibba ejus parte prodit orificio satis amplo, foris-
que per umbilicum tendit modo simplex, modo geminata, & in duos ramos divisa, ulnæ unius cum dimidia circiter
longitudine, usque ad uteri placentam. Circumvolvitur
autem vario modo, ne longitudine sua impedimento esset.
Ab umbilico super pectus progreditur, indeque interdum
per alterutram juguli & cervicis partem sive dextram sive si-
nistram

nistram oblique ducta, circumflectendo se ad occiput per mediam frontem paulatim in placentam pergit: Interdum in dextra cervice incipiens collum ambit, statimque progreditur ad placentam, interdum quoque simplici hoc flexu in sinistra, collum velut torque involvit. Quæ omnia de toto funiculo & illi contentis vasis reliquis intelligenda. Hoc vero itinere absoluto, infinitos ramos spargit per secundinam, donec in tenuissima capillamenta abeat.

Ussus est sanguinem haurire in nutritione fœtus, & in *Ussu*, ejus hepar deferre. Via autem dubia est. Plerique venas & arterias uteri cum venulis arterioliisque placentæ jungi persuasum habuerunt, exindeque junctim sanguinem utrumque in vasa umbilicalia ad fœtum derivari. Sed *arteriæ* hinc excludendæ sunt, quia utero non junguntur, nihilque ad fœtum vehere debent, sed ad placentam à fœtu revehere. *Venæ* solæ adferunt, idque duplici via, vel ab utero immediate, vel mediate. Immediate, quando uteri vasis junguntur; mediate, quando intercedente carnosa substantia qualicumque tam in homine quam brutis (quæ utero semper fere agglutinetur, & per vim in partu abrumpitur,) exsugitur per tubulos primum ex utero in placentæ extremitates, ex his in ejusdem capillares venas, ex minimis ad majores, demumque ad truncum umbilicalem & ad hepar fertur. Non autem per venas uteri in tubulos labitur, quia venosus sanguis non nutrit, sed per arterias uteri in prægnante deponitur, in non prægnante sursum per venas regreditur.

Nonnullis *nodis* vena hæc referta conspicitur: qui nihil aliud sunt quam membranæ carnosæ, carnosior ibi & crassior constitutio, & diductior hiatus, quo velut cochleari hauritur sanguis in itinere longiori, paulatimque sistitur ne impetu ruat; ut sanguis diutius ibi elaboretur, quemadmodum in vasis spermaticis fieri videmus: & ut vasa sint fortiora. Reduplicationes esse venarum & arteriarum inter se cernit *Parvius*, ubi inter se convolvuntur.

Ex nodorum istorum numero conjiciunt obstetrices liberorum procreandorum multitudinem: & si nodus qui primò sequitur albus, & angustior femellam; si ruber, rotundior & tumidior, marem secuturum infantem præstigiunt. Prius inepte: non enim minor nodorum numerus in ultimi quam in primi fœtus umbilico est. Posterius autem à caloris vel defectu vel abundantia excusari potest, unde sexus diversitas. Ex certa nodorum distantia futuros quoque conceptus brevi vel longo intervallo divinant, & gemellos si alter incumbat vel adstet alteri. Quæ falsa sæpe in-

FIGURÆ EXPLICATIO.

Placentæ Venam & Arterias omni parenchymate denudatas ostendit, ex *Kerckringio*.

A. Funiculus vasorum umbilicalium.

BB. Arteriæ umbilicales.

C. Vena umbilicalis.

D. Locus ubi vena & arteriæ in diversa abeunt, & se per corpus placentæ dispergunt.

EEEE. Ramificationes insigniores Vena.


FFFF. Ramificationes insigniores arteriarum, quarum distinctio à vena initio quidem utcumque dignoscitur, sed postea ita cum ea conjunguntur & implicantur, ut eas ab invicem distinguere non sit facile.

GGGGG. Capillares tum vena tum arteriarum, passim ita inter se implicate ut distingui nequeant.

venimus, quanquam casus subinde credularum fœminarum spem confirmarit.

Arteriæ.

ARTERIE DUE in Iliacas inferuntur, & cum vena feruntur, modo dicto, ad placentam variis ramis ibidem dispersæ, quarum *Ufus* non est, ut hactenus crediderunt, advehere fœtui spiritum vitalem cum sanguine arterioso, quia arteriæ hæ non junguntur arteriis uteri, ex certissima *Arantii* observatione. Et motum obtinent à matris arteriis diversum, quod facile experiri licet, teste *Harvejo*, si manum alteram carpo matris, alteram umbilici funiculo admoveris: Præterea vitales fœtus extrahuntur ex demortua matre & vita fruantur antequam conceptus utero alligetur, vel priusquam vasa umbilicalia existant. Ex conformatione idem ostendit *Lowerus*: nam arteriæ truncus à fœtu ortus ramificationes suas in placentam uterinam, interque alias membranarum partes disseminant, manifesto indicio sanguinem per arterias à fœtu versus uterum, nec ab hoc in istum deferri. Sed *Ufus* arteriarum est, ut sanguinis arteriosi partem, à nutritione fœtus superfluum, per iliacos ramos duos in placentam referant, partim ut illam nutrant, & spiritum quoque vitali profundant, partim ut ibidem perfectior reddatur sanguis, longiori itinere & membrorum nutritione debilitatus, qui deinde per venarum sibi connexarum capillamenta recurrit ad fœtum, cum novo illo sanguine ex ute-



ro adveniente : Hinc arteriæ duplices , vena simplex , quia, *Vatterio* iudice , vena tantum non revehit , quantum adveherunt arteriæ , cum pars ad nutritionem fœtus consumatur. At majores esse venas *Th. Cornelius* concludit , quia una cum refluxu ex arteriis sanguine advehunt quoque arreptum ex uteri placenta nutritium succum , quo fœtus alebatur.

Hunc motum experientia confirmat. Digito sæpe turgida vasa pressa , observavique facile adigi sanguinem ex vena versus fœtum , non ad placenta , ubi instar valvularum noduli resistunt ; contra ex arteria in placenta facile trahitur. Idem in ligaturis manifestum. Ligatis enim arteriis umbilicalibus fœtus vivi , adhuc matre vivente adherentis , observavit *Waleus* & post eum alii , pulsationem illarum intra ligaturam & fœtum , nullum vero pulsum intra ligaturam & uterum matris.

In hujus motus gratiam per *Anastomoses* junguntur rami venales & arteriales intra placenta , ut promptus sit transitus recurrentis sanguinis ex arteriis ad venulas.

Anastomoses vasorum umbilicalium.

Anastomoses enim variâs hic notavi *avτοπιν* rationes. Modo enim ramuli venarum & arteriarum se transcendunt crucis in morem tam interne quam externe : modo per insertionem junguntur , modo ad latera congregiuntur , modo cochleari figura intorquentur. Minimi vasorum ramuli in majores compinguntur , pari modo uniti , sed obtusioribus anastomosis , donec arteriæ ad quatuor ramos redigantur , vena duos , qui demum in truncos sui generis coalescunt , e placenta emergentes. Arteriæ ambiunt venas , partim comitantur , partim solæ repunt. Suspicio anastomoses illis tantum locis intercedere , in quibus ad transfusionem sanguinis erant necessariæ , solitarias vero venas haurire novum ab utero cruorem.

Umbilicalia vasa alii recentiores vel prorsus excludunt à fœtus alimento vehendo , vel nonnunquam tantum illi & cum aliis inservire creduntur. In fœtu juniore admittuntur ab *Hippocrate* & *Harvejo* : At adultiorem fugere per os , cum illa ob fœtus molem non sufficiant. Docuit idem *Licetus*. An vero in adultioribus cessare debeant umbilicalia , non liquet. *Barbatus* , desinere nutritionem per abdomen , quando incipit fœtus ore trahere. Alii , quos inter *Lowerus* , fœtu adultiore , ut ulterius refrigeretur & nutriatur , nutritium succum e placenta sanguini in venas redeunti admiscet. Utroque modo *Hippocrates* & *Harvejus* adultiorem nutriri docent , quos defendunt *Segerus* , *Velthufius*. *Harvejus* quidem non sanguinem sed purius in colliquamento his vasis

aura-

attrahi. At *Courveus* prorsus excludit umbilicalia vasa in nutriendo fœtu quocunque, uti & *Everardus*. Sunt quippe *Courveo* canales non deferendo materno sanguini, sed sanguini ipsius fœtus ab ejus corde refluenti. Cujus refluxus causa finalis duplex sit: 1. alimenti extra fœtum colliquatio. 2. refrigerium totius, quia ventilatur cor & refrigerat totum corpus pueri, hinc duas arterias, unam venam. Respirare enim per umbilicum cum *Hippocrate* volunt. Post *Democritum* vero & *Epicurum* credit *Courveus* fœtum solo humore albicante semper nutriri perfectum per os, imperfectum sola appositione simplici, quâ rejectâ *Everardus* solum os admittit semper, non satis, me iudice, caute, cum initio conceptus per os chylus attrahi non possit, nec in ventriculo imperfecto concoqui.

Defensis igitur umbilicalibus, cum *Hippocrate*, sanguine per illa advecto nutriri fœtum & lacteo chylo per os, commoda est sententia. Quam mascule tuetur *Segerus*, qui pro sanguine quidem contra *Courveum* pugnat, quia 1. in quem finem sanguis maternus descenderet ad placenta? 2. Cur veheret vena umbilicalis sanguinem è placenta ad fœtum? 3. nisi sanguine per venam umbilicalem affluente nutriretur fœtus, augetetur sanguis in immensum, & tandem fœtus eo suffocaretur.

Ille vero cum non sufficiat, *Hippocrate* docente, crescente fœtu, alimento pinguiori indigente, ex lacteis, dilatato utero jam ampliatis, lacteus succus superadditur placentæ adhærenti.

Ex placenta quomodo ad chorion deveniat, dubitatur. *Courveus* per chorion depluere. *Segerus* peculiare quosdam tubulos, quales in spongiis annotamus, ea parte in chorion hiantes in placenta disseminari divinat, aliquando detegendos. Ut eos fingeret, inductus fuit eo, quod observavit *Harvejus* in placentulis brutorum puncta alba, quasi papillas. Hæc puncta crispa in membranis, non placentulis vituli adverti, nullo commercio cum illis. Forent illi tubuli percommodi, si experientia confirmarentur. Nullum ego liquorem illis punctis compressis exprimere potui. Ex chorio vero ad amnion per poros transudare concedunt. Cur poros placentæ denegant? Facilius se explicant, qui cum sanguine mistum chylum huc derivant, ceu censent *Whartonus* & *Schneidnerus*. In amnio brutorum vidi candidas fibras & multas & venis majores, quæ nec nervi sunt, quibus membranæ non abundant, nec fibræ, quia à membranis separavi facillime. An lacteæ? aliis relinquo. In occulto enim hæc adhuc latent.

Extra

FIGURARUM EXPLICATIO.

FIG. I.

Fœtum ostendit utero exemptum placentæque adhuc alligatum, separatis circa exortum vasis umbilicalibus.

AAA. Abdomen apertum.

B. Hepar fœtus.

C. Vesica urinaria.

DD. Intestina.

E. Vena umbilicalis.

FF. Arteriæ umbilicales.

G. Urachus.

H. Vasa umbilicalia à chorio ad fœtum extensa.

III. Funiculus vasorum umbilicalium.

K. Ligatura qua intumescunt infra venæ, detumescunt arteriæ.

LLL. Venæ & arteriæ per placentam dispersæ.

MMM. Placenta uteri.

FIG. II.

Repræsentat ductum intestinale in Pullo,
ex Needham.

Ar Ovum.

BB. Intestinum.


C. Ductus intestinalis justo major.

a a a a a a. Arteria trans Intestinum ad vitellum tendens.
Ex alia parte supponi debet tum arteria tum vena.

Vorum coin-
verso.

Extra umbilicum & placentam unita hæc vasa, in funiculo suo dum progrediuntur, inter se egregie contorquentur, ordinata tamen ut plurimum circumvolutione, quemadmodum funiculus major è minoribus circumgyratis conficitur, strias cornu Monocerotis nostri æmula similitudine referens, quod opposito lumine facile vidimus. Id factum 1. ne flexuoso umbilicalium vasorum ductu, sanguinis impeditetur motus, quum unumquodque vas circumgyratum servet tamen cursum suum. 2. ut sensim sine suffocationis metu dimensum suum reciperet embryo. 3. ut tortuoso hoc itinere futurum fœtui alimentum paulatim depuraretur.

Notan-



Notandum præterea in funiculi convolutione. 1. trans-
parere nodulos & maculas in vena, non arteriis, à sanguine
transparente per tunicam tenuiorem. Arteriis tamen macu-
lam concedit *Hobokenius*, & intus Valvulas latere ex tunica
laxioris plicatura orbiculari efformatas. 2. Spithamæ à con-
junctione distantia, mirabilem texturam apparere, aspe-
rioremque contorsionem & velut confusam. 3. In exteriori
tunica intestinuli infinitas secundum longitudinem incisu-
ras & lineolas quasi impressas conspici, de foris sanguine
tinctas, quales in cerebello videre est.

*Longitudo
funiculi.*

Longitudo supra notata, est ulnæ unius cum dimidia, in
adulto fœtu, sive spithamarum trium, in partu ulnam Gal-
licam dimidiam æquat *Riolano*; ob motum faciliorem em-
bryonis, sanguinis præparationem & secundinarum extra-
ctionem, vel ut major fiat ventilatio embryonis juxta *Cour-
veum* & *Everardum*, qui per umbilicum attracto aëre respi-
rare volunt fœtum. Hæc si nonnunquam vel nimium pro-
tendatur, vel motu involvatur circa collum, strangulatio-
nis imminet periculum & difficilior partus, quia ob funis
brevitatem retrahitur fœtus, nec vim imprudentis obste-
tricis sustinet. Vidi collo aliquoties circumductum, unde
ad horas plusculas dilatus partus, prodienſque infans vix
spiritum trahebat; si rubicunda sit facies, salutare, exitio-
sum si liveat. Ante partum in utero si id eveniat, incalescit
fœtus, & suffocatur, sive aëris defectu & impedito sangui-
nis cursu, sive quod gulâ obstructâ alimentum non sugatur,
nec libere se movere possit.

Craſſities.

Craſſities digiti, quia ad sustinenda vasa robur requiri-
tur & justa capacitas. Exsiccatus evadit tenuior, quem ad
partus alios procurandos reservare solent.

*Ligatura
umbilici.*

Nato infante, funis prope abdomen duorum vel trium
digitorum transversorum intervallo *ligandus* filo forti fax-
pius circumducto, à ligatura tribus circiter digitis *reſcin-
dendus*, curandusque umbilicus, donec exsiccatus sponte
sua decidat. Incerta autem sunt decidentix tempora pro na-
ti constitutione & affluentis sanguinis copia, unde de ætate
augurium capiunt obstetrices. Si quinto, à ligationis hora,
die decidat, longævus prædicunt, si tertio, brevioris vitæ
futuros.

Umbilicus ita formatus & solidatus robusta *cute* induci-
tur quæ in immensum præter naturam dilatari potest, ad
excipienda intestina in hernia umbilicali, qualem depingit
Severinus, & nos *Hafniæ* similem in grandævâ muliere vidi-
mus. Nimium deinde si extenuetur, rumpitur elabenti-
bus

bus intestinis, quod misero spectaculo in alia fœmina vidimus.

Pervius etiam est umbilicus in nonnullis. *Alpinus* apud *An pervius*
Ægyptios refert dysenteriam sanari digito in umbilicum *umbilicus?*
 intruso, eoque pluries circumducto. Fœces ex umbilico
 studiosi, & ex alterius pueri vermes lumbricorum æmuli
 saniesque prodierunt in *Obs. Salmuthi*. Pus ex thorace à na-
 tura hinc excretum vidit *Tulpius*, & genitos ibi lapillos
 repperit *Folius*. Ossicula infantis factò apostemate hinc pro-
 diisse variis exemplis docuimus. *De Insol. Part. Vis.* Bra-
 chium fœtus ante nativitatem per umbilicum extendeba-
 tur apud *Hollerium*. Sanguis menstruo tempore largius in
 sexagenario Nobili profluxit; annotante *I.D. Horstio*. Apud
 eundem puero cottidie serum instar lotii stillabat, quando-
 que floridus sanguis; sæpe enim à feri sanguinisque acrimo-
 nia interiora vala referantur. In viro xxx. annorum pervium
 vidit *M. Hofmannus*. Insensibili autem modo patet umbi-
 licus inpositis purgantibus, hystericos affectus sedantibus,
 vermes enecantibus, &c.

Degenerant autem post partum intra abdomen hæc vasa
 in ligamenta: vena quidem, hepatis; arteriæ, in ligamenta
 lateralia vesicæ, quia usus jam perit, & comæatus san-
 guinis materni cessat, nisi præter naturam subinde aperiatu-
 r in exemplis adductis. Nec tamen tanti sunt momenti,
 ut abrupta vel abscissa subito mortem inferant, uti historia
 indubie fabulosa impulsu quidam, & in iis *Laurentius*, ar-
 bitrantur. Dicunt enim *Ægyptios* pro supplicio grassato-
 res excoriare, & umbilicum intactum relinquere, quo diu-
 tius crucientur: qui quam primum resectus fuerit, putant
 hominem exspirare vasis quatuor concidentibus. Contraria
 exempla vidit *Riolanus* experientissimus, & quivis ex omi-
 phaloele judicare potest. Si mors sequatur, ex accidenti
 evenit, laxis quoque interioribus, & patulo ad rerum no-
 xiarum penetrationem ostio. Sanguineo fluxu obiit *Haf-
 nia* puer bimulus rupto interius umbilico. Suffocari credit
Sperlinger, quia resecto umbilico collabitur hepar, à quo
 trahitur diaphragma respirationis organum. Sed 1. non su-
 bitam mortem infert hæc spirandi difficultas. 2. alio liga-
 mento valido suspenditur hepar à peritonæo.

*Umbilici
 non adeo
 magna est
 dignitas.*

Quartum vas *Urachus*; arteria dimidio minor, duabus *Urachus.*
 partibus constat, ex *Riolani* animadversione, interiori ner-
 vosa ab interiori vesicæ tunica, exteriori magis membra-
 nosa ab exteriori, ex fundo vesicæ ortum: non eodem mo-
 do se habet in brutis atque in homine.

In

In brutis fertur extra umbilicum inter binas arterias, & tandem expanditur atque dilatatur in tunicam Allantoïdem, ubi urina colligitur, & reservatur, donec in lucem edatur fœtus. Unde dicitur hoc vas URACHUS seu vas urinarium. Negat *Arantius* in homine. Et *Harvejus* nunquam conspicatus est, nisi quod in ovibus & cervis inter arterias umbilicales quasi vesicæ processum quandam urinam in se complectentem, viderit. Nempe quia Allantoïdem non concedit. Vesicæ autem illæ processus, Urachus est, quem semper invenit in homine *Needham*, & inveniri credit, si flatu tentemus à vesica incipiendo, at deficere dici potest in homine, quia

In homine 1. non prodit extra umbilicum, ideoque neque constituit Allantoïdem, unde humano fœtui tantum dux membranæ.

2. Non est pervius urachus, experientia *Carpi*, *Arantii*, *Cortesii*, *Riolani* aliorumque; quos veros in dissectionibus à me corporibus tam adultis quam fœtibus inveni, quamvis aliud *Urachum* nobis conentur persuadere *Aquapendens*, *Spigelius*, & *Highmorus*, sed est funiculus vel ligamentum, quo vesica peritonæo annectitur & sustinetur, ne, quando urina distenta est, cervix ejus comprimatur: quod tamen ab arteriis quoque fieri non negamus.

In homine
non esse
pervium.

Fœtus vero humanus urinam excernit per penem in amnion (unde etiam tanta humoris copia) & magna etiam in vesica portio retinetur, unde infantes primis diebus fere perpetuo mejuunt. Negat ea *Aquapendens*, quia 1. motrix facultas in fœtu ociosa est. 2. nullus musculus agit. 3. neque tam diverso modo utitur naturâ in lotio extra fœtum excernendo in homine & aliis animalibus. Sed Resp. 1. motricem fœtui non deesse, quamvis imperfectiorem; varius embryonis in utero motus, quem prægnantes sentiunt, testatur. 2. Irritari vesicam ad excretionem nimia feri copia. 3. differentiam inter homines & bruta arguit allantoïdes tunica, qua carent humani fœtus.

Varolus, quem sequitur *Mæbius*, voluit in vesica omnem urinam contineri ad partum usque. cæterum nimia distensione rumperetur, & unde tantus in amnio liquor? *Everardus* quoque puerum, dum in utero est per urethram vesicam non deplere, probat, quia 1. quocunque mense grandiusculus disseccetur, urina plena semper ac distenta reperitur. 2. alimento purissimo nutritur. 3. Urinæ conditiones liquor membranarum non obtinet, quia suavis & mitis. 4. Pessime fœtui foret consultum, si tanto tempore in humore

more acri contineretur. 5. Quamdiu lorium in vesica detinetur non putrescit.

Hiscæ respondeo 1. quo adultior fœtus, eo tumidior vesica, quia plus urina colligitur. 2. Etiam ex purissimo chylo lymphæam separari, fluiditas chyli indicat. 3. Urinam fœtum, inuperque natorum tam hominum quam brutorum, acrem non esse aut salam, nec excoariare, nutricum confessione didicit quoque *Aldes*. In vitulo etiam semel advertit, æmulari sapore dilutam aquam paxillo sacchari. Inspidam restantur *observationes* Amstelodamenses, unde 4. fœtui nullum incommodum, præsertim cum chorio separatur, in quo 5. naturaliter æque ac in vesica conservatur.

Aquiapendens, *Spigelius*, alii fere omnes, voluere per Urachum egredi, & colligi inter amnion & allantoïdem, ut in brutis, Sed quum pervius non sit in homine, verum solidus, urinam non admittet. Nam percolari non potest sine manifesta via, quia crassior, & par in adultis ratio foret. *Vesslingius* utramque proponit sententiam, nec quidquam definit. Porosus vëro non magis in fœtu quam adulto. Atque hanc opinionem *Laurentius* ex *Galeno* acriter defendit, Error Lan- exemplis adductis quorundam, qui in urina sup-
pressione per umbilicum eam emiserunt. rentii.

Sed respondeo: Hæc præter naturam fieri, uti & nota est multorum sententia, venam umbilicalem in hydropicis præter naturam referatam, humoremque exiisse. Et fateatur ipse: *Laurentius*, omnia quatuor vasa umbilicalia degenerare in ligamenta. Et recte, Nam resiccantur. Quomodo ergo, nisi præter naturam aperiri poterunt? Ita præter naturam referatum fuisse puto in *Anna* illo Italo, cui deerat penis, ejusque loco spongia infra umbilicum propendebat, unde stillabat urina. Cutem infra umbilicum excoariatam, in puello, sine penis vestigio, guttatim urinam exsudasse vidit *Higlmorus*. Aliud exemplum aperti Urachi habet *Fernelius* aliique. Non per Urachum, sed arteriarum aliquam in istis factam excretionem *Lindanus* sustinet. At recte *Bilafius* Urachum hic retinet præter naturæ ordinem, & in casu extremæ necessitatis. Qui etiam, absente vesicâ & pene ureteres in umbilicum desisse, urinamque ibi excretam fuisse vidit.

Ante omnium vasorum umbilicalium in utero productionem, coagulato semini à posteriori parte summa inferuntur *Radices* quædam duæ, utrinque una à cornibus uteri, à *Varolio* inventæ, & *Radices dorsales* vocatæ, quæ obliterantur factis fundamentis humanis, de quibus *Abensina* explicat *Riolanus*.

Præter umbilicales arterias, venam & Urachum, duo alii *funiculi* minores tenuioresque ex umbilico progredi ad mesenterium, illiusque fere centro infigi, in catellis dissectis observavi, quod & notavit *Adrianus Auzotius*, & in leporinis catulis *Segerus*. Duo similes visi mihi & in vitulis quamplurimis, quod funestum illis credunt villici nostri, quamprimum ad fœnum ablactati transierint, quia satis distendi ad solidiorem cibum nequit abdomen. Credo esse vestigia umbilicalis venæ triplicis, qualem in canibus & felibus *Aquapendens* observavit. Vidi enim in Leone umbilici funem non hepatis, sed medio mesenterio inseri duplici diversaque origine. Nisi sit *Ductus intestinalis*, qui in pullis observatus est *Coitero*, *Stenonio*, & *Needhamo*, intestinis inseri ex vitello, tandem vitello absumpto in intestinulum quoddam cœcum degenerans. Figuram vide in prægressis pag. 317.

ANATOMIÆ

BARTHOLINIANÆ

LIBER II.

DE MEDIA CAVITATE.



Medius Venter THORAX dictus, aliis *venter* absolute, est totum id, quod circumscribitur superiore parte, à claviculis; inferiore à diaphragmate; parte antica, à sterno; postica, ab ossibus dorsi; lateralibus, à costis.

Pars anterior dicitur *seproy* & pectus; posterior, dorsum; laterales, latera.

Antiqui vero, ut *Hippocr.* & *Aristot.* &c. totum illud à claviculis ad pudenda usque, hoc est, & medium & imum ventrem sub nomine thoracis complexi sunt. Itaque hac significatione *Hippocr.* recte scripsit, Hepar in Thorace locatum esse: quod alii imperiti non intelligentes, putarunt *Hippocratem* Anatomes ignarum fuisse.

Figura quodammodo ovalis, quanquam non exacte, *Hippocrates* testudini comparat. In homine anteriore sui parte protuberantior, sed in medio sterni planior, circa latus rotunda à flexu costarum, in dorso depressior.

Magnitudo in genere variat pro vario caloris gradu: ex thoracis enim amplitudine cordis calorem metimur. In specie vero amplior, ventrem imum versus, ubi vitalia viscera reconduntur, paulatim ad colli principium angustatur.

De *Symmetria* omnium partium thoracis post *Camillum Baldum*, disserit *I. S. Elsholtius*.

Substantia ejus externa est, partim ossea, partim carnea.

Non totus carneus est hic venter, sicuti infimus. 1. Quia non continet partes, qui insigniter distendi debebant. 2. Ne pinguedo nimia ibi generaretur, & respirationem impediret.

Ex parte tamen carnea, quia partes continet, quæ moveri debebant, ut cor & pulmones, & eandem ob causam.

Totus osseus esse non debuit, quemadmodum calvaria; rarissimum enim est quod scribit *Cardanus* de subr. lib. 11. mihi pag. 458. cuidam os unum perpetuum à jugulo ad ilia, costarum loco inventum.

Ex parte tamen osseus, ad munimentum nobilium partium. Nam

Usus. *Usus* ejus est, partes vitales continere, sicuti primi & infimi ventris, naturales.

Ejus partes, Sunt *hujus partes* vel continentæ, vel contentæ. Et illæ vel communes vel propriæ.

Communes. Communes eadem sunt, quæ in imo ventre. Sequentia tamen hoc loco notanda.

Usus pilorum sub axillis. *Cutis* medii ventris sub axillis pilosa est. Hi pili dicuntur *subalares*: utiles, ne partes illæ in brachiorum motibus atterantur, cum maxime & citissime sudent, quia dicuntur cordis emunctoria, ejusdem excrementa recipientia, pectus quoq; nonnullis est pilosum, calidioribus & cordatioribus, quemadmodum inguina jecoris emunctoria appellantur.

Cur in thorace pinguedo pancior? Præterea pinguedo in thorace, si mammas excipas, non tanta reperitur, ne ejus pondere respiratio impediatur. Ob partem enim ejus osseam, non tanta copia materiæ pinguedinis affluere potuit, uti & in imo ventre, qui totus carneus, unde hic semper pinguiissimus: medius venter medio modo se habet, caput minime pingue. Ipsa autem pinguedo, cum alioquin alba sit, in thorace flavior nonnihil apparere solet, ob subjectarum partium vitalium calorem.

Partes propriæ. Partes propriæ præter musculos, ossa, &c. sunt *mammæ* utriusque sexus, *diaphragma*, *pleura*, *mediastinum*.

Contentæ sunt viscera & vasa. Viscera sunt cor cum suo pericardio, pulmo, & tracheæ atque gulæ portio. Vasa sunt rami venæ cavæ & arteriæ magnæ, thymo suffulti in jugulo, lacteæ thoracicus, lymphatici rami, & nervi varii.

C A P. I.

DE MAMMIS.

ORdine Anatomico mammas omnium primas in thorace occurrentes partes, ventris inferioris dissectioni subijcimus. Agemus autem de muliebribus mammis, inter spargendo tamen, quid ab iis viriles differant.

Homini cur in pectore sitæ mame? Situs mammarum in pectore medio est, supra musculum pectoralem humerum adducentem. 1. Ob cordis viciniam, unde calor. 2. Ob venustatem. 3. Ob commodam lactationem: cum infans non statim ambulare queat more brutorum, sed ulnis matris comprehensus, mammis admoveatur. In nullo alio animalium genere ubera in pectore, nisi Simiæ, quia foetus suos attollit. Idem de Elephantonar-

narrat *Laurentius*, & ave Vespertilione *Riolanus*. Cetacea nonnulla eodem loci habent, lacte turgida, quod nuper nobis ex Norwegia balena dedit. Cur homini soli in pectore, tradit *Galenus*. Rabbinus, teste *Buxtorffo*, ut prudens evadat puer, neve pudenda matris videat, aut in loco sordido sugat.

Numerus duæ sunt: non ob gemellos; sed ut una laxa al- *Numerus*.
tera officium faciat. quamquam de porcis narret Varro, tot parere oportere, quot mammas habent. *Joh. Valens* in quadam muliere tres observavit, sinistro latere duas, & dextro unam. Et *Cabrolus* observavit in quadam muliere quatuor mammas, utrinque geminas, totidem quoque Romæ *Jo. Faber*, quæ lac omnes habebant: Tres *Borrichius*, sinistram duplicem, minorem majori subjectam, in foemina quæ trigeminum foetum enixa, quarum uni tres quoque distinctæ mammae. *Blasius* quoque.

Magnitudo. In nuper natis puellulis vestigium adest im- *Magnitudo*.
pressum pectori & apertum, deinde paulatim extuberat, & de-
in virginibus parvulis vix præter papillas aliquid apparet, donec sensim excrescant in magnitudinem & figuram majorum; & quando ad duos digitos extolluntur, menstrua fluere incipiunt. In vetulis flaccescunt, atque etiam præter papillas nihil fere apparet, pinguedine & glandulis absumentis.

Mulieribus magis turgent, & in prægnantibus ultimis mensibus magis magisque augentur.

In viris non ita attolluntur ut in foeminis, quia ordi- *Differentia*
narie lac gignere non debebant; sed tamen ob generis equa- *mamma-*
litate, mammis carere non erat conveniens. Unde in viris *rum viri-*
mammarum fere glandulis carent: pinguedo tamen subjecta in *lium à se-*
obesis mammas attollit. Foeminis in regno Senegæ, mam- *minis.*
marum ad ventrem usque protenduntur: in insula vero Arnabon-
nis, in terga reflecti dicuntur. Ad genua mulieri Helsingo-
rensi protendebantur. His mamillare convenit, seu faicia
papillaris.

Figura subrotunda est. Semiglobum quasi referunt. In *Figura*.
nonnullis vero propter nimiam molem dependent.

Dividitur mamma in papillam & mamillam ipsam. In *Ejus partes*.
medio enim mamillæ cernitur peculiaris substantia, quæ

PAPILLA dicitur, fungosa, & penis glandi respondens: *Sensus pa-*
unde flaccescere erigique potest, ex suctione & contactu. *pillarum*
Nam exquisitum sensum habet, cum quasi centrum sit, *in signis un-*
in quod nervorum, arteriarum & venarum fines desinunt. *de?*
quod ex exquisito sensu apparet, & rubicundo colore, san-
guinis per arterias delati certo indicio, ob quarum concur-

sum caneros tumoresque alios circa papillam perniciosos judicant Chirurghi.

Riolanus duplicatam ac veluti coarctatam cutim credit: sed crassior ex duplicatura fieret. Tenerima autem est cutis, ut facile excoriatur, doleatque in liberali suctione. In vetulis tantum crassescit. Nec alibi ex cute constricta aut complicata oritur papilla.

Sursum si papillæ sint conversæ, mas gestatur, si deorsum fœmina, ex *Hippocratis* traditione, quam confessio puerperarum necdum stabilivit.

Numero utrinque una. *Hollerius* duplicem in unius mamma lac reddentem vidit.

Color in virginibus est rubens, in lactantibus lividior, in quibus etiam magis protuberant ex infantis suctione; in effœtis nigrior.

Circulum habet circumjectum, quem *areolam* vocant, in virginibus pallidam, & nodosam, in prægnantibus & lactantibus fuscam, in vetulis nigram.

Perforata est in medio, exilibus foraminulis plurimis à tubulis lacteis provenientes pro lactis exitu: nam

Ufus papillæ est, ut instar canalis vel infundibuli ori infantis indatur, ut lac sugat: Deinde, ut ad titillationem faciat, quo alliciuntur matres nutricesque, ut libentius cum voluptatis quodam sensu infantibus mammam præbeant.

Mammilla. MAMMILLA intrinsecus constat ex membrana, vasis, glandulis, vel potius glandulosis corporibus, pinguedine: licet duo postrema mammas præcipue constituent; inter membranam & cutim glandulæ & pinguedo latitant.

Membrana carnosæ vero glandulosam substantiam, quam succingit, subjectis annectit musculis.

Glandulæ multæ sunt: In virginibus duriores, in vetulis absunt, in prægnantibus & lactantibus tumidiore. Una tamen magna est sub papilla, quam reliquæ minores circumstant, & vasorum plexus infiniti interjiciuntur. Unicum esse corpus glandulosum continuumque, non multiplex, observavit *Riolanus*, secus ac in tumoribus scirrhis canerosisque videmus.

Ufus est, sanguinem in lac convertere, vel lac ex sanguine separare. Pinguedinis vero, quæ circumfunditur, calorem addere & æqualitatem mammis. Unde quibus aut morbo aut ætate ea absumpta est, turpiter flaccidæ dependent, & ad lac inutiles redduntur.

Vasa. Venas recipiunt mammæ alias cutaneas & externas ab axillari, thoracicas dictas superiores, quæ in gravidis & lactan-

lactantibus sæpe vivent: alias internas, longo itinere ductas, quo diutius elaboretur sanguis; dictas mammarias: quæ *Vena mamma-* descendunt utrinque una, à trunco venæ axillaris sub osse pe-
 ctoris, ad mammarum usque glandulas. His obviam ve-
 riæ.
 niunt: aliæ ascendentes, per rectos musculos, de quibus supra:
 ut nimirum mammæ cum utero consensum habeant: unde *Cur lac post*
 nato iinfante sanguis non amplius ad uterum, sed ad mam-
 natum in-
 mas fertur, & in lac vertitur. Hinc etiam lactantes raro
 fantem ge-
 mensium fluxum agnoscunt. Hinc aliquando puelli in ni-
 neretur?
 mia suctione sanguis exit per mammas. Immo animadver-
 sum est menstrua fluxisse per mammillas, & lac per uterum,
 quod tamen rarius fit.

Sed per *venas* materia lactis quæcunque sit, non potest
 ad mammas ferri, ex *Circulationis* principiis. Venæ mam-
 mariæ reportant tantum si quid residuum fuerit à nutritio-
 ne mammarum & generatione lactis. Præterea non semper
 cum Epigastricis, nisi raro, junguntur, nimisque copia exiles
 parvæque sunt Epigastricæ, quam tantum sanguinis solæ
 adferant ex utero, pro puero liberalius sugente. In puerpera
 venas coire observare non potui. Notatque *Higbmorus* non
 conjungi venas cum venis, sed arterias mammarias descen-
 dentes cum venis Epigastricis ascendentibus, & arterias
 Epigastricas ascendentes cum venis mammariis descenden-
 tibus: quod negat *Blasius*.

Arteria veniunt à trunco superiore arteriæ magnæ. Et
 à ramis subclaviis, quæ eadem ratione cum Epigastricis ar-
 teriis, ut de venis dictum est, junguntur. Thoracicæ adeo
 copiosæ & manifestæ, ut in cancriosis tumoribus per mam-
 mas sanguis ad mortis necessitatem effluerit, cujus exem-
 pla meminimus. Hinc vero videtur familius sanguinem pro
 lactis generatione ad mammas ferri, qui in obesibus vetulif-
 que dum absimitur, educando foetui non ita illæ sunt utiles.
 Hinc lactantibus noxæ graves à sanguinis evacuatione, con-
 tra utilia quæcunque sanguinem ad mammas provocant,
 fricatio mammarum & alia.

Materia autem lactis duplicem ex *Hippocrate* defen-
 dunt *Prosper Martianus* & *Petrus Castellus*, sanguinem *Materia*
 nempe & chylum; *Copiosam* materiam ex cibis & potibus *lactis non*
 nondum concoctis in ventriculo, exprimi ad mammas à *est sanguis*
 foetui ante partum in utero tumente, & post partum à viis
 suctione dilatatis; *Exiguam* alteram a sanguine generari ab
 utero ascendente, quæ *agentis* potius ob calorem suum,
 quam *materie* habeat rationem.

Sanguinem solum lactis materiam non esse, præter au-

Storitatē Hippocratis, probant, quia 1. Impossibile foret alioquin mulierem vivēre, sanguine perfectō ad duas etiam libras quoridie per lac evacuato. 2. Lactanti menses fluunt, primis gestationis mensibus suppressi. Hinc etiam fœminarū quibus menses non fluunt, & bruta lac effundere observantur. 3. Ubi mulier lac dare cessat, incideret in perniciosam plethoram. 4. Purgationes puerperii cessarent omnino, dum lac secundo à partu die tanto impetu fertur ad mammas, ut febris oriatur. 5. Vasa ab utero majora efformasset natura. 6. Non retinere lac odorem & facultatem ingestorum, quia in sanguine hæc mutantur. 7. Sanguis ad mammas collectus furorem inducit. 5. *Aphor. 40*

Sed à ventriculo chyloque oriri.

A ventriculo autem ejusque chylo dependere, evincunt sequentia. 1. Purgantium vim statim ad mammas post aliquot horas rapi, aliquot experimentis constat. Imo mulieres nostræ, dum infantes catarrhosi uberibus adjacent, pectoralia potant, creduntque statim à puerulo lactante attrahi. 2. Si lactans pilum cum cibo aut potu ingerat, ad mammas pervenit ex *Aristotele*, in earumque papillis existens *venæ* inducit, nec sedatur nisi cum lacte expurgetur. 3. Surculus cichorii pridiana cœna comestus, ex observatione *Martiani*, per mammas fuit excretus, & in excrementis pueri fursures comparuerunt. 4. Nutrices sentiunt ingesto cibo & potu statim descensum lactis & mammarum repletionem. Quin serio cavent nutrices nostræ, ne lactantes cibum capiant, alioquin crudum lac exfugi. 5. Situm *Castellus* urget, supra ventriculum, non prope hepar aut uterum, nisi in belluis. 6. Lac frigidius est sanguine, & plus excrementi relinquit in lactante, quam sanguis in Embryone. 7. Frustra natura esset, si chylum in sanguinem converteret, mox quasi operæ pœniteret, ex sanguine rursus chylum faceret. 8. Ex largo cerevisiæ haustu, quo se nutrix ingurgitaverat, lactanti puero intumuisse ventrem *Hafniæ* constat. 9. Si bibat lac nutrix infuso croco, intra semihoræ spatium, ex observatione *Guiffarti*, lac è mammis fundit, odorem, saporem & colorem croceum referens.

Refutatur hæc opinio.

Plurima tamen nos in nova opinione remorantur, eaque non minoris momenti. 1. Viæ nullæ manifestæ à ventriculo ad mammas feruntur, quibus inventis non inviti vitæ manus dabimus. Insensibiles quidem & in corpore mortuo, sicut lacteæ non ita patentibus ductus urgent *Martianus*, *Castellus*, *Veslingius*, *Horstius*, vel sane porositates carnis sufficere existimant vaporibus lacteis: Sed nimis angustū videntur pori ad chylum crassiozem, qui in mesenterio larga vena-

venarum lactearum vasa cuiusvis conspicua, requisivit. Subtilis spiritus vaporesque tenues cum fuliginibus hos penetrant, non chylus, non sanguis secundum naturam, alioquin nullus foret vasorum usus. Nec vaporibus solis satiatur infans. Fateor lubens metastasin humorum per incognitas vias moliri naturam, sed coactam, & præter consuetum, quum lactis generatio constans sit & ordinaria. 2. Mammæ excalefactæ ab alia causa quacunque, non generant lac, quin calore eo impeditur actio. 3. Nutrices farentur, post potum manifeste descendere lac ex dorso & claviculis, quadam etiam doloris molestia. Nempe arteriæ Thoraciæ ibi excurrunt. 4. Tenellus infans crudo cibo male nutriretur, sanguini antea assuetus. 5. Ex utero nuper prodeuntibus, ante ciborum usum, serosum quid instar lactis ex papillis stillat. 6. Quid dicendum ad *Aphorismum Senis: Quibus menstrua defecerunt?* 7. Vaccæ quando post fœnum gramen, aut post gramen fœnum comedunt, ante decimum quintum diem, nec lactis nec butyri constitutionem aut colorem plene mutant, ex observatione *Walæi*: mutant autem plene chylum primo die, sed sanguinem tardius. Advertunt quoque nutrices nostræ post somnum alimentis digestis, lactescere mammas, non ita si somnus denegetur. 8. Omni alimento jam diu in perfectum sanguinem mutato, nihilominus lac in mammis generari, ex inedia nonnullorum & obsidionibus probat *Hogelandius*. 9. Sæpe lacti succedit sanguis quando nimium exuguntur nutrices, quia tempus non conceditur ad sanguinis in lac mutationem. Mulier *Anxotio* visa, octies quæ feliciter pepererat, nil nisi merum sanguinem suffecit quoties à partu exugeretur.

Donec igitur manifestas vias diligentior invenerit matrus, ad contrariorum argumentorum solutionem, Notandum 1. Chylum ut materiam remotam admitti à nobis, non proximam. 2. Sanguinem copiosius per lac evacuatum refarciri copioso alimento & potu, unde lactis copia imminuitur cessante liberali potu, nutricibus omnino concedendo. Præterea, sanguineas plus lactis emulgere, quum teneiores extenuentur. 3. Non omnem sanguinem per arterias mammis infusum converti in lac, sed serosiores tantum, magnam partem per venas ad cor remeare. 4. Lactantibus menses fluere, quia patentiora vasa uteri, quam primis gestationis temporibus: Subinde autem parcius fluunt lactantibus, & per vices remittunt. Raro quoque, nisi plethorici, lactantes concipiunt. 5. Mulieres nostræ ab lactaturæ puerum, si tameant mammæ, certis remediis reprimere lac,


Et solvuntur Martiani aliorumque argumenta.

vasa constringendo, ne attrahatur materia. 6. Arterias thoracicas & mammarias amplas esse, & continuo suctu magis dilatarı. In lactantibus demortuis observavit *Marchettus* Venas & Arterias epigastricas adscendentes dilatas ad magnitudinem minimi digiti. Vidi tamen semel in puerpera à me dissecta, distenta illa vasa non fuisse. 7. Lac imbibere vim ingestorum & purgantium, vel mediante sanguine alimentorum colorem & vim conservante, quanquam variæ præcesserint coctiones; vel solis vaporibus elevatis sine substantiæ adscensu. 8. Multa fieri in corpore ex singulari cuiusque conformatione, multa quoque quæ raro eveniunt, quod de sanguine in mammis apud *Coum*, deque aliis exinde exeretis intelligendum.

Lactei ductus.

Lactei Thoracis Ductus à *Pecqueto* in brutis, à nobis in Homine primum observati suspitionem ingerunt, posse vel ob viciniam vel per ramos à subclavio ad mammas missos chylum ex Receptaculo lacteo mesenterii pro lacte deferri. Sed quia manifesti illi rami non apparent, nec in lactantibus hominibus, nec brutis, diligenter licet à nobis quæsitı, immediatum transitum differre cogimur. Vidi quidem sæpissime candicantes fibrillas illuc delatas, sed pro nervulis habui, non lacteis. Et id quoque pluribus imposuisse credo, qui se lactei rami insertionem vidisse sibi visi sunt, vel certe *tubulos lacteos*, de quibus mox, pro lactea vena acceperunt. Alii tamen viderunt, vel forsitan aliquando videbunt. Enimvero 1. in cane lactante dissecta *surculum* lacteum pleno cursu extra abdomen ad ubera tendentem conspexit *Jo. Th. Schenckius*. 2. Suspiciatur *Pecquetus* ex bifurcationibus Lacteorum thoraciorum juxta subclavios, *ramulum* esse, qui non subclavio canali inseritur, sed quasi furtim versus axillam inter thoracis musculos divertit, illac uberibus annam comportari. In rei fidem *Monspeli* in lactantibus cætellis lacteum *canaliculum* ad tertiæ ex superioribus costæ cartilaginem, lacte copioso invenit, sæpiusque idem vidit, quoties ab exterioribus juxta primas costas thoracis partibus, operationem exorsus est. 3. *Mauritius Hofmannus* ductus peculiare in aperta canicula per abdominis musculos disseminatos notavit, ad ubera properare in nutricibus & lacti materiam præbere, mensibus autem subtrahere. 4. In cuniculo fœmina, quæ & prægnans esset, & simul lactaret, observavit *Ant. Everardus* vasa chyliifera seu lactea, excurrentia supra musculos abdominis super pinguedinem, seque in glandulosam mammarum substantiam insinuantia, quæ postmodum conjunctim tubulos aliquot lacteos, ac tandem

cana-





canalem communem constituerant, sicque lac ex papilla exhauriendam præberent. 5. In observationibus Amstelodamensibus Anni 1665. in cane lactante narratur, mammas versus interiora compressas lac præbuisse in vas [forte lymphaticum] quod una cum vena & arteria ab interioribus oris distribuebatur. An ramus lacteus, vel tubulus lacteus fuerit, non explicant.

Igitur vel chylus per lacteas ex mesenterio recta ascendit ad mammas, vel cum sanguine per thoracicas arterias defertur & à glandulis mammarum secernitur. Illud probant *Martianus*, *Entius*, *Guiffartus* viis innominatis, & *Schenckius*, *Pecquetus*, *Hofmannus*, *Everardus* per visos à se ramulos. Promptum esset amplecti, si perpetuæ viæ demonstrarentur. Per thoracicas lacteas chylum adscendentem in lac mutari audaciter pronunciat *Fr. Maria Florentius*. Hoc probabilius, donec detegantur aliæ viæ, quia 1. in sanguine chylum contineri superius probatum, & passim in Venæ sectione occurrit. 2. Lac nihil est nisi chylus. 3. Mammarum, quia glandulosæ, officium in separatione humorum mixtorum consistit. 4. *Needham* experimento probat præter lymphaticam non esse. Constricto enim ductu chylifero, in cane gravida vel lactante, post partum, prope ingressum subclaviæ, pressoque exinde receptaculo, neque aut vas ali-quod siue versus uterum siue mammas, siue hepar albicare aut receptaculum ipsum omnino depleri comperit.

Succum peculiarem è nervis thoracicis prolectum, chylosæ materiæ addit *Whartonus*, quia hi nervi lactationis tempore majores cernuntur, & nutricibus, si coëant concipiantve, lac deficit vel vitatur, quia hic succus à mammis diver-titur. Sed sufficit unus chylus. Hujus verior ratio, quod corrumpatur, alimentum primum nutricis, ex quo chyli lactisque corruptio: *illius*, quia incalescunt magis nervi. Habent pueri lac, quanquam nervorum succus sit exilis. Si lactationis tempore majores nervi deprehendantur, quod dubium est, provenit hoc propter continuum suctionis sensum, advertente *Barbato*, qui serum à sanguine separari tantum & in lac assimilari judicat. Recte id, sed non solum. Pinguius enim lac chylum requirit. Hinc *Malpighius* per-vasa adiposæ in glandulis mammarum ex adipe lac generari problematicè proponit, auctoritate *Hippocratis*, cui pinguedo à ventre trahitur. Qui de pinguiori chylo intelligendus. Serum etiam separatur, sed ut recurat, qui abundat, per

Lymphatica vasa, quæ copiosa hic occurrunt. In vacca-
rum *Lymphati-
ca.*

rum uberibus conspicua esse & frequentia *Whartonus* vidit, nec tamen ad parenchyma pertingere, adeoque non tam mammarum parenchymati quam earundem membranis ministrare. A parenchymate tamen ad membranas serum com meat, & superfluum per lymphatica expurgatur.

Nervi.

Nervi feruntur ex nervis thoracis, præcipue quinto, ad sensum; & in papillam delinunt.

Tubuli.

Præter hæc vasa habent & mammae *tubulos* candidos, observatione recentiorum, ab inferiore parte toto ambitu enatos, qui in mammarum centro semper angustiores facti coeunt, in quibus lac confectum ad usum asservatur. An arteriæ tantum dilatatae sint, ob lactis immutationem vicinasque glandulas candidæ, videant oculatiores. Ego sui generis canales esse credo, tam conservando lacti, quam excernendo dicatos. Asservant lac, si aliquo tempore intermittatur lactatio, quo usu cessante in minimorum vasorum exilitatem arctantur, ut visum fere fugiant. In lactantibus ita inveni: Papillam *Tubuli lactei* satis tumidi decem pluresve circuli in morem ambiunt, lacte pleni, quorum singuli in varios divisi ramos progrediuntur, desinuntque in glandularum mammariarum extrema, ubi nullum venæ rubrae vestigium, nisi quod ex circumfusa pinguedine exiles rami emergant, & ex pectorali musculo fere circa medium, major venæ ramus ex thoracica ingrediatur, sed remoto pectorali, copiosius apparent vasa sanguinea ex thoracicis.

Tubuli lactei.

Uusus mammarum.

Uusus. I. Generalis in foeminis & viris est, ut sint cordis propugnacula; hinc viris frigidioribus majores mammas donavit natura; mulieribus vero destitutis mammis, vox asperior redditur, teste *Hippocrate*. Nec obstat musculus pectoralis qui illo officio defungatur, quod objicit *Riolanus*: nam partes nobiliores magna indigent tutela, etiam à minimis accersita, ut oculi superciliis, cor aqua in pericardio, &c.

II. In mulieribus est lactis generatio, seu segregatio, vel, si lactea vasa huc pertingunt, depuratio, pro nutritione infantis editi. Sanguine enim usus fuit infans in utero, & lac idem sanguis est, sed dealbatus: ut videatur natura animalibus fucum fecisse, cum loco sanguinis rubri, album lac obtrudat, ut *Plato* habet. Quæ causa est quod olim *Allobroges* sacerdotibus tam sanguinis, quam lactis usum interdixerint.

Efficiens lactis causa.

Efficiens autem lactis causa, non est uterus, qui remotior viis manifestis vicinis cum illis non communicat, ideo nec ejus virtute ad generationem mammae imprægnantur, quæ caret

caret ipse; neque sunt vena aut arteria, nisi proxima, virtute à mammis communicata, nam quod de *S. Paulo* decollato refert *Baronius*, lac ex collo non sanguinem manasse, vel miraculosum fuit, vel serosus humor effluxit, qualem Venæ sectio subinde mittit, & lacteo similem vidi, vel denique excisuram lactearum thoracicarum circa axillares cum lymphaticis concurrentium liquor lacteo-serosus profluxit, sicut in *Hist. Lact. Thor. & Spiril. Lymph.* explicavimus. Sed est caro illa glandulosa mammarum, cui alia non est similis in corpore. Efficit tum hanc coctionem mediocrem substantiæ proprietate, tum temperamenti ratione. A calore vero & spiritu multo, albere putavit *A. Gellius* l. 12. c. 1. sed potius crediderim lac candicare, quod candicantibus mammis sit assimilatum, vel potius quia à chilo candido est, cujus candoris causas alibi deteximus.

Quamobrem etiam in virginibus & mulieribus non gra- Lac genera-
ri etiam po-
test in vir-
ginibus, vi-
ris, sceminis
non gravi-
dis, &c.
vidis, aliquando (licet raro fiat) lac generari potest, ex obser-
vatione: *Bodini* in Theatro naturæ, *Joachimi Cænerarii* apud
Schenckium, *P. Castelli* de Angela Messanensi, *Al. Benedicti*
& *Chr. Vega*, de puella Brugentæ, aliorumque. In Scania
nostra nuper virgo stupri, propter lacteas mammas, accusa-
batur, quas tamen familiæ illius proprias esse testimonio
minorennis fratris itidem lactiferi comprobabat. Prodeun-
tes nuper infantes serosum liquorem lacteum ex papillis
profundunt. Exemplum confirmat auctoritas *Coi* 5. *Aph.* 39.
ubi lac, habent feminae, quamvis nec prægnantes nec puer-
peræ. Nempe si copioso & spirituosio chylo, quoque sanguine
refertæ sint mammae, & accedat suppressio menstruorum:
nam ibi glandulosa substantia plus coquit, quam mulieri ad
nutritionem opus est, vel chylus copiosior facit à sangui-
ne in mammis separari potest. Imo in viris carnosioribus
& mammosis & frigidioribus, humor lacteus & quasi lac
generari non raro apparet; præsertim si frequenti suctu &
frictione utantur, uti multorum exempla testantur. *Aristo-
teles* scribit de capro quodam in Lemno, qui tantum lactis
dederit, ut inde colostræ conficerentur. *Matthiolus* in di-
versis Bohemæ locis tres hircos repertos asserit, unde lac
acceptum, quibus epileptici curati. Viderunt alii, viros co-
piose lac è mammis effundentes. *Abensina* è viro tantum
lactis emulsum vidit, ut caseus sit confectus. *C. Schenklius*
de Laurentio Wolfio narrat à juventute ad 30. annum us-
que, hac copiosum servasse. Talem in Anglia hospitem ha-
buit *Jo. Rhodius*, & Calabrum novit *Santorellus*, qui mor-
tua uxore, quum pater inopia nutrice non posset condu-
cere,

cere, suo lacte prolem propriam aluit. Similem Flandrum vidit *Walaus*, qui etiam 40. ætatis anno, ex ingentibus mammis copiosum lac effunderet. *A. Benedictus*, patrem refert quendam filio lac præbuisse. idemque testantur, *Nicolaus*, *Gemma*, *Vesalius*, *M. Donatus*, *Aquapendens*, *H. Euggubius*, *Baricellus*; nosque de puero Scanico jam retulimus, & *Cardanus* vidit virum, triginta quatuor annorum, ex cujus mammis tantum lactis profluxit, ut ad alendum infantem sufficeret. In novo orbe narrant, viros pene omnes magna lactis copia abundare. Verum autem esse lac, quod ex viris fluxisse retulimus inde liquet, quia ut muliebres infantes nutrire aptum.

III. Ad ornatum mammarum muliebres faciunt, & viri delicias.

IV. Ad excrementitium humorem excipiendum. Unde abscissis mammis fœminæ morbos incurrunt varios, quia ascendens sanguis vasa non habens, in principes partes, cor, pulmones, &c. irruit. Quod periculum *Amazonas* vehementi bellandi exercitio credo declinasse. Cum cancro à nonnullis abscinditur, sed ob hæmorrhagiam operatione periculosa, cum successu tamen bis non ita pridem Hæmorrhæ administrata, cui sectioni præfert *Alliotus* Sal Alkali fixum & in aqua insolubile.

C A P. II.

DE MUSCULIS INTERCOSTALIBVS.

MUSCULI varii in thorace occurrentes Libro quarto primum explicabuntur, ob sectionis methodum. INTERCOSTALES autem ita dicti, quia costis intertextuntur, hoc loco exponi debent.

Numerus.

Sunt autem toti carnei, numero quadraginta quatuor, utrinque viginti duo; Undecim externi; & totidem interni. Nam semper inter binas costas, bini muscoli sibi invicem incumbunt: undecim autem utrinque costarum intervalla. Et male alii fecere 68. Nam in costarum verarum interval-
Error aliorum. lis diversos fecerunt musculos, inter partes istarum costarum osseas latitantes, ab iis, qui inter partes cartilagineas reperiuntur.

Externi oriuntur à superiorum costarum inferioribus partibus, & oblique versus posteriora descendentes inseruntur in inferiorum partes superiores. *Interni* è contra.

Externi

Externi definiunt ad cartilagine: *Interni* & costarum & cartilagginum spatia implent. Ab externis dividit *Stenonius* illos musculos, qui à transversis vertebrarum processibus, quibuss intercostales quoque necti scripsit *Spigelius*, in costarum inferiorum superius latus descendunt, vocatque *costarum levatores*, quia ortu diversi sunt ab intercostalibus, tendinis situm habent diversum, & angulos cum costis constituunt cdiversos, usum tamen eundem habere.

Fibras obliquas habent, & se mutuo *χασικῶς* interfecant instar litteræ X. quia alias breves sunt muscoli, ob intervallo-
rum parvitatem. Hinc in Empyricorum apertione, faciendaa sectio recta secundum fibrarum ductum, non trans-
versa.

Vasâa acceperunt varia. *Venas* ab Azygo & intercostali superio-
riorre. *Arterias* ab intercostali utroque. *Nervos* à sexto
pari, junctos illis, qui è medulla dorsi prodeunt.

Uusus est, thoracem dilatare & contrahere; *Externi* æmu- *Uusus*,
lantur tractum subclavii: costas attolendo, & thoracem
constringendo, faciuntque ad expirationem. *Interni* costas
abductunt, & thoracem amplificando ad inspirationem fa-
ciunt.. *Galeno* contra externi inspirationi inserviunt, interni
expirationi, cui favet *Veslingius*.

Alii cum *Vesalio* statuunt, musculos externos, costas in-
feriores sursum pellere, internos vero superiores deorsum
rapere, ut angustando thorace mutuum sibi ferant auxilium.
Sed statuendum potius, quiescentibus internis, externos
seorsim agere.

Fallopius, *Arantius*, *Riolanus* pro carnosis costarum liga-
mentiis tantum habent, quibus inter se nectuntur, quia costæ
moveri per se non possunt nisi à musculis thoracis. Sed im-
motiss thoracicis sæpe costæ moventur horum beneficio, à
diaphragmate quoque impulsæ. Numquam musculi liga-
menta nuda sunt. Necti possunt his costæ & simul moveri,
quod omnibus aliis musculis commune. Motus tamen co-
starum obscurior, quia una tantum parte inarticulantur, &
μεσσωλάργε angustiora sunt. At exilitatem numerus com-
pensat.

CAP. III.

DE DIAPHRAGMATE.

DIAPHRAGMA à distinguendo dictum, aliis præcordia *Diaphra-*
dicuntur, quod cordi prætendatur, usitate *φρένας*, quia *gma* quid?
eo affecto mens & sensus perturbantur, ob consensum cum
cere-

cerebro, fitque inflammato diaphragmate paraphrenitis. Consensus hujus causa valde est dubia. Hippocrates à sanguine præ multitudine ad cor & diaphragma resiliente, cor factum fieri scripsit, ex fatuitate torpedinem, ex torpedine delirium apprehendere. Cæterum delirii sedem cerebrum, non cor, posteriorum firmior experientia probavit. Aristoteli prudentiæ est particeps, & quum attrahat ex vicino hepate & corde humores calidos & excrementitios, mens inde læditur cum sensibus externis. Sed nec hic dubium solvit, siquidem multæ aliæ partes trahunt humores consimiles sine delirio, nec explicat quomodo diaphragma cerebro hæc imprimat. Nihil confert consensus vicinitatis, quia aliis viciniis, nec muneris societas, quia pulmo in peripneumonia læsus non semper infert delirium, nisi vapores calidi subinde adscendant, monitu Galeni, nulla muneris societate, nec denique vasorum nervorumque communio, quia in aliarum partium nervosarum inflammationibus nihil tale contingit; Ad occultum igitur & huic soli peculiarem consensum necessario confugit Castrensis. Septum transversum alii vocant, quia transversim corpus dividit, & distinguit ventrem medium ab infimo. Aliis Cinchus dicitur; Disseptum, discretorium. Græcis quoque *Σάκκος*, *Διάφραγμα*, *Ἰσθμὸς*, &c. Est autem musculus singularis habens figuram & actionem ab omnibus aliis diversam.

Situs.

Situs ejus est transversus, & quia nonnihil deorsum inclinat, obliquus.

Figura.

Figura circularis est rotunda, appendiculis longis exceptis.

Numerus.

Numero unicus est hic musculus, ob actionis unitatem: utriusque lateri communis, sed magnus. Duplex visus Lugduni Meysnerio.

Magnitudo.

Magnitudo respondet amplitudini transversæ imi thoracis, quæ est inter vertebrae dorsales infimas & costas. Huic Cetacea, quia longius protensas habent costas & plures quam nos, amplius possident diaphragma, interius ad extremitates costarum serpens. Nam

Caput & finis in diaphragmate.

Oriri videtur à lumborum vertebrae per duas partes carnosas longiusculas (quæ lumborum musculis adhærent ad arteriæ magnæ latera; & sensim latiores factæ, circa infimas thoracis vertebrae coeunt, ubi circularis fieri incipit hic musculus) & thoraci circumtenditur, annexus costis extremis parte carnosa: quamvis rectius forte initium statuitur in tota circumferentia, tam à lumbis quam costis, quod alibi quoque Galenus insinuat: Nam cum ad undecimam vertebrae

tebram annecti non potuerit, ob arteriam magnam & principium lumbalis musculi, duabus suis appendiculis lumborum vertebris valide inseritur.

Galenus alibi, quem sequuntur *Sylvius*, *Vesalius*, *Aquapendens*, *Spigelius*, & alii complures, medium septi voluit esse caput musculi quia ibi nervi inferuntur, & centrum in circulo, cui pes alter circini stat, dum alter circumfertur, pro capite accipi potest. Sed quemadmodum est musculus peculiaris situ, actione, figura, nobilitate, &c. ita & hic aliquid peculiare est. Principium autem seu caput in centro hoc esse nequit, quia mobile, costæ & spinæ lumbares hujus respectu immobiles. Ad hæc nervosa pars seu tendinosa musculorum finis est, non caput.

Substantia est carnosæ, in medio nervosa & membranosa, *Substantia*, ubi apparet centrum membranosum, & *circulus nervus* loco tendinis, ad quem fibræ carnosæ à thoracis peripheria tanquam ad centrum excurrunt. Unde necessario media pars musculi motorii nervosa est, alioquin moveri hæud posset. *Stenonius* advertit, quod *fibrarum* extremitas altera sit in vertebris, altera in ambitu, qua costis sternique appendici jungitur, mediam vero membranam tendinum fibræ constituent, inter medias carnes, velut in digastrico musculo interceptras, ductuque non recto, sed vario, elegantissime circumductæ. *Secundario* ad robur confert in motu perpetuo, & viscerum illi adhærentium suspensione; præterea ad transeuntium vasorum securitatem. Ad cordis ictus sustinendos fortis esse non debuit, ut suspicatur *Riolanus*, quia 1. mollis pars facile pulsui cedit. 2. mucro cordis in pulsu huc non alluditur, nam ferit pectus Cor, quum in systole erigitur, tum vero ad latera contrahitur; in diastole quando descendit ad diaphragma, molle sit & flaccidum, nec pulsus edit.

Notandum, vulnera in diaphragmatis centro nervoso lethalia proclamari, sive quod nervosa pars offendatur convolutionemque inducat, sive quod pericardio & hepati adhæreat, sive quod pereat respiratio, & simul lædatur cor supra positum; pericardium enim & hepar læsa curationem admittunt. In carneam circumferentiam tutius vulnus adigitur.

Membrana vestitur duplici ad robur. Superiore à pleura, cui pericardium firmiter connectitur, nonnunquam & lobi pulmonum per fibrillas, inferiore à peritonæo. Et propriam quoque habet substantiam, antea descriptam.

Foramina habet minima & magna. Minima sunt pori, *Foramina*,
Y per

FIGURÆ EXPLICATIO.

Pectoris partes externas proprias, tum diaphragmatis in corpore situm delineat.


- A. *Musculus pectoralis in situ.*
 B. *Idem extra situm.*
 C. *Serratus major anticus in situ ex parte conspicuus.*
 D. *Idem è situ remotus.*
 E. *Serratus anticus minor in situ.*
 FF. *Clavicula.*
 G. *Musculus subclavius.*
 HHH. *Musculi intercostales.*
 III. *Diaphragma.*
 K. *Arteriæ magnæ descendentiæ pars.*
 L. *Foramen pro vena cava descendente.*
 M. *Foramen pro gula diaphragma transeunte.*
 nn. *Venæ phrenicæ.*
 oo. *Arteria phrenicæ.*
 pp. *Diaphragmatis appendices.*
 QQ. *Musculi psoas.*
 RR. *Musculi lumborum quadrati.*
 SS. *Interna cavitas ossis ilium.*

per quos ab inferioribus vapores elewantur. Dilatantur à motu diaphragmatis perpetuo, non ab odoribus & fumis, ut credit *Helmontius*. alias, quia densior est membrana, crassiores vapores impedit, ne imbibantur, aut extra vasa adscendant. Inter majora est unum dextrum in parte nervosa media, pro transitu venæ cavæ, aliud sinistrum majus & nonnihil posterius, pro transitu cæsophagi cum duobus nervis ventriculum petentibus. Et ubi exoritur circa lumborum vertebra, apparet divisio pro transitu arteriæ magnæ, lacteæ thoracicæ, & venæ sine pari. Hæc foramina patentia admittunt ex inferioribus transitum vaporum crassiorum cum sanguine, per vasa sua circulando, qui prohiberi à diaphragmate nequeunt. Hinc 5. *Aph.* 29. in fecmina fecunda odor inferius excitatus ad nares penetrat.

Vasa.

Vasa. Venas habet & arterias à vicinis, vena cava & arteria magna, dictas phrenicas: aliquando & ab adiposa. In venis per totum diaphragmatis corpus valvulas insignes pluresque *Higlmorus* recenset, ne sanguis è cava refluat.

Nervi per totam ejus substantiam sparguntur, delati ex spinali.



spinali medulla colli, inter quartam & quintam vertebra-
 à 4. 5. & 6. nervorum pari vertebrarum cervicis, quod ipsi
 proprium, nec aliis partibus internis sub claviculis com-
 mune; quia ex conjectura C. Hofmanni externis ictibus pa-
 tere non debuit, ne vitæ nostræ nos essemus arbitri, sed pa-
 tent ubique necis instrumenta, quæ vitæ amor & pietas in-
 hibet. Feruntur autem per thoracis cavum, & stabiliuntur
 à mediastino. Ab inferiori parte à costali & stomachico il-
 lac transeuntes alios annotarunt alii. Et quia diaphragma-
 tis nervi ramulis in maxillarum & labiorum musculos diva-
 ricatis in transitu permiscuntur, hinc in percussione dia-
 phragmatis risus oritur, sed non verus, verum Sardonicus di-
 ctus: quia una faciei muscoli convelluntur, & maxillis la-
 biisque agitatis risus apparet. Talis risus fuit *Thyzenis* apud
Hippocratem, & *Agneri* apud *Saxonem* nostrum per medium
 gladio acuto demessi. Illius quoque apud *Aristotelem*, cui
 in prælio trajecta præcordia mortem cum risu attulerunt.
 De gladiatoribus aliis refert *Plinius*, & *Homerus* Junonem
 risisse labiis, sed nubila fronte narrat.

*Sardonicus
 risus.*

Sardonicum risum *Galenus* à musculo lato quadrato dedu-
 cit. Sed ad labra, quibus hic musculus inservit, diaphragma
 non pervenit: *Laurentius Politianus* à spiritibus hanc con-
 vulsionem repetit, qui ob molestiæ sensum recurrunt ad su-
 periora. *Mancinius* à calore excitato in titillatione & vulne-
 ribus cor dilatari & rictum faciei, quia sedem risus cor vo-
 luit pro *Aristotele*, à Medicis refutato. *Riolanus* in castra-
 tione subinde risum observavit, prænuncium futuræ con-
 vulsionis lethiferæ, unde damnat datam à nobis per nervos
 rationem, nec tamen meliorem addit ullam, cur nempe à
 nervis diaphragmatis & pudendi laxis oriatur risus, non
 item in aliorum nervorum vulneribus.

Ex *Willisio*, nervus diaphragmatis ex 2. & 4. nervo verte-
 brali coalescit. In principio enim brachialis, qui illi est se-
 cundus vertebralis, radicitur maximus furculus. Truncus
 ex illis furculis conflatus, per cervicis ductum, & thoracis
 cavitatem, sine ulla ramificatione, usque ad diaphragma sin-
 gularis pergit, ubi in tres vel quatuor furculos denuo expan-
 sus, in utroque latere musculosæ ejus parti inseritur. Quo-
 rum nervorum eidem *Willisio* est *Ufus* 1. motum diaphrag-
 matis naturalem pro respiratione efficere, & cordis pulmo-
 numque usu. 2. motum ejusdem anomalum propter ap-
 petitum nutum dirigere. 3. Quia à nervis brachialibus pro-
 cedit brachiorum motus, diaphragmatis actionem quo-
 dammodo respiciat, aut è contra, quod hæc ab illo depen-
 deat,

deat. Hinc exercitia corporis juxta præcordiorum status regulatur.

Ufus est I. Facere ad respirationem liberam; nam musculi thoracis ad violentam faciunt: Observavit *Pecquetus*, *Ufus diaphragmatis.* omnibus aliis musculis in pectore & abdomine penitus ex-
cisis, si soli musculi intercostales & diaphragma illaesa sint, æque respirare animal, quam si nullum esset vulnus. Illam respirationem *Galenus* vocat *lenem* seu parvam, quæ à solo diaphragmate dependet, alteram *fortiorem* musculis intercostalibus concurrentibus, tertiam *sublimem*, ubi diaphragma, intercostales, & thoracis musculi simul agunt. *Aves* quidem, licet respirent, diaphragmate carent, sed levior illis, vixque sensibilis spiratio, quia leve corpus, solis pulmonibus & thorace perficitur. *Pisces* contra qui non respirant, diaphragma habent, sed membranosum, ad ventrium distinctionem. In *Cetaceis* respirantibus carnosum, ut aliis animalibus, observavi.

Motus autem talis est: In inspiratione quidem tenditur diaphragma, in expiratione remittitur, contra quam voluerunt *Arantius* & *Laurentius*. Et hic quidem vult diaphragma, contra quam alii musculi, trahere finem suum versus, vultque fibras à thoracis circumferentia excurrentes, æqualiter contrahi, & costas ad circulum nerveum adduci, atque ita peragi respirationem. Sed quomodo centrum membranosum septi costas ad se attrahere poterit, & totum thoracem constringere, nisi forte quia mediastino annexum sit? At in inspiratione tendi diaphragma, ex sectionibus vivis non semel didicimus. Deorsum enim pelluntur intestina à diaphragmate in expiratione, ascendant in inspiratione, quod in vivis canibus non semel vidit *Plempius*, & sine sectione quislibet in se apposita manu experiri potest. In vulneribus diaphragmatis intestina & ventriculus in inspiratione ascendunt in thoracem, quod bis *Paræo* observatum, quæ non nisi secundum magis & minus à naturali spiratione differt. Debuit autem talis esse diaphragmatis motus, quia thorax in inspiratione est dilatandus ad recipiendum aërem & tumidos pulmones, constringendus contra in expiratione, quando fuligines expelluntur & pulmones detumescunt, unde ibi elevatur diaphragma, hic deprimitur.

Diaphragmatis motus quomodo fuit?

Jo. Waleus præter eum motum quo pars carnosâ introrsum cedit, in inspiratione alium motum in diaphragmate observavit, quo pars carnosâ in se contracta plicas acquirit, ita ut una portio partis carnosæ alteri portioni carnosæ imponatur: eam autem plicaturam maxime circa appendices

esse & in valida inspiratione : putatque hac ratione diaphragma abbreviari amplius , & thoracem amplius elevatione costarum dilatare.

Modum alio modo exponit *Pecquetus* : Pulmones enim in *inspiratione* descendentes , medietatis unius , qua diaphragma dorso subnectitur , fibras deorsum adigere ; alteram interea medietatem prope sternum & cartilagineas costarum , tam nervosas centri fibras explicare , quam circumferentia carneas , una cum anteriori pectoris regione , sursum oblique sublevare ; ita dum diaphragmatis posteriores partes deprimuntur , eodem momento attolli anteriores : In *Expiratione* vero , & diaphragmatis anteriora simul cum sternone decidere , & ascendere posteriora , atque tum diaphragma , fibris carnis & nervosis relaxatis , corrugari.

Breviter *Riolanus* : motiones diaphragmatis in libera , facili & naturali respiratione , fieri quasi fluxu & refluxu , seu ascensu & descensu levi hujus partis cum levi tensione in inspiratione naturali.

Accuratius hæc demonstrans *Stenonius* , in respiratione diaphragmatis non tam ora fieri contractiora docet , quam arctiorem convexitatem : omnes enim , quas à vertebribus reliquum ambitum placet concipere , lineas , & cum resolutum languet , & cum tensum riget diaphragma , quadam sui parte incurvatas esse , convexa thoracem , concava abdomen , respicientes. Has , quo minus tensæ , eo magis convexas , eo amplius abdomen , angustiores thoracem : quo vero contractæ magis , eo minorem convexi diaphragmatis superficiem , eo thoracem ampliorem , angustius abdomen , & sic thoracis fundum in inspiratione depressiorem , in expiratione ascendere contra *Arantium*.

II. Adjuvare abdominis musculos in compressione , ad exclusionem excrementorum & foetus : Nam à superiore parte intestina deorsum trudit. Hinc observante *Platero* in alvi duritie prodest sternutatio & tussis , qua deorsum compelluntur diaphragma & contentæ in intestinis fæces. Propter ejusdem diaphragmatis conatum fæces & urina in sectionibus vivis animalium & suspensis sponte excernuntur.

Chyli quoque promoveri distributionem , compresso hepate & inferioribus , ex *Pecqueto* : imprimi carneas productiones diaphragmatis sub chyli Receptaculo distensas , distendere quoque Receptaculum , & , quem continet , chylum adigere ut emittetur : Observatum præterea affirmat , ligatas in mesenterio lacteas solum turgescere , cum illæsum est pectus , musculos movere aptum.

III. Di-

III. Distinguere imum ventrem cum partibus naturalibus, à medio cum vitalibus, ne ab ignobilioribus partibus frequentes vapores ad nobiliores partes, ut cor, &c. ascendant.

IV. *Hippocrati*, esse infimi ventris respiratorium, dum hypochondria ventilat. Hinc avibus, diaphragmatis defectu, vel vesica vel canalis à thorace ad abdomen protenditur. De transmissione aëris per porosum septum *Hippocrates* explicandus non est, sed de aëris tantum ventilatione, quo viscera indigent ne vitium capiant.

V. Alii respirationem naturalem perficere autumant, quia non dependeat à nostro arbitrio, moveaturque in somno nec nobis cogitantibus, ejusque beneficio in Apoplexia aliquandiu homines respirare. Sed rectius *Piccolhomineus* voluntarium motum assignat, necessitate tamen aliqua cogente, ut in dejectione, mictione & respiratione contingit, quia musculus singularis naturæ; non absolute aut simpliciter voluntarium, qui in progressionem & apprehensionem cernitur. Motus ejus in forti Apoplexia cessat, sola transpiratione superstiti: In levi autem cum thoracis musculis etiam diaphragma moveri videmus.

CAP. IV.

DE PLEURA, MEDIASTINO
ET THYMO

PLEURA, sive costalis tunica, Græcis *πλὴν ὑπεζωκὴς*, vel *ὑμὴν* absolute, est membrana intrinsecus thoracis cavitatem succingens, dura & alba, sed in pleuriticis nonnullis livida, teste *Hippocrate*, unde hanc in pleuresi affici credunt Practici; quod secundario tamen evenire demonstrant *Mannephus*, *Cletus*, *Platerus*, *Zechius*, *Viraglianus*, *Benedictus*. peritonæo quodammodo crassior & robustior; orta à tunica, quæ nervos intercostales ex spina dorsi egredientes tegunt, à quibus continuitas illi cum meningibus cerebri. Ideo in dorso crassior est, cujus vertebri quasi inseparabiliter adhæret. *C. Hofmannus* ex sterno potius quam ex dorsi vertebri deducit, minus bene, ut in *Animadversionibus nostris* in *Hofm.* & Collegio *Anatomico* probavimus. In thoracis morbis sæpe fit decuplo crassior: callosam in hydrope pulmonis vidit *Fallopianus*. *Platero* ita intumescit à scirrhuso tumore: licet alii dicant eam adeo attenuari in pleuriticis, ut vix conspici queat.

Pleura

quid?

Ejus origo.

Crassities.

Duplex est ubique, ut inter duplicaturam vasa ferri queant. Exterior pars, quæ thoracem respicit, durior est & crassior, interior costis alligata tenuior. Inter has sæpe materia pleuritica colligitur, nec tantum inter pleuram & musculos. *Galenus* simplicem facit, duplicemque tantum circa mediastinum admittit. Duplicaturam illam de crassitie interpretatur *Riolanus*, non sine laceratione demonstrandam. Contrarium in pleuriticorum tumido latere est manifestum.

Superficies. Superficiem internam lævem habet, ne pulmonibus asperitate incommodet, externam asperam, ut validius alligetur.

Pinguedinis aliquid aliquando reperitur, uti & quandoque in peritonæo, juxta dorsi vertebrae in pleura, ubi vasa majora sunt.

Interim & costæ suam habent *periosteum*, tertia pleuræ tunica nonnullis, aliis circumossalis.

Foramina. Foramina habet complura, quarum inferiora in diaphragmatis historia recensuimus, superiora sunt qua transitum præbet venæ cavæ, arteriæ aortæ, asperæ, lacteis, lymphaticis, gulæ, & nervi sexti paris.

Vasa. Vasa. Venas habet à vena sine pari, & intercostali superiore; arterias ab intercostali & à magna; nervos, pariter duodecim, è vertebrae thoracis anterioribus prodeuntes. Unde vulnera hac parte dolorum acutissimorum sunt causa.

Ufus est, 1. Secundum *Galenum*, inungere totam thoracis cavitatem, & æqualem reddere, ne pulmones in motu lædantur. 2. Thoracem intus & ejus partes vestire, (quemadmodum peritonæum imi ventris partibus tunicas communicat) & intersipientem membranam, seu

Mediastini MEDIASTINUM constituere, quod pleuræ soboles est, & membrana duplex, thoracis cavitatem & pulmones in duas partes dispescens. Nam postquam pleura, circa dorsum orta, per latera ad *saprov* ascendit, rursus ad spinam tendens, recta à medio pectore ad dorsum porrigitur. Utrinque lateribus sterni annexa hæc membrana non obscure duplex est, ut pleura, sed conspicue ex duplicata pleura constituitur, & prima fronte videri possit, sub sterni inter utramque tantum spaci, quanta est sterni latitudo, intercedere. Sed id reverà non est: nascitur enim illa demum sub sterni cavitatis, dum sternum à Mediastino inter secundum divellitur, antea enim accuratissime sibi mutuo membranae mediastini connexæ sunt. Quod mirum est neminem ante *Ad. Falcoburgium* animadvertisse. Post eum sæpe feci experimentum in homi-

hominibus adultis & nuper natis; in animalibus & cetaceis, nec cavitatem ullam inter mediastinum & sternum etiam Exercitatissimis spectatoribus potui monstrare, sed membranas illius huic arte fibris coherere deprehendi, quas vi & scalpello separavimus. Ut conspectius hoc esset, interioribus abdominis & diaphragmate ablatis cunctorum oculis subjeci. A dorso si fiat sectio, idem demonstrat *Lindanus*. De minore cavitate hæc accipienda sunt, ut *Riolano* nobis contrario satis fiat, inter mediastini membranas & sternum: nam majorem, in qua cor perpetuo mobile est situm, nemo sanus negaverit. In hac cavitate majore, sive in hac duplicitate, si vulnus anterius inflictum penetraret leviter, illæso corde subsidente satis tutum est, & absque periculo; quod anatomes imperitus lethale pronuntiaret. Vertebrae vero versus sensim angustatur cavitas, & membranae committuntur: in medio vero amplior cavitas est, & in anteriore parte unitatis cor & vena cava collocata sunt; in posteriore gula cum nervis stomachicis. Si in illa cavitate præter naturam humores colligantur & putrescant, perforato sternum sine noxa educuntur, si credimus *Columbo* & *Hofmanno*, quod tamen negat *N. Fontanus*.

Tenuioris est & mollioris *Substantie* quam pleura, & circa vasa non raro adipe referta est instar omenti.

Vasa habet *venas* & *arterias* à mammariis & vena sine pari, sternum interius applicitas, quo sublato conspiciuntur: propriam quoque habet mediastinam, quæ modo una ampliorque est, modo gemina & tenuior.

Nervi quoque Phrenici & stomachici per hanc duplicaturam feruntur, & mediastino largiuntur furculos.

Vasa Lymphatica obtinet, quæ multis rivulis hinc inde per mediastinum exorta, uno tandem tramite ingrediuntur lacteas thoracicas, sicut patet in figuris *Rudbeckii*. Quorum usus ex eodem, ut aquam inter sternum & mediastinum ejusque duplicaturam condensatam emungant, atque ad lacteum thoracicum ductum amendant.

Usus Mediastini est I. Thoracem bipartiri, ut una parte pulmonum læsa ex vulnere vel aliter, altera officio fungatur.

II. Cor cum pericardio annexo suspendere, ut nullam ad partem allidat.

III. Vasa percurrentia stabilire, ut & diaphragma in homine, ne inferiorum viscerum pondere nimis deorsum trahatur.

IV. *Lindano*, ut cordi sit pro omento, solet enim in plerisque locis valde etiam pinguescere.

FIGURARUM EXPLICATIO.

Sternum abscissum & elevatum, tum mediastinum & pulmones, cum diaphragmate oculis subjiciuntur.

FIG. I. Ex Vesalio.

- AAA. Sterni, illique connexarum cartilaginum interior superficies.
- BB. Venæ & arteriæ mammarie sub sterno descendentes.
- C. Glandulosum corpus Thymus dictum.
- DDDD. Mediastini divulsi latera.
- EE. Intervallum inter utramque Mediastini membranam, quod nascitur post ejus à sterno divulsionem.
- F. Protuberantia Mediastini, ubi cor situm est.
- GG. Pulmones.
- HH. Diaphragma.
- I. Cartilago ensiformis.

FIG. II. Ex Vestlingio.



- A. Nervus diaphragmatis sinister.
- B. Nervus ejusdem dexter.
- C. Membrana diaphragmatis superior aliquantum separata.
- D. Substantia carnosae diaphragmatis nuda.
- E. Foramen pro gula descendente.
- F. Foramen pro vena cava.
- GGG. Pars membranosa sive centrum diaphragmatis.
- HHH. Portiones seu appendices ejusdem, inter quas arteria magna descendit.

FIG. III.

Corpus glandulosum ad laryngem situm exhibet.

- AAA. Glandula laryngi connata.
- B. Venæ jugularis portio, ex qua duo ramuli progressi, per substantiam glandularum discurrunt.

fig. 1



*Thymus
quid?*

THYMUS adnascitur ei in jugulo, inter divisiones arteriarum & venarum subclavium, thoracis summa parte, cui vulgo in figuris appingitur, à similitudine Thymi folii dictus, non à θυμός, quasi in perturbationibus animi sanguis & spiritus intra glandem illam in vena cava ebulliat aut effervescat, sicut explicat *Riolanus*; nam in corde effervesceat cruor, hic transit nec moratur, quum rari ramuli sint conspicui in Thymi corpore nisi nutritionis ergo aliquid ex arteriis relinquitur. In pueris & embryone, passionibus minus obnoxiiis, major thymus & numero auctus, in adultis facile excandescens exsiccatus conspicitur & contractus. Est autem corpus glandulosum, molle, spongiosum & album. (Aliis lactes, pars nempe in vitulis esui expetita) triplici glandula in fœtu distinguitur satis magna. In adultis extenuatur absumpta per calorem humiditate. Vidi tamen in Cetaceis magnum, ex quo plures aliæ glandulæ diffundebantur utrinque circa mediastinum & pulmonum latera.

Cavitatem manifestam & capacem in medio thymi Hafnia 1652. observavi. Quæ etiam postea visa *Græfio*, humore limbo repleta.

Ejus vasa.

Vasa sanguiflua per Thymum transeunt, nulla tamen in dissecta ejus substantia manifeste cernuntur. Nervi à 7. pari & plexu subclavio,

Lymphatica vasa vidit frequenter *Whartonus*, per hanc partem decurrentia & in venam subclaviam sese exonerantia. Utrum vero ea omnia per capillaria in hujus glandulæ substantiam terminentur, dubitat, an potius illorum aliqua ab aliis partibus oriunda per eandem tantum labantur, quo rectius è thorace in venam perveniant. Prius similis vero, ob ductum ibidem observatum, & lympham in eo repperam.

Ufus.

Ufus igitur Thymi est 1. vasa ibi adscendentia magna, venam cavam & arteriam magnam, eorumque ramos ad brachia & scapulas proficiscentes, fulcire.

2. Et ob tutelam, uti fieri solet, & ne vasa ab ossis tactu lædantur.

3. Ut sit quasi cordis tegmen & munimentum, obvallare enim cor vidi. quo cor fœtus contra injurias externas indigebat, adhuc quiescens. Idem major illi thymus, sicut & Turfioni, cæterisque aquaticis ob externum frigus.

4. *Whartono*, ut præparetur hic & secernatur materia nutritia in usum nervosarum partium. Per nervos enim liquorem nutritium inquinatum expui, eundemque depuratum per nervos resum. *Charletonus* vero è ductu thoracico

cico excipi, qui glandula huic vicinus est. Discrimen tantum nervorum hic advertere non licet, ut alii vehant, alii revehant. In adultis spermaticæ partes, majori ad robur nutrimento indigentes, carent hoc usu, quia decrescit thymus & exsiccat, *Galen*i quoque observatione.

5. Dubitat *Lindanus*, an feriante pulmone & antequam obliteretur foramen ovale, huc concedant excrementa cordis fuliginosa.

6. Lacteo thoracis ramo sustinendo inservit, qui sub thymo claviculam ingreditur. Hinc durior & siccior in adultis, ut majus robur adultiori lacteo suppetat. Huic & in tenerioribus subsidio est. Nam & in thymo catelli copiam lactis putri effluxisse vidit *Deusingius*. Infantum quoque & recens natorum thymus lacte turget, quod nos observavimus, & ante *Harvejus*, *Schneiderus*, *J. D. Horstius*. Sine dubio ex lacteo thoracico illuc divertit chylus, ne copia oneretur subclavia vena.

CAP. V.

DE PERICARDIO ET HUMORE IN EO CONTENTO.

PERICARDIUM aliis cordis involucrium, capsula, arcu-
camera, panniculus, &c. membrana cor totum cingens, *Pericardium quid?*
cujus ideo figuram æmulatur, & magnitudinem superat: sed tantum à corde distat, quantum satis est pro motu cordis & humore, qui in hac capsula continetur. Desuisse pericardium in quodam discipulorum suorum testatur *Columbus*. For-
san cordi arte connexum, quod in agnello mihi visum, & in homine *Fr. Sylvio*. Cum mediastino unam membranam constituebat in cadavere à me secto. Deest quoque in echino terrestri.

Oritur ad basin ex tunicis vasa cordis cingentibus, quæ à
pleura (nam inter basin cordis & pericardium hæc tunica non adest) ubi propter eadem

Quinque foramina habet: nempe pro venæ cavæ introitu *Foramina*,
& exitu, & pro reliquorum vasorum trium egressu.

Situ magis ad sinistram latus spectat, quam ad dextrum; *Situs*.
& ad priorem partem, quam ad posteriorem.

Connectitur orbiculatim mediastino plurimis fibris, & vi-
cinis partibus, præcipue diaphragmatis circulo nerveo fir-
miter adhaeret, quod homini singulare: nam ab eo in cani-
bus & simiis distat, item in aliis animalibus omnibus.

Super-

Superficies *Superficies externa est fibrosa, interna lubrica, & utraque sine pinguedine, nisi raro, quod in præpingui vidit Lindanius.*

Substantia *Substantia crassa & dura est, tantoque pulmone durior, quanto osse mollior. Unde marsupia inde confecisse quosdam vidit Blasius.*

Vasa *Venas parvas habet, infra à phrenicis & supra ab axillari.*

Arterias nullas facile apparentes: forte quia alias cordi vicinum est, habere tamen certum est, quanquam obscuriores.

Nervos minimos, à recurrente sinistro antequam ascendat, & septi ramulis, idque sive sensus gratia, qua indigebat, sive, si credimus Willisio, ut se contrahat, & expellat noxia in cordis tremore.

Lymphatici rami huc sparguntur ex trunco ad cor deficiente, ut nonnihil lymphæ superflue ad thoracicum mittant. Quorum constipatione fieri ut nimia aqua pericardium oppleatur, magno cordis damno, recte suspiciatur Rudbeck.

Usus *Usus I. Cordis esse domicilium firmum, ne illud in motu duriores partes tangat. II. Ut in eo contineatur.*

HUMOR SEROSUS velaqueus instar urinæ, non tamen acris aut salus, limpidus, in quibusdam loturæ carniū similis; *Guil. Toletio* apud *Burgensem* Phlegmaticus humor appellatur, faporis ingrati, unde *Galeno* cor quasi in vesica esse dicitur.

An humor serosus in pericardio omnino reperiatur? *Hic humor in omnibus animalibus naturaliter constitutus, tam vivis quam mortuis reperitur, imo & in foetu, ut patet ex sectionibus vivorum & mortuorum: in aliis tamen plus vel minus; in hecticis exiguus est & flavescens, in Pleuriticis subinde purulentus, observante Salmuth.*

Cur ille in mortuis copiosior? *In mortuis copiosior est: quia tunc spiritus plurimi in refrigeratis partibus densantur in aquam. In mulieribus, pueris & senibus ob caloris debilitatem uberior.*

Ejus si nimia copia fuerit, palpitatione cordis, & inde suffocans mors sequitur: Si absumptio, tabes. Regenerari tamen posse, in iis vidimus quibus læso pericardio copiosius effluxit; nam in Joanne Saviolo pugione sauciato pericardio, aqua singulis pulsibus cordis, è vulnere profiliit, cujus tamen cura Cl. Veslingio feliciter successit.

Unde oriatur humor *Unde oriatur, variorum variae opiniones sunt.*

pericardii opinio I. *I. Eorum est, qui ex vasis cordis immitti volunt, siquidem palpitationem ex copioso humore phlebotomia curat, volunt.*

voluntque ob fervorem cordis exprimi humorem aqueum: ut in ligno urente. Huic affinis est *N. Masse* opinio, quæ ex colamento sanguinis venientis ab hepate ad auriculam cordis esse statuit: cui non absimilis est *Hofmannus*, qui partem feri esse contendit, cum sanguine ad Cor ascendentem; sed cum ejus motus sit continuus, à tanto humoris affluxu periculum non leve emergit. Taceo robustiores, quibus celerius movetur sanguis, minus aquæ habere.

II. Alii, inter quos & videtur esse *Hippocrates*, volunt ex potu esse, cujus pars aliqua roris modo penetret ex aspera arteria in venosam. IX.

III. A materia aquosa seminali in prima generatione; sicut à flatuosa aër in auribus esse putatur. III.

IV. Huic affinis est *Fasolini* opinio, qui vult esse portionem perfectissimam, selectam, omnibusque numeris absolutam, humoris serosi, ab ipsa natura transmissam, primigenio forsàn ortù, per venas & arterias delatam, præter potus aliam partem, de qua *Hippocrates*, & ipse habet experimenta. IV.

V. Ab excrementis aquosis tertiæ coctionis. V.

VI. Ex saliva delabente ex glandulis linguæ in tracheam, inde vero in arterias & cor. VI.

VII. Ex cordis adipe, agitatione in aquam converso. VII.

VIII. Ex aëris inspirati crassiore portione in aquam versa. VIII.

IX. Ex ultima, quæ nobis verisimilis est: ex vaporibus & exhalationibus humidis, ab humoribus cordis foras à motu & calore protrusis, & ad pericardii densitatem pulsis. IX.

X. Ex lymphaticis exstillare, dubitare non debemus, si copiosior sit, & tenuiores illorum sint tunicae. X.

Ufus I. Cor humectare & refrigerare, motumque faciliorem reddere. Unde quibus absumptus est, cor torretur: quod *Casimiro* Marchioni Brandenburgico evenit. Et juveni illi Romano apud *Panarolum*. *Hofmannus* hic contrarius, stimulum caloris esse contendit; sicut fasciculus stramineus quo diuturnior sit, à fabris aqua mergi solet: & ligna quo felicius ardeant, humore tinguntur. sed iste fasciculus ab aqua conservatur, quia humidum & tenacius redditur subiectum, ne absumatur. Calor autem cordis humido radicali conservatur, & affluente continuo sanguine, nec stimulum ab aqua, quæ in vivente corpore frigida non est, petit: qui in senibus alioquin foret vegetior.

II. Ad adipis concretionem facere.

III. Ut cor innatando minus grave fiat, & in nullam partem impingat. IV. Pe-

IV. Pericardium humectare, quod ex *Hippocrate* explicat *Lindanus*, ne scilicet inflammetur, cujus exempla adduximus in *Libr. de Morb. Lymphat.* Humectat enim cor & membranas. De utroque *Cous* accipiendus.

Barbatus negat Cor vivifici nectaris fontem humectatione indigere. Sed aliud exempla testantur. De pericardio pleuriticorum ne hac quoque parte inflammentur, prospici debuit. Non aliunde melius quam pingui hoc & aquoso. Pinguia quidem facile inflammabilia. Non item si aqua jungatur ex *Hippocrate*. Et aqua pericardii, sicut reliquarum partium lymphæ, pura aqua non est, sed pinguior aqua.

HUMOR quoque IN THORACIS CAVITATE communiter reperitur, similis cruori aquæ permisto, quo thoracis partes oblinuntur, ne nimium calefiant & exsiccantur. Hinc latere Salvatoris aperto, sanguis & aqua effluerunt, quod ex subitaneo fluxu mixtura cruenta & Authoritatibus Veterum fusc in Dissertatione de latere Christi deduximus, contra *Laurentium*, *Ariam Montanum*, *Bertinum*, *Nancelium*, *Pozam*, *Tremellium*, *Bezam*, *Tirinum*, *Grotium* aliosque, qui ex pericardio derivarunt, & contra *Collium*, *Tarnovium*, *Brentium*, *Laurenbergium* recentiores, antiquiores vero *Cyprianum*, *Prudentium*, *Brigittam*, *Vidam*, *Sannazarium*, *Vigerium*, &c. qui ex vasis cordis læsis eandem advocarunt. Nihil autem est *H. Laurenbergii* objectio, inopiam causantis, quia 1. sufficeret copia naturalis, quum copiose fluxisse nusquam dicunt sacri Annales. 2. Augeri potuit ultimo illo vitæ discrimine non repugnante corpore ejus perfectissimo, quod in nostri redemptionem temporariis obnoxium passionibus, ipsam quoque mortem subiit. 3. Aliquando adeo copiosam hic observavi Patavii aquam, ut instar crumenæ magnæ, diaphragmate depresso propenderet. *Fasolinus* in vulneribus thoracicis (interioribus illæsis) per 30 dies aliquando quinque eminas humoris aquei collegit unoquoque die, quæ in phlegmone membranarum exsiccabatur diminuebaturque, quo sublato, copia redibat.

In puero Parisiis, me præsentem, variolis extincto, copiosa quoque reperiebatur, sed colore viridi, de quo alibi.

CAP. VI.

DE CORDE IN GENERE.

COR à currendo ob motum dictum quibusdam, forsàn à Græcorum *κῆρ*, à *κῆρ* uro: Græcis *καρδιά*, nostris *hierte*, quasi *sepe* sacrum, pars princeps animalis est, qua nulum animal carere visum est, & teste *Aristotele*, & ex cujus læsione animal fere statim moritur, quia vitæ fons est, & spiritus vitales elaborat, & per arterias à se ortas, per totum corpus distribuit. Exempla tamen vide apud *Schenckium* de cordis absentia. Vide & *Gellium* lib. 16. cap. 15. *Galenus* victimas refert ad aras corde exsecto clamasse, & *Verulamius* hominem, postquam cor esset avulsum, & in carnificis manu, tria aut quatuor verba precum pronunciasse. Extæ sine corde bis inventa, Cæsare sacrificante, teste *Plinio*, *Obsequente*. Illorum vitæ à reliquiis sanguinis arteriosi perduravit. In extis autem latuisse potius cor quam defuisse suspicatur *Spigelius*, qui in struthiocamelo tantum adipem vidit, ut facile imposuisset avi defuisse cor. Forsàn à Dæmone suffuratum, vel à sacrificulis. Horam sine corde vixisse ranas videre *Bartholinus* Pater, *Boyleus*, *Borrichius*.

Non ex quavis læsione animal statim moritur. Patitur enim cor omnis generis morbos. 1. *Putredinem*, teste *Galenus* in febre pestilenti & putrida. 2. *Tabem*, auctore *Plinio*, exsiccationem instar pyri rosti *Jordanus*, totum immoderato calore absumptum, apud *Tilesium*. 3. *Inflammationem*, ex qua tamen non posse diem naturalem transire, experientia in Lectore quodam didicit *Saxonius*. 4. *Ulceræ* sordida & cava invenere *Fernelius*, *Trincavellius*, *Riverius*. 5. *Tumorum* varia genera. Durum in sinistro ventriculo *Cardinalis*, ovi magnitudine, vidit *Columbus*. Tuberculum nigrioris carnis *Benivenius*. Aliæ habent *Massa*, *Hollerius*, *Bauhinus*, *Joubertus*. Ego in bovini cordis parenchymate sinistro abscessum ovi columbini magnitudine nuper deprehendi, duplici tunica, sero & pituita repletum.

In exterioribus *Gesnerus* carnis excrescentiam in basi ad unciam unam & sex drachmas. Membrana circumdans undique erosa apud *Bavium*.

Vulnera quoque ad tempus pati, historiæ docent. *Paræus* vulneratum ad 200 passus currisse. Antiquam sagittam cordi infixam cerva gestavit apud *Jacotium*, *Th. Wegam*, *Alexandrinum*. De cervo, quem in venatione sclopo per-

utrumque ventriculū cordis transfixerat Rex Daniæ Augustissimus *Fridericus III.* in *Historiis* narravimus passus 50. confecisse antequam concideret. *Galenus* leporem sauciatum ad reli jactum perrexisse vidit. De studio Ingolstadiensi *Sennertus*, *Fonstons* de utroque cordis ventriculo transverberato, & *N. Mullerus* de milite xv. dies post acceptum in corde vulnus superstitē, tabulam Groningæ suspendit. *Heer* plura exempla à se visa recenset, & *Tulpius* duos dies vixisse vulneratum in dextro sinu. *Glandorpius* post *Sanctorium* refert, quod cor cuniculi instrumento acuto sit perforatum, vivo permanente animali ad multos menses.

Not. igitur. 1. Cor morbos pati, sed quia à remediis longius distat, perferre æque non posse. 2. Monente *Galeno*, si ad ventrem pervenerint vulnera, mori necessario, si vero in substantia consistent, posse diem & noctem supervivere, sed oborta inflammatione interire. 3. Dextrum ventriculū tamen facilius sustinere, quia ex sinistro, vita totius dependet. Per 5. dies supervixit quidam Hafniæ angusto vulnere, quod forsā ob dextri parietis crassitiem interea clausum fuerat, ut circulario fieret. 4. Utrumque posse brevi tempore, si vasa sint illæsa, quibus motus sanguinis continuatur.

Numero cor unum est. *Theophrastus* scribit in Paphlagonia perdicibus bina esse corda: cujus etiam in homine exemplum refert *Galenus* in Administrationibus Anatomicis. Et observatum in alio à *D. Cledat* narrat *Riolanus*. *Plaxxonius* pariter apud *Rhodium*.

Cor quare
in medio?

Situs ejus est in medio corporis, si crura non considerentur, ut in brutis fit; in quibus cor medium est, ob mobilitatem & securitatem, & in thoracis quoque medio, ubi à pulmonibus undique fere cingitur. Est autem cor, quo ad basin exacte in medio; ut sanguis nutritius cum spiritu, in totum corpus commodius distribuatur;

Error vulgi
cor esse in
sinistro latere.

Motus tamen ejus magis in sinistro latere persentitur. 1. Quia in sinistro ejus ventriculo spiritus vitalis continetur, & à sinistris est arteria magna: hinc vulgus putat cor in sinistro residere latere. Practici vero sinistro lateri cordialia epithemata applicant.

Cur apex
cordis sinis-
trorsum
inclinat?

2. Quia mucro cordis sinistram spectat, sub lava papilla, ut diaphragmati cedat: ad dextram vero declinare non potuit, ob venam cavam, ibi per medium thoracem ascendentem. Interdum cordis superior pars ad sinistram vergit, in quibus hominibus sinistra pro dextra est, si credimus *Massæ*. Visum id in quadragenario, & in Regina Matre à

Rio-

Riolano. qui vero cor in medio exacte habent, sunt ambidextri.

Magnitudo. In homine quoad proportionem majus est cor quam reliquis in animalibus, uti & cerebrum atque hep. *Majus cor in quibus reperitur?* Ordinaria naturæ lege in longitudine sex transversos digitos æquat, in latitudine vero quatuor. Alioquin magnitudo variat pro ætate & temperamento. Frigidiores enim & timidi cor magnum habent, calidiores & audaciores minus, de quibus videndus *Donatus*. Hinc *Aristoteles* affirmat de timidis animalibus, ut lepore, cervo, mure, hyena, asino, mustela, &c. quod cor magnum in proportionem habeant. *Ægyptii Physici* olim, ut liquet apud *Herodotum* in Euterpe, de cordis magnitudine hæc somniarunt. Cor eorum, qui nulla morbi violentia depascuntur, quotannis pondus duarum drachmarum assumere, usque ad quinquagesimum annum, asseruere; ita ut quinquagenarii hominis cor pondus centum drachmarum habeat: à quinquagesimo autem anno ad centesimum usque motu retrogrado quotannis duarum drachmarum pondus deponere, donec simul cum vita evanescat, affirmavere.

Figura est conoidalis, quia in mucronem exit. Bifidum cor in *Historiis Rarioribus* adduximus: Trifidum *Amstelodamenses*. Turbini comparat puerorum *Lindanus*, metæ *Veslingius*, pino *Riolanus*. Inversam figuram in scombro vidit *Boyleus*. Pars suprema ob vasa ibi referta latior & rotunda, quamvis non exacte, dicitur *basis cordis*, radix vel caput: pars infima acutior dicitur conus, mucro, vertex, cuspis, & apex cordis. *Hippocrati* extremum & cauda. Anterior cor gibbosius est, posterior magis simum. In contractionibus totum cor est oblongius, secundum quosdam, aliis contractius & latius, in dilatationibus maximum & globosum, de quibus nos infra accuratius.

Connexio est cum mediastino & diaphragmate per pericardium; at cum aliis partibus, per vasa basis junguntur. Mucro ipse liber est, instar campanæ pendulæ, ut facilius retrahi possit ad suam basin, vel ad latera moveri.

Substantia est primo membranea seu vesicula in foetu, deinde à materno sanguine accrescit caro vel *παρέρχουσα* solidum, crassum, densum. 1. Ad sustinendam motus continuitatem, munimenti loco, & fortius impellendum sanguinem ad diffusa totius corporis loca. 2. Ne spiritus subtilis & luminosi in mobili sanguine etiam contenti cum calore innato exhalent.

Cur substantia cordis adeo crassa?

S. sat longa elixatione eliquetur, deinde à basi ungue lacera-

cerata avellatur, observavit *Lindanus* non tantum ex meris nervaceis fibris solidissime compactum, sed & à basi eas deorsum cochleato prorsus ductu circumductas ac finire ad mucronem.

In dextro latere minus crassus paries, quia ad solos pulmones sanguinem mittit, nec ita subtilem habent sanguinem venosum. Sinistri lateris robur majus ob validiorem motum in pellendo sanguine ad totius necessitatem. In mucrone spissior caro & durior, ubi fibræ colliguntur in basi dispersæ, non tam quia moveri non debuit, ut *Riolano* visum, quam quia liber est, totum cor velut compendio stringens, vasis auriculisque destitutus. Observatione *Stenonii* medium mucronis punctum seu relictum in medio intortarum fibrarum centrum, adeo est tenue, ut aciculæ vix æquet caput, cum non nisi exterioris membranæ cum interiore ibi fiat concursus. In basi non tam mollior, quam tenuior, cui vasa annexa & auriculæ firmitudinem compensant. Caro autem hæc, fibras habet omnis generis, invicem adeo commistas, & compactas, ut non perspicue cernantur, partim ad robur, partim ad motum. Fibræ enim hæc tensæ omnes in cordis systole constringunt ventriculos & interiora latera, ut sanguinis protrusio adjuvetur.

Tunica.

Tunica non facile separabili vestitur hæc substantia, ad ulteriorem firmitatem. Hanc nasci ab extremitatibus fibrarum dilatatis, & circum carnem obductis, ex malo aurantio suspicatur *Lindanus*: cui adnascitur ratione materiæ, non efficientis.

Adeps circa cordis basin (non facile circa conum, quia hic ab humore pericardii humectatur) 1. ad venas circa cor inungendas. 2. & cor humectandum, ne ex motu exsicceetur. 3. Pericardii aquam calefaciendam, ut renum adeps, ex conjectura *Jo. Dan. Horslii*, interdum eo adipe plane occultatur, quod observarunt *Spigelius*, *Riolanus*, *Fessenius* in Principe Lunæburgico, ita ut imponat astantibus ac si cor plane absit.

Interim recte dixerunt *Aristoteles*, *Galenus*, & *Avicenna* circa nullam calidam partem, ut cor, hepar, arterias, venas, &c. coire posse *τὸ πικρὸν*, pinguedinem: hæc enim facile à calore liquatur. Interim τὸ *σπῆρ* adeps multum à *πικρῷ* differens, substantia, consistentia, loco, ut ex *Polluce*, *Suida*, *Erotiano* aliisque demonstravimus in *Vindiciis Anatomicis*, quanquam secundum magis & minus tantum differre contra *Fasolinum* urgeat *Ant. Alvarez*: cum difficulter liquetur, adnasci potest. Qui ad candelam stridet ob aqueam,

auno-

annotante *Jasolino*, substantiam, quæ ne cito coëat, impedit: ut mirum non sit quod à calore cordis non liquetur. Adeps autem circa cor nascitur, vel quia cor durissimum crasso sanguine, ex quo generatur sebum, nutritur; vel quia sordes excrementitiæ à corde nutrito proveniunt; vel quia sanguis multum agitatur, sicut ex forti lactis agitatione butyrum extrahitur, quod *Achillinus* voluit.

Vasa. Venam habet cor, quæ coronaria dicitur, quia in orbem cor amplectitur, aliquando gemina. Hæc à cava oritur extra ventriculum dextrum, circa cujus basin excurrit amplo ductu ab auricula dextra, & patente meatu sese extorsum circumducit ad sinistram auriculam, quam non ingreditur, sed in parenchyma cordis deflectit. Hinc ramos spargit deorsum per superficiem cordis, & per sinistram plures, quia densior ibi est caro. Valvula affigitur in exortu ejus semircularis, quæ ingressum sanguini in dextrum ventriculum concedit, egressum denegat.

Usus. Ad extimæ partis nutritionem facere crediderunt quidam, quia minor est, externam tantum superficiem perrepat, & cor arterioso sanguine nutritur. Alii ad totius cordis nutritionem destinaverunt. Transcolando sanguini ad sinistram ventriculum cordis ablegavit *F. Licetus*, quod miror, quia 1. exilis admodum, 2. externa perrepat. 3. à cava, non ventriculo dextro, exterius oritur. Agnovisse eandem viam *Botallus* videtur, in cujus sententiam inquit *Waleus*. Alii ut *Riolanus* non tam nutritioni quam adipi reparando dicarunt; sed 1. protenditur longius quam adeps. 2. nulli in adipe ex illa ramuli comparent. 3. Adeps à vaporibus cordis sine venis potest generari. Verus coronariæ venæ *Usus* est, qui reliquarum venarum, sanguinem nempe à nutritione cordis remeantem ad dextrum ventriculum iterum reducere, quo situs valvularum nos ducit, & ineptitudo sanguinis hujus ad nutritionem parenchymatis solidioris.

Arterias duas habet coronarias à magna, basin imprimis cingentes, indeque ad conum dispersos, ibidem in exortu antequam pericardio excidat, valvula donatas prohibente sanguinis regressum. Per has, quia moventur pulsantque, sanguis ad nutritionem cordis & auricularum defertur, sitq; hic quædam sui generis *circulatio*, ut tradit *Harvejus*, singulatis à majori circulo, ex ventriculo sinistro ad arterias, ex his in venas coronarias, ex quibus in dextrum sinum labitur, iterum in sinistram per pulmones compellendus.

Remanentem autem à nutritione sanguinem, non per

FIGURÆ EXPLICATIO.

Cordis in corpore situm, vasorumque quorundam ex eo egressum monstrat.

- A. Cor in situ naturali pericardio inclusum.
- BB. Pulmones.
- CC. Diaphragmatis pars nervosa.
- DDD. Ejusdem carnosae portio.
- E. Venæ cavæ portio supra cor, superiora petens.
- F. Ejusdem venæ pars diaphragma penetrans.
- G. Arteria magna à corde emergens.
- HH. Ejus rami Carotides.
- I. Mucro cordis sinistrorsum vergens.
- KK. Nervi sextæ conjugationis, à quibus recurrentes oriuntur; quique ramulos pericardio & cordi distribuunt.
- L. Auricula sinistra.
- M. Auricula dextra.
- NN. Vasa pericardii.
- O. Cartilago scutiformis.
- P. Musculorum laryngis propriorum pars primus in situ.
- Q. Os hyoidis situs.
- R. Aspera arteria.
- S. Arteria axillaris, circa cujus exortum nervus recurrens dexter incipit.

venas omnem remeare, sed per parenchyma particulas ejus transfundare in ventriculos, & fermentationem excitare in generatione sanguinis arteriosi credunt aliqui, imprimis Hogelandus. Sed 1. fermentatio, si aliqua adsit, fieri posset à reliquiis in foveis contentis. 2. Coronaria vasa ad ventriculos non pertingunt. 3. Transsudatio per carnem duram, compactam, in sano statu difficilis, nisi sanguis fuerit serosior in corpore raro. 4. Cur non transfudat sanguis per cutem quibusdam locis tenuissimam? 5. Nulla particula in carne remanet nisi ad nutritionem ejus destinata.

Lymphatica vasa, quæ cor egredientia, mediis glandulis sociata, supra aortam lacteo thoracico inseruntur. Ut lympham ex cordis parietibus revehant. Cordis ipsius ventriculo dextro lymphæ ex axillari infunditur, de qua Libell. 1. de Venis plura.

Nervulos quoque à sexta conjugatione obscuros, triplici loco insertos: Uno qui terminatur in ipsum Cor ejusque ba-
fin



fin præcipue: altero qui in auriculas; tertio inter vasa ejus majora, ad facultatem sensificam, non motricem, ut voluit *Picolhomineus*, & post eum plures alii, *Carolus Piso*, *Plempius*, *Higbmorus*, *Regius*, quia dissecto nervo cor tamen movetur: imo exemptum è corpore cor etiam movetur. Minores quoque sunt nervi quam pro tanto corde movendo, circa basin fere aut externa disseminati.

Quomodo ad cordis motum nervulus concurrat ex ingenio aperit *Cartesius*, nempe distendere & constringere omnes introitus, & inde mille differentias spiritibus indere, sicut calor lampadum à chymicis varie temperatur, quatenus magis minusve aperitur modo illud orificium per quod oleum aliudve flammæ alimentum se debet recipere, modo illud per quod fumus elabitur. Sed quomodo omnes introitus dirigit nervulus, qui ad omnes non pertingit? Calor enim in furnis omnia permeat. Et quid in vesicula conceptus primi motum concitavit? Aptius *Willisius* vibrationem à fibris, à nervis vero motus sive actionis instinctum dependere. Nervos plures cor non habet, sed magnum fibrarum contextum nervis similiū, quas pro nervis habens *Aristoteles* forsan, cor dixit principium nervorum. Sed id materialiter verum esse potest, non formaliter. In corde tamen suillo nervorum propagines vidi versus conum implicatis ramis à septo ad parietem ventriculi trajetās.

Error Fallopii.

An cor sit musculus?



Falsum tamen est, quod habet *Fallopius*, per cordis basin dispergi multam cohortem nervorum, & quasi reticularem plexum: vidit hunc quidem etiam *Willisius*, sed antequam Cor ingrediatur: non enim animalis est cordis motus, cum cor non sit proprie musculus, sed naturalis: nobis enim etiam non volentibus cor movetur, & in foetu ante pulsatur, quam facultas animalis immittatur. Et *Galenus* negavit cor esse musculum. 1. Quia omnis generis fibras habet. 2. Quia musculus est motus voluntarii instrumentum. Quod si vero quis dicat, cor esse musculum motus naturalis, improprie huic locutioni non repugnabimus: & ita verum esse potest *Hippocraticum* illud, cor esse musculum. Definit enim hunc, carnem in orbem circumactam. Musculum referre alius visum, quando diutius est elixatum, tumque non unum esse, sed plures musculos ob motus diversos in se contractos. Alii musculum concedunt in sua specie, ut diaphragma, quod perpetuo movetur. Rectissime omnium *Walaeus* non musculum appellat, sed constringi in motu sicut musculus per fibras carni intertextas & ventriculis imprimis,

primis, ad instar musculi temporalis in masticantibus. *Hippocrates* validum musculum vocavit non ratione nervorum, à quibus præcipua musculi denominatio, sed carnis spissamento. Hinc *Lindanius* ex ejusdem sententia, musculum vocat, actione non tendine: sicut enim actio musculi perficitur contractione & laxatione, ita & cordis. *Willisus* analogiam habere cum musculis.

Cor vere esse musculum nuper *Stenonius* noster probavit ex totius nova structura, & fibrarum fabrica. Quia 1. eadem habet quæ alii musculi, arterias, venas, nervos, fibras, membranas, nullum aliud parenchyma. 2. Omnes fibræ cordis mediæ carnosæ, extremis utrinque tendinosæ, quod commune omnibus musculorum fibris. 3. In corde, ut in alio musculo, villorum uniformis est ductus: omnes enim circa mediam fere carnem arcus instar inflexi nullos conficiunt angulos, nisi cum tendine utrinque. Una eademque omnium in sinistro ventriculo occurrentium villorum intorsionis est ratio, ut conus in stellarem figuram resolvi possit, in hunc modum:



Fibræ primæ in concursu orificii sinistri cum dextro, cum à basi tantillum descenderint, illico intortæ sub reliquis sinistronum feruntur: sic sequens semper fibra præcedente tantillo longius descendit, antequam incurvetur; incurvata vero sequentem subit itidem, quæ infra prioris intorsionem inflectitur. Ex schemate sequenti clarius hæc intelliguntur:



Adeoque fibræ cochleæ instar à dextris sinistrorsum ad conum descendunt, & reflectuntur à sinistro iterum sursum ad dextrum, quod in corde elixo mihi *Stenonius* demonstravit; circa basin vero esse fibrarum principium & finem.

4. Ventrem constituit fibrarum media portio, seu carnosa. 5. Extrema carniū excipientes tendines in ostiis partim, partim in monticulis conspiciuntur, ubi & valvulas componunt, & in arteriæ substantiam abeunt. 6. Membrana cordis propria transverso fibrarum ductu cordis secat fibras, interque illas se insinuat, ut in aliis musculis.

Pro musculoſo corde procedunt singula perbelle: sola motus diversitas obstat. Musculi enim cæteri ex arbitrio nostro moventur. At cor perpetuo sanguinis influxu, nobis etiam invitis vel non cogitantibus, perenni motu agitur. In fibris quoque diversitas aliqua notatur, dum descendendo & ascendendo varium situm habent. Oblique descendendo obliquas fibras *Vesalii* monstrant. Tales quoque diversus cordis motus in Systole & Diastole requirebat, ut diversi contrariiue motus perficerentur. Ex fabrica vero cordis nova, inter alia colligit *Lindanus*, quia cochleatim sit adductio; obiri cum minori negotio: docere enim mechanicos, singulare esse in cochlea, ut minor vis ad ejus motionem proportionem requiratur, quam in ulla alia machina. Eodem *Lindano* consentiente, nihil inter motum cordis & musculi interest, nisi quod à causa efficiente sumitur, quia musculi motus prorsus pro arbitrio cordis cohibere non possumus.

*Cordis
temperies.*

Temperamentum Cordis in activis est calidum, imo calidissimum præ omnibus aliis partibus. Benignus tamen calor est luminosus, non ardens, non exurens, si recte se habeat. Unde mirum non est, quod in viva sectione subinde non major calor in digito sentiatur, præsertim densiore cuticula, breviori mora & aëre externo non preparato. Eundem calorem aliis partibus communicat, & ad nutritionem sanguinem arteriosum reddit aptum, quo calore in venis subsidente longiori itinere, necessario recurrere debet ad cor, ut eodem calore restauretur. Vana autem est *Averrois* opinio, cor esse frigidum ob partes frigidas, quas continet, vasa & valvulas: nisi forsan cor spiritu destitutum intellexerit, uti multi volunt.

*Error A-
verrois.*

Hispidus thorax quid significet? In quibus vero calidius cor est, thorax hispidus fit, & partes hypochondriis vicinæ; ii que homines iracundi & audaces sunt.

Hispidum.

Rarius tantus calor est cordis, ut ipsum hirsutum fiat & pilis

pilis tessertum, quale inventum in Aristomene Messenio te-
 stibus *Plinio & Valerio Maximo*: & in Hermogene Græco; re-
 ferente *Celio Rhodigino*: & in latronibus quibusdam infi-
 gnibus testantur se hoc vidisse *Benivenius, Lusitanus, & Mure-*
tus. Tales vero homines audacissimi sunt, calidissimi &
 callidissimi, atque ut plurimum scelerati. Pilorum horum
 materiam esse serosi humoris crassamentum, quod in peri-
 cardio habetur, docet *Riolanus*. Sed potius crediderim eam
 calidi cordis fuliginosa copiosioraque excrementa, quod
 deinde quoque mecum *Riolanus* idem approbavit.

In passivis cor humidum est, humidius nempe cute, sed
 musculis siccus, quia durius: nam partes tanto humidio-
 res sunt cute, quanto molliores. Rarissimum est cor ita soli-
 dum esse, densum & compactum, ut concremari non pos-
 sit, quale Germanici Drusi filii fuit, aut cartilagineum,
 quale in scelesto quodam observavit *Riolanus*.

Usus Cordis primarius.

Usus.

I. *Harvejo, Backio*, aliisque asseclis, nullus alius est, quam
 ut sit animæ instrumentum, sanguinem venosum ab auri-
 culis receptum in arterias urgens & transmittens, cujus ea
 ministerio toti corpori nutrimentum dispensat, potiusque
 pro juvamine auriculis adjungi, ut viribus pollens majori-
 bus, auricularum defectum suppleat, seu imbecillitatem
Backio iudice, toti corpori famulatur, non aliter quam asinus
 molam trahens. Ita fere sentit & *Petrus Vattierus*; dextrum
 scilicet ventriculum esse velut tramitem & mensuram ad-
 merientem pulmonibus sanguinem, sicut molitor grana;
 sinistrum vero esse velut saccum qui recipiat sanguinem in
 pulmonibus coctum & perfectum velut farinam.

Cæterum secundarius hic est Cordis usus. Nam 1. Nutri-
 mentum debet preparari & calore perfundi vitali, quod nisi
 à corde, non habet. 2. Potuisset natura solum hunc transi-
 tum alio membro non ita laboriose conformato supplere.
 3. Cordis tanta non foret necessitas. 4. Aliquid amplius in
 corde fieri, indicium est, quod venosus non nutriat ante-
 quam Cor ingrediatur.

Primaria autem Cordis actio est, ut sit

II. *Caloris fons*, unde in totum dispergatur, quo partes
 animantur & sustentantur. Syncope id docet & alii cordis de-
 fectus, quibus, intercepto cordis calore, labascunt membra
 & calore destituta torpent. Unde cordialia profunt, quæ
 excitant calorem cordis torpentem. Imo omnes partes fri-
 gent, quando cordis influxus intercipitur, & sanguis in calo-
 re remissior est antequam ad cor recurrat. Sectiones vivo-
 rum

rum quoque monstrant, cor esse calidum, imo cor animalis exemptum, nuperque emortuum, digito calido vel alia recalente imposita ad se videtur redire & moveri, quod in columba, anguilla, salmone, homine observarunt *Verulamius*, *Constantinus*, *Harvejus* aliique. In quamcumque aliam corporis partem injicias cordialia vel sanguinem juniorum, nec calorem nec vitæ inducias producere videas in Chirurgia Infusoria, nisi proxima per venas brachii aperta via perveniat ad cor. *Harvejus* quidem verum id esse concedit, si una cum venis, arteriis omnibus, contentoque sanguine accipiat, alias potius calorem cordi advenire à sanguine, quem recipit, utpote omnium in corpore calidissimo. Sed

Fons caloris est, tam ratione *corpulentie*, quam contenti *sanguinis*. Utrumque conjungimus. Non enim à sanguine solo calor est, ut voluit *Harvejus*, quia Cor antequam in ovo & fœtu perfectum sit & ventriculis excavatum, calet movereturque, remanetque idem calor in evisceratis & dissectis cordibus. Qui affluit ex coronariis, nutritionis causa affluit & caloris conservandi. Nec sanguineæ partes reliquæ eo censentur calidiores, quod vasis pluribus vel sanguine magis abundant quocunque, sed quod arterias habeant arterioso cruore plenas, dependeantque à cordis influxu, quo calet sanguis. Unde nisi per cor sanguis omnis transiret, nunquam calerent parres; quantoque longius à corde recedit, tanto fit motu tardior & frigidior. Corde frigidior frigere partes, quanquam sanguine repletas, tardus pulsus indicat. Verum quidem est sanguinem cordi velut elychnio oleum instillari: sed nisi accensum sit elychnium, oleum frustra est. Sic sanguinis seu chyli insitus calor à calore cordis excitatur & augetur. Hinc is, si ex calidioribus constet, facile inflammatur in corde, unde febris, vel si aquosior, frigidior sanguis fit, & universum corpus tale.

Nec à solo motu cordis particulari sanguis corque calent, ut volunt *Cartesiani*, nam 1. atomos igneos motu excitari & moveri concedunt, qui à motu eliciuntur tantum, non producantur. Inerat enim cordi calor insitus, ante motum. 2. Multa moventur, quæ non calent, ut aqua, nisi insitum caloris principium habeant. 3. Ante motum calor inerat ab ortu semineo, qui continuo deinde motu *conservatur*.

Calorem excitari tantum in corde ab ebullitione, qua sanguis dilatatus & ampliorem locum requirens, foras prorumpere cogitur, quemadmodum calx viva affusa aqua exardescit, & flores sulphuris mixti cum spiritu terebinthinæ si parum incallescant in ebullitionem effervescent, pro *Cartesio*

resio argumentis probat *Velthufius*, quia 1. tam intensus alioqui calor in corde non reperitur pro ebullitione. 2. Cordis constans & firma partium constitutio ea non est, ut tot annos ferendo sit tam acrem calorem. 3. Digitis in cor dissectum vivens immisissis non experimur tam immensum calorem. 4. Nec pinguedo circa cor in illam duritiem posset concrefcere. Sed notandum 1. cordis moderatum calorem sufficere pro chyli vel sanguinis insito calore suscitando & augendo. 2. Perdurare illum diutissime, modo à novo chylo velut oleo, suggeratur fomentum. 3. Ebullitionem, si necessaria, exiguo etiam calore insito, promoveri. 4. Insitum esse cordi proprium calorem, præter illum, quem sanguis vel chylus addit, ipse *Cartesius* non diffitetur libro de *Homine* à *Schuylio* edito, nam in poris parenchymatis contineri ignem quendam sine lumine, quo tam calidum fervidumque redditur cor, ut simul ac sanguis alterutrum ejus ventriculū intrat, illico intumescat & dilateretur, uti experiri licet, si cujusvis animalis sanguis, aut lac in vas valde calidum guttatim destillet.

III. Sanguinem ex chylo conficere & alium circulatione redeuntē perficere & renovare. Conficit sanguinem ex chylo, qui per lacteum thoracicum & axillarem, in dextrum ventriculū defluit. Chylum ad cor pervenire oculis fide discimus. Nam 1. Chylus ex Receptaculo per lacteum thoracicum subclaviis venis infunditur, ut docet insertio, quo etiam exstillat liquor lacteus flatusque perumpit, si ligatura thoracico lacteo injecta solvatur. 2. Ex subclaviis eundem chylum ad cor cum decurrente sanguine deduci, indicio est, quod nec sursum ad caput nec ad artus progressum valvulæ venarum ad cor spectantes concedant. Idem alia experimenta *Pecquetum* docuerunt. Quippe 3. Recti vivi canis corde & adhærentibus, absterfoque cruore, albicans liquor intra venæ cavæ fistulam, circa dextri ventriculi sedem effluxit. 4. Venam cavam à diaphragmate ad jugulum aperuit, ubi apparuit liquor hic fluens, separatus à sanguine. 5. A ramis usque subclaviis ad pericardium intra venam subsidebat candidus liquor, plane similis chylo. Talem in vena prope cor gliris vivi dissecti vidit quoque *Moinichenius* noster. 6. Sæpe fecimus Hafniæ aliud experimentum folle & fistula excavata, quam, levi foramine facto, in lacteam thoracicam infra claviculas inseruimus, spiritu & aqua sufflatu immisissis. Statim in tumorem attolli vidimus non hæc tantum vasa axillarem versus, sed axillarem prope cor, mox auriculam dextram, & ipsum dextrum ventricu-

Cor sanguinem conficere & perficere.

triculum, tum ipsos pulmones per tumidam flatu & aqua venam arteriosam.

*Ex chylo
Receptacu-
li.*

Chylum istum cordi infusum eundem esse qui ex ventriculo ad Receptaculum chyli, exindeque ad lacteum thoracicum currit, variis indiciis probatur. Nam 1. non à superioribus derivatur, quippe compresso collo & artubus nihil præter sanguinem prodit. 2. Si comprimamus abdomen, turgere vasa thoracis videmus, & ad subclavias deduci liquorem. Quod etiam apparet, si diffindamus vasa, ab inferioribus sursum serpere. 3. Valvulae in thoracico sursum spectantes illuc ferri monstrant. Injecto vinculo infra claviculas vel in medio thoracis, à ligatura sursum flaccescit thoracicus, versus inferiora tumet. 5. Qualis humor est in glandulis lacteis lumbaribus seu Receptaculo, talis quoque in lacteis thoracicis conspicitur.

*Chylus cor-
di infertur
cur?*

Chylus igitur ex thoracico miscetur sanguini in axillari vena, & cum eo ad cor decurrit, ut ibi sanguinis naturam induat. Quia omnis chylus ex mesenterio hac fluit, nullus ad hepar, quia viae deficiunt, nullæque unquam venæ lacteæ ad hepar deferuntur, nec in meseraicis rubris chylus demonstrari potest ad oculum. Nec alio fine cordi infunditur, nisi ut sanguinis signaculo muniatur pro nutritione partium. Neque *Riolano* concedimus, materiæ fibrosæ ex hoc chylo productionem, quæ sanguini injiciat moram vel fieri fermentum sanguinis arteriosi: nam 1. Sanguis incitamento potius quam remora indiget. 2. Cur remora illa necessaria distributionis tempore, quando lacteæ thoracicæ turgent. 3. Fibrae in ventriculo ex crassioribus partibus alimentorum effinguntur, ad omnem sanguinem necessariæ. Neque solam missionem in corde peragi chyli, limphae & sanguinis, aliis largimur, quam in axillari vena fieri scimus. Sed præterea aliquid chylo in corde accedit, sine quo inutilis est corporis nutritioni. Non *solus color*, quem à sanguine habet, deponitque partibus apponendus, resumpto candore, vel nigrum substituit in nimia coctione: sed coctio quædam à calido viscere primum subitanea non multum immutato chylo, qui rubra veste indutus per corpus labitur, ut antequam nutriat depuretur in visceribus percolatoriis. Hinc in venæsectione sæpe chylum cum sanguine exeuntem vidimus. Experimentum quoque suggerit *Lowerus*. Si canis probe saginato post 4 vel 5 horas vena jugularis aut arteria carotis incidatur, dein totus è corpore sanguis effluat, & in variis vasculis receptus refrigeretur, mox chyli lactescentis ingens copia à cruore coagulato secedit ei; innata: è con-

è contra si eodem modo tractaveris jejunum animal, in cruore nihil chyli separatur aut apparet.

Deinde post primam circulationem ulterius perficitur, suo privilegio gavifurus. Modum, quo sanguis nutritius in corde fit, cerevisiæ coctura docet & illustrat. Ad hanc polenta ex hordeo satis candido, aqua, lupulus & fermentum concurrunt. Chylus polentæ, lympa aquæ, lupulus sanguini priori respondet, cor lebeti calido. Miscentur singula in axillari vena, sicut in vasculo, coquuntur verò in corde ceu lebete, & pro vario cocturæ modo colorem varium acquirunt, sed à candido ad fuscum seu ruborem declinantem. Cætera quæ ad perficiendum requiruntur, postea dicentur.

Non igitur mixtura sufficit, non liquores, sed Cor calidum coquens necessarium. Hinc *Glissonio* Harvejano non credimus, sanguinem vitalem in corde esse agens principale sanguificationis, cordis vero ventriculos & arterias illi solum esse auxiliatrices. Experimentum, quo id confirmat, minus est validum. Jubet evelli protinus sani animalis cor, sanguinemque inde omnem elui, ac mox dum etiamnum calet, chylum aut lac in ventriculos ejus infundi, ut experiamur illum nequiquam immutari. At alia est cordis ratio in corpore suo locati, alia exempti, cum reliqua ad sanguinis confectionem necessaria huic denegentur. Nec sane ventriculus exemptus cibum concoquit, nec pes amputatus ambulat, nec oculus erutus videt. Nec fermentum in corde residuum sufficit, sicut contra *Mearam* suspicatur *Lowerus*, quia alia desunt in quæ fermentum agat, & ventriculus vitulorum, qui totus fermentum, lac coagulat, in se nihil operatur, nisi in proprio hæreat corpore.

Cor igitur princeps est sanguificationis organum, quod olim variis & veterum auctoritatibus & rationibus probavit *Aristoteles*, quem hic defendunt *Hofmannus* & *Lindanus*, pluribusque *Comringius*. Certe nulla pars præter Cor huic muneri apta, quia 1. omnem per thoracicum lacteum accipit sanguinis coquendi materiam. 2. Cavitatem ad id sufficientem habet, & reliqua requisita jamjam recensenda. 3. Hepar prorsus ea dignitate excidit, cum inventis lacteis thoracicis, & Vasis nostris Lymphaticis, nihil chyli ad illud immediate ferri observetur. Hinc funeratum est per nos tot editis libris. Et cordis triumphum scripsit *G. Segerus*. 4. Hepate, liene aliisque visceribus corruptis vel obstructis sanguis tamen, integro corde, observatus fuit laudabilis confectus. 5. At læso corde, quanquam cætera bene se habuerint,

Cor esse
princeps
organum.

rint, sanguificatio læsa fuit in hydropicis. 6. In conceptu primo cor primum conspicitur, antequam vel sanguis, vel alia viscera. Quod contra Achilleum *Harveji* argumentum notandum. Punctum enim illud micans, cor est, ante quod nullus sanguis apparet, nec apparere debet. Conjungit ea *Harvejus* alibi, sed disjungenda, quippe prior est vesicula, quam ruber sanguis, qui ab illa dependet. Unde telum hoc declinans *Lowerus*, sanguinem ante viscera formata existere *Harveo* consentit saltem de Hepate & Liene, quæ vulgo sanguificare perhibentur. 7. Tam sollicita est natura de hoc organo, ut in monstris si deficiat, ventriculos cordis aliis partibus, ut hepati, appendat, quales erant vesiculæ pulsantes in monstro Medioburgico, quod descripsit *Everardus*, ut etiam extra situm suum Cor munere hoc sanguinis conficiendi defungatur. 8. In adulto per cor omnis sanguis transit.

Cor duplicem sanguinem perficit, *hepaticum & venosum*. *Hepaticus* duplex, unus venæ portæ, alter ex chylo nuper in corde confectus; in hepate depuratus & percolatus, perque circulationem ad cor reducendus. *Venosus* pariter duplex, ex venæ cavæ trunco descendente & adscendente. *Hepaticum* per cavam accipit, cui se alter jungit ex trunco infero & supero, qui à nutritione partium superfluous, longo itinere defæcatus torpet, caloremque pulsui & nutritioni necessarium deposuit.

Consummationem hanc sanguinis confirmat, quod sanguis non prorsus eadem consistentia & calore ex sinistro ventriculo egrediatur, qui dextrum intraverat. Diversitas in calore consistit copiaque *spirituum*, quibus egrediens donatur, ingrediens caret; & effectu, hic ad nutritionem ineptus, ille aptissimus. Spiritus vitales ab insita vi cordis adduntur, adimuntur brevissima illa coctione fuligines per pulmones & pericardium evacuatæ.

Pro quibus partibus sanguinem conficit & renovat?

Antiqui pro pulmonum nutritione tantum crediderunt conficere. Sed majora sunt vasa pulmonaria quam pro pulmonibus nutriendis, plusque sanguini continuo dextri ventriculi pulsu illuc expellitur, quam cedere posset in commodum pulmonum, siquidem omni eo nutrentur, quod tori corpori est sufficiens. Nec omnem in pulmonum substantiam consumi, recurrens sanguis est documento, qui per arteriam venosam versus pulmones in ligaturis vivorum intumescens, magna copia continuo pulsu ad sinistram ventriculi decurrit. Ad dextrum enim clausis valvulis mitralibus, nulla remeandi via patet.

Dexter

Dexter igitur ventriculus circa sanguinem occupatur ad pulmones, sive ad refrigerium cocti liquoris, sive ad excretionem fuliginum in coctione congestarum, mittendum, sicut aliis vasculis nuper cocta cerevisia effunditur; sinister sanguinem refluum, à calidioribus fuliginibus expurgatum, & aëre, quo fluxilis redditur ex sententia *Helmontii* & *Backii*, vel ex quo vitalis spiritus generatur, ut credit *Platerus*, in pulmonibus imprægnatum, pro totius corporis nutritione perficit. Nam arteriosus solus nutrit, quia solus idoneus, solusque per arterias ad partes extremas pellitur.

Ad perficiendum hunc sanguinem plura concurrunt. *Quæ ad perficiendum sanguinem requiruntur?*
 1. *Calor*, qui torpet partim in crudiore hepatis, partim in totius sanguine recurrente. 2. *Spiritus vitalis*, omnium confessione admiscendus. 3. *Lumen spirituum* comes, quo color redditur illustrior, movetur, & nutritioni aptatur. 4. *Coctio* quædam levis & momentanea, crudiores partes edulcorans, attenuans & flammam latentem eliciens. 5. *Tota cordis fabrica interior & exterior, & vasa tam recipientia quam expellentia.* 6. *Excrementorum separatio*, quanquam receptaculis non ita manifestis. *Fuligines* dextri per venam arteriosam evaporant. *Vapores* utriusque ventriculi in aquam pericardii densantur, & in pilos subalares evacuantur. *Reliqua* permixta sanguini manent, & in arterias deferuntur, expurganturque serosa per arterias emulgentes ad renes, & per sudores ad habitum corporis, crassiora per arterias hæmorrhoidales & mesentericum ramum. *Quædam* redeunt per venas cum sanguine ad cor, ut repetitis vicibus edomentur.

Lympha quoque huc accedit tam ex artubus quam lacteo *Lympha*. thoracico. Ex axillari enim cum sanguine refluco in-fundi, duplici experimento didicimus. 1. *Ligatura*. Vinculo enim in artubus anterioribus constricta vasa lymphatica versus axillarem venam & cor ipsum flaccida apparuerunt, at versus extrema artuum conspicuo tumore eminebant. 2. *Folle*. Aperto ramo lymphatico fistulam immisimus, & adactis oris spiritu dictum factum axillaris cum corde appenso leviter movebatur. Ex lacteo thoracico *lympa* per lymphatica vasa eo derivata, profunditur, & cum chylo & quovis alio tempore, quo *lympa* hac resplendet.

Ufus lymphæ ad cor delatæ, vel cor spectat, vel chylum *Ejus usus*. sanguinemve, vel lympham ipsam. 1. *Cordis calorem* temperat & siccitatem perpetui mobilis. 2. *Chylum* sanguinemque fluidum reddit, imo ad constituendum sanguinem cum chylo concurrat. Latet enim & in lymphæ nutritionem

quid : nam in gelatinam condensatur igni exposita. 3. Circulatur ideo cum reliquo sanguine lymphæ, ut velut crebra destillatione utiles portiones separentur, inutile vero serum ad renes vel corporis habitum excludatur.

In quo ventriculo perficitur?

An in dextro & sinistro ventriculo æque perficitur?

Quamquam utriusque calor videatur æqualis, quia in homine uterque à spirituofo semine effectus, tantumque dextro ventriculo suppeditetur à sanguine hepatico & recurrente venoso, quantum sinistro per pulmones; præterea in sectione viva major alterutrius vix sentitur calor :

Tamen in sinistro majorem perfectionem induci, hæc indicia persuadent, quia 1. A pulmonibus nonnihil præparatum accipit. 2. Pro toto debet perficere, dexter tantum pro pulmonibus. 3. Crassiores habet parietes, compactiores carneas columnas, quibus & calor facilius condiditur, reverberatur & sanguis fortius impellitur. 4. Frequentius à calore ibi grumescit sanguis, cartilaginosa & ossa apparent calore exsiccata. 5. Læso sinistro majus vitæ imminet periculum. 6. Multa animalia dextro carent. 7. In morientibus citius moritur & moveri desinit, quam dexter. 8. Angustior hujus est cavitas, unde facilius contenta conservat & perficit. 9. Non tam heterogeneus est sanguis, quam in dextro. Quia in dextrum confluit eum sanguine recurrente chylus & lymphæ.

Locum exacte definire nequimus. Universa cavitas est, parenchymatis virtute irrigata, quia sanguis totam implet in diastole, insitusque spiritus ubique diffusus. Nec ullam indicium comparer ullius moræ totius sanguinis magis in una parte quam alia, nec virtutis peculiaris alicujus particula.

Tempus. Momento perficitur, quia

1. Continuo recipitur & expellitur, nec moram trahit.
2. Ex mora sequeretur sanguinis adustio, non perfectio.
3. Flamma elychnii aliam nictu oculi accendit.
4. Continuus est sanguinis arteriosi ad extrema prolapsus, debet igitur continuo & subito in Corde perfici.

IV. Usus cordis est perpetuo *Moveri*, 1. ut à putredine conservet sanguinem, singulasque partes. 2. sanguinis calorem & elaborationem juvet. 3. Lumen vitale accendat & suscitet. 4. singulis partibus aptum nutrimentum mittat.

Pulsus quid?

Is motus cordis PULSUS dicitur, qui continuus est, nunquam cessans, à sanguine influente & facultate pulsifica ibi residente concitatus.

Con-

Constat ex *Systole*, *Diastole*, & *Perisystole*. Quæ diligentius Eius par-
per causas omnes sunt exponenda, prout *avtoribus* vivorum tes.
& Ratio dictabit.

Systole, motus proprius cordis & naturalis, est contractio
cordis & tensio in angustum, ut sanguis è dextro ventriculo
per venam arterialem in pulmones effundatur, & ex sinistro
per aortam in universum corpus.

Diastole, accidentarius motus, est dilatatio cordis, ut hau-
riatur sanguis per venam cavam in dextrum ventriculum.
& per arteriam venosam in sinistrum. Non tam proprius
est cordis motus, quam *systole*, quia passio potius est quam
actio. Nulla, inquit *Riolanus*, potest esse *systole* cordis nisi
præcesserit *diastole*. At privatio præcedere solet formam in
Peripatto. Et antequam per *diastolen* dilataretur in fœtu
cor, compressio fuerat seu *systole* quiescentis cordis.

Perisystole est inter utrumque motum quies & morula
quædam, quando sanguis ingressurus est ventriculos vel
egressurus, adeo exigua in sanis, ut distingui non possit, in
moribundis satis manifesta. Unica est, inter *systolen* & *dia-*
stolen, vel versa vice inter *diastolen* & *systolen*. Naturalis
hic status est cordis.

Præter hos motus duo alii observantur.

1. Undatio quædam & lateralis inclinatio secundum du-
ctum ventriculi dextri, quasi leviter sese contorquentis, sic-
ut in equo potante, de quo *Harveus*. 2. Tremulus motus
cordis discissi. Ille ex dextri ventriculi situ dependet, hic
cordi præter naturam, non à corpusculis aliis per corona-
riam immisissum discissam, sed à reliquis spirituum vi-
taliū.

In *Diastole* quavis recipi sanguinem copiose, & in quavis *Cor in dia-*
Systole expelli copiose tam in venam arteriosam, quam aor- *stole recipit*
tam, oculorum testimonio docemur. *sanguinem.*

3. Ligaturâ in vivis dissectionibus. Si ligentur, vel digito
aliove instrumento comprimantur utrinque cava & aorta
cum vasis pulmonariis, videmus manifeste cavæ partem
cordi insertam inaniri & evacuari, quod in *diastole* auriculæ
ea impleatur, exindeque cor; alteram vero partem venæ ad-
scendentis & descendens eis ligaturam tumere. Pari modo
arteria venosa vinculo prope cor intercepta, à *diastole* atri-
culæ sinistræ infanitur & depletur citra ligaturam; qua cor
respicit, versus pulmones vero in tumorem attollitur. Con-
traria ratione se ostendunt arteriosa cordis vasa: Vena arte-
riosa vinculo constricta intumescit versus cor, quia à *systole*
dextri ventriculi impletur; arteria magna à *systole* sinistri,

FIGURARUM EXPLICATIO.

Cordis Systolen in vivo animali quadantenus exprimit, & Circulationem.

FIG. I.

- AA. Pulmones retracti.
 B. Arteria aorta ligata, & versus cor intumescens.
 C. Vulnus tumida parti insitum.
 D. Vena arteriosa ligata, pari modo versus cor tumida, flavescent qua pulmones respicit.
 ee, Auricule utriusque lateris.
 FF. Cordis anterior facies in Systole duriuscula, tensa & lateribus extensis, mucrone ad basin retracto.
 gg. Vasa coronaria.

FIG. II.




Cordis in Diastole formam exhibet, & humorum in valis ejus motum.

- aa. Arteria venosa circa ligaturam versus pulmones impleta, versus cor inanis.
 b. Auricula sinistra, quæ recipit ab arteria venosa sanguinem.
 C. Vena cava vinculo constricta, & tenuis juxta cor, versus hepatis tumida.
 d. Auricula dextra turgens.
 E. Cor in diastole sua flaccidum postica parte representatum.
 ff. Pulmonum posterior pars gibba.

FIG. III. & IV.

Auricularum cordis interiorum faciem representat, & Figura quidem 3. auriculam sinistram. 4. dextram innuit.

- aaaa. 3. 4. Membrana auriculæ plana.
 bb. 3. Arteria venosa orificium. 4. Vena cava orificium.
 cccc. 3. Valvule tricuspidæ septenariis fibris, in 4. eadem quinque constantes.
 dddd. Carneæ columnæ majores.
 eeee. Carneæ columnæ minores invicem miro artificio contextæ.
 ffff. Foveæ multiplices inter columnas efformatæ.



inter cor & ligaturam turgēt.

2. Præter ligaturam apertis vel læsis vasis idem colligimus. Scalpello vulnerata vena arteriosa & aorta arteria, singulis systolis cordis seu elevationibus & contractionibus, copiosum sanguinem profundit, quamdiu cor vegetum fuerit, languidum enim aliquot pulsus intermittit antequam quidquam effundat. Nihil tale observamus si cava aut arteria venosa inter cor & vinculum aperiatur.

3. Abscisso mucrone vivi cordis, vel per medium dissecto corde, in contractionibus singulis profluit sanguis, donec cor sanum vel validum, quod sæpe, præeunte *Harvejo*, apud *Waleum* vidimus.

4. Tumor cordis & ejusdem flacciditas externo sensu palpabilis & visibilis, satis demonstrant, quum angustius redditur in systole, necessario aliquid quasi vi exprimi, dilatatum vero in diastole repleri humiditatibus.

5. Ventriculi in diastole apparent majores, minores in systole.

6. Ex vasorum cordis amplitudine: Vena cava & arteria venosa majori osculo diducuntur & in cor se aperiunt, quam ut parum ingredi permittant. Arterialis vena & aorta ampliores quoque sunt, quam vel nihil, vel spiritum tantum emittant.

*Quantitas
sanguinis
in corpore.*

Quantitas sanguinis implentis cor in diastole, & exeuntis per systolen singulis pulsationibus, exacte mensurari non potest; quia variat pro vario cordis statu, animaliumque temperamento, ætate, sexu, victu, &c. Multum recipi & expelli ex sectionibus vivis ad oculum patet, sed ea copia non peragitur in sanis, ubi cor quietius sui que juris. *Veteres* guttulam unam vel alteram sufficere arbitrabantur, libereque meare sanguinem & iisdem viis remeare. Sed gutta una non mutata, implendo cordi est inidonea, nec ad pulsum incitat, ut taceam supra allatis exprimentis copiam adstrui. Liberum autem sanguinis itum & reditum valvula impediunt, quarum tricuspidēs in Cor missum sanguinem non sinunt refluerē, mitrales vero semel egressum ex corde impediunt eadem via recurrere.

Recentiores in diversas partes iverunt. Aliqui guttulam unam vel alteram vel rarefcere fingunt ut Cor impleat, inter quos *Cartesius*, vel in spiritum converti, ut *Riolanus*, *Primirofius*, *Lichnerus* alique, qui per grana metiuntur, quibus in *Causis* satisfaciemus: Alii circularis motus patroni & fautores, *Harvejus*, *Waleus*, *Conringius*, *Slegelius*, *Rolfinckius*, &c. per uncias, drachmas, scrupulos calculum ponunt.

Res

Res ut clarior evadat, tria consideranda. 1. Quantum contineatur sanguinis in diastole cordis. 2. Quantum expellatur in systole ex corde, an omne quod ingressum est cor in diastole, sequenti systole expellatur. 3. Quot pulsationes cor edat una hora, seu quoties per diastolen recipiat aliquid cor, & per systolen expellat horulæ spacio.

1. In corde *Diastolen* patiente, ultra uncias duas sanguinis invenit *Harvejus*. *Plempius* quoque in strangulati sinistro ventriculo fere duas uncias reperit. *Riolanus* vix semunciam concedit in strangulati sinistro, majorem autem in dextro esse copiam. *Hogelandius* dimidiam quoque unciam singulis auriculæ aperturis infundit, vel ad minimum drachmam unam.

Totius autem sanguinis in corpore contenti mensura raro xxiv. libras excedit, aut minor est libris xv. in sano statu ut plurimum. In serosis sanguis abundantior, calidis siccisque parciore. In splenetico semel libras xvi. per vomitum sine noxa vidi excretas. Ex naribus *Fr. Ursi* spacio trium dierum xlviij. fere libras effluxisse notat *Andr. Argolus*. *Veronæ* novit monialem *Wilb. Wormius* noster, cui 28. annorum decursu per sectam venam & cucurbitulas libræ sanguinis 406. fuerunt extractæ. *Rosinckius* xxx. libris totam massam sanguinis æstimat.

2. In *Systole* expellitur pars vel quarta, vel quinta, vel sexta, vel minimum octava, vel tota omnino.

In homine supponit unciam mediam *Harvejus*, vel drachmas tres, vel drachmam unam, in ove & cane scrupulum unum ponit. Idem probat ex subita illa effusione omnis sanguinis, si vel minima fuerit arteria dissecata, & cum unius semihoræ spacio possit per cor omnis sanguis trajeci, certo concludit, qualibet systole cordis multum sanguinis expelli. Consentit huic computo *Conringius*. *Malæus* semunciam admittit, sed fingit tantum scrupulum unum, ut & *Slegelius*. *Higbmorus* quantum auriculæ capacitas continere valet. *Charleton* tres dragmas. In corde canino inciso sæpius semunciam, interdum duas tresve drachmas observavit *Regius*. *Hogelandius* drachmæ uni acquiescit. Parciore ego, scrupulum semis pono in sanis, minima proportionem ad copiam in vulneratis exeuntem. Non enim tantum egreditur in sano, quantum in ligato & coacto corde; nec tantum sequenti systole expellitur quantum diastole hauserat, hæret aliquid in foveis cordis, hæret multum in sinu à productione valvularum tricuspdatum efformato, & quasi à ventriculis distincto; denique non potest adeo arcte constringi

cor in systole, ut omnem plane sanguinem extrudat. Igitur recte *Conringius* unius alteriusve pulsus momento ibi commorari suspicatur, donec sensum sursum tendat, quod de reliquiis accipio & parte sanguinis, non toto per diastolen præcedentem recepto.

4. Pulsationes cordis una hora *Primrosius* numerat 700, *Riolanus* 2000, *Waleus* & *Regius* 3000, *Harvejus* 2000, in aliquibus 4000, 6000, 8000. *Cardanus* 4000, *Plempius* 4450, *Slegelius* 4876, *Rosfinckius* 4420. Ego in meo carpo numeravi 4400 circiter. Sed variat pro cuiusque ætate, temperamento, diætâ, &c. systoles igitur tot erunt una hora & totidem diastoles, quamdiu vegetum cor, languidum enim plures habet diastoles, quam systoles.

Ex tribus illis Præmissis colligimus, quantum sanguinis una hora diversis micationibus cordis expellatur.

Ex 3j, 3000	} repetito, exsurgunt	lb x. 3v.
3j, 4000		lb xiii. 3x. 3v. 3j.
3j, 4450		lb xv. 35. 3iiij. 3j.
3ß, 4400		lb vii. 37. 3v. 3j.
3j, 2000		lb xx. 3io.
3ij, 2000		lb xli. 38.
3ß, 2000		lb lxxxiii. 34.
3j, 2000		lb clxvi. 3viii.

Universum hunc computum ex nobis repetit *Charleton*, laudantque alii passim.

Posita autem universi sanguinis in corpore contenti mensura ad libras xv. si ille dematur qui partibus in nutrimentum apponitur, cujus defectum novus in hepate vel corde generatus sanguis supplet, sequitur 1. Plus singulis horis per cor transire, quam suppeditari possit à coctione ventriculi per lacteas venas & lymphaticas. 2. Omnem corporis sanguinem vel intra horæ quadrantem, vel semihoram, vel horam, vel sesquihoram, vel ad summam intra duas horas cor permeare. Nam semel bisve in die tantum circulari *Riolano* non concedimus, quia falsa suppositione de guttulis nititur, dimidiumque tantum sanguinis circulari. 3. Partes nutriendas tanto non indigere sanguine ad nutritionem. 4. Quia nec rumpuntur vasa, nec remeare sanguis arteriosus propter valvulas potest; nec alibi dissipatur, necessario recurrit per venas ad cor, dabiturque *Circulatio*, de qua plura libb. de *Venis* & *Arteriis*.

Forma cor. Forma cordis in Systole & Diastole qualis sit, tribus indicis

diciis discernitur. 1. ex sectione vivorum animalium. 2. motus & quietis commoditate. 3. Ductu fibrarum & situ partium.

In *Systole* 1. Mucro cordis accedit ad basin, fitque elatior, quia expulsionem vacat, longitudine in latum versa, quia basis immobilis respectu coni nullis vasibus adstricti. In iis vero animalibus quorum arteria aorta non ex basi egreditur, à mucrone recedit basis, observante *Walæo*. Ad mucronem semper basin accedere *Riolani* est placitum, quia durior conus quam ut possit revelli vel replicari. At alibi basin forti nexu vasibus adnatam negat aptam quæ ad conum reducat. Unde alii, quos sequitur *idem* & *Slegelius*, in longum extendi putant, ut contractis parietibus expellat. Sed tum orificia vasorum deorsum detracta in longo corde clauderentur, motusque fieret contrarius, præterquam quod abbreviari in longitudine sectio viva doceat. Nec longiusculum apparet, si vel conus accedat ad basin, vel basis ad conum, sed brevius. Expulsionis commoditatem utraque forma juvat, sive enim repletum utrem premas in longum, sive latum, pari promptitudine & hic & ibi aquam exprimes.

2. Parietes interiores versus costas utrinque ad se adducuntur propius, quia constringuntur & angustantur ut immisso digito experimur: Exteriores autem tumidi in latitudinem ampliari videntur à contractis partibus omnibus in tensione inflatis. Differt igitur à *Systole* Galenica, quam *Leichnerus* urget in se quoque retrahi, longitudine in latitudinem absumpta. Nam vere *Diastrale* est, quando latius redditur cor sive in longum sive latum, ut impleatur, nisi interiores partes constringantur.

3. Anterior cordis facies versus sternum attollitur, præcipue circa basin. Nam pectus basis ferit ubi pulsus sentitur, quia illa pars sublata est, sternoque vicinior, in *systole* vigoratur cor, non *diastole*, tumque dilatantur arteriæ & implentur, dum depletur in *Systole* cor, eodemque tempore pulsus in carpo & pectore simul sentiuntur. Maxime autem in sinistro latere pectoris sentitur pulsus, quia ibidem aortæ orificium.

4. Totum cor fit undique tensum & durum.

5. Contractius & angustius interiori loco, moleque minus, quod visu & tactu dijudicamus.

6. Album apparet, præsertim in animalibus imperfectioribus, ob sanguinis in *Systole* expulsionem.

In *Perisystole*, ubi cor laxum & molle antequam *Diastrale* sequatur, estque instatu proprio cor.

1. Mucro recedit à basi, basisque à mucrone in quibusdam.

2. Laterales partes interiores exterioresque se versus costas extendunt.

3. Anterior facies concidit, posterior deprimitur, maxime superiori loco ad aortæ orificium, ex accurata annotatione *Walei*.

Perisystole altera præcedens *Systolen*, difficultet à *Diaſtole* ullis notis discernitur.

Cordis forma in diastole. In *Diaſtole*, quam in media ad dilatationem via incipere tradit *Backius*, & in media ad contractionem desinere.

1. Latus superius à sanguine utrimque per vasa venosa illabente attollitur & tumet, sensim ad mucronem progrediente tumore. Non tamen tum pectus ferit, ut voluit cum *Rosello Laurentius*, quia arteriæ *systolen* patiuntur, & ab expulsionē cor cessat, quare nec vigoratur.

2. Flaccidius est & mollius, quia, recipiendo sanguinem, patitur.

3. Latera tenuiora & extensa, cavitatesque ampliores manent, unde nulla immisso digito in cor vivum constrictio sentitur.

4. Rubet ob parietum tenuitatem, & receptum sanguinem transparentem.

5. Conus recedens in *perisystole* à basi, longiusculum reddit cor, ut capacius sit recipiendo sanguini. Versus comunem revelli, ut scribunt multi, *autopsia* non admittit, nec fieri aut potest aut debet. Non potest, quia laxantur fibræ, non constringuntur; nec debet, quia ampliandum est ut recipiat, quod constrictis ventriculis revulsisque frustra expectaveris. Nec assentior *Cartesio* & *Regio* Viris subtilissimis, in *diastole* mucronem accedere ad basin, in *systole* recedere; nam confundunt *perisystolen* seu quietem, in qua molle est cor, laxum & sanguine privum, antequam *Diaſtole* sit perfecta finita *Systole*. Præterea in *Diaſtole* expelli sanguinem læso corde vivo qui viderunt, deceptos credit *Waleus*, quod dilatationem eam esse existimaverint, quæ revera est constrictio. Ex vulnere emergens cruor, in *Diaſtole* non pulsu incitatus exit, sed quia patet deorsum via, placide labitur stillatque.

Per fibras ea demonstrat *Stenonius*, ex suis de musculoſo corde principiis, quæ nos & ligatura & dissectione & tactu & ratione probavimus. De motu igitur cordis, ita ille: Cum fibræ cordis breviores sunt, quia circa basin principium earum est, & finis, conus necessario attollitur; quia à basi sinistrorsum

strorsum ad conum descendunt fibræ, contrario conus modo adscendit; quia in dextro interius à septo descendentes oblique posteriora versus per exteriorem superficiem adscendunt, *fundum* dextri tantillum elevant versus basin, adeoque & brevius fit cor, & in dextro latere rotundius; quia vero & breviores fiunt & crassiores, *angustiores* etiam evadent ventriculorum cavitates, in systole scilicet, non diastole.

Efficiens causa motus Cordis vel est Proxima vel Remota.

Proxima duplex, sanguis & facultas pulsifica.

Sanguis vel talis manet quantitate qualis influxit, vel immutatur ebulliens, effervescens, vel rarescens.

Efficiens causa motus cordis proxima.

1. Sanguis *pius*, verus, influens per vernam cavam & arteriam venosam, talisque permanens, nisi quatenus perficitur & vitalis redditur, instar aquæ in utre, cor in tumorem agit, quo maxima sui parte distento, quia molesta est copia, ad expellendam eam collectis fibris insurgit; acceditque ut reliquorum membrorum motus, ventriculi, intestinorum, vesicæ, uteri, quæ extenduntur ab immixtis chylo, sero, flatibus, sanguine, &c. quibus expulsis confident; & musculorum instar qui tenduntur animali spiritu turgidi. Ab hoc sanguine continuo movetur cor, instar rotæ molendariæ, perpetuo aquarum insultu agitatur, quo intercepto cessat. Copia sufficiens est ut distendat, non tam à lacteo thoracico suppediatante, quam ab utroque ramo cavæ ascendente & descendente ab extremis venulis, ab hepate, à capite recurrens, pelliturque ea continuo, celeriter & vehementer ex demonstrationibus & doctrina *Harveji & Walai*. Unico experimento fidem assertioni facio, si vinculo intercipientur vasa cordis adferentia, motus cordis desinit, reliquisque erit uandulans tantum motus & palpitatio, soluta ligatura motum recipit. Recentiores curiosi novo experimento nos confirmant. Impedito enim cordis motu vel senio vel morbo altio, calentem sanguinem ex animalibus extractum, vel alium liquorem cordi amicum per apertam brachii venam syringa immittunt, ut cum sanguine ad cor resuo cordi suppetias ferat; ejusque motum redintegret.

2. Sanguinem non purum, nec ea quantitate ut solus distendat, sed *ebullientem* pro causa induxit *Aristoteles*, quam *Alexander* sequuti sunt complures, diverso tamen modo explicatam. C. *Cremoninus* à cordis renitentia & ob ebullitionem tumore deducit, qui deinde gravitate insita cordis concidit, sicut flatus à repletione, qua fiunt, sponte subsident, & terræ motus à repletionem & inflationem, propria gravitate terræ sistitur. C. *Hofmannus* ad inæqualitatem ebullientis sanguinis

nis confugit, non dissimilis aquæ, quæ ad ignem posita, secundum quasdam partes adscendit, secundum quasdam descendit.

Subtilius per *ἀρίων* interpretantur alii. *Primrosius* sanguinem arteriosum non minus quam lac, quam mel alliaque plurima intumescere maxime, quum ferme nil nisi spiritus sit & quasi aura quædam. *Leichnerus* ex uno sanguinis idonei grano insignem balsami cordialis copiam nasci: quemadmodum ex uno grano gummi odoriferi prunis injecto, totum conclave odore repletur.

Sed non pauca difficultates obstant.

1. Ebullitio nulla per se æqualis, at pulsus subinde inæqualis.

2. Pulsus foret major, quo major esset ebullitio. At in febribus ardentibus sanguinis effervescencia est maxima, ob maximum æstuantem calorem & cruorem varium, exilis tamen ibi pulsus, & in putridis initio semper parvus teste *Galeno*.

3. In sectione vivorum, si vel cordi vulnus infligas vel arteriis cordi vicinis, sanguis purus copiose exsilit, non spumescens, non ebulliens, non aërescens, talisque permanet, qualis extractus fuit. Momento autem temporis nec in corde possit ebullire, nec ebulliens deservescere. Imo si in vasis duobus colligas venosum ex cava prope cor, & arteriosum ex aorta juxta exortum, nec initio nec interposita mora differentiam invenies. Mecum testantur *Harvejus*, *Wallens*, & quotquot periculum fecerunt.

4. In spiritum purum converti totus à corde nec potest, nec debet. Non illud, quia tantus calor non est cordi sano, nec exceptus ex arteriis sanguis magna vi ignis substrata totus extenuatur, observante *Conringio*. Nec hoc, quia spirituosæ mere non sunt partes, quarum nutritioni destinatur.

5. Ebullitionem immersio in frigidum deprimeret. At ligatum brachium stricte donec tumeat rubescatque, si profundatur in aquam gelidissimam vel nivem, solvaturque ligatura, senties, indicio *Harveji*, revertentem ad cor sanguinem quantum refrigeret.

Cartesii opinio.

Subtilissimus *Renatus des Cartes*, eumque sequuti pari laude *Corn. Hogelandius* & *Hem. Regius*, motum cordis à *arescente* sanguinis una vel altera gutta perfici, alio modo demonstrat: Quando cordis ventriculi sanguine non sunt distenti, necessario duæ satis magnæ guttæ, una è cava in dextrum sinum, altera ex venosa arteria in sinistrum incidunt, quia

quia duo illa vasa semper plena sunt, & ora eorundem cot respicientia aperta sunt, quæ guttæ propter suam ad dilatandum aptitudinem, cordisque calorem, & reliquias sanguinis sibi ardentes, mox accenduntur & rarefactione dilatantur, à qua valvulæ, per quas guttæ sunt ingressæ, clauduntur & cor distenditur. Sed quoniam ob angustiam sinuum sanguis magis magisque rarefscens, illic hæere non potest, ideo eodem temporis momento, in dextro ventriculo tres valvulas venæ arteriosæ intus foras spectantes aperit, & à calore agitatus per venam arteriosam erumpit, eamque cum omnibus suis ramis distendendo sanguinemque contentum propellendo, *pulsare* facit: In sinistro vero sinu tres valvulas arteriæ magnæ intus foras spectantes pandit, per easque in arteriam magnam erumpit, quam dilatat, & sanguinem proximum prioribus pulsibus calefactum & expulsum in reliquas totius corporis arterias propellit, ut eo distendantur. Atque ita *Diaſtolen* fieri arbitrantur. *Systolen* vero quia expulso è cordis ventriculis sanguine, cor ex parte evacuetur, & ipse sanguis in arteriis refrigeratur, cor necessario & arteriæ detumescunt, ubi rursus duabus guttis datur via, ut reperatur *Diaſtole*.

Nos levem rarefactionem à miti calore non audemus excludere, qualem in Venæ sectione observamus, eamque subinde præter naturam augeri concedimus, sed in tantam molem guttulas aliquot rarefieri ut motus cordis causa sint, illasque in arteriis refrigerari, multa, præter ea superius ebullitioni opposita, dissuadent.

1. Vivæ sectiones, in quibus nec læso corde nec arteriis guttatim aut rarefactus sanguis effluit, sed purus, qualem auricula protruserat.

2. Cor ipsum in partes dissectum vel punctum sine ulla rarefactione sanguinis, qui nullus adest, pulsare conspicitur.

3. In validis canibus discisso mucrone cordis observavit *Walæus*, quum ob effluxum sanguinis dimidia parte non repleteretur, id erectum, nec tamen à rarefactione repletum fuisse, sed accedente constrictione, portionem illam sanguinis quæ in corde erat reliqua, ultra quatuor pedes fuisse ejectam. Externum frigus æris, in causæ subsidium advocare, frustraneum: Nam momento uno non defervescit in corde sanguis, vegeto ejus adhuc calore, quemadmodum olla culinaria remoto operculo non nisi interposita mora ebullire cessat.

4. Ex cordis valorumque structura idem eleganter evincit *Jac. Back*. Caro enim cordis musculosa firmior & validior

dior inepta est inflari & detumescere à nuda sanguinis rarefactione. Vehementior actio vastam hanc molem debet movere. Cordis arteriis majus quoque orificium conveniret, majusque spatium requireret rarefactus sanguis exiturus quam ingressurus.

5. Confusi orientur cordis & valvularum motus, ut advertit idem. Utriusque diastole eodem tempore peragere-tur, adeoque inutiles valvule; quorum utrumque experien-tiæ repugnat. Adhæc valvularum clausio & apertio in arte-riæ Systole fieret.

6. Refrigerari in arteriis, nec ratio permittit, nec *ai-to-psi-a*. Calidus ex arteriis extrahitur, nihil ab illo vel parum diffe-rens, qui sive in corde sive prope cor continetur. In arterio-lis quidem nullus advertitur pulsus, sed id exilitati vasorum imputandum, & pellentis cordis distantie. Nec debuit, quia capillaria vasa ingreditur, ut sanguine calido nutriat partes neutiquam refrigerato aut densato antequam in humores secundarios commutetur. Et quis rarefactionis est usus, si deserveseit statim?

7. Experimenta & rationes in contrarium à Doctissimis Vi-ris allatæ, ab anguilla & cane venatico, à contractione mem-brorum propter externum frigus, à palpitationibus; à spi-ritu vini pulsationem æmulante, à vehementi protrusione, &c. facile solvuntur, si consideres:

1. Motum quandam in emortuis fere cordibus restitui à calore suscitato, sicut in muscalis.

2. Vasorum à frigore constrictorum esse vitium, non sanguinis, si detumescant.

3. Palpitationes à copia sanguinis oriri, ut testantur exempla, mensium suppressio, & Venæsectio curans.

4. In cordē æqualem esse motum, diversum ab illo, qui sive à spiritu vini, sive aliunde accersitur.

5. Protrusionem à sanguine puro esse vehementiorem, si facultas concurrat, fibræque cordis uniantur.

6. In Perisystole esse cor, vel certe ei vicinū; quando in mucrone discisso nulla apparet dilatio: si in systole ad-huc perstet, dilatationem non sentiri antequam sequatur

*An facul-
tas pulsifica
admitten-
da?*

Diastole. *Facultas Pulsifica* cordi insita ad motum ejusdem cum sanguine necessario est conjungenda, sive ut sanguinis in-fluxum & exitum juvet dirigatque; inordinate alioquin procedentem, sicut ego explico; sive ut per se producat mo-tum, ex sententia antiquorum, qui conservari non potest, si sanguinis perpetuus fluxus inhibeatur. Necessariam cordi
esse

esse facultatem probo : 1. Pulsus foret inæqualis semper, quia influxus inæqualis, nisi à facultate dirigeretur. 2. Quando vehementius movetur sanguis in febribus calore urgente, & in moribundis ob extremum naturæ conatum, cordis tamen motus imbecillior, ut ex pulsu liquet, quia facultas insita vel deficit vel labefactata est. Versa vice, quanquam robusta sit hæc, cesset vero vel impediatur sanguinis influxus post hæmorrhagias nimias, vel ab obstructionibus vasorum sive in toto habitu, sive viis, sive prope cor, deficit motus. Unde utraq; causa, ut primaria, conjungenda. 3. Particulæ cordis quælibet exactæ ab hujus facultatis sive spiritus reliquiis pulsant. 4. Cor exemptum è corpore, aut dissectum in frusta, leviter compunctum acicula, pulsat statim, ut observavit *Waleus*. In Vipera motum cordis evulsi 20. horis perstare apud *Pictones* narrat *Fr. Ubbius*, qui tamen sub finem unicam singulis horis pulsationem edat, nisi sæpius admoto igne refocilletur. 5. Esset contra majestatem partis principis, ab alio se invito nihil conferente moveri, & impressionem violentam recipere, cum per se moveri possit fibris instructum ad constrictionem necessariis. Eisdem fibras & cor foetus seu ejus vesicula pulsans habet, quanquam suptiliores & non satis conspicuas.

Loco facultatis spirituum animalium in fibras cordis influxum substituit *Regius*, *Hogelandius* vero corpuscula sanguinis mota in parenchymate. Sed sciendum, 1. motum cordis esse naturalem, nobis etiam invitis & dormientibus perennem, non animale. 2. Spiritus non excludi, quorum ministerio utitur anima. 3. Sanguinis corpuscula exstillasse in disiectis omnia, quia coronaria dissecta: si aliæ illorum remanserint reliquæ, ad motum excitari non posse, sive punctura sola, sive calore fuscitato, nisi spiritus seu facultas admittatur, quæ extincta, quanquam loco vel calidissimo exponantur frustilla, nunquam palpitabunt. Non male tamen spiritus animales pro functione vitali æqualiter peragenda ad nervos cordis ferri scribit *Willisus*: observavit quippe in cane ligato vel resecto nervo sexti paris, cordis vigorem cessare & pulsum sensim deficere.

Inter Remotas causas est

1. Spiritus vitalis tam cordi insitus, quam adveniens, Remota cam calore in sectionibus vivis satis manifesto, totumque causæ morbi corpus calefaciente. Isque vel non lucens, qualem plerique eius cordis. voluerunt, vel lucens. Lucidum calorem cordis huc advocandum, multa indicia innuunt. 1. Elementorum motus est

est simplex, nunquam circularis, lux autem in orbem sequē humoresque volvit. 2. Cor cum sanguine celerius movetur à lumine, quod ictu oculi cuncta perstringit & illuminat. 3. Partibus singulis inest præter obscura elementorum principia, etiam lucida pars à semine propagata, quæ simili flamma à corde accensa debet conservari. 4. Apud *Hippocratem* astra pura & splendida in insonniis sanitatem significant. 5. Nullus humor, quanquam calidus, palpitatur aut agitur, nisi accensa flamma, ut in spiritu vini, candela, aliisque videmus. 6. In *Cicindelis* pars posterior, ubi cor, sola palpitatur splendetque, de quarum luce egimus *lib. 2. de luc. Animal. c. 11. 12.* Spiritum vitalem esse lucidum reapere, lumenque cordi sanguinique innatum ad circularem sanguinis motum conferre, ibidem *lib. 1. c. 5. 23.* demonstravimus. *Helmontius* consentit spiritum animatum in sinistro ventriculo à priori lumine luminosum, cordis esse motorem. Post *Caimum* aliosque antiquiores idem de flamma asserit *Entius*, ex semine in vesiculis prima cordis à calore incubantis excitata, primumque emicante quam pulmones suo funguntur munere. Errat tamen, quod in dilatatione externa petat, in constrictione interius tendat ad principium: Nam in Systole expellitur illuminans totum, tumque in corde arctiore vigoratur, quod in tubis opticis & speculis cavis est evidens. Addo in diastole ventriculi sinistri, accendere per systolen ex pulmonibus flammæ sufflamen.

De flammula cordis commentatur *Jac. Horstius*, eam ardere in sinistro ventriculo, suppeditato pabulo à pingui nervorum sanie. Potius à chylo pingui deducerem, qui etiam obstructis in Paralyfi nervorum viis per thoracicum lacteum vel lymphaticos ramos submittitur, in dextro ventriculo quidem accensus, sed per strobillum pulmonum suscitatus, in sinistro flammam concipit. *Willisius* ignem à sulphure in sanguine, flammam à fermento nitro-sulphureo derivat. Experimento id probat *Lowerus*: siquidem in vivo animali arteria persuasa, sanguis omniseductus per totum rutilat & quasi ignescit, è vena autem si pariter excipiat, cremor tantum superficietenus rutilat, reliqua præterea massa versus atram degenerante, velut prunam semiextinctam. *Cartesius* ignem non lucentem in parenchymatis contineri fingit, quo sanguis & spiritus agitati omnes functiones corporis peragant, quæ animæ sensitivæ alias adscribimus & vegetativæ.

1. Cordis & vasorum conformatio, excipiendo sanguini & ex-

& expellendo aptissima imprimis *fibræ cordis & carneæ columna*. Hæ non tam ab robur solum, quam motum cordis faciunt. Nam constrictis omnibus fibris majoribus & minoribus, in parietibus & septo circularibus *Harvejo*, veluti artificioso reticulo & pressa bursa expellitur contentum. In Systole tenduntur, remittuntur in Diastole. Minorum fibrarum ope, quibus caro intexitur, *languida* constrictio fit, ad *validiorem* vero majores illæ carneæ concurrunt in ventriculis contentæ, quod in dissecis vivis sæpe *Walaus* observavit.

3. *Pulsio cordis, sanguinis & partium extremarum*. A corde pulsio, quo cessante motus quoque cessat. Incipit autem à vena cava, continuaturque ab auricula dextra, mox à dextro sinu in venam arteriosam, vel si mucro rescindatur, extrorsum ab arteria venosa in auriculam sinistram, exinde in sinistram, ex quo in aortam constrictione manifesta pulsio sentitur in vivorum Anatome.

Pellunt, quia 1. copia molestus est sanguis. 2. Irritata quacunque vi externa commoventur. 3. Sanguis continuo suppeditatur. Nam sanguis sanguinem trudit pellitque, ut etiam exempto è corporibus corde motum sanguinis satis celerem in venis viderit *Walaus*. Non id tamen propria sanguinis ad movendum potentia, sed partim *partium extremarum* pulsione, quæ remittunt quod à nutritione superest tanquam onerosum & superfluum, partim spontanea *vasorum* sanguine repletorum contractione, quorum arteriæ in vivis versus cor ligatæ intumescunt, versus partes extremas inaniantur, venæ vero prope minimas & partes à quibus revehant instantur, concidunt qua cor spectant, ad quod pellunt: partim denique *musculorum* in carnosis & extimis partibus contractione & propulsione, ut advertit *Harvejus*.

4. *Attractio cordis & partium*, ne alimento destituantur utili sibi & sufficienti, quam in iis partibus secundum naturam observamus quæ nutriuntur, præter naturam autem in vulneribus, ulceribus, tumoribus, &c. Et fieri hæc facile potest, quia sanguis ubique dispersus attrahentibus cordi & partibus immediate affigitur, adjuvante pulsione cavæ & arteriarum.

CAP. VII.

DE CORDIS PARTIBUS
in Specie, Auriculis, Cavitatibus, Septo,
Vasis, & Valvulis.

PArtes cordis specialiter considerandæ, aut extrinsecus conspiciuntur, ut AURICULÆ; aut intrinsecus, ut VENTRICULI, seu cavitates duæ, SEPTUM distinguens, & VASACUM VALVULIS.

*Auricula
cordis cur
ita dicta?*

*Quid in o-
vo pulset
primum?*

AURICULÆ ita dictæ fuerunt non ob auditum, sed ob figuræ aliquam similitudinem: nam ex basi longa, desinunt in mucronem obtusum (sinistra tamen magis acuminata est) ex triangulo obtuso & cavitatem habent, ut sinus ante cor producantur Pulsans enim illa in ovo vesicula auriculæ sunt, quia in foetu illarum erat necessitas, non statim cordis, quod deinde vesiculæ adnascitur. Aliam rationem alii reddunt, quia auriculæ eundem pulsandi rhythmum servant, quem vesicula habebat. Sed id distinguere in prima generatione perdifficile. Alii vesiculam pro corde sumunt, cujus expansiones seu auriculæ conspiciuntur rubræ, quia pellucidæ, cor vero non conspici ob seminis copiam & pulsum intermissum. Suspico utrumque sub vesicula latere posse, sed ad usum auriculas trahi moverique statim. Inconveniens alioquin videretur, appendicem ipso corpore esse majorem. Nec cor nudum est parenchyma seu affusio sanguinis. Habet sinus, ex vesicula sine dubio productos.

Sunt vero AURICULÆ processus vel appendices, Hofmanno nil aliud quam substantia cordis attenuata & dilatata. Quod nescio an verum: dicerem potius vasorum vicinorum dilatatam substantiam videri, quanquam ex semine generetur primum ex vesicula, primumque moveatur & ultimo moriatur.

*Earum si-
tus.*

Numerus.

Sitæ ad cordis basin ante orificia vasorum venosorum, quibus cohererent, cordique mediate junguntur, utrinque una. Nam

Numero duæ sunt, quot nempe ventriculi cordis: dextra major, & sinistra minor. Utraque autem in embryone vastior. Illa venæ cavæ, cum qua commune quasi corpus constituere videtur, apposita est: hæc arteriæ venosæ.

Substantia auricularum est peculiaris, qualis nulla in alia parte, ob usum singularem. Sunt tamen tenues & molles ad faciliorem contractionem, nervosæ ad firmitatem. Sini-
stra

stra vero durior est, paulo carnosior & crassior, non ita tamen ut cor. Proportione autem quadam respondent cordis ventriculis.

Superficies externa in extensis & repletis equalis est & *Superficies* gibba, sed circumferentia inæqualis, in contractis rugosa; & in sinistra quidem magis rugosa quam in dextra, quia interior fabrica anfractuosior & pluribus foveis donata, nam

Interior auriculæ dissectæ & explicatæ ostendunt nobis 1. *plamiciem* quandam caroso-membraneam, ad valvularum tricuspideum extrema protensam, quibus fibræ valvularum annectuntur. 2. circa totam circumferentiam prodeunt carnosæ *columnæ*, primo majores incurvæ, ex quibus emergunt minores plurimæ mirabili & eleganti contextu, modo simplices, modo intortæ, majoribusque vel sibi implexæ: 3. Inter has columnas *foveæ* profundæ conspiciuntur, in sinistra plures, pauciores in dextra. 4. In medio utriusque auriculæ septo, *foraminula* multa invenit *Folius*, à me quoque visa, per quæ sanguinem in sinistrum ventriculum ferri arbitrat, cum minori opus est materia. Sed siquidem raro manifesta sunt, nec ad ventriculos penetrant, imo minora sunt, putarim potius poros esse multis communes, motui inservientes vel nutritioni partis.

Bottallus supra coronalem satis conspicuum repperit ductum juxta auriculam dextram, qui statim in sinistram auriculam recto tramite feratur. Hunc de ovali foramine explicat *Valeus*, vel ductu ex una auricula oblique ad aliam vadente, à se observato. Talem sæpe in bobus & capreolis vidi, at coronalis est vena, nec penetrat ad sinistram auriculam, sed in parenchyma cordis descendit.

Collor: in fœtu aliquot mensium rubent, à sanguine uber- *Color* rimo & purpureo, notante *Harvejo*. Idem in animalium fœtibus observavi, cor album & exsanguie, auriculas sanguine refertas & rubentes. In adultis fere obscuriores, quam cor ipsum, dum cessant, dum moventur variant successive colorem ut cor, nam motu pallent, quia expellunt sanguinem in contractionibus, quod in extremitatibus illarum maxime apparet, rursus ad ruborem redeunt in diastole recepto sanguine.

Motus sensu manifestus in vivorum Anatome, ab irrudente & replente sanguine quo in viventibus tument, & contractione per fibras carneas in se contractas, sanguinem in ventriculos extrudere conantes.

Tres sunt motus partes: *Systole*, *Diastole*, & intermedia *quies*, non nisi in moribundis distinguenda, sunt enim tanta

FIGURARUM EXPLICATIO.

FIG. I.

Cor per transversum dissectum exhibet.

- A. Basis cordis.
- B. Ejus mucro.
- C. Auricula dextra.
- D. Auricula sinistra.
- EE. Dextri ventriculi figura semilunaris.
- FF. Ventriculi sinistri cavitas.
- GG. Septum inter ventriculos medium.

FIG. II.

Venam cavam cum dextro ventriculo dissectam.

- A. Orificium vena coronaria.
- B. Vestigium anastomoseos inter venam cavam & pulmonalem.
- CCC. Valvula tricuspidis cum fibrillis quibus alligantur.
- D. Ventriculus per longum dissectus.

FIG. III.

- A. Dexter cordis ventriculus apertus.
- BBB. Valvula sigmoides in vena arteriosa conspicua.

FIG. IV.

- AA. Arteria venosa dissecta.
- B. Anastomosis inter arteriam venosam & venam cavam vestigium.
- CC. Valvulae duae mitrales.
- D. Ventriculus sinister apertus.

FIG. V.

- A. Arteria magna dessecta juxta cor.
- BB. Valvula in orificio arterie magna semilunares.

celeritate in sanis, ut confundi videantur, simulque peragi, sicut in bombarda uno ictu omnia explodi diceres, & in deglutitione, monente Harvejo.

Diaſtolen efficit receptus à vena cava & arteria venosa sanguis. Syſtole peragitur, quando repletæ auriculæ in ventriculos contractione sua eundem expellunt.

Utriusque auriculæ Diaſtole & Syſtole eodem tempore accidunt. Dextra quando diaſtolen patitur, eodem tempore patitur & sinistra; quando hæc constringitur in syſtole, expellit & illa. Sed Diaſtole cordis & auricularum diverso

tem-

II



III








Fig. I



V



IV



FIGURARUM EXPLICATIO.

Tabula hæc carneas Cordis papillas exhibet
ex Lowero.

FIG. I.

- aaa. Vena pulmonalis recte ante ingressum cordis explicatur.
- b. Auricula cordis sinistra.
- c. Foramen ovale per quod sanguis à vena cava recte ante sinistri ventriculi ostium influit.
- dd. Duæ membranule mitrales.
- ee. Carneæ columnæ in utroque ventriculi latere protuberantes.
- f. Basis cordis ubi sanguis à vena pulmonali in ventr. influit.
- g. Locus sub membranulis mitralibus ubi emittitur in aortam.
- h. Conus cordis.
- iiii. Fibre carneæ hinc inde per totum interioris ventriculi ambitum intertextæ.

FIG. II.

- aaa. Basis auriculæ ubi tendini cordis unitur.
- bbb. Tendinosus circulus quæ à vena cava distinguitur.
- cccc. Fibre carneæ hinc inde in diversos tendines delatæ cum fibrillis intermediis quasi in plumam efformatæ.
- d. Vena magna coronaria.
- ee. Vena aliæ minores sanguini à corde referendo constitutæ.
- f. Pars auriculæ superior.

tempore evenit, ut & systole utriusque. Systole auricularum cum diastole ventriculorum simul concurrit, & versa vice, semperque illarum constrictio horum diastolen præcedit, tam in sanis quam morti vicinis. Sed diuturnior est illarum motus quam horum. Sinistro ventriculo deficiente pulsatur adhuc auricula sinistra, quæ extincta, reliquus est in dextro sinu motus, eoque cessante, pergit palpitare auricula dextra quæ ultimo moritur, nisi quod illa quiescente tremulus quidam motus in sanguine influente adhuc perseveret à pulsione partium extremarum.

Ufus.

I. Esse cordis promptuaria: recipiunt enim primo sanguinem & aërem; ne subito in cor irruant, unde cordis læsio & animalis suffocatio. Hinc vasis cordis in fundentibus tantum apponuntur, non effluentibus arteriis.

II. Va-

fig. 1





fig. 2



II. Vasa, quibus apponuntur, tutari.

III. Hippocrati esse cordi loco flabelli & refrigeratorii.

IV. *Waleo* esse loco mensuræ, qua cordi admetitur sanguinem vena cava & arteria venosa, nam cum singulis pulsibus omnis exire sanguis non deberet, sed maxima pars deberet morari & ulterius perfici, natura cordi aurículas apposuit pro vasculis, quibus tantum cordi largiretur, quantum naturaliter è corde singulis pulsibus evacuaretur. Unde & dextram auriculam sinistra majorem putat, quod dexter ventriculus sinistro capacior, & ex eo quoque plusquam è sinistro, nimirum fuligines & nutrimentum pulmonis, excernantur.

V. Affinis est his usus *Higbmoyi*, ne sanguis continuo & repentino incurfu, vel valvulas violet, vel illarum conniventiam impediat.

Ventriculi cordis.
Error Aristotelis. CAVITATES Cordis sive Ventriculi, vel sinus, thalami, specus, &c. non tres sunt, ut falso *Aristoteles* majoribus Animalibus adscripsit, nam ne in balæna quidem tres inveniuntur, sed duo tantum, ut in dissecto Balænae fœtu *Waleus* & *Sylvius* observavere. Nec *Galenus* Romæ in Elephante invenit plures. Et non nisi rarissime tres, ab *Æmilio Parisano* Venetiis in corde cujusdam velaturam facientis, observati. Et bis à *Vellingio*. *Waleus* quoque in bove tertium sinum vidit. *Casalpini* tres in avibus observavit & piscibus, facileque apparet dextrum circa mucronem dividi laminâ, revera tamen in unum coit. *Licetus* tertium illum *Aristotelis* pro dextri ventris prominentia ultra sinistram inflexa accipit, ut vulgatus sinister medius sit Philosophi. Aliter *Aristotelem* excusat *Comringius*, nempe dextrum illi esse, unde oritur cava, medium unde aorta, & sinistrum unde arteria venosa seu auricula sinistra, qui minimus in minoribus animalibus vix conspicitur. Sed ita quatuor forent ventriculi addita vena arteriosa, ut prima fronte apparet, non tres. Dux igitur tantum reperiuntur in animali cavitates: dextra & sinistra, superficiem habentes internam, inæqualem, & asperam, maxime vero sinistra. Cor Poloni cujusdam à *Riolano* dissecti sine ventriculis, plane solidum erat.

Foveæ multæ in illis sunt efformatæ à carnosis fibris, in dextro plures, sed angustiores, in sinistro pauciores, sed profundiores, ut contineant receptum sanguinem, hinc in contractione cordis vivi minores fiunt, in dilatatione ampliores. Foveas constituunt & obvallant.

Carnea columnæ in Carneæ particule, lacertuli dictæ, modo rotundæ, modo tenuiores, in dextro ventriculo quinque aut plures, in sinistro

Atro duæ tantum conspectiores, sed crassissimæ, fibris variis ad valvulas affixæ. Ampliores poris pervias observat *Veslingius*. Usus illarum aliquibus est, ut sint cordis ligamenta. Massæ parvi sunt muscoli. *Vesalio* & *Riolano* columnæ carneæ, quæ contractæ promovent diastolen, *Parisano* ut illarum beneficio cor se constringat. *Waleus* quoque ad contractionem seu systolen concurrere in dissectionis vivisprehendit, imprimis ad validiorem, ubi à basi incipit tumor illarum & sensim usque ad mucronem pergit. *Harvejus* conum ad basin adducere fibris obliquis. Calorem per omnes deferri suspicatur *A. Benedictus*. Entius, ut inter illas sanguis concutiat ne grumescat. *Backius*, ut sint tanquam funes & retinacula, quæ inhibent ne in contractionibus cordis valvulæ ultra metam adactæ, retinendo sanguini forent inutiles. *Slegelio* contrahuntur ut claudant cum fibrillis orificia vasorum cavæ & arteriæ venosæ. Omnes hæ sententiæ veræ sunt & conjungendæ, ut accurate tempora motuum cordis consideranti erit manifestum. *Lindano* monticuli sunt seu muscoli, à quibus fibrillæ quasi tendines minuti propagantur & inseruntur valvulis motionis gratia. Quomodo valvulæ illis utantur docet *Higlmorus*, qui carneas papillas vocat cum fibrosa textura. *Fr. Ulmus* carneos hos colles obstare credit, quo minus latera cordis mutuo contactu jungi possint aut coire, adeoque universum sanguinem expellere: sed ita locatos, ut unus alterum ingreditur, claudantque ita exacte ventriculorum. Nihil tamen hic situs circulationi officit, quæ exiguum sanguinis semel relictum alia systole expellit.

Præter naturam multa in ventriculis reperiuntur. *Bayhinus* frustula adiposa, & *Wormius* noster Experientissimus ex utroque ventriculo carunculas quasdam interius albicantes, exterius rutilo colore emergentes, quod & nos *Paravii* pridem & *Hassnie* in dissectionibus nostris invenimus, hominum juxta & brutorum. Imitantur illæ polypos, quos in utroque ventriculo ex fide *Langelotii* & *Kirstenii* relatione in *Historiis Rarioribus* exhibuimus. *Eraustus* concretionem pituitosam, flavescens instar medullæ, quæ in boum coctis ossibus reperitur. *Vesalius* glandulosæ nigricantisque carnis libras duas, *Benivenius* frustulum carnis instar mespili.

Vermes *Salius* observat, vermem alatum *Confluentię I.D. Horstius*; anguem bifidum flagellosum *Londini Majus*, nec absimilem *Neapoli M. A. Severinus* Calculos cum abscessu in muliere calculosa *Hollerius*, & pisorum quantitate *Wierus*.

ventriculorum
cordis.

In corde
præter naturam
reperita.

FIGURARUM EXPLICATIO.

FIG. I.

Sinus primus dextri Ventriculi Cordis cum valvulis tricuspidibus tribus AAA.

FIG. II.

Sinus alter dextri Ventriculi cordis, cum valvulis tribus mitralibus BBB.

FIG. III.

Sinus primus sinistri Ventriculi Cordis cum valvulis tribus tricuspidibus CCC.

FIG. IV.

Sinus alter sinistri Ventriculi Cordis cum valvulis tribus mitralibus DDD.

FIG. V.

- AB. Basis cordis.
- CC. Auriculæ cordis.
- d. Dexter cordis ventriculus.
- e. Sinister.
- F. Mucro cordis abscissus.
- g. Sinister ventric. cordis.
- h. Dexter.
- ii. Septum medium.

De in corde. Ossa in hominum cordibus rariora. Vidit tamen Gemma semel; & Riolanus bis, in cadavere Præfidis Nicolai Octogenarii ad aortæ initium, & in Regina Maria Medicea Matre Lud. XIII. post obitum ad pollincturam aperta. Jo. Trullus in corde Urbani VIII. Pont. Rom. figura triangulari instar literæ T. Simon Pauli Clarissimus in Theatro Anatomico prædecessor meus, ossiculum Pythagoræum calculi duritiæ ex viro quadragenario Hassniensæ eruit juglandis magnitudine, & externa figura cordi æmulum, vel literæ Y. Omnia ab humorum siccitate & ad motum tarditate in senibus & ægris deduco. Utitur tamen hoc defectu natura ad tardiorum motum sanguinis incitandum & accelerandum, sicut aquæ injecto ligno facilius labuntur, vel ne sanguis totus grumescat, sicut mulierculæ & laniones bacillo agitant sanguinem

fig. 2




fig. 1




fig. III



fig. III



fig. v



guinem in usus farciminis. Quanquam vero ossa hæc firmiter sepe sint cordi infixæ, nihilque aliud esse videantur quam radix aortæ indurata in senibus: sepe tamen mobilia sunt & soluta, & illa fixa cum corde vasisque moventur pro commodo sanguinis allabentis.

Dexter.

Dexter ventriculus sanguinem recipit ex vena cava, quam in se recipit: unde non tam crassa carne ceu pariete constat, veluti sinister, ut æquilibrium fieret, cum plus materiæ contineat, & majus pondus quam sinister, nec tam perfecta hic fiat coctio ut in sinistro, ubi major calor.

Non exacte rotundus sed semicircularis figura crescentis lunæ est, neque ad mucronis finem pertingit, sed videtur esse quasi appendix ad cordis sinistrum ventriculum, qui remoto dextro, integrum adhuc quasi cor representare videtur.

Latior tamen est, & major sinistro, ob sanguinis copiam, quam continere debebat, & pro pulmonibus nutriendis, & pro spiritibus vitalibus in sinistro ventriculo gignendis. Nam

*Pisces cur
unicum in
corde ven-
triculum
habeant?*

Usus ejus est I. Sanguinem recipere ex vena cava, ad pulmonem nutriendum, vel illi pro alteratione mittendum, dum sanguis iste effunditur in pulmones per venam arteriosam. Ideo pisces, qui pulmonibus carent, & aërem per fauces non inspirant, hunc dextrum ventriculum non habent, sed unicum tantum. Hic ergo dexter ventriculus coquit, & attenuat sanguinem pro pulmonum nutritione etiam.

II. Mittere partem tenuiorem per septum in sinistram ventriculum, ad spiritus vitalis confectionem: crassiorem vero per pulmones tam ad eosdem nutriendos, quam ut perfectior revertatur ad sinistram ventriculum pro toto corpore alendo.

III. Sanguinem recurrentem à superflua nutritione extremarum partium reficere iterumque perficere, uti & novum chylum cum lymphæ & sanguine ex axillari vena defluentem pro sanguine conficere & præparare.

Sinister.

Sinister ventriculus angustior est, sed nobilior: rotundam habens cavitatem supra latiore, infra angustiore, & ad mucronem pertingentem. Carnem habet seu parietem triplo crassiorem: habet item durior, ne spiritus vitales exhalent, & ut fortior fiat motus sanguinis ad remota loca emittendi.

Usus est, spiritum vitalem cum sanguine arterioso elaborare ex duplici materia, I. Ex sanguine in dextra cavitate præparato, & per septum pulmonesque transmissio. II. Ex aëre

aëre per os & nares inspirato, in pulmonibus preparato, & per arteriam venosam cum sanguine in cordis sinistrum ventriculū misso, ad flammæ suscitationem & ventilationem, imo pabulum. Hoc indigent pisces & Leucophlegmatici illa in angusto loco vel male infecto collocati vel in æstu nimio versantes, ob suffocationis caloris flammæque in corde periculum. Aërem autem posse per vasa pulmonaria in cordis ventriculū transire experimento monstrat *Swammerdammius* apud *Fr. Sylvium*.

Utriusque igitur ventriculi idem fere *Usus*, nempe sanguinem arteriosum generare & perficere, venosum recipere ex universo corpore per venas recurrentem, & expellere perfectiorem per arterias ad totius corporis extrema, ut eo nutriantur. Id probat conformatio ex parte similis utriusque, in dextro duo vasa vena & arteria advehentia & revehentia, in sinistro totidem. In illo duplices valvulæ tricuspidales & mitrales, in hoc similes. Tantum expellit & recipit sinister, quantum dexter, nisi quod pulmonum nutritione & cordis absumitur. Differentiam aliquam constitutio & magnitudo diversa arguit. unde 1. Coctio diversa hic & ibi, ut supra demonstratum: Nam dexter circa chylum & lympham nuper advenientem occupatur, sinister in iisdem jam parum concoctis. 2. Dexter pro pulmonibus laborat, sinister pro toto corpore. 3. Dexter fuligines ad pulmones & sanguinem mittit, sinister à pulmonibus recipit sanguinem aëre fecundum.

SEPTUM vel interstitium est inter utrumque ventriculū, quod crassum est instar alterius parietis sinistri ventriculi: à *Columbo* cartilagineum aliquando observatum: concavum parte sinistra, dextra gibbosum, cavernosum & foraminibus (quæ aliqui putant esse tertium *Aristotelis* ventriculū) plenum; quæ cavernæ ampliores sunt dextrorsum, extremos vero fines sinistrorsum vix cernere licet. Triangulares describit *Helmontius*, cujus conus desinens in sinu sinistro facilius constipatur, basis autem trianguli illius in dextro sinu nunquam, nisi in morte. Vidi tamen circulares, ut pisum exacte admitterent, versus sinistrum vero obtusos.

Apertos esse, veterum est placitum & multorum inde Anatomie. *Gassendus* vidit Aquis Sextiis *Payanum* ostendentem septum cordis pervium per varios mæandros flexuososque quasi cuniculos, idque stylo non vi sed leviter immisso sursum deorsum & ad latera placide contorto. Quamquam autem stylo perumpente teneram septi carnem facile

Usus utriusque ventriculi.

Pori in septo cordis manifesti.

cile inveniamus viam, tamen de *Gassendi* oculati fide & *Pas-*
yani dexteritate dubitare non licet, quum & ego nupper se-
 ptum cordis suilli manifestis poris magnis, ut pisum ma-
 jusculum admitterent, variis locis oblique pervium depre-
 henderim, sine stylo patentibus, qui tamen immissus ad si-
 nistrum sinum me ducebat, ubi tenuis membrana velut ana-
 stomosis apponebatur, regressum inhibens. *Riolanus* quo-
 que versus mucronem ubi tenuissimum est, pervium con-
 spexit. *Walrus* in septo bovino superna parte secundo
 cordis longitudinem, aliquando sinum invenit, ad sinistrum
 ventriculum circa mucronem parvum, digiti indicis am-
 plitudine & longitudine, quem pro tertio *Aristotelis* sinu
 habet. *Marchettus* semel duo foramina in superiori parte
 septi vidit, quæ valvulas in sinistro ventriculo obtineebant,
 ne sanguis in dextrum regrederetur. *Monspeli* visum nar-
 rat *Fr. Ulmus*, in cadavere mulieris, cui septum cordis non
 perforatum modo, ac tenue, sed lucidum quoque depre-
 hensum. Consentit in septo pervio *Phil. Jac. Sachs.* Et *Pa-*
tavii Molinettus stylo pervium monstravit *Moinichenio*. Ex-
 perimento perforatum in hydropica ostendit *Tuubingæ*
Brodbeckius. Vinculo enim vasis omnibus injecto, excepta
 vena cava, cannam vel arundinem sambucinam truncum hu-
 jus absciso quam arctissime alligat, per quam dum cor in-
 flare incipit non dexter tantum, sed sinister ejus ventriculus
 cum auriculis utriusque illico ad visum tactumque eleva-
 tur. Testis hujus observationis est *Wilh. Wormius*.

Non semper tamen in cadaveribus aperti, quia i in vivis
 continua agitatione cordis patuli servantur, quæ cessante
 visui non ita sunt conspicui, sicut nec meatus manifestos
 cernimus in sudore per cutim ubertim prorumpente, nec
 cum semen è glandulis & vasis spermaticis in meatum uri-
 narium erumpit: nec poros per quos empyema aut sanguis
 ex vena arteriosa in arteriam venosam per pulmonum pa-
 renchyma penetrat, aut sanguis in hepate ex portæ ramis in
 cavam. Recte *Celsus*, nihil stultius, quam quale quidve
 vivo homine est, tale existimare esse moriente, imo mor-
 tuo. Unde multi, ut *Columbus*, *Spigelius*, *Hofmannus*, *Har-*
vejus, &c. per hoc septum quicquam transire negarunt. Sed
 non mirum eos dubitare. Nam

I. Anfractu feruntur ambagioso, ut non facile stylus pe-
 netrare queat. Magis tamen sunt isti pori conspicui in cor-
 de bovis diu elixato, ut nobiscum testantur *Baauhinus*,
Riolanus, alique. Norandum autem contra negantes *Hof-*
mannum & *Plempium*, in elixatione modum servandum,
 ad hæc

ad hæc fibras in vivis nunquam ita cohærere, quin relinquunt poros, ut nervi docent. Tandem membranam in cordibus bonum elixatis, neque oculatissimis apparere. II. In mortuis omnia concidunt. III. Angustia esse debebat summa in fine; quia tenuissima portio sanguinis ibi quasi percolatur: Interim, quia frustra non sunt hæc foramina, ideo

Ufus septi est, ut per id chymus & sanguis tenuior ex dextro ventriculo in sinistrum transeat in systole, quando patentiores sunt pori, ad vitalis sanguinis spiritusque generationem, qui postea per arterias in universum corpus distribuitur ad vitam & calorem nativum servandum atque suscitandum: crassior vero & major pars sanguinis & chymi naturali ordinariaque via, non solum violenta, nec solum in perturbationibus animi, per venam arteriosam arteriæ venosæ mediantibus pulmonibus communicatur, ut in sinistro ventriculo illi misceatur qui per septum transudat. Crassior pulmonibus nutriendis dicatur, & ut revertatur ad sinistrum, aëre temperatus. Tenuior per septum transiens, illud in transitu nutrit, quia coronaria vasa externa tantum perreptant, & longo illo periculosoque per pulmones itinere evanesceret. Hac sola via Urinatores & suspensi aliquamdiu vivunt & reviviscunt, motu pulmonum cessante.

At, quia raro aperti sunt pori septi, suspicari posses forsan rectius, in obstructione pulmonum hanc à natura providam referari, sicut ovale foramen in foetu patet, donec expediri per pulmones adultos aperiatur transitus. In istis exemplis, quæ parula foramina demonstrant, aliquo vel vitio vel naturæ lusu parcior ad pulmones sanguis transit. Alias septi usus est ad ventres distinguendos. Oritur vero ex fibrarum cordis varia reflexione.

Juvat hunc transitum, quando fit, *septi motus*, quod ad ventriculorum nutum cieri, hæc indicia habeo, quia 1. fibris circulantibus donatur æque ac parietes, in elixato corde, quales fere in sphinctere, teste *Harvejo*, quæ cum ventriculos moveant, movebunt & septum. 2. Palpitatio quædam immisso digito vivi cordis sentitur, observante *Waleo*. 3. In moribundis, ubi motus sinistri ventriculi desinit, septum dextri ventriculi motum sequitur, eodem annotante; & si dexter ventriculus sit vulneratus, motum remanere in septo tradit *Riolanus* in *Obs. Viv.* Ipse tamen sapientior alibi *Riolanus* mobile negat, nisi versus basin ubi mollius est paucumque obsequitur, & ita fieri debere ut transitus servetur, quæ quam ventriculi supra septum pervium dilatentur &

An sanguis per septum cordis transeat?

constringantur instar follium, occluderentur foraminula. Sed nullus metus. In systole enim retracto ad basin mtrone, aperiuntur pori in septo sursum moto, ut sanguis simul septum transeat & pulmones. In Diastole contra, qui in longum distenditur cor, retrahuntur pori cum septo & clauduntur donec cor impleatur.

Vasa cordis.

VASA circa caput cordis reperiuntur quatuor insignia cor egredientia, quæ Hippocrates vocat Naturæ humanae fontes. Dextro ventriculo inferuntur geminae venæ: *vena cava*, & *vena arteriosa*, Sinistro totidem arteriæ: *Arteria venosa*, & *Arteria magna*. Quibus omnibus intus apponuntur VALVULÆ seu ostiola undecim, vasorum suorum expansæ tunicæ, vel ex extremis tendinibus carniū musculi cordis constituentium, *Stenonio* augurante. *Advehentes* venæ, cava & arteria venosa valvulas habent tricuspidales foris intus spectantes; *Revehentes* arteriæ aorta & vena arteriosa valvulis gaudent sigmoideis seu mitralibus, intus apertis, foris clausis. *Illæ* admittunt sanguinem in cor, aperte sanguinem sinunt effluere, clausæ resistunt refluenti. *Tricuspidales* non connivent, sed clauduntur stricte à sanguine cordi distendente, & constrictione cordis, ventriculos angustantis. Clauduntur *Sigmoideis* à cordis laxatione & coincidentia in diastole, qua fibræ in longum protensis cum parietibus deorsum retrahuntur & clauduntur, quemadmodum in pontibus publicis catenæ.

Aperiuntur *Tricuspidales* ab impulsu sanguinis novi per cavam arteriamque venosam, & diastolæ cordis, qua deorsum retractæ fibræ patent; *Mitrales* vero in systole à constrictione cordis & sanguine urgente exitum. Claudunt etiam præternaturam possunt à sanguine expulso in vasis repletis ita gnante, cui remeare conanti ob conformationem obstant quod naturæ artificium in fluviis passim expressum videmus exstructis portis. At secundum naturam sanguine expulso retrorsum cedente non claudunt, ut quibusdam visum probat *Walæus*, quia 1. sensus observant à corde, non ad cor per arterias sanguinem moveri. 2. In raro languidoque pulsu non ultimo arteria qua cordi nectitur, sed primo intumescit. 3. Arteria duobus à corde digitis si ligetur, & inter ligaturam valvulasque ita aperiatur, ut libere exire sanguis possit, valvulæ tamen aliquoties bene constringuntur corque ordinatè movetur.

Cartesius per guttas suas claudunt & recludunt ita concipit. Gutte sanguinis rarefactæ premunt clauduntque valvulas in duarum venarum introitu constitutas, eaque ratione sumo

simul impediunt, ne uberiori sanguinis copia cor obruatur: propellunt vero recluduntque duarum arteriarum valvulas, in quas prompte & vi quadam ex corde irrumpunt. Quomodo autem claudantur, in vivo cane observarunt *Amstelodamenses*: si abscissa auricula dextra inflatio fiat cordis per arteriam pulmonalem, statim clauduntur mitrali figura: si vero abscissa auricula sinistra inflatio fiat per Aortam, valvula venae pulmonalis ita attolluntur, ut una sit supra aliam, non uti in ventriculo dextro, ubi eadem altitudine ad clausuram istam efficiendam coeunt.

Falsi vero *Veteres*, & *Recentiorum* multi, qui libere sanguinem ex corde meare & remeare existimarunt. Nec valvulas commovere naturaliter, tumor in arteriis ligatura versus cor indicat, & inanitio venarum prope cor.

Notandum circa vasa cordis *Nullis*, à plexu vagi paris nervorum *sirculos* ac *fibras* numerosas dimitti, quae tanquam hederæ repentes, vasorum tunicas densissime obducunt, easque pluribus in locis subeunt, ac varie circumligant ad vim *pulsificam* vel efficiendam vel excitandam, item ad sanguinis motum juxta *passionum* impetus determinandum.

Primum vas est VENA CAVA ventriculo dextro inserta, *Vena cava.* admodum amplo & parente orificio, triplo majori orificio aortae, ut ideo videatur ex corde oriri potius quam ab hepate, praesertim cum adeo firmiter adhæreat dextro ventriculo, ut separari nequeat.

Motum an habeat difficile dictu est. *Aristoteles* & *Galenus* id quidem videntur voluisse; sed interpretes de obscuro motu loca exponunt. Verum *Valæus* manifestum in eo motum invenit à jugulo ad hepar usque, maxime tamen prope cor evidentem, etiam corde vel mortuo vel exsecto persistentem, quamdiu ex jugulo vel hepate sanguis influit, ideoque & ibi carneis fibris venam cavam donari, quibus alibi destituitur. *Entius* quoque vidit mortui animalis digito leviter in abdomine tactam cavam, juxta ipsius femora trepidasse. Idem *Sylvius*, *Stenonius*, *Amstelodamenses*.

Ufus est, sanguinem inferre ab hepate, & universo corpore per truncum ascendentem & descendente, præterea chylum & lympham ex lacteo thoracico.

Circulus membranæus hujus orificio annascitur ad cordis robur: qui finditur statim in tres validas membranosas.

VALVULAS, janitrices dictas, foris intro spectantes, ut *Ejus val-* sanguis intrare quidem queat, sed non in cavam redire. *vula tri-*

Dicuntur TRICUSPIDES, Græcis *τετράγυες*, quia telo-
cuspides.

rum triangularibus cuspidibus similes sunt, quando clauduntur, & invicem arte connivent.

Adnascuntur ut & reliquæ valvulæ, *filamentis* multis, in cava singulæ fere quinque conspectioribus, aliis minoribus implicitis, quibus junguntur *carnea particula*, supra explicatæ, quæ cordis ligamenta aliis dicuntur, aliis forte nervi cordis, ut *Aristoteli*; aliis muscoli.

Vena arteriosa cur vena?

VENA ARTERIALIS vel vas arteriosum, aliis *Arteria Pulmonaria*, quia revera arteria est & substantia & usu.

Vena dicebatur primum ab *Herophilo*, & postea ab aliis plerisque ante inventam circulationem, ab officio, quia pulmoni pro nutritione dat sanguinem.

Cur arteria dicta?

Arteria dicitur I. Ob substantiam, quæ non est ex tunica simplici, ut vena, sed duplici. II. Quia in fœtu arteriæ munus obit, pulsâtque, ut capite sequente dicitur; & in adulto, quia nutritium sanguinem pulmonibus defert in dextro ventriculo ex parte elaboratum.

Ejus ortus & progressus.

Hæc minori orificio è cordis ventriculo dextro, post cavæ insertionem, egreditur, majori tamen quam pro pulmonum indigentia: Observant enim *Columbus* & *Arantius* duos digitos admisisse; & majus esse debuit, quia continuo cordis dextri pulsu cruorem recipit. Deinde Arteriæ magnæ innitens atque sinistrorsum inclinans ad pulmonis partes dextram & sinistram duplici ramo vergit: dextro & sinistro: qui postea in varios ramos pulmonicos abeunt, præsertim versus partes posticas, ubi venis per patentes anastomoses juncti bronchiarum latera perreptant.

Ufus.

Ufus est, sanguinem excipere ex dextro ventriculo, & pulmonibus pro nutritione advehere, & juxta recentiorum observationes, reliquum sanguinem per arteriam venosam in sinistrum ventriculum cordis transferre. Et ne in cor relabatur sanguis

Valvula sigmoidea.

VALVULÆ tres apponuntur, à tunica ipsius venæ ortæ, intus foras spectantes, & semicirculum referentes vel lunam, unde *semilunares*, vel Græcæ literæ antiquæ *Sigma*; unde *Sigmoidea* dicuntur. Habent vero etiam figuram Latine literæ C.

Arteria venosa cur arteria?

ARTERIA VENOSA, aliis *Vena Pulmonaria*, tertium cordis vas est, quod in sinistro conspicitur ventriculo.

Dicitur ob officium ARTERIA. Nam I. pulsât in adulto, siquidem sinistro ventriculo continua est: non autem suo, proprioque motu, quia nec arteria est, nec arteriosum vehit sanguinem purum. II. Sinistro ventriculo inseritur.

Cur vena?

VENA I. ob substantiam. 2. quia in fœtu venæ munus obit,

obit, & à cava quasi producitur, cui per anastomofin jungitur. Immo in adulto sanguinem quoque cordi apportat, sicut cava.

Oritur orificio rotundo & magno (majori quam arteria magna auriculæ sinistræ continua) statim ab egressu bipartita, ac si fere duplici ore oriretur; ac disseminatur in pulmonem dextrum & sinistrum, ejusque bronchias postica parte comitatur.

Ufus.

I. In dilatatione aërem attrahere ad Cor, non nudum, sed sanguini ex pulmonibus refluxo mixtum, ad spiritus vitalis & sanguinis arteriosi generationem, flammæque vitalis pabulum & sufflumen. Aperta enim in vivis arteria venosa sanguinem, non aërem purum in cor infundit, quem crassiores in cadaveribus quoque hominum brutorumque plerumque observamus, quia cessante sinistri ventriculi motu receptus in hac vena sanguis ad cor pelli non potest aut trahii. Exsecta autem vel incisa arteria venosa aër quidem non compareret, quia purus purus non est, sanguini per omnia confusus. Nec inflatis vivi vel mortui pulmonibus, quidquam hujus observatur ad cor pervenire, nisi vi magna vel dexteritate, quia vehiculum sanguinis deest, deest attrahens & pellens naturale. Sed aërem, quicumque sit, ad cor commutare exempla illorum testantur, qui fumis Mercurialibus, carbonum, calcis, &c. suffocati sunt. Et frustra alioquin pulmones essent conditi & bronchiæ.

II. In contractione, sanguinis vitalis portionem in pulmones excludere cum fuliginibus vetus est opinio. Sed in Systole cordis hac ferri seu sanguinem seu fuligines. 1. prohibent valvulæ regressum prohibentes. 2. ligata arteria venosa intrumescit versus pulmones, juxta cor evacuatur. 3. Aperta sanguinem fundit cis vinculum, citra vero nec sanguinem nec fuligines. 4. Fuligines dextri per venam arteriosam evaporant, sinistri in aquam pericardii, pilos subalares & totum habitum per aortam exhalant. 5. contrariis motibus eadem via ferretur aër ingrediens cor, & fuligines cum sanguine egredientes, quod in œconomia corporis insolens. Quanquam enim ab eadem parte subinde alimenta attrahantur & pellantur excrementa, via tamen est diversa, præsertim ubi continuus est affluxus, ut in arteria venosa à pulmonibus; vel sane diverso tempore peraguntur. Ergo

III. In contractione sanguinem ex pulmonis nutritione superfluum, vel recurrentem ex vena arteriosa, in sin-

strum cordis ventriculū propellit.

*Valvula
mitrales.*

VALVULÆ orificiū hujus vasis apponuntur duæ tantum, foris intro vergentes (enatæ ex membraneo circulo, ex cordis substantia enato) quæ junctæ mitram episcopalem referunt. Majores sunt, quam valvulæ cavæ, longiora filamenta habent, & singula septem majora, præter minora ipsis annexa, quæ à basi latiori in acumen fere desinunt, atque roboris gratia plurimas carneas explantationes. Sufficiebant igitur duæ tantum, ad orificium arcte claudendum, quia majores sunt aliis, longiores latioresque fibræ, robustiores columnæ, & orificium ipsum magis quam reliquorum est ovale. Ad singulas fibras valvularum cartilagineas portiones ad robur appositas vidi *Hafnia* in cadavere virili.

*Arteria
magna.*

ARTERIA MAGNA, ita dicta, quod aliarum omnium radix sit, alterum est sinistri ventriculi vas, unde prodit & oritur.

Ad hujus orificium, fulcri loco, apponitur non quidem in homine, sed in animalibus quibusdam, cervis, bobus, equis, &c. dura quædam substantia, quæ aliquando cartilaginea, aliquando ossea, prout magna & annosa sunt animalia. In homine nobilissimo & fortissimo portionem arteriæ hujus juxta cor in os rotundum vidit conversam *Harvejus*, unde arteriarum diastolen fieri à sanguine solo, non pulsifica facultate per membranas derivata concludit. Arteriarum quoque in basi cordis concursum in cervo in os degenerare scribit *Jo. Schroderus*. Cartilagineum corpusculum grani panici imagine *Arantius* vocat: *Brodæus* radices aortæ.

*Ufus val-
vulæ.*

Ufus est, spiritum vitalem cum sanguine arterioso nutritio à corde acceptum omnibus partibus communicare ad nutritionem & vitam, qui ne in cor remeet, apponuntur tres valvulæ similes illis quæ in vena arteriosa, exacte clausæ, intus foras spectantes, quæ Sigmoides dicuntur

C. A. P. VIII.

DE VASORUM CORDIS FOE- TUS UNIONE.

In fœtu,

IN corde aliter se habent vasa, dum fœtus in utero est, aliter, cum jam in lucem editus est; Quod licet *Valenus* novit, ejusque mentionem injicit; tamen plerique Anatomici aut neglexerunt, aut falsa hac de re protulerunt, dum uniones vasorum dixere, quidam fieri tantum per canalem, quidam per solam anastomosin.

Sed conjunctiones seu UNIONES VASORUM cordis in fœ- *Vasorum*
tu sunt duplices: *cordis unio,*

Alia fit per *anastomofin*, alia per *canalem*.

Per *anastomofin* fit unio Venæ Cavæ & arteriæ Venosæ, Per *Ana-*
stomofin. sub dextra Auricula prope coronariam, antequam cava se
plane in dextrum ventriculum aperiat. Foramen est am-
plum & ovalis figuræ.

Voluit autem natura unionem hanc per *anastomofin* mo-
tiri, 1. Ob vicinitatem. 2. Ob similitudinem substantia-
rum.

Foramen huic in cavitate arteriæ venosæ apponitur mem-
branula pendula, tenuis, & durâ, foramine major.

Ufus est I. ex doctrina Galeni & ejus clientum, ut per hoc *Ejus usus*
foramen ex Cava in arteriam venosam feratur sanguis (non *varii.*
in dextrum Ventriculum, nam non gignitur adhuc vitalis
spiritus, nec ita attenuato eget pulmo sanguine) ad nutri-
tionem pulmonis; cum hic alias in fœtu nutriri non posset
quippe in quo cor non habet motum, quo expelli posset
sanguis ex dextro ventriculo in venam arteriosam: quare
hæc arteria Venosa dicta, in fœtu vena est: sed cordis in-
gratiam, non pulmonum tantum nutriendorum inservire,
varia evincunt à circularis motus fautoribus observata.
Nam I. cor in fœtu etiam imperfecto post tertium mensem
movetur, ut testantur Embryones, sicut ova post tertium
diem micant. Ante tertium autem mensem vesicula tantum
auriculæ micat, sicut in insectis dum nondum perfecte ex-
cavatum est cor. At hic motus frustra fieret, si nihil acci-
peret cor aut expelleret. 2. Sanguis ex anastomofi proxime
auriculæ sinistræ infunditur, & necessario inde per Systo-
len in sinistram sinum transfertur. 3. Omnis sanguis per
has Uniones defertur, certe non ob pulmones solos, qui nu-
triri possunt eodem ut in adultis modo, quanquam quies-
centes, venulis ex parte hiantibus. 4. Arterioso sanguine
nutritur fœtus, qui aliunde quam per cor venire nequit,
ut postea demonstrabitur. Igitur

II. Versus usus est, ut partem sanguinis in fœtu ex cava
hepatis in sinistram ventriculum cordis transfundat, qui
ordinaria per pulmones non multum dilatatos nec nisi levi-
ter respirantes via, illuc ire non potest. In quo comiteatu
aliquid etiam sibi rapit dexter ventriculus.

Ne vero sanguis in Cavam relabatur, prohibet membra-
nula apposita, quando concidit. *Ufus mem-
branulæ.*

Post partum aliquantulo tempore coalescit hoc foramen
& exsiccatur, ut locus hic nunquam pertusus fuisse putetur:

FIGURARUM EXPLICATIO.



Hæc prima Figura dextram Cordis partem integram ostendit, simulque auriculam dissectam, & Vasa ab ipso Corde exeuntia, præcipue vero Anastomofin, per quam sanguinem à dextro in sinistrum Ventriculum defluere voluit Folius.

- | | |
|---|--|
| <p>A A A. Cor in suo situ, per cujus superficiem Coronaria Vena disseminatur.</p> <p>B B. Auricula dextra Cordis, partim dissecta, partim vero adhuc integra existens.</p> <p>C. Locus quidam inter Auriculas albidior, & circularis, in quo à latere sub pelli-
cula quadam, ad instar valvulae, Anastomosis reperitur, hoc est, foramen tortuosum, per quod Folius transire vult sanguinem in sinistrum ventriculum.</p> <p>D. Vena cava dissecta usque ad Iecoris situm.</p> <p>E. Vena aorta Jugulum, & brachia petens dissecta.</p> <p>F. Arteria magna ascendens.</p> <p>G. Eadem prope Spinam descendens.</p> <p>H. Tubulus Arteriosus, qui magnam</p> | <p>Arteriam cum Venosa arteria jungit.</p> <p>I. Arteria venosa à dextro Cordis sinistram progrediens.</p> <p>K. Vena arteriosa pulmonum nutritrix à sinistro sinu exiens.</p> <p>a a. Vena Coronaria per Cordis superficiem radicata, diffusa.</p> <p>b. Vena hujus Coronariae initium in Auricula prope venam Cavam.</p> <p>c. Auricula pars quaedam dissecta.</p> <p>d d. Altera pars adhuc integra existens.</p> <p>e e. Stylus in Anastomofin immissus.</p> <p>f. Pellicula instar Valvulae ori Anastomosis posita.</p> <p>g g g g. Rami Venae Cave per Hepatidis disseminati, ac radicati.</p> <p>h h h. Rami Arteriae magnae ascendentes.</p> |
|---|--|

FIGURA II.

Altera hæc Figura sinistrum Cordis Ventriculum, nec non Auriculam dissectam ostendit, simulque exitum styli in prima figura demonstratum.

- | | |
|--|---|
| <p>A A Cordis incisio per universum sinistrum facta ventriculum.</p> <p>B B. Hujus ventriculi exacta delineatio.</p> <p>C. Exitus styli per Anastomofin à dextra in sinistram Auriculam.</p> <p>D. Valvula ori magnae Arteriae apposita.</p> <p>E E. Sinistra Cordis Auricula dissecta, dextra minor.</p> <p>F F. Arteria Venosa à dextro Cordis Ventriculo exiens.</p> <p>G G. Arteria magna ascendens.</p> <p>H. Eadem prope Spinam descendens.</p> <p>I. Tubulus Arteriosus Venam Arteriosam cum magna connectens.</p> | <p>K. Truncus ascendens Arteriae magnae ac brachia & jugulum.</p> <p>a a. Vena coronariae pars quadam delineata per Cordis superficiem dispersa, cuius minima perspicitur.</p> <p>b. Arteria Coronaria dissecta.</p> <p>c c c. Auricula sinistra incisa, usque ad venam Arteriosam.</p> <p>e e. Stylus in Anastomofin immissus.</p> <p>f f f. Foramina quadam exigua, per quae transire vult sanguinem Folius dum coalescit Anastomosis, & minori materia est opus.</p> <p>g. Valvula, & in hoc latere Anastomosis apposita.</p> |
|--|---|



*Apartu
clauditur.*

idque à copia sanguinis in adultiore ex pulmonibus jam patulis & dilatatis continuo ad auriculam sinistram propulsi, quæ parvam sanguinis quantitatem ex anastomosi effluere non finit, unde clausa concrefcit. Manet tamen in adultis aliquando pervium. *Pineus* ter observavit, semel *Riolanus*, & nos non simplici vice. *Marchettus* in juvene 25. annorum, & in alio 30. annorum *Maur. Hofmannus*, *Botallus* in vitulis, suisque, canibus majoribus, sæpissime, unde semper & naturaliter patulum voluit, ut sanguis è dextro ad sinistrum ventriculum hac commearet. Cujus vestigia premens *Cæcilius Folijs* in omnibus hominibus secundum naturam eodem fine ut in fœtu apertam credit, sed repugnante experientia. Apertum enim tantum est, cum alias vias occlusit natura, ut Patavii in eo sene animadvertimus, cui venosa arteria phlegmate obturabatur. In aquaticis, anate, castore, buteone, cygno, &c. semper patet, quia sine pulmonum usu, fere instar fœtus, in aquis subinde degunt. Membranulam autem connivere, qua obducitur foramen, nonnunquam in cadaveribus vidi, stylumque admittere non coactum, sed perpetuum id esse non ausim aliis concedere. Et inutilis foret levis ille hiatus tanto sanguini traducendo.

Per canalem.

Per *canalem* oblongum, est altera unio, videlicet venæ arterialis, & arteriæ magnæ, quia à se invicem distant.

Hæc unio extra cor est (prior in corde) duobus digitis à basi, in adultis quatuor, nam non à caudice arteriæ magnæ incipit Canalis. Oblique ad arteriosam abit (ideo nulla valvula apposta est, siquidem obliquitas regressum impedire potest.) Aut potius quod à dextro ventriculo cordis, per venam arteriosam eo pellatur sanguis, non ita autem ex sinistro per arteriam venosam regeratur ubi hæc bipartitur, ac si in tres partes divideretur; quarum minima tamen est canalis.

*Qui exci-
cutur.*

In infantibus trium vel quatuor annorum reperitur quidem adhuc, sed non pertusus; in adultis tandem paulatim attenuatur, siccatur alimento omni destitutus, ob nullum amplius per hunc humorum motum, donec propter vitæ & nutritionis absentiam computrescat & penitus contabescat.

Uius usus.

U^{sus} est, I. ex *Galen*i sententia, ut spiritus vitalis ab arteriis umbilicalibus in arteriam magnam receptis, ab hac per canalem illum in venam arteriosam feratur, & recta in pulmones ad vitam. Sed 1. Pulmonibus solis haud infervit. 2. arteriæ umbilicales ab arteria magna referunt, nihil ad eam afferunt. 3. Canalis major est quam pro solis spiritibus

tibus apprehendis. 4. His solis pulmones in fœtu rubri non nutriuntur.

II. *Petreo & Hofmanno*, ut arteriosum sanguinem alendis pulmonibus abducatur. Qui veri essent, nisi totius commodum omisissent.

III. Recentioribus antesignano *Harvejo*, ut sanguis ex cavæ trunco superiori in dextrum sinum delapsus per canalem vadat, maxima quidem ejus pars ad aortam, ut exinde cum reliquo totum corpus Embryonis nutriat & vivificet; minima vero ejus portio ad pulmones sursum adscendat consueta via.

Pulmonum enim opera indiget sanguis fœtus, ad sui ventilationem & circulationem, unde & leviter moventur, quantum fœtui ad *respirationem* sufficit, quia 1. *Hippocrates* *Fœtum re-* ore & naribus respirare prodidit pro suo modulo, hoc est, *spirare probatur.* sine multiplici musculorum thoracis conatu. 2. Chylo nutritur per os, sicut adulti, suctione necessaria. 3. Nonnunquam vagire auditus, quod exempla in *Histor.* à me adducta testantur. 4. Pullus intra ovum necdum rupto cortice sæpe pipit biduum antequam excludatur. 5. Catuli, vituli, agnelli exfecti ex utero statim hiant ore respirant. 6. Valide se in utero movet fœtus, sursum, deorsum, vorsum, qualis motus sine aëris usura nulli animalium, etiam minutissimorum, convenit. 7. Orb aëris copiosioris usuram deorsum fertur ante partum.

Quærenti, unde aërem hauriat, respondemus, non per *Unde aë-* umbilicum, sicut alibi *Covs*, qui circulationi inservit; nec per *rem haur-* subtilem *Cartesii materiam* in thorace contentam, quæ *vi-* *riat?* deri non potest, nec palpari, nec ad respirationem sufficit, quia adulti, etiam ad levem respirationem, aëre intercepto, ejus beneficium sentire non possunt: Sed per *peros membra-* *narum*, utero semper connivente, accedente aëre in liquore, cui innatat, contento.

Circulationem quoque in pulmonibus fœtus perfici, *Circulatio* quando copiosior generatur sanguis, & organa perfecta, *in pulmoni-* *bus fœtus.* tum est, quia 1. Sanguis ibi invenitur. 2. Sanguis idem moram non trahit, alias putresceret. 3. Sanguis ille nutrire debet fœtum. 4. Sanguis in reliquis arteriis fœtus torpidus non est, sed satis vegetus. 5. Idem docent ligaturæ. 6. Vasa pulmonaria perfecta quoque sunt.

Sed per pulmones, nisi in adulto fœtu, aut quando per os nutrirî incipit, non fertur sanguis, sed per canales fœtui proprios per cor circulatur. Chylus enim in ventriculo fœtus confectus per thoracicum ejus lactum ad cor fluit, *Quomode* *fiat?* deque

FIGURARUM EXPLICATIO.

Vasorum Cordis in fœtu Uniones, Cor item pulmonibus cinctum, atque asperæ arteriæ ramuli ostenduntur.

FIG. I.

- A. Cor.
- B. Vena cava truncus ascendens.
- C. Eiusdem truncus descendens.
- D. Arteria magna truncus ascendens.
- e. Arteria axillaris.
- f. Truncus arteriæ magna descendens.
- g. Auricula dextri ventriculi.
- H. Anastomosis prout in vena cava apparet.

FIG. II.

- A. Corculum.
- B. Truncus arteriæ magna è corde emergens.
- C. Portio ejusdem arteriæ deorsum vergens.
- D. Vena arteriosa è corde protensa.
- e e. Canalis inter venam arteriosam & arteriam magnam.
- ff. Exortus arteriarum carotidum.
- g. Principium arteriæ subclaviæ dextræ.

FIG. III.

- A. Nervus sexti paris dexter ad pulmones vergens.
- B. Nervus idem sinister.
- C. Ramus inter utrumque nervum medius.
- D. Propago ejusdem quæ fertur ad pericardium.
- EE. Arteriæ asperæ rami duo majores, posterius membranosi.
- FF. Pulmonum pars postica.
- G. Membrana pulmonum propria.
- HH. Portio pericardii relicta.
- I. Cor in suo situ.

FIG. IV.

Asperam arteriam Vituli à postica parte denudatam à parenchymate, vena arteriosa & arteria venosa cum aorta descendenti à corde detruncata, & arteriam bronchiale[m] demonstrat ex Fr. Ruyschio.

- A. Aspera arteria vituli à postica parte abscissa larynge.
- B. Ramus dexter.
- C. Ramus sinister.
- D. Arteria Bronchialis, cujus ramuli bronchia ad finem usque comitantur.
- E. Arteriæ descendenti à corde detruncatæ pars postica è qua intercostales proveniunt.
- ... Abscissi trunculi inter costalium.
- F. Summus Ramus quem in nullis animalibus quam in Vaccis & Vitalis inveni.
- GGGGGG. Extrema ramorum in membraneos canaliculos desinentia.







fig. 1



11



deque sanguini mistus ad pulmones ordinaria via. At quia pulmonum motus remissior, ne destituatur fœtus cordis motu sufficienti & necessaria nutritione, jam majori, per anastomosis canalem peculiarem transfretationi succurritur. Juvat igitur in adulto fœtu pulmones anastomosis & canalis, & in omni fœtus ætate.

Juvat canalis anastomosis in cordis sanguine traducendo, quia alterutra via nimis alioquin foret angusta. Observavi enim in nuper nata, publice à me dissecta, canalem defuisse, quia anastomosis solito erat amplior: ratio suffragatur. Nutrirī debent pulmones, nutrirī debet totum corpus. Hoc nunquam fiet nisi ex aorta arteriosus sanguis distribuatur. Non à matre venit per iliacas arterias, quia non junguntur arteriis uteri, præterea contrarius est motus, ut ligatura arteriarum umbilicalium monstrat. Intumescent enim arteriæ umbilicales à fœtu derivatæ, versus cor ipsius juxta placentam inaniuntur, siquidem arteriosus sanguis in fœtu post ejus nutritionem per iliacos ramos ad placentam recurrit tanquam partem fœtus alendam, ex qua iterum in venas umbilicales transit, & junctim rursus ad hepar embryonis corque decurrit, ut repetatur circulatio. Commode autem ex hac vena arteriosa per canalem fluit in aortam ob situm declivem & obliquam in aortam insertionem. Igitur cuni sanguis arteriosus per aortam sursum ad cor ex matre non feratur, neque inde pulmones nutrirī possunt, sed proprio fœtus sanguine quem ex propria coctione conficit.

CAP. IX.

DE PULMONIBUS.

Ætymon.

PULMONES Græcis πνεύμονες vel πλωμόνες à respirando dicuntur: quia animalibus in aëre viventibus & respirantibus dati sunt, piscibus non item collo & voce carentibus.

Situs.

Siti sunt in pectoris vel thoracis cavitate, quam implent, quando distenduntur. In testudine marina in abdomine siti, notante Jo. Fabro.

Divisio.

Dividitur pulmo in partem dextram & sinistram beneficio mediastini: ut una parte læsis altera adhuc officium faciat. Harum quælibet in duos lobos dirimitur, circa quartam thoracis vertebra, quorum superior inferiore brevior; rarius una earum in tres, sicut in brutis; quia homo cre-

In lobos.

ctus

ctus incedit, bruta prona in ventrem, nec ob thoracis brevitate inter cor & hepar præter diaphragma aliquid interjacere potest. Sapius tamen *Picolhomineo*, *Riolano*, & *mibi*, post *Hippocratem* & *Ruffum Ephesium* tres observati fuerunt. *Salzmannus* in sinistro latere tres lobos deprehendit. Lobis autem tanquam digitis cor pulmones amplectuntur.

Figura est ungulæ bubulæ. Extrinsecus ad thoracis cavitatem pulmones gibbi sunt, intrinsecus cavi, ubi cor amplectuntur.

Figura.

Color in fœtu fertur rubens ut hepatis: ob alimentum, quod à matre accipere creditur; in adultis ex pallido flavescent, aliquando cinericius, teste *Ruffo*, qui tamen agtorum est. In iis, qui morbo diuturno obiere, nigricans: in quibusdam satis sanis variegatos vidi, marmoris instar. Parte qua thoraci adnatus est per fibras, rubeus.

Color.

Ab aëre attracto diversitatem coloris in fœtu repetunt, quia pulmones ab aëre dilatati albedinem induunt in inspiratione, ruborem vero à sanguine in expiratione. Unde *Harvejus* illud indicium matribus suggerit, vivum an mortuum fœtum pepererint, illico enim ab inspirato aëre mutari colorem. Semper tamen albedinem tam in fœtu quam adulto deprehendit *Charleton*. In nuper nata flavescentem vidi & candidum, non rubrum. Et talis esse debet, quia etiam in utero respirat. In errorem *Galenus* ceteros seduxit, ab *Hippocrate* desciscens.

Connexio est antè cum sternò per mediastinum, posterius cum vertebris; ad latera cum pleura per fibrosos nexus aliquando connascuntur pulmones, unde dyspnœa oritur diuturna. Medicos vero non raro decipit ista connexio, penetrantia thoracis vulnera minime agnoscetes. *Nic. Massu* hanc connexionem cordi utilem censet, ne pulmonum mole prematur, aut spirandi facilitas impediatur, eamque adhesionem se semper invenisse testatur *Riolanus*. Circa inferiores costas id præsertim annotavi prope diaphragma, ne hoc premerent. Alii dicunt fibris alligatum pulmonem, ut in vulneribus thoracis, licet debiliore motu, motum thoracis sequi posset. *Hippocrates* 2. de morbis, vocat pulmonem ad latus delapsum; fitque hoc vel ab ortu, vel post pleuritidem, vel ob pituitiam tenacem & viscidam se interponentem; vel à causa externa, ut curatione negligenti, confossi, vel suppurati thoracis. Cohæret etiam pulmo cordi per venam arteriosam & arteriam venosam.

Connexio.

Dyspnœa diuturna causa quedam.

Substantia in fœtu est densior nonnihil & crassior, adeo ut aquæ injecta mergatur, secus quam in adultis evenit. At post

Substantia.

post

FIGURARUM EXPLICATIO.

Ex Epistolis de structura & usu pulmonum
Marcelli Malpighii.

FIG. I.

Frustulum extimum Pulmonis exsiccati continens delineatum rete.

FIG. II.

Interna Vesicula & sinus adumbrati cum appensa particula interstitii in parte superiori; caterum exortus & integra propagatio icone oculis subijci non potuit.

FIG. III.

Loborum varia adaptatio supra tracheam & pulmonaria vasa, qui etiam à naturali situ distracti exhibentur ad faciliorem intelligentiam.

FIG. IV.


Ranarum Pulmones cum appensa trachea exhibet. ubi

- A. *Larynx quæ semicartilaginea est.*
- B. *Rimula quæ exactissime clauditur & aperitur ad animalis libitum & clausa aëre turgentes servat pulmones.*
- C. *Cordis situs.*
- D. *Pars exterior Pulmonis.*
- EEE. *Cellularum propagatum rete.*
- FF. *Arteria pulmonaria propagatio.*
- G. *Pars concava pulmonis per medium scissi.*
- HHHHH. *Vena pulmonaria parietum apices excurrentis propagatio.*

FIG. V.

Continet Cellulam simplicissimam absque intermediis parietibus aucta in magnitudine.

- A. *Cellula area interior.*
- BBBBB. *Parietes divulsi & inclinati.*
- C. *Arteria pulmonaria truncus, cum apposis Ramis quasi reticulato opere desinentibus.*
- DDD. *Vena pulmonaria truncus parietum fastigia penetrans suis decurrentibus ramis.*
- LEPEEEEEEE. *Vas in fundo & angulis parietum commune lateralibus & continuatissimis ramificationibus.*



post partum quia moveri liberius cum corde incipit, calore & fortiori jam motu textura levis mollisque fit, laxa, rara & spongiosa; ut facile attollantur pulmones, & rursus collabantur, aëremque facile recipiant, quod folle in cadaveribus quoque videre est. In Asthmatico duros & lapidescentes observavit *Helmontius*, ibique generatos lapillos in orthopnea annotat *Salmuth*. De calculis quoque fidem faciunt *Galenus*, *Trallianus*, *Agineta*, alique, nosque exempla meminimus.

Vesicularis
ex Malpighio.

Substantia non caro est, sed, secundum *Malpighium*, aggregatum quid ex levissimis & tenuissimis membranis, quæ extensæ & sinuatæ pene infinitas *vesiculas* orbiculares & sinuosas efformant, velut in apum favis alveoli. Has vesiculas talem habere *situm* & *connexionem*, ut ex trachea in ipsas, mox ex una in alteram patens sit aditus, & tandem desinant in continentem membranam, *colligari* vero per rete quoddam mirabile in *extimam* membranam desinens, quod vasorum sanguineorum *synanastomosin* esse microscopio deprehendit in ranis & testudinibus, in quibus hæ vesiculæ clariores quoque nobis visæ, & in pennatis.

In hominibus sanguis aspersus adimit accuratum iudicium. Parum tamen abludit. Vesicula enim *Fontano* visa loco pulmonis. *Hippocrates* spumosum & fistulosum vocat, *Aretæus* multiforum. *Hogelandio* parenchyma constat tenuissimis pelliculis, parvis cavitatibus, quæ pori dici possint, à prædictis pelliculis distinctæ. Meras pelliculas & vesiculas in testudine vocat *J. Faber*. Vid. diatriben nostram *De Pulm.*

Membrana.

Membrana cingitur pulmo tenui, levi, poris multis insignita, qui pori inflato pulmone folliis satis conspicui, quos aliquoties *Joh. Walæus* pist. majusculi magnitudine in vivorum dissectione observavit. *Plempius* folliis aurifabrorum stylum crassiusculum vidit inseri. Hinc infusi liquores, mulsæ, vinum, aloë, &c. sicut per linteum & spongiam absorbentur, & sanies thoracis penetrare potest, & per tussim exire, quanquam rupta pleura non sit, nec excoriantur pulmones, quod contra *Riolanum* notandum: nam in empyematis sectione ille pulmo liquores injectos absorbet perque os reddit. Non ideo tamen respiratio impeditur, contra *Helmontium*, nec aër attractus ad thoracem egreditur, quia inflavi non semel pulmones animalium, nullo aëre exeunte, solis vesiculis emergentibus. Imperviam hac aëri esse viam nobiscum testatur *Manelphus*: saltem ab interiori ad exteriora, quod probat *Pecquetus*, quia 1. hiantia thoracis vulnera non impediunt respirationem. 2. Si vivi ani-

ma-

malis bronchiis avenam inspires, nullus aër admotam lucernam movebit, nisi qua tunica liberatur. Hæc membrana à succingente pleura producitur. Nam cum vasa pulmones intrant, tunica sua à pleura enata, sese exuunt, quæ pulmones postea investit.

Vasa. Substantia pulmonis triplicibus intertextitur vasis, *Vasa.* non parum etiam ad robur facientibus. Duo à corde veniunt, de quibus supra dictum: *Vena arterialis*, seu arteria pulmonica, & *arteria Venalis*, seu vena pulmonica.

Tertium proprium est, videlicet *Trachea* sive aspera dicta arteria, de quo sequenti capite.

De ramulo venæ pneumonico ad pulmones *Riolanus Vena* consulendus à *Sammichelio* olim observato: de alio quoque *Pneumoni-*
Bauhinus apud *Horstium*. Hanc venam non semper reperiri *ca.* recte negat *Rolfinckius*. Comitem illa arteriam habet à *Ruyf-*
schio inventam, modo ejus perpetuitas in homine quoque demonstretur. *Arteriam Bronchiale* vocat *Ruyf-*
schius, quæ *Arteria*
supra bronchia serpens ea comitatur ad finem usque. *Bronchialis.* Ortum
sumit ab arteriæ magnæ descendens postica parte, digiti
latitudine, plus minus, supra supremas arteriarum interco-
staliū, ex aorta descendenti exortarum, aliquando etiam
duorum digitorum latitudine supra arterias modo dictas,
nonnunquam etiam infra eas. *Ufus* novæ hujus arteriæ est, *Ejusque U-*
juxta eundem *Ruyfchium*, ut pulmonibus sanguinem nobi- *su.*
liorem, perfectiorem, imo magis exaltatum communicet.
Eo solo sanguine nutriri pulmones, quia per innumeros ra-
mulos in eorum substantia pariter atque tunicas sanguinem
effundit hæc arteria, non male *Swammerdamius* conjicit,
quia per innumeros ramulos in eorum substantiam pariter
atque tunicas sanguinem effundit, alter enim sanguis ex
ventriculo dextro adhuc imperfectus est, quia sinistri per-
fectione destituitur, nisi à pulmonibus ipsis perfici dica-
mus, chylumque ex corde reducem sufficere pro nutritione.
Vattierius existimat pulmones non cor sanguinem arterio-
sum conficere, assimilatque molē, quæ comminuit grana:
facilius enim in ramis immutari quam cavitatibus, sicut lac
& semen in ramis mammarum & testium, *Kerckringio* usus
hujus vasis est pro solius asperæ arteriæ nutritione. Delinea-
tionem arteriæ hujus vide suo loco.

Vasa hæc si erodantur, ut in Phthisicis, sæpe copia san-
guinis ejicitur, aut cartilaginosa substantia. Imo ipsa vasa
pulmonaria integra, quod vidi, & duo exempla habet *Tul-*
pius. Sæpe vero Phthisici inopinata morte extinguuntur,
quia vasis erosio majoribus effuso sanguine cor obruitur.

*Cur Pulmo
vasa habe-
at adeo ma-
gna?*

Vasa hæc pulmonum magna sunt, non tam quia plurimo sanguine egebant, exilis enim eorum est substantia si vasa demas, nec tanto sanguine egebant, qui ad totius corporis nutritionem esset sufficiens; sed magna sunt, quia maxima sanguinis portio hac via ex dextro cordis ventriculo in sinistrum fertur, patentibus ductibus, siquidem subtilior sanguis per obscuros septi poros transeat. Transitus hic probatur,

1. Ex vasorum magnitudine. Vena enim arteriosa & arteria venosa amplissima sunt. Et quia illud efferens ex corde vas est, valvulis mitralibus donatur, regressum ex pulmonibus eadem via impredientibus; hoc autem, inferens ex pulmonibus in cor, valvulas habet tricuspidales, remeanti sanguini obstantes.

2. Continuo immittitur pulsu cordis sanguis magna copia ad pulmones per venam arteriosam, & inde per arteriam venosam ad cordis sinistrum sinum, quod ulterius *vis* docet.

3. Ligaturis in vivis. Intumescit enim vena arteriosa cor versus, at prope pulmones inanitur; arteria venosa contra, pulmones qua spectat, tumet, qua cordi inseritur, est vacua.

4. Vulnerato cordis sinistro ventriculo, vel arteria aorta, sanguis copiosissimus evacuabitur, & quamdiu vita manet, omnis totius corporis. Unde aliunde proveniet, quam tantum in corde non contineatur, nempe ex pulmonibus per arteriam venosam, quæ sanguinem ex vena arteriosa per anastomoses hauserat.

5. In arteria venosa, tam vivi animalis quam cadaveris, tantus sanguis reperitur, ut non semel publice me disseccantem impediverit.

6. Vasorum inter se similitudine. Vena arteriosa efferens ex corde ad pulmones, similis plane est aortæ, substantiâ, amplitudine, vicinitate, & valvulis. Arteria venosa pari pacto cavæ assimilatur, arcta connexione, substantia venæ, auriculis & valvulis tricuspidibus.

*Quomodo
fiat Circu-
latio in pul-
mone.*

Promovent hanc per pulmones Circulationem, 1. Pulmonum in inspiratione dilatatio, quibus undique repletis distenduntur vasa, sicut illis cessantibus vel tardatur motus sanguinis vel plane cessat. 2. Situs vasorum pulmonis. Vena arteriosa posteriori loco pulmonum sive convexa parte disseminatur, quia à cordis pulsu fortius impellitur; Arteria Venosa anteriorem & concavam maxime partem occupat, ut proclivior in cor sit lapsus. Inter quæ media incedunt

dunt bronchia, ut ex vena arteriosa fuligines in expiratione recipiant, & in inspiratione arteria venosæ aërem communicent. 3. Anastomoses quibus invicem vasa junguntur tam ramorum se osculantium (quanquam ad oculum in cadaveribus non contpiciantur manifeste) quam pororum parenchymatis levis & porosi.

Mutuis anastomosis vasa pulmonum inter se coniungi, manifeste halitu per stipulam immisso observat *Pecquetus*, microscopio *Malpighius*, quanquam medios pulmones interponat *Columbus*, in quibus vasorum extrema obliterari *Knoblochius* & *Bokelius* tradunt. At in ipsa pulmonum substantia inter se unione coire, aliis persuasum. Experimento suo *Swammerdammius* communicationem inter bronchia & vasa pulmonaria demonstrat.

Notandum ad difficultates circulationi huic adversantes *Solvuntur objectiones contrariæ.*

1. Non premi aut onerari pulmones, quamdiu sanis pulmonibus continuo per partes sanguis labitur.

2. Non exstillare sanguinem per bronchia, quia partim aërem tantum sorbent seu fuligines, neutiquam sanguinem illis crassiorem, nisi præter naturam in phthisicis erodantur, partim quia natura sana, nunquam cessans, protrudit pervias destinatas, retinetque necessaria, per patentia corpori foramina alioquin exitura.

3. Quanquam pulmones cadaverum albicent, manifeste tamen per externam tunicam transparent vasa. Parenchyma ipsum non raro in strangulatis sanguine repletur, in aliis depletum cernitur, quando in morientium conatu vi extruditur.

4. In febribus ardentibus & calent pulmones, unde rauca vox & sicca, & opprimuntur, ut in Epidemica febre hoc anno grassante multorum suffocatio docuit.

5. Male à statu præternaturali, de sano fieri iudicium.

Usus hujus circulationis per pulmones est. 1. Ut sanguini imperfecto vel defatigato, perfectio accedat, vel segregatione inutilium ex sanguine chyloso, vel additione aëris.

2. *Velthufius* addit, ad robur spirituum augendum, sicut ferrum candefactum & aquæ frigida immersum indurefcit & rigidius redditur. 3. Alios usus, pulmonum usus postea manifestabit.

4. *Cartesii* dogma est, ut simul ac vapores sanguinis è dextro cordis ventriculo egredientes pulmonem intrant per arteriosam venam, condensentur, iterumque in sanguinem convertantur, & postea inde in sinistram ventriculum guttatim decendant. Sed de rarefactione sanguinis in ventriculis non constat, nec talis vapor in sectione pulmonum.

monum observatur, sed sanguis solidus ubertim ad finistrum defluens.

Lymphatica.

Lymphatica vasa habent. Hinc inde per pulmonum superficiem proserpentiā depingit *Rudbeckius*, & per externam membranā serosum humorem vasorum attrahentia & in cordis ventriculos immittentia. Ad interiora quoque disseminantur, ut excipiant reliquam lympham in transfretatione sanguinis expressam. Ea vero lymphā ex axillaribus cum chylo per cor venit, ubi etiam invicem mixti fuerē hi liquores, non in pulmonibus, secus ac *Malpighius* scribit. In ramos lymphaticos recepta pulmonum lymphā, in venas subclavas, axillares aut jugulares effunditur, ut recte contra *Bisium* probat *Ruyfchius*.

Lacteis an nutriantur pulmones.

Lacteus Thoracicus ad pulmones non pertingit, nec chylum nisi mediante corde mittit. Pro nutritione tamen pulmonum huc ferri probat *Is. Cattierius*, quia 1. succus albus, tenuis, dulcis, aptius illis nutrimentum quam bilis. 2. Pulmo degustatus est dulcis. 3. Albicans ejuldem est substantia. 4. Lac alimentum illis & medicamentum conveniens. 5. Tenuis pituita, quæ tussi solet rejici, liquidi illius succi crudior & aquosior est portio, quam natura secernit & expellit. 6. Hinc sanguis ex pulmonibus floridus apparet, ob admistionem candidæ substantiæ. De parte chyli aliqua, sed in corde nobilitata, concedi posset, non de omni, quia cæteræ partes sibi portionem venditant, & obrueretur pulmo chyli copia quam lacteæ suggerunt. Chylum, deficientibus pulmonibus, in cavitate thoracis invenit *Bartholetus*, seu aquam lacteam, ut vocat, quæ non erat pus verum ex empyemate. Forſan lymphā ex lymphaticis.

Cur ulcera pulmonum indolorifica?

Nervi exigui à sexto pari per membranā ejus sparguntur, quæ si inflammetur, dolor sentietur, ipsique lateri & dorso communicabitur, non ita multi, pro magnitudine visceris, per substantiam, ne ex motu assiduo doleant. Hinc pulmonum ulcera absque insigni dolore fiunt, nam & ipsi substantiæ pulmonum nervos plurimos assignat *Riolanus*, ex implicatione & contextu nervorum stomachicorum deductos. Prima enim portio paris sexti constituit stomachicos, altera nervos recurrentes, quia sextum par est bifidum juxta claviculam ex *Riolano*. Sed ante hæc fit insertio quam ad stomachum perveniat. Nam ex *Willisio* infra demum pulmones truncus sexti paris in duos ramos finditur, qui post mutuam communicationem binos ramos stomachicos, superiorem scilicet & inferiorem, constituunt. Vidi & ego ex eodem sexto pari plures intus disseminatos, fereq; semper

per bronchia, & vasa comitantes, à postica parte deductos, ad membranam vero exiguum ramulum ferri ab antica parte. Utilis est distinctio nervorum pneumaticorum *Wil-lisii*, cui nervi duplicis generis, quidam à *spina* diaphragmati & thoracis musculis inserti; alii à pari *vago* in pulmones distributi, organa respirationis actuant, proindeque fieri, ut ipse respirationis actus per se involuntarius, pro libitu nostro aliquantulum cohiberi, interrumpi, ac varie alterari possit: illos enim ad voluntarias actiones, hos ad spontanea destinatos.

Actio pulmonis quæ sit variant auctores. Plane non moveri unquam, paradoxum est *Helmontii*, sed tantum inferre pro cribro, ut aer purus thoracem subeat, solosque musculos abdominis ad respirationem sufficere. At moveri *Motus pul-monum un-* revera sectiones vivorum docent & thoracis vulnera, vehementer satis & satis diu. Præterea posse moveri, folle quivis potest experiri. Denique moveri debent, alioquin & suffocaretur cor & sanguinis motus in pulmonibus impediretur. Musculi abdominis concurrunt quidem, sed secundario, quia cordi non junguntur, & motis illis respiratio cohiberi potest, imo resectis illis in vivorum anatome, morventur tamen pulmones.

Notandum tamen contra *Helmontium*, moveri pulmones universos cum singulis suis partibus, sed aerem in singulis partibus eadem mensura non recipi. *Helmontius* unica vice plus aeris inspirat, quam totus pulmo sit amplus. Sed experimenta, quæ profert, id non evincunt. Nam post inspirationem non ampliatur thorax in tantam molem, quod fascia expertus sum. Deinde attrahit anhelitum inspiratque in vesicam, ut id ostendat. Sed fallax hoc, quia non semper exspiratio æqualis est inspirationi. Varia occurrunt inæqualitatem inducentia, pro aeris & fuliginum conditione varia, varioque pulmonum motu. Ponderetur vesica vacua, deinde impleta spiritu eadem lance expendatur. Minimum erit quod accessit. Nam vix guttulam unam aquæ ex condensato aëre unius exspirationis elicies, quia aqua ex aëre condensato creata implet vas centuplo minus apud *Gassendum*. Vitream phialam lanci nostræ impone, lenique halitu inflato, ut videas quam parum ponderi accreverit. Alios modos aerem ponderandi habent *Ottho Guericke*, *Gasp. Ens*, *Ricciolus*, *Mersennus*, *C. Schottus*. Inæqualitatem manifeste demonstrant fuligines, qui in exspiratione aeris commiscuntur. *Boyleus* in aeris poros recipi statuit. *Heron Alexandrinus* vacua spatia aëri interjecta vocat, sicut arena in littoribus.

Vacua tamen non sunt, quia ætherea materia seu lumine replentur quo aër pellucet, quam expelli credit *Hogelandius* cum aliis Cartesianis, quando aër condensari dicitur. An autem propria vi moveantur pulmones, an ab alia, ulterius inquirendum. *Averrhoës*, quem ex recentioribus sequi videntur *Platerus*, *Sennertus*, *Burserus* noster, *J. D. Horstius*, putat pulmones propria vi moveri, nec thoracis motum sequi, dicitque alias dari motum aliquem violentum perpetuum.

Sed tenendum, pulmonem, licet respirationis vas sit, non tamen agendo, sed patiando. Nullam enim propriam movendi vim habet, sicuti vult *Averrhoës*, quia arbitrio nostro respirationem modo inhibemus, modo acceleramus, modo tardamus: organis quoque motus propriis destituitur. Cessatque ejus motus, thorace & diaphragmate cessante. Igitur movetur sicut currus in circo ab equis & auriga. Inest quidem motus aptitudo propter poros & fibrillas, sed non causa, sicut nec in vesica inflata, per manum compressa.

Error Aristotelis. Nec motus principium à corde accipit, aut sanguine pulmonem attolente, uti vult *Aristoteles* & ejus sequaces, imprimis *Dunus*, *Cesalpinus*, *Hofmannus*, quia 1. effluxus sanguinis ex corde fit ordinario motu, respiratio vero est voluntaria. 2. Eadem esset causa pulsus & respirationis, simulque fierent. at 30. pulsus uni respirationi sufficiunt. 3. Dum valide inspiramus & inspiratum aërem aliquandiu continemus, ad expirationem nos cogere deberet pulmonis tumor, quia hic attollit thoracem secundum illos. 4. Sanguis cordis in pulmonibus non moratur inæquali retentione ut distendatur, sed continuo secundum naturam expellitur. 5. Ubi maxime notatur in male affectis pulmonibus, difficultatem respirationis vel imminutam parit, neutiquam tumorem. 6. In forti Apoplexia salvo pulsu & corde illaeso, motus pulmonum cessat. 7. Animalia sine corde respirare nonnihil possunt, *Columbo* teste, & in morientibus cessante pulsu, respirationem durare ad ultimam expirationem docet *Gasp. de los Reyes*. 8. Si infletur pulmo exemptus folle in tracheam immisso, statim attollitur pulmo totus. At in venam arteriosam calido liquore quocunque per syringam sensim immisso, etiam ad scrupuli quantitatem singulo impulsu, istius vasis motum valde obscurum videbis. 9. Influxus sanguinis fit etiam nutritionis gratia; at in nutritione aliarum partium, præter vasa, partes non attolluntur. 10. In nonnullis animalibus cor laxo intervallo distat à pulmone ex *Aristotele*. Imo in testudine nullam connexionem observavit *J. Faber*. Exciso enim corde, adhuc per tubulos

los ipsi pulmones retento in se aëre insurgabant. Et prius inflatis pulmonibus, corde præfente, ne tantillum quidem hoc attollebatur. 1. Quamvis permaneat in aperto, per vulnus, thorace, motus cordis, ventriculique utriusque contractio, non tamen expandi pulmones recte observat *Fr. Sylvius*.

Non prorsus tamen excludendum cor, sed concurrere potest ad respirationem, 1. sicut naturalis ad voluntariam actionem instigandam. Monentur thorax & diaphragma sui officii à sanguine vel copiosiore & calidiorè, vel frigidiorè & parciore influente. 2. Quia proportio est inter utriusque actiones non ratione causæ, sed motus per systolen & diastolen, interprete *Galeno*; nam si plena est systole cordis, impletis omnibus vasis pulmonicis, respiratio proportionè augetur, & versa vice. 3. Observavit *Maurocordatus*, alligata trachea è faucibus descendente, statimque inflicto gravi vulnere pulmonibus, reciprocari aërem per vulnus; & in inspiratione simul atque expiratione sanguinem percurrere, sed hac differentia, quod in expiratione sanguis leni alveo efflueret, in inspiratione veluti compressus: & ad moto speculo ori animalis, eousque respirationem agere vidit, quousque vivit, motumque cessante respiratione definiri.

Neque à nervis influxu cerebri pulmo movetur primo, quia 1. exiles illi si ad molem pulmonum conferantur. 2. motus hic voluntarius non est, ut aliorum muscutorum. Media via graditur *Willisus*. Pulmones nempe primos motuum suorum instinctus concipere, & nervorum ope sese aliquatenus exserere, ac systolen & diastolen moliri, easque juxta propriæ necessitatis sensum designari; cum vero definit fibræ pro motu locali requisitæ, ideo diaphragma & musculos thoracis, pulmonum inceptis succurrere, ut respiratio perficiatur. Necessarium nervum esse, oculi testantur: discisso enim illo, motum statim universum cessare advertit *Jo. Theod. Schenck*.

Nec ab aëre impulso elevatur pulmo, qui, dum elevatur thorax, quia aliud spatium quo feratur non habet, per asperam arteriam in pulmonem solo pulsu feratur, ut arbitrantur *A. Falcoburgius* & *Cartesius*, eumque sequuti *Hogelandius*, *Regius*, *Præstus*: nam 1. voluntas excluditur, quod Platoni etiam objecit *Galenus*, qui pro attractione, quam negant Cartesiani, varia affert argumenta à fistulis, labiis & foliis. 2. Pectus & pulmones prius in fœtu attrahunt aërem, quam aër illuc pellatur, nullum enim pellens in utero pulmones autem tum demum trahere incipiunt, quando ad

trahendum apti sunt & perfecti. Dilatum & expansum pectus in foetu ante videri quam aër sit ingressus, fatentur ipsi qui pulsionem defendunt, nec aërem se in pectore observasse. 3. In adulto prius attrahitur quam pelli possit aër, quia locus prior est locato. 4. Non necessario, si pellitur aër, ad fauces compellitur, quia natura sursum fertur, vel in gyrum volvitur per thoracis circulum, nisi attractio oris accedat. 5. Aër facile condensari potest, ut ex mille experimentis probatur, ex cucurbitulis, hydrolabio, flagellis, tubis, sclopetis, vento, pneumatolabio *Bartoletti* pro halitu coagulando, & aliis infinitis; unde & circa thoracem compingi arctius posset sicut culcitra plumea, & in se comprimitam ab interna aëris natura subtili & per atomos dispersa facile in se recolligendas, quam ab externo thoracis impulsu, quo majori facilitate condensari potest, quam in alium locum pelli; condensari etiam à thorace commotus, exclusa ex vacuis loculis aëtherea materia. 6. In pulsione duplex actio, condensatio & condensati de loco pulsio: in illa simplex compressio, quam facile patitur aër propter innatam substantię raritatem sive pororum beneficio, sive vacuorum spaciolorum, quæ si æthere implentur, hoc expulso, quia levior, aër minus spaciū occupat, & in se concidit. Non repugnare id aëri, docent pilæ lusoriæ, vesicæ inflatæ, sclopetæ pneumatica, quæ diu aërem condensatum continent. 7. A motu thoracis aut similis corporis, non videmus rem etiam levissimam agitari. 8. Manifesta experientia pulsionem evertit. Per foramen in muro omnibus rimis januisque firmiter obturatis, occlusis naribus ducere ore aërem è vicino cubiculo possumus, ad quem non est credibile aërem à thorace motum, valido motu pervenire; & quanquam per rimas & fissuras in cubiculum penetret aër, tantus tamen non est, ut thoracem, quantum sufficit, in libera respiratione distendat. Idem experimentum in vitreo vel argenteo vase fiat, arcte ori applicato. Neque subtilis materia seu æther transire volet parietem in obscuro cubiculo, vel per metalli soliditatem in vasis argenteis: neque, si penetraret, ad respirationem foret sufficiens. In organo vitreo *Boyleano*, quanquam æther remaneat, exsucto tamen aëre moriuntur animalia convulsionibus. Et subtilem aërem, qualis in suprema aëris regione in altissimis montibus reperitur, nullam cum respiratione hominis habere proportionem suo exemplo monstrat *Jos. à Costa*, qui in montibus Peruanis fere cum sociis exspiresset, nisi in crassiorem aërem descendisset. 9. Respiratione cohibita moveri abdomen ultra vi-

cies,

cies in me sum expertus. At tum, ubi pellitur aër? nonne, quia omnia corporibus sunt plena, proximus abdomini aër comprimitur.

Difficultatem declinaturus *Pecquetus* aëri spontaneam *De aëris* vim se dilatandi concedit, quam *Elaterem* vocat. *Boyleus* *Elatere.* quoque sponte irruere aërem propter *spiram* suam seu dilatandi potentiam, quia nulla est contranitentia quin in fauces eat, quando pulmo à thorace est dilatatus. Quod de aptitudine concedi potest, quæ attractione facilitatur. Alioquin etiam aperto ore, sine motu thoracis respiraremus.

At *Fr. Sylvii* experientia, quamvis pateat læso thorace aut diaphragmate aëri per nares hinc & fauces, in asperam arteriam ingressus, tamen non observantur expandi explicarique Pulmones.

Duo alia experimenta fecit *Jo. Swammerdamius*. Aperuit vivo adhuc cani asperam arteriam, in eamque intrusit tubulum æneum, cui ventriculi canini post inflationem exsiccati pilorus cum intestini portione præparatus, erat alligatus, atque circumjecto vinculo arteriam prædictam circa eundem tubulum arcte constrinxerat. Unde mox per colligatum illum ventriculum respiratio in cane omnis perficiebatur. Per alium tubulum ejusdem ventriculi, cæphago annexum, inflato spiritu ventriculum valde distendit, ac orificio cerâ obturato, monstravit, quomodo aër conclusus in thoracis abdominisque elevatione pulmones ingrediatur, subsidente ac foveam notabilem exhibente dicto ventriculo, & versa vice. Aliis tribus instrumentis & ampullis ingeniose effectis aërem expulsam pelli iterum per circulum demonstrat.

In his quidem & aquam & aërem moveri observamus, sed an pellatur vel attrahatur, non constat æque manifeste. Minori apparatu mitra coriacea rotunda ori arcte applicita aëris motum in pulmones videmus. In inspiratione enim fovea fit in mitra, que recedit in expiratione, aëre iterum repleta. Intra mitram fit aëris circulatio, nec ab extra aër ingreditur à thorace pressus, quia densius corium. Negatur externi aëris cum externo commercium obice interjecto, ut verius cum *Fr. Sylvio* dicamus, priora experimenta nobis favere contra mentem ingeniosi *Swammerdamii*.

Ideo tantum thoracis motum ad fugam vacui sequitur: quare aërem inspiratum tantum recipit, quia thorax se dilatando, aëre pulmonem complet.

Pulmonis autem motum à thorace esse experientia constat. Nam 1. si thoracem penetrante vulnere in utroq; latere *Motum pulmonis* vel

*esse à tho-
race proba-
tur.*

vel fortiter percussum aër ingrediatur, immobilis pulmo manet, quia thoracis dilatationem sequi non potest, aëre se per vulnus in spatium inane insinuante. At integro thorace, ejus amplificationem sequitur pulmo, ob fugam vacui, sicut in fistulis aqua sursum trahitur, & pus, globuli, sagittæ, aliaque duriora ex corpore ob fugam vacui extrahuntur. Si quando, vulnerato thorace, motus pulmonum perstet, vel angustiora erunt foramina vulneris acutis gladiis inflata, quam aër possit penetrare, vel pulmo vulnus implebit. Observavit enim *Fr. Sylvius* in hujusmodi vulneribus concidere pulmones, nisi vulnus impleant, nec amplius exsicari, nisi vulnere iterum occluso. Igitur Chirurgi sedulo cavent, ne apertum vulnus aërem admittat; hinc quoties detegendum, calidam petiam vel laminam calidam consulunt. Vide inter alios *Fo. Vigierium*. Illustre est experimentum *Higbmori*, vulnerato vivi canis pectore, pulmonum lobos in isto mediastini latere subsidere & quiescere, thorace & lobis alterius mediastini lateris in motu pergentibus. 2. Si diaphragma vivi animalis levi vulnere pertundatur, respiratio thorace concidente perit. Hinc monet *Santorellus*, quod impedito hujus motu à repleto ventriculo, respiratio oblædatur; deinde quod Medici ad dignoscendum an homo mortuus sit, apponere soleant cyathum aqua plenum ventriculo, moveri enim diaphragma & cyathum subverti, si vivat animal, quod tamen à musculis abdominis quoque posset evenire. Alias rationes pro diaphragmate adducit *Gassendus*, & ex illo *Charleton*, qui tamen male thoracem excludit. Rectius *Boyleus* moderatam respirationem à diaphragmate, restrictam seu concitatiores à musculis intercostalibus deducendam censet. 3. *Galenus* est demonstratio: quia nulla dispositio invenitur, in qua thorace immobili manente, moveatur pulmo, sed etiam in thoracis motibus pereuntibus, simul pereat pulmonis motus. Ex qua argumentum invictum necit *Fr. Sylvius*.

*Observatio
in vivis.*

Sed aliquid est quod magnos viros impedit, quo minus huic causæ motus pulmonis assentiantur, quod prorsus aperto thorace, pulmones & diu sæpe & satis vehementer moveantur. Sed ex observatione *Joh. Walæi*, *F. Sylvi*, & *Fr. vander Schagen*, is motus non est dilatationis & constrictionis substantiæ pulmonis, qualis pulmoni naturalis; sed est motus sursum & deorsum integri lobi, qui motus accidit quod pulmo mediastino, mediastinum diaphragmati adnexum sit, & pulmones quoque diaphragmati adfitti: unde contingit valido adhuc animali, pro motu diaphragmatis pul-

pulmones cum mediastino vel trahi, vel à diaphragmate pelli, diaphragmate necdum concidente aut immobili, quod contra *Horstii* filium doctissimum noto. Eum autem motum non esse ab insita vi pulmonum hinc apparet, quod semper quando thorax deprimitur pulmo elevetur à diaphragmate impulsus, quod satis tum profunde in thoracem adscendit; & contra elevato thorace pulmo deprimitur.

Pulmones in respirationis actu primos esse probat *Willisus*, quia 1. respiratio sanguinis ac cordis gratia præcipue instituitur, & pro multiplici pulsus necessitate fere quovis horæ minuto alterari solet: at vero ipsi pulmones sunt quos sanguis è corde ebulliens pertransit. 2. Pulmones ab objectis extraneis & improportionatis irritati, statim motus anomalos & violentos concipiunt, ut cum tussis vehemens propter molesti cujusvis exclusionem cietur; cui motui diaphragma & thoracis musculi statim obsequuntur. 3. In respiratione anhelata, suspiriosa, primus ejus instinctus pleurumque à pulmonibus incipit. Sed primi sunt ratione instrumenti, non causæ, sicut mola, quam agitat aqua vel ventus, & molitor dirigit. Concedit ipse *Willisus* quandoque cum exteriora respirationis organa in motus irregulares excitantur, etiam pulmones eorum anomalis obtemperare. Ita cum diaphragma quoquomodo affectum risum orditur, pulmones cachianno subsequente eundem perficere. Injurias recipit à costis earumque membrana & musculis in Pleuritide, unde tussis & difficilis respiratio. Ab hepate quoque, quod tumidum dyspœnam induxit apud *C. Pisonem* & in respiratione adscendere in cane aperto observavit *Rudbeckius*. Quia vero pulmo est instrumentum respirationis, hinc sequentes habet

Usus I. *Platoni*, *Galeno*, & *Aben Sina* esse cordis molle sub-
sterniculum & culcitram.

II. Aliis ex *Columbo*, ut præparat & pene generet vitales spiritus, qui postea in corde perficiantur, dum in iis sanguis quasi circulatur, fervore à corde ebulliens & rursum frigore aëris subsidens. *Platerus* quoque præparari spiritum vitalem ex aëre & sanguine, pro cordis pabulo.

III. Magis proprios usus habet dum dilatatur; deinde cum constringitur.

Dum dilatatur, recipit instar follis aërem per tracheas ramos.

I. Ad aërem cordi præparandum pro spiritus lucidi alimonia convenienti. Non enim quælibet aëris qualitas spiritui nostro amica est, uti videre est in iis, qui extinguuntur

*Pulmones
an primi?*

*Non quævis
aërem
spiritui ho-
minis esse
ex amicum.*

ex carbonum fumo, item in ædibus calce nuper illitis.

Aërem spiritui cordis connecti putat *Helmontius*, & in corde suscipere fermentum, quo comitante ambo cruorem disponant in totalem sui diaphoresin, unde sub maximis frigoribus & in mari esse nos edaciores, quia aër tenuior disponit cruorem ad insensilem transpirationem. Affinis illi est *Backius*, qui ab aëre primo humido, corporeque tenuissimo fluxibilitatem sanguini conciliat, ut ad partes singulas exiles etiam alendas diffundatur. Utrumque sero alii adscribunt copioso; unde *Hippocrati* aqua edax, & bibones sudore diffuere uti & Scorbuticos videmus. In quem finem per vasa Lymphatica lymphæ apportatur & cordi infunditur. Sine vero aëre lumen cordis non est perenne. Observavit *Boyleus* exhausto in organo suo aëre, elychnium purum flammam duo minuta non posse conservare. Ita nec cor eo carere potest. *Lowerus* in vivorum dissectione advertit, postquam cruore effuso cordis motus penitus cessaret, si per tubulum vasis chyloferis aut cavæ adaptatum aër insuffletur, cordis motum redintegrari.

*Aër ubi
in pulmone
moratur?*

Aër non in cavitate thoracis tantum extra pulmones continetur, sed in cavernis pulmonum detinetur nonnihil, ut tutius commodiusque seu virtus seu substantia cum sanguine cordi communicetur. In substantia enim vesiculari & porosa pulmonum, in quam vasa pneumatica desinunt, colligi vasorum aërem in *Diatriba* suspicatus sum. *Swammerdamius*, retentum aërem excernendis urina, fœcibus, partu, imo ad robur corpori addendum, ad motum chyli, lymphæ, sanguinis commodius promovendum conferre: spiritus enim retenti ope per patulum aliquod in pede vulnus magnam sanguinis copiam pro voluntate à puerulo vidit excretam. Retenti tamen aëris damna Tympanites prodit, & nonnunquam læso pulmone universi corporis tumor.

Calorem nostrum indigere frigido.

II. Ad caloris ventilationem & refrigerationem. Videmus enim calorem nostrum frigido indigere, & absque eo extinguì, ut liquet in iis, qui diutius in ferventissimis balneis morantur, sicuti flamma in angusto loco aëre non ventilata contabescit & perit. Quare pulmo cordis flabellum & ventilabrum dicitur, & pisces in aqua, aliaque animalia, uno cordis sinu prædita, quia non indigebant hac refrigeratione pulmonibus carent. Hinc fit ut conspecto tantum pulmone de animalis cujuscvis calore definire possis: nam cordi calido majores pulmones fabricata est parens natura.

Infantes eorum motu destituntur.

Ergo pulmo ad vitam absolute non est necessarius, sed ad cordis

cordis commoditatem. Ejus enim loco vesiculam quandam membranoso statu repletam habuit puer Amstelodamensis quatuor annorum, teste *Nic. Fontano* Medico ibidem, quæ venulis exiguis munita, originem suam ab ipsa arteria aspera (unde cordi refrigerium) repetebat. Qui tamen, quia forsitan non satis copiosus aër cordi subministrabatur, marasmo obiit.

Dum constringitur pulmo in expiratione, iterum duplicem usum nobis præstat: I. *Fuliginosa* excrementa per eum exeunt, ex corde per venam arteriosam cum sanguine elata. II. Ad vocem articulata in homine, in brutis inarticulatam facit, quatenus dat spiritum ad edendam vocem. Quare animalia pulmonum parenchymate destituta, vocem non edunt, teste *Aristotele*.

III. In ipsa dilatatione quoque sanguinem ex dextro cordis ventriculo haurit, quem in constrictione ad sinistrum refundit. Hinc *torcularia* vocantur pulmones *Maurocordato*. Ampliantur enim vasa in dilatatione, angustantur in constrictione. Experimento post *Highmorum* confirmat *Malpighius*: nam in animalibus adhuc viventibus secto thorace, si jam collapsi pulmones, iterum immissa in tracheam fistula aëre inflentur, restituitur motus cordi, jam pene extinctus, irrumpebat sanguinem ex facta aëris compressione.

IV. Miscelam in pulmonibus fieri alii existimant. De sanguinis & aëris mixtura non dubitamus. Miscentur hic sanguis, chylus & lympa, *Malpighio* iudice, ut fluxilis fiat sanguis. Sed ista mistio in dextro ventriculo cordis celebratur, quo confluit chylus cum lympa. Perfectus tamen misceri sanguinem dum vasa pertransit, *Lowero* persuasum, propter quam causam piscibus pulmonum analogon datum.

V. Sanguinis aliqualem coctionem *Marbini* inducit, quia ad respirationem solam tanto apparatu opus non sit. Hinc ulcere pulmonum contabescere homines & floridum faciei colorem amitti. Ex vulneribus pulmonum vidi non semel intumuisse universum corpus. An quod ex vitiata hujus partis concoctione status in corpore cumulentur? in depuratione vero sanguinis à fuliginibus, & perfectione addito aëre, hæc concoctio consistit.

VI. *Fr. Sylvio*: aërem inspiratum ratione salis sui purioris condensare denuo in pulmonum vasis sanguinem in cordis ventriculi dextro rarefactum, atque opera eadem reprimere æstum majorem in ipso simul excitatum. Qui modus elegans est ex chymia petitus. Eo tamen res redit, ut aër inspi-

inspiratus calorem cordis temperet. *Hornius* breviter, sanguinem ab aëre frigido hic esse coactum. Fuscæ hæc explicat *Swammerdamius*, rarefieri in dextro ventriculo sanguinem, condensari in pulmonibus, rarefieri iterum in sinistro, quasi operam luderet natura. At siquidem condensatus aër respirationi & vitæ non est conveniens, sicut experimentis evincit *Boyleus*, præter necessitatem non est, si iterum in sinistro sinu cordis de novo dilatetur, purior fiat & ab admixto aëre spirituosior. Hæc non male illustrantur experimento desumpto ab ovo gallinaceo, inter bulliendum è fictili extracto, confestim algida aqua penitus refrigerato, at per brevissimum temporis intervallum adeo ferventer de novo iterum incallescens, ut recuperato suo calore haud leviter tenentes digitos feriat ovum: quemadmodum illud non semel Clarissimo *Blasio* demonstravit *Swammerdamius*.

VII. *Pecquetus* ad chyli distributionem restringit, ut pulmonum motu chylus è ventriculo ad intestina, & in lacteas trudatur: dilatatos enim pulmones deorsum premere diaphragma, jecurque, unde & mole detrudere, & poros distendere; nec ab aliis musculis, quorum contractio momentanea, repeti posse, nisi à jugi hac respirationis causa.

C A P. X.

DE FISTULA PULMONUM.

Trachea
quid?

FISTULA vel canna PULMONIS veteribus Arteria dicta est, eo quod aërem contineat: *Galeno* & aliis *Trachea* seu *aspera arteria*, ab inæqualitate, & ad differentiam artieriarum lævium. *Lactantio* spiritalis fistula, quod ea spiritus reciprocus trahatur. Est autem canalis, pulmones inferiore parte plurimis ramis, quos *Hippocrates* Syringas & Aortas vocat, ingrediens, cujus caput *larynx* dicitur, de qua sequenti capite; reliquum vero *bronchus* dicitur, eo quod à potu irrigetur. Aliquid enim potus ferri etiam in tracheam & pulmones recte probat *Hippocrates* ex macerato recenter porco, in cujus pulmonibus materia ita colorata reperitur, qualis statim antea ab eo hausta. Et quod aliquid potius deferri possit per tracheam probari potest ex *Julio Fasolino*, Anatomico Neapolitano, qui in nobilissimi cujusdam viri cadavere quærens causam mortis, invenit pericardium adeo humore distentum, ut eo pressso aliquid humoris per os efflueret.

An potius
aliquid in
tracheam
& pulmo-
nes descen-
dat.

Ejus situs
in homine.

Situs. In homine Oesophago incumbit, nam ab ore recta
deor-

deorsum per collum ad pulmones fertur; ad quartam autem thoracis vertebra in duos ramos dividitur, quorum uterque sui lateris pulmonem ingreditur: illi iterum in duos alios subdividuntur, & hi rursus in alios, donec tandem ad pulmonum superficiem in minimos ramulos desinant. Ejus vero rami, qui reliquorum vasorum pulmonis ramis majores, pulmonem ingredientibus, inibi feruntur medii, inter venam arteriosam, quæ posterius est, & arteriam venosam, quæ antè: quibuscum jungitur per anastomoses, obscuras, & visui vix perspectas. In venam arteriosam manifestos ductus patentes in spirantibus adhuc & anhelis canibus observavit *Fr. Ulnus*. Artificii cujusdam meminit *Flempius*, quo coeant arteriæ venosæ oscula cum osculis asperæ arteriæ, ut aëri & vaporibus fumidis liber pateat ingressus & exitus, non autem sanguini & cæteris humoribus, nisi impetu & tussi, hincque dissecto cadavere nunquam asperam arteriam reperiri cruentam, sed per naturalem sanguinis fluxum omnia sunt manifesta. *Malpighius* vidit per microscopium, vasa sanguinea utraque recte suo implicita ad aream seu spatium aëri recipiendo in ramis dicatum, & ad parietes ejus extendi, hincque patuit ad sensum & compressionem, ex vasis ad aream, & hinc ad illa esse pervium meatum. In experimento *Swammerdami*, inflata trachea aërem ad vasa & cor penetrare constat, & inter illam & hæc esse communionem.

In Brutis idem fere *Situs*. Norandum tamen diversum In Cygno. esse in Cygno, & plane singularem. Longior enim cum sit, in sterni capsulam incurvo flexu se insinuat, moxque ex fundo capsulæ sursum regreditur, & claviculis conscensis ad thoracem se flectit. Antequam autem pulmones attingat, prius fistula quadam ossea fulcitur, lata superius, inferius angustiore, quæ in anate globosa est, deinde in duos ramos divaricatur in medio tumidiore, sed qua pulmones accedunt, angustiores, donec pulmones ingreditur. In avibus ad abdomen protenditur. Notat id *Plinius*. In Struthiocamelo, gallo Indico, & gallinaceo observavit *Harvejus*. Ramulos ad renes & vesicam protensos in testudine magna vidit *Peireskius*, narrante *Gassendo*. In vitulo ad œsophagum *J. Taber*. In homine si talis esset productio, pateret via puris empiricorum ad urinam, vel abdominis per tussim. *Merletus* hoc agnoscit, sed vias non vidit.

Membrana vestitur duplici: una extrinsecus, altera intrinsecus. *Membrana.*

Externa tenuis à pleura est, & arte coheret cum cartilagi-

E c

lagi-

FIGURARUM EXPLICATIO.

Tabula hæc asperam Arteriam, œsophagum, nervos recurrentes circa arteriam magnam & axillarem, à parte posteriore repræsentat.


FIG. I.

- A A. *Musculus œsophagum constringens.*
 B B B. *Oesophagus.*
 C C C. *Aspera arteria gulæ substituta.*
 D. *Membrana inter asperam arteriam, & œsophagum.*
 E E E E. *Nervi sexta conjugationis.*
 F F. *Nervi linguae post inserti.*
 G G. *Nervus recurrens dexter ad arteriam humeralem revolutus.*
 H H. *Nervus recurrens sinister circa arteriam magne truncum descendentem.*
 I I. *Nervus ad ventriculi orificium sinistrum, ac diaphragma tendens.*
 K K. *Nervus ad diaphragma descendens.*
 L L. *Arteriæ jugulares, utrinque una.*
 M. *Arteria humeralis sinistra.*
 N. *Arteria ad humerum tendens dextra.*
 O. *Arteria magna.*
 P P. *Arteriarum ad pulmones descendantium caudices.*

FIG. II.

Figura hæc superiorem gulæ partem una cum ejus musculis ostendit.

- A A. *Musculi cephalopharyngæi.*
 B B. *Musculi sphenopharyngæi.*
 C C. *Musculi stylopharyngæi.*
 D D. *Sphincter gulæ distractus.*
 E. *Gulæ interna facies.*
 F. *Gulæ pars descendens.*



laginum intermediis ligamentis, atque nervos recurrentes deducit.

Interna rectis fibris donata, transversis nonnullis à latere se jungentibus, crassior est, densior & solidior (maxime vero in larynge, minime in ramis pulmonum, medio modo in fistula media) idque ne lædatur facile à rebus acribus; haustis, aut aliis per tussim rejectis, aut aliis à capite decidenti- bus.

Oritur hæc à tunica palatum succingente, ideoque continua est ori.

Pingui humore inungitur ad prohibendam exsiccationem in motibus, clamoribus, aëris calidioris attractione, fruliginum acriorum exitu, &c. Atque vox ex hujus humoris copia vel inopia læditur. In illa enim per destillationes contracta rauca fit; in hac ex febribus ardentibus, &c. clausa fit. Si nimium abundat, plane obmutescimus & vocæ privamur, quæ rursus redit humiditate hac absumpta: quod fieri potuit in Cræsi filio muto, de quo *Herodotus*, & *Ægle Samio Athleta*, cujus *Valerius Maximus* meminit, & *Zacharia Orphano fatuo*, de quo *Nic. Fontanus* in Observationibus retulit.

Exquisiti sensus est hæc tunica, ut ad molestorum expulsi- onem insurgat.

Inter geminas has membranas est Tracheæ propria sub- stantia, quæ partim cartilaginea est, partim ligamentosa.

Trachea

cur cartila-
ginea.

Ex parte cartilaginea esse debuit, & non in totum liga- mentosa. I. Ob vocem: quia quod sonat, solidum esse debet. II. Alias ob molliem semper concideret, & non facile aperiretur in respiratione.

Cur ex par-
te ligamen-
tosa.

Ex parte ligamentosa, & non tota cartilaginea esse debuit: Nam si aut ex unica constaret cartilagine, aut multis plane circularibus, I. Semper esset aperta, & non concideret at- que dilataretur. II. Oesophagum premeret, cui tamen ce- dere debet in deglutitione, præcipue solidorum ciborum, ut sufficienter gula dilatetur. Atque ita cartilaginee ad vocem faciunt; ligamenta vero membranosa ad respirationem.

Cartilaginee sunt multæ rotundæ & annulares, sed non perfectæ. Parte enim posteriore, qua Oesophagum tan- gunt, quarta circuli pars deest, cujus loco membranosa est substantia. In Leone integri sunt circuli, ita invicem im- pliciti, ut unius circuli extremitas sub altera inflectatur, mobili tamen compage & soluta, nisi quod consueta mem- brana jungantur.

A *Figura σφαιροειδής* vocantur, qui antiquum C resserunt, donec

donec in pulmonibus infigantur, cum ob mutatam figuram nomen etiam hoc amittunt. Bronchia enim ibi ex integris constant cartilaginibus, rotundis, quadratis aut triangularibus, sed ubi reliquis pulmonis vasis jungitur, sunt membranæ.

Connectuntur hæ cartilagine per intermedia ligamenta, quæ in homine carnosiora, in brutis membranosa; & in homine, ac si viderentur esse muscoli perexigui. Atque ubique æqualiter à se invicem distant cartilagine, & quo superiores, eo majores sunt.

Animalium lobos membraneos variis figuris tracheæ connecti depinxit *Malpighius*, modo rhomboides, modo triangulares &c. de qua figurarum varietate in ipsis bronchiis *Fallopianus*, *Rondeletius*, *Riolanus*.

Glandulæ quatuor subceruleæ succo pene nigro refertæ incumbentes pulmonibus observatæ *Borrighio* nostro: duæ Glandulæ novæ. majores asperæ arteriæ adjacent, qua parte in pulmones incipit divaricari; duæ minores vicinis adhærent bronchiis. Intercurrit ramus *lymphaticus*, sive pro succo subatro tanquam fermento separante serum à chylo, thoracico infundendo, ut *idem* censet, sive pro sola Lympha, qua resplendet lymphaticus ramus, ex pulmonum motu ad glandulas propulsa, hinc ad lacteum pro vehiculo.

Vasa cum aliis communia habet. Venas à jugularibus externis. Arterias à carotidibus. Lymphatica jam dicta. Nervos à recurrentibus sexti paris. In dextram tracheæ partem emissos, deorsum movere ejusdem annulos pro inspiratione & voce gravi suspicatur *Willisus*; alios vero in sinistram partem utrinque exeuntes, sursum ferre annulos pro expiratione & voce acuta.

Ufus I. In inspiratione, ut per eam tanquam fistulam aër à pulmonibus seu folliis recipiatur. Inde bronchiis impeditis in asthmate sibilus ille fit, quem aër reciprocans, quia libere ferri non potest, facit. Ufus.

II. In expiratione, primo, Ut per eandem fuliginosa excrementa ad os & nares excernantur, ob quem usum eo artificio oscula venæ arteriosæ cum osculis asperæ arteriæ coeunt, ut fuliginibus pateat solis exitus, non vero sanguini, nisi per vim & cum tussia tacto. Deinde ut ad vocem faciat quoque expiratione, quam tamen præstigmatos quidam inspiratione solent formare: unde *Hippocrati* organum spirabile & vocale dicitur. Mirandum ergo quosdam in aquis diu vivere posse instar piscium, natura, non artificio, si verus *Card. l. II. de subit.* ubi meminit cuiusdam

dam Colani urinatoris in Sicilia, qui ternis ac quaternis horis sub aquis latitabat. Et in India Occidentali passim urinatores margaritarum ostreis venandis intentos per horam integram sub aqua latitare. Si artificio hoc facerent, non adeo mirandum. Ita & Ægyptii urinatores sunt perfectissimi, & urinando deprædantur. Nam ut liquet ex descriptione peregrinationis Hierosymitanæ Nicolai Cristophori Radzivilii, sub aquis latitantes non contenti terrestri furto, quicquid arripuerint, in aquam protrahunt, & auferunt: & frequenter hominem in sponda navis cubantem arripiunt, atque demersum vita & vestibus spoliant, ut navigantes armati sæpe tota nocte vigilare cogantur. Et ibidem magno numero piscatores in aquam se demergentes manibus pisces capiunt, & cum geminos manibus extrahunt, tertium ore adferunt. Hi sine dubio vel transpiratione sola vivunt, sicut in Apoplecticis fit & suffocatione uterina; vel anastomoses in corde pervias habent, quibus, ut in utero, libere, sine vehementi motu pulmonum, sanguis moveatur; vel artificio quodam absentiam aëris supplent. *Drebbelium* talem liquorem chymicum habuisse refert *Boyleus*.

C A P. XI.

DE L A R Y N G E.

- Laryngis,** Fistulæ hujus pulmonarię caput, seu initium, dicitur LARYNX, quę est vocis organum.
- Situs,** Situm in collo, & quidem in medio, quia
- Numerus,** Numero unicum est, ut una vox edatur;
- Figura,** Figura rotunda & circulari fere; quia concavum ob vocem esse debuit; sed parte antica magis extuberat, postica deprimitur, ut gulę cedat, in deglutitione præsertim, in qua, dum oesophagus deprimitur, larynx sursum recurrit, & ita deglutitionem adjuvat, tum cedendo, tum deprimmendo.
- Magnitudo.** Magnitudo variat secundum ætates. Nam in junioribus larynx angusta est, unde vox acuta: in adultioribus ampla, unde vox gravis.
- Vox gravis & acuta unde?** Ad quę etiam faciunt laryngis longitudo vel brevitās: & si accedat aëris vel spiritus pulsī copia, fit vox magna: si inopia, fit parva.
- Vocis magnæ quæ causæ?** Unde *Galeno* vocis magnę causę duę sunt: amplitudo asperę arterię, & fortis efflatio; utramque vero docet cum *Hippocrate* esse à magno calore. Quamobrem in libro de sem. testes docet conferre ad conformationem vocis. Hinc masculu-

masculi pubertatis tempore vocem mutant. Hinc vox mu- *Mutatio*
tatur in castratis; Equus castratus hinnitum deperdit. Capo *vocis unde?*
canere desinit, aut cantum infirmiolem, & à priori discre-
pantem habet.

Partes laryngis & circa laryngem sunt, *cartilagine musculi, membrana, vasa, & glandulae.*

Musculi occurrunt omnium primo, qui cartilagine mo- *Musculi.*
vent, quos obtinet larynx, ut voluntario motu moveatur,
cum vocem pro arbitrio edamus.

Sunt autem humanae laryngis *musculi* non nisi *tredecim*,
quatuor *communes*, & novem *proprij*: licet alii viginti, alii
octodecim, alii quatuordecim constituent.

Communes sunt, qui in laryngem implantantur, ab ea
tamen non oriuntur.

Proprij in larynge & oriuntur & finiuntur.

Communium *par primum*, Sternothyroides veteribus *Communes.*
dictum, quod inferius, oritur interius à sterno, initio lato
& carnosum, & juxta tracheam progrediens, inseritur inferne
in latera cartilaginis scutiformis.

Ufus est, rimam laryngis coarctare dum scutiformem
detrahit.

Secundum par, Hyothyroides appellatum, quod supe-
rius, oritur ab inferiori sede ossis hyoidis, latum carnosum-
que, scutiformem contingit, & inseritur in basin scutifor-
mis.

Ufus est, rimam dilatare, dum scutiformem attollit.

Contrarios usus his assignat *Spigelius & Veslingius*: primo
pari dilatare, secundo coarctare laryngis rimulam.

Alii hic *tertium par* addunt, quod tamen à *Columbo &*
Casserio pro uno habetur musculo.

Sed hic potius deglutitorius est, quandoquidem à scuti-
formi quidem pernaescitur, sed gulæ circumplicatur.

Statuitur scutiformis latera, contrahendo rimam con-
stringere: sed laryngi non nisi per accidens famulatur.

Primum par proprium oritur antè ab infima scutifor- *Proprij.*
mis parte, ut nervorum insertio docet, & in annularem ten-
dit. Unde hoc par dici potest Thyrocricoides; non vero ut
alii Anatomici volunt, *Cricothyroides*. Alii à cricoides antica
parte oriri volunt, & in infimam lateralem scutiformis par-
tem desinere. Si latius sit & ad latera protensum, potest in
duo paria dividi, *anticum & laterale*, quod fecit *Riolanus*.
Sæpius tamen simplex est, & satis exile.

Ufus est, annularem cartilagine ad scutiformem levi-
ter, quia fere immobilis, trahere, ut jungantur, & juncta

FIGURARUM EXPLICATIO.

Tabula hæc laryngem cum suis musculis, & cartilaginibus repræsentat.

FIG. I.

- A. Cartilago Thyroides sive scutiformis.
- BBBB. Par musculorum communium sternothyroides dictum.
- CC. Communium musculorum alterum par, Hyothyroides.

FIG. II.

- A. Epiglottis sub scutiformi adhuc latens.
- B. Scutiformis cartilago.
- CC. Ejusdem processus.
- DD. Duo musculi proprii laryngis, quorum sinister à situ remotus est, ut cartilago annularis E. appareat.
- E. Extuberantia cartilaginis annularis.
- G. Portio aspera arterie.

FIG. III.

- AAA. Os hyoidis cum tribus extuberantiis.
- B. Epiglottis.
- CC. Cartilago scutiformis à parte postica concava.
- DD. Musculi duo cucullares, seu par Cricoarythenoides posticum.
- E. Pars postica membranosa aspera arterie.
- FF. Musculi Arythenoides dicti, aliis nonnum par.

FIG. IV.

- A. Cartilaginis scutiformis concava pars dilatata.
- B. Tertium par propriorum musculorum Cricoarythenoides laterale.
- C. Primum par proprium musculorum.
- D. Quartum par Thyroarythenoides internum.
- EE. Nervi recurrentis infectio.
- FF. Posterior pars aspera arterie membranæ.

FIG. V.

- AA. Cartilago Thyroides sive scutiformis.
- BB. Ejusdem processus inferiores.
- CC. Concava ipsius pars.

FIG. VI.

- A. Cartilaginis annularis facies interna.
- B. Ejus inferior regio & anterior.
- C. Regio posterior & superior.


FIG. VII.

- A. B. Cartilago arythenoides secundum faciem posteriorem, juncta adhuc annulari.
- C. Latior & posterior annularis pars.


FIG. VIII. & IX.

Cartilagines quæ Arythenoidem constituunt ab annulari separatas monstrat.

Fig. I



III



VII




IX




VIII



II




IV



VI



V



serventur. Cæteris qui in origine discrepant, rimulam seu scutiformem dilatant.

Secundum par ab annulari posterius oritur carnosio initio, & in glottalis seu arytenoides partem inferiorem implantatur nervoso fine, laryngem diductione cartilaginum duarum Arytenoidum aperiens. Hinc vocant *Cricoarythenoides posticum*, *Casseri* hoc par cucullare vocat.

Tertium par *Cricoarythenoides laterale* ab annularis lateribus superius oritur, & ad glottalis latera ad articulum inferitur ea parte quæ à priori tacta non est, laryngem aperiens, eadem cartilaginum obliqua deductione.

Quartum par *Thyroarytenoides* nuncupatum, intrinsicum & valde latum prodit à scutiformi antè & intèrius, & ex suspitione *Riolani* etiam ex *Cricoides*, definit in latera glottalis seu Arytenoides, quam dum constringit & ad Thyroidem applicat, laryngem claudit recto ductu. Hoc par si in angina inflammetur, eam lethalem facit, cum exacte rimulam claudat.

Nonus musculus, aliis quintum per Arytenoides oritur à postica guttalis linea, & fibris transversis delata, in ejusdem latera inferitur, laryngem claudens, dum Arytenoidem cartilaginem constringit.

Notandum enim omnes musculos laryngis proprios destinari rimæ vel constringendæ vel dilatandæ, quod ut commodius fiat, alii Thyroidem dilatant & constringunt, alii Arytenoidem, quæ cartilagine rimam circumdant, quibus constrictis vel dilatatis simul dilatatur rima vel constringitur. Ut pateat non inscienter musculos laryngis à nobis esse propositos, sicut exprobrat *Riolanus*.

Musculus ἐπιγλωττιδός in homine nullus est. Nam voluntarie in eo non movetur, uti nugantur aliqui; sed assumptorum pondere deprimitur.

In belluis autem musculis donatur *ἐπιγλωττις*, quæ perpetuæ ciborum ingestioni inhiant, ruminant, *ἐπιγλωττιδα* prægrandem habent. In his vero alii muscoli ab hyoide oriuntur, & in basin epiglottidis, quam attollunt, implantantur; & hoc par pro quarto communè recenset *Vesalius*, alii siti sunt inter *ἐπιγλωττιδα* tunicam & cartilaginem, claudentes.

Cartilaginee.

Cartilaginee laryngis quinque sunt: quæ in senescentibus aliquando instar ossium indurantur; unde aliqui suffocationis periculum in patibulis declinaverunt.

Prima cartilago dicitur *θυρεοειδής* vel *scutiformis*, scutalis, clypealis, peltalis, &c. à forma; quia quadrata fere, intus

cava

cava est, foris gibbosa & prominens, magis tamen in viris, quam mulieribus: quia harum collum exæquant glandulę pulchritudinis ergo ad laryngem positę. Protuberantia illa in collo antèrius conspicua, dicitur *Pomum Adami*; quia *Pomum Adami* magis vulgo persuasum in Adami faucibus pomi fatalis partem ex *pœna Divina* remansisse, & ad posteros translatam. In medio *prominet in viris, quam in mulieribus.* distinguitur linea, unde duplicem alii constituere, cum revera duplex rarissime inveniatur. Divulsam in medio vidi in Studiofo à nimio cantu, unde hac parte convulsi motus & trachea distorta. *Solenander* simile observavit & *Hob. Worm.*

In angulis suis *processus* habet, superius duos longiores, quibus inferioribus ossis hyoidis lateribus ligamenti ope jungitur; inferius duos itidem, quibus sequenti cartilagini.

Secunda ægipcedis five annularis, quia rotunda est instar annuli, & totam laryngem ambit, imo est intrusa thyroïdi cartilagini, monente *Riolano*. Est autem instar annuli Turcici, quò pollicem muniunt in emittendis sagittis; nam posterior pars est lata & crassa admodum, anterior angustior & instar annuli nostri contracta. Vulgo *innominata*, quia antiquis absque nomine, basis est reliquarum cartilaginum, cujus ope asperę arterię junguntur, quare & immobilis.

Tertia & quarta aliis unica: sed si membrana exiit, apparebit esse geminam. Dicitur *ὑπογλωττιδής*, guttalis, ob formam gutturnii vel ollarum partis, qua aquam effundimus, si duo processus partis superioris considerentur, qui juncti constituunt rimulam pro modulanda voce, quę aliis *Glottis*. lingula appellatur, parva lingua, vel *γλωττις*: vox enim non fit, nisi per transitum angustiore, hæc superiori & posteriori cricoidis sedi in cavitate thyroïdis insistit.

Annotandus hoc loco *sinus*, qui formatur inter guttalem & scutalem, à membranis cartilagineis colligantibus: in quem, si forte inter ridendum vel loquendum, ubi aperitur *ἰνισλωττις*, mica panis vel aliquid ex potu incidit, tussis excitatur, quia contra spiritum fertur. Sed si sensim aliquid per rimam delabatur ad parietes laryngis, spiritui non obstat.

Quinta ἰνισλωττις dicitur, quę rimam tegit & claudit; ne *Epiglottis*. ex cibo vel potu in tracheam multa decidant, sed clausa epiglottide in gulam abeant. Non vero exacte clauditur, quin parum ad latera ex potu descendere queat. Quando enim dicitur, potum non transire in tracheam & pulmones, de maxima parte intelligendum est: nam aliquid eo deferri supra audivimus. Unde in affectibus thoracis eclegmata & tabel-

tabellas præscribimus, in ore, reclinato capite, tenendas, donec liquecant; ut portio aliqua per tracheæ parietes defluat. Aperitur in risu, unde eo momento sorbentes à risu sibi caveant. Provideant quoque voraces ne inter hanc & rimulam cibus se insinuet, unde suffocatio prompta, quod in juvene Hafnienti vidimus, cui linguæ bubulæ frustum pondere uncia unius cum dimidia avidissime ingestum, statim spiritum interclusit.

*Canaliculi
ejus.*

A carunculis epiglottidi incumbentibus oriuntur *canaliculi* quidam, observante *Stenonio*, cartilaginem ejus permeantes, qui humorem per cartilaginem transmissum averfa ejus parte quæ laryngi imminet, evacuant.

Substantia.

Est autem mollior epiglottidis *Substantia*, figura linguæ vel secundum *Hippocratem* folii hederæ. Utrinque vero membrana ori communi alligatur; quali etiam lento humore perfusa succingitur laryngis interna cavitas, & extra quoque larynx obvolvitur.

*Musculi e-
piglotidis.*

In dorso Epiglottidis docet *Aquapendens* dari duos *musculos* carnosos, ab hyoidis osse pronatos, ad medium prope epiglottidi insertos, brutis solis donatos. Unus tamen & brutis & hominibus tantum est *musculus membranosus*, ut epiglottidem recurvet supra laryngem in ciborum degluti-
tione.

*Laryngis
Vasa.*

Venas habet larynx à jugulari externa.

Arterias à Carotidis majori ramo.

Nervos Galeno vocales dictos, pro motu musculorum, à sexti paris ramo recurrente.

*Glandula.
Usus amy-
dalarum.*

Glandulae adstant *duplices*.

Aliæ ad laryngis sedem altiore, videlicet ad uvulæ seu gargareonis latera; quæ dicuntur *tonsillæ* vel amygdalæ, item paristhmia & Antiades: quæ spongiosæ cum sint (utrinque una, sed tenui productione ejusdem substantiæ unita) humiditatem cerebri suscipiunt, in salivam vel mucum convertunt, cujus gratia humectantur fauces, larynx, lingua & œsophagus; quamvis & ad gustum, qui sine madore non fit, faciat.

Nobiliore usus assignat *Whartonus*, 1. ut sit primum gustus organum, quia proxima est hæc pars objecto gustili. Sed linguæ apex prius objecta tangit, quam glandula hæc. Ad hæc male affectis amygdalis, gustus tamen servatur. 2. coctionem ventriculi vi sua fermentativa promovere, quia facile aciditatem contrahit. At inflammata vel abscessum patiente, ventriculus tamen concoquit. Sunt hæc glandulæ circa linguæ radicem, & communi oris tunica teguntur

tur, atque arterias & venas à jugularibus accipiunt, nervos à 3. & 4. pari.

Aditas sibi habent duas *vesiculas* candidas, quæ à glandulis ferum recipiunt & in os eructant. Eas in homine non agnoscit *Riolanus*, sed membranas ligamentosas ab uvula ad amygdalas protensas his substituit.

Ductus novos accuratius hic describit *Whartonus*. Habent *Ductus* *novi*. finem utrinque unum communem amplum & ovalem in os apertum, intra cujus fimbriam duos majores & plures minores *sinulos* obtinent: ubi vero amygdalæ crassissimæ sunt, *sinus* earum communes aperto osculo in guttur hiant. *Fallopianus* notat, sinus hujus aperturam in homine quoque, tumente glandula ulcusculum æmulari.

Alie adstant inferiori laryngis regioni, Thyroideæ *Whartono* dictæ, ad latera cricoidis & primi annuli asperæ arteriæ, utrinque una, magna & fungosa, pyriformis, per quam diffeminantur venæ ex jugulari externa. In fœminis magis perspicua est; in homine & bove magis carnea, seu solidior, & rubicunda musculosæ carnis instar. De his notat *Jo. van Horne*, ubi binæ reperiuntur, ut tradit *Vesalius*, inferiori sua parte non obscure conjungi, & una coire.

Ufus est, humiditate viscosa & pingui (non fluida) laryngem irrigare, ut cartilagine ad motum aptiores fiant, & vox suavior reddatur: quod imitantur ii qui fistulas oleo inungunt.

Præcipuus autem usus est *Whartono*, superfluas quasdam nervi recurrentis humiditates excipere, & in venosum genus denuo deducere per sua *Vasa lymphatica*. Facere quoque ad calorem cartilaginum fovendum, & colli rotunditatem, ornatumque, quia copiosas arterias habent, & varia spatia circa laryngem implent. *Malpighius* credit, cum multum pinguedinis occupent glandularum intima, ex pinguedinis miscela demulceri acridinem feri lymphatici sive salivalis.

Ufus laryngis est, esse vocis organum.

Organa enim vocis sunt vel remota vel propinqua.

Illa thorax & pulmo, non adjuvante corde, quia si vasa cordis quatuor comprehensa laqueo constringantur, deinde cor abscindatur, potest tamen canis & currere & vociferari, ut præter recentiores, etiam sæpius expertus est *Galenus*: & hominem evisceratum avulso corde tria aut plura verba præcum protulisse notavit in historia Vitæ & Mortis ad Art. 15. Illustris *Verulamius*.

Hæc vel sunt præparantia, ut *Trachea*, vel adjuvantia, ut

Laryngis
usus.

Organa vo-
cis quæ, &
quotupli-
cia?

muscu-

musculi & nervi, vel conservantia, ut os & guttur. Maxime vero principalis pars est LARYNX; ejus vero pars, quæ glottis dicitur, proximum & adequatum est organum.

Vox quomodo fiat?

Vox autem hoc modo fit: Aër subito & cum nisu exsufflatur beneficio pulmonis; rimula vero mediocriter angustatur, ubi ex aëris allisione fit vox: sicut per rimam januæ venti susurrum audimus effici. Unde *Aristot.* vox est ictus aëris intelligendo in sensu causali, actionem pro qualitate inde resultante. Si vero patente organo egreditur spiritus, fit *suspirium*.

Suspirium.

Quamobrem proprie vox dici nequit sonus ille, qui editur ab animalibus hoc organo carentibus: ut sonus piscium quorundam, ranæ coxatio, cicadæ strepitus. Ranæ coxationem docet *Arist.* fieri maxillæ inferioris labro pari libra demisso, cum aqua modice in fauces recepta, superiore vero quæ immota maneat, intenta tanto nisu, ut oculi micare videantur. At liquidum est ranam pulmones habere, ex vesiculis meris constantes, & rimam loco laryngis. Itaque vox est sonus animalis, à glottide ex percussione respirati aëris ad animi conceptus explicandos productus: adeoque vox non est nisi in animatis, & in his non quivis sonus vox est, sed qui in glottide: non tussis, non screatus. Pisces si qui sonum edant per bronchias aut aliquid simile, non ex ore edunt. Ex sanguia & insecta, ut apes, vespe, locustæ, &c. vocem non edunt, sed ut recte *Arist.* 4. de hist. anim. sonum qui ex dorso egreditur, v. g. in cicada ex alarum confricatione. Nam in his insectis continetur spiritus quidam, & aër in membrana septo transverso subjecta. Alii volunt, insecta diversimode aërem verberando alis suis, illum sonum edere.

Vox in propria significatione.

Ejus differentia.

Differentia vocum infinite sunt, quæ fiunt 1. ab orisfiguratione, 2. ab aëris diversa percussione & modulatione, ut in fistulis videmus. 3. ab instrumenti v. g. laryngis, arteriæ asperæ, pulmonis & thoracis varietate in amplitudine, & qualitatibus. 4. prout ipsa vox in aures vel integra vel dispersa incidit. Est præter has & cuique individuo propria, quam bruta accurate discernunt, hominibus hac in parte magis aurita. Nam recens editus agnus matris suæ balatum inter mille alios sonos agnoscit, & versa vice. Id quod & de gallinis pullisque verum est. Numquam enim fit eadem vox quia non unquam secundum omnia conveniunt instrumenta: sicut nec campanæ ex eadem materia, eodem pondere, eadem forma, eodemque artificio, & atrifice fusæ, unquam sonum alterius emulantur.

Partes vocis sunt Vocales & Consonantes literæ, Vocales tan-

tantum litteras quinque formamus, quia totidem motibus movetur tantum radix linguæ. Quando vero vocalis ulterius in anteriori linguæ parte à labiis, & dentibus intercitur, & modificatur, consonans fit, quæ proferri ideo non potest sine vocali litera, quia hæc illius est materia, & non nisi vocali modificata incisive oritur; non alia ratione quam è confuso sono è fistula, fit articulatus & cum harmonia sonus, quando certa ratione sonorus aer iterum premitur & inciditur à digitis.

CAP. XII.

DE OESOPHAGO.

OESOPHAGUS aliis *gula*, aliis *stomachus*, Coelio Aureliano *Via stomachi & Ventris*, est fistula vel infundibulum ventriculi, sicuti trachea fistula pulmonis est.

Situs ita est, ut initium habeat in faucibus, ubi dicitur *Situs*. Pharynx, & ab his recta descendat in ventriculum sub trachea. Ubi vero ad quintam thoracis vertebam pertingit, aortæ per medium latæ cedendo dextrum versus inclinatur; postea rursus ad sinistram arteriam magnam conscendit, & ad undecimam vertebam per diaphragma usque in ventriculi os sinistrum, una cum nervis binis à sexto pari oriundis.

Venas vero habet paucas à cava, azygo, intercostali & jugularibus.

Arterias ab Intercostalibus, & carotidibus internis, nonnunquam & ab arteria bronchiali *Ruyshii*.

Nervos à sexto pari.

Lymphatica in lacteum thoracicum se exonerantia, quæ pro ramo lacteo olim accepi ex oesophago proximo statim subtilia alimenta & cordialia in restauratione virium subitanea per axillarem ad cor deferente.

Connexio est in initio cum faucibus & larynge, per tuni-
cam oris, quæ ipsi & ventriculo continua. *In affecti-*
vertebris, tra-
cheæ, lacteo thoracico, & vicinis partibus jungitur, per *bus gula*,
membranas, ex dorsi ligamenti ortas. Quia vero spinæ cum *applicanda*
lacteo thoracis ductu superjacet, ideo eo affecto, topica dor-
so applicamus. *dorso topi-*
ca.

GLANDULOSUM CORPUS parte posteriore adnascitur *Glandula*.
prope quintam thoracis vertebam; modo ex duplici glandula, modo pluribus compactum, quod humorem suppeditat, ad imbuendam cavitatem, pro faciliiori deglutitione.

Et

Et subinde ita intumescit, ut potibus & alimentis liquidioribus viam intercipiat. Quia habet *nervos* à sexto pari & duodecimo vertebrarum dorsi, item *Lymphatica*, tum à musculis intercostalibus tum à pericardio & partibus annexis, usum alium ex suis principiis conficit *Whartonus*, ut & lymphæ per has glandulas decurrente, mitiorem & nutritiorem succum eliciant in usum nervorum sibi affixorum; reliquam vero lympham vinosiorem & asperiores per canalē in communem chyli ferum ductum deponere.

Substantia.

Substantia œsophagi ex triplici constat tunica, ut facilius distendi in longum & latum possit.

Prima communis est cum ventriculo. Hanc male alii à vertebrarum ligamentis, alii à pleura ortam volunt. *Oritur* inde autem unde membrana ventriculi est, videlicet à peritonæo, nam continua est membrana ventriculi. Insigniter est tenuis, & fibris quasi omnibus destituitur.

Secunda est propria prima, externa, carnosior, crassior & mollior est, ac si musculus perforatus esset, vulgo rotundis & transversis fibris pertexta. Musculum exinde quoque probat *Hofmannus* & *Lindanius*, quia convulsiones & paralyses patitur. Veterum ea quoque fuit mens, *Galeno* teste.

Hujus *fibras spirales* omnes ad duo genera reducit *Stenonius*, duas nempe *cochleas*, quæ ubi contrario ductu sibi occurrunt, ita se interfecant, ut quæ sub altera eousque incesserat, mox alteram scandens supra illam, donec sibi iterum occurrant fibræ, progrediatur. Ex observationibus *Amstelodamensibus* concursus iste spirarum quasi duo ligamenta repræsentat, à ventriculo ad fauces adscendentia, & è regione sibi invicem apposita.

Tertia est propria secunda, interna, quæ est magis nervea, paulo subtilior & durior, vulgo rectis & longis fibris prædita, membrana illi quæ palatum, os, fauces & labia tegit continuata, unde futuro vomitu contremescit inferius labium.

Cæterum contra vulgarem hanc opinionem testantur aliorum oculi, internam esse transversis & circularibus villis effictam, externam rectis & oblongis.

Musculi.

Musculi Oesophagi, qui ab aliis sicco pede prætereuntur, quatuor sunt.

Primus ille est, de quo supra in larynge. Sphincteris instar unicus ambiens Oesophagum, unde dicitur *Oesophagus Riolo*, *Spigelio*, *Veslingio*, nominum horum auctoribus. *Ufus* constringendo cibum deorsum pellere.

Secundus Sphæno-pharyngæus iisdem dictus, à Sphænoïdis acu-

acuto processu interno ortus, lateribus Oesophagi oblique implantatur, ut sursum tracto eo & dilatato, excipiendis cibis pateat.

Tertius *Stylopharyngeus*, quod à styliformi processu acuto ortus protendatur ad latera Oesophagi, quæ dilatat pariter & ampliat, œsophagumque ad latera recte trahit.

Quartus *Cephalopharyngeus*, communiter à mento, sed juxta recentiores à capitis superioris infimo loco, ortus, quæ cervici propior, vario fibrarum plexu in Oesophagi principium inferitur amplior; unde ob latitudinem & fabricam duplex videtur, carnea potius massa *Marchetto* sursum trahens pharyngem.

Actio ergo Oesophagi est animalis; cum per musculos fiat, non vero naturalis, uti vulgaris est omnium opinio, & deglutitio certe ex nostro pendet arbitrio.

Deglutitio autem fit hoc modo: quando aliquid venit devorandum, musculus ille primus, *Galeno* sphincter dictus, omni ex parte se contrahit, unde fibræ ejus obliquæ, quæ ab Oesophago ad laryngem tendunt, transversæ redduntur, quod cum fit, larynx attollitur, & gula deprimitur: atque ipsius gulæ jam depressæ cavitas angustatur. Huic succurrit quartus musculus. Nam sicut primus constrictus cibaria per masticationem conglobata circumvenit, & amplexando deprimit: ita & hic quartus se contrahens; ex anterioribus illi velut obviam venit, & ore assumpta ne retrorsum ruant, omni ex parte cohibet, repellit, & in œsophagum transmittit, ut ita ex utroque musculo constricto, ac semisphærico simul juncto, fiat veluti integer circulus & sphincter absolutus, à quarto nempe in suprema pharyngis parte, & à primo in infima.

Quomodo deglutitio fiat ita concipit *Cartesius*: spiritum animale ex cavitate cerebri in tubum suum recta ferri, quo *musculus* sub ventriculo intumescat, & semper sic turgear, cum in oris fundo nullus cibus reperitur, qui ipsum premat: eundem *musculum* ita esse dispositum, ut simul atque cibus quispiam adest, spiritus quos continet per tubum refundat illico, efficiatque ut illi qui proveniunt per vicinum canalem ingrediantur musculum sublingualem, atque hoc pacto gulam aperiri & cibum descendere. Sed talem musculum sub ventriculo necdum vidimus, quem ille supponit.

Ufus gulæ est, ut per eam, tanquam per infundibulum, cibus & potus in ventriculum deferatur. Et deglutiuntur quidem facilius liquida, quam solida; è contra vero in agris

Deglutitio
an actio
naturalis,
an animalis?
Quomodo
fiat?

Cur ali-
quando so-
lida facilius
deglutiantur-

cur, quam
liquida?

nonnullis, ubi facultas magis irritatur, fortiori objecto, alias sopita, præsertim in paralyfi.

CAP. XIII. DE COLLO.

Colli

Appendix ad medium Ventrem, est COLLUM, seu medium quoddam inter caput & thoracem.

Etymon,

Dicitur à colendo, quia exornari solet: vel à colle, nam exsurgit à corpore, ut à reliqua terra collis.

Magnitudo,

Oblongum est ob vocis modulationem. Hinc, quæ veram vocem non edunt animalia, ut pisces & ranæ, collo carent: quæ vero maximam vocem edunt, colla longissima habent, ut grues & anseres, &c. Ab usu Veneris colli mutatur *crassities*: quia calor distendit arteriam asperam, carotidem & jugulares. Unde veteribus Romanis familiaris erat commensuratio colli, ex qua postridie nuptiarum, puellam integram vel corruptam cognoscebant, ut ex *Catullo* discimus & *Mercuriali*.

Ejus partes,

Pars colli posterior proprie *cervix* dicitur. Partes autem colli vel sunt externæ, ut cutis, musculi, &c. vel internæ, ut vasa percurrentia, trachea, & œsophagus: de posterioribus actum, de reliquis suo loco.

Usus.

Usus colli est 1. propter œsophagum, asperam arteriam & pulmones. Hinc animalia quæ pulmonibus carent, ut pisces, carent etiam collo. 2. ut quibusdam animalibus, *Galeo* auctore, manus loco sit, qua alimentum accipiant. 3. ut partibus anterioribus, humero, cubito, manui, diaphragmati nervos præbeat: has enim partes habent tantum illi, qui collo gaudent.

ANA-

ANATOMIÆ

BARTHOLINIANÆ

LIBER III.

DE SUPREMA

CAVITATE.

Tertius vel supremus venter est CAPUT, animæ *Cur caput*
sensitivæ domicilium præcipuum, quod in *in summo*
summo positum est, oculorum gratia, qui ibi *positum.*
quasi in specula constituti; & cerebrum sta-
tim adesse debuit oculis, quippe molles ner-
vos habentibus, & longum non ferentibus.

Rotundum est sive sphericum caput, sed simul compressum, & nonnihil oblongum. *Figura.*

Magnitudo homini præ aliis animalibus insignis est, ob *Magnitudo.*
cerebri molem.

Atque pro tutiori munimento totum ossæum est caput.

Substantia.

Dividitur caput in partem capillatam & non capillatam.

Divisio.

Illa CALVA dicitur, hæc FACIES.

Calvæ partes externæ recensentur.

Calva.

Synciput, estque pars anterior à fronte, usque ad suturam coronalem.

Occiput, estque pars posterior ab initio futuræ lambdoideæ, ad primam cervicis vertebam.

Vertex, estque pars inter has media & gibbosa.

Tempora, suntque partes laterales inter oculos & aures.

Calvæ autem partes constituentes sunt aliæ vestientes & externæ, aliæ contentæ & internæ. Illæ vel sunt communes, ut cuticula, & cutis pilosa, pinguedo, membrana carniosa: vel propriæ, ut pericranium, periostium, muscoli, ossa, meninges duæ. Contentæ sunt cerebrum, cerebellum & medulla partim in calva, partim in spina existens.

Pars capitis glabra, FACIES dicta, præter partes continentes, proprias habet partes, vel superiorem, quæ frons dicitur; vel inferiorem, in qua organa sensuum sunt; ut oculi, nares, aures, & os, in quo lingua aliæque partes latent.

DE PILIS.

IN capite maxima copia pilorum est, ideo hîc commodè pilorum natura docetur; quanquam, ut excrementa, huc non spectent.

*Pili, quibus
in animali-
bus?*

Pili in animalibus fere omnibus intra se generantibus animal reperiuntur, teste *Aristotele*, quorum loco in piscibus squamę sunt, in avibus pennę: in nonnullis animalibus, ut erinaceo, aculei oblongi.

Sunt autem *pili* corpora quidem, sed non partes corporis, nisi lata admodum significatione, qua partes aliquę ad ornatum pertinere dicuntur.

Causa materialis, ex qua *PROXIMA*, sunt fuliginosi & excrementitii vapores, crassi & terrei, nonnihil tamen glutinosi.

*Pili & un-
gues an ex
bono ali-
mento nu-
triantur?*

Falsum ergo pilos & ungues nutriri & generari, ex bono atque laudabili alimento. Etenim crescunt etiam heceticis & tabidis, præcisique semper crescunt in quavis ætate; atque sæpius abscissi citius crescunt. Imo in defunctis, ut furibus, &c. crescunt. Videatur *Paræus* in fine operis, qui cadaver conditum domi suę habuit à 24. annis, cui semper crevère pili & ungues quoties resecurit. Neque succus est in sanguine ignotus, similis illi ex quibus ossa, cartilagines, nervi generantur, ut *Highmore* visum, quia illę partes sunt essentielles & necessarie, pilus non. Augetur cum augmento partium, quia cum alimentis excrementa augentur. Ergo ex fuliginibus & vaporibus nascuntur Tertię concoctionis vel ipsius carnosę substantię, à calore quocunque resolurę.

*Quo loco
pili gene-
rentur.*

Materia remota non est seminalis aliqua à qua velut flosculus pilus exurgat; nec pinguis substantia ad seminis aut sanguinis naturam vergens; sed est humiditas superflua, præsertim quę in glandulis continetur. Propterea ubi glandulę, ibi ut plurimum pili, velut ad aures, sub alis, in inguinibus, cute, &c. Si vero aliquando glandulę adfunt, absque pilis, ex nimia copia humoris hic pilorum defectus oritur, vel per lymphatica vasa humiditas superflua expurgatur.

Nam *materia in qua*, vel *locus* generationis pilorum, non debet esse nimis humidus, neque nimis siccus, sicuti nihil generari videmus in loco palustri & fuliginoso, neque in terra nimis arida.

Ideo

Ideo *cutis*, quia pars temperata est, *locus est generationis* pilorum; sed si humida nimis est, vel nimis sicca, ut in quibusdam fit, pili non erumpunt: Hinc animalia crustata, ut cancri, ostrea, &c. pilis carent. —

Cur crustata animalia pilis careant?

Cutis ergo in qua pili generabuntur, esse debet moderate sicca, ne pilus cauda sua seu radice excidat; nec non moderate sicca, laxa, & rara, ut ne penetrare pilus possit. Hinc per totam cutim, quia porosa est & glandulosa, pili oriri possunt, & habet etiam quilibet porus infixam radicem pilosam, si excipias volam manus & plantam pedis, quæ partes, ob motum & attritionem perpetuam, carent pilis, & quia sentire maxime debuerunt. Hinc ex cicatrice, quippe poris destituta, nullus exsurgit pilus. Observavit *Malpighius* in cute inter *nerveas papillas* crescere pilos & plumas. Sicut enim in dorso & cortice plantæ radices agunt, ita intus pilos cutem penetrare, & *rotundo* quodam & capitulo mucoso in *ovali* quodam involucrio implantari, ad quod nervus evidenter propagatur. Ita in pennis ad radices globulus quidam nerveis propaginibus contextus evidenter visitur.

In interioribus quoque membranis pili quandoque crescunt, in corde, ut supra dictum, utero, urinariis viis, teste *Hippocrate*, *Galeno*, *Schenckio*. In ventriculo invenit *Heer*, & nuper in Norwegia exinde evomebantur sive ibidem generati, sive assumpti. Ex musculosa femoris bovini carne *Hellefonti* Danorum non ita pridem ruffi pili eruti. In abdomine folliculum crinitum invenit *Noribergæ* *Scultetus*. Veros pilos cum lotio redditos testantur *Nic. Florentinus*, *Tulpius*, *Zacutus*.

Efficiens, non est anima vel facultas vegetativa, pilifica, sed calor moderatus, fuliginosos istos vapores exsiccat, & foras in poros cutis protrudens.

Hæc tria jam explicata, præcipua sunt *requisita* ad pilorum generationem, videlicet *materia*, *locus* conveniens & *calor*.

Requisita ad pilorum generationem.

Calvitiei causa.

Cur syneci- put tantum calvescat?

Unde è contra colligi potest *causa calvitiei*.

1. Quando *materia* deficit.

2. Quando cutis est ab ortu sicciore, & postea magis siccarur, nec à parte aliqua vicina humectatur, glandulis vel absentibus vel exsiccatis. Intelligendum autem est *syneci-* put, quod fere solum fit calvum, & parte posteriore nemo calvescit, inquit *Aristoteles*: Nam inter cutim & cranium in *synecipite* non mediant muscoli aut pinguedo, sicut in occipitio; ideo ibi cute, quasi testacea reddita, capilli decidunt.

3. A calore peccante, in defectu vel excessu. Imbecillis calor non satis exsiccat materiam, ut in frigidis & humidis, in senibus, &c. nimius calor & siccus, radices pilorum plane exurit. Hinc per coitum nimium incalescens humor aliquando calvitium parit, & ea propter pueri & eunuchi non calvescunt.

4. A veneno quoque calvos factos quatuor colonos prope Bruxellas observavit *Franciscus de Pax* Regis Hispaniarum Medicus, sicut ad *Nic. Fontanum* perscripsit: & equum comitis Oldenburgici tali pacto calvum evasisse in Annalibus narrat *Hamelmannus*. Vel quia venenum hoc specificè adversabatur pilis, vel quia spiritibus extinctis & prostratis virtutibus, radices pilorum in cute non poterant retineri. Tale venenum præbet adeps balenæ cujusdam in Insula *Ferrovensi* recenter extractus, à quo & cuprea vasa rumpuntur.

Dividuntur pili vulgo in congenitos & postgenitos.

Pili congeniti.

Conogeniti sunt, qui in utero materno nobiscum nascuntur, suntque triplices: Capitis pili seu capilli, superciliorum & palpebrarum.

Postgeniti.

Postgeniti extra uterum nascuntur in homine, quando ad justam pervenit ætatem, hoc est, quando in puero semen nasci incipit, & in virgine mensibus via datur, tum enim summa cutis rarefcit.

Sunt & hi triplices: nam 1. oriuntur pili in pube, raro in utero, & corde, deinde sub alis, intra nares auresque, & ultimo in mento virili, non muliebri: nam in mulieribus menses materiam absument barbæ, unde interdum menstruo cursu subsistente, quibusdam mulieribus pili in mento prodeunt. Rarum est quod in Gynæcio Archiducissæ Austriæ, visa fuerit juvenula 30. annorum, quæ à teneris annis ante mensium eruptionem barbam instar viri promissam cum mystacibus gestaret: cui non absimilem puellam non ita pridem in Belgio vidimus, toto quoque reliquo corpore hirsutam. Nuperis annis apud Helenam Marfwin in Fionia degebat puella barba proluxa ex flavo rubescente Hafniæ barbatam nuper sceminam vidi.

Ufus.

Finis vel usus est:

I. Esse partium tegumentum.

II. Earundem ornamentum. Et hæc maxime in pilis capitis & faciei ostenduntur. Nam

Cur homo copiosiores capillos habeat?

Capilli 1. cerebrum humanum tegunt ab externis injuriis, frigore & calore, &c. Ut in Æthiopia singulari crinium complexione defendantur ab æstu. Et ut cerebrum habet homo præ cæteris animalibus maximum, sic capillos copiosissimos.

2. Ca-

2. Calefaciunt moderate, cum alias in capite pinguedo nulla calefaciens; sed potius ossea substantia, eaque à corde diffusa. Capilli vero pro iudicio Medici in hoc vel illo, sunt magni relinquendi, aut etiam abscindendi, sed non plane abradendi, quia defluxiones inde concitantur. Sic etiam barba maxillas & mentum fovet, & moderate calefacit. In convalescentibus incidendi non sunt, ne recidivam patiantur, de quo Problemate vide *Sitonum*.

3. Ornant: nam calvi & depiles deformes sunt, ita & barba ad ornatum facit, & venerabundum virum efficit, præsertim, si pili undique circumfundantur. In mulieribus vero hac forma veneranda non erat opus. *Barba ornata.*

III. Expurgare humores & spiritus, totumque corpus superfluis fuliginibus. Unde frequens crinium decurtatio acuendo visui confert, & *Celsus* in diuturno pituitæ cursu ad cutem tondere præcipit. *C. Aurelianus* in phrenitide detractis capillis partes resari ait, plurima gravatione liberatas. Hiuc ratio petenda cur ex lactis asinini gustu dignoscere possit *Helmontius*, an asina fuerit pexa isto mane. Ex *Didymo* repetit *Montuus*, sues ægrotantes cognosci evulsis e cervice pilis, & curari si tonsillæ infestentur. Monachus quidam barbam radens cæcus fuit, sed iterum vidit barbam cum demitteret, quod pravi humores cum pilis expurgarentur. Accirco.

IV. De temperamento cuiusque, moribus animi & morbis occultis iudicium præbere.

Forma pilorum non est anima, ut multi volunt, quia in demortuis etiam & tabidis crescunt pili, in quibus demortuis, qui ad viginti quatuor annos cum *Plempio* animam superesse volunt, nescio quam debeant cordati æstimari. Nec vegetativam vitam retinent in demortuis, alioquin non moreretur totus homo, nec quidquam est in defuncto, quod vitam hanc magis conservet, quam sensitivam vel rationalem, ut taceam ignobiliores has partes vitæ diuturnitate fore præstantiores reliquis. Plantæ quidem ex terra vitæ experte emergunt viventes, sed ex semine vitali, quod pilis adesse negamus, unde nec plantarum more corpori inherent aut exinde generantur. Igitur cautiores alii, generari ut muscum in arboribus. Neque dicendum cum *Plotimo* vestigium velut vitæ post mortem remanere, sicut lares excalesti, remoto igne per tempus aliquod calent; nam ad plures annos vestigium nunquam remaneret. Consideratius *Senguerdus*, non vivere informatos anima cum toto corpore communi, sed quemlibet pilum sibi propriam habere.

bere animam. Hęc vero quia nobis ignota est, igitur ea per accidentia describi potest, quę sequentia sunt;

Magnitudo.

I. *Magnitudo*: longissimi vero pili sunt capitis, quia cerebrum majus est quam reliquę glandulę: & crassissimi, quia capitis cutis crassissima est, sed tamen rara & sufficientem humorem continens. In pube uxoris militis Dani tam prolixi erant, ut pone tergum complicarentur.

Pro ratione ergo cutis vel crassę vel tenuis, rarę vel densę, item humoris copiosi vel pauci, & caloris debilis vel fortis, fiunt pili crassi vel tennes, duri vel molles, copiosi vel non copiosi, &c. Uber pilorum proventus in eo erat, qui sclopeti ictum capite suo eludebat, quem in itinere suo Constantinopolitano vidit *Busbequius*. Absolonis pili secunditas in sacris laudatur. *Borrichius* vidit virum robustum, qui librarum 400. incudem ferream villis capillorum occipitii in altum prompte elevaret. Non tamen in infinitum crescunt, quia tanta non est exhalatio, nec in infinitum expultrix operatur.

Figura.

II. *Figura*: pili recti sunt, ad inferiora propenduli, & simplices, in iis, qui humore abundant, crispi vero in iis, qui sicci sunt. Hinc crispi duriores sunt rectis. Hinc omnes *Æthiopes* crispi sunt, videlicet ob siccitatem temperamenti. *Scythę* vero & *Thraces* pilo sunt promisso & simplici, quia hmidii sunt, teste *Aristotele*. Deinde pili recti fiunt ob meatus rectos, per quos fit evaporatio; crispi è contra. Quadrangulares esse pilos optico illo instrumento demonstratur: quanquam alii rotundos voluerint ob poros rotundos.

Sunt & porosi seu concavi, quod plica Polonica nos docet & Alcis pilus. Deinde quia fissiles sunt, in se meatus habebunt, juxta *Aristotelis* effatum.

Coloris pilorum causa.

III. *Color* in brutis æmulatur colorem cutis: in homine admodum variabilis, sequitur regionem & aërem ambientem, humorem prædominantem, ætatem, &c.

Nam qui calidas & siccas regiones incolunt, pilos habent non tantum siccos, crispos & fragiles; sed etiam nigros, ut *Ægyptii*, *Arabes*, *Indi*. Sic *Hispani*, *Itali* & *Galli* ex parte, ut plurimum nigros capillos alunt. Qui humidas & frigidas regiones; non tantum molles, rectosque pilos habent, sed ut plurimum flavos vel albos, ut *Dani*, *Angli*, *Norvegi*, *Sueci*, *Scythę*, &c.

Deinde humor prædominans colorem facit pilorum: ut pituitosis albi ut plurimum sunt pili, & ita consequenter.

Sed & calor varius varie colorat: ut, immodicus calor dat nigros capillos: nam vaporosum excrementum ex calore

lore decoquitur, & in exactam fuliginem mutatur. Calor autem temperatus dat flavos; temperatior rufos; imbecillius albos. Sed facile concurrit utraque hæc colorum causa in capillis, ut, redundante pituita, imbecillitas caloris aslo- ciatur, redundante sanguine, calor moderatus est, &c.

Ratione quoque ætatis fit mutatio coloris, uti & aliorum accidentium. Adultioribus enim fiunt pili non tantum cras- siores, duriores, valentiores, & copiosiores; sed & tandem cani atque albicantes.

Nulli vero pili in humano corpore virides sunt per natu- ram, aut cœrulei, licet porracea & viridis bilis in eo habeat- ur, cujus rei causa non est pili crassities lucidi minus capax, ut *Cardanus* putavit, quia flavedinis sunt quoque capaces pili, & *Psittacorum* plumę virides sunt, crassities nihil impe- diente; sed, ut recte *Scaliger* philosophatur, quia color qui- libet non convenit cuivis plantę, ideo nec pilis. Virides tamen vidi *Haffnię*, & ita fere metallurgis tinguntur. *Mar- cellus Donatus* refert de Antonio Maria Catabeno ob ætatem cano, plurima bile sanguini permixta in corpore redun- dante, non solum cutis auriginosum colorem incurrisse, sed & canos luteo colore ad viridem inclinante effectos.

Canitiem veteres putarunt fieri à siccitate, quemadmo- dum arborum folia ex siccitate albescunt.

Canitiei
causæ.

Sed hos refutat *Aristoteles*. Nam qui tecto capite incedunt, citius canescunt, nec tamen ita exsiccantur, quam qui nudum caput aëri exponunt. Deinde quidam ab ortu statim canescunt, quod non à siccitate.

Canescunt autem citius, qui capite velato incedunt, quia calor nequit ventilari, sed obruitur & strangulatur, quo ex- stincto, externus inducitur; hinc putredo canitiei causa, ut fiat canities, ob inopiam caloris nativi, quando non ita hu- mores coquere potest, ut in juventute. Et ultima atque te- nuissima pars pilorum, ubi calor minimus, maxime albescit.

Cur citius
canescant,
qui capite
tecto ince-
dunt?

Ceterum cur ex putredine humor albus oriatur, causa est secundum *Aristotelem*, quia magna pars in aërem vertitur, qui terreus & aqueus substantię permixtus, facit albedinem. Et hinc etiam liquet, cur homines citius circa tempora canescant, quia nimirum ibi magni & carnosissimi sub cute locan- tur muscoli, qui ob humiditatem facilius putrescunt. Adde quod temporum ossa admodum sunt tenuia, ideoque calor extraneus facile potest pervadere.

Citius circa
tempora cur
homines ca-
nescant?

IV. *Sympathia* singularis inter pilos ejusdem coloris & ejusdem animalis notanda. Exscissam aservatamque pilo- sam capitis cutem in cista pilos canos & calvitiam sensim

Et s

cum

cum domino, ex quo resecta fuit contraxisse, in *Historiis* retuli. Equus rufiens, in stabulo ejusdem coloris equos inficere, non alios solet. Consensus causam ignoramus, quem inter inanimata quoque vigere, exemplis constat.

CAP. II.

DE MEMBRANIS EXTRA & INTRA CRANIUM.

MEMBRANÆ EXTERNÆ cranium cingentes, duæ sunt: PERICRANIUM & PERIOSTIUM. INTERNÆ, quæ cerebrum cingunt, itidem duæ sunt. Meninges dictæ & matres: DURA MATER & PIA MATER, id est, crassa membrana & tenuis, quæ idem præstant in sua cavitate, quod pleura in media & peritonæum in infima.

PERICRANIUM est membrana tenuis & mollis, cranium cingens, orta à dura matre, per cranii suturas exeunte.

À dura meninge oriri, satis probat insignis cerebri meningumque cum pericranio consensu, qui alia ratione commodius non explicatur. Deinde ista productio pericranii à dura meninge, in infantibus manifeste videtur, in quibus ossa cranii nondum per suturas serratas coierunt. Fibræ quibus intercedentibus tantum cum meninge dura pericranium connecti putant *Horstius*, *Spigelius*, *Laurenbergius*, jugulum non petunt: nam sensim ossibus induratis & compressis continuas illa pericranii & duræ matris cum ætate abrupta fuit, ex quo fibrarum species, quæ quibusdam imposuit, orta.

Periostium.

PERIOSTIUM est membrana tenuissima & nervea, ideoque admodum sensibilis, cujus beneficio omnia ossa, dentibus exceptis, cincta, sensum habent.

Distinguimus has duas membranas cum *Vesalio* & *Bauhino* & *Veslingio*, contra *Fallopium*, *Laurentium* & alios, qui confundunt, quum accurate separari possint à perito Anatomico. Triplicem portionem exinde conficit *Marchettus*.

Crassa Meninx.

MUSCULI vero circa caput varii suo loco explicabuntur.

CRASSA MENINX seu membrana durior, aliis DURA MATER dicta, ob crassitiem & duritiem, & quod multi omnes totius corporis membranas ex hac atque tenui matre oriri existiment, unde sensus quoque exquisitus reliquis membranis, sicut in campana vel vitro una parte percussa, omnes resonant, communicetur: cranium interius ubique succingit, omnesque ejus sinus & cavitates; atque basi ejus adhæ-

adhæret valide, ut inde ortum ducere alii putaverint.

Laxe autem & cerebrum cingit, in superiori parte, & calvariam succingit; nam quod observarunt *Hildanus* & *Varolius*, & nuper *Roonhusius*; arctissime connatam calvariam, præter naturam est, ut distantia aliqua intersit, sicuti pericardii à corde tam in vivis quam mortuis, quamquam in his major ob spirituum defectum & cerebri concidentiam. quod *Olhasio* & *Hofmanno* largimur, idque ne comprimantur vasa cerebri turgida, & ne impediatur,

Cerebri motus, qui systole & diastole constat; estque continuus, uti videre licet in capitis vulneribus, recens natis, & doloribus capitis vehementissimis, ut observat *Fabr. Hildanus*: & nos non raro hunc motum in vulneratis vidimus. Mirum ergo quosdam etiam doctos viros hunc motum negare velle. Sed oppido difficile est, ejus motus veram causam dare: alii eum tribuunt meningibus: alii arteriis: alii substantiæ cerebri. Sed male meningibus solis adscribitur. Nam ablata magna cranii portione & ipsis meningibus, motus tamen cerebri observatus fuit in ovis vivente à *Cl. Riolo* no. Arteriis qui tribuunt propius de re judicant, nam cerebri motus cum articularum motu concidit, ut in infantum capite, fracturisque cranii observatu promptum existit. Quin & notavit *Waleus* qui vulnerato usque in cerebrum capite agonisante, in iis quædam conspicuas arterias non cerebri substantiam motitare; qui motus cerebri redeuntibus viribus & ipse redeat evidens. Coiter quoque in agnis, hædis & canibus viventibus nullum cerebri ipsius motum, sed articularum observavit. Consentit *Olhasius*, quia præcipue se exferit motus circa sinus duræ matris ubi plures arteriæ. Quare non videtur ad cerebri substantiam recurrendum: ea quoque mollis & flaccida sine fibris propriis solidis, satis ad movendum inepta existit. Peculiaris tamen motus observatur Luna plena ab humorum turgentia. Sed & is ab arteriis est, sanguine magis distentis; nam acceleratur vel tardatur cordis motus pro vario siderum influxu. Duram meningem & arterias conjungit quoque *Riolanus*, quibus sustinetur cerebrum & suspenditur. Hinc in magna capitis contusione percussio fortiter capite, istas connexiones, quibus intus & extra colligatur, laxari vel dissolvi, ut cerebri moles postea attolli nequeat. Eandem membranam in partibus quibusdam aliquando saltem corrugari & contrahi per fibras ligamentosas in sternutatione, vomitu, motibus convulsivis, judicat *Willisius*: sed is motus præter naturam. Molem cerebri respondere motui pulmonum, nullum indicium habeo satis urgens.

Con-

FIGURARUM EXPLICATIO.

Integumenta cerebri tam propria quam communia ordine in sectionibus consueto exhibentur.

FIG. I.

Externas partes monstrat.

- A A A. Cutis cum cuticula & radicibus pilorum.
 B. Cutis vera à cuticula C. separata.
 D D D. Membrana carnea venulis donata.
 E E. Musculus frontis extra locum situs, nervos ex foramine O. prodeuntes suscipiens.
 F F. Pinguedo per cranium expansa.
 G. Pericranium periostio incumbens in situ naturalis.
 I. Idem à periostio separatum ac inversum.
 K. Periostium supra cranium expansum.
 L. Idem à cranio divulsus.
 M M. Cranium nudum.
 N. Sutura coronalis.
 P P. Sutura sagittalis.
 Q Q. Musculus temporalis pericranio adhuc coactus.

FIG. II.

Ablatâ calvariâ cerebri involucra detegit.

- A A. Dura meninx cerebri sinistram partem operiens.
 b b b. Vena & arteria per eandem sparsæ.
 C C. Cerebrum pia tantum matre vestitum.
 d d. Anfractus cerebri.
 e e e. Vasa ad tenuem meningem sparsa.
 F. Dura meninx deorsum tracta.
 G G G. Sinus superior dura meningi insculptus.

Connectitur autem cum tenui meninge & cerebro per vasa, cum cranio, per fibras membranolas tenues, ex se natas, per suturas egredientes, & pericranium constituentes.

Gemina est hæc Meninx instar aliarum membranarum. Pars exterior cranium respiciens durior est, asperior & minoris sensus; ob cranium durum, quod tangere debuit.

Pars interior lubrica est, lævis, splendida & candida, a quo humore magis perfusa.

Quadruplicatur, ubi cerebrum à cerebello distinguitur, quo

Fig. I.



II



quo loco canes os habent cerebrum suffulciens, ne cerebellum prematur.

Falx.

Duplicatur autem in capitis vertice, ubi cerebrum dividit in partem dextram & sinistram: & quia hæc reduplicatio parte posteriore latior est, & sensim postea arcatur, non tamen in acumen, ut falcis messorię figuram representare videatur, ideo illud corpus falcem vocant. Dum autem ita multiplicatur, constituit

Sinus superiores.

Cavitates vel *sinus*, seu receptacula sanguinis & spiritus copiosi, suntque sinus *quatuor*, quos *Galenus* aliquando crasse membranę ventriculos vocat: alii sanguiductus.

Primi.

Primi duo incipiunt ad occipitis basin, juxta latera lambdoidis, ubi se exonerant venę & arterię. Venę quidem jugularis rami inferuntur manifeste, & recipiunt ex sinibus sanguinem; arterię vero sive mediate per ramulos quosdam sinuum, ut suspicatur *Waleus*, sive immediate sinibus annexę, exonerant se in ipsos sinus. In sinibus terminari observavit etiam *Willisius*, quas quoque perforata dura meningę pię matri surculos quosdam largiri *Wepferus* animadvertit. Hi duo inde uniti

Tertius.

Hæmorrhagię narium magna causa quædam.

Tertium gignunt longissimum: nam per capitis longitudinem pergit ad summas nares. *Galenus* aliquando *vena* dicitur, eo quod copiam sanguinis contineat, Atque his sinibus dehiscenribus aliquando immensa copia sanguinis per nares fluit, quę per arterias suppeditatur.

Quartus sinus, calvariam non attingens, uti priores, brevis est, & inter cerebrum ac cerebellum intro pergit, ad glandulam pinealem.

Oritur in concursu sinuum trium priorum, & hoc principium aliqui ex Herophilo *torcular* vocant: quod primario obstrui in Apoplexia suspicatur *Nymmannus*. Sed 1. ut remotam causam admittimus interdum, ventriculo enim nobili omne illud est deferendum: 2. Per rete mirabile ad cerebrum sanguis vitalis potest deduci, unde vasa eunt pro nutritione ad cerebri substantiam. Observatione *Fr. Sylvii*, arterię cervicales cerebello dicatę desinunt maxima sui parte in hunc sinum.

Tertius, sive falcis superior, & *Quartus sinus*, in priores duos seu laterales majores desinere mihi videntur; præeunte *Fr. Sylvio* in cerebri sectione versatissimo; & quidem non ductu recto, sed ad latera inclinante; ita ut communis quatuor horum sinuum concursus nullus sit; licet medio ductu jungantur laterales hi majores. Reperi tamen & hęc pro subjectorum varietate aliquam diversitatem, subinde con-

cut-

currere, interdum separari. *Riolanus* torcular cum *Galeno* constituit in tertio sinu longitudinali, quia distribuit sanguinem in omnes partes cerebri & cerebelli, quæ ratio de arteriis verior.

Præter hos jam descriptos quatuor sinus, tres alii ejusdem *Inferiores Sylvii* ductu, se nobis in sectione obtulerunt; quos tamen non semper offendimus, & ideo adnotamus, ne quis, simul ac ipsos in una aut altera sectione non viderit omnes, nos statim falsi arguat. *Riolanus* pro coherentiis duplicati cerebri habet interuentu tenuis meningis majoribus substratis. Quod nihil est, cavitatem enim habent ut alii, nec nudæ sunt coherentiæ.

Horum *Unus Vesalio* quoque notatus, per partem falcis infimam fertur, unde & falcis inferiorem eum nominavimus; & ad ejus distinctionem tertium vulgo dictum, falcis superiorem. Desinit hic sinus falcis inferior in quartum.

Alii duo laterales minores, utrinque unus, transverso circiter pollice à majoribus distant, in dura membrana cerebri à cerebello distinguente siti, nec adeo longi. Eorum alter in lateralem majorem abit; vidi & in quartum desinentes.

A finibus oriuntur rami, seu venę repositiæ jugulares, imo sinns sunt tantum continuationes venarum jugularium, venæque officio funguntur in revehendo; & in eisdem desinunt arteriæ carotides sursum & quaquaversum distributæ, mutuisque anastomosibus in eos patentes. Ex lateralibus sinubus stylum in jugularem externam transmittere possumus, quod *Lysero* nostro notatum. Observarunt *Amstelodamenses* Anatomici, in sinum quartum si flatus immittatur, ad plexus choroidis vasa etiam penetrare, & per eundem sinum si sanguis ope siphonis injiciatur, eadem vasa implere.


Continetur autem sanguis in his cavitatibus admodum copiose, quia cerebri substantiæ moles maxima est, & non tantum venarum, verum etiam arteriarum officium sustinent, cum pulsent hæ cavitates. Quod in cerebris vivorum animalium dissectis & cranii fracturis, nunquam potuit *Waleus* observare: licet evidens sit etiam iis, quibus trepano aperitur cranium, fatente *Riolano*.

Notat *Willisius*, sinuum majorum cavitates pluribus in locis velut *cellulis*, quas alibi *anfractuosas* cavitates vocat, interdistingui, ut sanguis per varios anfractus in sinubus istis transiens, à motu rapidiore inhibeat. Hos sinus in majoribus quoque venis alibi videas. Præterea *fibras* in membranis robustas & velut ligamentosas *idem* observat, quibus mem-

FIGURÆ EXPLICATIO.

Dextram cerebri partem secundum ventriculi ductum
profunde ablatam exhibet hæc figura.

- A. Nasus.
- B. Auris dextra.
- C C. Portio cutis capitis dependens.
- D. Musculi occipitis rudimentum.
- E. Oculi orbita.
- F. Os frontis.
- G. Os occipitis.
- H H. Latus cerebri sinistrum crassa sua meninge adhuc tectum.
- I I I. Crassa dextri lateris meninx dependens.
- K K K. Falx.
- L. Falcis ad galli cristam extremitas.
- M M. Sinus falcis superior.
- N N. Sinus falcis inferior.
- O. Sinus lateralis dexter major.
- P. Sinus falcis superioris in lateralem majorem ingressus.
- Q. Sinus quartus inter cerebrum & cerebellum.
- R. Sinus quarti in lateralem majorem ingressus.
- S. Sinuum lateralem majorem communis ductus.
- T T. Grandium vasorum in sinum falcis superiorem abeuntium portio.
- V V. Magna Cerebri fissura pars.
- x. Ventriculi dextri pars inferior & exterior, qua carotidis arteria ramulus penetrat ad choroeidem plexum.
- y. Ventriculi dextri pars posterior & amplior.
- z. Ventriculi dextri digitalem referens cavitas subrotunda.
- a. Ventriculi dextri pars superior & interior sub calloso corpore.
- b. Ventriculi dextri in tertium seu medium descensus & orificium.
- c c c. Plexus choroeides glandulosus.
- d. Spinalis medulla radix.
- e. Spinali medulla radici continuatum cerebrum.
- f f. Callosum corpus.
- g g. Cerebri pars posterior & inferior, calloso corpori continua, & ventriculi dextri cavitatem formans.
- h h. Cerebri sinistri sub falce apparens portio.
- i. Arteriola ventriculi dextri perreptans superficiem.



membrana modo contrahatur , modo dilatetur ac varie ducatur, ut sanguis vel acceleretur vel inhibeatur, vel retardetur.

Ufus itaque sinuum est, non tam continere sanguinem *Ufus.* utrumque à venis & arteriis acceptum, sicut hætenus crediderunt; quam solum arteriosum recipere, cujus beneficio pulsant. Nam arteriosus sanguis communicatus cerebro per cervicales arterias, quia nutritione utriusque cerebri & generatione spirituum animalium superfluus est, in hos sinus deponitur sive immediate, sive mediate per ramulos sinuum ut suspicatur *Waleus*; inde vero per jugulares venas quæ sinibus junguntur una cum tenui pellicula parietibus istorum adhaerescente, ad cor deorsum recurrit, ut iterum elaboretur. Circulum enim in cerebro quoque absolvi, ligaturæ quo-

Gg

quo-

quoque vivorum docent, quando jugularis ligata, juxta caput intumescit, ad cavam vero & cor inanitur.

P. Laurenbergius spiritus animales in sinibus generari opinatur, nullo judicio firmo aut probabili ratione.

A. Kyperus, vir doctissimus, sinuum usum specialem credit, ut inserviant ventilationi & refrigerationi sanguinis pro meliore cerebri usu & generatione spirituum animalium, siquidem extremitates arteriarum in illos desinunt, & sinus ipsi simplici frigidaque membrana sunt contexti. Sed meo judicio ad sinus non pervenit arteriosus sanguis antequam deferbuerit, quum recurrit à spirituum generatione, tum autem refrigerio indiget nullo, statim per venas ad cor regressurus. Non multum abludivit *Willisus*, qui sinus balneo destillatorio, membranam reliquam circa cerebrum protensam, alembico impervio assimilavit, ad halitus spirituosos cohibendos.

Usus duræ matris est I. Cerebrum tegere, medullam, & nervos inde oriundos.

II. Distinguere cerebrum in duas partes, & idem à cerebello.

III. Pericranium constituere, dum pro eo ligamenta per futuras mittit.

TENUIS MENINX vel PIA MATER, ob tenuitatem dicta, proxime & immediate cerebrum & cerebellum, eorundemque partes, hiatus, laminas, vasa, & ventriculos, crassior quidem in tertio ventriculo, quam reliquis, si credimus *Olbasio*, ne diffuant, vestit & invicem annectit: quare tenuis & mollis esse debebat, facile à perito separabilis; estque exquisiti sensus. Qui obtusior in illo cui ossa tria sine damno adnata Parisiis ab *Henrico Fuires* consobрино nostro visa: Venetoque illi, cui os grandiusculum dentatum in falce, seu duplicatura meningis surrexit, quod apud *Folium* contemplatus sum. Vasa habet, arterias 4. sursum adscendentes, duas carotides & totidem verticales. Venas è quatuor sinibus deorsum protensas. Sibi occurrentia invicem inosculantur, & fere ubique plexus retiformes constituunt.

Usus; cerebrum, cerebellum, medullam & nervos vestire, & distinguere.

DE CEREBRO EJUSQUE MEDULLA IN GENERE.

INtra calviam substantia mollis & alba considerata triplex: CEREBRUM vel pars anterior, CEREBELLUM vel pars posterior, & intima pars, quæ cerebro immergitur, MEDULLA alba; quam quia alii confundunt cum cerebro iplo inscite; nos veritatem sic explicamus.

Cerebri vulgo dicti pars alia externa, alia interna.

Externa proprie & strictè CEREBRUM dicitur, estque totum illud quod exterius circumjectum molle apparet, cinericii coloris vel ex albo flavescentis, quem colorem aliqui ex venis innumeris ibi disseminatis oriri credunt. Et hæc externa substantia est quasi cortex, cujus etiam particulas in ventriculis, ad exortum spinalis medullæ, in oblongo spinalis tractu extra cerebrum designat Malpighius.

Interna est reliquum intus reconditum, durius & compactius, magisque candidum, quod MEDULLAM vocare possumus, in quo siti sunt ventriculi vulgo dicti, non vero in ipso cerebro; ut ita

Differant cerebrum & medulla ipsa 1. Situ. 2. Colore. 3. Consistentia. 4. Interstitio linearum. 5. Magnitudine. 6. Figura. 7. Cavitatibus, quæ in medulla, non in cerebro. 8. Nobilitate.

Videtur ergo cerebri pars candida in cinericia esse demersa, quemadmodum humor crystallinus in vitreo. Et licet duæ hæc substantiæ, candida & cinericia, in cadaveribus putridis maxime continuatæ appareant; in recentibus tamen sanorum repente intersectorum, discriminantur lineis quibusdam variis, ut ab invicem separari actu optime queant, si summa adsit dexteritas, & mox ab obitu fiat sectio, alioquin multa humiditate perfunduntur & concidunt.

Mediam hanc candidam substantiam vel medullam dividimus in partem globosam seu rotundam, & oblongatam

Globosa, quam nos caput medullæ vocabimus, figuram Calvæ æmulatur, & magna constat mole, habens in se tres cavitates vel ventriculos vulgo dictos.

Oblongata, quam nos caudam medullæ vocabimus, immedie ab hac globosa oritur, instar caudicis cujusdam, cui insculptus est calamus scriptorius, vel quartus quibusdam

De loco generationis animalis spiritus, non va opinio. Nervorum omnium principium. dictus ventriculus, in quo nos statuimus veram esse animalis spiritus generationem.

Et hæc medulla oblongata est omnium nervorum, quicunque ibi sint, principium & origo; cerebrum vero æ unius quidem nervi initium; contra quam communis fert opinio.

Potest vero & hæc oblongata medulla dupliciter considerari: vel prout adhuc est intra calvariam, & tum ab ea nervi oriuntur, qui vulgo cerebro tribuuntur: vel prout extra cranium est, & in spinam delabitur, diciturque medulla spinalis.


Ne vero discentes turbentur, totius cerebri vulgo ita dicti structuram jam proponemus.

Cerebri magnitudo. Cerebrum majus quibus datum? Cerebri ergo humani Magnitudo insignis est in proportionem sui corporis, ut habet Aristoteles. Et ut plurimum homo duplo plus cerebri habet quam bos, nempe ad librarum quatuor vel quinque pondus, quia animal nobilius est, & forsân quia os sublime habet, & erectos ad sidera vultus tollit: si enim quid mobile rectum stare volumus, pondere ingenti superposito, casurum juvamus. Præter naturam tamen cranium monstrofi animalis in Scania nuper reperi- tum, duplo plus cerebri potest continuisse. Cranium ipsum in Musæo Wormiano asservatur. Et inter homines mares plus habent quam fœminæ. Ils enim maximum est datum cerebrum, qui plurimum cerebro uti debuerunt, hoc est, functiones animales varias & præstantes exercere. Hoc tamen cerebri utriusque sexus discrimen, censuram Adriani Spigelii seu Bucetii incurrit, quam haud dubie ab illo impetrarunt autopsia, & magnæ illæ mentes & dotes quarundam fœminarum, quas ætas superior & nostra tulit. Fœminæ autem minus quam mares cerebri habere dicuntur, quia ut plurimum corporis magnitudine his cedunt.

Tubera cerebri. Figura subrotunda est ad modum Calvæ; antèrèus verò tubera acquirit cerebrum, quæ à nonnullis processus mammillares dicuntur.

Cur cerebrum anfractus habet? Superficies externa cerebri anfractuosa est, atque convolutiones, gyrosque varios, instar intestinorum habet; quos non ad intellectum factos dicendum cum Erasistrato, cum & asini habeant; nec ad levitatem, ut Aristoteles voluit, quia iis carent mures, lepores, cuniculi ad currendum faciles, nec absque sine vel usu esse, ut alii putant; sed ut vasa cerebri per hos anfractus ducerentur tutius, ne ex motu assiduo ruptio- nis periculum esset, præsertim in plenilunio, quando in calva cerebrum maxime turgescit. Addit ex sua hypothesi

Willi-



FIGURÆ EXPLICATIO.

Figura hæc sinistrum cerebri latus in dextri ablato locum reclinatum præbet; ut & magnam ejusdem lateris fissuram.

- aa. *Auris sinistra,*
 bb. *Dependens capitis cutis.*
 cc. *Ossis frontis pars.*
 d. *Orbita oculi.*
 ee. *Cranii cavitās, in qua cerebri pars inferior continebatur.*
 ff. *Crassa meninx dependens.*
 hhh. *Cerebrum sinistrum tenui meninge investitum.*
 iii. *Magna sinistri cerebri fissura supra spinalis medullæ radicem constans.*
 kk. *Spinalis medullæ radix sinistra, in fissuræ magnæ fundo apparens, cum novis anfractuū rudimentis, & vasis eo loci distributis.*
 lll. *Cerebri anfractus, secundum quos carotidis arteriæ feruntur rami.*
 mmm. *Arteria carotidis propagines in sinum lateralem majorem sinistrum desinentes.*
 nn. *Sinus lateralis sinister major, nimis angustus exsculptus.*
 oo. *Sinus lateralis sinister minor.*
 p. *Sinus lateralis minoris in majorem ingressus.*

Willisus, ob alimenti spirituosius uberiorem receptionem & commodiorem spirituum animalium dispensationem, ut imaginationis & memoriæ actus seorsum perficiantur sine confusione.

Anfractus, si diligentius examinaveris, quod nos primus docuit *Fr. Sylvius* Anatomicus magnus, eos satis profunde descendere comperies, cerebrumque hiscere utrinque præter divisionem illam mediam à falce factam, per anfractuosam fissuram, quæ in parte antica circa radicem oculorum principium suum habet, unde secundum temporis ossa retro supra spinalis medullæ radicem procedit ac cerebri partem superiorem ab inferiore dividit, ne unius partis læsio, alteri statim communicetur, forsitan etiam ad faciliorem motum. Subinde tamen fissura illa magna reperiri vix potest. Cujus vice inveni minorem quandam fissuram lateralem



lem utrinque facile separabilem, in sectione etiam communi prope ventriculos, arteriis carotidibus refertam.

Superficies interna habet varias extuberantias & cavitates, ut in sequentibus dicitur.

Considerari hic quoque debet laudatus *Sylvius*, conclusa in partis hujus albicantis medio substantia colore subcarneo imbuta, quæque in cerebro teneriori facile aliqua sui parte separatur à reliqua albicante.

Color albus est, quia ex semine, ut omnes partes, generaturum est cerebrum; sed ita, ut minus amplificationis habuerit quam constitutionis: unde in summis inediis nihil ex cerebro diminuitur. *Prudentio* vocatur cerebrum lacteum.

Quomodo cinericia & medullaris alba substantia fiat ex vesica foetus lymphatica, explicat *Fracassatus*. ex sale copioso.

pioſo in ſero illo contento, à quo cranium oſteſcit, deinde & cortex cinereus denſatur: reddi cinereum & friabile à ſero & bile alluente ex vaſis; à fuſis ſalibus & deciduis medulla ipſa magis ſalſum: at ſales deſecatiores redditos ſerum in medullam veluti coagulo detinere; ſicut ſerum ſanguinis extracti in fuſo vitriolo ſulphuris, ſale nempe fuſo, in album & ſolidius veluti lac cogitur. Ventriculos ex aëre collecto fieri, & ex plexu choroideo micante, qui adjuvet aëris elaterem. Simplicius more veteri exponam. Lympha, quæ chyloſa ſeu pinguis materiæ portio eſt, accedente per nares aëre & calore per vaſa in glutinoſam ſubſtantiam ſenſim concreſcit, & admixto aëre ſpumefcit, quemadmodum ex meliori cereviſia mota ſpumam copioſiorem & quaſi candicantem poculis obſervamus.

Tempera-
mentum.

Temperamentum eſt frigidum & humidum, quod apparet ex albedine & mollitie. Unde *Hippocrati* cerebrum eſt ſedes frigidi & glutinoſi. Ratiocinationi enim & ſomno cerebri caliditas intenſior obeſt, uti in phreneticis apparet. Eſt tamen quovis aëre à ſpiritibus calidius, ut recte *Galenus*; interim non calidiſſimum, ut cor.

Cur modice
mollis ſub-
ſtantia ſit
cerebrum?

SUBSTANTIA eſt peculiaris, qualis nulla alia in toto corpore. Glandulæ aſſimilavit *Hippocrates*, ob colorem & humoris copiam. Mollis eſt & humida ad faciliorem impreſſionem imaginum & conceptuum, eſt enim imaginationis ſedes: non tamen ita mollis, ut diſſuat, ſed mollitiem habet conſiſtentem, ut, quod impreſſum eſt, aliquandiu maneat. Nam cerebrum etiam memoriæ ſedes eſt.

Pinguedinem eſſe quandam agitatione inflatam contra *Hippocratem* l. de Carn. credit illuſtris *Burrhus*. Ad tactum certe pingue eſt. Materia etiam pinguis, oleoſa nempe ſeminis pars, & lympha glutinoſa. In deſtillatione, pinguium inſtar, foetorem ingentem cum *Aſſuero Payngk* expertuſum. Similis eſt lactis cremori, qui ſerula agitat in niveas bullas ſurgit. Cerebrum ſuum pinguiuſculum *Ariſtoteles* prodit. Subpinguem atque pinguium inſtar. liqueſcentem teſtatur *Fr. Sylvius*. Quod flammam non concipiat, ſero amiſto debet; quod exſiccetur, innato glutini. Experimento *Burrhi*, oleum exſiccato non nihil cerebro exprimitur cerebri affectibus utile; quod ſponte coagulatur in ſpeciem ſpermatis ceti.

Carteſiani cerebrum ex mollibus & plicabilibus fibrillis ſe mutuo cum pororum interſtitiis contingentibus contexunt, per quas in cerebro imprimantur imagines rerum objectarum. Egregie quidem ſenſus rationem hoc pacto expli-

explicant, si vera esset hypothesis. Sed tales fibrillæ in substantia cerebri molli non observantur, nisi principium spinæ medullæ sumamus, ex quo nervorum funiculi oriuntur.

Ratione eas fibras astruit ipse *Cartesius* ex fibræ cutis, carnis, plantarum, aliorumque quæ appositione crescere, & nutriri queunt. Sed de mollibus nullum exemplum extat. Habet etiam cerebrum membranas & vasa quibus continetur. Quamquam vero fibras illas, nisi mente, non videamus, placet tamen auctorem novum & ingeniosum excutere, qui de suis fibrillis notat 1. Singula plexus cancellati seu cerebri *filamenta* nihil esse aliud quam totidem tubos, per quos spiritibus patet introitus, quique continuo respicientes glandulam pinealem, unde spiritus exiliunt, facillime huc atque illuc ad diversa illius glandulæ puncta sese convertere possunt. In fibris consentiens *Malpighius*, cavas negat se invenisse. Nec id opus censet *Fracassatus*: minus enim aptas devehendis spiritibus regulares cavitates, ubi tortuoso itinere non franguntur, sed velut per spongiam in alembico, per implicita filamenta spiritus rotundari & torqueri. 2. Ex illo plexu innumerum *filamentorum* valde exilium numerum prodire, quorum alia aliis ordinario sint longiora: at postquam hæc filamenta sibi diversimode reticulatim sunt intertexta, longiora deinde descendere ad spinam, indeque medullam nervorum componentia, per omnia membra dispergi. 3. Præcipuâs filamentorum qualitates esse, sola vi spirituum, quibus tanguntur, facile admodum variis modis plicari, flectique posse, sicut si ex plumbo vel cera essent confecta, adeoque semper retinere plicam, qua ultimo erant affecta, donec ipsis alia à spiritibus, contrario modo agentibus, imprimatur. 4. Porro nihil esse quam intervalla, quæ inter hæc filamenta reperiuntur, quæque diversimode extendi & constringi possunt vi spirituum in ea sese recipientium. 5. Naturalem filamentorum *dispositionem* esse, ut ductus porique deducere possint spiritus peculiari vi agitados, in omnes nervos, in quos tendere debent, ut eos motus excitent, quos alioqui naturæ instinctu dicimus fieri. 6. Filamentis à cerebro flaccido concidente compressis, somnum irrepere, impedito objectorum ingressu & spiritibus.

Fibrarum harum, quas *Willisus* strias & canaliculos vocat, figuram, ortum & existentiam *Malpighius* porro exhibuit:

Figura depressæ rotunda, non absimilis albis illis corporibus

G g 1

ribus

De Fibris
Cartesii
nota 1.

2.

3.

4.

5.

6.

Fibrarum.

Figura.

ribus seu intestinulis, quibus testiculorum moles conflatur. Ex fibris diversimode positis compagem concretam instar glandis spongiæ observat *Fracassatus*. Hoc *Velthuisius* antea ratione invenerat, quia in chymicis solent spiritus per spongas defæcari.

Origo.

Origo & Progressus. Ortus est à spinalis medullæ trunco intra calvariam. A quatuor enim medullæ reflexis cruribus hinc inde ramificari, donec ramosis terminis in corticem desinant. In cerebello progressus fit ex fibris in arboris formam ductis, cujus extremis ramis & quasi foliis affunditur cortex, solutus tamen ab adjacentibus. In cerebro concameratio, seu ventriculorum testudo constat fibris versus latera inclinatis, & in fornicem exstructis.

Existentia

Existentiam, de qua dubitatur, probat *Malpighius* ex piscibus, in quibus ita sunt evidentes, ut si adverso lumine observentur, eburneum pectinem repræsentent. Digitis aggressus est in animalibus eas separare *Fracassatus*, sed violentum hoc est. Tentavit idem per microscopium prius admisso sole per viride vitrum, ut effractus cerebri nitor mitteretur, visæque ipsi fibrillæ diversimode positæ. Sunt quidem fibrillæ, sed vel imaginariæ, vel tales quæ vel cavitare carent, vel ob mollitiem usui inidoneæ, ad quem alligantur, vel ita raræ ut aliam insuper cerebri substantiam in spatiis debeant admittere, imprimis in cortice.

Dubia.

Cerebri substantiam plane deesse rarum est, sed à nimio Veneris usu, quandoque imminutam vidit *Horstius*, ut ejus Epistolæ docent. *Schenckius* tamen, *Valleriola*, *Carpus*, &c. puerum sine cerebro viderunt, uti & *Nic. Fontanus* Amstelodami Anno 1629. qui loco cerebri & spinalis medullæ aquam limpidissimam deprehendit, membrana inclusam. Inter rarissima numeres bovem Suecicum, cujus cerebrum lapideum fuit.

*In cerebro
venas esse.*

Vasa per cerebrum disseminantur varia. Nam si ejus substantiam comprimamus, guttulæ sanguineæ copiosè exuant; ideo plurimas venas & arterias capillares ibi disseminari, cum *Galeno* statuimus; quas etiam non raro oculis usurpavimus. Quod fiet præsertim, notante *Fr. Sylvio*, ubi flaccidum est cerebrum & friabile; quod tum sponte à vasis cedere in sectione notavit; & maxime si vasa ob ætatem, aliamve causam quameunque fuerint solidiora: Eiusdem *Sylvii* experimento, inflata per tubulum arteria carotide, immissoque sanguine, innumerabilibus punctis cruentis substantia dissecta infecta apparebit.

Vasa.

Nervi autem nulli per cerebrum disseminantur, ideo sensus expers est omnis.

Venæ.

Venæ quæ per cerebri substantiam feruntur, sunt 1. Rami quinque venarum jugularium, quorum aliqui crassæ meningis subeunt sinum, aliqui per meninges & cerebri substantiam sparguntur. Verum illi ex observatione *Walei* non alii sunt, quam 2. Ramuli exigui qui utrinque abeunt in substantiam cerebri, ex duræ matris cavitatibus, quibus continuari antea diximus.

Arteriæ quatuor sunt ex Carotidibus & cervicalibus quarum hæ ad cerebellum, illæ ad cerebrum disseminantur supra infraque. Notandum de arteriis, simplici tunica, ut venæ, donatas intra cranium. In fissuris eadem arteriæ carotides plurimæ feruntur tum in superficie tum fundo, quibus molestant illam in quibusdam capitis doloribus circa temporum regionem pulsationem acceptam refert *Fr. Sylvius*, quanquam & externarum arteriarum pulsus huc quoque conferat, iudicio *A. Kyperi*, quod cura doloris indicat, quia iis apertis cessat.

Lymphatica vasa non habent cerebrum, quorum locum suppleant glandulæ choroidis plexus, ex conjectura *Willisii*, quæ accipiunt serum ab arteriis & refundunt in venas vel cerebrum. *Stenonio* tamen visa sunt vascula lymphaticis quam simillima in parte glandulosa plexus choroidis. *Malpighius* cerebrum habet pro filtro, quo serum exsurgit, & per fibras mittitur ad nervos venasque. Certe si fibræ cerebri Cartesiani cavæ sunt, infiniti ex his lymphæ ductus suppetunt, totumque cerebrum ex lymphaticis compositum, quia lympham ex spiritu animali quamplures deducunt.

Usus cerebri secundum Aristotelem est ad cordis refrigerationem, quod recte refutavit *Galenus*, quia à corde cerebrum est remotius. Sunt tamen inter Peripateticos qui *Aristotelem* à Medicis dissentire negent, dum ille cerebrum ad cordis fervorem temperandum, hi vero in gratiam producendi spiritum animale factum volunt: spirituum enim animalium generationem sine vitalium refrigeratione & contemperazione fieri non posse. Sed

Usus est 1. Esse animæ sensitivæ domicilium, ad edendas functiones animales. Est autem cerebrum non particulare sentiendi organum, ut oculi, aures, &c. sed universale: nam de omnibus iudicium fit in cerebro.

De motu etiam animali fert iudicium, ipsum vero animalis motu caret: at naturalem agnoscit, ab arteriis communicatum, eumque perpetuum dilatationis & constrictionis, ut liquet in vulneribus, item in recens natis, quorum in
fini-

incipite cerebrum palpitare conspicitur, quia ossa mollissima sunt, necdum satis indurata.

In dilatatione cerebrum vitalem spiritum cum sanguine arterioso attrahit, ex arteriis carotidibus, itemque aërem per nares.

In contractione spiritum animale in nervos propellit, qui in totum corpus, tanquam canales, hunc spiritum devehunt, unaque cum spiritu, facultatem sentiendi & movendi. Eadem contractione sanguis ex sinibus per venas expellitur ad cor.

Spiritus animalis materia.

Spiritus ergo animalis materia est duplex; videlicet sanguis arteriosus, spiritu vitali perfusus, & aër. De loco generationis postea dicitur. Non enim cum iis sentimus, qui in cerebri substantia aut ventriculis istis anterioribus generari volunt hunc spiritum.

2. Ut in cerebro contineatur & servetur, tanquam in promptuario spiritus animalis, jam antea generatus & confectus. Et conveniens certe spiritus animalis domicilium atque receptaculum, est cerebri substantia, cum eadem sit, quæ substantia nervorum medullaris interna, quæ spiritum illum animale etiam continet.

De usu cerebri ejusque medullæ, nova auctoris opinio.

Putamus autem in cerebro proprie dicto, vel cortice, servari spiritum animale pro sensu, in medulla vero tota tam quoad caput, quam quoad caudam, reservari spiritum pro motu, quod sequenti capite manifestum evadet.

3. *Mæbio*, ut coctione arteriosi sanguinis spiritus animales à vitalibus elaborentur. Hac coctione materiam albicantem & oleaginosam è subtiliore sanguinis arteriosi parte elaborari, quæ non cerebrum tantum ac nervos nutriat, seu cum spiritibus animalibus ad partes delata nutritionem in iis cum arterioso sanguine perficiat. Hinc brachium in paralyti, salvis vasis sanguineis, contabescere. Cæterum nutritionem materiam ex cerebro non provenire per nervos infra probabimus.

4. *Malpighii* judicio, corticis hac carne veluti filtro separatur serum ex arteriis meningum, & per fibrillas cerebri inde in elongatos nervos derivatur, residuum autem sinibus recollectum appensis venis iterum ad præcordia refluit. Hoc serum pluries in cerebro & medulla oblongata rectificatum, induere forsan nobiliorem naturam spiritibus vel continendis vel gignendis idoneam. Si vero vel propria crassitie, vel excrementorum affluentia sit impar minimis fibrillarum meatibus subeundis, ex stagnante in cerebro Epilepsias & Apoplexias excitari. Lymphæ foret metropolis cerebri.

Dua

Duo præterer probanda essent 1. fibras eas esse cavas. 2. lympham ad nervos in statu naturali ferri debere.

§. *Willisius* in cortice cinereo spiritus animales *procreari* defendit, quia 1. immediate hic liquor subtilis à sanguine secernitur & excipitur. 2. Sale volatili imbutus liquor, exaltatur hic in spiritus puros. 3. Animalia, imprimis aves, corticalem & cinericeam partem fere solam habent. Resp. 1. immediate quoque à cervicalibus medulla recipit. 2. Medulla idem sal volatile possidet. 3. Animalia & aves tot non indigent spiritibus, quot homo.

Generatur igitur potius in minore parte medullari, quam amplo cortice. Non solent nobiles actiones ab exteriori cortice peragi, sed interioribus recessibus.

In medullari seu corpore calloso spiritus animales *dispensari* & velut in campum amplissimum ferri probat idem, quia 1. sanguis paucus hanc partem irrigat, caloris potius gratia, quam ut spiritus generetur. 2. Similis est medullæ oblongatæ & spinali, quam dispensationi, non generationi inservire, hoc indicium credit, quod sicubi obstructio in illis contingat, quicquid inferius est, spirituum influxu destitutum, patitur eclipsin. Favet & nobis ea ratio, quia ex illius obstructione intercipitur & generatio & dispensatio. Ad generationem autem spirituum animalium multus sanguis necessarius non est, nisi pro materia, quam cervicales abunde suggerunt.

6. *P. Petitus* non cerebrum tantum imaginationis esse sedem, sed eandem in omnes corporis nervos continuari liberaliter concedit. Non multum dissimilis est *Stenonius*, cui animales operationes omnes non soli cerebro, sed spinali quoque medullæ, tanquam primæ scaturigini, adscribuntur, quia 1. pauci nervi è piscium cerebro oriuntur. 2. plures è spinali medulla exire videntur, quam qui à cerebro per transversam sectionem spinalis medullæ immediate sub quarto ventriculo resectæ transire possent. 3. In piscibus quoque spinalis medullæ crassities eadem permanet toto spinæ ductu. 4. in aliis animalibus circa lumborum regionem spinalis medullæ crassities multum augetur, & in avibus eodem in loco cavitas rhomboidalis formatur. 6. Vidit ligata aorta descendente sine prævia sectione, partium posteriorum omnium motum voluntarium toties cessasse, quoties vinculum stringeret, iterumque toties redire, quoties nodum laxaret.

CAP. IV.

DE PARTIBUS CEREBRI
in specie, & de medulla oblongata &
spinali; ejusque ventriculo nobili.

Capitis se-
ctio vera ab
inferiore
parte in-
choanda.
Vide hujus
sectionis fi-
guram li-
bello de
Nervis.
Principium
spinalis
Medulle.
Objectio.
Responsio.
Medullam
esse princi-
pium, & o-
riginem ce-
rebri, nota
Auctoris o-
pinio.
Probatio.

EA quę in cerebro conspiciuntur, alii cum *Galeno*, *Vesalio*, *Fallopio*que, inquirunt secando primum capitis partem superiorem, & ad inferiora usque progrediendo, quare etiam multas partes minus recte proponunt & explicant. Nos ductum *Constantini Varoli* sequuti inverso ordine, attamen vero & accurato, incipiemus à parte inferiore cerebri, & ad summam usque transibimus: daturi postea ordinem partium à summis ad infimas, pro iis, qui vulgatum & communem secandi ordinem sequi volunt; ubi & tertia & quarta secandi ratio tradetur.

Ordinando ergo ab infima parte cerebri, occurrit primo *Medullę oblongatę principium*; hujus progressus quia in vertebriis spinę est, *spinalis* dicitur, item *dorsalis medulla*

Quod si quis à cerebro putaret initium faciendum, quia ab eo, ceu principio, oriri dicitur medulla spinalis; ei obgerimus, nos statuere medullam, prout & intra cranium est, & prout spinalis est, principium potius cerebri dicendum; cerebrum vero ipsum in duas partes divisum, esse quasi *ὑποφύλον* quandam, vel processum duplicem ipsius medullę.

Et id quidem manifestius fit inspicientibus Anatomiam piscium; ibi enim medullę caput & cauda insignis est magnitudinis, processus vero medullę vel cerebrum admodum exiguum: cujus rei causa est, quod pisces motu magis quam sensu utuntur, ac si ad sensum plus conferat cerebrum vel cortex, ad motum plus medulla ipsa. Hinc pisces, quoad sensus stupidi satis sunt, in motu vero satis agiles. Atque ex hac nostra sententia verum erit, durius ad motum, mollius ad sensum corpus facere. In pullo quoque in ovo adhuc contento anterior cerebri pars demum accrescere basi observatur. Et antequam illud accrescat, contrahitur si tangatur pullus.

MEDULLA OBLONGATA oritur secundum alios à solo cerebro, secundum alios à cerebello. Sed utrumque principium (ut ita jam communi modo loquamur) obtinet.

Oritur enim quatuor radicibus seu fundamentis; duo majora sunt, ab anteriori, cerebri vulgo dicti, parte. Duo mino-

minora à cerebelli parte interiore. Ex unitis hisce videtur constitui spinalis medulla. Sed rectius forte putatur, originis istas esse processus ipsius medullæ, ut ante dictum.

SUBSTANTIA medullæ oblongatæ paullo durior est quam cerebri, tota medullosa, sed in qua notandæ, *Willisio* monente, si per longum in medio dissecetur utrinque *striae medullares* & quasi *radiose*, fibrillæ dictæ *Malpighio*, quæ duplicem habent *progressum*, *alia* à corporis medulloso summitate descendunt, quasi tractus sint à cerebro in medullam oblongatam; *alia* à parte inferiori adscendunt & prædictis obviam fiunt, quasi spirituum orbitæ à medulla oblongata ad cerebrum. Corpora *striata* junguntur, ac invicem communicare facit processus medullaris transversus, nervi instar, à corpore uno striato in alterum protensus, ut corporum horum actiones passionive non sint duplicatæ. Circa corporis utriusque striati extremitatem nervi olfactorii inferuntur.

Pars cerebri alia intra *cranium* est, ad quatuor digitos *Diviso medullæ spinalis.* transversos, supra magnum occipitis foramen. Alia ejus pars & quidem longissima, *extra cranium* est in vertebrais à prima cervicis, usque ad ultimam ossis sacri.

Figura est oblonga & rotunda. *Scriptura* vocat funem argenteum. In principio vero crassior est & amplior.

Dividitur ulterius in partem *dextram* & *sinistram* uti & cerebri, à pia matre, quæ eam immediate vestit, quod ap- *Alia divisio.* paret in bovis medulla leviter cocta. Hinc paralytis unius vel alterius lateris esse potest.

Dividitur autem in multos quasi funiculos, circa sextam *Alia divisio.* & septimam thoracis vertebra: & si recentis cadaveris medulla spinalis statim frigida immergatur, & fiat horum funiculorum separatio, figura repræsentabitur caudæ equinæ, præsertim circa finem, in multos pilos oblongos divisæ: ita ut secundum *Laurentium* etiam dorsales & lumbares nervi, à cervicali medulla oriantur.

Membrana integitur triplici. Prima immediate cingens *Tegumenta medullæ.* est à pia matre.

Secunda est à dura matre, & alteri adhæret. Quæ duæ, ex observatione *Spigelii*, nullo inter se, quemadmodum ubi adhuc in calvaria sunt, intervallo distinguuntur, sed sese contingunt.

Tertia exterior oritur secundum *Galenum* à valido ligamento anteriores partes vertebrarum colligante, quod parte posteriore in validam tunicam definit; ne in spinæ flexione vel extensione lædatur medulla.

Huic circumfunditur crassus & viscosus humor, ad humectationem.

Postea

FIGURARUM EXPLICATIO.

Ventriculum cerebri quartum, tum cerebellum, tum corpus callosum exhibet variis iconibus.

FIG. I.

- A A.** Cerebellum ejusque globi.
- B.** Processus cerebri vermiciformis.
- CCCC.** Processus cerebelli Pontem Varolio sic dictum invuentes.
- D.** Spinalis medullæ principium.
- E E.** Duæ radices seu processus minores spinalis medullæ à cerebello ortæ.
- F.** Quartus cerebri ventriculus calamo scriptorio comparatus.
- G G.** Cerebri portio cerebello adherens.


FIG. II.

- A A.** Interna cerebelli & albicans substantia.
- B B.** Exterior magis obscura albicantemque ambiens substantia.
- CCCC.** Structura elegans cerebelli ramosas arbores representans.


FIG. III.

- A A.** Cerebri per medium usque ad ventriculos secti facies.
- B B.** Corpus callosum ad sinistram nonnihil diductum.
- C.** Portio falcis ad posteriora reflexæ.
- D D.** Ventriculus anterior dexter parte superiore detectus.
- E E.** Ventriculus sinister similiter apertus.
- F F.** Plexus choroides.
- G.** Speculi seu septi lucidi portio.
- H H.** Dura meninx utrinque detracta.
- I I.** Crura duo, seu portiones fornices.


Fig. I



III



II



Hh

Postea includitur medulla in vertebris, ne lædatur (ut cerebrum Calva includitur) cum sit pars nobilis, & nervorum principium. Ideo spinę partem perforatam *inagruosa*, sacram fistulam vocarunt veteres.

In principio hujus medullę, dum adhuc in calvaria est, insculptus visitur

Ventriculus nobilis in medulla.

SINUS vel CAVITAS, quam Galenus *cerebelli ventriculum* vocat; alii *quartum* cerebri *ventriculum*, cum tamen in cerebro non sit. Nos *ventriculum* medullę *nobilem* vocabimus.

Hic solidissimus est, purissimus, subtilissimus, sed minimus, nam rem majorum virium & facultates continet, ut ait Galenus.

Et quia post ductum quendam æqualem utrinque ad latus dilatatur, deinde vero in mucronem exacuitur, ob hanc figuram *calamus scriptorius* à nonnullis dictus est.

Ventriculi nobilis operculum ex cerebello.

A cerebello autem quę huic medullę committitur, constituitur alia & dimidia pars hujus ventriculi, quasi operculum; ita ut sita sit tota hæc cavitas inter cerebellum & medullam oblongatam, potior vero cavitas est inferior, quę in medulla.

Verus locus generationis animalium spirituum.

Usus hujus ventriculi à nobis statuitur, ut sit locus generationis, & elaborationis animalium spirituum. Hic enim ventriculus 1. est purissimus & subtilissimus, 2. cavitatemque ad id sufficientem obtinet, & in Leone spirituum indigo ad robur humanam superat. 3. In eo denique loco est situs, ut undique circa se in omnes nervos spiritum animale effundere possit. Recte ergo *Herophilus* hunc ventriculum principalissimum existimavit.

Probatio.

Quę argumentorum pondera quomodo non viderint doctissimi quidam Viri, qui nos *rationibus nullis* calamo scriptorio animalium spirituum generationem assignasse, sine ratione scripserunt, equidem augurari nequeo.

Nec putandum cum *Spigeliano opere*, quartum hunc ventriculum tantum per sequelam resultasse ex rotundis cerebri particulis in vicem se tangentibus, Nullo Naturę consilio: natura enim nihil præter rem agit, cum maxime agere videtur.

Alii generari putant spiritum animale in ventriculis cerebri anterioribus. In hoc vero quarto vel conservari lumen animale circa pinealem glandulam: vel serum recipi è glandulis & vasorum plexibus, nec non è cerebelli substantia destillans: vel animales spiritus reponi.

Atque hi ventriculi anteriores excrementis scatent, quorum

rum potius sunt receptacula, ut apparet ex subjecta iis glandula puitaria, & quod sæpe pituita repleti reperiuntur & aqua copiosissima.

Alii in reti mirabili, alii in plexu choroide.

Sed in his præparationem nos fieri statuimus. Solet enim *Præparatio animalis spiritus ubi?* natura materiæ alicujus præparationi plexus tribuere, & cum hæc vasa adeo exigua sint, quomodo in iis generabitur, præsertim cum per ventriculos defluant tot cerebri excrementa.

Alii volunt in cerebri substantia elaborari. Alii in spinali medullæ oblongatæ corpore. Sed tam subtilis spiritus generatio cavitatem requirebat aliquam, quæ & vitalium generationi concessa est. Unde aliqui adducti fuere spiritus naturalis generationem in dextro cordis ventriculo statuere, quia in hepate nulla est cavitas.

Nostra ergo sententia est, spiritum animale præparari in reti mirabili, & magis adhuc in plexu choroide; generari & elaborari in hac medullæ oblongatæ cavitate, sive ventriculo nobili; postea vero qui ad spinalem medullam & nervos cerebri non derivatur, & abundat, conservari & retineri in toto cerebro tanquam promptuario.

Ufus medullæ oblongatæ & spinalis est, ut ab ea omnes *Omnium nervi prodeant. Ab ejus enim parte, quæ intra cranium est, Nervorum oriuntur nervi, qui vulgo cerebro tribuuntur, & communiter eorum septem paria recententur. A parte vero longissima, quæ in spina est orta, numerantur ab Anatomicis triginta paria nervorum, quot videlicet sunt vertebrarum foramina. principium est hac medulla.*

Interim non ita intelligendum, ac si tot duntaxat rami seu funiculi inde orirentur. Nam quilibet nervus pluribus funiculis vel quasi fibris oritur, quæ egredientes per foramen alicujus vertebræ, ibidem per membranas junguntur, ac si ex una propagine factus nervus egrederetur.

Circa imam medullæ oblongatæ basin ex annulo majore, duæ velut *chordæ medullares* prodeunt, sicut eas designat *Willisius*, quæ à reliquo medullari trunco distinctæ, versus medullam spinalem recta pergunt, ac in processu suo sensim angustiores factæ, *pyramidum* instar in acutum desinunt. Extremitates harum è regione, qua origines *vagi paris* consistunt, & in medulla oblongata intumescuntiam quandam faciunt. Suspiciatur idem, chordas has esse spirituum animalium *ductus*, in quibus à cerebello ad nervos perducantur.

CAP. V.

DE CEREBELLO.

Cerebellum quid? **C**erebellum, quasi parvum ac privatum quoddam cerebrum, est minor quædam portio, sub cerebro posita in parte inferiore & posteriore occipitis: in brutis totam fere occipitis regionem occupat.

Eandem cum cerebro habet substantiam, consistentiam, colorem, motum, &c.

structura. In gyris differt à cerebro. Cerebrum gyros varios habet inordinatos, cerebellum circulares & ordinatos, qui velut lamellæ invicem supertenduntur. Discernuntur partim vasis interjectis, partim pia matre, quibus separatis, singuli circuli possunt eximi.

Substantia interior varia est, candicans seu medullaris, & cinericia seu corticalis, quæ ramos velut quosdam distribuit.

Vasa lamellis singulis interjecta per tenuem meningem feruntur retium instar, quæ ex accurata observatione Fr. Sylvii, a cervicalis arteriæ ramis orta, tandem in quartum sinum desinunt.

Constituitur præcipue ex duabus partibus lateralibus, utrinque quasi globum facientibus.

Processus. *Processus* duos habet vel exerescentias, vermiformes dictas, quia multipliciter orbiculatæ sunt, & ex multis portiunculis transversis tenui membrana copulatis constant. Harum extremitas tenuis & convexa ciceris magnitudinem habet.

Sita vero sunt ad sedem cavitatis nobilis, una quidem ad anteriorem, altera ad posteriorem.

Circa posticam partem trunci medullæ spinalis, in ventriculi nobilis circumferentia, ex eodem cerebello alii processus prodeunt globosi, interdum bini utrinque, interdum terni. Majores sunt qui ad vermiformem siti, minores reliqui. Cerebelli pontem Varolius appellavit.

Inter pontem & quartum ventriculum, alius reperitur canalis, quem *Alveum* nominandum censet Fr. Sylvius; ex coalitis medullæ spinalis radicibus formatus, ac tenui membrana ipsis superextensa concameratus.

Processus duos spinalis medullæ pedunculos vocat Willsius. In utroque pedunculo tres distinctos processus medullares describit. *Primus* à protuberantiis orbicularibus emissus, oblique adscendit. *Secundus* recta à cerebello descendens, & per primum decussatim transiens, medullam oblon-

longatam circumdat, ante vero protuberantiam annularem constituit. Tertius è postica cerebelli regione descendens, medullæ oblongatæ inferitur, ejusque truncum velut chorda adscititia auget. Protuberantiam annularem esse promum condum, à quo spiritus à cerebello profluentes, inque nervos appensos derivandi, asservantur. Ex hac immediate ori tria nervorum paria, quintum, sextum & septimum.

Fracassatus ex anatome ovis & piscium demonstrat cerebellum non esse diversum à medulla oblongata, & in perfectioribus esse medullam secundum ramosas suas productiones cortice detectam. Protuberantias istas medullares esse extensam & ad medium reflexam oblongatam medullam, quæ intus in binos illos sinus replicatur, qui cum anterioribus in cerebro cavitatibus, quatuor efformant ventriculos. Deesse vero hanc protuberantiam in multis, ut volucris & aliis animalibus.

Processuum omnium usus est, ne ventriculus nobilis à cerebello pressus obstruatur. *Laurentio*, ut motum ventriculorum juvent valvulæ instar, quia brevior redditus vermiformis viam aperit, quæ est à tertio ad quartum ventriculum, dum extenditur rimam claudit, ne remeet spiritus in superiores sinus. Parum dissentit *Riolanus*, referare & claudere aditum quarti ventriculi. Sed per se non movetur, quia, ut cerebrum motus proprii est expers, nisi vasis meningive tenui id assignes, admodum exhibus, vel sanè spiritibus animalibus vicinis.

Pontis autem usum credo, circulos cerebelli velut compage constringere & continere, pariterque aggeris instar nobilem ventriculum tueri. Onde *sepimentum* commodius diceretur.

Usus cerebelli idem qui cerebri. *Galeno* vero, ut inde oriantur duriores nervi: quod falsum. Nam nulli nervi ab eo prodeunt, sed aliqui à processibus ejus, qui ad medullam spectant. Aliis memoriæ sedes. Sed illius sedes est, ubi imaginationis.

Usus novus Willisii est, spiritus animales nervis quibusdam suppeditare, quibus actiones involuntariæ, cujusmodi sunt cordis palpitatio, respiratio, alimenti concoctio, chyli protractio, &c. quæ insciis aut invitis constanti ritu fiunt, peraguntur. Quia 1. nervorum paria functionibus naturalibus præsertim inservientia, ut 4, 5, 6, 7, & octavum par, & ex quinto & sexto pari orti nervi intercostales, immediate à cerebello seu appendicibus dependent. 2. Placæ in omnibus animalibus & anfractus similes sibi reperiuntur cum in ce-

rebro vel deficiant, vel varient in singulis. 3. Ad subitum capitis motum subinde animo fere linquimur, & hinc quoque incubi causa querenda. Ingeniosæ conjecturæ magna facilitas ad distinguendas functiones. Sed nervi prædicti non à cerebello oriuntur, sed à medulla oblongata, cujus processus ille cerebello attribuit. Septimum & octavum par ipse agnoscit à medulla oblongata dependere, sonumque ad cerebrum quoque ferri. Idem nervi voluntariis actionibus inserviunt, quanquam & secundario naturalibus. Fieri id per communicationem nervorum utriusque regiminis ipse fatetur. Motum naturalem, sine nervis, inde quidam probat, quod auricula cordis ante nervos in fœtu moveatur, & pulmones sine nervo.

CAP. VI.

DE RELIQUIS QUÆ IN CEREBRO observantur partibus: reti mirabili, glandula pituitaria, infundibulo, ventriculis cerebri, corpore calloso, fornice, plexu choroide, glandula pineali, &c.

Præcedentibus consideratis, accessus faciendus ad ea, quæ statim circa nervorum opticorum conjunctionem conspiciuntur, ut sunt: *rete mirabile, glandula pituitaria, & infundibulum.*

Rete mirabile.

RETE MIRABILE; aliis *plexus retiformis*, ita dicitur ob artificiosam & mirabilem structuram, apparet enim instar multorum retium invicem cumulatorum. Aliam vero structuram habet in vitulis & bobus, ubi etiam manifestius conspicitur quam in homine, in quo tamen dari non negandum est, ut facit *Vesalius*, quanquam obscurius. Abesse enim memini mirandam retis formam, & in homine abesse potest, cum etiam in stupidis adsit.

Vesalii error.

Subjicitur hoc rete cerebri basi, glandulam in ambitu, in quam quoque ramuli feruntur, completitur, à lateribus selle ossis sphenoidis.

Constat non ex nervis tertiæ conjugationis, ut vult *Völscherus*, sed ex arteriis carotidibus & cervicalibus à corde sursum latis ad basim cerebri quæ sanguinem & spiritum vitalem in hoc rete deferunt.

Rete mirabile ad basim cerebri eandem collocat *Riolanus*, nempe propaginem choroidis plexus qui anteriores ven-

ventriculos perrepat, quanquam hunc plexum pro re-
mirabili habere nolit.

Ussus reus est 1. ut in eo diutissime moretur sanguis & spi-
ritus vitalis, ut fiat prima præparatio pro generatione ani-
malis spiritus. 2. *Wepfero*, ut sanguinis imperus ad cerebrum
decurrens frangatur, præsertim in brutis, prono capite, ut
explicat *Schneiderus*. 3. Ut feri superflui pars aliqua glan-
dula pituitaria demandetur, pars in furculos venolos ad cor
reducenda, si fides *Willisio*. Deprehendit quippe *Walaus* rete
hoc constare ex venarum jugularium ramulis, sine dubio ut
referant superfluum in spirituum præparatione.

Regula est *Willisii*: ubicunque aliquam partem ab alia,
absque unitate soluta secernere queas, huiusmodi vasorum
plexus reperiuntur.

GLANDULA PITUITARIA ita ab usu dicta, quod excre- *Glandula*
menta cerebri ex ventriculis per infundibulum suscipiat *pituitaria*.
(ideo ad finem infundibuli ponitur in sella sphenoidis) *Gan-
leno* simpliciter dicitur glandula. *Situs*.

Superne concava est, inferne gibbos a

Figura.

Substantia ejus durior est & compactior quam aliarum
glandularum. *Substantia*

Vestitur pia matre.

Excavatam glandulam esse multi asseruerunt, quod de *Cavitas*
externa tantum seu sinu externo *Schneiderus* concedit. At
cavitatem sæpe in ea notavit *Stenonius*, visu elegantem, tum
ob vasa superficiem ejus perreptantia plurima, tum ob tu-
berculum albicans, quod in medio alterius lateris reperitur
& in opposito latere cavitatem habet, sibi recipiendo suffi-
cientem, ubi glutinosus humor invenitur.

Vasa sanguifera apparent, si, *Willisii* ductu, liquor atratus *Vasa*
carotidi injiciatur; glandula enim ea parte colore nigro in-
fiscitur.

Ussus est idem qui aliarum glandularum, carne bibula in-
star spongiæ excipere excrementa crassa (nam tenuia per
futuras evaporant) collecta in cerebri ventriculis, sæpe satis *Excremen-
ta cerebri*
copiosa. Nam cerebrum mole magnum multo indiguit ali-
mento, ideo & multa excrementa generat, præsertim à na-
turali constitutione nonnihil recedens. Hæc excrementa *copiosa
sunt*.
glandula modo in palatum dejicit, modo defluere sinit per
basis cranii foramina. Hunc usum in magno de Catarrhis
opere destruit *Schneiderus*, parvo argumento, quia glandula
parva nimis pro recipiendis excrementis magni cerebri.
dispar esse utriusque pondus, ut cum cerebrum hominis ju-
venis pendeat libras tres, glandula hæc decem tantum grana

FIGURÆ EXPLICATIO.

Sublata fornice spectatur glandula pinealis ut & tertius cerebri Ventriculus inter duos anteriores medius.

A A. Cerebrum æquali sectione explanatum.

B. Fornix sublata & retrorsum reflexa.

c c. Ejus expansiones, seu crura postica.

D D D D. Ventriculorum dexteri & sinistri fundus, in quo anteriores vasa apparent.

E E. Eorum latera seu parietes.

F. Foramen anterius tertii Ventriculi aliis Vulva dicitur.

G. Rima tertium ventriculum designans.

H H. Protuberantia cerebri quæ Nates dicuntur.

I I. Protuberantia Testes nominata.

K. Glandula pinealis.

æquet. Nec foramina adesse. Vesaliana enim esse falsa, vasorum autem aliud agere.


Aliis sensim recipere aquosum humorem seu tenuem, & sensim emittere. Recipere ex retis mirabilis superfluo humore ventriculique tertii excrementis, sed vel absumi ab ipsa glandula, quod *Rolincius* credit, vel per membranas & nervorum funiculum velut per laneum pannum depluere ad subjectas & vicinas partes, sicut *Willisius* & *Whartonius* suspicantur: vel pedetentim destillare ad uvulam ad irrigandas fauces, viscidiorum autem in mucum concretum per nares & os excerni, iudice *Fr. Sylvio*. Verosimile est more aliarum glandularum lympham aliquam & recipere sensim & pedetentim expellere.

Aliis cum *Piccolomineo*, quos tamen non defendimus, usus etiam glandulæ hujus est, claudere infundibulum, ne spiritus animales egrediantur. Nam statim supra glandulam pituitariam est

Infundibulum.

INFUNDIBULUM, dictum à figura, nam superne caput ejus amplum est, inferior pars est longus canalis & angustior. Alii *pelvim* vocant, quæ vox rectius de capite infundibuli seu principio diceretur.

Est ergo *infundibulum* cavitas orbicularis, nonnunquam triangularis, eaque vel obtusis angulis vel acutis, facta ex pia matre, ubi cerebri basin succingit, unde & cerebri ventriculi inve-



investiuntur. Subtiliori alia tunica intus obvelari *Plempius* scribit, valde sensibili, unde *Schneiderus* negat serum acre hic recipi. Ejus initium amplum est, ad foramen tertii, uti vocant, ventriculi, undique medullari substantia foramini quarti ventriculi continuatum, ex *Whartoni* observatione, & tenui membrana foramen obtegens, ne humores alio decendant; nam per hoc foramen ex ventriculis excrementa in hoc infundibulum ablegantur.

Hh 5

Cana-

Canaliculos quatuor habere ait *Riolanus* sive *tubulos*, qui pituitam vel serum pituitosum destillant per quatuor foramina accumbentia sellæ sphenoidæ.

Colore est obscuriori, & si aperias, pituita crassa repletam invenies, interdum aquâ limpidâ, nonnunquam vacuum, quando vel exhausta est *lympha* per alias vias ut in *phthisicis*, vel extremo expirationis conatu expressâ.

Glandula duæ candicantes sive protuberantiæ cerebri, in brutis unica major, hujus meatui preponuntur, qua parte infundibulum à ventriculis serum accipit, inverso cerebro conspiciendæ. Nihil de his *Anatomicos* dixisse frustra queritur *Marchettus*. Usus enim illi est, ut impediatur materia ne magno impetu ad infundibulum deferatur, ipsumque forte nimio dilaret aut frangat.

Hiscæ absolutis occurrit in sectione *NERVORUM ORIGO*, ubique à medulla, qua de re in libello de nervis.

VENTRICULI cerebri seu *CAVITATES* sequuntur.

Hi, si sectio communis fiat à superioribus incipiendo, putantur tres esse: duo anteriores & superiores, uti vocant, unusque medius, cui alii addunt quartum, de quo nos supra.

Si vero sectio nova fiat, ab inferioribus ordiendo; duo tantum apparent, ut tertius communis fiat portio reliquorum duorum.

Unicum esse cerebri ventriculorum Auctoris sententia.

Nos putamus unicum esse cerebri ventriculum, qui in medio est, sed bipartitum est ejus initium, vel gemini processus, qui excrementa recipientes deferunt in ipsum medium, quem tertium vocant. Cavitates enim una & continua est cerebri, & duo dicti ventriculi in communem cavitatem desinunt.

Interim, quia pars cavitatis alia atque alia diversimode formata videtur, distinctio aliqua doctrinæ ergo admitti potest.

Ventriculorum anteriorum descriptio

Duo illi ventriculi, qui male anteriores & superiores dicuntur, quia etiam in postica parte cerebri & inferiore consistunt, forsan melius laterales dicerentur, & cum *Vesalio* dexter & sinister, amplissimi sunt, obliqui, anfractuosi, semicirculares, pia matre vestiti.

Verba.

Lunæ falcatae non male passim assimilantur: quamvis tales vix unquam inter secandum demonstrentur. Cum tamen oblongi simul sint, & postica sui parte valde ampli, equorum soleis conferri quoque possunt. Rotundam hanc ventriculorum faciem primus detexit accuratissimus *Fr. Sylvius*, post eum sæpius à me demonstratam. Sed si veram figuram invenire velis, profunde cerebrum secabis versus

cras-

cranium seu tempora utrinque, quia profunde calloso corpori immergitur. Elatior enim est pars ventriculorum versus septum lucidum, depressior versus laterales cranii partes. Anteriores partes profundiores, vicinæ sunt processibus mammillaribus, & si credimus *Piccolomineo*, *Bauhino*, *Riolano*, aliquo modo perviæ, præsertim in senibus.

Excurrunt præterea in parte sui posteriore recto ductu, ubi cavitatem subrotundam digitali non absimilem formant: hanc aliquando abesse memini.

Norandum insuper, ventriculos hos ambire spinalis medullæ radicum laterales & posticas partes; quas præterea sub choroide plexu, limbo quasi & fimbria complectitur, ventriculorum concamerationem constituens cerebri pars introrsum, sursumque contorta & attenuata, & ob similitudinem Limbus à laudato *Sylvio* vocari solita, dictis radicibus per tenuissima filamenta adnexa. Limbum hunc, si leniter elato plexu, à radice removeris, arteriolas reperies inferiorem ventriculi superficiem perreptantes, reticulari arteriolarum corollæ radicem investienti continuas; quarum beneficio videtur quoque hic limbus radici propius adhærere.

Cæterum hic observabis facilem esse humori in dictis ventriculis contento exitum, & secundum spinalis medullæ ductum descensum.

Formantur igitur non in cortice cerebri, sed medulla, quo loco vocant *corpus callosum*, quia substantia ibi est durior, instar calli, ubi duabus extuberantiis anterioribus incumbere videntur ventriculi. *Corpus callosum.*

In copore calloso *Willisius* plures lineas albas parallelas concipit, quæ cerebri dissepimentum rectis angulis secant, quasi essent *tractus* quidam, seu *vestigia*, in quibus animales spiritus ab uno cerebri hemisphæro in alterum migrant, resiliuntque. Eodem auctore, in corpore calloso quasi in publico *emporio* commorantur spiritus, qui à singulis anfractibus prodeunt, & circulatione continua depurantur.

Non ita omnibus obviam ventriculorum cerebri conformationem, sequenti fere modo se habere nos docuit anatomica inspectio, præeunte *Sylvio*. *Ventriculorum cerebri conformatio.*

Spinalis medullæ radices duæ satis alte in cerebri substantiam penetrant; harum superiori & anticæ, maxime qua introrsum spectat, parti continuatum cerebrum (& albicantem & cinericiam partem nomine cerebri comprehendendo) quaquaversum, extrorsum imprimis & retrorsum se expandit, ac sensim demissa sua extrema introrsum, sursum.

sumque intorquet ac contrahit, donec tandem attenuatum spinalis medullæ radicem aliquanto inferius, quam ubi ab ea ortum erat, undique pene Limbo, ut supra dictum, complectitur: sicque laterales format ventriculos.

In anteriore autem & interiore parte ascendens ab utraque radice albicans substantia, unumque corpus, callosum dictum, conficiens, retro fertur; ac utriusque radice medium interstitium, quod tertius ventriculus est, ac in ipsum patentia lateralium ventriculorum ostia à se formata tegens, fornicem constituit; ac posteriori, simulque interiori utriusque ventriculi Limbi parti continuatur.

Poros multos in ventriculis addit *Regius*, in fibrillas substantiæ cerebri spectantes, in quibus spiritus animalis generetur, quibus compressis aut oclusis Apoplexiam primario provenire *Rogersio* visum. Sed isti una cum fibrillis, oculos Anatomicorum fugiunt.

Septum lucidum.

Distinguuntur septo laxo & rugoso: quod si extendatur, & lumini opponatur, lucidum fit, ob tenuitatem: quod alii volunt esse ex tenuissima ipsius cerebri portiuncula, alii ex tenui meninge duplicata. Sed prius verius est, quod deprehendes, si more *Sylviano* alterius lateris cerebro & falce ablatis oppositi lateris ventriculum indagaveris, ac cerebri partem, calloso corpori continuatam, ad tertii ventriculi orificium elevaveris; tum enim facile perspicietur, ac cerebri portiuncula deprehendetur. Diaphragma vocatur *Galeno* & mediastinum *Lindano*, propter usum distinguendi ventriculos, ne uno impleto alter simul impleatur.

Hiatus o-jus.

Corpus callosum, ubi septum pellucidum incipit attingi, *hiatum* habet *Fr. Sylvio* auctore, ipsum etiam septum, quamvis tenuissimum in duas partes nonnunquam dirimentem.

Ufus septi.

Usum septo nobilem assignat illustris *Digbaeus*, ut in eo resideat Phantasia, quia 1. medium cerebri tenet. 2. Videtur opponi nuntiis sive atomis per sensus, quos natura geminos fecit, intrantes & utrumque hinc inde illius latus ita pulsantes, ut ab utraque sui parte objectorum impressiones recipiat. 3. Aptum est suo temperamento ad omnium motuum differentias recipiendas. 4. Magna ipsi affinitas cum oculo. 5. Propriam dispositionem habet, cum glandulæ cerebri easdem habeant qualitates. 6. In cavitate cerebri situm, receptaculo specierum de foris venientium. 7. Anteriorum inclinamus caput de re aliqua intense meditaturi, ut eo resiliens species lucidum hoc corpus percutiant.

Subtilis conjectura est dubia, quia 1. species externæ ob-

jecto-

jectorum ad hanc partem non perveniunt. 2. nervorum omnium origo à medulla, non cerebro, unde nec ullus nervus huc propagatur. 3. læso septo cum ventriculis anterioribus, non læditur phantasia. Suffitu nicotianæ cerebrum cum septo & conario exsiccatum narratur a *Thonero*, salva ratione. Comprimitur interdum, illæsa ratione, cujus exemplum recitat *Greg. Horstius*. 4. Torpent sensus, ventriculis cum septo nulla parte confusis, ut testatur *Hildanus*.

Pars inferior albicans, ubi junguntur ventriculi, dicitur **FORNIX** seu *testudo*, figura triangulari, tribus cruribus, *Fornix*. uno anteriore, duobus posterioribus. In communi sectione Tertio ventriculo superstratum putatur hoc corpus, & corpori calloso subjectum.

Sub *Fornice* observante *Sylvio* proxime fertur utriusque lateris choroides plexus, ad pinealem glandulam tendens, sub quo plexu coalescit, parte sui superiore utraque spinalis medullæ radix; ut ita hic tertio ventriculo immediate non supersternatur *testudo*.

Usus Fornicis Willisio 1. ligamenti instar cerebri interioris. *Usus*. ra continere ne concidant 2. Ut spiritus animales hac trans-eunt immediate ab una cerebri extremitate ad alteram, atque ita quasi per pelicani rostrum in sui ipsius ventrem intortum, circuletur. 3. *Aliis*, humoris in ventriculis collecti inclinationem moderari.

Tertius vulgo dictus ventriculus, vel rima longa, est priorum concursus, qui in centro quasi medullæ cerebri formatur, ob conjunctionem duorum truncorum rotundorum, à cerebro prodeuntium: meatus in se geminos habet, primum anteriorem deorsum ad glandulam pituitariam abeuntem, ut eo excrementa excludat: alterum posteriorem, membrana vestitum; quod foramen quidam *anum* vocant, *Anus*. sub natibus abit ad ventriculum nobilem, ut præparata materia spirituum animalium in locum generationis, & quasi uterum intrare queat.

Est hoc foramen nihil aliud quam spacium ex contractu truncorum quatuor spinalis medullæ.

Nates vero & *testes* sunt quatuor orbiculares prominentiæ, quas in cerebro esse dicunt, quod falsum: portiones *Nates & testes*. duas radicum medullæ oblongatæ à cerebello ortarum vocant nates; duas vero exiguas, radicum ex cerebro, vocant testes. Et hæ partes sunt inferiores; istæ superiores.

Hæ differentiæ, ut notat *Fr. Sylvius*, inter testes & nates in brutis magis habent locum, quam in homine; in quo æquales fere sunt, & sæpe testes majores.

Sed

FIGURÆ EXPLICATIO.

Figura hæc sinistrum cerebri reclinati ventriculum integrum exhibet.

- a. *Auris dextra.*
 b. *Auris sinistra.*
 c c c. *Os frontis.*
 d d. *Capitis cutis pars utrinque dependens.*
 e e. *Crassa utriusque lateris dependens meninx.*
 f f f f. *Cerebrum secundum ventriculi sinistri ductum à parte spinalis medullæ radici superimposita divisum & reclinatum.*
 g g g. *Cerebri pars spinalis medullæ radici insistentis.*
 h h. *Magna cerebri fissura radicem supergrediens.*
 i i i i. *Ventriculi sinistri interior facies & forma instar Lunæ salentæ.*
 k. *Ventriculi cavitæ digitali similis.*
 l. *Orificium in tertium ventriculum.*
 m m m. *Limbus, spinalis medullæ radici adhaerens.*
 n n. *Limbus ab eadem radice remotus.*
 o o. *Plexus choroides.*
 p p. *Spinalis medullæ erectæ radix.*
 q q q. *Vasa interiora ventriculi superficiem perreptantia, & magnam partem ab arteriis radicem ambientibus orta.*
 r. *Septum lucidum.*

Penis.


Vulva.

Regio peculiaris.

Sed ejusmodi nomina imponere parvi videtur momenti; uti & quando glandulam pinealem penem vocant, & foveam aliquam inter eminentias oblongam, vulvam.

Ex quatuor his prominentiis, seu testibus & natibus, peculiarem velut regionem constituit *Willisius* à cerebro, cerebello & medulla oblongata prorsus distinctam, cujus usus, ut sit diverticulum, in quod spiritus animales è medulla oblongata in cerebellum, & vice versa ab hoc in illam derivandi, secedant, ibidemque propter usus quosdam animales commorentur, ut instinctus naturales à corde & visceribus cerebello traditos suscipiant, & cerebro communicent, atque vice versa, affectuum imperus à cerebro acceptos, mediante cerebello versus præcordia transferant. Quamquam usum differre possint, protuberantes tamen sunt particulæ medullæ oblongatæ, cui quoque continuæ sunt.

Index



Inter ventriculos priores dictos ac testudinis sedem, **Plexus**
PLEXUS quidam reperitur choroides, vel **RETICULARIS** di-choroides
 ctus, ex venis & arteriis tenuissimis contextus, missis partim quid?
 ab arteriis soporalibus, cervicalibus, &c. partim ex vasis si-
 nus quarti duræ matris. Intertextitur huic plexui glandulosa
 substantia, & piæ matris portio. Glandulæ hæc vel loco lym-
 phaticorum ex arteriis serum excipiunt, *Willisio* iudice, vel
 lymphaticos intra se ramulos continent, quos vidit *Steno-*
nus. In ægris tamen fere tantum observabiles glandulas *Fr.*
Sylvius prodidit. Conspetiores certe tum sunt propter
 lympham retentam. Exiguum carotidis arteriæ ramulum
 par-

partem cerebri inferiorem, ubi lateralis ventriculus terminatur, penetrantem, accipit choroides plexus vero glandulosus, qui desinit circa pinealem glandulam, ubi per inferiorem ventriculi superficiem hinc inde de se ramulum sparfit.

Usus.

Usus est idem qui retis mirabilis. Alios usus addunt alii:

1. Ventriculorum coalitum impedire. Atqui hoc supervacuum, & naturæ prudentiæ inimicum. Membrana tenuis incurrens coalitum impedit, & forsan etiam motus.

2. Ueberiori sanguinis affluxu cerebri medullium calefacere, quia cerebrum amplum & frigidum.

3. Motum aliquem cerebro impertiri, quod per membranaceas arterias moveri ante dictum.

4. Calidis suis exhalationibus, cerebri exhalationem facilitare: quod in siccioribus frustaneum, quos à catarrhis immunes novi.

5. Sanguinis cerebro destinati partem aquosiores vas suis excipere, ut reliqua laticis cruenti portio in spiritus exstillanda magis defæceretur. Qui usus glandulis propior est.

Ad ortum foraminis, quod à medio ventriculo in nobilem intrat, quædam GLANDULA est apposita, PINEALIS dicta, à figura nuclei pini: Græcis *καραδιον*, vel *σπίνα καροειδής*, alii penem cerebri vocant; estque substantiæ durioris, coloris sublutei, nonnunquam subobscuri, & membrana tenui obducitur arteriis venisque intertexta. Magna in recens mactatis animalibus, in inveteratis cadaveribus colligata vix apparet, vel valde exilis est, ut & in hominibus, quorum calentia cerebra aperiri non possunt. Unde amphihari ajunt sicuti camphora aëri exposita, partim resolvitur sicut sal ab humido. Potius flaccescit frigori exposita.

Glandula
pinealis.

Glandulam hanc inter testes consistentem *nervus funiculus* utrinque firmat, observante *Sylvio*, qui nervus est *VVhartoni*, cum nervis oculorum motorii ad musculum trochlearem pergens, *VVillsi* indicio; unde oculi produnt animi affectus, ideoque *Patheticos* nervos vocat.

Idem *Sylvius* etiam in hac pineali glandula non semel aliquot arenulas, quin & aliquando calculum exiguum pisi partem quartam æquantem & subrotundum observavit, alias tres calculos. *Schuylius* lapillum invenit qui plusquam dimidium glandulæ occupabat. *Barbetta* quoque.

Usus est instar aliarum glandularum, & præsertim præfesse distributioni vasorum per cerebrum disseminatorum. Aliis pro sustinendo firmandoque plexu choroideo. Aliis, ut instar valvulæ apponatur foramini in quartum ventriculum

lum tendenti, dum in cerebri diastole & systole, clauditur vel relaxatur. Motuari facta inflatione in quartum ventriculum observata. *Aliis* ad conservationem luminis animalis seu spiritus animalis. *Aliis*, ut per nervos excrementa proliat, quo clarior reddatur spinalis medulla, quod proliciendi & evacuandi munus arteriis conarii commode assignares, quanquam enim vena major hic videatur quam arteria, adeoque plus materiæ efferri possit, quam adduxerat arteria; tamen cum nunquam excreti humores hic visi sint, potest capacior esse vena propter refrigeratos humores. *Aliis*, ut humores serosos à sanguine arterioso accipiat, & in se detineat, donec aut venæ eosdem resorbeant, aut lymphatica si adsint.

Cartesius ejusque sequaces *Meyssonerius*, *Regius*, *Hogelandius* existimant glandulam hanc in medio ventriculorum in vigilia spiritibus perpetuo distentorum sitam, 1. Omnium objectorum motus excipere. 2. Animam in hac sola per hos motus sensilia externa & omnes ideas quæ à quinque sensibus proficiuntur apprehendere, tanquam in centro, & discernere, atque deinde ejus ope spiritus ad varios nervos mittere, sicut in speculo sphaerico exili omnia eo ordine recipiuntur quo vel in campo vel Musæo sunt.

Hanc ob causam figuram conicam ei accommodat *Meyssonerius*, quia individua plus spatii quam species aut genera requirunt. Moveri autem has ideas diversimode per motum spiritus animalis, sed semper reperiri junctas per verbum *Esse*, & secundum earum æqualitatem vel inæqualitatem verum & falsum componi, comparatas inter se, ut duæ lineæ.

Hinc infantes non statim loqui aut ratioeinari, quia nondum introitus datus ideis per flaccidum cerebrum. Harum idearum in conario motum nimium violentum & confusum, deliria facere, ut in ebriis, phreneticis, &c.

Ex ipso *Cartesio* igitur, imaginationis & sensus communis sedes est: memoriæ vero in interioribus cerebri partibus extra hanc glandulam. Ad hanc glandulæ actionem mobilitas necessaria, quam exinde conario astruit, quod glandula sit mollis, neque substantiæ cerebri undiquaque unita, sed tantum arteriis illi annexa, quarum tunicæ laxæ & plicabiles, ut facile determinari queat ad sese inclinandum modo huc modo illuc, efficiatque ut inclinando disponat spiritus ex illa egredientes, ut potius in has quam illas cerebri partes profluant. Duo vero illam, moveri aptam, posse movere 1. Spirituum differentiam, qui modo in hanc, mo-

do in aliam partem inclinant, sicut corpus aliquod filis quibusdam affixum atque vi fumi ex camino egredientis in aëre sublatum, continuo fluctuat, quatenus diversæ fumi partes diversimode in illud agerent. 2. Actionem objectorum in sensus incurrentium, quibus introitus tuborum dilatatur, ut spiritus concitatus per hos fluentes, glandulam paululum post se attrahant.

Sed multa sunt, quæ ab opinione hac nova & ingeniosa me dimovent. Nam

1. Nimis exile est corpus, & obscurum, quam ut omnium rerum species clare representet. Una enim species aliam impedit. Magnitudo sufficiens non est, ut ideo majorem pingant Cartesiani, quam revera est. Nec sola distinctio motuum claras species efficit, ut *Forgius* nobis obvertit, sed subiecti claritas, hinc sine luce confuse videmus, & nubilo cælo non ita alacres sunt sensus.

2. Species omnium sensuum huc non appellant, quia nervi non tangunt glandulam. Nec sine fibris tangi potest. Confusionem oriri consentiunt objectarum specierum, si omnes fibræ nervorum inde exirent. Recte. Ergo quia fibræ hinc non exeunt, neque sentit.

3. Posita est excrementorum loco, quo per tertium & anteriores duos ventriculos expurgantur, ubi species rerum inquinarentur. Idem concedere cogitur *Forgius*, quia ibi fit excrementorum separatio, ubi spiritus incipiunt separari à crassioribus sanguinis partibus.

4. Species sentiuntur potius, ubi deferuntur. At ad principium spinalis medullæ quilibet nervus sensorius deferret species suo quovis loco, unde singuli suo loco in principio medullari ab anima dijudicantur & recipiuntur. Est præterea hæc medulla magna satis globosa, durior, & illustrior colore. Concedit & hæc *Forgius* Cartesianus, quia fibræ ulterius ex spina ad hanc ferri non observantur à lynceis.

5. Fieret in exili hoc corpusculo idearum diversarum confusio. Oculus quidem etiam minimus sine confusione species recipit, sed visibiles tantum, quum hic sensuum diversorum diversæ species debeant recipi. Regerit *Forgius*, confusionem vitari, quia statim species disparent ut in speculo, & per diversa foraminula ingrediuntur. At species perpetuo manent, unde memoria, & per eadem foraminula ejusdem speciei species ingressæ confunduntur.

6. Nullus hinc ductus apertus ad nervos, aut cognitus, sicut à principio medullari, nec ulla communio cum quibus-

busdam nervis sensuum externorum. Insensibiles quidem poros admittit *Forgius*, quos etiam ex spiritali principio esse, sine manifesto sensu.

7. Glandula major in animalibus ratione carentibus.

8. Nonnunquam arenulis lapillisque referta, sine rationis læsione, nonnunquam nigricans observata & infecta. Ibi quanquam pori adesse possint, immobilis tamen fit glandula.

9. Motus proprius nunquam in ea visus, nisi violentus, vel ex motu universi cerebri, vel status externi. Musculis enim caret, & adhæret firmiter una parte cerebro, Nec à spiritibus movetur replentibus, quia cava non est, nec ab externo advenientibus speciebus, quia illæ nec plumam levissimam movere aptæ, nec ab objectis ad glandulam ulla via manifesta. Tubulli enim cerebri, imaginarii adhuc sunt & invisibiles.

Usus cavitatum vel ventriculorum cerebri est, esse excrementorum conceptacula, quod apparet

*Ventriculos
in cerebro
excrementa
recipere
probat.*

1. Ex structura: nam foramen ab ita cavitatibus ad glandulam pituitariam.

2. Superficies ventriculorum semper aqueo humore oblinitur.

3. Sæpe toti repleti pituita reperiuntur, & aquea humiditate, sive ex vaporibus collecta, sive ex glandulis choroideis & lymphaticis.

Spirituum generandorum non esse officinam patet, quia
1. excrementa recipiunt. 2. cum nervis nullum alunt commercium. 3. Spiritus confecti cum excrementis diffuerent per patula fotamina. 4. In amplis cavitatibus dissiparentur vel evaporarent. 5. Materiam non habent spirituum, nisi aërem attractum.

Quod si nobilius officium concedendum, vel ventilatio-
ni refrigerioque sanguinis arteriosi cum *Kybero* inservient,
vel aëri recipiendo per nares attracto, sive pro animalibus
spiritibus generandis, sive pro motu in nervis confortando,
sicut cum *Malpighio* suspicatur *Fracassatus*.

Cæterum in sectione hac nova, postquam monstratum
est infundibuli collum cum glandula, medulla sublevata, *Ordo par-*
primum conspiciuntur nates & testes, deinde foramen in *tium mon-*
ventriculorum nobilem; postea varii nervi, cerebri ventriculi *trandarum.*
cum foramine in infundibulum, corpus callosum, fornix, *in sectione.*
plexus choroideus, & glandula pinealis. *nova.*

In sectione vero antiqua & communi, hæc monstrantur *Ordo par-*
ordine partes cerebri: corpus callosum, septum tenue, ex- *tium in sec-*
tionem anti-

FIGURÆ EXPLICATIO.

Effigies Cerebri humani, quod cujusdam Adolescentis ab ipsa nativitate fatui, & ex eorum numero qui vulgo Lemurum subditii perhibentur, fuerat; Cujus Cerebri moles, cum tenuior ac solito minor fuit, limbus ejus ulterius elevari & reflecti potuit, ut interiora quævis penitus conspicerentur. Ex Willisio.

- A A. Cerebri Limbus elevatus, & plurimum reclinatus; qui in naturali situ medullæ oblongatæ prope Cerebellum inmixtus, Nates & Testes abscondebat.
- B B. Corporis callosi ora, sive margo inferior.
- C C. Fornix cum duobus brachiis ejus, crura medullæ oblongatæ amplectens.
- D D. Interna Cerebri cavitas, à limbi ejus complicatura circa medullam oblongatam resultans.
- E E. Crurum medullæ oblongatæ Apices, seu corpora striata.
- F F. Thalami nervorum Opticorum.
- G. Glandula pinealis, inter quam & fornix radicem, foramen, cujus ductus, tum ad Infundibulum, tum ad ventriculorum protuberantiis orbicularibus subjectum, tendit.
- H H. Protuberantiæ Nates dictæ.
- I I. Protuberantiæ Testes dictæ.
- K K. Processus medullares, à Testibus ad Cerebelli medullam protensi.
- L L. Cerebelli per medium dissecti hemisphæria seposita, ut medullæ oblongatæ Caudex melius conspici poterit: ubi substantia ejus medullaris ramificatur ad formam arboris.
- M. Scrophi infra Caudicem medullarem, quæ Cerebello oblecta, ventriculorum quartum ad formam pennæ scriptoriæ constituit.
- N N. Processus medullares, qui transitus è medulla oblongata in protuberantias orbiculares esse videntur.
- O. Medullæ oblongatæ, in Spinalem cessura, extremitas.

fig. 1111



tuberantiæ duæ, quibus ventriculi incumbunt; ventriculi duo, anteriores vulgo dicti; fornix, plexus *xygadi*, ventriculus tertius, ejus duo foramina, glandula pinealis; remoto nonnihil cerebello, nates & testes, cerebellum, processus vermiformes, ventriculus nobilis, pelvis, glandula pituitaria, rete mirabile.

Ordo partium in sectione tertia media.

Sin mediam, *Francisco Sylvio* familiarem, instituere volueris sectionem, ita procedito. Quantum fieri potest commode auferto profunde cranium. Hinc illæso manente cum crassâ sua membrana sinistro cerebri latere, in dextro sectionis initium facito, crassam meningem primum dissicando ac removendo; deinde particulas aliquot cerebri cum tenui meninge demito, donec perveneris ad ventriculi cavitatem; cujus tum superiorem, cum inferiorem ductum secando persequitor, uti factum vides in Tabula 2. Limbum, si lubet, à spinalis medullæ radice obtuso stylo separato & ostendito; quamvis id in opposito latere fieri queat convenientius ablata hoc modo dextri cerebri parte maxima, demonstrandi veniunt superior & inferior falcis sinus, quin & lateralis dexter major, ut & superius in hunc descensus obliquus, quæ omnia expressâ habes in prædicta Tabula.

Lateralis dextri sectionio.

Lateralis sinistri administrationio.

His absolutis latus aggreditor sinistram, in quo crassam meningem prius secato, & cum falce semoveto; mox in dextræ nuper ablatae locum sinistram cerebri partem leniter inclinato; hoc dum facis, abeuntia in lateralem sinum vasa ex Tab. 3. observato, quin & circa nervos opticos emergentes atque in plurimos ramos distributas, cerebrique substantiam interiorem ac imprimis ejus superficiem anfractuosam ubique perreptantes, tandemque in sinus desinentes carotides arterias: deinde notabilem atque in eadem Tab. notatam inter anfractus fissuram investigato, sectaque tenui meninge latera ejus spatulæ ope tantillum ab invicem diducito, quo per anfractuum fundum delati carotidum rami magis appareant, cum novis gyrorum rudimentis. Quod si, quam cerebri demonstrationem inchoaveris, carotides arterias & jugulares venas ab adjacentibus in collo partibus prius liberaveris ac seorsim ligaveris, hunc autem per inflatum arteriæ vulnus tubulum contortum immiseris ac insufflaveris, turgent disseminata per universum cerebrum vasa, utpote carotidum arteriarum propagines; donec tandem cum propulso sanguine inspiratus aer in sinus se exoneraverit: eisdem si per prædictum tubulum itidem insufflaveris sinus, præsertim in non strangulatis, ipsorum cum jugularibus venis continuationem ac communionem

Circulationis sanguinis argumentum e gregium.

ex harum intumescencia & distensione perspicies; atque jucundo spectaculo sanguinis circulationem non parum confirmatam agnosces.

Hinc ad cerebri fabricam ulterius pervestigandam reversus, factaque in propositi lateris parte postica incisione circumspecta, ampliorem ibi ventriculi cavitatem indagato, eamque ad utrumque extremum usque sectione prosequitur; tunc exteriorem dissectæ partem undique reclinato, servata interim erecta parte media spinalis medullæ radici insistente, ipsique continua, quod exprimit apprime Tab. 7. in cujus explicatione notata quæ vides, ordine perpendito.

Sublato denique cerebro sinus omnes iterum & quidem distinctius observato; ac tandem ubi tertium ventriculum, infundibulum, glandulam pituitariam, nervorum paria usitato more videris, ad penem, anum, testes, nates, &c. regressitor, ac cerebellum ejusque partes examinato.

Nec abs re fuerit, quoties nova secandi datur occasio, toties in aliqua parte sectionem immutare; sic enim fiet, ut semper aliquid offeratur, quod prius in observatum, aut neglectum, aut non satis distincte fuerat animadversum.

Quartam secandi demonstrandique cerebri rationem habet *Willisius*, qui totius *ἡμισφαίριος* calvaria exempti compagem sistit, posterioremque ejus limbum à medullæ oblongatæ cohæsiōne per membranas facta liberatum & elevatum, antrorsum inclinat. Hoc modo totam ejus compagem, quicquid nimirum extra aut intus, sive in fronte aut recessu habet, item quæ sit illius ad alias partes habitudo & respectus, plane detegit. Singulariter vero sequentia propalat:

1. Cerebrum nec cerebello nec medullæ oblongatæ uniri, nisi quatenus membranis nexu superficietenus conjungitur.

2. Cerebri puppi ita divisa & antèrius reclinata, medullæ oblongatæ crura prorsus nuda, ac à cerebro & cerebello omnino esse distincta.

3. Cum cerebri limbus à cohæsiōne sua solutus elevatur, tres ventriculos in unum inane spatium (sive vacuitatem meram à complicatione cerebri resultantem) evadere.

4. Cerebrum antèrius tantum medullæ oblongatæ uniri, & binis in locis crurum ejus, velut apicibus affigi.

5. Quod *forix*, velut subtensa, ligamentum fuerit, quæ antèrius, ubi cerebrum appenditur, exorta, ad posteriorem ejus limbum producit, cui duobus veluti brachiis expansis

sis unitur, adeoque totam cerebri compagem, ne in planum evolvatur, usque in figura spherica continet, eamque medullæ oblongatæ cruribus firmiter colligat.

Fatetur tamen Vir ingenuus, in homine cerebri molem præmagnam esse, crassioribusque & pluribus anfractibus præditam, ut non tam facile, sicut in vitulo aut ove penitus inverti, ac in latam aream reduci queat.

Quamcumque secandi rationem libuerit sequi, cujusvis arbitrio relinquendum. Nos plerumque primam vulgatamque sectionem in demonstrationibus publicis sequuti sumus, ne inverso ordine tyrones & spectatores turbarentur. Et ut commodius in ipso cranio dissecto cerebrum contineretur, immobileque caput esset, *instrumentum* ligneum ex excavatis asseribus, quibus incumberet, adumbravimus, quod in Cultro Anatomico descripsit & depinxit *Lyserus*, discipulus tum noster l. 3. c. 4.

C A P. VII.

D E F R O N T E.

*Cur facies
humana
depilis?*

Pars capillata explicata est, sequitur glabra vel **FACIES**, quæ in homine pilis caret, secus quam in brutis, ad venustatem; dicitur; & **vultus**, ob voluntatis indicium in facie conspicuum.

*Frons unde
dicta?*

Ejus pars superior **FRONS** dicitur, quibusdam à ferendo, quia præ se fert animi signa: reliquum à superciliis ad menti extremitatem, pars inferior est, in qua aliæ multæ partes, ordine deinde explicandæ, externæ & internæ, sensuum organa, musculi oculorum, nasi, labiorum, &c.

Ex fronte morum & ingenii signa desumuntur apud Physiognomos, quæ *Aristoteles* recitat, si vel lata sit vel angusta. Sed ex osse hæc diversitas dependet.

In cute notantur Metoscopis *lineæ fatales* duplices, longæ & latæ. Illæ septem numerantur pro totidem Planetis, quam non semper adsint omnes, nec sibi similes. Differre à rugis probat *Elsholtius*, quia 1. in cadavere cutis humana in plicas facessit, non lineas. 2. Vetulæ plures rugas ostentant, quam lineas. 3. Ridentes rugam utrinque in genis relinquunt, non lineam. 4. Vestigia linearum apparent in fronte foetus.

Ejus cutis.

Frontis cutis, quia movetur, ideo musculos habet, quos *Platerus* affectuum animi significativos vocat. *Frontis* autem *musculi* supercilia elevant & ad supercilia crassiores sunt.

Musculi.

Orion -

Oriuntur à calvaria prope suturam coronalem, & ad latera musculis temporalibus annectuntur, in medio vero superne nonnihil distinguuntur, sed inferne ita confociantur, ut unus esse videatur musculus, desinuntque ad supercilia. Observavi tamen in nasuto appendicem illorum protendi ad nasi cartilagineas.

Fibras habent rectas. Non ergo à Chirurgis transversim incidendi sunt, ne pereat superciliarum elevatio, sed sursum secundum longitudinem. Fibras obliquas post *Aquapendentem* urget *Hofmannus*, in dextra quidem parte à dextro ad sinistrum, in sinistra vero contra. Sed reluctante experientia, oculari inspectione, & ratione. Nam frontis cutis recto tractu vel elevatur vel deprimitur, ope fibrarum rectarum, à quibus rectus motus. Ad hæc sectio per transversum à Chirurgis plerisque damnatur. Vide *Pavium*, *Sennertum*, aliosque. Consentiant in fibris rectis Anatomici magni *Vesalius*, *Laurentius*, *Bauhinus*, *Platerus*, *Veslingius*, &c.

Quia vero frontis cutis arte his musculis connascitur, ideo & frons & supercilia moventur.

Aliquando vero in occipite etiam duo adsunt musculi, cutim capitis moventes, breves, tenues & lati, fibris rectis, sursum in tendinem latum desinentes, & aurium musculos posteriores à latere tangentes: hisce donati aliqui homines, cutim capitis posteriora versus trahere possunt.

Frontis proportionem si metiamur Anthropometro *Elsholtzii*, ex ligno recto, transverso & basi constante, invenimus longitudinem latitudine capitis paullo minorem, latitudinem trium fere unciarum: si filo à cincinnis dextris ad sinistros, octo uncias.

C A P. VIII. DE OCULIS.

Oculi ab occcludendo vel occultando dicti, eo quod sub palpebris occultentur, sunt instrumenta visus, conflata ex humoribus, membranis, musculis, vasis, aliisque partibus.

Siti sunt in loco eminenti, ceu speculatores, in autris ossibus perioestio succinctis, munimenti tutioris ergo.

Numero duo, ob perfectionem visus, & ut uno deficiente, alter vicem suppleret. Objectum tamen unum semel tantum videt uterque, non duplex, sive quod facultas judicans & cognoscens una sit, ut censet *Aquapendens*; sive quod visuales

Oculi unde dicti?

Situs.

Numerus.

FIGURARUM EXPLICATIO.

Musculos oculi in naturali suo situ, & palpebrarum musculum separatim ostendit, ex *Casserio*.


FIG. I.

- A A A A. Cranii resecti pars cavernosa.
- B B. Interior candidansque portio cerebri dissecta.
- C C. Cerebellum.
- D. Nervorum opticorum coitus & unio.
- E E. Eorundem ad singulos oculos digestio.
- F. Caruncula lachrymalis extra situm ducta.
- G G. Primus oculi musculus, Attollens dictus.
- H. In dextro oculo secundum oculi musculum seu Deprimentem ostendit.
- I I. In utroque oculo rectos internos seu Adducentes monstrat.
- K K. In utroque oculo rectos externos seu Abducentes exprimit.
- L. In dextro oculo conspicitur Quintus musculus seu obliquus externus.
- M M. Sextus oculi musculus seu obliquus internus, cujus tendo per trochleam N. transit.
- O. In oculo dextro nervum opticum indicat.
- P. Cornea tunica in cujus medio est pupilla.

FIG. II.

- A. Nervus opticus.
- B. Nervus oculi motorius.
- C. Trochlearis musculus tendinem suum E. per trochleam D. trahens.
- F. G. Musculi recti externus & internus.
- H. Musculus palpebrae superioris proprius intra orbitam oculi contentus.
- I I I Palpebrae abscissae.
- K K. Cilii seu palpebrarum extrema pilis ornata.

Fig. I.



suales duarum pyramidum axes in eadem plane superficie procedant, ut explicat *Galenus*; sive ob exactam similitudinem quam à rebus singularibus, unde profectæ sunt, acceperunt, sensu interno dijudicante eandem solam speciem, ut philosophatur *Aquilonius*. Hi in homine minimo intervallo dissident, & ob actionis nobilitatem atque perfectionem specierumque visibilium receptionem.

Figura. Rotundi, sed aliquantulum oblongi, instar bulborum, unde

Anguli duo constituuntur, ad orbitam oculorum, qui *canthi* dicuntur; *internus* major ad nasum, & *externus* minor ad tempora.

Partes. *Partes*, in oculo & circa oculum variæ sunt: aliæ extra oculum, munimenti causa vel commoditatis, ut *palpebræ* cum *ciliis* & *superciliis*, item *caruncula* in angulis; aliæ sunt partes ipsum oculum constituentes, suntque *adeps*, *musculi*, *vasa*, *membrane*, & *humores*.

Palpebra. PALPEBRÆ sunt partes oculum tegentes & claudentes, extergentesque corneam & depurantes, deinde etiam suggrundinatione sua illustriorem retinæ picturam reddentes, auctoribus *Averrhoë*, *Varolio*, *Plempio*.

Constant ex cute, membrana carnosa, musculis, tunica, tarsis & ciliis: ideo mollis est earum *Substantia*.

Anmoveatur palpebra inferior? Palpebra alia est *inferior*, quæ si credimus *Galeno* aliisque ex se immobilis est; præterquam in nonnullis avibus: moveri tamen revera statuunt *Bauhinus*, *Aquapendens*, probatque *Phoce* exemplo *Fallopianus*, & quivis ad speculum in se observare potest, occurrere inferiorem superiori. Sed vel hic obscurior est motus, vel cum *Vesalio* & *Sylvio* dicendum, musculi circularis superiorem partem attollere palpebram supernam, infernam detrahi ab altera musculi parte, quod tamen verum non est, quia rectus attollit; vel cum *Piccolomineo* statuendum, genarum motum sequi; vel denique musculus orbicularis superiorem movet, inferiorem tantum amplectitur, ut tanquam copula connectat: alia *superior*, quæ movetur, & quidem celerrime, unde motum celerem comparamus cum ictu oculi.

Palpebrarum Musculi. Moventur autem sursum, id est, aperiuntur & attolluntur, per *rectum musculum*, qui altero minor est, circa nervum opticum qua orbitam oculi ingreditur exortus, & tendine in palpebræ extrema definit musculo oculum attolenti supertensus. Moventur deorsum, id est, clauduntur, teguntur, per musculus orbicularem quandam vel circularem undique transversum digitum latum, à nasi radice ortum; qui

qui deinde sub inferiore palpebra per canthum exteriorem circularibus fibris recurrit, & supra palpebram superiorem ad eundem canthi interioris locum definit. *Vesalius*, *Riolanus*, *Spigelius* aliique dividunt in superiorem & inferiorem musculum, quia nervus utrique diversus, ex diversis locis proveniens, & viderunt in convulsione canina aliquando infernam palpebram riguisse, superiori mobili. Sed nulla hujus musculi apparet divisio etiam oculatissimis, quum fibræ undiquaque sint continuæ, quamvis nervorum diversa sit insertio, ut in aliis quibusdam musculis, nasi, &c. & *Vesalius* dubitanter scribit, & velut duos musculos esse, nec nisi solis fibris discerni quod sit duplex.

Membrana carnosæ hoc loco est tenuior, una cum musculis, instar alterius membranæ simplicis tenuis; quamobrem *Philosophus* palpebræ curim absque carne esse pronuntiavit, & discissa, ut præputium, non coalescit.

Tunica interiori vestiuntur à pericranio enata, tenuissima & molliissima, ne lædantur oculi quos tangunt.

Extrema palpebrarum duriora sunt & cartilaginosa; sed mollis instar cartilaginis, parvæ, semicirculares, Græci *πίγες* vocant, Latini CILIA, quibus pili infiguntur (quos alii cilia vocant,) recti, quia in duro siti, semper fere eandem servant magnitudinem, impediens ne leviora oculo incidant, & visui dirigendo inservientes, quod *Galenus* probat ex iis, quibus revulsis vel quavis causa proidentibus, remotiora imbecillius internoscuntur, maxime si obscurioris fuerint coloris, quod experimento in Ulyssiponenſe juvene probat *Montalto*.

SUPERCILIA vero dicuntur pili in frontis fine supra oculos, excipientes quæ à capite defluunt, ne in oculos delabantur.

CARUNCULA lachrymalis oblonga, apponitur cuilibet cantho majori, humiditatem continens pro oculo humectando; & foramini nasi ossi inſculpto, quod punctum lachrymale vocatur, distinctum ab illis duobus foraminibus in limbo palpebrarum sitis, quæ *τρήματα* vocat *Galenus*, & conspectiora sunt in viventibus, præsertim lachrymosis, obducitur, ne perpetuo lachrymas emittamus. In bove vero membrana adhuc motum agnoscens adest, quæ claudere oculum potest, etiam palpebra aperta, ejus beneficio bruta niſtitant, quando metuunt, ne quid incidat.

Glandula lachrymalis est foraminulenta ut setam porcinam in nasum admittat, quod expertus est *Roslinccius*, præsertim in vitulis. Duo vasa lympham evehencia invenit

Steno-

FIGURARUM EXPLICATIO.

FIG. I.

Exhibens oculum vituli sinistrum ex Stenonio.

- A. Glandula oculi superior alias innominata dicta.
- b. Angulus oculi major.
- c. Angulus oculi minor.
- ddd. Lobi in quos anterior glandulae limbus est divisus, per quorum interstitia lymphatica eeeee exeunt.

FIG. II.

- A. Interior palpebrae superficies.
- bbb. Glandula innominata, quae una cum vasculis ccc. per tenuem palpebrae tunicam transparet.
- ddd. Ocula vasorum lachrymalium.

FIG. III.

- A. Glandula lachrymalis in interiori angulo sita.
- B. Cartilago ex ipsa glandula prodiens.
- bbb. Limbus cartilaginosus.
- cc. Membrana.
- dd. Ostia duo, ad utrumvis cartilaginis latus unum.

FIG. IV.


- aa. Punctorum lachrymalium ad extremas nares continuatio.
- bb. Vas excretorium naribus proprium.

FIG. V.


Vasa Palpebrarum nova ex Henr. Meilomio.

- AAAA. Cutis palpebrarum à capite abscissa.
- B. Angulus oculi minor.
- C. Angulus oculi major.
- D. Palpebrae inferioris tarsus inversus, in quo loco lineae ductus puncta ostia ductuum in limbo denotant.
- E. Palpebrae superioris tarsus, in quo similiter lineae ductus, puncta ostia ductuum denotant.
- F. Pili palpebrarum.
- aa. Puncta lachrymalia antehac cognita.

II



V



III





Fig. I



IV



Stenonius, quæ ad cartilaginis latera assurgentia, inter oculum & cartilaginem se aperiunt ostiis, non papilla sed solo hiatu dignoscendis.

Caruncula innominata.

Alia *Caruncula innominata* externa, superior & major sita est in angulo oculi minore & externo circularis, ad formandum oculi globum, & humectandum. Expurgationi quoque cerebri & succo nutritio oculorum depurgando destitatur *Whartono*. Sed id arteriæ sufficienter præstant. Pars anterior per lobos dividitur, per quorum interstitia *lymphatica* exeunt, observante *Stenonio*, pertunduntque *vasa lachrymalia* interiorem tunicam palpebrarum exiguis foramiuibus prope cilia patentia.

Canaliculi lachrymales.

Puncta lachrymalia in limbo palpebrarum, quæ intra illarum tunicas crediderunt alii desinere, breves demittere *canaliculos* in nares desinentes advertit *Stenonius*, qui demonstrantur, si caute, diffractis narium ossibus, tunicæ relinquuntur integræ, mox enim ubi ossa penetraverint, in sinum ampliati narium tunicæ continuantur. In homine quoque in nares definit: in avibus vero ostia majora, profundius quærenda, receptum majorem stilum per palati rimam emittunt. Cum hæc mihi ostenderet *Stenonius*, expeditam viam visus sum mihi videre, qua ex oculis non solum ad irrigationem membranæ humor defluat continuo, sed, si acris serum, in sternutatione, irriter. Hinc compresso angulo oculi sternutatio inhibetur, non quod calore frictione concitato calor discutiatur, ut differit in Problem. *Aristoteles*, sed quod constricti canaliculi impediunt acris lymphæ descensum.

Foramina cantbi externi.

In externo angulo duo quoque foramina patentia post *Aquapendentem* invenit *Marchettus*, quæ eundem ordinem tenent; sicut ea quæ sunt in angulo interno in palpebris.

Ductus novæ palpebrarum.

Præter hæc in utriusque palpebræ extrema ora seu tarsi interna parte, *ductus* seu *ostiola* ultra 30. in toto limbo describit *Henr. Meibomius* à se observata, ex totidem distinctis glandulis, quæ pressæ humorem fundant per ostia hæc limbi. In superiori tarso longiores sunt, quia & palpebra latior, nec recta feruntur, in inferiori & recti & breviores. Ductus *hygrophthalmicos* vocat *Borrichius*, cui quoque, forsan eodem tempore, visi sunt, quos potius *hygroblepharicos* dicendos vult *Segerus*. Quia intra orbitam inque palpebras se exonerant, *Usus* conveniens utrique est, humorem seu lympham oculis continuo instillare ad liberiores motum & siccitatem oculorum impediendam.

Usus adipis in oculis.

In spatiis musculorum & variorum vasorum reperitur *adeps*,

adept, faciens ad oculi calefactionem, humectationem & faciliorem motum, & figuram equalem.

MUSCULI oculorum humanorum sex sunt, quia tot motus: quatuor recti & duo circulares. Siti omnes intra calvariae cavitatem, & nervum opticum comitantes. Horum tendines omnes simul ad corneam juncti sub adnata constituunt *tunicam*, *Columbo innominatam* vocatam, quasi ea venteribus cognita non fuerit, cum ejus tamen *Galenus* mentionem fecerit 10. de usu part. cap. 2 & 8. licet tunica proprie non sit, sed tendines diversi musculorum, nec oculum totum cingat. Quibusdam tamen tunica *tendinosa* vel *tendinea* appellatur.

Error Columbi de tunica oculi.

Primus musculus, superior & crassior dicitur *attollens* & *superbus*.

Musculus oculi primus. Secundus.

Secundus ei oppositus in parte inferiore minor, dicitur *deprimens* & *humilis*, quia oculum deorsum malas versus trahit.

Tertius in majori angulo positus *adducens* vocatur & *bitorius*, introrsum nasum versus oculum movens.

Tertius.

Quartus abducens in latus ad parvum angulum, *indignatorius* dicitur.

Quartus.

Omnes hi quatuor musculi idem principium, eundem progressum & finem habent: principium enim omnibus est acutum, juxta foramen ubi nervus opticus oculi orbitam intrat, à cujus membrana oriuntur: venter omnibus carnosus & teres: finis tendo tenuissimus, ut dictum est, ad corneam.

Ab his quatuor simul agentibus oculus intro trahitur, & motus sistitur, qui motus Medicis *tonicus* dicitur.

Quintus gracilis, teres, brevis, *obliquus*, situs inter oculos & tendines secundi & tertii musculi, per externum oculi angulum ad superiorem oculi partem adscendit, & juxta iridis regionem corneae tunicae inferitur, oblique deorsum in gyrum movet ad angulum externum.

Quintus.

Sextus, omnium tenuissimus, habens tendinem longissimum, oculum *circumagit* ad angulum internum: nam communi principio cum primis quatuor ortus, ad internum angulum recta fertur, ibi per trochleam transit, & recto angulo adscendit ad eum locum ubi quintus inferebatur. Dicitur *trochleae musculus*, quia quasi per trochleam circumrotatur, quae cartilago est in oculo propendens, à *Fallopio* primum inventa, quanquam *Rondeletio* ejus coevo etiam attribuat *Riolanus*. Sita ad os maxillae superioris juxta internum oculi angulum, unde in fistula lachrymali curanda, hujus diligentem habeant rationem chirurgi.

Sextus seu trochlearis.

Hi duo posteriores dicuntur amatorii & circumactores, supernus & infernus.

Septimus in brutis. *Septimus* musculus adhuc in brutis adest, qui in duos, tres, vel quatuor dividi potest.

Hic intercedente adipe nervum opticum ambiens brevis est, & carneus in tunicam duram inseritur.

Usus est, brutorum, quæ prona terram spectant, oculos sustinere, nervumque opticum mollem involvere.

Addi potest *octavus* membranofus, quo nectant bruta.

Musculis quædam animalia carent. In felibus id sectione probavit *Scaliger*. Depingit tamen *Casseri*. Desunt revera Chamæleonti, qui tamen in omnem partem oculos circumfert, etiam ad posteriora alterutum, idque per *membranam villosam* corrugatam, teste *Panarolo*.

Vasa. VASA ad oculum mittuntur, *vene* à jugularibus, *arteriæ* à carotidibus, per musculos, adipem & membranam disseminate, & *lymphatici* rami.

Nervi oculorum. Nervorum vero duo paria priora ut communiter recensent: *primum opticum* vel visorium crassum & porosum à cerebro facultatem videndi cum spiritu deferens, vel species visivas ad cerebrum. Inseritur parte postica in centrum corneæ; cui ex tunica dura seu exteriori membranam communicat, interiusque penetrat ad retinæ centrum, in quam medullaris ejus substantia diffunditur; nonnunquam & vitreæ tunicæ pars quædam medullæ intimæ adhæret; in brutis oblique & non in centrum, sed ad latus: *secundum motorium*, quod in membranas abit, & in quemlibet musculum ramulum mittit. Sed de his nervis uberius lib. de *Nervis*.

Membranas oculorum tres esse. MEMBRANÆ præter externam & conjunctivam (quæ communis) non nisi tres sunt & tres humores. Et quemadmodum in nervo triplex est substantia oculum ingrediens, ita tres hæ substantiæ tres oculi tunicas constituunt. *Prima* enim tunica oritur à dura matre, *Secunda* à pia, *Tertia* à medullari substantia.

Tunica Adnata. *Adnata alba*, seu *conjunctiva* est lævis & tenuis, à pericranio orta, nonnullis à periosteo, ubi palpebræ tunicam communicavit, desinitque ad circulum iridis, estque omnium extima, ossi proxima. *Hippocrates* album oculi vocat.

Usus ejus Conjungit oculum orbitæ & interioribus ossibus instar ligamenti.

Sedes ophthalmiæ. Exquisiti sensus est.

Venulis ac arteriolis plurimis conspersa est, non apparentibus

tibus nisi in affluxu humorum, quando turgent & admodum rubent, ut in ophthalmia, quæ hic sedem habet.

Remota hac adnata primum se offert *sclerotica* vel *dura* dicta, quæ à dura matre, vel tendinibus musculorum, oritur, estque crassa, tensa, æqualis, & posterius opaca. Hujus partem anteriorem vocant tunicam *Corneam*, quia est sicut cornu politum & pellucidum. Convexior quoque reliquis, ut refractione radiorum incidentium fiat versus perpendicularum, &, *Cartesio* docente, ut anima immoto oculo majorem objectorum numerum percipere queat. Potest etiam in plures partes distrahi, & laminas quatuor, quibus epidermis imponitur, involvitque totum oculum anteriorem.

Sclerotica proxima est firmiter adhærens in posteriori parte *Choroides*, crystallino tamen sociata in medio, ut aqueum à vitreo separet.

Xoogenes dicitur, quia est instar chorii & per eam vasa sparguntur. Oritur à pia matre, interiori præsertim loco nigricans à primis incunabulis, ut ideæ receptæ in obscuro magis eluceant. In animalibus varii coloris, modo cærulea, &c. Sub cornea pellucida modo cærulea est hominibus, modo nigra, modo cæsia, qui colores per corneam transparent. Hæc in anteriore parte dicitur *Uvea*, ob colorem *Uvæ*, quæ parte crassior est & duplicata: mobilis est, & pro diversitate objecti & luminis contrahitur & dilatatur, ut optime in felibus videmus, unde exigui musculi speciem præ se ferit *Cartesio*. Observante *Swammerdamio* in insectis per concavitatem corneæ statim expauditur. Anterior hæc pars est perforata in medio ad specierum ingressum ubi

Pupilla efformatur, in homine rotunda, in quibusdam brutis oblonga: ambitum ejus foraminis seu coronam cuspidi scalpeli tractam orbiculatim abscindi observavit *Riolanus*, idque in oculo bovis ebullito magis spectari, unde credit ambitum hunc distinctam esse membranam ab *Uvea*, cum habeat fibras peculiares. Sed hæc à *Plempio* sunt refutata, quia vero *Uvæ* tunicæ limbus varios colores habet, hinc oritur

Iris vel circulus, *Galeno*, *Casserio*, *Riolano* septuplex, aliis, *Iris*, ut *Plempio* triplex, duplex, ad oculi album angustior, tertius ad pupillam verus & latior, constanti colore illustratur, qui variis conspicitur coloribus præditus; & ubi *Iridem* constituit, nunc cærulea est, nunc cæsia, nunc nigra, &c.

Ex circumferentia *uvæ*, ubi duplicata membrana ejus se reflexit ad crystallinum, oritur ligamentum vel interstitium ciliare.

FIGURARUM EXPLICATIO.

Oculis musculos, tunicas humoresque repræsentat Tabella.

FIG. I.

- A. Cornea tunica cum pupilla trans-
parente.
B. Musculus rectus astollens.
C. Rectus inferior, sive depressens.
D. Rectus internus, seu adducens.
E. Rectus externus, seu abducens.
F. Obliquus internus, seu trochlearis.
G. Obliquus externus, seu inferior.

FIG. II.

In Ovis oculo musculos ostendit.

- A. Nervus opticus.
BB. Musculus septimus opticum ner-
vum circumdans, atque brutis
proprius.
CCCC. Musculi recti.
D. Musculus trochlearis.
E. Musculus obliquus inferior.

FIG. III.

- aa. Tunica adnata in suo situ.
bb. Cornea tunica.
cc. Uvea tunica.
dd. Sclerotica tunica.
ee. Dura nervi optici membrana.
ff. Choroides tunica.
gg. Tenuis nervi optici membrana.
hh. Retina tunica.
ii. Medullaris nervi optici substan-
tia.
l. Intima medulla vitrea affixa.
mm. Crystallina tunica.
nn. Pupilla.
oo. Cornea pellucida pars.
A. Humor aqueus.
B. Crystallinus humor.
C. Vitreus humor.

FIG. IV.

Tunica adnata separata, & extra si-
tum posita, venulis & arteriis
plurimis donata.

FIG. V.

- A. Nervus opticus dura matre ex-
coriatus.
BB. Dura mater nervum opticum
ambiens.

CC. Sclerotica aperta, per cujus fis-
suram uvea D. videtur.

FIG. VI.

- A. Nervus opticus sola pia matre
vestitus.
BB. Choroides tunica à sclerotica
denudata.
CCCC. Venæ per Scleroticam di-
spersæ.
DD. Sclerotica inversa.
E. Ruptura sclerotica.

FIG. VII.

- A. Nervus opticus,
BB. Uvea revoluta & à retina ex
parte separata.
C. Retina ab uvea denudata
pars, nimis obscuro colore sculpta.

FIG. VIII.

- A. Retina tunica plane denudata.
B. Album oculi seu conjunctiva
tunica.
C. Cornea.
D. Pupilla.

FIG. IX.

Vitream exhibet tunicam cum fila-
mentis ciliaribus.

FIG. X.

Aqueum ostendit humorem concre-
tum, in cujus medio sinus est, qui
excipit crystallini faciem antero-
rem.

FIG. XI.


Humorem vitreum repræsentat, in
cujus medio crystallinus ponitur.

FIG. XII.

Tunicam Crystallinam ob oculos po-
nit.

FIG. XIII.

Humorem ipsum crystallinum ejus-
que figuram monstrat.



tium ciliare dictum, quæ sunt tenuia quædam filamenta ex uvea producta, referentia lineas nigras palpebrarum, pilis similes, & crystallinum humorem cingunt, qui horum ope necitur vicinis partibus, & cum uvea mobili quoque movetur. *Cartesio* sunt veluti exigui tendines. Forsan lymphatici ramusculi. Illi tamen usus est movere crystallinum, ut hujus situs pro varia visus necessitate immutetur, fiatque vel convexior vel planior figura.

3. *Tunica oculi.*

Tertia est retina, sive Amphiblestroides, ex cerebri vel nervi interiori substantia quasi expansa, tenui tamen meningē comitante, si credimus *Galeno* & *Casserio*, ideo colligi simul potest hæc materia mollis & quasi mucus, humorem vitreum ejusque tunicam vitream reticuli instar ambiens. *Tunica* est tenuissima, sed opaca magis quam lucida, mixta obscuriori rubore, quia hic species receptæ sistuntur & repræsentantur, mucosa tamen non nihil, quo mucosubinde albicat, ad illustrationem specierum receptarum *Cartesio* niger color & hujus & filamentorum ciliarium, visionem distinctiorem reddit. Nam vires radiorum, qui ab oculi fundo ad anteriorem oculi partem reflectuntur, obtundit, obtenebratque & impedit, ne inde ad oculi fundum revertentes, ibidem radiorum confusionem causentur. Meo judicio est medullaris substantiæ mucus, ipsi etiam *Galeno* videtur cerebri portio quædam exempta.

Figura est semicircularis mitræ instar, & lateribus crystallino vicinior, ob distinctam specierum repræsentationem.

Huic vasa denegat *Platerus*; sed repugnantibus *Galeno*, *Casserio*, *Fr. Sylvio*, aliisque, ipsaque experientia: sublata enim postica parte Choroidis & Scleroticæ tunice manifeste apparent vasa in hac tunica, & adesse debent, ut cum contentis nutriatur, vel pro sensatione spiritus deferantur, ex sententia *Barbati*. Monent vero oculatiores apparere, si in aperta tunica aliquid humoris remaneat, alioqui fere corrugari. Hæc postea ulterius ambiens, sit *arana* vel *Crystallinoides*, humoris crystallini propria tunica, anteriorem & posteriorem ejus partem investiens, alba, tenuissima & pellucida, unde *speculum* dicitur.

Aranea.

Vitrea.

Addimus tunicam vitream, quæ vitreum humorem undique, ne diffuat, vestit, & à crystallino separat. Insigni levore & tenuitate, instar pelliculæ, circumfusam, non tantum in convexa vitrei parte, sed & concava qua crystallinum excipit, ubi quidem cum crystallina tunica arcte coheret, diversa tamen est. *Venulis* multis sed exiguis donatur,

tur, & centro ejus interior medullaris substantiæ nervi optici portio adhæret. Forma talis, qualis vitrei humoris est, ampla posterius & convexa, antè concava.

HUMORES oculorum tres sunt, aqueus, vitreus, & crystallinus: quorum hic nobilissimus est, & anima atque centrum oculi quibusdam dicitur. Hisce contentis, adjicienda est nativa lux, ad visum necessaria: qua oculi nonnullorum scintillant, quaque extincta in mortuis, oculi concidunt hebetati. Prodit in morbofis quasi expressa. Hinc *mapuapusa* apud *Coum*. De his in libr. de *Luce Animal.* plura.

Aqueus quia tenuis est & fluxilis instar aquæ, totum spacium occupat inter tunicam corneam & crystallini sedem anteriorem. Vitreo quoque circumfundi, totumque intra uveam totam contineri probat *Riolanus*, quia oculo postica parte secto aqua æque effluit, ac lecta antica. Sed si largo vulnere lædatur quoque vitrea tunica, non mirum si exinde effluat aqua, quod etiam notat *Plempius*; taceo facile dirumpi interiora, quum rudioribus digitis contrectentur, in hoc humore sunt suffusiones.

Hinc humor non est pars animata, sed tantum excrementum esse videtur, ex nutritione crystallini, vel ex lymphaticis destillans: nam & in morbis absimitur, & in vulneribus oculorum deperditus restituitur: reliqui duo humores partes sunt animatæ, cum habeant propriam circumscriptionem, nutriantur sanguine per venulas proprias adducto; deperditæ non resarciuntur, & in utero nascuntur: & crystallinus quidem ex purissima & lucidissima seminis parte.

Ufus aquei est tueri partes vicinas ab exsiccatione: addunt alii tanquam medium infringere splendorem confertim irruentem, & species objectorum angustatas in pupilla, majores reddere.

Vitreus posterius conspicitur, vitro fusco similis, aqueo minus est fluidus, & mollior crystallino, quo tamen quintuplo major est, & duplo major aqueo. Posteriori parte rotundus, anteriori planior, sed in medio concavus efformat sinum in quo crystallinus ponitur, tanquam in pulvinari.

Ufus non simpliciter cedere in alimentum crystallino, ut *Galenus* censuit, sed ei alimentum præparare & communicare. *Aquapendenti*, ex quo hausit *Riolanus*, ne lux crystallinum transvecta statim ab opacis coloratisque coloribus fœdata ad crystallinum revertatur visumque turbet. Rectius *Platerus*, ut vitreus splendidus spacium aliquod impleat necessarium inter crystallinum & retinam, quod cla-

rius explicant alii, ut vitreus transitum det speciebus ad retinam, easdemque refringat à perpendicularibus.

Crystallinus alias à concrezione *Glacialis* appellatus à colore dictus clarissimo, quem habet absque omni alieno colore, ut omnes colores recipiat, splendidus est, mediocriter durus, parte postica rotundus oblongiuscule, antica depressus, quanquam pro vario oculorum affectu, forma hæc varie immutetur. Ex duabus hyperbolis compositam, pro varia objecti distantia varie immutari *Philippæus* credit.

Crystallinus.

Compositus videtur ex subtilissimis membranulis. Ex *avtoψία* id probat *Kolhanus*. Vidi in balænae crystallino exsiccatō sensim decorticari, velut calcum in laminulas splendentes. In siccis verum id esse potest & à calore exsiccatō, alias in cataracta colliquefcere, humorisque membranulam dissolutam papillæ adherere, nuper *Parisienses* ocularii suspicati sunt, quod in quodam cataracta defuncto id viderint. At deponi quidem membrana potest, quo modo vero crystallinus reduci poterit, quod per chelidonii majoris spiritum, & Vitriolum Martis promittunt alii? Insecta certe his humoribus carent. De Ulmi succo aliquid refert *H. ab Heer*. Albumine ovi vitreum supplevit *Liddelius*. Per tubulos nervi optici effluentes spiritus subtiles indurari in humorem crystallinum à centrali calore vivificante *Burrhi* suspicio est. In nigra cataracta vitreum in aquam resolutum, crystallum prorsus abfuisse observavit *Rosfinck*. Nos ex lymphā diluente omnia deduximus *Libr. de Morb. Lymphat.*

*Quomodo
fiat Visio
in oculis.*

Usus est, esse primarium visionis medium, quemadmodum vitreum foramini oppositum species externas in muscū tenebricosum admittit, ita & crystallinus species admittit simul & colligit. Quia autem perspicuus est humor, non sistuntur in illo species, nec colores sentiuntur, quod credidere post *Galenum* plerique Anatomici, nulla enim alioquin ratio est, quare non in cornea, humore vitreo, pellucidis quoque & animatis, sentiantur.

Cartesio hic humor similis est vitris dioptriciis, quorum ope omnes radii ex quodam puncto venientes in aliud quoddam punctum colliguntur. Constare vero ex materia minus molli & consistentiori, & ideo causare majorem refractionem, quam duo reliqui, quibus cingitur.

Refractio ista quæ hic fit, ex eodem *Cartesio* visioni robur & distinctionem conciliat. *Figuram* enim crystallini ita compositam esse, ut refractionibus, quæ in aliis oculi partibus sunt, & objectorum distantia, respondeat ad amissim.

Unde,

Unde, visu in punctum aliquod determinatum directo, omnes radii, qui ex illo puncto proveniunt, colliguntur in oculi fundo accurate ad quoddam tunicę retinę sive nervi optici punctum, eademque ratione impedit, ne ulli radii aliunde venientes in eandem illius nervi partem incidant. Ideo visio per hunc humorem primario non fit, sed in retina tunica species demum agnoscuntur, quia ibi opaco corpore sistuntur, quod in pariete cubiculi clausis fenestris videre est.

Schneiderus in crystallino species quę repręsentabant omnia inversa, arbitratur corrigi & refrangi, ut omnia recta exhibeant. Sed ex observatione *Joh. Walai*, *Fr. Sylvii*, & *Fr. vander Schagen*, sublata à postica parte choroide, scilicet retinę tunica, omnia per oculum inversa videntur & repręsentantur, forma minima in oculo bubulo, paulo majori in oculo humano. Idem experimento instrumenti vitrei tribus humoribus pleni probat *Plempius*, foramini fenestrę inditi, ubi omnia in pariete inversa exhibentur. Et omnino inversę species debent fisci in retina, alioquin nos inversa cuncta videremus, non erecta, quod *Keplerus* exinde demonstrat, quia in passione patientia agentibus e regione oportet esse opposita.

Alii iudicium nostrum corrigere volunt depravatam figuram, quod justam rerum objectarum magnitudinem situmque ex receptis speciebus exilibus discernit. *Alii* communem sensum pręferunt, qui retro & desuper retinę cavum species inversas inspicendo eas erectas apprehendit. *Alii* denique, rectum fieri iudicium, quia secundum rectam lineam fit.

Willisius sensationem visus, non tam nervis quam fibrarum organo intertextarum ope fieri: nervis tantum munus esse, simulachrum fibris impressum, velut tubi optici ductu, ad commune sensorium transmittere.

CAP. IX.

DE AURIBUS.

Auditus organa, nempe *AURES*, vel sunt externę vel internę.

Externę ab aliis *AURICULÆ* dictę, in homine figura sunt semicirculari, extrinsecus convexę, intrinsecus cavę.

Dividitur auris externa in partem superiorem & inferiorem.

Kk 5

Supe-

Appellationes partium auris externa. Superior latior est, & quibusdam *pinna* dicitur, aliis *ala*. Inferior mollis est & propendens, dicta *fibra*, *auricula infima*, *lobus*.

Ambitus auris exterior dicitur *helix*, item *capreolus*, ob tortuositatem. Interior priori oppositus, *scapha*, vel *Anthelix*. In hujus medio cavitas magna est & auris externae præcipua pars, *concha* appellata. Cavitas vero juxta meatum auditorium, ubi sordes flavæ & amaræ gignuntur, *alvearium* nuncupatur. Tempora versus adnata est eminentis instar tegminis, quæ irruentia in aurem vel excipit vel prohibet, & *hircus* dicitur, quia hac in parte pili crescunt.

Ejus cutis. Partes ex quibus conflatur auris externa, sunt vel communes, ut cuticula, cutis, membrana nervea, caro, pinguedo nonnulla in lobo: vel propriæ, ut muscoli, vasa, cartilago.

Cutis tenuissima est, adhærens paucæ carni cum firma cartilagine; eique, ut in vola manus, membrana nervea valide connectitur, cujus sensu fit ut frigida lobo aspersa, totum corpus refrigeret: in lobo ita commiscetur cum carne, ut subpinguis, carnosa & fungosa existat: hinc mollis est atque flexilis lobus, ut sine magna molestia perforari possit, unde etiam à quibusdam ornamentis appensis decoratur.

Proportio auriculæ per *circinum* in longitudine tres fere uncias, in latitudine duas prope monstrat, per *filum* in ambitu uncias octo. Vide *Elsoltium* de Auris symmetria.

Vasa. *Vasa.* Venas habent à jugularibus. *Arterias à Carotidibus.*

Nervos parvulos duos à posterioribus, & totidem à lateribus, à secundo pari cervicali.

Musculi. *Musculi* in iis hominibus, quibus aures moventur, recte conspicui, sunt communes vel proprii, quos semel vidisse contigit, & Justiniano fuisse oportet, quem mobilibus auribus depingit *Procopius*. In plurimis vero non moventur

Cur aures paucis moventur? aures, tum ob musculorum parvitatem, tum quia non adeo opus erat, quia homo manibus efficere potest, quod bruta aurium motu, quo muscas abigunt.

Usus primi musculi. *Primus* musculus communis est auri & utrique labro, estque pars musculi primi moventis genas, & faciei cutim, diciturque *quadratus*, satis tenuis & latus. Auris radici sub lobo implantatur, ut deorsum in latus trahat.

Usus secundus. *Secundus* proprius est & anterior, musculo temporali incumbens, à sine musculi frontis, à quo tamen fibrarum ductu differt, ortus, modo rotundo principio, modo angulari, tendinosus in auris superiorem partem angustior inseritur. ut sursum & antrorsum aurem moveat.

Tertius posterior supra mammillarum processum oritur *Ufus tertius.*
ab occipite ejusque musculo, principio angusto, deinde la-
rior redditus, & velut in tres partes divisus, aurem posterius
adit, ut eam trahat ad posteriora & nonnihil altiora.

Quartus à mammillari processu ortus, latus, paulatim *Ufus quartus.*
angustatur, donec in tendinem abeat. Hic musculus potius
Triplex est, quia tribus insertionibus donatur, omnes tamen
ex uno loco confusi prodeunt. Ex his aliquando aliqui de-
sunt, aliquando etiam reperiuntur, aliquando plures ad sunt,
varie in musculis aurium ludente natura.

Cartilago auris, est substantia, quæ ossi petroso alligatur
per ligamentum validum à pericranio natum. Notarunt
Amstelodamenses in cartilagine molossi quasdam eminentias,
ex quarum glandulosa substantia paucillum humoris ex-
stillat, sine dubio per *lymphatica* vasa.

Glandule exterius nonnullæ sunt circa aures, crassæ & in-
signes, quæ *Parotides* dicuntur, licet hæc vox etiam de tu-
more eorum intelligatur. *Parotides.*

Suntque non tantum pone aures, ut vulgus putat, sed ad
utrumque latus, & sub aure; sed non supra. *Situs paro-
tidum.*

Glandulæ hæ, *Parotis conglomerata*, dictæ recentioribus;
anteriori parte in limbum expansæ, oblongam aliam & con-
globatam sinu suo abscondit. Illa, præter nervos copiosos,
venas & arterias, etiam peculiare *lymphæ* vasculum obtinet,
quod ab *Hornio* Ductus *Stenonianus*, ab *Hobokenio* vocatur
Blasianus. Vas est *Salivare externum*, (ad differentiam *inter-
ni Wharroniani*.) quod ex descriptione *Stenonii*, cui, uti &
Cl. Blasio, hæc debemus, oritur intra hanc glandulam pluri-
bus è rivulis in unum alveum confluentibus, qui inde versus
inferiora delatus ab inferioris maxillæ angulo ad sinum la-
teri ejus imo insculptum tendit, unde oblique antrorsum
assurgens tandem foramine satis amplo in partem oris ex-
terioriorem patet. *Salivare
vas exter-
num.*

In homine rectus ejus trames, quo glandulam inter &
buccinatoris medium fertur, videtur idem esse cum robu-
sto vinculo, quod è centro buccinatoris exterioris enatum os
genarum perreptare, & in musculum quandam parvum
buccæ oppositum terminari *Cassernus* scribit.

Ex huius conglobatæ parte convexa, ut & aliis duabus
conglobatis, nempe maxillari inferiore apposita, & alia su-
pra fauces sita, *lymphaticum* ex singulis vas ad communem
glandulam conglobatam quartam deferitur, ex hac aliud vas
lymphaticum ad jugularis axillarisque confinium tendit, quæ
fusus ipse *Stenonius* describit. Hinc saliva manat, qua ma-
det

det semper os, quamque masticationis motu ex his lymphaticis promovemus. Patent ductus in os, sine sectione. Vidi rivuli instar profluentem lympham. *Schneiderus* pariter similia.

Glandule hæc juxta aures *cerebri emunctoria* dicuntur, quia *cerebri* excrementa suscipiunt per arterias, deponuntque per lymphatica. Unde superflui sunt alii *Usus*, quos *Whartonus* substituit. 1. nonnullas durioris rami sexti paris superfluitates exceptas reducere in venas. 2. Aures & auriculam calore suo refocillare. 3. Foveam illam in auri ambitu explere & complanare. Verius cum *Stenonio*, salivam præparant, quæ per ductum salivarem hac transeuntem, tanquam lymphaticum, in exteriorem oris cavitatem excernitur.

Scrophularum sedes.

Sunt & aliæ glandulæ multæ in toto spacio, quod est sub maxilla inferiore, in quibus varii affectus, ut *scrophulæ* gignuntur. In animalibus nonnullis, ut porcis sylvestribus, vulgus in deliciis habet, vocatque lactinia & animellas. *Jugulares* dicuntur *Whartono*, quæ racematim crescunt. In alterutro latere idem *xiv.* observavit. Aliæ aliis majores. Nam ab exiguitate seminis coriandri ad fabæ molem, variant. Aliæ anteriores, aliæ posteriores. Aliæ superiores, quæ pertingunt ad processum styloformem, & ad inferiorem ac posteriorem maxillarum sedem: aliæ inferiores, quæ juxta latera thyroidearum, inter spinam & vasa thoracica thymumque in thoracem descendunt. Membranarum & vasorum connexione inter se mobiles junguntur, ut & cum parotidibus & maxillaribus.

Usus est, partes humectare, & vasorum divisionibus præesse. *Whartono* exceptam superfluam nervorum humiditatem in venas & lymphatica sibi proxima reducere.

Usus auris externæ est

I. Ad ornatum: unde auribus abscissis reos Angli, Belgæ, aliæque nationes mulcant, more ab ipsis *Homeri* temporibus traducto. Flaccæ tamen & asininæ, & deformes & stolidos, notant.

II. Ad tutelam cerebri, ne lædatur ab aëre subito irridente. Cerebrum & huc spectantia, perforatione aurium juvari in *Historiis* docuimus.

Organum auditus externum.

III. Esse organum auditus, sed non principale, verum adjuvans. Intus latet verum organum, uti & olfactus. Et quemadmodum naso præciso olfacere tamen possumus, licet imperfecte: sic etiam auribus penitus ad radicem excisis audire, sed obtuse, confuse, & cum murmure, vocesque articulas instar fluentis aquæ aut cicadæ resonantis, ut notum

gum est iis quibus aures excisissæ. Imo alterius auris non abscissæ actio auditoria læditur, nisi foramen abscissæ obtureretur.

Ufus ergo auris externæ est promptius & rectius sonos recipere; & per aërem vagantes tanquam in sinu colligere, ut citra violentum impetum ad tympanum pertingant, prius in anfractibus viæ obliquitate moderati. Hinc, ne appulsi soni præterlabantur, bruta aures circumagunt ad sonos & voces. Hinc Hadrianus Imperator, quo acutius audiret, manus cavas auribus obtendebar, quod & surdaſtri faciunt. Hinc Scythæ aliqui, quibus propter frigus aures commoriuntur, cochleæ testam auribus admovent, ut in concavitate facile conclusus aër suscipiatur, & ita melius audiant. Hinc exactius audiunt, quibus aures exterius prominent, & si non nimium tam ex longo decubitu, quam nutricum ligaturis aures depressas haberemus, rectius audiremus.

AURIS INTERNA varias quoque habet partes in osse petroso contentas, & præter ossis partes atque cavernulas, ad-
Auris interna.

sunt: *tympanum*, duo muscoli, vasa & aër congenitus. In meatu auditorio cute investito, per quam soni feruntur, reperitur humor biliosus & viscidus, Cerumen dictus veteribus, à cerebro, non à cartilaginibus solidis, expurgatus: intrinsecus vero huic foramini oblique apponitur.

Septum quoddam, vel membrana orbicularis circulo osseo cincta, aliis Myrinx, aliis septum membraneum, & mediaſtinum. Alii *tympanum* vocant, sed nonnullis rectius *tym-
Tympani membrana.*
pani membrana, nam cavitati internæ aërem congenitum continenti obtenditur, quemadmodum membrana in tympano. A pericranio oritur *Casserio*, at perioſtei expansionem credit *Veslingius*, cui & duplex observata, frequentius etiam obduci erustula ab excrementis condensatis.

Siccissima est, ut melius perſonet, nam sicca ad sonum aptiora sunt.

Pellucida, tenuis & subtilis, ut soni facilius transmittantur ad aërem congenitum: Nam quibus ab ortu crassior est, *Surditatis
quodam
causa.*
quodam *causa.* surditate laborant incurabili, uti & ii, quibus exterius adnascitur tunica crassior, cujus tamen curationem aliquam docet *Paulus*, & si à nativitate, muti simul ut plurimum manent, quia voces inauditas nec animo concipere, nec lingua proferre possunt. Si vero interius mucus apponitur, vel humor affluat crassior, gravis & difficilis oritur auditus, aut surditas curatu difficilis. Si tenuis affluat humor, oriuntur aurium tinnitus & murmura. Si prorsus obturetur carne nativa, dolores quoque capitis urgent, propter prohibita excre-

*Gravis auditus causa
quodam.*

excrementa, quod in puero vidi.

Est tandem nervosa sensus adeo exquisiti, ut nec stylum immissum, nec acres humores ferat, & robusta, ut duret adversus injurias externas, læsa enim velerosa surditatem inducit, vel auditus difficultatem, quod experiuntur, quibus ob vehementem aëris sonum, à tormentis campanive lædatur, vel in natationibus rumpitur, ad cujus igitur tutelam intus addita sunt tria ossicula, quorum malleus firmiter adheret tympano, & per illud transparet & duo musculi.

Usus est meatum auditorium claudere, & aërem congenitum ab externo separando intus cohibere. Deinde interiora tueri à pulvere, aqua, animalculis, &c.

Tympani
cavitas.

Intra membranam tympani *cavitas interna* est in osse, continens aërem quendam, quem alii insitum vocant, *congenitum*, & complantatum, quia à primo ortu auribus inditus est, purus, subtilis & immobilis: qui aliis *auditus* internum medium est, aliis ipsum organum auditus.

Musculi
auris.

Musculos duos auris internæ statuunt Anatomici.

Primum *internum* vocant, in osse petroso situm, duplicis tendinis: unus infigitur mallei processui elatiori, alter ejus cervici.

Usus, trahere mallei caput oblique antrorsum, & ad interiora ab incude deducere, recurvatoque malleoli processui membranulam ad interiora pelleré.

Secundus *externus*, à *Casserio* inventus, licet & *Aquapendens* ejus inventionem sibi tribuat, minimus est, carneus, & in superiori meatus auditorii regione consistens, tendine in membranulæ centrum implantatur, parte qua malleus intus membranæ jungitur. Ut frustra sit *Parissanus*, contra *Casseri*um hunc musculum negant.

Usus est, membranam cum malleo extrorsum trahere.

Notandus est ductus quidam exiguus cartilagineus, ab auris concha juxta radicem apophyseos pterigoideæ ad palatum ambiens, *Fallopio* aqueductus, *valvula donatus*, quam tamen negat reperiri *Riolanus* veteranus in Re Anatomica Doctor, quia iste meatus semper patere debet, & per eum portio nervi auditorii traducitur.

Masticato-
ria in au-
rium affe-
ctibus cus-
piventis.

Usus I. est aërem congenitum expurgare. Nam hac via patet exitus excrementis ab aure ad os, sed difficilius è contra, siquidem valvula adest. Unde in aurium affectibus masticatoria admodum juvant.

II. Sonum in surdastris & obturatis auribus admittere, si quidem valvula vel prorsus desit vel laxius pateat.

De capris *Varro* scribit & *Plinius*, cum *Archelao*, auribus spiri-

Spiritum ducere, quod Alcmaëoni attribuit *Aristoteles*. Et surdastri voces audiunt clarius aperto ore, nosq; ipsi clausis auribus nostram vocem subaudimus. Luc Venerea affecti non tantum aëre frigido, sed & quocunque strepitu inæqualius per os ad aures transeunte leduntur, annotante *Tulpio*, qui observavit quoque duos orthopnœa laborantes, à suffocatione liberatos, effuso spiritu ex auribus per hunc ductum. Abutuntur eo qui Nicotianę fumum ore haustum, per aures reddunt.

Tandem occurrit *nervus auditorius*, qui ex quinto cerebri pari est, per foramen ossis petrosi aurem ingrediens. Duplici ramo cochleam labyrinthumque tangit; ut auditum utrobique perficiat. Cui ramulus additur ad musculos movendos à quarto pari bifidus.

Ex *Cartesio*, tremuli impulsus aëris per tympani membranulam, ad cerebrum usque nervorum ope pertingentes, animæ præbent occasionem sonorum ideam concipiendi. Quorum impulsus unus duntaxat non nisi murmur inconditum & momento perituum auditui exhibet: at cum plures impulsus invicem sese subsequuntur, vel tardius vel promptius, componunt sonum qui animæ vel suavior, vel asperior, vel acutior, vel gravior.

CAP. II.

DE NASO.

Aliud sensus organum sequitur, videlicet olfactorium, *nasus*, datus homini & animalibus quadrupedibus viviparis.

Dividitur autem, sicuti & auris, in nasum externum & internum.

Internus habet ossa & nervos cum processibus mamillari-
bus, de quibus suo loco.

Externus dividitur extrinsecus in partem superiorem & inferiorem.

Pars superior, quæ ossea est & immobilis, dicitur *dorsum nasi*, ejusque pars acuminata, *spina*. Inferior pars cartilaginea est & mobilis, cujus ima extremitas dicitur *nasi globulus* & orbiculus, ex cujus solo tactu virginem corruptam judicat *Michael Scotus*. partes vero laterales *πτερυγία αλα* & *pinnae*: pars carnea in medio prominens, labio vicina, *columna* appellatur.

Intrinsecus dividitur *nasus* per *septum*, in duo foramina
vel


Appellati-
ones parti-
um nasi.

FIGURARUM EXPLICATIO.

Ostenduntur hac Tabula frontis, palpebrarum, nasi, buccarum, labiorum, maxillæ inferioris & auriculæ Musculi.

- a. Pericranium.
- b. Periosteum.
- cc. Cutis pilosa.
- d. Calvaria denudata.
- e. Musculus temporalis.
- f. Musculus auri superior.
- g. Musculus occipitis ad aurium posteriores musculos protensus.
- h. Musculus frontis.
- i. Frontalis appendix supra dorsum nasi expansa.
- k k k. Oculi musculus orbicularis.
- l. Narium musculus triangularis.
- m. Labiorum communis musculus attollens.
- n. Labii superioris proprius musculus primus.
- o. Labii superioris proprius secundus.
- p. Buccinator musculus.
- q. Masseter.
- r. Labiorum musculus communis depressens.
- s. Labii inferioris proprius musculus mentalis depressens.
- t t. Labiorum musculus communis tertius orbicularis.
- u. Nasi musculus circularis.
- x x x. Helix auriculæ.
- y. Anthelix.
- z. Tragus auriculæ.
- A. Antitragus.
- B. Lobus auris.

vel sinus, quos nares vocant, ut uno foramine obstructo, altero inspirare & expirare queamus. Utroque vero obstructo, os vicem narium præstat. Quodlibet vero foramen rursum dividitur circa nasi medium in duas partes: una sursum adscendit ad os spongiosum; altera supra palatum abit in fauces & oris interiora. Hinc potus aliquando per nares effluit: & naribus injecta, naso clauso per os elabi solent. Hinc etiam cerebri excrementa crassiora, dum deorsum feruntur ad nares, in os delabi possunt, aut scretu eo attrahi, & per os expurgari.



Meatus ostendit nobis singularem *Stenonius*, è naribus *Meatus*
in palatum proxime descendentem, anteriori loco intra *narium.*
dentes, qui velut fretum, in brutis quam homine amplo-
rem, cujus vicem supplet *rima* in avibus posterius palatum
dividens.

Situs est in loco altiori, videlicet inter oculos: 1. ob venustatem. 2. Quia omnis odor ad superiora fertur.

Numero unus. Speciem duplicis præbuit tumor similis
in dorso nasi puerilis.

Magnitudo variat, uti & figura, nam alii maximum, alii parvum, alii solum, alii aquilinum, &c. habent, qua de re Physiognomici post Aristotelem.

**Partes Na-
si.** SUBSTANTIA ejus constat ex cuticula, cute, musculis,
ossibus, cartilaginibus, vasis, tunicis.

Cutis. Cutis ejus tenuis est, & pinguedine caret, ne nimium ex-
crescat; sub septo in columna crassa est & fungosa; ut carti-
laginem æmuletur, pilisque vibrissis dictis, cingitur.

Musculi. Musculi nasi octo dantur, præsertim in nasutis, sed exigui,
quia exiguus est nasi motus. Quatuor ad dilatationem fa-
ciunt, dum, alis vel pinnis sursum tractis, narium foramina
aperiunt. Et totidem ad constrictionem.

Duo primi dilatantes, qui carnosi, oriuntur ab osse mala-
rum, juxta labiorum musculus, quem tertium constituunt.
Inferuntur partim in labii superioris partem, partim in
pinnam anteriorem. Casserius myrti folius similes invenit.

Duo reliqui, qui fere triangulares, & literę Græcorum
Δ similes, urique unus, initio acuto & carnoso, nascuntur
à frontis futura juxta foramen lacrymale, & nasi spinæ,
alisque implantantur. Observavi appendicem illius ali-
quando ad labium superius descendisse, in quibus nempe na-
sus sine labiis attolli nequit. Ejus originem Casserius contra
omnes Anatomicos ab alis nasi repetit, sed hæc mobiles.

Duo primi constringentes, qui parvi, oriuntur carnosi cir-
ca pinnarum radicem, transversim feruntur, & angulis ala-
rum inferuntur. Portionem ejus invenit primus Casserius
& descripsit, quę tamen non reperitur semper; sæpius enim
circularis sphincter nasi alas in orbem involvit. Usus est, pin-
nis depresso nasus non nihil claudere.

**Cartilagi-
nes.**

Duo reliqui firmissimi sunt & membranosi, latentes sub
tunica narium parte interiore. Oriuntur ab ossis nasi extre-
mitate, & pinnis implantantur.

Præter dictos musculos nasi, inveni in dorso nasi cujus-
dam musculus carnosus, tenuem, recta à frontali musculo
latiori basi protensum, moxque angustiorē, circa cartila-
ginem nasi extremam desinere.

Cartilagines substantiam constituunt inferioris partis na-
si, suntque quinque.

Due supreme, latiores, nasi ossibus adhærent, & quō ma-
gis descendunt, eo molliores fiunt, adeo ut nasi extremum,
substantiam habeat, quasi partim cartilaginosa, partim li-
gamentosa.

Tertia, inter has media septum constituit, vel interstitium
inter utrumque nasi foramen.

His apponuntur alię due pinnae constituentes, & per
membranosa ligamenta colligantur.

Vasa.

Vasa. Venę ad sunt ex jugularibus.

Arte.

Arteria à Carotidibus.

Nervi à tertio pari, utrinque unus, qui per foramina nasi & oculorum communia, ad majorem angulum in tunicam nasi abit, & ad musculos, atque ad palatum vergit.

Tunica nares succingens à dura matre est, & communis ori, palato, lingue, laryngi, gulæ & ventriculo, sed in nari-
bus tenuior est, & exquisiti sensus; nam excitata sternutatio-
nem facit: multis foraminibus ad os cribrosum pertusa est, per quæ spiritus cephalicus manifeste sentitur in cerebrum ascendere. *Schneiderus* per tunicam nasi, & vasa ejus, trans-
udare pituitam. Unde anteriorem pituitariam vocat.

In hac tunica duo *Vasa* detexit *Stenonius*, alia breviora & vix nisi per expressum humorem conspicua, cujus humoris guttæ sensim prodeuntes vasorum ostia produnt. Oriuntur hæc ab affusis membranæ huic glandulosæ portionibus in parte narium anteriore minoribus, quo vero posteriora versus magis recesseris, majoribus: longiora, quæ veri canalis nomen merentur, quorum radices in posteriore narium parte ortæ in ramum styli capacem confluunt per narium latera versus anteriora progredientem.

Lymphatica narium vasa sunt pro lymphæ expurganda, quæ semper madent nares, præsertim brutorum, ad promovendum odoratum. Sicæ enim nares odoratu carent. Ex his glandulis sunt, quas

Intra cavitates narium *Carnes spongiosas* observari monet *Riolanus*, subrubras, quibus ossa nasi spongiosa sunt oppleta, ex quibus tumefactis *polypus* narium generatur; de quo eruendo curandoque videndus *Tulpius*.

Usus nasi externi est,

Usus nasi.

1. Ut per eum aër intret usque in cerebrum, pro spirituum animalium necessitate. Tractus aëris esse potest ex spiraculo opposito ventriculorum.

2. Ut per eum aër intret in pulmones, pro refrigerio cordis, & vitalium spirituum generatione.

3. Ut per eum odores deferantur usque ad mamillares processus, supra os cribrosum latitantes. Unde quibus nasus ad radicem dissectus est, vel non olfaciunt, vel male.

Odoratus modum ita explicat *Cartesius*, quod aër attractus penetret poros ossis cribriformis, offendantque extremitates filamentorum nervi plane nudorum, vel tenui tantum membranula vestitorum, quæ ideo facile commoventur. Per poros autem angustos nervorum olfactoriorum, ad filamenta ille tantum aër, seu odor penetrat, qui ejus est naturæ cujus illa sunt, ex quibus aqua vitæ componitur, quæ fi-

Odoratus
Cartesius
nus.

guris suis valde penetrant, & subtiliora sunt, adeoque mobiliora, quæ occasionem animæ dare possunt diversos odores percipiendi. At quæ vehementiori impetu concitantur, vel motu nimis exiguo, displicent & fœtida sunt. Gratus odor ex moderato motu.

4. Ut cerebri excrementa per eum ceu canalem effluant. Qui usus secundarius est, quia aliquos noverunt *Joh. Walæus*, *Jo. Dop.* Sala præceptores nostri, & ego, qui nunquam per nares aliquid expurgarunt.

5. Ad vocem quoque aliquid confert.

6. Ornatum faciei addit. Scribitur in *Chronicis Anglicis*, virgines honestiores ejus loci, tempore belli cum Danis, nares sibi amputasse, ut ab irruentium Danorum militum impetu, pudicitiam sartam tectam hac deformitate conservarent. Adulterii hæc pœna apud Ægyptios, quam Hierosolymitanis quoque minatur Jehovah apud *Ezechielem*. Ejusdem nasi præcisione pellicem percunctantem de amoris successore deformem reddidit *Hialto* apud *Saxonem* nostrum. Unde quia ad ornatum plurimum confert, Chirurgia *Curtorum* nata circa renascendum nasum occupata, de qua *Tagliacotius*.

C A P. XI.

DE ORE, BUCCIS, ET LABIIS.

Restat ultimum organum sensus gustus, videlicet *LINGUA*, quam antequam explicemus, partes externas circa os, & internas alias in ore, proponere oportet.

Partes externæ circa os variæ sunt. *Superior* pars sub oculis inter nasum & aurem, ob ruborem tam solitum, quam insolitum in pudore, dicitur *pudoris sedes*, malum seu possumum, item *circulus faciei*.

Inferior pars laxior, quæ inflari potest, ut apparet in tubicinibus, *bucca* dicitur. Pars labri superioris, *mystax*. Cavitates ei impressa & dividens, *philtrum*, quasi amabile. Sunt vero labia duo: superius & inferius, ex quibus rima in medio constituitur, *Os* dictum. Partes labiorum extremæ prominentes appellantur *prolabia*. Inferior pars sub inferiori labio *mentum* dicitur; carnosâ sub mento pars, *buccula*.

Os vero constat ex partibus partim osseis, ut *maxilla superior* & *inferior* cum dentibus; partim carnosâ, ut *labiis*, musculisque labiorum, *buccarum*, & *maxilla inferioris*.

Oris tota interna capacitas succingitur crassa *tunica*, quæ & gingivas & labia ambit, & reduplicari putatur, quando uvulam constituit.

Uvula

Usus oris :

Usus oris.

1. Cibum & potum recipere, & ad ejus preparationem seu chyificationis principium, quod in ore fit, facere.
2. Ad inspirandum & expirandum.
3. Ad vocem.

4. Ut per os excrementa exeant pulmonum, capitis & ventriculi, per sreatum, exspuitionem, vomitionem.

Musculorum paria duo sunt buccis & labiis communia, Musculorum paria, duo ab utraque parte.

Primus est latus ille musculus & quadratus tenuis, sub colli cute jacens, quem veteres à cute non distinxerunt, sed, teste Galeno, confuderunt.

Oritur circa claviculas & posteriorem colli partem; Fibris vero obliquis (quas diligenter notabit Chirurgus, ne transversim & liberaliter eas incidat, atque ita buccas ad alteram partem avulsas faciat) implantatur in mentum, labia & radicem nasi, aliquando & aurium. quas etiam partes ad partem movet. Et hic primus in spasmo Cynico intenditur.

Usus.

Spasmus Cynicus.

Secundus huic subjacens est, qui buccas sua mole constituit, ideo buccinator dictus, in buccinatoribus maxime conspicuus. Eo per gangrænam à morbillis consumto, labia ad latus revulsa vidi.

Rotundus est instar circuli, tenuis & membraneus; variis fibris intertextus, oris tunica inseparabiliter succinctus.

Figura buccinatoris.

In hujus centro observavit Casserius robustum quoddam vinculum, exterius enatum, & os genarum perreptans, ubi in musculum quendam parvum & gracilem buccæ directe oppositum terminetur: quod tamen pro commento habet Riolanus.

Oritur hic musculus à superiori maxilla, inseritur in inferiore ad gingivarum radices.

Usus est, buccas cum labiis movere: estque dentibus instar manus, dum huc illuc ad dentes cibos propellit, quo exactius comminuantur.

Labia constant ex carne indigesta & fungosa, (Fallopius Labia, habet pro nono pari musculorum labii) quorum cutis adeo cum musculis miscetur, ut cutis muskulosa, vel cutaneus musculus esse videatur.

Teguntur tunica ori & ventriculo communi: unde in vomiturientibus inferius labium tremit.

Tremor labii in vomiturientibus.

Partes quæ invicem se contingunt, rubent, ob sanguinis affluxum.

unde?

Usus 1. Os claudere, & dentes, partesque interiores tueri

Ll 3.

à fri-

à frigore & externis injuriis.

2. Ad edendi & bibendi commoditatem.

3. Ad vocem & loquelam.

4. Ad rejectionem sputi, unde ne spuerent aut loquerentur servi apud Persas, pellibus vinciebantur, teste *Marcellino*.

5. Ad ornatum.

Musculi labiorum, præter communes supra explicatos, proprii aliqui sunt, qui tamen quoad numerum variare possunt. Aliqui plures, aliqui pauciores: nam quidam ab aliis simplices habentur ab aliis multiplices.

Labium superius moventes musculi proprii duo sunt utrinque. Utrumque labium moventes tres. Inferius labium, unicum tantum par movet proprium.

Musculorum 4. paria superius labium moventia.

Par primum, labii superioris proprium est illustre, à *Fallopio* descriptum, quod ex oculorum & nasi intermedio angulo delapsum, recta in superius labri corpus immergitur.

Alterum par ab eadem maxilla superiore ortum statim in cavitate genarum sub oculi orbita, tenue sed latum, carnosum, pinguedini copiosæ immersum, deorsum recta ad labium superius fertur, quod recta sursum cum primo pari movet, interdum oblique quoque inseritur in utriusque labii confinio, unde duplex inde par quidam constituunt.

Musculi utriusque labii communes.

Utriusque labii commune *par primum*, longius, carnosum, in principio latius, oritur externe à processu jugali, & oblique descendens per genas in labii utriusque bivio terminatur. Aliquando vidi ex principio protensum quasi funiculum ad primum par proprium. *Usus* est, labium utrumque oblique sursum versus tempora trahere.

Secundum par commune labiorum, à maxilla inferiore ad latera menti carneum, principio lato & nonnunquam ad medium mentum protenso ortum, sensim angustatur, donec oblique in idem utriusque labii confinium, sed inferiori loco inseratur, quæ oblique deorsum extrorsumque detrahit, in ringentibus.

Tertius musculus labiorum communis est circularis, sphincteris instar os totum ambiens & constituens, fungosus & cuti rubicundæ firmiter adhærens, utrumque labium constringens in oris compressione, virginibus usitata.

Musculi labii inferioris.

Inferioris labii proprium par mentale, à medio menti ortum latiori principio, adscendit recta ad medium labii inferioris, quod deorsum movet.

Omnes vero labiorum musculi cuti adeo miscentur, ut fibræ decussatim se interfecent. Quare valde diversi fiunt labiorum motus.

Ad

Ad exquisitum labiorum sensum mittuntur nervorum propagines, & ex vicinis locis venæ & arteriæ; quibus purpureus ille labiorum splendor debetur, pulchritudinis & sanitatis nota.

MUSCULI MAXILLÆ INFERIORIS (hæc enim movetur, *Inferioris* superiori immobili) aliis octo, aliis decem numerantur, *maxillæ* dicti masticatorii, manforii, molares, quia ad masticationem seu ciborum contritionem faciunt. Unum tantum par maxillam deprimat, quia per se alioquin deorsum tendit. Reliqua paria attollunt, quæ robustissima sunt. Hinc quidam graviora onera è terra mordicus elevantes ore gestant: hinc phrenetici, alique infani, tanta pervicacia os claudunt, ut vix magna vi, & organis ferreis referari possit. Econtra non magna difficultate compelletur quis etiam pertinacissimus ad apertum os claudendum.

Primus musculus *Crotaphites temporalis* dicitur à situ, *Temporalis.* quia temporum cavitatem occupat.

Hic omnium maximus est, validus & robustus. Major tamen & robustior in aliis animalibus, ut leonibus, lupis, canibus, porcis, &c. quæ morfu forti uti debebant.

Nam temporalis *fnis* est initio inferioris maxillæ, quam *Ufus temporalis musculi.* movet & sursum trahit, adeoque os claudit; & quidem in processu acuto finitur, tendine nervoso, brevi & valido.

Oritur vero à temporibus initio lato, carnoso & semicirculari, sensimque descendendo arctatur.

Nervi utrinque tres in eum interuntur, duo ex tertio pari, tertius ex quinto. Quamobrem læso vel contuso hoc musculo, periculum magnum adest convulsioni & tandem mortis, præsertim si afficiatur inferior pars magis nervosa. Et ob hujus distensionem *Hippocrates* lethalem pronuntiavit maxillæ inferioris luxationem, nisi statim reponatur.

Munimenti ergo natura dedit, 1. *Membranam* crassam & duram & lividam, qua tota tegitur & eleganti colori resplendet, pericranium, adeo, ut interior pars musculi tota carnea ea parte ossi absque pericranio adhæreat. 2. Os jugale supra inferiorem partem tendinosam & nervosam. 3. Tendinem carne munivit supra infraque.

Secundus musculus *Manforius primus*, dicitur *masseter* molitor, mandibularis, alioqui lateralis, in buccis situs. *Manforius primus.*

Oritur duplici capite: altero carnoso, altero nervoso, ab osse jugali & maxillæ superioris osse primo: *infitur* in maxillæ partem inferiorem, lata satis & valida connexionione: quam in comedenribus circumagit. Etenim fibræ capitum se interfecant, ut & antrorsum, & retrorsum, & in latera maxillam moveant.

Alaris Tertium par Pterygoides, seu alare externum, quod Fallopio debetur, Vesalio vero temporalis musculi pars est, sub temporali situm est.

Oritur ab osse sphenoide & processu alari externo initio partim nervoso, partim carnoso. Implantatur in maxillæ inferioris cervicem & ejus capitis internam sedem.

Usus, antrosum movere & exerere.

Mansorius alter. Quartus mansorius alter dicitur, vel alaris internus, crassus & brevis.

Oritur nervosus ab ossis sphenoidis processibus internis alatis; maxillæque inseritur parti internæ & posteriori, tendine lato & valido.

Usus, maxillam sursum trahere, & retrorsum, & temporalem adjuvare.

Graphyoides. Quintus graphyoides dicitur, quia Oritur ab appendice styloide, vel secundum alios à postica parte processus mammiformis, membranofus & latus, mox vero teres & carnosus factus, in medio tendinosus redditur, rursumque carnosus factus, in mentum inseritur. Hinc duplicem ventrem habere conspicitur, ideoque digastricus etiam dicitur, ligamento affixus ne nimium retrocedat, nam

Usus maxillam deorsum trahere, & os aperire.

Alii vero pro alio pari agnoscunt partem musculi quadrati ad mentum medium infixi, quem muscolum latissimum à superiori parte sterni, clavicula & acromio natum, collum totamque faciem obvolventem post Galenum, Sylvium, Theophilum, hic describit Riolanus. Nos in exordio hujus capitis de illo egimus.

Glandula & vascula buccarum. Glandulae in buccis infinitæ sunt, salivæ dicatæ. In homine eas Fr. Sylvius, in brutis N. Stenonius scrutati sunt. Hic quoque vascula nova harum glandularum detexit. Glandulae ipsæ multæ & exiles labiorum ambitum stipantes, uvas referunt, variis vasis & nervis instructæ; in brutis totum buccarum planum replent. In hisce, eodem Stenonio auctore, quædam glandulae in unum corpus congestæ, inferiori maxillæ secundum longitudinem incumbentes, vasa emittunt, quorum ostia in eadem linea recta sita, vix nisi expresso humore se produnt, nisi setis immixtis detegantur, in ovibus tamen fuscus interdum color ostia prodit; quædam magis à se dispersæ partim planæ tunicæ buccarum accumbunt, partim in asperas & acuminatas papillas tunicam elevant.

CAP. XII.

DE PARTIBUS IN ORE CONTENTIS,
Gingiva, Palato, Uvula, Faucibus, & Osse
Gutturis.

P Artes in ore contentæ sunt, præter dentes: *gingiva, palatum, uvula, fauces, vasa salivalia, os linguae, lingua ipsa, tonsilla, larynx, & œsophagi principium.* De tribus posterioribus in libro secundo ob partium connexionem actum est. De sex prioribus hoc agemus capite, & de lingua in sequente.

GINGIVA est caro dura dentes instar valli cingens, & in edentulis aliquid etiam ad ciborum contritionem faciens: qua vel exesa vel nimis relaxata, vel nimis exsiccata, dentes vacillant aut excidunt. Secunda illa, si abscessu laboret, consilio chirurgorum, secundum longitudinem, ut facilius consolidetur.

Gingiva.

PALATUM est superior oris pars instar tholi leviter concavum, unde oris cœlum dicitur, estque cerebri basis, osse sphenoide formata.

Palatum.

Investitur *tunica* crassa, spongiosa, à crassa meninge oriunda, quæ buccas & totum os intrinsecus cingit, estque gulæ & ventriculo communis, quamobrem etiam inter has partes consensus est. Nec caput masticatoriis expurgare possumus, nisi simul ventriculum per palatum.

Nervulis ad sensum donatur.

Hanc membranam spongiosam *Schneiderus* vocat *pituitariam posteriorem*, quod pituitam contineat ex vasis vicinis haustam, digerat, & emittat sudoris specie, sive ex se, sive acu puncta. Præter hanc plurimis *foraminulis* pertusam observavit *Stenonius*, sub ista tota *glandulosa carne*, unde innumeri *exiles ductus* prodeunt, qui ipsam membranam perforantes quasi cribrum formant, unde lentus humor stillat. *Palatinæ* has glandulas conglomeratas vocat *idem*, tonsillis continuatas.

*Glandula
Palatinæ.*

UVULA à palato in os dependet penitius juxta narium meatus, supra laryngis rimam inter amygdalas. Aliis *gargareon* dicitur à sono, videlicet gargarisatu; item *gurgulio, columna.*

Situs Uvulae.

Estque processus ex **SUBSTANTIA** glandosa, spongiosa & rubra, quam putat *Columbus* oriri ex palati tunica eo loci reduplicata: *Riolanus* carnem potius credit ab extremitate musculorum, qui ad corpus feruntur, exsurgentem.

L I 5

Est

FIGURARUM EXPLICATIO.

FIGURA I. Ex Schneidero.

- I. & II. Est membrana quæ os vomer dictum investit, vocatur membrana pituitaria anterior, fit sub osse palati inverso in capite, utrinque valde fungosa.
- III. IV. V. VI. Monstrant meatum aëris biforem, quo auranaribus tracta tendit ad pulmones, & de iis per eundem meatum efflatur.
- VII. VIII. IX. X. Designant membranam quæ additamentum ossis occipitis investit & regit; hæc continet mucum & emitit, quamobrem vocanda venit membrana pituitaria posterior.
- a. b. c. d. Designant magnum foramen occipitis quo spinalis medulla descendit.

FIGURA II. Ex Stenonio.

- aa. Ostia vasorum à glandula buccarum inferiori prodeuntium, quorum nonnullis seta immissa est.
- b. Apertio ductus salivaris exterioris in papillarum summâ & postremâ occurrens. Reliqua puncta innuunt cætera foramina per quæ compressione viscidus humor exit.

FIGURA III. Ex Eodem.


- aa. Glandula sublingualis.
- bb. Vasa ejus.
- cc. Vasorum excretoriorum oscula.
- d. Sinus ad latus linguæ observatus.

FIG. IV. Ex Eodem.

- aa. Foramina palati per quæ lentus humor exprimitur.
- bb. Tonsillæ.

FIGURA V. Ex Eodem.

Vasculum unum ex illis quæ è glandula buccarum inferiore parte prodeunt.



FIGURARUM EXPLICATIO.

Proponuntur in hac tabula Os Hyoides, Uvula & aliquot Linguae muscoli.

FIG. I.

- A. Gargareon sive uvula.
- BB. Par musculorum exterius.
- CC. Tendo ejus.
- DD. Par musculorum interius, nonnihil compressum.
- E. Pars palati à qua Uvula dependet.

FIG. II. & III.

- AA. Basis ossis Hyoidis.
- BBBB. Eiusdem ossis latera sive Cornua.
- CC. Appendices duae cartilagineae.

FIGURA IV. Ex Casserio.


- A. Primus linguae musculus ab externa appendice styloide facie artus.
- B. Secundus linguae musculus.
- C. Tertii paris, quod genioglossum dicitur, musculus.
- DD. Quintum par Ceratoglossum, extra situm.
- EE. Nervi gustatorii.
- FF. Nervi linguae motorii.
- G. Musculus ossis Hyoidis.
- H. Processus styloformis portiones.
- II. Os Hyoidis.
- K. Scutiformis cartilago.
- LL. Musculi duo laryngis proprii.
- M. M. Cartilagines asperae arteriae.

Uvulae mus-
culi.

Est rotunde oblonga, superius crassior, & in acutum obtuse definit, binis musculis exiguis suspensa, interno & externo pari, pterygostafylum dicto Fallopio, sive ut antrorsum & retrorsum moveant uvulam in deglutitione, sive ut relaxatam ab humoribus iterum retrahant.

Ligamenta duo lata utrinque gargareonem connectentia, alis expansis similia, Galsamach Arabibus dicta ex Aretaeo, Auctore Anatomiae vivorum, Abensina, Carpo describit Riolanus, qui legi meretur. Habet homo ea pro vesiculis simiarum.

Aliquando ab humoribus delabentibus nimis dependet, & di-



Casus non- la. & dicitur *casus uvulae*, qui si medicamentis non redeat aut manus opera, uri & secari à cordatis Chirurgis solet, vel *volsella Celsi*, vel organo operoso *Hildani*, vel forficula, quam præfert *Aquapendens*, vel nupero instrumento Norwegico, quod dedimus in *Hist. Rar.*

Ufus, moderari aëris frigiditatem, ne subito in pulmonem irruat: unde hac destituti Phthisici sæpe moriuntur.

Error uni- gi.

Alii putant facere ad vocis modulationem; unde vocant vocis plectrum. At etiam si lædatur & penitus absumatur, non tamen vox læditur, nisi aliæ vicinæ partes ad vocem conferentes lædantur: tum enim ab asperitate earum partium, quæ inducta est ab iis catarrhis, qui uvulam erodere, rauca fit.

Secundus usus est, impedire, ne ex ore potus in nares regurgitet. Unde filius *Johannis* cujusdam apud *Salmuthum*, columella & tonsillis à prima nativitate destitutus, lac quod sugebat, per nares statim reddebat, nec diu superstes fuit.

Maxillares glandulae. In palato sunt aliæ glandulae, præter jam descriptas, quas maxillares vocat *Whartonus*, vel internæ vel externæ. Internæ sitæ sunt immediate intra maxillam inferiorem, pinguedine & musculis quibusdam fere rectæ. Pars posterior, parotidi & glandulis jugularibus vicina, multo crassior & rotundior & rubicundior est, antèius progressa paulatim attenuatur: mediâ viâ, videtur ab anteriore parte quasi recedere, reapse tamen exiguo ramento continuatur, deinde nonnihil iterum crassescit & cunei instar inter maxillam & linguæ musculos ad mentum usque progreditur. In homine observat *Hornius*, replere spatium inter laryngem & musculos ab osse hyphiloide ad menti medium tendentes.

Ductus salivaris Whartoni. In hac præter arterias, venas, & nervos inter se anastomosibus juncta, vas singulare excretorium, salivæ expurgandæ destinatum invenit *Whartonus*, olim à *Galeno* obiter, *Haly Abbate*, *Abensina*, *Isaaco* quoque descriptum. Appellatur vero à primo instauratore, *Ductus Salivaris Whartonianus*, cujus mentionem fecerat *Glissonius*, accuratius descripti à *Whartono*. In exortu variis ramulis divisus ductus secundum glandulæ amplitudinem, in medio junctus fertur sub musculo maxillari digastrico, quo trochleæ instar utitur, in progressu, extra glandulam, canalem auctiorem efformat, qui recta antèius tendit, & à linguæ lateribus in inferiore ejus parte, cute & pinguedine glandulosa tectus, ductu 13. pollices longo provehitur, & inter gingivas in maxillæ extremitate, in os aperitur, eidemque humorem salivalem impertit, quem continere visus est, tam in homine quam bove.

In

In *Homine* varium deprehendit *Jo. van Horne*. Brevio- *In homine*
rem esse, pertingentem utrinque solum ad mediam maxillæ qualis?
partem, juxta linguæ frænulum terminari & aperiri in duas
glandulas Raninas seu hypoglossidis; exinde quoque aperto
ore rivuli instar lympham vidi exilientem. *Lymphaticum*
enim vas est oris, ratione ortus ex glandulis, usus & humo-
ris contenti, quem ex arteriis hauriunt copiosis non nervis
exilibus.

FAUCES aliquando dicuntur de toto oris hiato: stricte
vero de posteriore & inferiore parte, quæ non nisi ore aper-
to & lingua depressa conspicitur: Græci *Φάρυγξ* vocant;
quæ tamen vox apud *Hippocratem* sæpe notat faucium affe-
ctus, ut inflammationem, &c. *Galeno* dicitur *Isthmus*, ob
loci angustiam.

In faucibus Os est, quod à forma Græcæ literæ *υ* dicitur *Appella-*
ὀσ, *ὀψιλον*, item à forma literæ *Λ* *λακεδαιδης*. *Di-*
tiones ossis
citur item *os gutturis*, & *os linguæ*, de quo hic agendum, non *hyoidis*.
vero in osteologia, quia cum reliquis sceleti partibus non
connectitur.

Est vero hoc os linguæ basis & fundamentum, super quo *Constru-*
moveretur laryngi vero præponitur. *Elis.*

Constat ex variis ossiculis, ad minimum tribus, aliquan-
do ex quinque, septem novem, ad summum undecim, vel
tredecim.

Medium ossiculum est maximum, foris gibbum, intus
cavum, sub quo hæret Epiglottis, processus habens cornua
vocatos, binos, ex ossiculis constantes pluribus vel pauciori-
bus minoribus vel majoribus.

Cartilagines quatuor adduntur, duæ majusculæ oblongæ
rotundæ, in ventre ossis hyoidis, binæ itidem juxta cornua,
quæ in quibusdam ossæ evadunt.

Processus ejus annectuntur ligamentis & extremitatibus
thyloidis, item cum cartilagine guttali.

Movetur hoc os, sed non nisi mota lingua; ideo quatuor pa- *Musculi.*
ria musculorum habet linguæ communia, nec nisi iis re-
motis, linguæ musculi monstrari possunt.

Primum par antierius sub cute latet, incumbens tracheæ
& cartilagini scutali.

Oritur lato & carneo principio ab altiore & interiore re-
gione sterni: unde hoc par dicitur *sternohyoides*. Finis car-
nosus est in basi hyoidis. Atque in medio secundum longi-
tudinem linea divisi sunt hi musculi.

Usus, deorsum recta trahere.

Secundum sub mento & quinto pari maxillæ inferioris
am-

FIGURARUM EXPLICATIO.

Ductus salivales exhibentur.

FIG. I. In Vitulo Ductus salivalis externus, ex N. Stenonio.

Aaaa. Parotis conglomerata, glandula maxillaris Blasii.

bb. Parotis conglobata, Parotis vera Blasii.

c. Lymphaticum ex conglobata deorsum tendens.

dddddd. Radices ductus salivales exterioris.

eeee. Truncus ductus salivalis.

ffff. Venæ jugularis rami exteriores.

ggg. Nervi qui ut intra glandulam & caput, sic & extra illum locum, ut in hh. sibi innectuntur.

iiiiiii. Nervi funiculi ductum salivalem comitantes.

FIG. II. & III. Glandula maxillaris cum Ductu salivali interiori, ex Th. Whartono.

AAAA. Posterior pars glandule.

aaa. Radices posteriores ductus salivalis.

BB. Anterior pars glandule.

bb. Radices anteriores ductus ejusdem.

CC. Truncus posterior ductus ejusdem, tendinem musculi biventeris conscendens.

DDDD. Reditus ejusdem & unio cum ductu anteriore.

EE. Truncus communis ductus salivalis.

FF. GG. Musculus biventer.

HHH. Progressus trunci dicti versus dentes anteriores maxillæ inferiores.

II. Apertio ductus salivalis sub apice linguæ prope dentes incisores maxillæ dictæ.

K K. Glandula rotunda maxillari assidens.

L L. Series asperitatum sub linguæ latere.


M. Lingua extra sedem propulsa, ut vasis exitus cernatur.

N. Tonsilla.

O. Auricula foramen.

FIG. IV.

Ductus salivalis externus in homine, ex communicatione Ger. Blasii.



amplum, breve & totum carneum est.

Oritur à maxillæ inferioris interna parte vario fibrarum ductu: *finitur* in media sede hyoidis. Dicitur nonnullis *geniohyoides*.

Ufus sursum recta & nonnihil antrorsum trahere.

Tertium gracile & teres est, sub mento situm, *ortumque* à styloïdis appendicis radicē; *finitur* in cornua hyoidis. Aliquando in medio perforantur à Digastrico, pro musculo maxillam aperiente.

Ufus, in latera movere, & nonnihil oblique sursum. Dicitur *styloceratohyoides*, aliis *stylohyoides*.

Quartum gracile & longum sub scapulæ musculo, quem quartum faciunt, latet, oblique ad latera deorsum movens.

Oritur ex latere superno scapulæ prope Coracoidem processum, unde *Caracohyoides* dicitur: defertur sursum oblique ad ossis Hyoidis latera sub capitis musculo, quem septimum faciunt. Estque hoc par longum, duplici ventre præditum, & in medio instar tendinis extenuatum, quemadmodum ille maxillam inferiorem detrahens.

Addunt his alii *quintum par*, linguæ alioquin proprium, à Fallopio observatum. *Riolanus* quidem *Myloglossum*, unde hic *Mylohyoideum* vocat: *veslingius* vero *Genioglossum*, unde hic *Geniohyoides internum* appellat: quod interius à mento sub *Geniohyoide* pari proveniens in basin hyoidis inferatur, quam recta sursum trahit.

Ufus. *Ufus ossis hyoidis* est.

I. Ut sit basis linguæ. Et tamen mobile obscure: ne, ut putat *Waleus*, perpetuo gulæ incumberet & ita ciborum impediret deglutitionem, sed in deglutitione antrorsum moveretur, & ita gulæ orificium apertius constitueret.

II. Ut ab eo oriantur muscoli multi linguæ & laryngis.

C A P. XIII.

D E L I N G U A.

- L**INGUA à lingendo dicta; in ore sub palato
Sita est in homine.
- Situs.*
- Numerus.* Numero unica, in vitulis marinis duplex, in serpentibus trifida, in lacertis bifida.
- Figura.* In homine oblonga, lata & crassa, ad radicem quidem crassior, in extremitate tenuior & acutior.
- Magnitudo.* Magnitudine mediocri & ori respondentem, quæ si nimia sit, ut moveri expedite nequeat, blæsi fiunt & balbutientes, & si

& si nimia mollitie humiditateque abundet, ut in infantibus, minus recte articularæ voces proferuntur. Linguam *Causa loquelæ depravata.* vitio morbi in protentosam magnitudinem crevisse, adeo ut ore non caperetur, notarunt *Galenus, J. Camerarius, Zaccutus Lusitanus, M. Donatus.*

Connexio. In piscibus tota adhæret. In homine posterius nequitur laryngi, & hyoidi, item faucibus & tonsillis. Inferius in medio ejus corpore ligamento valido & membranoso, ad robur & stabilitatem, item ad insertionem propriorum musculorum: cujus extremitas *frænulum* dicitur; nec alius ab hoc diversus reperitur funiculus. Hoc in plurimis recens natis adeo totam linguam alligat, ut divelli obstetricis ungue (quod tamen perniciosum, nec admittendum) aut chirurgi scalpello soleat, ne suctioni vel futuræ loquelæ impedimento sit, & ut libere volvi atque moveri queat. Cæterum imperite omnibus indifferenter infantibus intersecant quum alioquin ex mille, quibus remansit, vix unus balbutiat, nisi manifeste linguæ exsertionem suctionemque inhibeat, tumque cavendum ne nervi pertranseuntes lædantur.

Tunica vestitur callosa in iis qui calidissima deglutiunt, *Tunica.* sed ordinarie, tenui, porosa, ut prompte saporis penetrent in linguam.

In exteriori linguæ membrana, *cornua* quædam fibrosa *Lingue cornua.* considerat *Malpighius*, ex bove, in obtusorem *papillam*, quæ in basi *cono* similis, desinentia. Illorum nonnulla extremitate sua, in mucosa substantia immerguntur, *concava*: Hæc evidenter cava, locum dant subintranti nervæ papillæ. Sub hac membrana, eodem observante, est *glutinosa* quædam substantia, alba superius, inferius subnigra, instar crassioris *retis* extensa, quæ conspicua foramina habet singulis cornibus respondentia. Infra hæc sequitur *nervosum & papillare* corpus subflavum & subalbum, membranæ instar excurrentis, læve qua carnem linguæ spectat, exterius inæquale, *papillas nerveas* miro ordine dispositas promens, quæ in homine, bove, capra & ove sunt *triplices*: 1. *Grandiores* capitulo rotundo, ad latera apicis linguæ & ad basin quoque situatæ, & in area superiori linguæ quadrato ordine dispositæ. Peculiare illis est, quod in basi propaginem nerveam habeant, cui adnascuntur. 2. *Copiosiores* à communi papillari corpore in mediocrem altitudinem elevatæ, ab extremo capite nerveas propagines ulterius emittentes, quæ subintrant sinus dictos & cornuum radicibus occurrunt. 3. *Graciliores* aliæ idem exordium sortitæ & ad eandem altitudinem elevatæ, quæ coni figuram referentes, proprios sinus

Numerosa.

qui in mucosa substantia extant, subintrantes desinunt, versus extimam membranam. *Papilla* hæc humanæ linguæ numerosiores in vivente, ac spiritu turgidæ, *Fracassati* observatione, dum lingua exseritur racemoto invicem coalitu se produnt. Omnibus ex animalibus insunt, vel in lingua, vel in palato, ut piscibus. In radice linguæ easdem observavit *Whartonus*, quarum unaquælibet in medio *sinulum* foraminulo perforatum habet, ex quibus mucus exprimitur. In lingua Leonis vidi setas breviores esse.

Substantia.

Substantia linguæ hæctenus à plerisque caro est peculiaris, qualis nulla alia, interim mollis, laxa, rara & spongiosa, ad imbibendos sapes humore aliquo vectos. In piscibus & nonnullis animalibus est ossea. Ad glandosam substantiam, præsertim circa basin, magis accedere videtur, quam ad musculosam, unde glandulam voluit *Arantius*. At musculum esse *Vesalius*, *Massa*, *Lindanus*, *Whartonus* asserunt. Consentit *Malpighius*: centrum enim linguæ multiplici fibrarum genere constare, longis, transversis & obliquis, quæ identidem invicem per superequitationem intextæ colliguntur, ita ut fiat velut teges. Ab apice ad ipsam usque

Fibra linguæ triplices.

basin distincte omnes fibrarum series demonstrat *Stenonius*, quæ in toto linguæ corpore tantum triplices » exteriores superioresque superficiiei proximæ fibræ rectum servant ductum secundum linguæ longitudinem, reliquarum totum medium corpus occupantium duo tantum genera, unum quod à superiori linguæ plano descendit, alterumque quod à medio versus latera in homine recedit. Hæc duo genera in certas series disposita, se alternatim excipiunt, quarum singulæ vix nisi unam in crassitie fibræ continent, ita ut stratum super stratum videatur. Ipsum superius linguæ planum, tunicam exteriorē inter & carnes carniū tendines servant clausos. Singulos substantiæ musculos ita adumbrat:



Lingua an musculus sit?

linguam autem non esse musculum alii probant, cum fibras unius generis esse proprie sic dictas musculorum non habeat, nec aliam partem moveat, sed ipsa movetur à musculis aliis. Alii addunt hanc rationem, quia alias fieret motus finem versus, & cauda musculi esset mobilis, caput immobi-

mobile. Sed hæc ratio falsa. Principium enim linguæ est in laryngis vicinia, & quasi ex osse hyoide ortum.

Vasa. Venæ duæ insignes sub lingua conspiciuntur, quæ *Vasa* secari solent in faucium affectibus, *raninae* dictæ ob colorem, ortæ à jugularibus externis. Has

Arteriæ duæ majusculæ comitantur à Carotidibus.

Nervi linguæ inferuntur tam motorii, quam sensifici, crassius par interiora perreptans, à septima conjugatione, quibus obstructis vel ad linguam non pertingentibus, gustus deperditur ex observatione Columbi. *Tenuius* par per exteriora tunicæ linguæ, à quarta conjugatione oritur, aliis tertia.

Dislinguitur lingua in superficie media, in partem dextram & sinistram per *lineam* quandam candidam, Hippocrati medianam dictam. Hinc Paralyfin una pars potest pati, illæsa altera. *Linea.*

Musculi LINGUÆ proprii, in ejus substantia desinentes, recensentur ab Anatomicis nonnullis sex, à quibusdam novem, ab aliis decem, ab aliis undecim, qui movent linguam, sursum, deorsum, antrorsum, retrorsum, & in latera dextrorsum, sinistrorsum. *Musculi.*

Primum par, quod in bobus est geminum carnosum & crassum, *oritur* ab externa facie appendicis styloïdis, in homine gracile: *finitur* fibris transversis in utrumque linguæ latus, *circa medium.*

Usus, linguam introrsum ducere. Sed ob fibras intertextas linguam sursum levant, si ambo agunt: sursum vero ad alterum tantum latus, si alteruter. Dicitur hoc par *Styloglossum.*

Secundum par myloglossum dicitur, *ortum* à lateribus maxillæ inferioris, ad radices dentium molarium. *Inferitur* sub linguæ basi in ligamentum linguæ. Ad hyoides os refert *Riolanus*, quod linguam non attingat. At satis est ad movendam linguam, si ligamento ejusdem affigatur.

Usus. Uno agente lingua sursum oblique ducitur; utrisque, apice recta ad palatum & superiores dentes.

Tertium par *oritur* in interno ad medium mentum, unde genioglossum dicitur, mesoglosson *Hornio*, *finitur* in mediam fere linguam inferius. In basin hyoidis defigit *Vestnigius*, unde ad ejusdem musculos refert. Et ob fibras diversas videtur actiones contrarias edere: fibrarum enim maxima parte, quæ linguæ radicem versus est, ad exortum tracta, lingua extra labia exseritur; minima vero parte fibrarum agente, introrsum. Inscriptiones habet hoc par ac si plures essent musculi.

FIGURÆ EXPLICATIO.

Osſis Hyoidis & Linguae musculos exprimit,
ex Caſſerio.

- A A A. Corpus maxilla inferioris.
B B. Corpus osſis Hyoidis.
C C C C. Primum par, ſternohyoides dictum.
D D. Secundi paris musculus unus in ſitu, alter ex eo remotus.
E. Tertium par in medio perforatum.
F F. Quartum par Coracohyoides.
G. Quarti linguae musculorum paris musculus.
H H. Linguae parenchyma in quod nervi inferuntur.
I. Quinti linguae musculorum paris musculus.
K K. Primi linguae musculorum paris musculus.
L L. Communes Laryngis muscoli, Sternothyroides.
M M. Communes alii Laryngis muscoli, Hyothyroides.
N N. Cartilaginee aſperae arteriae.
O O. Musculus maxilla inferioris, Digaſtricus dictus.
P P. Proceſſus ſtyloidis portiones.

Quartum oritur carneum ex ſuperiore & media regione osſis hyoidis, ſinitur in medio, poſtquam productum eſt ſecundum linguae longitudinem. Dividitur alicubi obſcure, ac ſi plures eſſent muscoli.

Uſus eſt, linguam recta intro trahere adeoque eam deprimere. Dicitur vero baſiogloſſum, vel ypsiogloſſum.

Quintum ceratogloſſum vocatur, quia oritur à ſuperioribus cornibus hyoidis, & in linguae latera juxta radicem oblique inferitur.

Oritur interdum ab inferioribus cornibus, quando nimirum altiora deſunt, poſtiſſimum in mulieribus. Eſtque hoc par in bobus geminum.


Uſus eſt, linguam recta deorſum interiora verſus movere, quando ambo agunt; ſi vero alteruter contrahitur, in la- tus movere dextrum vel ſiniſtrum.

Ab aliis additur undecimus musculus, qui tamen musculus non eſt: ſiquidem fibris non conſtat carnoſis; ſed eſt caro ex plurimis glandulis & pinguedine ad radicem linguae ſita, atque remotis dictis musculis apparens.

Uſus eſt, ut hac glandularum copia lingua madeat.

Sublingua-
les glandu-
lae.

Diverſe ab his ſunt glandulae ſublinguales dictae, quae utrinque ad linguae latera ſitae, vaſa ſeu ductus anguſtos ſalivae



*Ductus no-
vi.* livæ excretorios obtinent, à *Stenonio* revelatos. *Oriuntur* hi ductus intra ipsam glandulam exilibus rivulis, & hinc sibi invicem paralleli, à lingua versus gingivam recedunt, ubi ad digiti fere distantiam à dentibus, per tunicam hiant, ostiis vix conspicuis, nisi premantur.

Ufus. *Ufus* linguę est:

*Gustus or-
ganum.* I. Gustus esse instrumentum. Qua vero sui parte, non satis liquet. Non tunica, ut voluit *Galenus*, neque nervus gustatorius, ut quidam cum *Columbo*; sed vel ejus substantia, quod cum *Piccolhomineo* plerique hactenus, vel ejus glandulosa circa radicem pars, quod *Whartono* placuit, vel papillæ nervæ *Malpighii*, vel denique nervorum filamenta *Cartesii*.

*An sub-
stantia lin-
guę extre-
ma,* *Substantiam* negat *Malpighius*, quia 1. musculosa est caro. 2. Obstantibus involucris sapes non ita alte penetrare possunt carnem, ut eam moveant. 3. Fibrarum compositione motum potius quam peculiarem sensum edi indicatur. Sed si de extremitate linguę cum *Aristotele* explicemus, quę tenuis, nihil obstat. Fibrarum internarum caro mollior sapes recipere potest varios, pro vario illorum situ, & nervis ingerere. Musculorum externorum fibræ ad motum spectant.

*Vel mem-
brana,* *Membrana* pulpę glandulosę circa radicem maxime versatur. Sæpe tamen extrema linguę parte sapes discernimus.

*Vel Papil-
la nervea,* *Papillas nerveas* eligit *Malpighius*, imprimis primi generis majores & nervis firmiter connexas. Confirmat *Fracasfatus*, quia 1. eas omnia fere animalia habent. 2. In iis si seorsim, linguę non concurrente parenchymate, sapidum liquorem instilles, illico gustus emicabit, secus contingit si ad frænum, veluti iners. Sed apice linguę, sapes plerumque experimur. De nihilo non est *Lindani* conciliatio, quod in extremitate linguę sit sensus gustus, in tota voluptas. Juvat observatio *Fracasfati*: in linguę radice, ubi plenius gustus voluptati indulgemus, quędam patent foramina quibus nervi veluti *sacculis* attenduntur. Hinc sæpe dum lingua succo alibili imbuitur, confestim quasi nos restaurari. Arescente vero lingua, papillarum cæcos meatulos constringi. Papillæ tamen peculiare linguę non sunt.

*Vel fila-
menta ner-
vorum.* *Filamenta nervorum* gustatoriorum inter præcipua *Cartesio* reputantur, per quæ anima tot saporum species percipit, quot modis corporum terrestrium particulæ in linguam agunt, & movent filamenta. Ita rigidas salis particulas agitas & ab invicem salivę motu separatas, poros linguę pun-
ctim

Sim & non inflexas ingredi. Acidæ aquæ particulas in eodem ex obliquo influere, tenuissimas particulas incidendo, quæ tamen in crassiores impingentes inflectuntur. Illas quibus aqua communis constat, nullas linguæ partes incidentes, nec altius in poros illabentes, molliter eam solum allambere. Aquæ vitæ particulas omnium altissime penetrare, motuque celerrimo concitari. Particulas crassas & unitas, adeoque poris destitutas, quia à saliva separari nequeunt, nec poros linguæ subire nec filamenta gustus afficere, adeoque insipida esse, & inepta ad nutritionem. Quomodo variæ salium figuræ sapes varios efficiant tradit *Gassendus*.

II. Loquere. Nam miraculo vicinum, quod juvenis ille Vesopienſis, de quo *Lindanus*, cui Turcæ linguam radicatus exciderant, vehementi terrore voce articulata sic locutus. Salmuri alius ex variolis totam expuit sine vocis defectu.

III. Masticationem adjuvare, dum cibos hinc inde volvit.

IV. Lambere. Variolis faciem defædatam lambendo servavit nutrix Hafniensis. Et Edoardi Regis Anglorum venenata vulnera uxor Eleonora lingua sua curavit.

Ex quib; apparet conferre linguam non absolute ad esse vitæ, sed ad bene esse: partem enim ejus abscindi posse sine vitæ aut valetudinis noxa expertus est post *Galenum*, *Zacutus*, *Walaus*, alii. Lapidem sub lingua generatos usum loquelæ, donec exsecarentur, interceptisse notarunt *Abenzoar*, *Joubertus*, *Forestus*, talesque Patavii exemptos olim meminisse refert *Blasius*.

ANATOMIÆ

BARTHOLINIANÆ

LIBER IV.

DE

ARTUBUS.

*Artus
quid?*

*Cur in hoc
libro agen-
dum etiam
de musculis
capitis, cer-
vicis, dorsi,
&c.*



Artuum nomine veniunt membra ex trunco exporrecta, superius MANUS, inferius PEDES. In quibus præcipue considerantur musculi, venę, arterię, nervi & ossa. De quatuor posterioribus agemus in quatuor sequentibus libellis: DE MUSCULIS vero ARTUUM in hoc libro, uti & de vicinarum partium, *capitis, cervicis, thoracis, dorsi, &c.* musculis; non quod ad *artus* pertineant, sed quia in ordine -secandi, ab Anatomico ante musculos artuum demonstrari non possunt.

*Ufus Mus-
culi.*

De *Ufu* Musculorum verorum seu Artuum nemo dubitavit cum *Galeno*, ossibus movendis inservire. Negat tamen *Jo. Con. Stetterus* habere motum transeuntem, aut movere ossa, quia nimis magna: potius ne nudum & terribile simus skeleton, & ut corpore suo formę elegantiam largiantur, ut non tantum ossa frigori facile obnoxia tegant, & suo calore foveant, sed & insignes illas cavitates thoracis & abdominis circumdant, inclusa viscera ab externa injuria defendant: denique ut ossa etiam suis tendinibus aliquaten; connectant. Ossa vero à spiritibus inditis immediate moveri, flecti, extendi, circumgyrari, &c. Sed secundarii hi sunt usus, ad quos tanto apparatu diversissimorum musculorum partibus affixorum opus non erat. Illis ossa moveri, mechanice demonstratur, sicut affixo fune trabes moventur, ita tensio his & laxatio. Notum est inagmam molem recte minori attolli. Quidni magnis & vastis musculis? præterea, ossa immobilia sunt per se, quocunque spiritu externo inflectuntur.

insentur. Nec mollia sunt, ut ab interioribus commoveantur. Vulnerato, corrupto vel reciso musculo majusculo, ossa à motu cessant, quanquam in robustis satis spirituum affluat. Propior vero est *Petr. Petitus*, cui musculorum finis est, non simpliciter motum animale efficeret, quia insecta his carent, sed varietatem motuum & robur efficere; ob instrumentorum enim varietatem spiritus variare & se dividere ad varios motus. Hinc 1. membris, quæ plures motus differentias debent habere, plures musculos inferi. 2. robusta membra & animalia robustiores sortiri musculos.

CAP. I.

DE MANU IN GENERE ET
DE UNGUIBUS.

MANUS *Aristoteli* est organum organorum, quo homo alias nudus & inermis donatur, ne brutis inferior sit, aut ab iis vincatur; sed vincat, dum arma parat, aliaque instrumenta sibi necessaria. Quare secus quam bruta, rationem & manum homo accepit: & hæc quidem illius ministra est. *Manus usus.*

Est autem MANUS ex veterum *Hippocratis & Galeni* significatione pars à summo humero, usque ad digitorum extremitates, diciturque summa manus. *Manus quid?*

Et dividitur in brachium & manum strictè sic dictam seu extremam. *Manus in partes diviso.*

Brachium rursus dividitur in humerum sive brachium strictè sumptum & cubitum.

Brachium in specie sumptum est pars à summo humero usque ad cubiti flexuram.

Cubitus est pars à flexura cubiti usque ad carpum.

Manus extrema dividitur in brachiale vel carpum, quæ est pars inter cubitum & palmam; in postbrachiale vel metacarpum, quæ est pars inter carpum & digitorum initium; & in digitos. Postbrachialis pars interna, dicitur *vola manus* & palma; pars externa, *dorsum manus*.

Digitis plures dati sunt, ut melius fieret manus actio, quæ est apprehensio: ut etiam minima comprehenderemus, quod duobus fit digitis, & alias item multiformes figuras: & quia omnia una manu comprehendi non possunt, *Plures digiti cur dati? Manus actio.*

sunt creatæ, ut ad se invicem inclinantes, auxilium mutuum præstarent.

Dextra vero manus agilior ut plurimum & ad motum promptior est, non ob causas, quas alii pueriliter citant, scilicet
 1. quia in dextro latere homini est vena siue pari, quæ fortè in ambidextris gemina est. 2. quia ossa graviora in scapulis humero, & tota manu dextra esse, aliqui habent pro certo & comperto; quod fieri potest ab impressione uberioris caloris in utero matris, cujus pars dextra calidior. Hinc docet *Aristoteles* natura potiorē esse manum dextram sinistram; & alibi, primum impetum vel principium motus esse in parte dextra; ut homo progressurus prius moveat pedem dextrum, avis volare volens, prius moveat alam dextram. 3. quia truncus arteriæ subclaviæ dexter amplior est, quam sinister, diligenter considerantibus contra *Riolanum*, quamquam non adeo magna sit differentia, nec esse debuerit. *Plato* omnes natura ambidextros esse sentit, hominumque inscitia, inertiaque fieri, ut dextrum tantum aut lævum fiant. At *Aristoteli* placet, ab ortu nostri primordiis dextram partem ferme semper calidiorem, & lævam validiorem, nisi ad eam consuetudine, exercitationeque multa, multum caloris spiritusque quis traducat, ut ambidexter fiat.

*Digitorum
quinerus.*

*Digit*i vero ob perfectam actionem quinque facti sunt longitudine & crassitie differentes. Præter naturam est si vel digiti plane deficient, quod *Melite* vidi & *Florentiæ*, vel digitorum justorum loco puncticula tantum quædam & mollia vestigia pisi magnitudine appareant, quod hic *Hafnia* nuper observavi.

Primus pollex dicitur, quia robore pollet, & unus opponitur quatuor reliquis in apprehensione, ideoque crassus est.

Secundus index & demonstrator dicitur, quia ipso in indicando utimur.

Tertius longissimus & medius, impudicus dicitur, quia apud Medicos ejus usus est in locis sordidis & fœtidis; neque annulis ornari solet.

*De digito
annulari
error.*

Quartus medicus item *annularis*, quod annulo aureo ante alios ornatur, ob communem, sed falsam & Anatomiam repugnantem nonnullorum opinionem, ac si vena ex corde ad hunc potissimum digitum accederet; Cor vero auro confortatur.

Quintus auricularis, minimus, quia eo ob parvitatem aures facilius expurgamus.

Appre-

Apprehensionis ergo, quæ manus actio, vel uti alii ind- *Apprehen-*
 scriminatim loquuntur, usus est præcipuus, causa est to- *fo.*
 tius manus apta compositio. Præcipuum tamen hujus mo- *Manus*
 tus organum est musculus: firmamentum ossa, quæ in *compositio*
 digito quovis tria sunt, quorum inferius tanquam susti- *qualis?*
 nens superiori semper majus est & robustius, & utrin-
 que in juncturis cartilagine donantur, ubi humor unctuo-
 sus superfunditur ad humectationem & faciliorem mo-
 tum.

Secundarius manuum usus est, erudite differente Ky-
 pero, facere ad meliorem incessum pondere & libramento,
 imo ad celeriore progressum, unde funambuli, qui-
 bus pes latior vestigio, instrumentis oblongis se sublevant,
 & celerius incedentes, manus hinc inde dependentes li-
 brant.

Tactus quoque præcipue in manu viget, unde in vola
 manus & extremis digitis elatas rugas spiraliter ductas intus
 condere *papillas nerveas* pro tactu observavit microscopio
Malpighius.

UNGUES exterius apponuntur digitis, & etiam pedum *De ungui-*
 extremitatibus: quorum pars summa alba, dicitur *radix* *bus.*
unguium, lunula candicans, & pellicula radici adnata.

Materia non est ex humoribus alimentariis, ut voluit
Amilius Parisanus, *Plempius*, alique, sed ex excrementis
 crassioribus, non quæ ex corde ascendant, ut voluit *Rosa*
Anglica, aut ab arteriis, sed quæ ab ossibus, cartilaginibusve,
 quod magnus *Hippocrates* asseruit.

Efficiens, calor, qui ab anima dirigitur in hanc potius
 quam illam corporis partem. Interim ab anima non fiunt
 ungues, ut contendunt *Parisanus*, *Plempius*, & *Senguerdus*,
 quia in cacochymicis & phlegmaticis felicius crescunt, & in
 denatis quoque post 25. annos, ex observatione *Parai*. In
 melancholico succo abundantibus, scabiosis, leprosis, cras-
 siores vidi & longiores. Ungulas brutorum æmulabantur
 in sene à *Lud. Pouchio* viso, quarum deformitatem in *Epi-*
solis cum *Nebucadnesare* comparavimus. In pueris eadem
 crassitie excrevisse à me observatæ. Non nos moveat quod
 obijciunt, maxima in cornibus cochleisque colorum varie-
 tas, ea enim non magis animam hic arguit, quam in mar-
 more satis variegato. Nec crassities major in adultis quic-
 quam probat, quæ à majori excrementorum crassitie de-
 pendet.

Finis & Usus.

I. *Digitorum* extremitates mollissimas tueri, & muni-
 men-

mentum duricie præbere, ut commodius, melius & facilius fiat apprehensio. Sic etiam in pedibus, ut in statione resistere queant. Unde male ille olim in unguibus commodo loco collocandis Deos aberrasse dixit.

II. Ad ornamentum: nam læsos ungues tegimus.

III. Secundario ad fricandum, scalpendum & defendendum.

IV. Corpus humoribus superfluis & fuliginibus liberare.

V. Physiognomis & Medicis indicia vitæ & sanitatis præbere, qui passim videantur. Oneirocritica de iisdem ex Indorum, Persarum & Ægyptiorum traditione habet *Achmetes* c. 74. 75.

Formam venamur ex accidentibus. Tabes ab ulcere pulmonum olim, etiam *Galeno* dicebatur *Ἰνερ' αἷμα*: quia ut recte *Hollerius*, tabidi habent aduncos ungues, & absumunt omnia more lupi.

Figuram habent convexam nonnihil, ut se applicent ad digitos.

Substantiam habent mediocriter duram, ut resistent, sed tamen flexilem, ut cedant nonnihil, & non frangantur.

Color un-
guum &
inde de-
sumpta
signa.

Pellucidi sunt, & ideo varie colorati: nam pro ratione carnis subjæctæ rubent, livent, &c. Hinc observare colorem unguum solent Medici, nam ungues, exempli gratia, cordis calore deficiente, pallefcunt: morti vicinis lividi & fusci; & frigidioribus temperamentis pallidiores sunt ungues, at quibus calor justus est, rubescunt. Maculæ illæ albæ quæ in unguibus interdum in adolescentia apparent, à calore vegeto proveniunt, qui delitescencia excrementa ad ungues protrudit & ab aliis separat, huic heterogeneis.

Sensus un-
guum un-
de?

Connectuntur circa radicem *ligamento*. *Cutis* vero iis extrinsecus circumnascitur, & caro subnascitur vel potius tendines musculorum ibi dilatati: unde exquisitus ibi sensus, ex læsione magnus dolor.

Hæc breviter ratione compendii de unguibus.

CAP. II.

DE MUSCULIS HUMERI seu
BRACHII specialiter dicti.

REmotis partibus continentibus communibus, cuticula, cute, pinguedine, membrana carnosâ, &c. occurrunt MUSCULI, per quos motus fit, de quibus toto hoc libro agendum, commodo loco, secus ac *Hofmanno* visum, præsertim quia & utilis & necessaria est musculorum doctrina, ob cauteria, vulnera, &c. & in reliquis partibus tractari non potuerunt.

In genere vero de *actione* musculorum manus notandum, internos musculos potissimum flexionem facere, externos extensionem. Et musculos quidem totius manus internos & anteriores plures esse ac fortiores, quia flexio dignior est extensione.

Movetur HUMERUS varie, ideo musculos varios habet partim thoraci incumbentes, partim scapulæ adnatos, &c. Numerantur ab aliis septem, ab aliis octo, à *Casserio* novem. Brachium enim sursum movere dicuntur duo musculi: *deltoides* & *supraspinatus*; deorsum duo, *aniscalptor* & *rotundus major*: antrorsum unicus, videlicet *pectoralis*; retrorsum tres, *infraspinatus*, *subscapularis* & *musculus transversus brevior*. Circularem vero motum fieri putant ab omnibus successive agentibus, at alii circummagi volunt brachium ab *infraspinato*, *supraspinato* & *subscapulari*. Sed in recensendo nos ordinem sectionis servabimus.

Primus PECTORALIS dicitur, quia pectus vel thoracis anteriorem partem occupat, magnus & carnosus, quem *Galenus* in tres vel quatuor dividi posse censuit.


Oritur ex osse pectoris fere toto, & annexis cartilaginibus, ubi parum tendinosus est parte claviculæ & costis veris quinta, sexta & septima, *implantatur* tendine brevi, lato, nervoso & robusto in os humeri, inter *Deltoidem* & *bicipitem*.

Ufus est, brachium pectori admoveere, & prout fibræ contrahuntur magis ad superiora vel inferiora, vel recta, ita etiam inclinat. Hic musculus est, qui patitur in tormento, quod Itali vocant *tratto de corda*. Valde enim distrahitur & divellitur, quando brachia retro trahuntur.

Secundus dicitur *DELTOIDES* à figura Græcæ literæ Δ,
item

item *triangularis humeralis*, qui carnosus est & permanet, humerique capiti infertur.

Oritur ex claviculae media parte, scapulam spectante & ex summo humero. Inferitur in medio humeri, carnosus quidem sine, in quo tamen robustus tendo later. Unum hunc musculum dividit *Stenonius* in duodecim musculos, inter se unitos & compositos, sicut in bicipiti duo simplices.



Uſus eſt, brachium ſuſum tollere. In hujus media parte *Locus fontanellæ* ſolebant antiqui *fontanellas* facere; alii vero in exteriori *tanullæ in* parte ejuſdem muſculi: ſed rectius fit in interſtitio inter *brachio.* deltoidem & bicipitem, uti docetur in *tractatu Caſp. Bartholini Parentis de Canteriis*, quia 1. ibi eſt vena Cephalica. 2. Eſt inter muſculum & muſculum. 3. Optime ab ægro videri tractarique poteſt. Locus autem exacte invenitur infra humeri articulum, per quatuor aut quinque digitos tranſverſos, ubi ſectendo brachium percipitur digitis interſtitium muſculorum duorum, & ſublato brachio in obſiſis levi concavitate circumſcribitur, ut advertunt *Claudimus, Solenander, &c. Ferrara* menſuram quatuor digitorum ſumit à cubito brachii incipiendo, & ſuſum procedendo. Vide quoque *Glandorpium*.

Tertius LATISSIMUS eſt & totum fere dorſum cum ſuo *Uſus.* compari regit. Dicitur ANISCALPTOR, quia brachium retro deorſum trahit.

Oritur principio membranoso & latiffimo, à vertebra- rum ſpinæ apicibus, ab oſſe ſacro ilioque uſque ſextam tho- racis vertebra: *inferitur* inter pectoralem & rotundum valido, brevi ac lato tendine. *Figura* eſt triangulari.

Fallopius ex *Galeno* contra *Veſaliū*, docet hunc muſcu- lum quaſi novo ſed minimo principio donari, dum ex ſca- pularum angulo inferiori plurimas carnoſas fibras recipit. Hic quia amplum principium habet, diverſaſque ideo fi- bras, prout varie contrahuntur, ita vel verſus ſuperiora ma- gis, vel verſus inferiora humerus deprimitur. Quia vero an- gulum ſcapulæ inferiorem quoque pertranſit, leviter quo- que eandem cum humero detrahit.

Quartus dicitur ROTUNDUS MAJOR, eſtque oblique ſi- tus parte poſtica ſub axilla, carnoſus, craſſus, & aliis teretior.

Oritur carneus à coſta inferiore ſcapulæ, & nonnihil a- ſcendens tendine ſuo brevi, lato validoque, *implantatur* cum pectorali, in humeri partem ſuperiorem & inferiorem.

Uſus eſt, brachium retro deorſum trahere, & deltoidi contrariari.

Quintus brevis eſt & rotundus, totus carnoſus, qui initio acuto ex infimo ſcapulæ angulo *pullulat*; poſtea magis ma- giſque craſſeſcit ad medium uſque ventrem, inde ſenſim gracileſcens, acuto ſine *ſinitur* in ligamentum, quo humeri caput obvolutum eſt.

Situs habet obliquum, diciturque aliis TRANSVERSUS muſculus BREVIOR, aliis *rotundus minor*. Et eſt octavus *Fallopii*: quem muſculum alii putarunt eſſe portionem quandam quarti.

N n

Sextus


FIGURÆ EXPLICATIO.

Hæc Tabula omnes corporis Musculos ab Auctore descriptos, qui ab anteriore parte conspici possunt, exhibet.

A A. Musculi colli Longi dicti.	mus seu Longus.
B. Scalenus musculus.	T T. Musculus radii pronator Rotundus.
C. Mastoideus musculus caput flectens.	V. Radii pronator quadratus.
dd. Vertebra colli.	W. Supinator radii primus.
E. Levator scapulæ.	X. Carpi flexor primus seu externus.
FF. Clavicula.	Y. Musculus palmaris.
GG. Os sternum.	Z. Carpi flexor alter seu internus.
H. Acromion Humeri.	α. Os radii.
i. Musculus subclavius.	β. Os cubiti.
K. Pectoralis.	γ. Ligamentum cubito radium conjungens.
L. Deltoides.	δ. Musculus digitorum flexor sublimis seu Perforatus.
MM. Biceps.	ε ε ε. Profundus huic subjectus seu Perforans.
N. Perforatus.	ζ. Musculi lumbricales.
O. Serratus minor.	θ. Flexor pollicis.
PP. Serratus major.	κ. λ. Pollicem adducentes musculi.
qqqqqqqq. Musculi intercostales.	
RR. Brachia in utroque brachio ab utraque parte bicipitis conspicuus.	
SS. Brachium extendentium pri-	

Sequentes characteres inserviunt Musculis demonstrandis qui à lumborum regione ad extremum usque pedem anteriorius excurrunt.

AA. Musculus Ψoas seu Lumbaris.	M M. Gracilis.
B. Iliacus.	NN. Tibialis anticus.
C. Obturator internus.	OO. Peroneus biceps.
DDDDDD. Triceps.	PP. Quatuor pedis digitos extendens musculus.
E. Lividus.	Q. Pollicem extendens musculus.
FF. Rectus in situ, sed in femore dextro à sine suo dependens.	R. Gastrocnemius.
GG. Vastus internus.	rrrr. Musculi interossei.
H. Vastus Externus, qui in femore dextro dependet separatus.	S. Ligamentum transversum pedis.
IIII. Membranosus, seu fascia lata.	T. Tibia.
KK. Crureus.	V. Fibula.
LL. Longus, fascialis, seu sartorius.	X. Patella.



Back of
Foldout
Not Imaged

Sextus INFRASPINATUS dicitur, item *superescapularis inferior*, qui scapulæ partem externam & gibbam totam tegit, cujus etiam formam habet: angustior vero factus, tendine lato brevique ligamento humero inseritur.

Putatur brachium ad exteriora circumagere retrorsum. *Ufus.*

Septimus SUPRASPINATUS, item *superescapularis superior*, aliis *rotundus minor*, supra axillam carnosus & oblongus implet cavitatem inter costam scapulæ superiorem, & ejusdem spinam, è qua nascitur.

Inseritur vero tendine lato & valido cervici humeri ad articuli ligamentum, articulum primum supervectus.

Hujus *Ufus* idem putatur, qui prioris: aliis sursum cum Deltoides movere.

Octavus, SUBSCAPULARIS dicitur, seu *immersus*, carnosus valde inter scapulam & costas habitat, & occupat partem internam scapulæ, inseritur vero lato tendine in humeri secundum ligamentum interne.

Ufus, brachium introrsum circumagere.

Nonus. Noni musculi inventio *Arantio* & *Placentino* debetur, estque in anteriori brachio, PERFORATUS dictus.

Oritur à Coracoide processu Scapulæ, inde *Coracoideus* sive *Coracobrachialis* dicitur *Riolano*; inseritur in internum humerum circa medium, juxta tendinem Deltoidis. Principium habet nerveum & breve, oblongum ventrem satis corpulentum, & robustum tendinem. Venter ejus perforatus est, & transitum nervis largitur, qui ad cubiti musculos distribuuntur. Hunc musculum alii saltem musculosam portionem bicipitis vocant.

Utilem ad brachium scapulæ processui adducendum, sive antrorsum supra pectus attrahendum.

C A P. III.

DE MUSCULIS SCAPULÆ, seu OMOPLATÆ.

Quia movetur SCAPULA antrorsum, retrorsum, sursum & deorsum; ideo quatuor accepit *musculos*, quibus tamen alii duos addunt, Serratum majorem & digastricum. Sed male. Nam hic est ossis hyoidis, ille vero thoracis proprius. *Error aliorum.*

I. Dicitur SERRATUS MINOR, estque musculo pectorali substratus.

Oritur à costis superioribus quatuor, excepta prima, &

fursum oblique ascendens, sine partim carneo, partim tendineo, juxta processum ancoriformem scapulæ *inserirur*.

Ufus antrorsum ad thoracem adducere.

II. *Galeno* *TRAPEZIUS* dicitur: aliis *cucullaris* ob figuram, quod referat cucullam Monachorum religiosorum. An autem musculus ille primis parentibus impositus sit tanquam tessera vitæ religiosæ, sicut conjicit *Riolanus*, non credo, quia & alii religiosi sine cucullo, & cum hoc plurimi minus religiosi, sive professionem sive mores spectes. Impositum autem hoc nomen musculo à Medicis Christianis ad similitudinem tegminis Monachalis.

Oritur carneus & tenuis ab occipite. Unde ad octavam thoracis vertebra descendit, indeque ut & ab occipite sensim attenuatus, spinæ, scapulæ, summo humero & claviculæ *inserirur*.

Sed ob varium ortum, variasque fibras

Ufus.

Varie movet scapulam; sursum, oblique ob fibras oblique ab occipite ad omoplatam descendentes, quod frustra nobis negat *Riolanus*, deorsum ob fibrarum ductum ab octava dorsi vertebra ascendendum, & recta ad dorsum, ob fibras rectas in medio musculi ad scapulam protensas.

III. *RHOMBOIDES* à figura quadrilatera, sub cucullari situs, tenuis & latus.

Oritur à tribus inferioribus colli & tribus superioribus thoracis vertebra, eademque latitudine basi scapulæ *inserirur*.

Ufus est, nonnihil oblique sursum ad posteriora trahere.

IV. *LEVATOR*, aliis *Patientie* musculus, quia elevant scapulam, quibus non ex voto res succedunt, supra claviculam est.

Oritur à vertebrarum colli quinque transversis processibus, variis principiis (unde plures videri possunt) quæ mox coeunt: & *insertio* fit in angulo scapulæ altiori & inferiori, lato & carneo tendine. *Ufus* est, antrorsum trahere & attollere scapulam cum humero.

His musculis scapula per se, & brachium per accidens movetur; sicut scapula per accidens à brachii musculis.

CAP. IV.

DE MUSCULIS THORACIS, seu
RESPIRATIONIS.

Respirationi inserviunt plurimi muscoli : ut diaphragma, omnes intercostales, aliqui abdominis, de quibus lib. 1. & 2. actum ; &

THORACIS proprii, qui recensentur utrimque sex ; quibus tamen addit Fallopius tres in cervice ; qui Vesalio sunt partes musculorum cervicem & dorsum occupantium.

Proprii thoracis musculi thoraci adnati sunt : duo parte anteriore, *subclavius* & *triangularis* ; Latera occupat *serratus major* ; reliqui in postica sunt parte, nempe *serratus posticus uterque*, & *sacro-lumbus*.

SUBCLAVIUS, eo quod sub clavicula situs sit, spacium replet inter claviculam & primam costam. Platerus inter intercostales numerat.

Oritur carnosus à parte interiore & inferiore claviculæ : Inferitur carnosus in partem superiorem primæ costæ, quam sursum & extrorsum trahit. Et hic est primus musculus, qui thoracem dilatat seu distendit. Huic contrarium usum assignat Spigelius, claviculam nimirum deorsum trahere, quæ per se tamen immobilis, quare & contrarium illi ortum, contrariam insertionem adscribit.

II. SERRATUM MAJOR magnus est, latus & undique carneus, cum abdominis obliquo descendente serratam compagem efficit.

Oritur carnosus ex basi interna scapulæ. Riolanus originem altiore observavit à costis duabus supernis usque ad claviculam, quæ costæ videntur immobiles. Porrigitur tendine quinque inæqualibus extremis ad costas quinque veras, nonnunquam & ad spurias duas, quas attollit. Contrarium huic usum quoque adscribit Spigelius & Veslingius, quare reliqua quoque contraria, ortus, insertio.

III. SERRATUS POSTICUS SUPERIOR, minor, sub Rhomboide in dorso inter utramque scapulam habitat.

Oritur à spinis colli inferioribus, & prima dorsi, membranofus : inferitur quatuor superiorum costarum tribus intervallis, tripartitus : & eas costas sursum trahit.

IV. SERRATUS POSTICUS INFERIOR, major, est membranofus & latus, fere in dorsi medio, sub musculo latissimo seu aniscalptore, à spinis vertebrarum dorsi inferiorum, ortus.

tus. *Inferitur* ad costarum inferiorum quatuor intervalla, velut in digitos divisus. *Usus*, thoracis partem inferiorem dilatare.

V. Præcedenti substernitur, & aliis putatur communis esse tam dorso quam thoraci. Dicitur *SACROLUMBUS*, quia *oritur* ab ossis sacri posteriore parte, & lumborum spinis, carnosus interius, exterius nervosus. *Inferitur* costis inferioribus duplici tendine, uno extus validiore, alio intus. Non facile separatur à longissimo isto dorsi musculo, ut videri possit ejus particula. *Usus Vessingio* est thoracem constringere. *Spigelius* nobiscum statuit, quia uno continuoque principio cum dorsi longissimo nascitur, thoracem extendere & erigere.

VI. *TRIANGULARIS*, parvus est & subtilis, in macilentis vix carnosus, intra sub sterno latitat, ex cujus parte inferiore *ortum* habet. Unde *Sterni* musculus commode appellari potest. *Inferitur* oblique cartilaginibus inferioribus, quas adducit, & thoracem constringit. Portionem esse musculorum intercostalium minorum credit *Marchettus*, à quibus absque dilaceratione separari non possit.

C A P. V.

DE MUSCULIS CAPITIS.

MOVETUR C A P U T, vel secundario ad cervicis motum à cervicis musculis; vel primario supra primam vertebram, cui immediate & arte jungitur, antrosum & retrorsum flectendo; supra secundæ vertebræ dentiformem processum, cui occiput insistit & firmiter necitur, veluti axin circumducitur, qui motus fit novem musculorum paribus.

Primum par *longum* & crassum, dictum nonnullis *Splenium* est, vertebris utrinque instratum. *Oritur* duplici principio, uno à spinis vertebrarum thoracis superiorum, altero à quinque spinis inferioribus vertebrarum colli, à quibus fertur ad medium occipitis; lateraliter vero antequam finem attingat, tendinem unum validum, aliquando etiam duplicem, processui transverso secundæ vertebræ colli donare notat *Marchettus*. *Usus* est, caput ad posteriora recta trahere. Si vero alteruter tantum agit, circulariter in latus motus fieri putatur.

Secundum *implicatum* & *complexum* est atque dicitur. Videtur quasi ex tribus musculis constare; principia varia habet,

habet, ad septimam cervicis, primam, tertiam, quartam thoracis vertebra, variaque ratione in occiput implantatur.

De Splenii & Complexi fibris notat *Riolanus*, decussatim intersectas esse & dispositas ad utriusque musculi robur.

Tertium par sub secundo pari situm est, parvum & crassum, quod *Vesalius* voluit prioris musculi quartam partem esse. *Inferitur* in processus mammillaris posteriorem radicem. *Usus* est, caput retrorsum leviter ducere; & si alteruter agat, retrorsum ad latus.

Quartum dicitur *rectum majus*, parvum, carnosum & gracile. *Oritur* à secunda colli vertebra, *desinit* in medium occiput,

Quintum rectum minus sub priori pari latet. Ortus ejus à prima vertebra colli; *insertio* & *usus* est, ut tertii & quarti.

Sextum obliquum superius adhuc subtus latet. *Oritur* quibusdam è medio occipitis, & deorsum descendens *inseritur* transversim in apices processuum vertebrarum colli. Aliis non male, ut *Veslingio*, *oritur* à primæ vertebræ processu, *desinitque* in occiput juxta latus externum rectorum.

Septimum obliquum inferius à secunda colli vertebra *oritur*, processui transverso primæ vertebræ *inseritur*.

Usus utriusque obliqui est circumagere ad latera caput.

Octavum Mastoides, parte anteriori colli, longum & teres, *oritur* fere duplex à sterni & claviculæ summa parte, *inseritur* sine carnosio & crasso in mammillarem processum. *Usus*, caput flectere.

Nonum par *Fallopins* addit, sub gula in anteriore colli parte, adjacens primo cervicis pari, *Oritur* nervosum à ligamenti vertebrarum cervicis; *inseritur* in basin capitis, quod pariter cum priori flectit.

C A P. VI.

DE MUSCULIS CERVICIS, seu COLLI.

Musculi COLLI utrinque quatuor sunt. Duo primi flectunt, duo reliqui extendunt.

I. LONGI duo sub oesophago latitant, à quinta thoracis vertebra principium sumentes carneum & acutum ascendunt in primæ vertebræ processum extuberantem acuto tendine, aliquando & occipiti prope magnum ejus foramen *inseruntur*.

Ufus est, cervicem recta anteriora versus flectere, & una caput: si vero unus agat, in latus flectit.

His flexoribus duos alios addit *Veslingius*, dictos *Breves*. Sed iudice *Marchetto*, sunt continuationes potius prædictorum.

II. SCALENI, quibusdam thoracis musculi sunt, habentque foramen peculiare, per quod in brachia venę, arterię & nervi cervicales exeunt. *Oriuntur* carnosii ad colli latus à prima costā; *inferuntur* interne in vertebrae plerumque omnes colli, earumque præcipue processus transversos.

III. TRANSVERSALES duo in dorso siti, *oriuntur* à sex vertebrae thoracis, superioribus externis: *inferuntur* exterius in omnes vertebrae cervicis transversos processus. Inter hos vero nervi exeunt. *Ufus* est, extendere vel in posteriora flectere, at si unus agat, oblique movere.

IV. SPINATI duo, inter spinas totam cervicem occupant, suntque longi & ampli. *Oriuntur* à quinque spinis vertebrae colli, septemque thoracis. In totam inferiorem spinę secundę vertebrae partem valide *implantantur*. *Ufus*, ut tertii paris.

C A P. VII.

DE MUSCULIS DORSI, ET LUMBORUM.

Movetur SPINA DORSI antrosum, retrorsum, ad latera, & circulariter. Atque in hystriombus infinitos motus dorsi videre licet. Nam omnibus vertebrae offeruntur tendines, ac si plures & infiniti essent musculi, quos tamen tendines Anatomici multi ad unum musculum referunt magnum, dicuntque unum musculum habere multos tendines. Communiter verò quatuor paria dorsi constituunt: ubi notandum, si alteruter agit, spinam in latus moveri, si totum par, flecti vel extendi.

Primum par QUADRATUM appellatum, *adhærens* processibus transversis vertebrae lumborum, *ortum* interius ab ossibus ilio & sacro, latum & carnosum. *Riolani* ab apphysibus transversis duarum vertebrae inferiorum dorsi, & ultima costā mavult educere, ut possit cum musculis obliquis descendentibus & rectis agitare & movere antrosum compagem ossium Ilii. Ceterum quum ista hypothesis adhuc sit incerta, & ipsomet fatente cum *Cajo* de flexu lumborum & compaginis res sit accipienda, ex nostra potius

ori-

origine hujus musculi est *Ufus*, lumborum vertebrae flectere.

Secundum LONGISSIMUM, oritur acuto & valido tendine exterius tendineo, intus carneo, ab extremo ossis sacri, lumborum vertebrae, & osse Ilium, eodem cum Sacrolumbo principio, quo cum fere confunditur, donec in progressu juxta infimam dorsi vertebrae ab illo separetur. Jungitur vero deinde transversis singulis lumbalium vertebrarum ac dorsi processibus, quibus tendines largitur velut *ansulas* quasdam, tandemque desinit modo in primam vertebrae thoracis, modo ad processus mammillares prope os temporum. *Ufus*, thoracem, lumbos, & eorum vertebrae, extendere.

Tertium huic subiectum est, quod SACRUM appellatur, quia ab osse sacro posterius oritur, carnosum, & in duodecimae vertebrae thoracis spinam, aliis etiam in lumbalium vertebrarum spinas obliquosque processus, variis tendinibus finitur. *Ufus* ut prioris.

Quartum SEMISPINATUM, ortum ubi praecedens desinit, omnes vertebrarum thoracis spinas amplectitur, tendinesque largitur, & desinit in spinam primae thoracis vertebrae. *Ufus*, thoracem erigere.

Si omnes octo agunt, dorsum rectum detinent, & hominem quasi sustentant. Nec ulli praeter hos aut in superioribus explicatos, lumborum sunt musculi, antehac cogniti, quos vel praetermiserimus, ut objicit *Riolanus*, vel ignoraverimus.

Vertebrales omnes musculos ita in ordinem redigit *Ste-nonius*: Est vero illi vertebralis musculus, cujus utraque extremitas vertebrae continua est; estque vel *Rectus*, vel *Obliquus*.

Rectus, cujus utraque extremitas est in eadem linea spinali medullae parallela; hicque vel *Medius*, cujus utraque extremitas continuatur mediis processibus, seu spinis vertebrarum; vel *Lateralis*, cujus utraque extremitas continuatur lateralibus seu transversis processibus vertebrarum. Ad medios spectant *Spinati*, ad laterales *Transversi*.

Obliquus, cujus extremitates sunt in duabus lineis spinali medullae parallelis. Est vel à *Medio Recedens*, cujus extremitas superior in processibus lateralibus est, hujus generis est pars *Splenii* inferior; vel ad *Medium Vergens*, cujus extremitas inferior in processibus lateralibus est. Huc spectat *Longi* in collo secunda pars, & omnes illi qui à spina colli secunda ad os sacrum usque immediate vertebrae utrinque

FIGURÆ EXPLICATIO.

Aliquot musculos, qui à posteriore corporis parte primum se offerunt, tradit.

- aa. Musculi capitis Complexi.
- BB. Splenii.
- CC. Levator scapulae uterque.
- D. Trapezius seu Cucullaris è situ.
- E. Suprasspinatus.
- F. Infraspinatus.
- G. Rotundus major.
- h. Rotundus minor.
- II. Rhomboides.
- KK. Dorsi latissimus.
- L. Serratus posticus superior.
- M. Serratus posticus inferior.
- NN. Dorsi longissimus.
- OO. Sacrolumbus.
- P. Quadratus.
- Q. Sacer dorsi musculus.
- R. Brachium extendens musculus, longus dictus.
- S. Alter extendens, Brevis.
- TTT. Supinator brachii alter, Auctori nostro, primum vide Tab. seq.
- V. Carpi extensor primus, aliis bicornis, hic dependens.
- W. Carpi extensor alter.
- XXXXX. Extensores bini digitorum.
- Z. Apophysis humeri externa.
- Δ. Deltoides.
- Γ. Brachieus.

Sequentes Characteres inferiorum artuum musculos demonstrant.

- A. Gluteus major extra situm.
- B. Gluteus medius in situ.
- C. Pyriformis dictus musculus.
- D. Obturator Internus, alias Marsupialis.
- EE. Flectens tibiam Biceps.
- FF. Semimembranosus.
- gg. Seminervosus.
- hh. Gracilis.
- II. Triceps sinistri lateris.
- Δ Δ Δ. Triceps in dextro latere.
- LL. Popliteus.
- MM. Gastrocnemii, qui in sinistro latere in situ, in dextro è situ remoti sunt.
- NN. Soleus musculus.
- O. Plantaris.



Back of
Foldout
Not Imaged

ineumbunt, quibus *Semispinati* nomen recte imponitur. Fere omnibus his commune esse *Stenonius* monet, ut una vertebra superior à pluribus vertebra inferioribus musculos accipiat, & una vertebra inferior in plures superiores vertebrae musculos mittat.

CAP. VIII.

DE MUSCULIS CUBITI,
ET RADII.

MUSCULI CUBITI ordine sectionis arbitrario sequuntur. *Ordo in sectione.*
Sectorem tamen monemus, non demonstrandos statim post hos radii, sed omnium ultimo; post cubiti vero musculos, digitorum, pollicis & carpi, quia horum musculus demonstratis remotisque, commodius musculorum radii insertiones discernuntur. Alioquin demonstrationem musculorum cubiti & radii potest proxime excipere brachium, ordine cuius arbitrario.

Musculi cubiti quatuor sunt, & RADII totidem.

Duo cubiti flexores sunt, ut *biceps* & *brachiius*. Duo extensores, *longus* & *brevis*.

Duo radii pronatores sunt, *rotundus* & *quadratus*, & duo supinatores, *longior* & *brevior*.

Cubiti namque proprius motus est flexio & extensio. Radius vero manum totam pronam vel supinam facit.

CUBITI primus dicitur *Biceps*, ob duplex ejus initium distinctum, quod est à scapula, alterum tendineum & teres, à superiore supercilio acetabuli, alterum latius minusque tendineum à processu ancoriformi. *Inferitur* vero in radii caput, & corpore suo brachii internam sedem occupat. Hujus tendo est, qui in venæ sectione caveri debet.

Hunc musculum ex duobus componit *Stenonius*, ita sibi mutuo appositis, ut tendines inferiores unum tendinem constituent intra carnes reconditum, tendines vero superiores carnem intra se contineant. Deinde notat idem *Stenonius*, quod carniū hic ea sit longitudo, ut diagonales breviores semper obtusos cum oppositis tendinibus constituent angulos.

Secundus sub hoc latens, ipsique ossi superstratus brevior, *BRACHIIUS*, totus carnosus, præcedenti minor, *oritur* ab osse brachii medio, & antè *inferitur* in cubiti, radii principium commune, articuli que ligamentum.

Tertius *EXTENDENS* primus est & *LONGUS*, *oritur* duplici

FIGURARUM EXPLICATIO.

Ex Stenonio.

FIGURA I.

Gastrocnemii.

A. Extremitas superior.

H. Extremitas inferior.

GD. Superficies interior.

ABFE, HGCD. Trapezia tendinum.

BFGC. Parallelogrammum carniū.

FIGURA II.

Bicipitis musculi.

EH. Est planum ordinum.

E. Extremitas superior.

H. Inferior.

FIGURA III.

Musculi Semimembranosi.


ABFE. Superioris tendinis trapezium.

HGCD. Inferioris trapezium.

plici principio à scapulæ costa humiliore, *finitur* carnosus in olecranium.

Quartus EXTENDENS secundus & BREVIS, *oritur* ab humeri cervice, posterius miscetur cum præcedente, & humeri os occupat, *desinit* vero in illam olecrani partem cui innitimur.

Quintum addit *Casseri* tertium extendentem, qui aliis est portio quarti musculi, at ipsi distinctus musculus, ut & Anatomicis posterioribus. *Riol. & Vesling. Anconeum* vocant. Ille vero portionem *Brachii* sui externi esse vult, quia arcte illius extremitati carnosæ interdum cohereret, & respondere *popliteo*, ut servetur pedis & manus æqualitas. *Pullulat* ex poste-



posteriori extremitate humeri, juxta finem quarti & tertii musculi, & cubiti articulum prætergressus, in os cubiti posteriore quoque parte laterali, non longe tamen digiti membræ transversæ distantia, ultra olecranium *inseritur*.

Sextum præterea, Extendentium quartum *Galenus* videtur addere, nempe molem carneam, duobus primis confusam, quem *Riolanus* vocat *Brachium externum*, ad Brachii flexionis interni differentiam, quia brachio externo instratus, duobus illis primis subjicitur.

Primus musculus RADII ROTUNDUS, aliis Teres, in apophysi interna brachii valido carnosoque initio, oblique in radium fere medium cessat, carnosus sine & tendine membranoso quoque, quem versus medium radii iterum pergere, ejusdemque radii externo lateri adnecti scribit *Spigelius*.

Secundus QUADRATUS ab imo cubito in imum radium, totus carnosus duorum digitorum utrobique latitudinæ supra ligamentum illud, radii cubitique commune vinculum, progreditur. Hi manus pronatores sunt.

Tertius est SUPINATOR PRIMUS, ab inferiore brachii parte acuminata in inferiorem radii partem carnosus, *inseritur* tendineo sine.

Quartus est SUPINATOR ALTER, ab apophysi externa brachii carnosus enascens, foris membranosus, intus carnosus progreditur in medium fere radium.

Inter musculos Radii invenit *Casseri* aliquando duos parvulos, circa articulum cubiti exiles, & opposito modo incedentes, atque instar trochleæ pronum & supinum radium moventes. Eos tamen non inveni. Aliquando illorum loco vidi in musculo homine, unicum musculum *Triangularem* à summo cubito ortum & desinentem circa medium ejusdem carnosus sine & angustus, nec illius musculi portio erat, quos omnes ante diligenter separavimus. Quo hic naturæ instituto constitutus sit, nondum dixerim.

CAP. IX.

DE MUSCULIS CARPI, ET
DIGITORUM.

Ad CARPI & volæ *musculos* refertur PALMARIS, ab apophysi interna brachii ortus rotundo tendineoque principio, omnibus fere musculis manus superjectus, expanditur in volam manus, cuti firmissime adhaerens: ubi sub cute in vola manus est latus tendo; unde eximius ibi sensus: desinit vero in prima digitorum internodia: videtur factus ut firmior volæ comprehensio corrugata cute esset.

Huic addunt *Membranam carnosam*, quæ contractam colam explicet, item *carne quadratam* à membrana illa natam, aliquot musculos referentem, sive ut extendat volam manu aperta, ut arbitratur *Spigelius*, sive ut cavam reddat, quod *Riolano* placet.

Musculi CARPI quatuor sunt; duo flexores & interni; duo extensores & externi.

Primus flexor Cubiteus internus *Riolano*, cui nomina hæc debemus, à brachii interna apophysi ortus, cubitoque attentus, in quartum os carpi crasso tendine implantatur.

Alter, Radius internus, quia per radium exporrigitur, ex eodem principio desinit in os metacarpi primum, sub indice.

Primus extensor Radius externus à brachii externa apophysi lato principio oritur, inde carnosior factus Radio instratus, in duplicem desinit tendinem, ad os metacarpi primum & secundum.

Alter, Cubiteus externus eodem principio, per cubiti longitudinem unico tendine abit in os quartum Metacarpi, sub minimo digito.

DIGITI *flectuntur*, *extenduntur*, *adducuntur* & *abducuntur*.

Flectunt sublimis & *profundus*.

Ille ab interna brachii apophysi, antequam ad carpum perveniat, in quatuor finditur tendines, ligamento instar annuli arctatos: in digitorum inseruntur internodium secundum, efformata prius fissura seu concameratione, quam sequentis musculi tendines transeunt, unde *Perforatus* dicitur.

Hic

FIGURÆ EXPLICATIO.

Remotis adjacentibus aut superstratis, reliquos à posteriore corporis parte conspicuos musculos repræsentat.

- a a. Musculi capitis Recti minores dicti.
- b b. Recti majores.
- c c. Obliqui superiores.
- d d. Obliqui inferiores.
- α. Levator scapulæ.
- β. Rotundus minor.
- γ. Serratus major.
- E E. Musculi Colli Transversales dicti.
- f f. Spinati duo.
- G G. Sacrolumbus.
- H. Dorsi longissimus in situ.
- I I. Idem extra situm, ut appareat.
- K. Dorsi musculus semispinatus.
- L L. Sacer dorsi musculus.
- M. Musculi dorsi Quadrati.
- N. Supinator brachii primus.
- O. Carpi extensor primus, seu bicornis extra situm.
- P. Carpi extensor alter.
- Q Q. Bini digitorum extensores extra situm.
- R. Indicis extensor.
- S S. Pollicem extendentes duo musculi.

Sequentes characteres inferiorum artuum musculos designant.

- A. Gluteus medius extra situm.
- B. Gluteus minimus in situ.
- C C. Idem extra situm.
- D D. Pyramiformis in utroque latere.
- E. Marsupialis seu obturator internus.
- F. Idem in sinistro latere extra situm, ubi.
- G. Marsupium eleganter exprimitur.
- H. Obturator externus.
- K. Quadrigeminorum quartus, Auctori Quadratus.
- L L. Flexor Tibiam Biceps.
- M M. Semimembranosus.
- N N. Seminervosus.
- O O. Gracilis.
- Δ Δ. Triceps.
- I. Crureus.
- P P. Tibialis posticus.
- Q Q. Flexor digitorum pedis; Magnus vocatus, alias Perforans.
- R. Flexor minor seu Perforatus.
- S S S. Flexor pollicis.
- t. Pollicis adductor.
- u. Ejusdem abductor.
- x. Minimi digiti abductor.
- z. Carnea massa in planta pedis.



Back of
Foldout
Not Imaged

Hic priori substratus & similis, tertio internodio per fissuras priorum tendinum *inseritur*. Unde *Perforans* vocatur.

Circa ligamenta hæc digitorum notandum 1. elegantie naturæ artificio *fissuram* oblongam cuique esse insculptam, ut per hanc tertii internodii ligamenta velut per fornicem transeant. 2. Vaginam membranofam amplecti eisdem tendines acriter & constringere, ne in flexura manus loco dimoveantur. 3. Armillam membranofam robustam in carpo colligare omnes tendines internos externosque, quæ discissa sede sua facile moventur.

EXTENSORES pro uno numerat *Jacobus Sylvius*, & digitorum tensorem vocat; cum tamen eorum varient & ortus & insertiones. Bini sunt, & *oriuntur* fere ab apophysi humeri externa, & annulari vinculo, tendinibusque cancellatis prius colligati in secundum & tertium articulum confusius *inseruntur*.

ADDUCUNT digitos musculi quatuor, *lumbricales* seu *vermiculares* dicti à figura & exilitate. *Oriuntur* à tendinibus profundi musculi, & secundum latera digitorum protensi, oblique ad tertium internodium feruntur. *Spigelius* & *Veslingius* tantum in primum internodium tendine tereti inferi volunt, quos veros interdum deprehendi, tendine illorum membranis internodii immixto.

ABDUCTORES interossei sunt sex, in spaciis metacarpi, tres exteriores & tres interiores, qui cum vermicularibus coeuntes, per latera exteriora & interiora digitorum incedunt, tendinesque suos ad tria internodia extendunt, extensioni aliquantulum inserviunt. *Externi* palmæ incumbunt, *interni* volæ inter metacarpi ossa.

Musculi POLLICEM flectentes duo sunt:

Primus à superiore radii parte in alterum articulum *inseritur*.

Alter ab osse carpi, sub pollice, in medium pollicem præcedenti totus subjicitur.

Extendentes duo sunt à cubito orti. *Primus* ad tertium internodium pertingit. *Alter* ad secundum reliquosque pluribus tendinibus, modo simplici, modo duobus, modo tribus.

Adducentes tres, duo à metacarpo orti, & tertius ab osse metacarpi indicem spectante, quem *Riolanus* vocat *Antithenar*, sicut alterum priorum adducentium *Hypothenar* pollicis.

Abducentes sunt tres *ἀνόνυμοι*, nisi quod unus ex illis *Thenar* vocetur eidem.

Index proprios habet musculos duos, quos aliqui confundunt. Primus *Abductor* ab internodio pollicis primo interno, ad indicis ossa terminatur, quo à digitis reliquis abducitur, pollicique adducitur *Index*.

Alter *Indicis Extensor*, quem *Riolanus* vocat *Indicatore*, uti & *Veslingius*, quanquam hic cum *Abductore* confundat. *Oritur* à cubito medio & externo, *desinitque* duplicato tendine in internodium *Indicis* secundum.

Minimi digiti proprii itidem duo sunt, *Abductor* & *Extensor*. Ille in plures secari potest, in vola ab osse tertio & quarto carpi secundæ seriei *ortus*, in articulum primum ejusdem digiti exterius ad latus *desinit*. *Aquapendens* eumque sequuti posteriores, statuunt minimum digitum exterius abducere à reliquis. *Extensor* proprius, à *Riolano* magno exacte separatus, à radii parte superna *ortus*, perque cubitum & radium delatus, in digitum exterius duplici tendine *inseritur*.

C A P. X.

DE PEDE IN GENERE.

Pes quid? **P**es dicitur totum id, quod est à natibus ad digitorum pedis extremitates, aliis *Magnus* pes, vel *Crus*, & dividitur in suas partes, sicuti & manus, non absimili comparatione, nempe in *femur*, *tibiam*, & *parvum pedem*.

Pes minor rursus dividitur in *pedium*, *metapedium* & *digitos*.

Usus pedis vel *cruris* est, ut sit ambulationis instrumentum: quæ fit per motum & firmationem. Nam uno crure in terram firmato, alterum movemus & circumferimus, & ne in terram cadamus, pes fixus prohibet: atque ita ambulatio. *Firmatio* ergo est totius corporis actio, *motio* vero pedis, quam vel promovet vel tardat femoris longitudo aut brevitās, sicut aves quia volare debent, ne impedimento esset moles, brevi sunt femore longisque pedibus, qui gressum ideo tardat. At homines tardius se promovent quam canes, quia illos successiva promotio pedis à calcaneo ad digitos remoratur, hi vero unico parvi pedis motu cursum absolvunt. Alias pedis proceritatem ad generandi officium in sexu muliebri conferre putant alii. In genibus autem & calcaneo incisio facta est, ne ituri saltaremus.

Hunc motum varie efficiunt varii muscoli femoris, *tibiæ*, & *pedum*. Itaque de musculis universi pedis agendum.

C A P. XI.

CAP. XI.

DE MUSCULIS FEMORIS.

FEMUR *flectitur* duobus musculis.

Primus in abdomine est, diciturque *Ψoas*, vel musculus LUMBARIS, à lumborum vertebris superioribus *oritur* principio carneo, & *infitur* in trochantera parvum, antice, tereti validoque tendine.

Alterum musculus *Psoas* minorem inveni in robusto & carnofo subiecto Hafniæ 1651. diversum ab illo quem *Riblanus* aliquando se gloriatur vidisse. Ex parte majori subjacebat, sed exterius ad latera magis vergens. *Initium* idem carnosum, totiusque musculi latitudo tres digitos transversos æquabat. *Inferrebatur* carnosus in superiorem ossis Ilii marginem posterius, ubi Iliaci interni est ortus. Eundem vidi 1652. majori instratum, principio carnofo, sed angusto, *sine* in longum tendinem desinente. Usus ejus esse existimavi, ut quasi pulvinar musculo majori substerneretur, quandoquidem os Ilii per se immobile, vel sane ut sustineret os Ilii erectum, ne nimium stante homine lumbis & femori esset oneri. Testis mecum est *Michael Lyserus* in *Anatomicis* verfatissimus, qui hunc quoque in *Cercopitheco* annotavit æquare alterum *Ψoas*.

Secundus ILIACUS, ibidem *infitur*, tendine, qui præcedentis musculi tendini connascitur, *ortus* à tota cavitate interna ossis Ilii tenui carnofoque initio.

Extendunt femur tres musculi natium Glurçi dicti.

I. MAJOR, externus & amplissimus, à Coccyge, spina ossis ilii, osseque sacro, in os femoris sub trochantere magno desinens.

Alter MEDIUS est in situ & magnitudine. Exoritur ab ossis ilium spinæ anteriori sede, in trochantera magnum lato validoque tendine desinens.

MINIMUS, qui sub medio latet, *oritur* à dorso ilii prope acetabulum, lato validoque tendine in trochantera magnum abit.

Hi tres natium carnosam molem constituunt.

Adducunt & *circumagunt* femur intro tres, qui à variis pro uno habentur, & TRICEPS vocatur, ob triplex initium: 1. A commissurâ summa ossis pubis. 2. Ab ima pubis commissurâ. 3. Ab ejusdem ossis pubis media parte. *Inferuntur*, primo, interno femoris capiti prope poplitem tereti

tendine, vel lineæ femoris asperæ, 2. partim superæ, 3. partim inferæ, ad minorem rotatorem. *Riolanus* alias habet insertiones. Primum enim vult inferi in medium femur, secundum tendinē robustissimo ad extremum usque femur produci, tertium infra cervicem femoris.

His addunt *Spigelius* & *Veslingius* *Lividum*, ad ossum pubis prope cartilaginem commissuram ortum, & tendine brevi femoris lateri interno implantatum: sed hunc tricipitis portionem esse concedunt ipsi. Sed referunt ad *flectentes* musculos minus bene. *Riolanus* vero *Pectineum* vocat, & pro flexore habet, sed agnoscit pro portione suprema & quarta tricipitis, quem cum *Fallopio* in quatuor musculos dividit; & sane videtur totidem habere partes.

Abducunt & *circumagunt* foras sex musculi: *quadrigemini*, & duo *obturatores*.

QUADRIGEMINI sibi fere similes sunt & parvi, quasi transversim positi, ab externa ossis sacri parte inferiori, *Ischii* tubere, appendiceque *coxendicis enati*. In illud *inseruntur* spatium quod inter utrumque trochantera est. Primus *quadrigeminus* nomen *Pyramiformis* obtinuit à similitudine figure, & *Iliaci* externi à situ. Reliqui nomine carent, nisi *quartus*, qui *Quadratus*.

OBTURATORES occupant foramen inter os pubis & *Ischii* patens. Suntque externi vel interni illi ab externo circum foraminis pubis, hi ab interno orti, & in magnum trochantera *inseruntur*. Internus *Bursalis* appellari potest, quia tendines quadruplices junctos intra carnosum veluti marsupium à tertio & quarto quadrigemino eleganter formatum, abscondit. *Riolanus* ex marsupio duos facit musculos, quos *quadrigeminos* appellat. At in duas partes sine dilaceratione dividi non potest. Iudice *Marchetto* una massa carnea esse debuit, ut in motu esset validior.

C A P. XII.

DE MUSCULIS TIBIÆ.

FLECTUNT TIBIAM quatuor musculi postici.

Unus duo habet *capita*, *Biceps* dictus, *primum* à commissura ossis pubis, *secundum* ab externa femoris parte, & utrumque uno tendine, sed aucta prius in medio carnosâ substantia, in posteriorem tibiæ partem *inseritur*.

Secundus *Semimembranosus* ab *Ischii* tubere nascitur, in tibiæ latus internum versus posteriora *inseritur*. Hujus *fabricam*

cam in eo distinguit *Stenonius* à fabrica *Gastero-nemii*, quòd superioris tendinis trapezium, inferioris trapezio simile non sit; cum fibræ motrices æqualiter non sint inflexæ.

Tertius *Seminervosus* idem principium, eundemque finem habet, nisi quod per posteriora nonnihil antrosum obliquetur, antequam ad tibiæ interiora finiatur. Hujus compositionis ratio hæc est ex *Stenonio*, quod unius musculi superior tendo cum alterius musculi inferiori tendine ita uniat, ut utriusque musculi carnes à mutuo contactu per hoc intersepimentum tendinosum separatae maneat.

Quartus *Gracilis*, ibidem inferitur, oritur vero ex commissura ossis pubis.

EXTENDUNT quatuor.

Primus *rectus* à spina externa & interna Ilium oritur, tendine acuto.

Secundus & tertius sunt vasti duo: externus à radice tota trochanteris magni, & cruris osse subiecto: internus à trochantere parvo, utrinque ad latus *recti* deferuntur.

Quartus *Crureus*, ossi cruris affixus est, quemadmodum brachii brachio.

Hi quatuor musculi in unum tendinem *finiuntur*, quæ molam ipsam amplectitur, sicque in tibiæ principium anteriùs inferitur, ubi ipsi pro ligamento est.

ADDUCUNT intra duo.

Primus *longus*, fascialis seu sartorius, inter flexorios *Spigelio* & *Veslingio*, quo sartoires sutoresque curvatis pedibus innituntur, omniumque musculorum fere longissimus, ab Ilii spina anteriore *exortus*, oblique in tibiæ internam & anticam descendit.

Alter *popliteus*, ab inferiore & exteriore femoris tuberculo, in interiorem tibiæ partem superioremque oblique quadratus *inferitur*.

ABDUCTOR unus est, qui membranosus & *fascia lata* dicitur. Oritur carnosus à spina ossis Ilium, & oblique in tibiæ exteriorem *fertur*, suoque tendine latissimo & longissimo, omnes fere femoris musculos investit.

CAP. XIII.

DE MUSCULIS PEDUM.

FLECTITUR Pes & extenditur. FLECTUNT antrosum duo.

Primus *tibiæ anticus* dicitur. *Spigelio* catenæ musculus, quia ejus dissecto tendine ægri catenam gestent. Tibiæ affixus, à superno tibiæ processu *ortus inferitur* in os pedis,

ante pollicem : tendine ad finem bifido.

Alter *peroneus biceps*, quem alii pro duobus musculis habent, uno capite vel principio promanante à fibulæ (superne) epiphyfi, altero à peronis medio. Duplicem habet tendinem, minorem in minimi digiti os delatum, & maiorem sub planta oblique incedentem, & insertum in os pedii è regione pollicis.

EXTENDUNT. Extensorum postici quatuor; duo gemelli, internus & externus, quia suram constituunt *Gastrocnemii* nuncupati, à femoris capite interno & externo sub poplite oriuntur. In his tendines extremi trapeziam figuram habent, carnes intermedie parallelogrammum formant. Vide *Stenon*. Tertius *soleus* dictus his subditur, à posteriore fibulæ appendice exoritur. Tres hi musculi desinunt in crassissimum & validissimum tendinem pternæ calcisque principio inferendum, quo suspendi solent mactata pecora. *Hippocrates* vocavit *chordam*, ubi ex calcis fractura febres vult continere singultuosas & convulsificas.

Ultimus *plantaris* dicitur & responder palmari in manu, gracilis est, inque tendinem longum degenerat, totamque plantam tegens ab exteriori femoris capite, sub poplite exoritur, & in quinque digitos inseritur, eundemque hic usum quem in manu habet; quanquam collatio utriusque parum sit exacta. Deesse aliquando observavit *Veslingius*.

Tibialis posticus his addendus, inter oblique moventes seu adductores numeratos *Spigelio*, inter extensores *Riolano*.

C A P. XIV.

DE MUSCULIS DIGITORUM.

UT manus, ita pedis DIGITOS musculi movent.

FLECTUNT duo musculi, *magnus* profundo respondet, ortus à superna tibiæ epiphyfi, & sub planta in quatuor tendines finditur, qui minorem perforantes, in tertiam quatuor digitorum articulationem implantantur. *Minor* sublimi respondens, in planta pedis media est, à pterna inferna ortus, in secundam quatuor digitorum articulationem fertur, ad quam, antequam pervenit, perforatur, ut prioris musculi tendines transmittat: unde hic perforatus: ille perforans dicitur.

Quatuor digitos pedis unus *extendi* musculus, nonnullis in duos divilus, ortus à summa & externa tibia, quatuorque habens tendines insertos in secundum & tertium internodium.

Appu-

ADDUCUNT lumbrici quatuor, iis quæ in manu respondentess, carne quadam à calce interspersa, totidem tendinibus primo internodio alligantur. Rarissime duo desunt.

ABIDUCUNT *interossei* decem, à pedii ossibus nati, & spaciâ metappedii replentes. Externi, vel Interni, illi tendine lato ad primum digitorum internodium per latera assurgunt; Hi ad secundum internodium; nonus vero ad pollicis, ad minimi digiti adductionem decimus *servit*.

POILLEX pedis peculiare possidet musculos.

FLECTITUR unico à fibula superna prodeunte & in tertium pollicis, *Riolano* primum, internodium inseritur.

Extenditur altero, à media fibula, aliis ab externo tibiæ lateres, ubi recedit à fibula, pullulante, qui sæpe in duos tendines dividitur.

ADDUCITUR uno, ossi pedii maximo intus attento.

ABIDUCITUR uno, à calcis interna parte carnosio orto, & in primum os pollicis extrinsecus ingrediente.

Nervus autem reperitur musculus supra interosseos, cuius primus inventor est *Casseri*, qui *transversalem* vocat, ob situm. *Vellingius* adductorem pollicis minorem, quem usum natura videtur intendisse.

Orbitur nervosus & latus à ligamento primi internodii minimi digiti, aliquando & ab altero annulari, mox carnosus factus manensque transversim defertur supra digitorum primos articulos, & tendine brevi latoque, in magni digiti primum articulum nonnihil introrsum implantatur.

Ussus est, facere securam ambulationem, quando per viam asperam rotundis filicibus refertam, aut per aliud aliquid minutum, lubricum & volubile eundum est. Nam hujus musculi ope, pes ad ejusmodi corporis figuram se accommodat, & id quasi apprehendit, ut tuto gressum firmare possit.

Minimi digiti *abductor* in externo pede hærens latus & vastus ab eadem calcis parte ortus, lateri externo primi internodii inseritur.

Peculiarem minimi digiti *Flexorem* observavi, longum, teretem, à tibiæ capite exortum, duobusque tendinibus circa digiti insertionem divisum. Tendinem peculiarem à minori digito in metatarsum productum notat *Rhodius* noster.

In planta pedis denique *Carnea massa*, sicut in manu, annotanda, qua instar pulvinaris vestigium fitmatur, & tendines musculorum in molli culcitra delitescunt.

ANATOMIÆ BARTHOLINIANÆ

LIBELLUS I.

DE VENIS.

Respondens

LIBRO I.

DE INFIMO VENTRE.



Supra, in procemio hujus operis Anatomici, quatuor Libros & quatuor Libellos promissimus. Quatuor Libros: de Cavitatibus tribus & de Artubus. Quatuor libellos: videlicet de Venis, Arteriis, Nervis, & Ossibus. Quilibet autem libellus suo libro responderet. Quia ab infima cavitate, ejus nimirum parte principe *hepate*, oriuntur VENÆ; à corde in media cavitate, ARTERIÆ; à medulla in tertia cavitate, NERVI; OSSA vero artubus respondent. Et quemadmodum ossa conjuncta peculiarem compagem seu σκέλετον constituunt: integram animalis formam referens; sic etiam Venæ, arteriæ & nervi. Et talem venarum totius corporis compagem artificiosè separatam, habet *Guilielmus Fabricius Hildanus*, Chirurgus Paterniacensis, & Patavii vulgaris jam venarum, arteriarum & nervorum separata compages ductu *Ad. Spigeli*, *Joh. Veslingii* & *Joh. Leonici* visitur, qualem hic quoque *Hafnia* omnibus numeris absolutam, & quatuor tabulis maximis explicitam, aq. Cl. Virum D. D. *Henricum Fuires* consobrinum nostrum cernere licuit, jam in Musæo Academico conspiciendam. Artificiosum sceleton ex filis ferreis contextuit *Horwenius*, in quo venæ subcæruleo tinctæ colore, arteriæ rubicundiore, nervi albo, lymphatica ex pellucetibus globulis vitreis nitide confecta: quale etiam in Augusto Serenissimi Regis nostri Musæo extat.

VENÆ & ARTERIÆ & NERVI sunt organa vel vasa corporis communia, per quæ spiritus aliquis cum sanguine vel
sine

sine sanguine, à membro aliquo principali in varias corporis partes devehitur.

CAP. I.

DE VENA IN GENERE.

VENA est organum commune, teres, oblongum, instar canalis vel fistulæ cavum, vehendo sanguini & spiritui naturali, vel revehendo idoneum. *Vena quid?*

Venæ nomen *Veteres* tam venis quam arteriis tribuerunt; sed arterias vocarunt pulsátiles venas, venas verò non pulsátiles. Alii vero, venam vocarunt majorem venam; arteriam, minorem venam & aortam.

Efficiens Venæ, est vis venæfica propria.

MATERIA Hippocrati est semen glutinosum & magis frigidum, vel ex *Harvejo* sanguis. Et hoc est principium originis.

At *Principium* dispensationis unde oriuntur seu disperguntur venæ, incertum est variantium opinionibus. Missis vero antiquis nonnullis, qui vel ab oculis, vel ventriculo, vel cerebro venas derivarunt, circa Cor & Hepar plerique versantur, tam antiqui quam recentiores, & vel huic vel illi favent, vel nulli. De singulis nos breviter.

I. Cor esse venarum principium Hippocrates docuit lib. *Venarum* de Carnibus, posteaque *Aristoteles*, eumque sequuti *Philosophi* plures & Medici. Nostro ævo *Hofmannius*, *Higlmorus*, *an Cor?* *Harvejus*, *Lindanus* defendunt. Præcipua argumenta hæc sunt: 1. Tanta est venæ cum corde connexio, ut sine dissectione separari non possint; parenchymati verò hepatis leviter annectitur, surculis quibusdam tantum per illud emissis, à quo facile separatur. 2. Manifesto circa cor assumit figuram auriculæ dextræ, & in eam degenerat. 3. Dempta auricula, longe amplior est cava in corde, quam juxta hepar. 4. Omnes venæ cordi sunt continuæ; umbilicalis vero & porta, à cava tanquam matre prodit: nam cor & pulmones moventur quoque, si tubulus in umbilicalem fœtus mortui missus infertur. 5. Umbilicalis vena in fœtu ex corde, unde tandem jecur permeans in Portam perforatur. 6. Rami trunci sui principium non dicuntur, sed ubi truncus eorum maximus reperitur, quod fit in corde. 7. Eiusdem substantiæ & usus est cava cum vena pulmonaria, quam nemo negat à corde oriri. 8. Cor est sanguinis conficiendi princeps organum, ad quod chylus & lymphæ & sanguis confluunt.

II. Pro Hepate pugnat *Galenus* & post eum plerique hætenus Medici. Parens quoque noster *Caspar Bartholinus*, *Vel Hepat.*

nosque in prioribus editionibus *Anatomes*. Nam 1. in hepate fieri sanguificationem credidimus, percolationem jam seu purificationem agnoscentes. Ergo ibi verisimile fuit esse venarum principium. 2. Ab hepate defertur sanguis ad cor, non à corde immediate ad hepar. Nam ex corde sanguis ad hepar exire non potest, ob valvulas, quanquam mediato in recurſu ex arteriis referri poſſit. 3. Piſces carent dextro cordis ventriculo, ex quo volunt venas oriri; & tamen piſces venas habent & ſanguinem. 4. Vena portæ non attingit cor, ſed hepar, quod cava etiam attingit; quæ duæ venæ maximæ ſunt in toto corpore. At ſecundum *Ariſtotelem* omnes venæ debent eſſe cordi continuæ. Dices: Venam arterioſam non attingere hepar. Reſpondetur, neque debere: quia ſubſtantiam habet arteriæ, ideoque à corde orta eſt. Arteria autem venoſa, vena eſt ſubſtantiâ, & uſu, & in fœtu cum cava erat continua. 5. In fœtu, umbilicalis vena cum ſanguine mittitur in hepar, non in cor. 6. Si à corde orirentur venæ, pulſarent ut arteriæ, nam totum cor pulſat. 7. Nunquam lædi ſanguificatio credita eſt, niſi læſo hepate, ut in hydropo, &c.

III. Nulli parti ſunt addicti. *Piccolthomineus*, *Spigelius*, *Rolfinkius*, quia 1. Omnes partes ſimul & ſemel delineantur. 2. Venæ cum per ſe ſubſiſtant, quæritur fruſtra ex aliis principium. 3. Nulla pars ante venas generatur. 4. Et cordi & hepati firmiſſime connectuntur venæ.

IV. Quia de locali principio, non materiali, hic diſputatur, ſeu à qua parte corporis ſanguis per venas diſpergatur, non dubito principium venarum vocare omnes partes, in quibus radices venarum ſparſæ hauriunt ſanguinem, circulatione ad cor reducendum. Hinc non male *Polybius* apud *Ariſtotelem* venarum paria à ſincipite, circa aures, à temporibus, à parte priorè capitis de ſede oculorum, *Pelops* apud *Galenum* à cerebro, & fontes venarum à capite deduxit *Hippocrates*, ſi radicationem conſideremus & ſanguinis à partibus fluxum. Ex ventriculo quoque, meſenterio, &c. portæ radices prodeunt, ex hepate cavæ partes, ex corde vena arterioſa, ex pulmonibus arteria venoſa, & ſic de cæteris, ubicunque inſtar arborum radices ita inſeruntur, ut velut illa, humorum ex parte, cui implantantur, trahant. Non longe ab hac ſententia abeſt *Gliffonius*, qui principium ſcarumiginis vocat, ubi enim primum ſanguinem influentem excipiunt, ibi quoque dici poſſe oriri.

Uſus venarum.

Finis vel uſus eſt,

I. Ex antiquorum opinione ſanguinem cum ſpiritu & ſacul-

facultate naturali ab hepate in omnes corporis partes pro nutritione adducere.

Sed aliter natura posterioribus revelavit. Nec enim ab hepate deferunt venæ quidquam ad partes nutriendas, quanquam exiguum portiunculam quibusdam membris concedat *Cartesius*, nec utilis est venosus sanguis ad nutritionem, quia sigillo in corde imprimendo destituitur, lucenempe, quæ accendi debet, & idoneâ figurâ, quam rhomboideam illi assignat *Boyleus*. Sed omnem sanguinem ad solum cor referunt per *Circulationem*, sive mediate per hepar, ut mesaraicæ venæ, sive immediate, ut cava, idque vel à toto corpore à minimis ramis ad maximos per ramum superum & inferum, vel ab hepate, sive ibi percolatum, sive ex mesaraicis & arteriis assumptum.

*Secundum
recentiores,
Primarium.*

Ad cor vero tanquam ad centrum adducere & à partibus minimis ut peripheria abducere, probant evidentissimè *quævis*, experimentum & ratio.

1. In Venæsectione ligato supra cubitum brachio citra ligaturam nullus tumor, nec, si aperias venam ferro, sanguis effluet, (quod contra *Scribonii Largi* auctoritatem notandum) nisi paucus, vel si anastomoses quædam in superioribus locis sint arteriæ cum venâ. Cis ligaturam vero sub cubito & intumescunt manus venæ, & apertæ sanguinis tantum effundunt, quantum vel velis, vel univèrsum corpus possit. Si pariter digito locum infra vulnus comprimās, sistitur sanguis, illo remoto sursum fluens. Unde colligimus sursum ad majores venas & cor vergere sanguinem ab extremis, non à superioribus ad minimas extremasque.

2. Sine Venæsectione, digito compressæ venæ, idem monstrant. Si enim in manū seu calidā seu naturaliter venis turgidā, deducas digito sanguinem deorsum ad digitos, nihil in superioribus succedet, sed vacuæ venæ apparebunt. Si versâ vice à digitorum extremis sursum adigas, statim repletas videbis venas & continuo sanguinem succedere.

3. Si manus pedesve frigide seu aquæ seu nivī immergas, vinculo prius constrictos, soluta ligatura senties cor lædi & refrigerari à frigido sanguine adscendente, calefiet idem si calidæ immergatur. Nec aliter cordialia epithemata carpo, pudendisque imposita juvant, aut venenum aspidis brachio Cleopatrarum ad moti nocuit.

4. In suspensis tubet caput faciesque distentis venis ob impeditum recursum ad cor, quemadmodum in V. S. venarum capitis tument superiora in capite, reliquis versus cor inanitis. Soluta autem in cadavere catena detumescit paulatim

latum tumor ruborque faciei, nisi si in minimis ramulis impactus sanguis ob partium frigus & constrictionem effluere nequeat.

5. In sectionibus vivorum animalium res clarissima. Quocunque enim corporis loco dissecto ligata vena etiam à corde remotior, ea parte flaccida cernitur qua cor spectat, rumente contraria, quæ à corde averfa partibusque extremis est vicina.

6. Elevatam venam in vivis filoque constrictam si perundas, citra ligaturam copiosus stillat sanguis, cis nihil, quod in cruralibus & jugularibus venis cujuscunque animalis succedet, etiamsi prorsus dislecentur venæ, sicut ejus experimenti periculum sæpe cum magno *Waleo* fecimus, & *Harvejus* non ignoravit.

7. Valvulæ venarum huic conspirant, quæ ita sunt constitutæ, ut omnes cor respiciant patulæ, facilemque transitum à minimis venulis ad majores, & exinde ad cor largiantur. A corde vero sive majoribus venis clausæ nihil remeare sinunt, neque vi impulsam aquam, stilum, &c. nisi lætæ conniveant.

8. Hepar ad solum cor mittit. Cor ad solos pulmones & arterias cunctas, ut supra de Corde est demonstratum. Quum igitur tanta copia continuo pulsu per arterias ad partes omnes diffundatur, nec tamen ea refarciri potest ab assumptis, nec regrediatur ad cor ob valvulas aortæ mitrales, nec subsistat in arteriis continuo pellentibus, nec denique à partibus nutriendis tantum absumatur, reliquum est, ut quod abundat, ad cor referatur, intretque venas, per *Circulationem*. Cujus quanquam apud antiquos obscura extent vestigia, ut probavi lib. 1. de *Luce Animal.* & postea *Waleus*, *Riolanus* & *Schneiderus* deducunt; tamen priori seculo *Casalpini* aliquid de ea divinavit, ut manifeste liquet l. 5. Quæst. Perip. 4. & l. 2. Quæst. Med. 17. Sed clarius nostro seculo innovit *Harvejo* Anglo, cui primæ inventionis, promulgationis & per varia argumenta & experimenta probationis prima laus merito debetur, denique *Waleo* aliisque approbantibus. Quanquam *P. Fulgentius* in schedis *Pauli Sarpe* Veneti aliquid hac de re invenerit, unde suspicandi orta est occasio, *Sarpam Harvejo* viam monstrasse; sed, sicut ab amicis *Harveji* accepi, familiaris hic illi fuit, unde cum has de sanguinis motu cogitationes illi communicasset, *Sarpa* in schedis retulit more suo, posterisque ansam dubitandi subministravit. At *Harvejo* omnes applaudunt, *Circulationis* Auctori.

Prima

Primarius igitur venarum finis est instar canalium vehere & revēhere ad cor sanguinem, *Secundarii* esse possunt sequentes.

II. Eundem sanguinem nonnihil vel præparare, ut fa- *Secundarius.*
ciunt axillares venę, vel perficere, ut venę cavę reliqui ra-
mi. Non tamen vasis sed caloris ipsius sanguinis virtute;
sicut mustum in vase calore proprio non virtute vasis fit vi-
num, & poma aliique fructus ab arbore avulsi paulatim ca-
lore insito maturescunt. Vid. Contr. Anat. C. *Bartholini* Pa-
tris.

III. Sanguinem custodire, sicut locus proprius locatum
conservat, quantum quidem in celeri transitu fieri potest,
& suis terminis coërcere. Nam sanguis extravēnatus, seu
extra locum naturalem suum, videlicet, venas & arterias ef-
fusus, concrevit & putrescit. In ipsis quoque venis male af-
fectis cursuque sanguinis impedito, modo concretus san-
guis repertus, teste *Fernelio*, modo adiposa substantia loco
sanguinis, ut in nervis, quod apud Indos vidit *Bontius*.

IV. Aliqui αἱματώσιν venis rubris tribuunt, & chylosim
lacteis, qui omnino falluntur. Illud refutavit C. *Bartholinus*
Pater in Controversiis, hoc *Asellius*.

Non à vasis, sed à sanguine in vasis sanguinem generari
Harvejus probat ex pulli fabrica, in qua, ante reliquum cor-
pus, sanguis existit. Rationibus eum defendit *Glissonius*,
quem contra *Mearam* tuetur *Lowerus*. Sed 1. vesicula pul-
sans in fœtu, cor nempe, ante sanguinem observatur, ut &
generet & contineat sanguinem. 2. Continens prius esse de-
bet contento, & partes ipsę priores esse debent suo nutri-
mento. 3. *Meara* in formando fœtu concedit, non for-
mato, ubi sanguis in perpetuo est fluxu, & identidem in a-
limentum facessit, ut perpetua generatione opus habeat,
nec à seipso generetur. 4. Chylus sanguini non miscetur,
nisi in vena axillari, ex qua statim ad cor detruditur. 5. Pur-
pura quidem tingitur ibi chylus, sed à corde demum sangui-
nis ideam recipit. 6. Trepidationis ille motus, qui in san-
guine cavę prope cor in moribundis observatur, non à san-
guine ipso, sed vel à reliquiis spirituum, vel vasis deficien-
tis extremo, licet insensibili, motu dependet.

V. Cum sanguine circulando ad cor deducere cordialia, *Chirurgia*
alterantia, vel purgantia, apertis venis infusa, per *Chirurgiam Infusoria*.
novam *Infusoriam*, de qua à se inventa *Jo. Dan. Major* ex-
perimenta signavit. *Elxholtius* sibi tribuit. *Fracassatus* Flo-
rentiæ prius à se repertam testatur, qua in morbis injiciun-
tur remedia, quę exaltatas sanguinis partes præcipitant, vel
fixas

fixas defidesque exaltant. Alibi antea inventam & administratam, imprimis in Gallia & Anglia refert *Cass. Schottus*, de qua *Libavius* olim somniavit. Quisquis primus fuerit, maxima ejus potest esse utilitas in moribundis didicioribus pro testamento conficiendo. Processit tamen ulterius experimentum, ut ex sene juvenis evadat, si junioris sanguis senili venę injiciatur, ex stolido prudens, ex sapiente fatuus. agnus, sus, si sanguis hujus vel illius substituitur. Breve tamen esse solatium potest, nisi pori & figurę consentiant.

Forma venarum ex accidentibus hauritur variis.

Figura.

Magnitudo.

Figura est instar canalıs vel fistulę.

Magnitudo variat. Magnę enim venę sunt in hepate eeu principio primario; in pulmonibus, quia sunt calidi, molles & in perpetuo motu, unce plurimo egent alimento; eum multum substantię defluat: & imprimis quia hac omnis totius corporis sanguis ad sinistrum cordis ventricolum ex dextro transit, ut supra probatum. In corde ob caliditatem: & quia toti corpori prospicere debet de sanguine arterioso, hic continuis pulsibus recepto & emissio. Emulgentes item magnę sunt, ob sanguinem copiosum serosum ex renibus ad cavam reducem. Ubi vero substantia partis perdurat, nec facile dissolvitur ob caloris inopiam, minores sunt venę, ut in cerebro, ubi non facile semper venę apparent; & in ossibus, ubi nunquam apparent manifeste, etiam si animal magnum sit.

In parvis omnibus versus extrema minime sunt, & in venas capillares finduntur carni insperse & fere confusę, ut arctius sanguis per minima recipiatur superfluous. Quę una via est per quę mediate arteriosus sanguis per carnem porosam ad venas transit, quę via etiam sanguis in hepate percolatus & a bile expurgatus venę cavę infunditur ramulis. Altera est per arterias immediate. Nam

Connexio.

Connexio talis est cum arteriis, ut omnis vena ut plurimum sociam habeat arteriam, cui incumbit, & quam contingit. Rarius invenitur, docente *Galeno*, vena sine arteriis; nulla vero arteria sine vena, quanquam non semper discerni possint, quia similes in capillaribus sunt, & in cerebro pauciores venę videntur, quia sinus ipsi venę sunt, nec venę ab arteriis tunicę simplicitate separantur.

Anastomoses venarum.

Mutua vero in corpore est anastomosis venarum & arteriarum: ut inter se conspirationem habeant, & transsumant venę ex arteriis spiritum & sanguinem; quod patet ratione, quia i. si venę plane exinaniantur, evacuantur & arterię. Deinde ex secta vena in brachio vel manu evacuari potest uni-



FIGURÆ EXPLICATIO.

Anastomoses venæ Cavæ cum Porta in Hepate
exhibet.

- A. Venæ Cavæ truncus descendens.
- BB. Vena porta.
- C. Vesicula fellis.
- dddddd. Rami venæ Cavæ majores per hepar disseminati.
- eeee. Rami venæ porta.
- fff. Anastomosis prima parallela venæ Cavæ cum venâ Porta.
- ggg. Anastomosis secunda trunci cum trunco.
- hh. Anastomosis tertia cruciata.
- ii. Anastomosis quarta mixta.
- kk. Anastomosis quinta obliqua seu angularis.

universus corporis sanguis, qui, quum in manu inequeat contineri aut generari statim, necessario ex arteriis subiectis & vicinis per anastomoses proveniet. Cujus hoc etiam est indicium, quod si arctius vinculo constringatur vena & arteria brachii, sistitur fluxus pulsusque cessat, donec laxetur fascia. 3. Ob sanguinis circularem reditum necessariæ quum porositates carnis non sufficiant, nisi in lento cursu & subtili sanguine. Hinc *Cartesius* quoque anastomosisibus necessariis poros addit in singulis partibus, quorum parvitas in causa sit, quod quibusdam transitus concedatur, aliis præcludatur, atque prohibeatur ne pars reliqua sanguinis simul effluat.

Deinde oculari demonstratione sunt multis in locis *ἀναστομώσεις* seu conjunctiones conspicuæ venarum cum venis & arteriis in cerebro, in plexu Choroide, sinibus, in pulmonibus venæ arteriosæ & arteriæ venosæ, cum bronchiis asperæ arteriæ. In thorace, thoracorum ramorum descendunt, cum venis intercostalibus. Item venæ & arteriæ hypogastricæ cum mammariis sub musculis rectis in abdomine per anastomoses junguntur. Imprimis manifestæ sunt anastomoses venæ cavæ & portæ in hepate, & in liene venarum atque arteriarum; sic in venis uteri, vasis seminalibus, umbilicalibus, extremis manibus & pedibus.

Anastomoses venarum in Hepate.

Sunt autem *Anastomoses* seu conjunctiones, quanquam ratione necessariæ oculis manifestæ, non tamen oculis manifestæ sunt omnes perviæ. Periculum feci in hepate bubulo & humano diligenter à parenchymate separatis, neque tamen seu *stilo*, seu *cultro*, seu *folle* anastomoses venæ cavæ & portæ patulas inveni, sed cæcas omnes in cadaveribus, quanquam quin apertæ sint in vivis, ubi omnia calore dilatantur, dubitandum non sit.

Varii generis.

Varii generis eas deprehendi. Prima *parallela*, quando extremi ramuli rectis lineis invicem junguntur. *Secunda* est trunci cum trunco, transverso vase intercedente. Tertia *Cruciata*, quando crucis instar vel rami truncum transcendunt, vel rami ramos. Quarta *mixta*, ex cruciata & obliqua. Quinta *obliqua* seu angularis, quando oblique ad angulos rami invicem inferuntur. Anastomoses vasorum umbilicalium supra exposuimus. Anastomoses autem, quæ venas & arterias intercedunt, sunt vel in truncis vel vasis capillaribus.

Harvejus negat anastomoses, etiam inter venas portam & cavam. In jecore tamen recenti observavit, omnes propagines venæ cavæ per gibbum hepatis perreptantes, tunicas habere infinitis *puncticulis* cribrosas, tanquam in sentina, a decum.

decumbentem sanguinem recipiendum. Tribus etiam locis quod æquipollet anastomosi, monet reperiri. 1. In cerebro, è soporralibus arteriis in basin perreptantibus, frequentes & implexæ fibræ oriuntur, quæ plexum choroidem postea efformant, & ventriculos transeuntes, tandem in sinum tertium, ubi officio venæ funguntur, unitæ desinunt. 2. In vasis spermaticis præparantibus, arteriolæ è magna arteria deductæ, venis præparantibus adhærent, & tandem intra tunicas illarum ita recipiuntur, ut ultima quasi eadem habeantur. 3. Arteriarum, venam umbilicalem adeuntium, ultima stamina in venæ illius tunicis obliterantur. *Bellinus* inter arterias solum vel venas solum admittit. Sed inter venas quoque & arterias copulam concedit *Malpighius*, intermedio reti.

Investiuntur venæ aliquando *membrana* communi seu *Cur venæ* externa aliqua crassa, à vicinis partibus acquisita, quando *alicubi ve-* vel suspenduntur & longiore via ducuntur, suntque extra *stiantur tu-* viscera & musculos; vel quando duris corporibus incum- *nicks, ali-* bunt. Hoc accidit in infimo ventre, arteriis & venis à peri- *cubi non i-* tonæo, & in thorace à pleura. *tem?*

Ubi vero vena inseritur vel visceri, vel musculo, non indiget hac tunica communi, quia 1. Alioquin firmatur satis. 2. alias prohiberetur prompta sanguinis refudatio. 3. & excrementorum venæ depositio. 4. non ita cito experiretur vim substantiæ alicujus visceris. 5. difficilius superfluum sanguinem à partis nutritione imberberet.

Venæ autem membranis ita cinctæ *non sentiunt* (nisi nervos habeant vicinos) ex se & sua natura non humorum contentorum acredinem, non incisionem aut ustionem. Unde *Philosophus* ait lib. 3. de hist. animal. c. 5. Nervus ignem non patitur, cum vena patiatur. Et *Galenus* 6. de usu part. c. 12. Venæ si incidantur, urantur, vel laqueis excipiantur, uti & arteriæ, nequaquam sentiunt.

CAP. II.

DE VENARUM SUBSTANTIA
ET VALVULIS.

SUBSTANTIA VENARUM est membranosa, ut facilius distendi, & rursus concidere queant.

Tunicam unicam habent, quæ propria est (arteriæ duplicem) tenuem & raram; quia per eam transumi debet sanguis

guis à nutritione partium, & impetuosum calidumque adeo sanguinem non revehit, quemadmodum arteriæ, quia deferbuit & placide ad cor sine micatione pulsus fertur, ut ibidem denuo perficiatur.

*Vene an
fibras ha-
beant?*

Hanc putant aliqui triplici fibrarum genere intertextam: sed addunt obscure adesse fibras istas, & potentia inesse, nec loco moveri posse ob arctissimum contextum. Sed putamus potius cum *Vesalio* & *Fallopio* alios imaginari ibi fibrass, quæ non magis adsunt quam in corio: nam varie discerpendo venarum substantiam, nullæ apparent fibræ. Quidam vero Auctores fibras tribuunt, quia preconceperunt hanc opinionem; attractionem, expulsionem & retentionem per fibras varias fieri, quum potius fibræ, si quas habent, ad robur conferant. *Harvejus* & *Waleus* per fibras pelli sanguinem in Venis ad cor suspicantur, quod tamen per musculorum motum & contractionem, quibus venæ immiscentur, fieri concipimus, iisdem haud repugnantibus. Imo pelli potest à sanguine succedente continuo ex partibus & arteriis pulsu concitatis. Attractionem autem à calore sine fibris deducunt alii.

*Valvulae
in venis
quinam
proposue-
runt.*

Intus in venis reperiuntur VALVULÆ seu OSTIOLIA nonnulla, quorum mentionem sub nomine cellularum ab *Avicenna* factam scribit *Bauhinus*. *Aquapendens* primum se inventorem asserit anno 1574. cui indicia hæc *P. Paulus* Servita Venetus dederat, quanquam *Jac. Sylvium* quoque utcumque cognovisse ex *Isagoge* ejus videatur manifestum. Post eum vero vel cum eo meminere harum valvularum *Salomon Albertus*, *Archangelus*, *Piccolomineus*, & *Casparus Bauhinus*: vix vero eas attingit *Laurentius*.

*Valvulae
venarum
ut inve-
niantur?*

Occasio inveniendi *Aquapendenti* fuit: si premere venas illas aut deorsum fricando adigere sanguinem tentes, cursus ejus retardari conspicitur. Sed apparent etiam in vivorum brachiis ad phlebotomiam ligatis nodi quidam conflati ab ostioliis; quibusdam vero, ut bajulis & rusticis, varicum modo in cruribus intumescere videntur.

*Varicum
causa.*

Atque videtur hic consistere causa varicum, quod sanguis crassior & gravitate sua motui sursum resistens, in valvulis diutius retentus, dilatationem valvularum faciat: absque his si esset, uniformiter intumescerent venæ, & non varicum modo.

Quia vero hæc de valvulis venarum doctrina paucis cognita est, exactius, more nostro in rarioribus usitato, eam proponemus.

*Valvulae
venarum
quid?*

VALVULÆ istæ sunt tenuissimæ membranulæ (in officiis

ficiis vasorum cordis crasse) in interna cavitate venarum, & quædam quasi portiunculæ venarum tunicæ; cum ibi venarum corpus tenuissimum sit, ubi abscedunt illæ membranulæ.

Sita sunt in cavitate venarum, sed in venis potissimum artuum, videlicet brachiorum & crurum; post alarum & inguinum glandulas. Incipiunt statim sub ramorum exortibus, non in ipsis exortibus. Reperiuntur vero in orificio venæ jugularis internæ binæ, superne deorsum spectantes; reliquæ inferne sursum spectant in Cephalica, in Basilica, in venis pedum & crurum multæ.

Cur in exortibus venarum non reperiuntur?

In Cave trunco non reperiuntur, quia in divaricationibus positæ valvulæ regressum satis inhibent, nec moram in trunco copia trahit, neque in jugularibus (præter modò dictas in orificio) internis, quia difficulter sursum regreditur sanguis venosus sua sponte gravis, nec repagulo ibi indiget. Sic neque in venis externis exiguis: quia ob parvitatem non indigebant, nec metus ullus à regressu propter viciniam pellentium partium & arteriarum. In emulgentibus quoque valvulas cum *Harvejo* reperimus, & in ramis Mesenterii versus venam cavam & portam spectantes. In lacteis & lymphaticis idem tentavit natura; canes quoque & boves in divitione cruralium venarum his gaudent. In arteriis etiam nullæ, quia in iis sit, & fieri semper debet sanguinis spirituosus fluxus, quæ totius corporis diastole & systole simul incipiunt successive & perficiuntur, nec aliquid refluxum urget, deinde arteriæ per se satis robustæ sunt. Valvulæ tamen vestigium in arteria brachii adverti semel, fierique potest, ut quod ad aortæ initium & venam arteriosam sit, fluentem in arteriis sanguinem in eo subiecto moretur, ne regrediatur. In arteriis umbilicalibus valvulas locant *Courveus* & *Hobokenus*, ne continuo cordis motu rejectus sanguis velocius feratur ad uterum.

Cur non reperiuntur in cave trunco, jugularibus, venis externis parvis, neque in arteriis?

Ita vero sitæ sunt in venis, ut sursum venarum radices versus orificia habeant, infra clausæ, semperque cor respiciunt. Et notandum est in situ naturæ artificium, quod adversam positionem habeant valvulæ, se invicem sequentes, quemadmodum nodi in plantarum ramulis & caule, hoc est, non per lineam rectam, vel ex eodem latere sitæ sunt, ne totus sanguis recta per vasis partem liberam influeret. Ita inferiores valvulæ, quod superiores elabi siverant, remorantur. Et si omnia ostiola ad eandem rectam lineam essent disposita, levis aut nulla facta fuisset mora in regressu.

FIGURÆ EXPLICATIO.

FIG. I. Ligato brachio venarum valvulas ostendit ex *A*-
quapendente. FIG. II. & III. inversas crurales venas & cum
iis valvulas exhibent.

A. *Venæ Cephalicæ ramus.*

B. F. *Pars venæ Basilicæ.*

D. *Vena Mediana.*

E. *Venæ Cephalicæ propago, cui vena Mediana fuit con-
juncta.*

HHHHH. *Nodos in venis à valvulis ibi sitis indicant.*

I. K. *Vena Cruralis una.*

L. M. *Vena Cruralis altera.*

NNN. *Venarum valvulæ cotone repleta.*

OOOO. *Venarum valvulæ vacuæ.*

FIG. V. *Basilicæ venæ valvulas simplices sursum spectantes osten-
dit.*

FIG. VI. *In ramo crurali aperto duplices valvulæ conspiciun-
tur.*

Deinde per intervalla sitæ sunt, secundum vasis longitu-
dinem, alibi duorum, trium, quatuor, quinque digitorum
interstitiis, ut si sanguis retrorsum labi vitio quodam coge-
retur, superioresque valvulas prætergressus, in reliquis val-
vulis sequentibus incidens, fisteretur & impediretur.

Magnitudo

Magnitudo. Majores sunt, ubi vehemens à copia sangui-
nis recursus, & exinde majus vel partibus incommodum,
quæ nimium premerentur, vel cordi, quod sanguine de-
stitueretur, erat timendum: ut in Basilica, & in Crurali ad
inguina.

In quibus

*plures val-
vulæ.*

Numerus omnium variat, uti & intervalla. Sunt enim
plures valvulæ in iis


I. Qui melancholico sanguine abundant, aut è contra
bilioso & tenuissimo, quod uterque humor & facile pellenti
resistat, & facilius pondere suo & tenuitate semel pulsus re-
fluat.

II. In corporibus magnis aut magis carnosus, ideoque
plures venas habentibus.

III. In iis, qui vasa habent latissima.

IV. In iis, qui longas rectasque venas habent: nam in ob-
liquis impeditur nonnihil à recurso, ex obliquitate san-
guis.

Nume-



Numerus certus non constat, quia novæ quotidie deteguntur & valvulæ & vasa. Nonnulli 108. valvulas numerant. Sed plures dantur.

Deinde numerus valvularum in uno loco, non excedit binarium. Nam per intervalia modo singulatim, modo geminatim ad summum sitæ sunt: non ternæ, ut in vasis cordis, unquam reperiuntur valvulæ: quia in corde majus est orificium claudendum, & subjectus Ventriculus amplior, imo vehementior in corde calido impetus, pluribus repagulis indigebat. In progressu vero venarum divaricationes imminuunt amplitudinem, & segnior sanguis. Unde ubi adhuc satis magnæ, & à copia metus duo ostiola facta sunt, ubi minus, unum. Valvulæ triplices quoque, quintuplicesque, præsertim in jugularibus nonnunquam observavit *Kerkring.* & ubi duo tantum sunt, earum unam duas tertias venæ partes prope occludere, aliam minorem reliquæ parti claudendæ destinatam esse.

Figura.

Figura est unguis in indice vel reliquis tribus digitis, vel lunæ corniculatæ, qualis est in sigmoideis cordis valvulis. Sed in ramis venarum, in longitudinem magis exporrigi monet *Ruyfchius.*

Substantia.

Substantia est tenuissima, sed simul densissima, ne rumpanitur ab incurfu sanguinis valido. Et liquet hoc ex varicibus, ubi diutissime possunt sanguinem crassum continere.

Usus.

Usus I. ad robur venis conciliandum; cum arteriæ alias ob duplicem tunicam robustæ sint.

Secundum

Aquap.

II. Præcipuus est *Aquapendenti* & post eum plerisque, sistere & remorari impetum gravis & fluidi sanguinis *αἱματος* & fluminis instar confluentis in brachia & crura, ob eorum declivem situm, tum præsertim in motu & exercitio vehementissimo, ubi vi caloris maximæ, in artus sanguis corrueret, atque ita 1. interiores partes & nobiliores alimento defraudarentur. 2. Venæ artuum nimis distenderentur, & immineret ruptionis periculum, adeoque pedes & brachia tumerent perpetuo.

Secundum

Harvejum.

Sed is usus ab *Harvejo* rejicitur, quia 1. In jugularibus deorsum spectant. 2. In emulgentibus & ramis mesenterii reperiuntur, venam cavam & portam spectantes, 3. In arteriis nullæ sunt. 4. Canes & boves in divisione cruralium venarum easdem habent, in quibus, ob primum incessum, nil tale timendum. 5. E majoribus venis in minores ramulos tarde satis sua sponte intruditur sanguis, & è calidioribus in frigidiora migrat. Hinc ex ipsius & circulationis principii verus Valvularum Usus est.

III. Ne

III. Ne à venis magnis in minores moveretur sanguis & sicillas dilaceraret; neve à centro corporis in extrema, sed potius ab extremitatibus ad centrum progrediretur, ad caloris fontem. Idem igitur præstant in venis, quod valvulæ mitrales & sigmoides in corde.

In orificio vero jugularis venæ internæ eodem munere defunguntur, ne recurrat in reclinato capite sanguis ad cerebrum, illudque instar fluminis opprimat, functiones animales interturbet, & Apoplexiam sanguineam generet.

IV. Harum beneficio ligatis venis & arteriis, sanguinis cursus inhiheretur ne in partem aliquam ruat. Hinc cruento minus vulnere membra amputari *Pecquetus* asserit. Inde etiam sectiones nonnullorum dependent, quæ sine cruoris effusione fiunt.

C A P. III.

DE VENARUM CORPORIS DIVISIONE
& DE VENA PORTÆ, & VENIS
LACTEIS, & LYMPHATICIS.

Omnes Venæ totius corporis ad duas referuntur tanquam matres: Venam *portæ* & Venam *cavam*. Quibus accedit tertium Vasorum genus ab *Afello* inventum, nempe Venarum Lactearum, & quartum lymphaticarum, de quibus paulo post agemus.

VENA PORTÆ origo & radix est vena *umbilicalis*, de qua *supra* in libro primo, Venarum omnium prima, ex semine orta.

Dicitur autem *Vena portæ*, vel *quæ ad portas* est, item *vena ostiaria*; quia per ejus radices, vel secundum alios, ramos, nempe venas mesaraicas, Chylus ex ventriculo & intestinis exsuctus veluti per portas ad hepar deferri olim putabatur. Arabibus dicitur vena *lactea*, quia Chylum lactei coloris attrahere existimabant.

Est hæc vena post cavam maxima, & ex cava hepatis parte oriri communiter dicitur. Estque non ita densa ut cava, sed laxior & mollior. Intra jecur tamen arteria prorsus est, experientia *Pecqueti*; tam quia sanguinem hepatis infert, quã quia tunicam crassiorem nanciscitur, imò duplicem *Glissonio*, unde & pulsat ibidem beneficio arteriæ in capsula cum illa inclusæ, ut ad omnes parenchymatis partes per systolen deducat sanguinem.

FIGURÆ EXPLICATIO.

Venæ Portæ Ramificationes intra & extra Hepat ostendit.


- A A A. Truncus venæ portæ ex Hepatē exiens.
 b b b b. Ejusdem ramificatio in hepate.
 C. Vena umbilicalis.
 D. Vena cystica.
 e. Coronariæ ventriculi implantatio.
 F F. Dexter venæ Portæ ramus.
 G G. Ejusdem sinister ramus splenicus.
 h. Ortus Coronariæ ventriculi, quæ postquam multos ramulos largita est ipsi ventriculo, versus Pylorum reflexa in truncum ipsius venæ Portæ implantatur, ubi littera e.
 i i i. Ramuli venæ splenicæ per Pancreas distributæ.
 k k k k. Ejusdem venæ splenicæ multiplex ingressus in lienem.
 l. Vas breve.
 m. Gastroepiploica sinistra, quæ fundo ventriculi excurrit, multosque ramulos tum ipsi ventriculo tum omento largitur.
 n. Epiploica sinistra.
 o o o. Ramuli per fundum ventriculi disseminati.
 p p p. Ramuli qui per omentum excurrunt.
 q. Alia Epiploica, præcedenti superior, prior enim excurrit per omenti partem inferiorem, quæ magis lumbos accedit.
 R. Ortus venæ hæmorrhoidalis internæ quæ ramulos
 S S. Per mesenterium diffundit, & tandem ubi est † hæmorrhoidales dictas emittit.
 V V. Gastroepiploica dextra, à qua multi ramuli per omentum & ventriculum disseminati oriuntur.

Dividitur in truncum & ramos.

Rami portæ in hepate dicuntur radices. Rami portæ mesaraici in intestinis dicuntur radices. Rami alii superiores, alii inferiores. Et aliqui illos, aliqui hos, radices appellant.

Illos vocant radices, quia ex hepate dicitur hæc vena originem habere: hos; quia ut radices ex terra exsurgunt materiam, & in truncum arboris devehunt: ita & venæ mesaraicæ, quæ sunt rami inferiores venæ portæ instar radicum surgunt Chylum, juxta antiquos, nobis vero sanguinem ex mesenterio; atque ad hepar per truncum & ramos superiores devehunt, unde mesaraicæ hepatis manus dicuntur. Diversimode ergo omnes & ramos & radices vocabimus.

Superiores



Superiores rami, per hepatis cavam partem disperguntur quatuor vel quinque, qui postea infra & extra hepar in unum truncum coeunt. Quintus tamen versus gibbam recta tendit *Glissonio*. De his, una cum anastomosibus, vide *supra libri primi caput de hepate*.

Truncus antequam dividitur in ramos inferiores, mittit venulas duas ad vesicam bilariam, quæ *cystica gemella* dicuntur; aliam venam ad ventriculum, quæ ob id *gastrica dextra* vocitatur.

Postea *sinistrorsum* inclinans truncus, dividitur in duos ramos insignes inferiores: unum altiozem, eumque minorem, sinistrum latus petentem, alterum humiliorem, ampliozem & dextrum.

Vena lienis.

Ventriculi.

Omenti.

Pancreatis.

Ventriculi.

Omenti.

Lienis.

Omenti.

Ventriculi.

*Intestini-
rum.*

Mesenterii.

*Earum u-
sus.*

*Vena me-
saraica.*

*Earum
usus.*

I.

Ille *splenicus* dicitur, quia splenem adit. Et antequam dividatur spargit de se ramos superiores ad ventriculum duos, *gastricam minorem*, & *gastricam majorem*, amplissimam communium ventriculi venarum, quæ postea *coronariam* constituit. Deinde ramos inferiores ad omentum duos, & ad pancreas unum.

His constitutis dividitur truncus *splenicus* in ramum superum & inferum. Ille producit *vas breve*, aliosque ramulos in splenem delatos. Hic gignit duas venas pro omento & ventriculo, quæ dicuntur *epiplois sinistra*, & *gastrocœc-piplois sinistra*. Tandem reliqui ejus ramuli in splene absumuntur.

Ramus dexter Venæ portæ antequam dividatur, producit venas duas. 1. ad Ventriculi & Omenti partem dextram. 2. ad intestina, videlicet ad duodeni medium & jejuni initium: unde ramuli nonnulli capillares eunt per pancreas & omentum superius.

Postea totus ramus amplius mesenterium ingreditur, & in tres ramos *mesentericos* dictos insignes, inter duas mesenterii tunicas delatus, distribuitur.

Ramus *mesentericus dexter* est duplex, qui in quatuordecim ramos anonymos abit, & hi rursus in innumeras venarum propagines, *mesaraicas* dictas, in jejuno, ileo, Cæco, & Coli parte, quarum

Ufus 1. secundum antiquos, Chylum exsugere ex intestinis, & per truncum venæ portæ in hepar deferre: sed nunquam in his lacteus chyli succus repertus, semper sanguine refertis. Adhæc inventio venarum lactearum & lymphaticarum isti repugnat.

Per solas lacteas chylum sugi hoc experimento probat *Barbetti*: prehensum quavis parte canis vivi intestinum utrim-

utrumque ligat: in medio hujus exprompta mesenterica vasa, tum alba, tum rubra aliquot itidem filo nequit: post per adaptatam fistulam fortiter flatum injicit: sic non ligata sanguinea, sed sola lactea intumescere vasa comperit. Nec liquorem album promptius exceperint mesaraica rubra. Nam in ambitu, ubi intestinis subtrahuntur, multos *arcu- Arcuati*
tos ductus observavit *Jac. Hem. Paulli* noster, à jejunii prin-
ductus.
cipico ad rectum usque efformare, qui sparsa de se plurima sobole, & rursus inter se quasi peristylorum compagibus juncti minime divaricatis, semperque versus centrum mesenterii ampliores evadentibus ramis, sub glanduloso corpore in unum sanguinis rivum seu truncum colliguntur. Supra hos arcus vidit ad intestina emissos furculos, vel ex intestinis prodeuntes scaturigines, præterquam quod densa pinguedine, quo in loco dictis arcubus inferuntur, infarctæ sint, lacteis multo minores existere, & profundiora habere diverticula. Hinc nihil ex intestinis mesaraicæ sugere possunt. Necessitatis tamen tempore in omnimoda obstructione venarum lactearum, per hæc chylum deferri concedit *Riolanus*, sed nullo argumento. Nec enim hiant in intestina, alioquin effunderetur sanguis; & meo judicio, cessaret potius nutritio, quod in lenteria videre est, illis obstructis.

Harveus, ut lacteas refutet, suam tamen circulationem *Ex mente*
in mesenterio tueatur, arbitratur, sicut venæ umbilicales ab *Harveji.*
ovili liquoribus succum alimentativum absorbent, deferuntque ad nutriendum & augmentandum pullum, ita & venas mesaraicas ab intestinis chylum fugere & in jecur deferre etiam adulto. Cæterum chylum simul cum sanguine verherent, adeoque confunderentur diversa, concocta cum incoctis. Et quid opus confundere vasa quæ natura distinxit. Diversum autem esse umbilicalium vasorum usum in embryone & adulto, alii affirmant. *Riolanus* recte *Harvejo* objicit, revera extare lacteas venas & manifeste spectari; male vero addit in omnimoda obstructione lactearum, hac chylum perferri; nam atrophia potius, vel mors sequeretur, nisi breviores viæ aliæ accipiantur. In casu necessitatis ad hanc viam cogi *Swalvius* concedit, contra dissentientes *Deusingerium*, *Backium*, *Hornium*, *Schneiderum*, *Barbatum*, qui utramque semitam chyli admittunt, solis conjecturis ducti.

Ludovicus de Bils experientiis suis illorum suspiciones *L. Bils*
firmat. Succum enim in chylo, futuro sanguini aptum, ve- *experien-*
nas mesaraicas ingredi & cum arterioso sanguine in venam *tis.*
portare, exinde in hepar transfundi .i. ex sectione canis de-
mon-


FIGURÆ EXPLICATIO.

Vasa Mesaraica, ex J. H. Paulli.

- A. Ventriculus cum venis coronariis.
 B. Orificium ejus inferius.
 CC. Intestinum Duodenum apertum.
 D. Fundus Duodeni, chylum è lacteis expressum, quo imbutus est, exhibens.
 cccc. ~~Pneuma~~ spongiosum, carneo & albedo colore variegatum.
 f. Foraminula, abrasa interiori tunica, in vivo subjecto conspicua, & sanguine ex Mesaraicis rubris scaturientia.
 GG. Pancreas, insigni in canibus magnitudine.
 H. Particula jejuni dissecta.
 IIIIIIII. &c. Intestina reliqua Mesenterio connexa.
 K. Intestinum Cæcum.
 L. Intestinum Rectum.
 M. Corpus glandulosum Asellii, in centro mesenterii.
 n. Truncus venæ Portæ.
 ooooooooo. Rami Mesaraicarum vulgarium in trunco concurrentes.
 PP. Mesenterium expansum.
 qqqqqqqq. Arcuati ductus sub intestinis, pinguedine circumfusi.
 rrrrrrr. Surculi horum ductuum intestina perreptantes.
 sss. Vena rubra duodenalis.
 T. Vena & Arteria prope intestinum cæcum.
 uuuuu. Vena Lactæ ex intestinis passim erumpentes, & ad glandulas in medio mesenterio positas abeuntes.

monstrat, arteriis in mesenterio per 5. horas ligatis, quas tum infra ligaturas vacuas, & venas succo subobscuro cinericeoque repletas conspexit, quem succum chylum esse credit, sanguini idoneum, quia venis extractus ærique expositus horæ spatio vitri ab igne refrigerati instar condensatur contritusque splendet, sicut sanguis. 1. In quovis animali vivo, aut mox à morte dissecto, infra hepar in vena portæ semper reperitur densi & obscuri coloris substantiæque succus, cum ille qui hepar transiit in vena cava jam limpidus & rubicundus inveniatur.

Ad singula respondi in Spicilegio, secundo, & de Hepat. Desuncto, & de Hepat. Exauctor. contra Deuslingium, qui Bilis-



Bilsiana experimenta defendit. Summa est: succum illud cinericeum nec esse chylum nec ex intestinis profluxisse, quia 1. Arteriæ tam arcte non clauduntur quin sanguis permeet. Si enim stricta esset ligatura vel vacuæ forent venæ, vel si ex intestinis chylus imbiberetur, candicaret ille, non esset subcinericeus. 2. Venæ mesaraicæ ita sunt comparatæ, ut chylum per oscula sua non recipiant. 3. Subcinericeus color chylum non indicat, illum quippe omni sanguini facile imprimi *Vincentius* apud *Blottesandæum*, qui *Borrichius* creditur, docet, si ad ignem in vase leviter coquas, coctumque ex intervallo examines. 4. Ex reliquiis sanguinis cum chylo, non nigricans oritur liquor, sed splendens, seu purpureus, quod in lacte sanguini mixto expertus sum. 5. Si sanguinis instar coagulatur, chylus esse non potest, qui exsiccatu tritusque, candicat, non splendet. 6. Colorem cinericeum seu ex candido mixtum in ligatura Bilsiana à calore dependere in sua principia chyli resolvente, persuadet experimentum *Cristoph. Bennetti*: sanguini enim rubore saturato adhibe mediocrem qualemcunque calorem, & primo languide rubebit, dein obsoleto rubore flavescet, & è dubia tandem flavedine, si intensiorem adhibueris, lactescet. 7. Sanguis in cava prope cor purior est illo qui in porta continetur, quia in hepate depuratur, non conficitur.

Aliud temperamentum adhibet *Willisus*, nec hepatis sanguificationi favens, nec mesaraicas damnans. Has nempe chyli portionem per hepatis regionem in venam cavam immediate transferre, ut sanguis in trunco ascendente cave succo nutritio recenti imbuatur, sicut ille sanguis in trunco descendente eodem chylo per vasa thoracica suffuso reficitur. Optima sane conjectura si chyli viæ ad mesaraicas rubras demonstrari tam facile possent ad sensum, quam prompte finguntur ex ingenio.

2. Juxta eosdem antiquos, eundem chylum nonnihil præparare, & prima sanguinis rudimenta ei tribuere, quod verum foret, si vera esset hypothesis.

3. Iisdem *Antiquis* ab hepate referre sanguinem pro intestinorum nutritione. Sed contrarius motus eadem via eodemque tempore fieret, nempe chyli *dividens* ad hepar, & *dividens* sanguinis ad intestina, humoresque confusi cursum alterius impedirent. Taceo venosum hunc sanguinem à corde necdum perfectum, nutritioni esse inidoneum.

4. Aliis, interque eos *Bartholino Patri*, à liene ad intestina sanguinem crassiorem ibi confectum devehere pro nutritione. Qui verus esset, nisi circulatio aliud doceret, post

post ejus aetatem introducta. Et commodior iste sanguis nutritioni foret, ob copiam arteriarum in liene. Mutatis vasis plane verus.

5. *Asellius*, qui chylo ad hepar ferendo lacteas venas primus assignat, communes has Mesaraicas nulli alii rei docuit servit, quam ut ex jecore advehant sanguinem pro intestinis nutriendis. Qui usus, supra refutatus, illis condonandus, cui necdum verus sanguinis motus innouit.

6. *Verus* usus est, sanguinem ex intestinorum nutritione referre ad hepar, ad illa delatum per arterias mesaraicas. Patet is ex ligatura in vivis, quam instituit *Walaeus*, qua tument hepatis versus, inaniantur autem, qua respiciunt intestina. Docent quoque valvule ibidem ab *Harvejo* inventae in mesaraicis, versus cavam & portam spectantes, quas *Columbus* etiam observavit, impediens sanguinem portae ferri ad intestina. Nec obstat humorum ex corpore circa intestina in purgationibus vel sponte vel per pharmaca provocatis confluxus, quia hunc per arterias mesentericas fieri certum est, quod nec negat *Spigelinus*, nec *circulatores*.

Mesentericus ramus *sinister*, in sinistram & mediam mesenterii partem spargitur, & Coli partem à sinistro loco ventriculi, & ad intestinum rectum. Hinc oritur vena hemorrhoidalis interna dicta, de qua sequenti & proprio capite.

APPENDIX I.

De VENIS LACTEIS *Asellii*.

Succum à sanguine diversum vehunt vasa Lactea & Lymphatica Lactea vasa habent suum *Principium Medium*, & *Finem*. Principium est ab intestinis ad glandulas mesenterii, quod alii *primi generis* vocant, vel *Radicales*; Medium, ab his ad receptaculum, aliis *secundi generis*; Finis à Receptaculo ad venam subclaviam. De singulis breviter, primumque de *Principio*, cujus indicium *Asellio* referimus acceptum, Nam

Lacteas venas in mesenterio, à calore chyli albicante dictas, nostra aetas priori oculatior, præter Mesaraicas, ut quartum vasorum genus, per quod chylus ad hepar vel cor distribuitur & defertur, invenit. Illas venas per transennam vidit apud *Galenum Erasistratus*, post eum autem primus earum *inventor* fuit *Caspar Asellius* Anatomicus Ticinensis, in sectione canis vivi bene pasti, facta Anno 1622, 23. die Julii. Cujus vestigiis insistentes accuratiores Anatomici & quibus veri-

*Lactearum
venarum
Historia.*

veritate nihil antiquius, ipsa illa vasa lacteo succo reeferta, peculiare esse ductus à Mesaraicis reliquis distinctos oculata fide invenerunt. Nam in vivis animalibus semper apparent distincta à rubris, si post pastum quarta circiter hora secentur, quando nempe chyli fit distributio, ab illo enim tempore disparent. Semper tamen, licet inanità sint, speciem fibrillarum retinent, nec unquam sanguine impleri visæ. Imo furculos non esse portæ inde manifestum, quod maneant vacuæ, donec alius chylus advenerit, quia nullum cum portæ alunt commercium, & si distincte separentur, portæ discissa evacuetur, lacteis tumentibus. Fibrillæ nonnullis imposuerunt, ut pro nervis hæc vasa habuerint: sed falsi sunt, quia nervi nec chylum ejusmodi habent, nec valvulas, nec cavitatem. Neque Mesenterium & intestina adeo sunt sensibilia, licet paucos habeant ex sexta conjugatione nervos. Alii arterias hæc vasa esse putarunt, sed sensu repugnante, qui hic simplicem tunicam & nullum motum agnoscit. Adipem esse, liquorem illis contentum, ipsaque adipis receptacula, frigus non concesserit, quo in cadavere accedente, non densantur adipis in morem, sed disparent. Sola trunci ignoratio doctos nonnullos in suspensio adhuc tenet, qui si in hepate vel corde demonstrari posset, salva esset res. Sed quamquam truncus & origo ignoraretur, de existentia horum vasorum nemo dubitaret magis quam de Nili, ejus accolæ, quia caput adhuc latebat. Et per ramulos hepatis inseri sine trunco, neququam aliis impossibile fuit visum. Imo *Cl. Kypéro* & *Regio* non improbabile videtur, venas lacteas cum mesaraicis in Pancreate seu glandula majori confusas, deponere ibi in venam portæ chylum, sicque vehi per venas portæ in hepar, ut cum fermento ex liliene advecto misceatur ad sanguinis rudimentum. Sed nullum lactearum cum portæ esse commercium, jam diximus, & in hepar usque ramos lactearum deduci & ibi inseri, aliis cum *Asellio* creditum. Recentiorum diligentia truncum unum in thorace detexit, de quo nos postea.

Sed Vasorum istorum historiam in principio seu radice, prioris generis, strictim enarrabo, *Asellii* ductum sequutus, aliorumque meumque, qui diligenter eas in vivis animalibus hominibusque nuper strangulatis, suffocatisque, viderunt.

Nomen.

Vasa hæc *lactes* appellantur vel *lactea vasa*, item *Venæ lacteæ*, vel ab exoleto verbo *lacio*, id est, allicio, vel à *lacte*, cujus similitudinem gerunt, in candore, mollitie & pinguedine, sicut idem nomen & veteres & recentiores, intestinis
graci-

gracilibus, venis Mesaraicis & Mesenterio iisdem de causis quamquam non pari convenientia & veritate imposuerunt.

Veteribus erat plane ignota, si *Erasistratum* excipias, qui in hædis nuper lactatis arterias *dispendens* lacte mox plenas conspexit. Id tamen ex veteribus plurimi agnoverunt, vasa alia chylo, alia & diversa sanguini deferendo deberi. Veniam autem de facili merebuntur apud æquos censores, quia sectiones suas in strangularis ut plurimum administrarunt, in quibus nisi ligentur subito disparent. *Galenus*, qui sectiones vi vas amplius sexcentas habuit, quin pro nervis acceperit, non est dubitandum.

Situs est in infimo ventre, ubi plerumque pinguedinem comitem habent, quæ calorem ad tractionem & præparationem chyli necessarium foveat.

Per mesenterium ab intestinis obliquo ductu, duas inter ejus tunicas, partim seorsim à vasis reliquis, partim cum illis una, modo recto ductu, modo eadem transcendentibus, & veluti decussantes, per plures glandulas, ad diremptus ramorum præcipue collocatas, in Pancreas usque perferuntur. In Pancreate sive glandula magna mesenterii, quam *Pancreas*, post *Fallopium*, vocavit *Asellius*, varie, cancellorum in modum aut capreolorum, implexæ sibi mutuo, & corpore confusæ, in plurimos eosque inexplicabiles gyros anfractusque hæc illac intorquentur.

Hactenus principium, in quo non erravit *Asellius*. Sequitur Lactearum Venarum Medium, quod alii secundi generis lactea, alii distributoria lumbaria vocant, seu progressus lactearum, in quo variant observationes novæ ab *Asellianis*. Nam juxta hos, à pancreate seu glandula media rursus majoribus jam ramis per portæ, quam quibusdam in locis annuli instar cingunt, latera missis, quandoque etiam ad cavam propaginibus in jecoris cava tenuibus ramis subeunt. Inde illatæ in hepat ipsum, & discissæ in minutissimas fibras in ejus carnem quaquaversum tam diu disseminantur dum prorsus obliterentur.

Qua autem hepatis parte inserantur sive truncus sive pro- *Insertio in Hepate.*
pagines à nemine *Asellianorum* hactenus definitum inveni, propter subitum humoris effluxum. Ego in Anatomie Orbis piscis, quem nostri vocant *Steenbūd*, *Gesnerus* Leporem marinum, *Clusius* orbem ranæ rictu, *Islandi* Roemassue à colore ventris, tam maris quam fœminæ, sæpius hic *Haffniæ* à me repetita, Doctissimis Viris *Wormio*, *Sperlingio*, *Simone Pauli*, *Fuirenio*, *Pouchio* aliisque spectantibus, monstravi non solum multos post dies lacteas venas copiosissimas &

FIGURÆ EXPLICATIO.

Venas lacteas exhibet ex *Asellio*.

- AAAAAAAAA. Vena Porta rami Mesaraici & eda constantes rami
 Arteria Cœliaca.
 BBBBBBBBBB. Vena Lactea que ligata inferiori parte valvulas ostendunt.
 CCCCC. Nervi per Mesenterium discurrentes.
 D. Ventriculi fundus.
 E. Pylorus.
 F. Intestinum duodenum.
 GG. Jejunum intestinum.
 H. Ileum.
 IIII. Vena & Arteria ventriculi fundum perreptans.
 K. Omenti pars.
 L. Glandula magna in exortu mesenterii, quam *Asellius* Pancreas appel-
 lat.
 MM. Rami venarum lactearum.
 NN. Vena lactea in Mesenterio à ligatura tumida.
 OOO. Valvula in venis lacteis.
 P. Constrictio intestini superiora.
 Q. Constrictio intestini inferiora quibus constrictionibus chylus in venas la-
 cteas exprimitur.

lacteo humore turgidas, sed verum insuper, ut credidi, in-
 fertionis locum. Is erat tertius hepatis lobus, minor ille mol-
 lior que à *Spigelio* descriptus, quem ramus lacteus satis ma-
 gnus ingredi prima fronte visus est, à glandula magna non
 procul collocata, lacteoque humore turgida proveniens, ad
 quam glandulam pleræque lacteæ ex mesenterio & appen-
 dicibus ventriculi commeabant. Quin idem in homine re-
 liquisque animalibus eveniat, dubitandum non existimavi,
 ita natura dividente, ut singulis lobis sui trunci assignentur.
 Ab hoc autem ulterius pergere credebantur cum portæ ra-
 mis ad reliquos lobos interius, eorumque parenchyma. Et
 hinc putavi circa hunc lobum tertium, ubi lacteæ venæ in-
 feruntur, appositam esse vesiculam felleam, sive ut conco-
 ctionem sanguinis, cujus ibi initium, adjuvet, sive ut ex-
 crementum biliosum in chyli concoctione separatum ex-
 cipiat.

Sed cum *Asellio* decepti fuimus omnes. Qui enim rami
 ad hepatis visus sunt nobis aliisque progredi, vel extrinsecus
 prætergressi sunt, vel lymphatica fuere vasa, sicut nobis
 postea apparuit. A glandulis igitur mesenterii & pancreate
 medio lacteæ venæ majoribus nonnihil tubulis ad *Recepta-
 culum* chyli *Pecquetianum* deferuntur, in quod se exone-
 rant. De quo *Receptaculo* suo loco actum Lib. I. c. 12.

Inse-



Inseruntur vero in omnia intestina, in quæ osculis suis hiant, mucosæ materiæ crustâ oblititis, etiam duodenum, maxime tamen in tenuiora, non ita multæ in crassa, neque ex eis ullæ ad ventriculum vel lienem vel aliam partem deferuntur. Et ne ad intestina rursus relabatur chylus semel acceptus, donatæ sunt *valvulis* semilunaribus intus foras spectantibus, quæ etiam cum vi repulsum chylum non admittunt. De his notandum ex recentioribus 1. In ipsis ramulis lactearum extra intestina locatas, quia intra illas pressæ chylum remittunt. 2. Pauciores esse in lacteis primi generis.

Substantia. *Substantia* venæ est, cujus & structuram & cætera, lacteō succo dempto, eadem habent. Quarum tres partes sunt componentēs, *fibræ, membrana, & caro.* Membrana iis una & simplex ad arteriarum discrimen, quæ nec hic crassæ adeo tunica investitur, sicut nec in extremis aliis partibus, quanquam in Mesenterio ab eodem aliam accipiant externam. Fibras omnium generum, rectas, transversas, obliquas eis attribuit *Asellius* ad tractionem, retentionem & expulsionem, quanquam pulsu potius in iis moveri chylum, pellentibus scilicet & constrictis intestinis, ex ligatura doceat *Waleus*, concurrente respiratione, *Pecqueto* auctore, allique ab ipso hepate trahi, vel à corde.

Caro. Caro membranæ adnata spatia inter fibras implet, cujus præterea usus est, chylum antequam ad Receptaculum & Cor perveniat, preparare.

Quantitas. *Quantitate* perpetuæ sunt & sibi continentes ad pancreas usque, exinde capillares novæ emergentes ad receptaculum se variis tubulis recolligunt, omnes trunci unius in suo genere, licet magnitudinem æqualem non habeant aliis majoribus, aliis minoribus. Parvæ autem sunt, ne crassæ & inutilis chyli partes simul eas subeant, & ne confertim tumultuarieque fiat distributio, quod advertit *Frambesarius*.

Numerus. Numero infinitæ sunt, dispersæ per intestina, Mesenterium & Pancreas, cæterasque glandulas lunbares, & tanto altero plures mesaraicis vulgaribus, ut exilitatem copia compensent.

Qualitates. *Qualitatibus primis activis* frigidiores vulgatis venis, quia chylus, quem vehunt, sanguine frigidior est. *Passivis* sicca, venis tamen vulgatis humidiores.

Qualitatibus secundis tenues sunt & subtiles. Tenueræ, raræ, ob fibras & valvulas geminatas intrinsicè asperæ. Ex his qualitatibus consequitur *Color*, qui albus est, partim ob conformationem frigidam ex semine, partim ob humorem quem vehunt candidum, quippe

Actio & *Ufus* proprius est, I. chylum per *αἰνὰ δὲ* *Cor* ad hepar *ἔρῃ* distribuere. juxta *Asellium*, sed ad Receptaculum verius indeque pper thoracicas lacteas ad cor, secundum *Pecqueti* nostrasque observationes, non per mesaraicas, ut hactenus creditum, per quas nec fit chyli *αἰνὰ δὲ* *Cor* ad hepar, nec *αἰνὰ δὲ* *Cor* sanguinis ad intestina, ut supra dictum. Nec nos moveat copia eartundem Mesaraicarum, qua intestina frigida & exsanguia non indigeant; quia copioso calore indigent omnino, & plurimo alimento per arterias Mesaraicas copiosas subministrato, unde multitudini arteriarum respondere debet copia venarum, ut ad hepar revehant superfluum.

II. Aptiorem reddere chylum ad sanguinis formam in corde induendam. Falluntur vero qui vim *αἰματοποιήσεως* is assignant: nihil enim in colore mutatur chylus donec ad venam axillarem perveniat, ubi sensim subpallere aut subrubere incipit.

III. Ad facilitandam medicinam multum conferunt. Nam II. expeditam viam distributionis chyli maxime contrariam hactenus aperiunt, sine metu motus contrarii aut confusionis. 2. Non in hepate, ejusque carne, quo nullæ lacteæ sperveniunt, non venis, sanguificationem fieri docent. 3. Suctum venarum famis causam non esse, quia ad ventriculum nullæ feruntur.

IV. Causas corporis aliquot affectuum antea obscuras indicant: nempe, chylosi intestinorum fluxus, atrophix ab insectis scirrho Mesenterii glandulis, febrium intermittendum in Mesaræo stabulantium, Melancholix Hypochondriacæ, &c.

V. *Gassendus* eruditus per lacteas venas contentum candidum succum deferri per univcrsum corpus arbitratur ad adipis generationem: verum autem chylum proxime per porum biliarium ex ventriculo deduci ad hepar. Sed neutrum concedi potest. Non prius, ob rationes supra lib. I. adductas, contra *Folium* de pinguedinis materia, quas approbat laudatque *Riolanus*. Nec postremum, quia inficeretur chylus occursu amari humoris, quanquam casu necessitatis obstrusto jejunio id fieri concedat Vir laudatus.

VI. *Bilsius* rorem tantum, seu succum alterum chyli, qui ipsi est lympa, per aperta in intestinis oscula venas lacteas ingredi scribit, quas ideo *roriferas* vocat: alterum sanguini idoneum mesaraicas rubras pro hepate. Venas autem lacteas in duas vias se dividere: unam ad glandulam quæ venæ portæ affigitur ducere, atque in de vasa lymphatica propagari jecori: alteram in glanduloso mesenterii Recepta-

culo convenire, unde totum corpus ramis evidentibus inferius superiusque instaurare. Vidisse hanc lacteorum ad omnes partes distributionem in cuniculis testatur *Everardus*, sed contrariam experientiam obvertente *Stenonio*. Revera enim confundit *Bilssus* lactea vasa cum lymphaticis, & horum naturalem cursum invertit.

VII. Paradoxa opinio est *Vattierii*, cum probat, non recipi his venis chylum, nisi ut custodiatur copia chyli pro mesenterio, resumitur enim sensim à mesenterio, coqui & mitti ad hepar, nec ire ad lacteum thoracicum, nisi copia urgente exoneretur illac & exciter cruditates in axillari commistus sanguini. Ligaturis clare patet, ordinarium esse cursum chyli ad has venas, & ex illis ad thoracicum.

VIII. Lactearum primi generis seu primæ radicationis usus est chylum, quem habent ex intestinis, ad glandulas mesenterii & lumbares deferre, non ut succus nervorum nutritius ibidem deponatur, nusquam visibilis, sed ut aquosus liquor seu lymphæ expurgetur: medii vero seu secundi generis, ut puriorem Receptaculo inferant. Hujus demum usus Libro I. explicatus.

Tantum de Venarum lactearum historia, quoad principium illarum & medium, cui quod addi possit vix reliquum est, nisi subitæ disparitionis causa satis controuersa. Quæ in spiritali indole chyli in auras evanescente, non est referenda, ut initio *Asellius* crediderat, quia extractus ex venis chylus, colorem suum diutissime servat, neque tam evanescit, quam aquosus sit. Sed, quod postea *Asellio* probabile visum, tractioni hepatis vel cordis validæ, in tanta animalis anxietate omne illud debebitur, à qua cum spiritus absumatur, novo & sanguine & chylo indigent celeriter coquendo. Hinc causa reddi potest, quare venæ lacteæ in homine illo strangulato, quem secuit Amstelodami *D. Tulpius*, multos post dies remanserant conspicuæ: quales & visæ non semel Patavii *Veslingio*, & Folio, Venetiis; *Gassendo* in Gallia, Oxoniæ *Highmoro*, & nobis Hafniæ: nam propter dolores à strangulatione abruptos, hepatis vel cordis, vel vicinarum partium tractus nullus esse poterat. Nam quod in puella 10. mensium turgidas has venas invenerit *Veslingius*, simili jecoris cordisve imbecillitati, vel humoris lactei spissitudini ascripserim. Vidi & ego Hafniæ anno 1650. venas lacteas in *Suenone Olai Vardbergense* ingesto frustulo linguæ bubulæ statim suffocato, quum largius antea & bibisset & comedisset, in mesenterio conspicuas, quia inhibita respiratione ab offa, suffocatoque corde, nulla trahendi chyli erat necessitas.

Frustra

Frustra vero & tanquam Anatomiz hujus ignarus P. *Laurenbergius* disparere venas has sibi imaginatur à recurſu chyli ad inteſtina valvulis flaccidis : nam 1. etiam maximo conatu in mortuis chylum ad inteſtina non reduces. 2. ſi ligetur vena in medio, ita ut utrobique & ad Receptaculum & inteſtina meatus liber relinquatur, qua Receptaculum reſpicit inanitur, ſed qua ad inteſtina ſpectat, maxime turgescit, & ſi eo ſitu per dies aliquot relinquatur, ad inteſtina non relabitur. Reſpiratione ceſſante diſparere lacteas, obſervatio eſt *Pecqueti*.

APPENDIX II.

DE LACTEIS THORACICIS *Pecqueti*.

Finem Lactearum in thorace invenit *Pecquetus*, in canibus enim à Receptaculi ſuperna parte ſub diaphragmate duos ramos tumidiuſculos, quorum ſiniſtrum ſupra diaphragma *ampullam*, dextrum *alveum*, utrumque *ampullascentem alveum* vocat, nonnunquam unicum craſſum, ut in ovibus, ſpinæ incumbentem, obſervavit ſiniſtrorſum ad ſubclaviam venam adſcendere.

In homine nos primi *Hafniæ* ſcrutati ſumus, & inventum *Lactem Thoracicum* ſolitarium deſcripſimus. A tribus enim glandulis lumbaribus lacteis totidem ramos lacteos, circa undecimam thoracis vertebram coeſcentes, vidi, ſolitario deinde ramo per doſi medium ad aortæ & venæ *ἀζύγης* latus, inter utrumque, ſub œſophago, cui, ut & illi firmiter membranulis ſuis neſcitur, adſcendere.

Qui Receptaculum in homine obſervarunt, inter quos *Carolus le Noble*, productos ex ejus ſuperiori parte duos canales thoracicos longius protenſos tradunt, quorum dexter craſſitie pennam anſerinam æquat ſiniſter longe exilior, ambos minutis glandulis & pinguedine abundare, & in multos flexus ſinuoloſque anfractus, in quibus videntur in unum coire, varie contortos, tandem adeo perfecte poſt medium ſui curriculi ſpatium ſibi invicem junctos, ut ex duobus unus remaneat canalis ſiniſter.

Diverſam diſtributionem in brutis *Pecquetus* tradit, noſque obſervavimus, ut vero ſit ſimile, variare hic naturam in individuis & ſpeciebus. In omni autem genere animalium, ductus manifeſti ſunt à Receptaculo, numero non ſemper pares ad ſubclaviam protenſi. Hos omni ſeculo abſconditos *Pecquetus* primus in lucem protraxit in brutis, nos in Homine *Lactearum Thoracicarum* nomine, quod etiam in

FIGURARUM EXPLICATIO.

FIG. I.

Exhibet Vasa Lactea intra thoracem inventa una cum chyli receptaculo, seorsim à dissecto animalli. Ex Pecqueto.

- A. Truncus adscendentis cave sursum in longum apertus.
- BB. Jugularium axillariumque Venarum concursus, ubi chyli scaturigines intra cavam seu lactearum ostiola, punctis designantur.
- CC. Jugularium valvule influenti in cavam chylo ascensu interdicentes.
- DD. Lactearum vasorum ad scaturigines distributio.
- EE. Diversi, pro naturæ ludentis arbitrio, vasorum lactearum concursus.
- F. Ampulla, quæ intra Thoracem, juxta illæsum diaphragma sinistrorsum sæpius apparuit.
- G. Alveolus dextrorsum ad diaphragma excrecens.
- HH. Residua diaphragmatis portio.
- I. Chyli receptaculum.
- LLLLLL. Mesentericarum lactearum trunci, horum juxta receptaculum amplior tunica, valvule illic delitescentes refluxuri chyli interdictum significant.
- mmmmmmmmmmmm. Variæ intra Thoracem valvule chyli concedentes ad cavam transitum, refugium ad receptaculum prohibentes.

FIG. II.

Canem apertum ostendit cum Vasis superiori figura expositis, prout sunt in animante suo quoque loco disposita.

- 1. Ascendentis Cave truncus.
- 2. Superstitis aortæ inter renes chyli receptaculo adhærescentis portio.
- 3. Renes.
- 4. Diaphragma dissectum.
- 5. Musculi psoas, s. lumbares.

Fig. I



FIGURÆ EXPLICATIO.

Ductum & Receptaculum Chyli exhibet: ex
Joan. van Horne.

- aaa. Venæ & arteria mesaraica.
 bbb. Venæ lacteæ per mesenterium disseminate.
 CC. Glandula mesenterii maxima, Asellio Pancreas dicta.
 dd. Duo rami insignes per medium ramum conjuncti à dicta glandula ad renalem pergentes.
 F. Glandula reni sinistro superjacens.
 ggg. Anfractus, gyri, plexusque quam plurimi arteriæ magnæ trunco incumbentes.
 HH. Ductus chyliferus novus per thoracis longitudinem aascendens
 ii. Ejusdem bifurcatio intra quartam & sextam vertebra[m] thoracis.
 I. Portio ductus chyliferi œsophago incumbens, ubi cor superavit.
 L. Ductus insertio in jugularem sinistram.
 M. Ejusdem ingressus in axillaris principium s. subclaviann.
 N. Venæ cavæ portio supra Cor.
 OO. Ejusdem sinistra bifurcatio.
 PP. Oesophagus.
 Q. Cor.
 RR. Pulmones.
 S. Aspera arteria.
 TTT. Aorta arteria descendens.
 VVV. Diaphragmatis discissi portiones.
 X. Ventriculi corpus ad latus positum.
 Y. Intestini recti portio è loco suo remota.
 Z. Ren sinister cum venâ & arteria emulgente.
 aa. Venula transiens glandulam renalem & ad lumborum musculos terminans.
 ßß. Ramuli intercostales ab aorta derivati.
 ddd. Jejunii intestini pars.
 ss. Hepatis lobus ventriculo incumbens.



Dissertatione posteriore placuit *Pecqueti* retinere.

- Varia appellatio.** *Ductum Chyliferum* appellat *Jo. van Horne*, cui circa eadem fere tempora in brutis apparuit. *Rolfinckius* Distributoria *Lactea Thoracica*. Male *Bilsius* Roriferum.
- Color.** Colore candicat toto thoracis itinere, ob contentum chylum. Pellucet intermedio tempore à lymphâ. Rarissime rupra aliqua vena à sanguine rubet. Apparet manifestius natus candor à chylo inter ligaturas constricto.
- Substantia.** *Substantia* tenuis, membranacea, evacuato humore aegre discernitur, nisi vel lymphâ impleatur, vel flatu immisso elevetur. Versus diaphragma crassior, ubi apparet glandularum specie, ubique fibris contra injurias tutus.
- Figura.** *Figura* venæ est cava, tortuosa, & in sinus reflexa, injecto vinculo superne nodosa, nam
- Valvula.** *Valvulas* habet impediētes chyli descensum, humoris consistentiâ, & ligaturâ deorsum conspicuas. Hinc indurâ fistulâ, flatus non potest deorsum pelli, nec digito chylus detrudi.
- Magnitudo.** *Magnitudo*, circa Receptaculum amplior, in progressu angustior, capax tamen pro copia lactearum mesaraicarum, quia celeriori cursu chylus in lacteas thoracicas fertur compressione viscerum vicinorum, continuoque vicinæ aortæ pulsu & musculo psoas: præterea successiva fit expulsio, sicut per angustum canalem enemata ex ampla vesica injiciuntur. Auget capacitatem *longitudo*, quæ tanta est, quanta universa dorsi regio, & lumbaris pars.
- Numerus.** *Numero* unicus. Duplex nonnunquam quando pro copia chyli in gulosis non sufficit.
- Connexio.** *Connexio*, Receptaculo *inferius*, postica parte spinæ dorsæ, antica œsophago, ad latera venæ sine pari & aortæ: *superius* claviculis, nam
- Insertio.** *Insertio* in venam axillarem sinistram. In dextram quoque in canibus vidit *Pecquetus*, quod varietati ludentis naturæ ascripserim. Bifidum in fœmina cane ad utramque claviculam ascendere observavi semel. Ut plurimum tamen solitarius ductus sinister est, isque interdum simplici ramo, interdum triplici, nonnunquam numerosiori divisione per exigua foramina vel unicum, si unica sit insertio, statim ubi externa jugularis vena in axillarem se infundit, cui *valvula* præponitur cor respiciens, quæ inhibet regressum chyli sanguinisque.
- Labyrinthus Bilsi quid?** Hic terminus & finis est Lactei thoracici omniumque Lactearum Vasorum. Non observata sunt ulterius ascendere, licet *Bilsius* id tentarit asserere, ficto suo Receptaculo tortuoso

tuoso & Labyrintho, qui ex concursu lacteorum & lymphaticorum jugularium oritur. Hæc enim confundit cum lacteo thoracico, quæ in collo à glandulis descendente lympham deorsum vehunt, non sursum, vel certe varios lactei thoracici ramos circa axillarem, vel lymphaticorum jugularium in eandem insertionem duplicem, in gyros novos transformavit.

Uusus 1. chylum tempore distributionis primario vehere, *Uusus*, & semper alias lympham. Illum à Receptaculo acceptum venæ axillari infundere ut ad cor decurrat. Hanc à lymphaticis in Receptaculum, & ipsum ductum thoracicum delatam, eodem deferret. Ex sensu, ligaturis, folle & valvulis hic chyli & lymphæ per thoracicas lacteas cursus demonstratur. Ex quo usu alii emergunt. 2. Vim instaurativam cum medicamentis, alimentis, cordialibus, venenis recipere citiusque ad cor deferre, quam per consuetas ambages. 3. Variorum affectuum faciles causas propalare: consensus ventriculi cum corde: syncopalis febris ex ventriculo palpitationis cordis post cibum copiosum; pulsuumque mutationis cibo assumpto: mortis inopinatæ, atrophix gibbositate compressis thoracicis lacteis, &c. quæ singula in *Historia Lact. Thor. & Defension.* deducta & defensa extant. 4. Mesenterii sympathiam cum collo & axillis illustrat hinc *Riolanus*, unde vitium glandularum strumosum, in vicinia jugularis externi exortum, à mesenterio radices agere. 5. Lymphæ primario excipiendæ dicarunt *Backius*, *Sylvius*, quam rorem vocat *Bisius*, inutilem sanguini conficiendo. Lympham vehi, certum est, oculis testantibus, solam, falsum. Lacteus enim apparet, quando chyli fit distributio. Primario huic dicatur ductus, lymphæ enim alios habet canales plures, de quibus jam agendi tempus.

APPENDIX III.

De VASIS LYMPHATICIS Nostreis.

Vasa hæc succum à sanguine & chylo diversum vehunt, nempe aquam, seu lympham, quorum inventio nobis post totam Arte Anatomicâ consumpta tempora, Naturæ faventis munere relicta fuit. Pro qua felicitate Deo Naturæ Auditori vota nuncupavimus. Ea primum xv. Dec. 1651. mihi *Inventio* circa hepar, & 1x. Jan. 1652, mox clarius xxv. 11. Febr. *Vasorum* 1652, etiam in axillaribus apparuerunt Hafniæ, & exinde *Lymphaticorum.* sapius repetita sectione in animalibus cum *Michaelæ Lysero*, passim in corpore observata, à nemine antea monstrata vel descri-

descripta; demum 1654. anni initio, in phthisico homine eorum veritas mihi cum *Hem. à Moimichen* explorata. Ple-
nam Vasorum novorum Historiam variis scriptis orbi pro-
palavi, *Defensionibus* contra dissidentes vindicavi, & *Spicile-
giis exauct.* Eadem mihi asseruit in duplici Apologia *Mar-
tinus Bogdanus*. Circa eadem tempora in Suecia similes A-
quolos ductus detexit, & postea descripsit *Olaus Rudbeek*. In
Anglia de *Folivio* quoque suo gloriantur amici. Quin no-
biscum aliis hinc inde visa sunt; negare nolim: sed nobis,
qui primi in arenam descendimus, nullus mortalium viam
monstravit. Nunquam tamen tanti feci istam prærogati-
vam, quin cunctis Naturam patere agnoscerem.

Nomen.

Nomen. Vasa *Lymphatica* mihi placuit appellare, à con-
renti liquoris similitudine; hydatidum enim in morem
splendent, ut *crystallina* quoque dici possent. Aliis *serossa va-
sa*, ductus *aquosi*, *Lymphæ ductus*, *venæ aquosæ*. Invaluit tamen
inter Medicos plerosque nostra appellatio, & civitate
Anatomica donata est, quam etiam tuetur *Christianus Osten-
feld* noster, in Pharo Latinitatis, nosque alibi contra *Riola-
num* defendimus.

Existentia.

Vasa sunt sui generis, non furculi *venosi*, à quibus distin-
guuntur contento liquore, colore, ortu, nec cum illis mani-
feste conjunguntur aut continuantur; non *filamenta* quibus
venæ firmantur, quia cava sunt suoque succo scatent; non
negligenter *oberrantia*, quia certos habent ortus, insertio-
nes, progressus, usus: non denique *venæ ventriculi*, quia nec
sanguinem vehunt, nec chylum, sed lympham semper &
ubique. Hinc

Color.

Color est hydatidum, crystalli instar resplendens, nisi alie-
no præter naturam liquore inficiatur lymphæ. Nam

Substantia.

Substantia est tenuissima, pellucida, ut facile rumpi possit
in Hydrope. Hinc effusa lymphæ statim disparent, satis ta-
men robusta pro continenda aqua, ut etiam separari possint
vasa, exsiccati & in tabella cum aliis vasis ostendi. Duplici-
bus tubis constare, subtilitas est, quorum exteriores rorem,
interiores alium succum fermentativum vehant.

**An du-
plex?**

Figura.

Figura interna cava est, venarum more, externa variat.
Maxima pars annulari forma venas ambit, hederæque in-
star amplectitur, per tenuissima filamenta illis alligata &
connexa. Multa recta protenduntur, præsertim prope hep-
par, jugulum, &c. Exprimunt egregie fluminum anfractu-
osos alveos, quibus per apertos campos sinuoso tramite cur-
runt errantque. Nodosa quoque sunt & externe apparent,
inæqualiter tumescunt, imprimis si ligatis illis lymphæ sista-
tur, idque propter.

Val-

Valvulae, non tantum ingressui in axillarem affixas, sed *Valvulae* in omnibus ramis dispositas, geminatasque ubique, & oblique invicem superpositas, textura tenerrimas, & numerosiores quam in venis, adeo ut supra bis mille in lymphaticis aliqui demonstrent, quarum usus est impedire ne aqua ad lymphatica regrediatur.

Magnitudo pro animalium diversitate variat. Exilia apparent & angusta, stili mediocri crassitiem admittentia. *Magnitudo* Vincullo tamen intercepta impletaque distenduntur, ut conspectiora sint. Prope hepar crassiora, quia plus lymphæ ex sanguineo viscere sugunt. Quod vero magnitudini vasorum deest, supplet.

Numerus, qui in abdomine iniri vix potest. Iliacum ramum plurima ambiunt. Mesenterium ingredientia augentur. Ex hepate quinque vel septem ut plurimum ramuli in portæ exeunt amplexibus, nonnunquam XII. ex omnibus lobis interdum XX. In anterioribus prope axillarem unicus fere utrinque ramus conspicitur à latere & à collo. Incertus tamen est numerus pro individuorum varietate & specierum. Nec in capite adhuc vel numerus vel existentia certa innotuit. Cotidie observantium industria crescit.

Exortus lymphaticorum vasorum est ab omnibus partibus & visceribus, ex quibus lymphæ separatur, hepate nempe, ex quo cum ramis portæ prodeunt, quemadmodum de lacteis *Astellii* antea credidimus, vesicula fellis, sterno, mediastimo, pericardio, corde, pulmonibus, intestinis, ventriculo, liene, utero, testibus, collo, musculis, abdominis & artuum, imprimis à glandulis prope hepar, inguinâ, mesenterium, thoracem, collum, &c. sitis, quas perpetuas fere lymphaticorum vel origines vel comites credunt non pauci, quamquam & sine glandulis passim lymphatica procedant. Quæ ex glandulis prodeunt, ramificationes suas manifeste ostendunt. In visceribus difficulter & musculis discernas. Intima tamen illorum penetrant cum venis, ut à partibus nutritis vel arteriis capillaribus superfluam lympham, sicut venæ sanguinem, hauriant.

Insertio duplex. Alia inferiorum vasorum, superiorum alia. Vasa aquosa infra septum medium enata inferuntur in Receptaculum chyli vel glandulas novas mesenterii lumbares, quo tanquam in alveum limpidam suam lympham effundunt, ut porro recto ad Cor tramite per thoracicas lacteas deducatur. Quæ vero supra diaphragma, in thorace vel collo vel artibus trahunt originem. Thoracis Vasa lymphatica recta inferuntur in thoracicum ductum. Colli vero & ar-

& artuum superiorum, in jugularem externam seu axillaris concursum ingrediuntur, ubi commune stagnum videtur concurrentibus ostiis lymphaticorum, ex quibus malis sibi nonnulli labyrinthum quendam imaginantur.

Truncum non habent. *Truncum* igitur certum non habent, neque ipse lacteum Thoracicus ductus ita vocari potest, quia chylo primario inservit, sed ex partibus diversis hinc inde veluti rivuli salientesque fontes separatis originibus ad tres fluvios tendunt, receptaculum chyli, lacteum thoracicum & jugularem, ut mediante alveo axillari in communem cordis oceanum exundent. Hinc

Differentie. *Differentia* varia est ratione originis & insertionis variae. *Origins* ratione, alia à visceribus, &c. alia à glandulis. Hujus duplicem differentiam alii statuunt pro glandularum diversitate ex quibus oriuntur; ex conglobatis enim ortas, liquorem suum in venas reducere: ex conglomeratis vero, in cavitates deponere, ut in oculos, nares, os, intestinum tenue, aures, œsophagum, laryngem. *Insertionis.* alia immediate in lacteum thoracicum, &c. alia mediate per Receptaculum. Triplicem & hic differentiam inducunt alii ratione humoris quem in sanguinem reducant: alia enim à primis fontibus in glandularum superficiem spargi, alia à cavo unius glandulæ in alterius gibbum pergere; alia ab harum glandularum cavo ad cavam usque exporrigi.

Ufus. *Ufus* vasorum lymphaticorum omnium est, licquorem limpidum seu lympham vehere, quæ aquæ purissimæ, per similes, per unicæ subtilitatem crystallo instar transparet, & iis læsis effluit. Hujus lymphæ.

De Lymphæ Origine. 1. *Origo* est à partibus singulis superfluum serum remittentibus, vel ipsis arteriis, lymphæ abundantibus, non à nervis, qui nec cavi sunt, nec lympham manifeste habent. Hinc continuo lymphatica & semper lymphæ distenduntur, quia continuo arteriæ sanguinem mittunt, & partes nutritæ serum emittunt.

Cursus. 2. *Cursus & finis* est versus Cor, quo tanquam in Oceanum se exonerat. Et axillari cum sanguine refluxo cor petere certis experimentis didici. 1. *Ligatura.* Vinculo enim constricta vasa flaccida apparent, axillas & cor qua spectant, at versus extrema conspicuo tumore eminent, à corde remota. 2. *Folle.* Aperto ramo lymphatico, immissa fistula, & adactis oris spiritu axillaris cum corde appenso movetur. Ex inferioribus quoque circa Iliacos ramos ligata vasa conspectiora, inaniantur qua parte mesenterium respiciunt, tument vero, qua originem spectant. De hepaticis lymphaticis

ticiſ idem obſervatur. 3. *Stilo* valvulæ deprehenduntur ubique in lymphaticis obſtare ad extrema & glandulas vergenti, patere vero ad cor tendenti & ad Receptaculum. 4. Ex meſenterio ad Receptaculum chyli juncto ſtudio omnem inferiorum lympham ruere, id habeo indicium, quod his lymphaticis inanitis & evaneſcentibus, Receptaculum ſplendente lymphæ, non chylo, turgat. Quin & ipſæ lactæ thoracicæ expulſo chylo, acceptæque à Receptaculo lymphæ more lymphaticorum reſplendent aqua plenæ, quam exſilire videmus, ſi levi vulnere pertundantur. Ex his demum thoracis eadem viæ rectitudine cordi transmittitur, qua antea chylus.

Subſtantia

3. *Subſtantia*. Mera aqua videtur limpida, ſed ſimplici aquæ jungitur liquor alimentarius ſive chyli tenuior pars, nutritioni apta, accurate illi permixta, ex quibus lymphæ conſtat. Illa vel per ſudores, vel alias aquarum vias excernitur, hæc ulterius circulatur. Experimentum id docet. Igni enim expoſita lymphæ, ſicut ſerum ſanguinis poſt Venam ſectam, in gelatinam vertitur inæqualem, mera aqua evaporante. Aliis lymphæ creditur eſſe ſpiritus animalis condenſatus, aliis nervorum excrementum ex illorum nutritione reſiduum, aliis aliud, de quibus nos alibi.


4. *Motus*. A circumferentia ad centrum. Quod ſenſus *Motus* docet, ligatura, vulvularum ſitus cor reſpiciens, &c. In ſpecie de curſu antea dictum. Circulari cum ſanguine abſonum non eſt, imprimis lymphæ partem nobiliorem, reliquam vero aqueam tamdiu moveri donec per teſes, vel ſudoris vias evacuetur. Celerius moveri ſanguine creditur quibusdam, quia aliquot poſt mortem horis ligata vaſa lymphatica intumeſcunt. Non id ſpiritu animali imputandum, qui etiam cum vita deſinit moveri, ſed lymphæ fluidæ liquiditati. Alii tarde moveri ſuſpiciantur, quia 1. numeroſas habeant vaſa valvulas. 2. plena vaſa conſpiciantur, poſtquam animal expiravit, etiam ſine vinculo. 3. rationi conſonum ſit, vaſa aquoſa in denatis quam viventibus ampliora conſpici, propter nervos cum dolore conſiſtentes humorem de ſe omnem in lymphatica exprimentes.

Sed variat motus lymphæ in diverſis, & in eodem, pro varia vel partium pellentium, recipientiumque conditione, vel viarum amplitudine, vel lymphæ naturæ calida vel frigida, tenui & pura vel inquinata, vel copioſa vel parca. Si dicendum aliquid de motu, celerius moveri videtur, quia *Auctoris de motu* chyli & ſanguinis fluxum promovet. Valvulæ non remouentur, ſed regredienti obſtant. Plena ſunt vaſa in deſunctis, *ſententia*

R r

quia

Fig. 1



FIGURÆ EXPLICATIO.

Proponit hæc serosa vasa ex Ol. Rudbeckio.

- A.** *Ventriculus Canis.*
B. *Pylorus.*
CC. *Duodenum.*
DD D. *Jejunum.*
EEE. *Ileon.*
F. *Cacum.*
GG. *Colon.*
H. *Principium recti.*
IIII. *Lopi hepatis quinque.*
K. *Vesica fellea.*
LL. *Renes.*
MM. *Vena emulgentes.*
NN. *Vena cava.*
O. *Vena porta.*
R. *Vesica chyli.*
SSS. *Mesenterium.*
TT. *Pars mesenterii fracta, ut ligatura ductuum hepaticorum commodè institui possit.*
aa. *Pancreas glandulosum in medio mesenterii.*
bb. *Pancreas carnosum duodeno annexum & ventriculo substratum.*
cccc. *Vena lactea inter intestina & pancreas.*
dddd. *Vena lactea pancreas hoc glandulosum egredientes & vesicula chyli inserta.*
aa. cccc. *Ductuum hepaticorum extra hepar origo.*
ffff. *Eorum ad glandulam m. & ab illa in chyli vesicam progressus.*
gg. *Rami duo cholidochi.*
k. *Ductus hujus in duodenum insertio.*
iiii. *Vena mesaraica.*
m. *Glandula sub porta sita ductus hepaticos recipiens.*
nnn. *Unus horum ductuum vesicam felleam perreptans sapissime visus.*
ooo. *Vena porta in hepar ramificationes.*
rr. *Ductus hepatici, qui (arctissime vena cava adherentes) vesiculam chyli ingressi sunt.*
tt. *Vena cystica.*
ppppp. *Valvularum in hisce ductibus sedes.*



Ex eodem Rudbeckio.

FIG. I.

- A. Cor à sinistra parte.
 BB. Pulmones in dextram reflexi.
 CC. Vena cava.
 D. Vena axillaris dextra.
 E. ----- Sinistra.
 F. Pars ejusdem aperta, ut in conspectum veniret insertio venæ chyli feræ.
 G. Sternum punctis solis delineatum. H. Vena jugularis sinistra.
 II. Arteria aorta. KK. Vesicula chyli.
 L. Ramuli venæ cavæ hepatici. aa. Venæ emulgentes.
 bb. Venæ lumbales. dd. Venæ crurales.
 eeee. Vasa serosa, quæ sub intestino recto tendunt ad chyli vesicam.
 fffff. Glandula ad crurales venas sita.
 ggg. Harum glandularum vasa serosa vesicam prospicientia.
 hhhh. Ejusdem generis vasa inter abdominis musculos progredientia, quæ similiter vesiculam chyli ingrediuntur.
 iii. Venæ lacteæ inter pancreas glandulosum & vesicam chyli repentes.
 kkk. Pancreas glandulosum.
 lllll. Venæ lacteæ inter pancreas & intestina.
 mm. Ductus chyli ferus. n. Eius insertio in axillarem venam.
 oo. Glandula sternalis.
 pp. Harum ductus serosus ramo chyliifero inhians.
 q. Ramulus hujus ad costas. rr. Glandula cordis.
 ss. Vas earum serosum quod sub corde ductui chyliifero inseritur.

FIG. II.

- t. Ostendit bifurcationem ductus chyli feris sub corde, ut plerumque eam inveni.

FIG. III.


- x. Vena axillaris cum jugulari sinistra y.
 u. Ductus chyli feris triplex insertio.

FIG. IV.

- z. Ramificatio varia ductus chyli feris ut ter in animalibus repertus est.

FIG. V.

- aa. Oesophagus.
 B. Glandula ipsi adjuncta.
 yy. Vas serosum inde ortum trahens & ductui insertum.
 dd. Ductus chyli feris.



quia cessat motus. Quanquam in moribundis valida sit attractio, non inaniuntur tamen hæc vasa, quia continuo, durante vita, nova lymphæ suppeditatur. Tamdiu vasa possunt lympham propellere, quamdiu nervi exprimunt. Imo diutius subinde cum superstiti sanguine moveri lymphæ potest, quanquam nervorum motus cesset. Ad motus aptitudinem spectat, & strepitus lymphæ quem in exsiccato hoc liquore observant curiosiores.

Color.

5. *Color* splendens est & aqueus secundum naturam; at pro varia admistione chyli, vel cruoris, vel bilis, vel putredine vicinarum partium, nonnunquam vel lactescit, vel rubet, vel flavet. Coloris varietatem aliqui notant, prout longius à cibo, vel ante cibum nunc hoc nunc illud animal macetetur.

Sapor.

6. *Sapor* proprius insipidus. Præter naturam vel subacidus, vel acidulo-salsus, vel acidus, unde pleuritides in thorace, Arthritis in articulis vel salsus & acris, unde convulsiones, cephalalgia, alique morbi.

Odor.

7. *Odor* singularis, præsertim in exsiccata lymphæ.

Utilitas

8. *Utilitas* ingens in Anatome perficienda & Medicina lymphæ & vel illustranda vel reformanda. De Vasis pariter & lymphæ

Vasorum.

- I. numero partium augent, quod antea vasis propriis aquam
2. vehementibus destitui visum. II. Falsas Anatomicorum de Actione hepatis, seu sanguinis conficiendi loco sententias emendant, siquidem Vasa Lymphatica, quæ pro Venis habita Lacteis, ex hepate quidem progrediuntur, sed ex eodem limpidum liquorem referunt, nihilque chyli ex mesenterio hepatis importatur. III. Aquam in partium nutritione separatam vel in sanguine abundantem ad cor referunt, ad crassiorem illius sanguinem nonnihil diluendum, vel calidiorem temperandum, vel ad sanguinis concoctionem promovendam, partesque alias refocillandas. IV. Chylum in mesenterio & lacteis ductibus fluxilem reddunt. V. Extrahitur in his vasis continua lymphæ circulatione quicquid ex chyloso liquore admixtum, velut cambium, utile esse potest nutritioni, amandaturque tandem pura aqua sive ad renes, sive corporis habitum, sive alias sero destinatas cravitates; utilior vero lymphæ pars, quæ primo abundat in partibus, tandem perfectior, cedit in nutritionem membrorum. VI. Vasorum actiones accuratius discernere docent, ut vasa sanguinea cruorem, lactea chylum, lymphatica lympham tam puram quam mixtam vehant. VII. Morborum causas & accidentia clarius illustrant. Ex lymphæ enim

vel

vel defectu vel excessu, vel qualitate vitiata, multi morbi dependent, & ex Vasorum lymphaticorum vel obstructio-
 ne vel ruptura. Si deficiat, incrassatur sanguis, aduriturque
 in atrophiam, macie; si evacuetur in articulis vel nimio sudo-
 re, motus difficultas & debilitas; si augeatur, sudor copio-
 sus in scorbuticis, palpitationes cordis, syncope, hydrops
 cerebri thoracisque; si incalasciat, febris; si acedine in-
 cipiatur, membranarum dolor, convulsiones, & alia mala se-
 quuntur. Hydrops vero oritur, si vel obstructis lymphaticis,
 lymphæ evacuari non possit, vel ruptis, effundatur quasi
 gurgue in cavitates capitis, thoracis, abdominis. Ibi vel ve-
 siculæ aquosæ eleuantur, vel in partibus quoque restitatur
 lymphæ, ut in cachexia, leucophlegmatia. De his fusius ali-
 bi, imprimis Libro De Morbis Lymphaticis, ex cadaverum
 sectione. VIII. Methodum medendi confirmant præser-
 tim in Hydroke curanda, sudoriferis, diureticis, hydragog-
 is, ut, consilio *Heracliti*, ex pluvia serenitas inducatur.
 IX. Ex suis principiis alii nutritium succum pro partibus
 spermaticis, vasa sanguinea non habentibus, asserere dicunt,
 & aquam spirituum esse vehiculum adjuvandumque ad
 motum & sensum; alii, prævenire suo in venas reditu, ni-
 miam sp. animalis consumptionem, & sp. suo acido im-
 prægnante, bilis & sanguinis concursum adjuvare: fermentum
 esse: alii serum superfluum ex nervis expurgare di-
 cuntur: alii alii usus in mentem venerunt. Hæc breviter ex
 multis de Historia & Usu Lymphaticorum Vasorum ex
 propriis observationibus & aliorum, quotquot post inventa
 Lymphatica aliquid ad nostra Vasa operæ contulerunt.
 Plura peti possunt ex Opusculis nostris hujus argumenti,
 quæ manum pennamque hactenus fatigarunt.

8.

9.]

CAP. IV.

DE VENIS HÆMORRHOI-
DALIBUS.

VENÆ HÆMORRHOIDALES sunt, quæ in ano vel recto
 intestino adsunt, & extrinsecus etiam conspiciuntur,
 quæ in nonnullis viris statim temporibus aperiantur sponte,
 & sanguinis crassioris sit evacuatio, sanitati multum con-
 ducens.

*Hæmorrhoides
 quid?*

Sunt hæ venæ non unius generis, uti veteres & recentio-
 rum etiam plurimi putarunt: sed aliæ interne dictæ, quæ à
Vena portæ oriuntur, aliæ externe à vena cava, quibus arte-

*Aliorum
 Anatomorum
 et
 ror.*

Rr 5

riæ

tiæ hæmorrhoidales vel hypogastricæ, & mesentericæ sci-
antur, per quas humores evacuandi deferuntur, quan-
quam præter naturam in magnis ejus luctationibus per ve-
nas hæmorrhoidales excerni possint humores noxii. *Jffo. Th.*
Schenckio & *Rolfinccio* consentientibus, & *Glissonio*, qui vassâ hæc
varicosa vocat.

Internas solas noverunt veteres, tanquam in melancho-
licis & splenicis morbis commendatas : & aperiri possunt
circa podicem, vel iis hirudines admoveri, cum alias venæ
portæ intus latentis rami nulli ad cutim exeant, qui incidi
queant.

Differen-
tiæ octo ve-
narum hæ-
morrhoida-
lium inter-
narum &
externa-
rum.

Differunt inter sese venæ hæmorrhoidales internæ & ex-
ternæ.

I. *Ortu.* Nam oritur interna, uti supra dictum, ex venâ
portæ, & secundum Coli finem sub recto intestino descen-
dit, cujus terminum seu anum, aliquot propaginibus exi-
guis orbiculatim amplectitur. Oritur aliquando à ramo
splenico, unde vas breve. Rarius vero, quod semel observa-
vit *Casseri*, ab ipso liene. Bis aut ter *Veslingius*, ex caudâ lie-
nis *Lindanus*, unde falsus *Robertus Flud*, qui ideo hæmor-
rhoidum damnat apertionem, quod non ex liene, sed ex
mesenterio potius, magno intestinorum & ventriculi da-
mno sanguis evacuetur.

Externæ vero hæmorrhoidales oriuntur à Cavæ ramo hy-
pogastrico.

II. *Insertione.* Nam interna inseritur in recti intestini sub-
stantiam, quæ membranosa est, sanguinemque require-
bat crassiorem, & per arteriam Cœliacâ seu splenicâ
communicatum.

Externæ inseruntur in musculosâ ani substantiam, quip-
pe quæ sanguinem requirebat puriorem, in Corde elabo-
ratum, & per ramos arteriarum huc advectum.

III. *Numero.* Vena interna una est, externæ triplices.

IV. *Contenti sanguinis qualitate.* Internarum sanguis est
crassus & niger; exterarum tenuior, rubicundior.

V. *Ufus.* Internæ deplent venam portæ successive, primo
vero arterias splenicâs, & splenis obstructions juvant : ex-
ternæ deplent venam cavam, hepar per accidens, primario
vero, arteriam magnam, cor, imo earum evacuatio morbos
sanguineos curat, capitis, thoracis, &c. quod & *Hippocrates*
in aphor. monuit : quare internæ dicuntur *Cacochymicæ* vel
cacochymicæ mederi : externæ *plethoricæ* vel plethoram mi-
nuere.

VI. *Profusionis sanguinis copiâ.* Internarum fluxus non
ita

ita copiosus est; *externarum* adeo quandoque largus, ut nimio fluxu homines interdum moriantur, aut in morbos gravess incidant.

VIII. In *externarum* evacuatione non adest dolor & torsio ventris; aliquando etiam nullus dolor in ano; at in *internarum* fluxu affligit.

VIII. *Internæ* solæ descendunt, non comitatæ arteriis, quanquam vel arteriæ sint occultæ, vel in superioribus ab arteria dependant. *Higlmorus & Rolfinckius*, mesentericam arteriam jungunt, quæ in posteriora recti intestini implantatur..

Externæ cum arteriis ad musculos ani descendunt manifeste. Unde externæ rectius dicuntur vasa hæmorrhoidalia, ut arteriæ simul includantur. Jungitur interna externæ anastomosibus circa anum.

CAP. V.

DE VENÆ CAVÆ TRUNCO ASCENDENTE, PRÆSERTIM VENA SINE PARI.

VENA CAVA; item magna & MAXIMA, veteribus dicta, *Vena cava*
ob ejus capacem cavitatem *Aureliano* vena crassa, vena quid?

est amplissima corporis nostri & omnium aliarum mater, quæ à porta non proveniunt, ex hepatis gibba seu convexa sede prodiens, unde *Hippocrati* jecoraria dicitur, ramis multis per superiorem hepatis partem sparsis, & circa summum in unum collectis truncum, conspicitur, qui statim dividitur in superiorem seu ascendentem, & inferiorem seu descendentem, ita tamen ut continuus sit à jugulis ad os sacrum. *Higlmoro* monente, ad cordis ostium dextrum, cui auricula affigitur, quasi duplex ejus fuerit exortus, bini caudices in unum ostium patentissimum conjuncti apparent, quorum unus superne ad claviculas, alter inferne spectat, internæ vero quasi per cicatricem magnam caudices ambio essent conjuncti, striga quædam cartilaginosa in medio venæ transversim eminet, in medio ostii ad cordis ventriculum ducentis aliquantum oblique adstans, in aliquibus ad modum *valvula* se habet, quæ est velut paries intergerinus, sanguinem fursum affluentem, à sanguine deorsum elabente dirimens & utrinque illum ad cordis auriculam dirigens.

TRUNCUS ASCENDENS diaphragma penetrat, & per
tho-quid?

thoracem, collum, caput & brachia disseminatur. Fertur autem indivisus usque ad jugulum. Interea ab ea oriuntur quatuor rami.

Vena diaphragmatica, pericardii, & mediastini.

I. PHRENICUS sive vena diaphragmatica, utrinque una, unde etiam rami ad pericardium & mediastinum mittuntur. Per hanc in empericis pus ferri ad renes & vesicam ingeniose probat *M. A. Severinus*, quia 1. ad infimum diaphragmatis, pus debet quiescere. 2. Motu septi facile attenuatur. 3. ejusdem motu oscula aperiuntur. Quod de arteriis verius dixeris, quæ ad renes per emulgentes suos ramos deferunt sanguinem, & cum eo varia excrementa, pus, ferum, &c.

Deinde ascendit vena cava per septum, & pericardium perforans sinistrorsum modice vergit, seque insinuat in dextrum ventriculum cordis, amplo foramine, ubi undique dextræ auriculæ jungitur: ibi vero constituitur.

Cordis vena coronaria. Eitvula.

II. VENA CORONARIA, quæ aliquando gemina est, cordis basin cingens, ad cujus ortum posita est *valvula*, redditum sanguinis in truncum admittens. Arteriæ enim continuo meatu jungitur; ut ex hac sanguinem accipiat qui ad cavam remeare debet.

P. Guiffartus nobilem *valvulam* Rothomagi observatam refert & depingit, in trunco cavæ ascendente juxta venæ coronariæ exortum, eo fine ne sanguinis per venam cavam ascendentis & chyli è superioribus descendentis fiat confusio. Illam tamen diligenter quæsitam Parisiis non fuisse repertam narrat *Cattierius*. Eadem vero est, à nobis descripta.

Deinde Pericardium truncus ascendens denuo perforat, & priorem formam, quæ sub corde erat, sed graciliorem induens, per mediam pulmonum divisionem (non super vertebra thoracis amplius, ubi jam gula & trachea) ascendit ad jugulum. Interea gignitur

Vena sine pari.

III. VENA supra cor insignis, ἀζωγὰς dicta, SINE PARI, quia in homine & cane communiter una est, in uno latere habitans, nec in altero conjugem agnoscens. *Gemina* vero in ruminantibus nonnullis capris, suis, &c. Et in humano cadavere sæpe nobis visa, semel utraque defuit, cujus loco utrinque à vena subclavia, ramus descendebat.

Oritur ex cavæ parte posteriore, sed magis tamen dextrorsum, & per dextram thoracis cavitatem descendit: in ovibus contra à sinistro cavæ latere oritur, & per sinistram descendit. In homine post ejus initium, quod est inter quartam & quintam vertebra thoracis, nonnihil dextrorsum & ex-

& extroorsum reflectitur, usque ad octavam vel nonam thoracis vertebram, ubi plane medium occupare incipit. Observavi tamen statim ab exortu recta supra medium spinæ descendere, & utrinque ramos mittere.

Hic truncus sine pari ad intervalla octo inferiorum costarum mittit utrinque ramos intercostales, qui per *anastomoses*, alicubi hinc inde junguntur, cum ramis thoracicæ inferioris à Basilica ortæ, & cum arteriis intercostalibus. Quare non semper secanda, ut vult *Vesalius*, in pleuritide dextri lateris vena.

Anastomoses.
Vesalii error de secanda vena in pleuritide.

Prope costam octavam dividitur in duos ramos.

Unus aliquando major ad *sinistrum* sub diaphragmate descendit, & inseritur modo in cavam supra vel infra emulgentes, modo in ipsam emulgentem. Hac via secundum vulgatam doctrinam pleuriticæ sæpe per urinas critice expurgantur, & puris copiam mejunt, quæ materia per emulgentes arterias deferretur verius, mediante corde.

Pleuriticæ quomodo per urinas expurgari queant?

Alter *dexter* in cavam accedit, eique jungitur, (raro emulgenti) aliquando supra emulgentem. Sæpe ultimæ, aliquando primæ lumbari implantatur, cujus ratione in pleuritidis initio, vena poplitis aperiri forsân potest, subtracto sanguine, qui ex arteriis alioquin & minimis vasibus sursum ad venam hanc erat perrecturus.

In pleuritide vena poplitis sectio cur utilis?

Quod vero somniant *Hollerius* & *Amatus*, hanc venam in principio habere *valvulas*, falsum est, si cum cordis valvulis conferantur. Unde & falsum illud, cava evacuata non evacuari venam sine pari, eo quod regurgitatio à valvulis prohibeatur. Negat eas *Fallopianus*, quia vidit & statum & sanguinem inde regurgitantem.

Error Amati Lusitani, & Hollerii de valvulis.

Recte tamen penitus inspicientes *Veslingius*, *Riolanus*, *Roslinckius* invenerunt, interdum duas, vel tres vel quatuor. sed exiguas, ita alternatim dispositas, ut irruenti sanguini obstant, refluenti in cavam cedant, quod ex circulatione verum esse debuit.

IV. INTERCOSTALIS SUPERIOR utrinque una, quæ ad quatuor superiorum costarum spacia mittitur, quando *Intercostalis.*

V. PNEUMONICA à *Sammichelio* observata, in pulmonem inseritur. De qua ex *Botterio* & *Bauhino* videndus *Roslinckius*. Sed vel in pluribus deest, vel quando adest, varia est origi- *Pneumoni-*
ne, quanquam semper à cava sit.

CAP. IV.

DE VENA SUBCLAVIA EJUSQUE
RAMIS UT & JUGULARIBUS.

*Error alio-
rum Ana-
tomicorum.*

*Error præ-
statorum in
venæ secti-
one.*

RAmis hactenus dictis constitutis, ascendit vena cava ad claviculas thymo suffulta, ubi dividi vulgo putatur, & in multis Anatomicorum tabulis ostenditur, in quatuor partes, utrinque in partem superiorem & inferiorem. Unde error ortus communis practico-um, scrupulose secandi basilicam in partium affectibus infra collum; cephalicam, in affectibus capitis. Sed ad claviculas dividitur truncus venæ cavæ non in quatuor ramos, sed duos tantum, utrinque unum, dextrum & sinistrum, qui rami *subclavii* dicuntur, aliis *Axillares*.

Quamobrem nihil interest in affectibus infra collum, si-ve Basilicam si-ve Cephalicam seces: nam æque depletur truncus venæ cavæ: siquidem ex una radice prodeunt Cephalica & Basilica. Secari potius debet à Chirurgo magis conspicua.

*Basilica in
Cephalalgia
quando se-
canda?*

In affectibus tamen capitis nisi circulatio contrarium suaderet, juvaret nonnihil magis Cephalicæ sectio, quia in hanc inseritur ramulus à jugulari externa accedens, quod non semel in variis cadaveribus observavi. Sed perinde est, quum arteriæ Carotides omnem hanc differentiam excludant.

Ex venis subclaviis oriuntur venæ tam supernæ quam infernæ; & infernæ tam antè, quam post divisionem; autè divisionem quatuor.

*Anastomo-
si.*

I. *Mammaria* (cujus tamen varius sæpe ortus) aliquando utrinque una, aliquando absque conjuge, descendens in mammæ, cujus sæpe fecimus mentionem. Hæc per anastomosin aliquando jungitur cum epigastrica sub musculis rectis abdominis.

II. *Mediastina*, quæ Mediastinum & thymum accedit.

III. *Cervicalis* pro musculis, qui vertebriis incumbunt, & pro medulla spinali colli.

IV. *Muscula inferior*, pro musculis colli inferioribus, & pectoris superioribus. Oritur hæc etiam aliquando à jugulari externa.

V. *Lacteus Thoracicus* ductus, qui inseritur in subclaviam, huc referri deberet, nisi sui generis esset vas.

VI. *Lymphaticus* ramus quoque in hanc fertur, sed peculiaris ille, à venarum consortio remotus.

Sub-

Back of
Foldout
Not Imaged



FIGURÆ EXPLICATIO.

Venæ Cavæ per universum corpus præcipuam
distributionem proponit.

A. Truncus venæ cavæ infra Cor.	q. Scapularis externa.
B. Truncus ejus supra Cor.	r. Thoracica superior.
D. Foramen quo eadem in Cor hiat.	s. Thoracica inferior.
DD. Rami subclavii.	T. Cephalica.
ee. Venæ mammaria.	V. Ejus ramus externus.
f. Vena mediastina.	XX. Ejus ramus internus, qui ex parte Medianam consti- tuit.
gg. Cervicales.	Z. Basilica.
hh. Vertebrales.	αα. Prima ejus propago.
iiii. Jugulares Externæ.	ββ. Secundæ propaginis ramus externus.
kk. Jugulares Internæ.	δδ. Secundæ propaginis ramus internus.
llll. Vena azygos.	θ. Tertia propago, alteram medianæ partem constituens.
mm. Inter costalis superior.	xx. Salvatella.
nn. Rami phrenici.	
ooooo. Propagines Cavæ per jecur.	
p. Scapularis interna.	

Sequentes Characteres designant venas inferiores.]

AA. Emulgentes.	LL. Venæ Epigastrica.
BBBB. Spermaticæ.	mmmm. Hypogastrica.
ccc. Venæ glandularum rena- lium.	nn. Muscula inferior.
dddd. Venæ Lumbares.	oo. Pudenda.
EE. Rami Iliaci.	PP. Ramulus Cruralis.
ff. Muscula superior.	Qqqq. Saphæna.
gg. Sacra.	rr. Ischias minor.
HH. Ramus Iliacus externus.	sss. Muscula.
II. Ramus internus Iliacus.	ttt. Poplitæa.
kk. Muscula media.	uu. Suralis.
	xx. Ischias major.

Subclavius truncus, egressus cavitatem thoracis, proprium *axillaris* dicitur, & *scapularis duplex* inde oritur, pro musculis scapulæ externis & internis, & pro axillarum glandulis. Deinde axillaris dividitur in ramum superiorem seu venam Cephalicam, & inferiorem seu Basilicam, uti capite sequente de venis brachii dicitur.

Ab axillari post divisionem vero à trunco Basilicæ oriuntur duæ venæ.

I. *Thoracica superior* in musculos pectori instratos, & mulierum mammas.

II. *Inferior*, (quæ aliquando ex thoracica superiore nascitur) totum thoracis latus perreptans, cujus rami per *Anastomoses* junguntur cum ramis venæ sine pari, extra thoracem prodeuntibus.

A parte superna trunci subclavii oritur primo *Muscula superior*, juxta jugularem externam in cutim & musculos partis colli posterioris. Deinde

Jugulares unde diste. VENÆ JUGULARES dictæ, quia in jugulo ad colli latera ascendunt, suntque vel internæ vel externæ.

Externa, quæ, aliquando vel in ortu vel in medio ductu duplex, sub cute sursum repens, prospicit partibus externis capitis, faciei, colli & faucium. Nam sub radice auris dividitur in ramum interiorem & exteriorem. *Interior* adit musculos oris, faucium, hyoidis, &c. *Exterior* sub aure glandulis suffulta b partitur; una soboles fertur in faciei anteriora, nasum & buccas, atque in frontis medio, cum alterius lateris ramo juncta constituit venam frontis, quæ incidi solet. Altera per latus fertur ad tempora & occiput. Hanc summo successu aperit cordatus *Severinus*, in doloribus capitis, raudedine, respirationi difficultate, pleuritide, dolore lienis, impetigine, angina, & quod præsens vidi, in faciei varicibus. Interim rami hi varie in facie & vertice miscentur.

Jugularis interna in homine ob cerebri copiam major est, contra vero in brutis. *Apoplecta* dicitur, & ad tracheæ latus ascendit, cui propagines mittit. Ad calvaria basin pertingens parte posteriore dividitur in duos ramos. Unus major retrorsum fertur, cum arteriæ Carotidis ramo minori, per ossis occipitis foramen, quod pro sexto pari nervorum factum, & duræ matris sinum intrat. Alter minor, per tertii & quarti paris foramen ingressus, in crassam meningem absumitur.

Dorsalis vena, à *Rondeletio* notata, à prima dorfi vertebra, per summum vertebrarum spinæ, ad os sacum perreptans, an à thoracis vena, vel capitis oriatur, necdum propter ex-

lita-

litate innotuit. Oſtenſa vero ea fuit *Rhodio* noſtro à *Spigelio*. Externe per muſculos ſerpit, ut ad externas thoracis referri poſſit. Hanc in convulſionibus, terano aperit *Rondeletius*, eumque ſequutus *Mercatus*, qua non apparente, cucurbitulas ſcarificatas ſubſtituunt, quibus *Rolſinckius* accedit. Exurit ferramenti in oculorum affectibus *Hippocrates*, & in hæmorrhagia aperit *Gattinaria*. Fontanella circa hanc inuſta nobilem quendam Danum à metu phthiſeos liberavit, interceptis fluxionibus ad caput vel pectus tendentibus.

CAP. VII.

DE VENIS BRACHIORUM
ET MANUUM.

VENA AXILLARIS, uti præcedenti capite annotavimus, dividitur in initio brachii in duos ramos inſignes: ſuperiorem minorem ſeu venam *Cephalicam*, & inferiorem maiorem ſeu *Baſilicam*.

Superior dicitur vena *humeralia Cubiti inferior*, *CEPHALICA* vel capitalis, quia in capitis affectibus ſecari ſolet, ab antiquis, & Chirurgis etiam nunc ſive imperitis, ſive ſuperſtitioſis.

In brutis oritur è jugulari externa, in hominibus ſemper ab axillari, ita tamen, ut à jugulari externa ramulus brevis in *Cephalicam* inferatur.

Fertur ſuperficietenus inter carnoſam membranam & muſculorum tunicam.

Ejus ramus externus, ſinis brachii dictus, ad carpi medium, parte inferiore, Baſilicę ramo jungitur, & deinde externam carpi ſedem conſcendens, inter digitum annularem & minimum pergens, dicitur *SALVATELLA*, quę eſt ſiele Arabum, cujus illi, & hodie alii ſectionem in ſiniſtra manu contra melancholicos affectus, febres acutas & tertianas commendant, ſed fruſtra & abſque fundamento. Ut opere ſingulari *Joh. Bapt. Sylvaticus*, & nuper *Severinus* probarunt, quicquid *Spigelius* de anastoſibus diſputet arteriarum in extremis, quibus Lien abundet; nam remotior eſt lien, & quęque alia quęcunquę pars ſecari poterit, ubique enim fere anastoſes.

Ramum interiorem *Cephalicę* faciunt eum, qui medianam conſtituit.

BASILICA, aliis *cubiti interior*, *Hepatica*, *Fecoraria*, &c. quia

Observanda in sectione Basilicæ. in jecoris affectibus secari solet: sed in sinistro latere vocant *lienarem*, quod ejus sectio commendetur in affectibus *lienæ*, nulla ratione.

Sed caveant Chirurghi in ejus sectione, ne nervus tertii & quarti paris adjunctus lædatur, unde magnus cruciatus, febris convulsio & mors. Subjacent & arteriæ, quibus læsis aneurysma & sanguinis profluvium.

Hæc vena in plures propagines dividitur, quam capitalis. Sub tendine pectoralis musculi dividitur in tres ramos.

I. Fertur cum brachii nervo, quem quartum faciunt.

II. Medius & profundus dicitur infra cubiti articulum diremptus in ramum externum & internum, parum à se invicem recedentes. Ille prospicit pollici, indici & medio, nec non musculis manus externis. Hic, cubiti ossi attensus medio, annulari, & minimo, nec non musculis manus internis.

III. Subcutaneus ad tuberculum brachii internum dividitur in ramum anteriorem & posteriorem: hic sub ulna descendit juxta digitum minimum, ubi cum Cephalicæ ramo jungitur. Ille, dum fertur per cubitum, procreat aliam venam insignem, quæ pergit modo recta, modo vario ductu ad carpum. Deinde dum defertur per cubitum, cum Cephalicæ ramo interiore, sub cubiti flexura constituit venam communem, quæ dicitur.

MEDIANA, *Avicennæ* nigra, dicitur media à situ, sæpe secatur absque periculo, quia nullus subest nervus, sed tendo tantum musculi. Ab hac, vel potius à parte Basilicæ, unde prodit Mediana, ramus mittitur, qui supra radium divisus, gignit propaginem unam anteriorem, inter pollicem & indicem, quæ nonnullis *Cephalica* dicitur; quibusdam *acularia*, aliis ut Mundino *Salvatella*. Alteram anteriorem, inter medium & annularem, aliquando inter medium & indicem, quæ aliis ut *Rhaphi* & *Avicennæ* Siele, seu potius Seilem.

Salva vel *Salva* ita enim apud Abensina venit. Inde *Salvatella*, quasi à salute, interprete *Jac. Golio*.

*Variatio
venarum
manus.*

Sed notandum de distributione Venarum harum omnium, variare eam in variis subjectis, & raro se habere in uno homine atque in altero, imo ejusdem hominis dextra cum sinistra raro concordat, sic & magnitudine in variis hominibus variant.

CAP. VIII.

DE TRUNCO VENÆ CAVÆ DESCENDENTE
USQUE AD CRURA.

TRUNCUS *Vena cava* ex hepate prodiens inferior seu DESCENDENS, superiore plurimis partibus inserviente, angustior est, & indivisus comite arteria magna, pergit usque ad quartam lumborum vertebra. Interea de se spargit sequentes propagines.

I. ADIPOSAS, pro renum tunica & adipe, quarum sinistra plerumque superior.

II. EMULGENTES, ad renes brevi & obliquo ductu descendentes, exortu aliquando triplici, reducentes sanguinem serosum, jam depuratum, ex renibus in venam cavam.

III. SPERMATICAS, de quibus libro primo.

IV. LUMBARES modo duas, modo tres, inter quatuor lumborum vertebra delatas. Ex his *quidam* scribunt se observasse duas venas ascendentes, intra vertebra, utrinque ad latus spinalis medullæ in cerebro, unde conjectantur, portionem materiæ seminalis à cerebro deferri.

His constitutis, *truncus* ad os sacrum contendens ad lumborum quartam vertebra, Aortæ, quæ antea subiecta fuit, se subjicit, & dividitur in duos ramos æquales, dictos *Ilios* vel *Iliacos*, quia supra os Ilii & pubis ad crura abeunt.

Circa ipsam divisionem oriuntur duæ venæ: *muscula superior* pro peritonæo & musculis lumborum atque abdominis; & *sacra*, modo simplex, modo gemina, pro ossis sacri medulla.

Postea bifurcatur utrinque ramus *Iliacus* in anteriorem majorem, & posteriorem minorem.

Ab anteriore pullulant duæ venæ: *muscula media extrinsecus*, pro musculis, sitis in coræ anteriore sede, & cute nati; & *hypogastrica*, quæ insignis est, nonnunquam gemina, pro plurimis hypogastrii partibus, ut intestini recti musculis, unde hæmorrhoides externæ, vesica ejusque colli, pene, & uteri inferiori sede atque collo. Unde venæ, per quas virginibus & gravidis sæpe menstrua expurgari creduntur, quod tamen rarius fit, quando venæ hypogastricæ sanguinem crassum cumulant, nec remittunt ad truncum, tum aperiri possunt, sin minus, supprimuntur quidem, sed ascendunt ad cor per cavam, palpitationesque & alia mala inducunt.

cunt. Illis autem bene se habentibus, per arterias naturaliter menstrua externantur, quod ex colore apparet florido, & communi arteriarum officio ad partes vehendi. *Riolanus* metuit ne ita facile sanguis sistatur, quod opus naturę committimus, quę superfluo cruore evacuato reliquum sibi retinet. Aliis quoque indiciis id probat *Walæus* in Epistolis. Hic ramus, ubi cum ramo crurali interno junctus est, cessat.

Ab exteriori tres: duę antequam peritoneo egreditur, & una postea, prima *Epigastrica* (raro à crurali oritur) pro peritoneo & abdominis musculis; pars præcipua ascendit, sub musculis rectis ad mammarias; quibuscum junguntur sæpe circa umbilicum.

II. *Pudenda* pro partibus pudendis in viris & fœminis, transversim ossis pubis medium adit.

III. *Musculi* inferior, pervadens coxendicis articuli sedem pro ejus loci musculis & cute.

Postea ejus rami crurales dicuntur.

C A P. IX.

DE VENIS CRURALIBUS.

VENÆ CRURALES, uti & arterię & nervi transcurrentes, in femoris plicatura, frequentibus glandulis intertextuntur firmitatis ergo. Deinde à crurali utrinque oriuntur sex rami.

I. *SAPHENA*, quia inter alias in pede manifestior, seu *malleoli*, longa est & insignis, fertur in interno cruris latere, cum nervo attento inter cutim & membranam carnosam ad genu, & per tibię internam partem fertur ad malleolum internum. Atque in pedis superioris partes, digitos versus, præsertim pollicem, varie distribuitur. Hęc secatur circa malleolum in affectibus uteri, præsertim in menstruorum retentione, & Gonorrhœa, ad evacuationem seu revulsionem sanguinis copiosius alioquin ad uterum & genitales partes adscensuri. Aperienda vero ubi magis conspicitur, sive in dorso pedis sive in latere.

II. *ISCHIAS MINOR*, huic opposita est. Est enim ramus ex crurali exterior, & brevis: fertur extrorsum & transversim in coxendicis cutim, & ejus loci musculos.

III. Oritur à trunco inter musculos latente, **MUSCULA**: ramus geminus & insignis, distributus inter musculos in femore sitos.

IV. *POPILITÆA* ex duplici ramo crurali misto confit, & sub

sub cute recta posterius per medium poplitis flexum excurrit usque ad calcem, aliquando ad malleoli externi cutim. Hæc vena putatur vulgo sub genu frequenter ab antiquis incisa fuisse, quam semel etiam *P. Paulus Magnus* Chirurgus Romanus secuit. Sed cum profundissima sit, & non videatur, putandum eam secari non posse, nec fortassis esse venam popliteam, præsertim cum *Galenus* in hujus descriptione varius sit, & venam appellet modo in poplite, modo circa poplitem, modo ad genu, modo sub genu; intellexit forte venam malleoli, quæ deorsum ad tuberculum tibiæ internum descendit, & conspicua satis revera sub genu est.

V. SURALIS dicitur, quæ magna vena; & dividitur in ramum anteriorem minorem, & anteriorem majorem, & rursum quilibet in anteriorem & posteriorem. Distribuitur per suræ musculos. In pedis dorso cum popliteæ furculis commixtus, varium illum venarum plexum sub cute conspicuum, constituit.

VI. ISCHIAS MAJOR partem dat suræ musculis, deinde in decem propagines absumitur, singulis digitis binas tribuens.

Notanda de his omnibus: 1. Omnes ramos hos, varios ad cutim furculos extrinsecus mittere, cutaneos dictos.

2. Omnes hos ramos diversimode se habere in variis hominibus, uti in brachiis dictum, neque in ejusdem hominis pedibus, eundem semper ductum venarum esse.

3. Non adeo magnum habendum venarum delectum, etiam in venarum pedis sectione; cum omnes ex uno trunco propagentur, & ab extremis partibus arteriisque sanguis ascendant.

ANATOMIÆ BARTHOLINIANÆ LIBELLUS II. DE ARTERIIS.

Respondens

LIBRO II.
DE MEDIA CAVITATE
Sive THORACE.

CAP. I.
DE ARTERIIS IN GENERE.

*Appellati-
ones.*



ARTERIA Græcis *ἀρτηρία*, quod aërem vel spiritum contineat & conservet, antiquis, ut Hippocrati, Platoni & Aristoteli dicebatur fistula pulmonis, quam etiam Hippocrates arteriam magnam vocavit. Galenus distinguit, & fistulam pulmonis vocat asperam arteriam, nostras vero arterias læves, quas Hippocrates arterias parvas vocat, Aristoteles modo venam aortam, modo simpliciter aortam. De illa hic agimus: arteriam enim pulmonalem, & arteriam hepaticam, quæ vena portæ est, suo loco explicabimus.

*Arteria
quid?*

Est vero ARTERIA proprie accepta, organum commune, teres, oblongum, fistulæ in modum cavum: ex duplici tunica constans, ex corde prodiens, vehendo ad partes omnes sanguini & spiritui vitali idoneum.

Efficiens est vis propria arterias generans, quæ *ἀρτηροποιτική* dici potest.

MATERIA ex qua, est semen glutinosum & magis frigidum, secundum Hipp. Et hoc est principium originis.

Principium dispensationis, non est cerebrum, ut Pelops Galeni præceptor voluit, sed cor, ex consensu omnium Philosophorum & Medicorum. Et quidem prodeunt arteriæ ex sinistro

sinistro cordis thalamo, non medio, quem sibi fingit & imaginatur *Aristoteles*, atque ex eo prodire voluit aortam. Itaque arteria magna ex corde prodit, uti & venosa arteria, & vena arteriosa, sed hæc ex dextro ventriculo; de quibus supra libro secundo.

Finis vel usus I. Quatenus canales sunt, devehunt sanguinem & spiritum vitalem seu arteriosum in corde confectum (non enim solus spiritus absque sanguine in arteriis continetur) ad partes omnes, 1. pro vita communicanda seu facultate vitali, ut spiritus vitalis partibus insitus & calor natus sustineatur atque foveatur. 2. ut spiritus animalis generetur in ventriculo medullæ nobili. 3. ad nutritionem omnium partium, quæ per has solas earumque sanguinem aluntur, non venosum aut per venas. 4. Excrementa corporis & sanguinis eidem permixta vel ad extrema corporis deducere, vel renes, vel mesenterium, vel uterum, vel hæmorrhoides, &c. 5. *Volschamero*, ut sint vehiculum chyli nutrimento novo ad sanguineas partes reficiendas deferendo apti. Addo lympham.

II. Quatenus moventur seu pulsant perpetuo; hunc usum præstant, 1. Ut calor partium innatus ventiletur, refrigeretur & attemperetur, & ita *συνεργία* caloris conservetur. Hoc non tam fit aëre ratione vacui attracto in arteriarum dilatatione, quam sanguine arterioso aëre impregnato, continenter affluente. 2. ut nutritus ille sanguis arteriosus indefinenter minimis arteriis & exinde partibus effundatur. Nam primo cor continuo pulsu pellit in arterias majores, quæ siquidem remittere non possunt ob valvas, nec rumpuntur, necessario ad minimas arteriolas singulasque partes detruditur. Istæ autem partes quum non nutriantur omni eo quod impellitur, reliquum remittunt ad venas ut fiat *Circulatio*. Deinde quocunque corporis loco ligata arteria impletur cor versus, secus atque venæ, & in opposito, versus minimas arteriolas partesque depletur. Tertio in Venæsectione mediocriter ligato brachio, pulsuque permanente intumescit manus, & facta incisione sanguis copiose infra profunditur, qui à superioribus vedis, vinculo interceptis, venire quum nequeat, ex arteriis subjectis deducitur. Quarto, In vivis animalibus dissectis is tumor arteriarum prope originem advertitur; & flacciditas prope partes extremas quas ingrediuntur, iisdemque apertis fluxus impetuosis cis vinculum, citra nullus. Ultimo ex Aneurysmato idem videre est. 3. Ne venarum, quibus conjunguntur, sanguis quiescat & putrescat instar stagnantium aquarum, &c.

cor sanguine destituatur in continua expulsionē, à pellen-
tibus arteriis iterum per venas continuo repletur.

*Pulsus d-
quibus can-
sis fiat.*

Motus hic arteriarum Pulsus dictus, fit aut *facultate sola*,
sive ipsis arteriis insita, ut *Praxagoras* voluit, sive à corde per
tunicas arteriarum influente, ut *Galenus* docuit, & postea in-
finiti Medici, imprimis propter cannulam arteriis immis-
sam, sub qua non moventur ob tunice interceptionem, an-
tequam auferatur; deinde prout cor constringitur & dilata-
tur, ita & arteria, ut patet admota una manu regioni cor-
dis. altera carpo, atque ex vulneribus cordi arteriisque infli-
ctis: aut ex sanguine, eoque vel ebulliente, ut *Aristoteli* vi-
sum, vel rarefacto, ut *Cartesians*, vel puro distendente, quod
Harveus probavit; aut utroque sanguine implente, & facul-
tate dirigente, quod nos amplectimur. Nam à sanguine im-
pelli distendique arterias probamus. 1. Cor continuo pulsu
expellit magnam sanguinis copiam, ut Cap. de Corde de-
monstravimus. 2. Eundem sanguinem implere arterias &
motitare, docet arteria ipsa renudata, in quam singulis pul-
sibus allisum sanguinem descendere digitis senties, quo dila-
tatur. 3. In arteriotomia sanguis exiit singulis pulsibus sic-
ut ex corde. 4. Arteriæ descendens portionem cum duo-
bus cruralibus ramis spithamæ longitudine exemtam, in-
que os fistulosum conversam vidit *Harveus* in Viro Nobili,
per cujus tamen cavum, dum vivebat, descendens sanguis in
pedes subditas arterias suo impulsu agitabat. Idem in arteria
Aorta observarunt alii. In Aneurysmate manifeste cernitur
caro pulsare, quemadmodum alias solebat integra arteria ab
affluxu cruoris. 6. Pulsus undosus, vermiculans, idem indi-
cat, iudicio *Walei*. 7. Aliud experimentum insigne submi-
nistrat *Harveus* ex intestinis canis vel lupi vel alterius, ex-
siccatis, inflatis & aqua repletis. Possē enim nos ab una parte
digiti ictu pulsata & vibrata, in altera extremitate adversa,
applicatis digitis omnem ictum & motus differentiam cla-
re sentire. *Facultatem* tamen conjungendam censemus tuni-
cis à corde communicatam, cujus ope constringuntur & di-
latantur; quia 1. fluxus alioquin foret inordinatus, & pulsus
semper inæqualis. 2. Arteriæ omnes uno momento simul
dilatantur vel constringuntur, sanguis autem solus successi-
ve implet arterias, commovetque partem post partem. In-
flatis quidem chirothecis inflantur simul omnes digiti,
quod *Harveus* objicit, & in pelvi ictus motusque sunt si-
mul in utroque extremo: sed sanguinis corporei alia ratio,
qui instar specierum vel status neutiquam potest moveri.
3. *Facultates* sive irradiatio luminis vitalis ictu oculi omnes
par-

partes potest perfundere, instar Solaris luminis. De his plurā in Corde. 4. Hinc intra cannulam Galeni, obscure movetur arteria, quia sanguinis impetus velocior cessat impedita facultate. Quanquam de difficili hoc experimento aliter commententur Harveus & Walaeus.

Arterię autem dilatantur omnes quando Cor constringitur, & versa vice, corde dilatato diastolemque patiente, constringuntur arterię, & sunt in systole, quod ex dissecta arteria cordeque & ligatura certum est, nec olim Erasistrato ignotum, & ratio dicitur, quia corde expellente, ab ejus sanguine implentur illę. Nec tamen contrarios pulsus habent, ut admota manu carpo cordisque regioni exploramus, nam cordis pulsus sentitur à nobis in systole ejusdem, arteriarum vero in diastole quando implentur, quia duo motus simul fiunt. Arterię capillares minimę non pulsare sentiuntur, quia tantus non est impetus, unde à venulis vix licet discernere. Tenuēs quoque habent tunicas, ut instar venarum transparet sanguis.

An arterię
simul cum
Corde di-
latentur.

Forma ex accidentibus patet, licet arterię forma substantialis sit anima, una cum toto.

Situs est profundior, semper sub venis, quo tutiores sint, idque non tantum in partibus externis, sed & internis; si abdomen paulo infra renes excipias postquam enim vena cava & aorta à diaphragmate descendentes regionem renum præteriere, cava se sub aorta submergit per totam regionem illam, donec abdomine exeant; ibi enim rursus arteria se sub cava recondit. Cujus rei causam hanc Plempius esse conjectat; quod merus alias esset, ut ob corporis flexuram, quę ibi sæpius incidit, vena cava simplici tantum tunica donata, tali motui resisteret.

Magnitudo satis insignis. Major vero pars est arterię descendens, minor ascendens, ob partium interiorum majorem numerum.

Magnitudo.

Numerus paucior est, quam venarum, quia celer est sanguinis per arterias transitus, tardius per venas, unde congestus ex aliquot pulsibus, plura receptacula accepit. Plures tamen sunt arterię quam putantur aut discerni possint, quia capillares venulis quam simillimę, ob simplicem tunicam, quam etiam induunt arterię carotides & cervicales in cerebro & cerebello.

Figura sunt instar canalıs vel fistulę, teretes, rotundę & longę.

Meatus. Quędam arterię in intestina terminantur, per quas fit expulsio excrementorum; quędam ora habent in

cutim terminat, per quæ aër externus attrahitur in transpiratione, quæ per venas quoque fit, & fuligines expelluntur. In ossa inferi negavit *Platerus*, sed *Spigellius* Patavii observavit in grandi ossis tibiæ carie, substantiam ossis ab arteriola pertulam: quod forsan & viderat *Aristoteles*, quando in solidum detinere arterias dixit.

Arteria an sentiant? *Membrana*, uti venæ, cinguntur aliquando crassa & communi à vicinis partibus, quando sunt extra viscera & musculos; & tales arteriæ, quæ adjunctam habent membranam nervos recipientem, sentiunt; unde *Galenus* ait pulsus inflammari, item sentire atque dolere arteriam: quod in interiori expertus est quidam Patavii, qui ingenti circa lumbos dolore defunctus, lapides, instar unguis, in arteriis lumbaribus condebat. Aliæ vero arteriæ sensu carent.

Substantia. Substantia arteriarum membranosa est, ut distendi & comprimi possint magis quam venæ. Cartilaginosa putavit *Fallopianus*, quia in osseam substantiam degenerasse observavit; quod & *Veslingius* supra valvulas in arteria magna circa cor lenis vidit, uti & *Harvejus*. Multa tamen in os mutari non cartilaginea, in septo cordis, docet *Columbus*. (Constat vero duabus tunicis peculiaribus.

Tunicæ quos?

Exterior tenuis est, mollis & rara; uti venarum tunica.

Alterâ interior densa, dura & valde crassa, quintuplo videlicet crassior venarum tunica, nisi in extremis partibus: unde *Herophilus* dixit arterias venis sextuplo crassiores, in hunc usum, ut robur adesset in motu perpetuo, & deinde ne cito evanesceret aut evaporaret sanguis tenuis, spirituosus & vaporosus intus contentus. Hinc in arteriotomia lata acutaque lanceta profundanda est incisio, ob situm arteriæ profundum & tunicæ crassitiem. Favent arteriotomiæ ex antiquis *Oribasius*, *Ægineta*, *Ætius*, *Actuarius*, *Aurelianus*, *Abensina*. Cum successu tentavit *Galenus* in oculorum affectu à calido sanguine vaporumque pleno, & in coxendicum dolore. In Phrenitide id genus remedii adhibet Romæ *Panaxolus*, usitatamque in Ægypto scribit *Alpinus*, quam in Galliis quoque exercuit *Paræus*. Magno ægrorum commodo secant feliciter Neapoli *Marcus Aux. Severinus*, & apud nos *Paulus Moth*, Medici & Chirurghi maximi, præsertim in capitis affectibus, in quibus tamen videri posset inutilis, quia 1. per interiores arterias carotides ad cerebrum ex basi ad retiformem plexum vaporosus calidusque sanguis ex æquo fertur, ac per exteriores quæ referantur. 2. Idem sanguis redit per venas jugulares ex certis circulationis legibus. Sed, siquidem profuisse certissimum est, existimo non tam

Arteriotomia an & quomodo instituenda?

curat.

curationis gratia quam præſervationis inſtitui. Evacuata enim per arterias exteriores nonnihil antecedente cauſa, conjuncta per venas jugulares facile extruditur. Adhæc poſteſt aliqua arteria externa obſtrui vel vena, ut nec illa mitat, nec hæc recipiat, niſi aperiuntur. Monet *Riolanus*, non ſecari tuto, niſi os ſubjectum habeant, ut in temporibus, fronte, occipite, & manu ſupra carpum, adde pedem, ut nempe poſt ſectionem & ſanguinis evacuationem ſupra os forti ligatura comprimantur. Fruſtranea tamen admonitio, quia vix alibi arteriæ ſectionibus patent. Commodam ligaturam in arteriotomia docet *Jacobus Mekrenius*, Chirurgus Amſtelodamenſis.

Galenus tertiam addit tunicam in interna ſuperficie, telis aranearum ob tenuitatem ſimilem, in magnis arteriis circa originem apparentem, ut partibus alligetur vicinis, quando ſcilicet in regionibus media & infima, nuda arteria procedit. A pleura & peritonæo hæc accedit. Ad arteriarum inſigniores ramificationes quandoque fibras tranſverſim poſitas reperit *Maur. Hofmannus* in cavitate, quæ impulſum ſanguinis fortioſiorem retundunt, eo modo quo glaciæ ad pontes ruentis viſ per repagula infringitur, & nimiam arteriarum dilatationem prohibent. Carent enim *valvulis*, niſi prope cor, quia nulla illarum neceſſitas, cum ubique per totum corpus ſimul incipiens & deſinens ſit ſyſtole & diaſtole, nihilque in arteriis reperiatur, quod ſanguinis reſreſſum urgeat. Alias rationes contra *Carteſium* urget *Jac. de Back*. Fibræ autem illæ à *Galen*i tunica araneæ ſimili eſſe poſſunt.

C A P. II.

DE ARTERIÆ MAGNÆ TRUNCO
ASCENDENTE.

Diſtributio arteriarum, quæ venas fere ſemper comitantur, faciliſ erit & brevior; quia jam ſupra intellecta venarum diſſeminatio.

ARTERIA MAGNA ſeu crassa, aliarum arteriarum mater, patente orificio ex ſiniſtro cordis ſpecu egreditur; ubi intra pericardium de ſe progerminat arteriam.

Coronariam, baſin cordis ambientem, modo ſimplicem, modo geminam. Deinde capſulam cordis egreſſa, dividitur in truncum aſcendentem minorem, & deſcendentem majorem.

TRUNC-

TRUNCUS MINOR & SUPERIOR tracheæ incumbens, omnibus partibus supra cor habitantibus prospicit: & dividitur insubclavium dextrum, altiore & multo ampliore, & sinistram, humilior ortum atque obliquius brachium accedentem. Hinc pulsum in sinistro carpo potius eligendum censent.

Deinde totus truncus thymo suffultus, in duas carotides abit, seu *sopores* impares, recta sursum tendentes. Nonnunquam dextra tantum carotis à trunco thymo suffulta oritur, quod vidit *Riolanus*, sinistra vero à trifida divisione trunci infra claviculam sinistram: interdum dextra à subclavia dextra, sinistra à trunco statim ubi divisio fit, quod ego observavi.

Arteriæ *subclaviæ* antequam thoracem egrediuntur (egressæ enim *axillares* dicuntur) ex parte inferiore progignunt *intercostales superiores*, ad tria vel quatuor interstitia superiorum costarum: ex parte superiore, 1. *Mammarias*. 2. *Cervicales*. 3. *Musculos*.

Ab axillari, antequam brachium accedit, parte inferiore nascuntur *thoracica superior*, *thoracica inferior*, & *scapularis*: parte superiore *humeraria*. Reliquum ex axillari utrinque brachium accedit.

C A P. III.

DE ARTERIIS CAROTIDIBUS.

ARTERIÆ CAROTIDES à dextra subclavia altiori propagatæ, (unde venas dextri brachii potius eligendas in morbis Cephalicis suadet *Higmoerus*) sursum ascendunt ad caput recta secundum tracheæ latera, jugularibus internis connexæ: nam externæ venæ non comitantur arterias. Venæ tamen jugulari internæ & carotidi interjectus est nervus sextæ conjugationis, recte notante *Riolano*. Ubi ad fauces veniunt, antequam cranium ingradientur, dant ramulos laryngi & linguæ: deinde divisio fit in ramum exteriorem & interiorem.

Exterior gracilior, prospicit buccis, & faciei musculis; deinde ad antrum radicem finditur in duos ramos; unus ad auris posteriora mittitur, unde rami duo maxillam inferiorem intrautes pro labio & omnibus inferiorum dentium radicibus. Alter ad tempora, frontem & faciei musculos.

Interior ad ossis sphenoidis sellam sub dura matre rete mirabile constituit, deinde duram matrem pertransit, & duplicem

plicem de se mittit propaginem. 1. *Minorem* cum nervo optico ad oculos. 2. *Majorem* ad glandulæ pituitarię latus ascendentem, & per piam matrem, cerebrique substantiam distributam.

Accuratam magis distributionem Carotidum habet *Willisius*, deque illis multa erudita *Rosinckius*.

CAP. IV.

DE ARTERIIS TOTIUS MANUS.

ARTERIA AXILLARIS per brachium defertur inter musculos descendens, cum vena & nervo brachii, quem quartum faciunt.

Sub flexura cubiti dividitur in duos ramos insignes; superiorem & inferiorem.

Superior secundum medium ad carpum recta fertur, ubi *Pulsus ubi* pulsus Medici explorant; deinde sub annulari ligamento *exploretur* progrediens, digitis pollicis, indici & medio ramos imperitur.

Inferior ulnam percurrans ad carpum, prospicit medio & annulari & minimo: atque ad carpum pergit, ubi arterię motum inferius per sentimus, præsertim in macilentis, aut pulsu magno præditis. Sed priorem ramum melius pulsare sentimus, quia minus à tendinibus occultatus.

CAP. V.

DE ARTERIÆ MAGNÆ TRUNCO
DESCENDENTE.

TRUNCUS *aortæ* DESCENDENS retrorsum reflexus, major est, quia de se ramos spargit in ventrem medium & infimum, nec non in crura.

In thorace vel medio ventre à trunco majore duę arterię prodeunt.

I. *Intercostales inferiores*, ad octo costarum inferiorum intervalla & vicinos musculos. Nam raro contingit venam sine pari habere comitem arteriam sine pari, à trunco oriundam. Per has intercostales, si *Spigelio* credimus, pus & aqua in thorace collecta in arteriam magnam assumitur, inde per ramos emulgentes ad vesicam deportatur. Cui favet ratio, quia brevior via & per arterias facilius congesta materia rapitur, addo naturalem arteriosi sanguinis motum libentius sequi pus, quam venosi.

II. *Phre-*

FIGURÆ EXPLICATIO.

Aortæ magnæ seu aortæ per universum corpus distributionem delineat.

- | | |
|---|--|
| A. Principium arteriæ magnæ
è corde assurgens. | ii. Mammaria. |
| aa. Truncus eius ascendens, à
qua oriuntur | kk. Intercostales superiores, |
| CC. Arteriæ subclaviæ, ab
his vero | ll. Scapularis interna. |
| dd. Carotides arteriæ, quæ
dein producant | mm. Scapularis externa. |
| ee. Ramum anteriorem, | nn. Thoracica superior. |
| ff. Ramum posteriorem. | oo. Thoracica inferior. |
| gg. Arteriæ vertebrales seu
Cervicales. | PP. Ramus axillaris dictus. |
| hh. Musculæ. | Qqq. Superior ejus ramus per
brachium ad carpum disper-
sus. |
| | Rr. Inferior ejus ramus itidem
ad manum abiens. |

Sequentes Characteres designant arterias à Truncò
descendente ortas.

- | | |
|--|---|
| B. Truncus arteriæ descendens. | Rrr. Iliacæ internæ. |
| aaaaa. Intercostales inferiores. | S. Arteria sacra. |
| bb. Phrenicæ. | tt. Arteriæ hypogastricæ ad
rectum intestinum & pudenda. |
| C. Arteria Cœliaca. | uu. Hypogastricæ ad uterum
porrectæ. |
| d. Eius ramus dexter. | XX. Arteriæ Umbilicales. |
| e. Ramus ejus sinister seu Ar-
teria splenica, minutissimis
ramulis per Lienem sparsa. | ZZ. Arteriæ Epigastricæ. |
| f. Gastrica arteria dextra. | ΔΔ. Arteria cruralis. |
| g. Arteria gastrepiploica. | αα. Arteria pudenda. |
| h. Arteria epiploica. | ββ. Muscula inferior. |
| kk. Arteria Mesenterica su-
perior. | σε. Arteria muscula cruralis
externa. |
| ll. Emulgentes arteriæ. | ηη. Muscula cruralis interna. |
| mmmm. Spermaticæ. | θθ. Popliteus arteriæ ramus. |
| nnn. Lumbares. | κκ. Suralis ejusdem ramus. |
| ooo. Mesenterica inferior. | λλλ. Rami qui in pedem ejus-
que digitos absumuntur. |
| pp. Rami arteriæ Iliacæ. | |
| Qqq. Arteria Iliacæ externa. | |



Back of
Foldout
Not Imaged

II. Phrenica, pro diaphragmate & pericardio.

Reliqua pars trunci septi fissuram penetrat, & ramos per infimum ventrem spargit, quorum alii comitantur ramos venę portę: alii ramos venę cavę. Qui comitantur ramos venę portę, sunt tres;

Cœliaca arteria, Mesenterica superior & inferior.

COELIACA ita dicta quod plurimos ramos mittat ad ventriculum, antè prodit ex aorta, omento suffulta, & dividitur in ramum dextrum graciliorem, atque sinistram amplio- rem, qui sub ventriculi regione postica necuntur venę portę in pancreate.

Dexter ad hepatis cavum ascendens, & nonnihil progressus, à parte altiore generat gastricam dextram, & cisticas gemellas; Ab inferiore *ἐπιπλοῦ* dextram, intestinalem, & gastroëpiploin dextram, ad imitationem venę portę: ideo quę ibi diximus, hic repetantur. Reliquum ex ramo dextro abit in superficiem hepatis cavam.

Sinister, vel arteria *splēnica*, dextro major est, ne facile obstructuatur à crassis succis, & ut sufficientem sanguinem vitalem spleni infundat. Hęc arteria splenicę venę attensa flexuoso & obliquo ductu ad splenem abit, deinde eodem modo quo vena splēnica, ramos spargit.

MESENTERICA SUPERIOR in totum fere mesenterium *Arteria mesenterica* distribuitur, & arterias *mesentericas* constituit, in jejunio, ileo, & coli parte: quarum usus est 1. partibus vicinis & quibus inferuntur calorem nativum communicare. 2. suscipere in morboſa constitutione, ad instar venarum Mesaraicarum, excrementa universi corporis, ut ad intestina deponant, cuius usus auctor est *Spigelius*. 3. Arterias Mesaraicas ad id utiles, ut chylum trahant quibusdam visum. 1. ex ductu. 2. finibus. 3. contento. 4. Auctoritate *Galenii*. 4. de usu Part. c. 17. & An in art. sit sang. c. 5. quem *Hofmannus* sequitur. At chylum trahere non possunt, quia chylus nunquam in illis visus, & arterię recipiunt ex partibus nihil, sed partibus quibus inferuntur, aliquid communicant. Nec trahunt ad cor, ut vult *Varolus*; nam obstant valvulę: & Chylus per proprias vias thoraciarum lactearum ad cor accedit. Neque ad hepar vel lienem, ut aliis placet, quia ad lienem tantum vitalem sanguinem arterię splenicę vehunt, & jecori unica solum implantatur arteriola. Neque ex arteriis iterum restituitur in venas, ut *Spigelius* arbitratur, ita enim frustra- neam operam lussisset; Neque ad *cœliacam* chylum hunc deferunt, quia per arterias adscendit nihil, omne ad partes descendit. Ergo 4. *verus usus arteriarum Mesaraicarum ex-* prin-

principiis *Walæi* est, sanguinem arteriosum ad intestina deducere pro eorundem nutritione. Quem humorum motum monstrant ligaturæ in vivis. Mesaraicæ enim arteriæ ligatæ in tumorem attolluntur versus truncum & cor, & vacuæ apparent versus intestina, quæ sanguinem exfugunt, superfluumque per venas mesaraicas remittunt ad hepar.

An sanguis abdominis circumletur.

Circulariter enim movetur quoque sanguis in abdomine ex arteriis Cœliacæ & Mesentericis in venam Portæ, quicquid *Riolanus* neget, particulari suo per truncos motu, quia

1. Eadem est necessitas, quæ in corde & in reliquis partibus, utilitas eadem, idem urgens.

2. Quum sine intermissione impulsus fiat in arterias etiam Mesaraicas & Cœliacas, necesse est nisi vel rumpan- tur illæ, vel tumores aliaque mala in mesenterio excitent, ut ad portæ ramos recurrat.

3. Ligaturæ idem, quod alibi, hic monstrant.

4. Valvulæ in ramo splenico observatæ *Harvejo*, recursum per venam portæ admittunt.

Ad contrarias rationes notandum,

1. Sanguinem venæ Portæ non esse adeo impurum si cum alio cavæ conferatur, quin interdum purior, & quanquam fœculentior, ideo major recurrendi esset necessitas, ut ab hepate & corde purior reddatur.

2. In hepate esse anastomoses sive venarum portæ & cavæ, quanquam in cadavere non ita appareant, sive parentes in parenchyma hepatis.


3. Palpitatio insignis, in hypochondriacis affectibus, arteriæ Cœliacæ, interdum quidem fit, quod etiam observarunt *Fernelius* & *Mercatus*, sine mutatione pulsus, male nempe affecto hypochondrio flatulento, vel intemperie aliqua laborante, qua sanguis idem à corde proveniens in hac regione immutatur: sæpe tamen ex inferiorum palpitatione Cor immutari exemplum habet *Tulpius*. Alia argumenta, docte refutata, apud *Slegelium* quoque vide.

INFERIOR in inferiorem Mesenterii partem, colique sinistram partem.

Arteriæ vero aliæ, quæ cavæ ramos comitantur, sunt sequentes, excepta mesenterica inferiore. Nam hoc ordine prodeunt rami ab arteria magna in imo Ventre. 1. Cœliaca. 2. Mesenterica superior. 3. Emulgens. 4. Spermatica. 5. Mesenterica inferior. 6. Lumbares: ex quibus duæ arteriæ putantur comitari venas duas ad cerebrum. 7. Muscula superior.

Postea vero *Aorta* ad ossis sacri initium venam cavam con-

fig. 1



conscendit, & non amplius subjacet, ne ad os allidens in perpetuo suo motu lædatur: præterea ut anteriores partes generationis officinæ, ob calidi indigentiam, magnæ arteriæ essent viciniore. & hoc loci dicitur

Iliaca, ubi dispescitur instar cavæ in duos truncos iliacos, & horum quilibet in ramum interiorem minorem & exteriorem majorem, ad crus euntes.

Sed antequam crurales fiant, de se mittunt utrinque sex propagines. *Sacram*, statim sub bipartitione: ab interiore trunco *musculam inferiorem*, *hypogastricam*, & *arterias umbilicales*: ab exteriore, *epigastricam* & *pudendam*. Reliquum arteriæ in crus fertur, & constituit arterias crurales.

CAP. VI.

DE ARTERIIS CRURALIBUS.

EX arteriis cruralibus utrinque constituuntur hæ ARTERIÆ.

Supra poplitem, à trunci parte exteriore, *muscula cruralis externa*, ad musculos femoris anteriores; ab interiore *muscula cruralis interna*, ad musculos femoris interiores; & hæc ad genu cum *hypogastricæ* ramulo miscetur.

Sub poplite oriuntur tres rami:

Primus *popliteus*, in musculos femoris posteriores.

2. *Suralis*, qui dividitur in tibieum anteriorem, posterio-rem altum, & posteriorem humilem, pro tibiæ musculis.

3. Reliquum absimitur in pede minore ejusque digitis.

EXPLICATIO FIGURÆ Præcedentis.

Exhibet Arteriæ vertebralis Ramificationes utrinque in superiorem medullæ spinalis partem, inque posteriorem medullæ oblongatæ regionem exporrectas.

A A. Medullæ oblongatæ posterior regio.

B. Communis ductus ab utrisque arteriis vertebralibus unitis constans.

C. Figura Rhomboides quam in brutis gemina vertebralium arteriarum coalitio describit.

D. Arteriarum vertebralium supra medullam spinalem coalitio prima, è quo loco arteria spinalis descendit.

E. Arteria spinalis.

F F. Dux arteriæ vertebrales à ramis axillaribus profectæ.

G. Medulla spinalis.

f f f f f f f f f. Surculi arteriosi in cervicis musculos.

g g g g g g g. Surculi in medullam spinalem missi, qui ab utroque latere in arteria spinali juxta singulas vertebrarum commissuras cœunt.

h h h h h h h. Surculi arteriosi, qui sinuum canales affecti plexum arteriosum constituunt.

I I. Dux arteriæ in spinam ab aortæ dimissæ

AN-

ANATOMIÆ

BARTHOLINIANÆ

LIBELLUS III.

DE NERVIS.

Respondens

LIBRO III.

DE CAPITÆ.

CAP. I.

DE NERVIS IN GENÈRE.



ervus aliquando de ligamento dicitur ab antiquis, unde apud *Comicum*, in *nervum* ibit, aliquando de tendine: proprie vero dicitur de organo communi deferente cum spiritu animali facultatem movendi & sentiendi, hinc *Aureliano* sensuales viæ.

Nervus itaque est organum commune, oblongum & tere-
res, pro facultate animali, vectore spiritu animali, in partes quid-
deducenda.

Efficiens est vis nervifica.

Materia Hippocrati est seminis pars glutinosa, & frigida, calefacta, non tamen perusta: & *Galeno* est materia alba, crassa & lenta. Atque hoc est principium originis.

Principium dispensationis, vel pars, unde origo nervo-
rum immediata, est medulla oblongata, prout partim est
intra cranium, partim extra, in spina. Intra cranium oriun-
tur, quæ vulgo dicuntur à cerebro oriri, septem nervorum
paria: in spina vero triginta. Et hæc verissima sententia non
tantum ex similitudine substantiarum medullaris & nerva-
lis, verum etiam oculari experientia confirmatur.

Aristoteles voluit à corde oriri, quem sequuntur *Alexan-*
der, *Averroës*, & *Aponensis*, qui tamen dicunt fieri hoc me-
diantè cerebro.

T t 2

Alii

Alii voluerunt nervos nihil esse aliud quam venas & arterias continuatas, & in nervos degenerantes: ut olim *Praxagoras*, & nostro seculo *Cæsalpinus*, & *Reusnerus*, *Hofmannus* & *Martianus*, sed minus bene; quum 1. in cerebro arteriarum nervorumque nulla appareat per anastomoses conjunctio. 2. læsa vel secta in capite arteria, convulsionem non excitet. 3. distinctus nervorum in cerebro exortus, ut arteriarum in corde, videatur.

Lindannus cum prioribus consentit, partim ac primo è corde esse, partim ac primario è cerebro. Ex corde ratione materiæ, seu quatenus sunt arteriæ è corde in cerebrum sublata. Ex cerebro ratione Formæ, seu quatenus è cerebro rursus delatæ arteriæ nerverscant, ut loquitur *Tidicæus*: h. e. vestiuntur triplici substantia cerebri. Rationibus idem probat *Jo. van Horne*, quia 1. in ira effervescent sanguis, igneque apparent oculi. 2. ex maniacorum & phreneticorum robustissimis motibus tempore paroxysmi. 3. omnibus nervi vigorantur quibus cerebrum è vino incaluit. 4. ex dissectis majoribus nervis excrevit fungosa substantia, quæ est à sanguine in nervis alterato. Sed aliud hæc nihil probant, nisi ab arteriis materiæ seu sanguinem cerebro suppeditari, partibusque membranosis, quo spiritus animalis restauratur: ad hæc etiam nervis arterias, ut cerebro, inferi, præsertim tunicis illorum. Recte *Villiusius*, ut carnes, membranæ & ossa quævis sanguine irrigantur, ita ope microscopii detegi minuta quorundam nervorum corpora, una cum propriis illorum fibrillis, arteriarum & venarum capillamentis stipari: sed fibrillas nervorum ab aliorum vasis distinctas esse non inficiatur.

Erasistratus putavit à dura matre prodire.

Hodie cum *Galeno* statuunt medici complures, alios nervos oriri à cerebro, alios à medulla spinali. Quos omnes refutat *aut. Vissæ*.

Нервовит
искус.

Finis & usus est, facultatem animale cum spiritu animali à cerebro acceptam instar canalium adferre ad partes

1. Sensorias, ut oculos, aures, &c.
2. Motorias, ut musculos, ad motum.
3. Ad omnes fere partes, ut in genere sentiant & dignoscant, quæ dolorem adferunt.

Itaque nervi partibus inserti dant his vel solum sensum, vel solum motum, vel utrumque: nec ullus motus voluntarius aut sensus absque nervi fit opera; unde nervo inciso, statim privatur illa pars sensu & motu.

Quomodo ad motum & sensum faciant, concipit *Cartesius*

sus per filamenta nervorum à cerebro ad partes singulas producta, quibus tactis, ut in cithara, extrema simul moventur. Organum pneumaticum vocat *Villisius* totum caudicem medullarem à cerebri fundo ad os sacrum continuatum, quod flatum singulis tibiis destinatum includit.

Nervi ergo, inquam, dant partibus vel *sensum* vel *motum*, *Nervi motori* prout in has vel illas partes disseminantur, cum nervi ex se *torii an à* sentientes aut motores non sint. Ut si in motus organa *sensoria* musculos implantantur, dicuntur nervi *motorii*; si in instrumenta *differant* sensus, sentientes. Item sæpe pro ratione partis unum par nervorum & sensum & motum affert. Ut sextum par vulgo dictum nervorum cerebri, communicatur visceribus imi & medii ventris ad sensum tactus, recurrens vero factus, laryngis musculis fert motum. Par illud Opticum dictum, solum sensum dat, quia in oculos implantatur. Alterum vero par, quod motorium dicitur, & æque à medulla ortum est, ut prius, dat motum, quia in musculos oculorum abit.

Situs nervorum securitatis gratia est magis profundus *situs*, quam arteriarum.

Magnitudo varia est, pro organorum conditione & actione *Magnitudo* dignitate, assiduitate, atque magnitudine. Optici *do.* magni sunt, ob oculorum actionem talem. Sic crassissimi sunt nervi, qui ad partes remotas & plures mittuntur, ut artus; mediocres in sensoriis; nam quia molles, ideo nimis tenues esse nequibant: minimi proximarum partium nervi, ut in faciei musculis.

Numero statuuntur esse vulgo triginta septem paria; *se-* *Numero* ptem paria à cerebro, quæ nos dicimus oriri non à cerebro, sed à medulla oblongata intra cranium, & triginta à medulla in spina. Septem vero illa paria nos rectius dicimus decem esse paria, ut patebit *sequenti capite*: & ita nos *quadraginta* paria nervorum facimus: decem intra cranium orta: & triginta extra in spina.

Priora Veteres septem tantum fecere, & quidem à cerebro orta, hoc versu comprehensa:

Optica prima, oculos movet altera, tertia gustat,

Quartaque, quinta audit, vaga sexta est, septima lingua.

Sed olfactorium par ab illis, omissum, & tertium par ab illis factum, duplex est & distinctum; sic quintum est duplex: cujus duplicitatis unum par, alii etiam octavum par fecere: nam *Archangelus* octo statuit paria, *Columbus* novem, nos decem, ut dicetur infra.

Triginta vero paria medullæ spinalis, ita dividuntur, ut

T t 3.

septem.

septem sint *cervicis* seu colli, duodecim *thoracis* seu dorfi, (aliis undecim) *lumborum* quinque, (aliquando quatuor) *ossis sacri* sex.

Usus in
Medicina
hujus do-
ctrinae.

Hi omnes nervi ab utroque latere producuntur, unde dicuntur *paria nervorum*, συζυγία, *conjugia* vel *conjugationes*. Et eorum origines atque distinctiones scire Medico necessarium est, ut sciat, quibus spinæ partibus topica applicanda sint, quando motus vel sensus vel uterque læditur in facie, collo, manibus, musculis abdominis, pene, podice, utero, vesica &c.

Nervus si-
ne pari.

Præterea quoad numerum, sciendum, quemlibet nervum habere suum comparem vel conjugem, excepto ultimo seu infimo à medulla dorsali profiliante.

Cur nervi
absque ca-
vitate.

Figura nervorum est oblonga, rotunda & teres, instar canalium; sed absque cavitate, quam nec folle nec stilo potui ego, nec microscopio alii invenire, secus quam venæ & arteriæ: quia hæc una cum spiritu sanguinem vehunt: nervi solum spiritum absque sanguine.

An optici
nervi cavi?

Excipit *Riolanus Pater* nervos pudendi manifeste cavi, quod tamen de ligamenti cavis pudendi excusat *Filius*, Patre in Anatomicis magis versatus, & ita quoque *Laurentius* est loquutus. *Severinus* in Zootome veretri bovini nervos cavi testatur. *Galenus* quoque addit nervos opticos, quos vult cavi esse & perforatos sensibiliter atque manifeste: ad quod conspiciendum tribus putat opus esse, videlicet, ut 1. Animal sit magnum. 2. Statim post mortem disseccetur. 3. Aër circumfusulus clarus sit & lucidus. Tria alia insuper requirit *Plempius*, ut acutissimo cultro disseccetur nervus, ne comprimatur vel extendatur, denique ut ultra coitionem dividatur. *Galenus* subscribit *Cornelius Gemma*, qui porum magis instar puncti conspicuum internæ nervorum cavitati tribuit.

Alii porositate melius conspicuam putant in opticiis nervis elixatis. *Fallopianus* *Galenum* hoc putasse dicit, quia in simiarum corporibus quæ secabat, nervi omnes sunt pervii, *Spigelius* tamen meatus quosdam in principio tantum nervorum admittit, ubi coeunt, moxque inde versus oculum evanescere. Vidi & ego cavitationem & publice demonstravi in cadavere, postquam coiere ante oculi ingressum.

Omnem vero talem cavitationem contra *Galenum* his nervis denegant *Vesalius*, *Eustachius* & *Coiterus*, aliique, atque experientias producant, quæ non succedunt nisi conditionibus, supra positis, servatis.

Olfactoriis quoque cavitationem *Villis* tribuit, non ad animalis

malis spiritus, sed pro serositatum transitu.

Reliqui omnes nervi carent manifesta cavitate, instar cannae Indicae. Sed habent *Poros*, per quos subtiles spiritus permeant, ne detur impossibilis corporum penetratio. Duplices sunt illi *Hogelandio*, *minores & majores*. Per illos transire subtiliora corpora aërea ad movendum partes; per hos minus subtilia. Neutrum sensus discernit. Nec duplices in cerebro spiritus. Potius crediderim pro cujusque partis indigentia, & voluntatis imaginationisque arbitrio, jam plus spirituum per majores, jam minus per minores ferri, quos spirituum seu copiosus seu minor influxus efficit.

Constant præterea nervi omnes, nullo excepto, ex multis fibris nervosis, vel filamentis sibi mutuo per membranulas connatis. Ego cum *Joh. Leoniceno* Anatomico plane diligenti observavi, nervorum truncum prope coxas, si dissecetur, cavitatem quasi ostendere, infinito fibrarum plexu, vermiculorum instar, constantem, quum alibi continuum sit corpus & fibris coherentibus & continuis.

Cartesius nervos singulos ex pluribus *tubulis* componi supponit, tunica exteriori & interiori involutos, quæ continuæ sint duabus matribus cerebri. Singulis his tubulis medullam inesse, quæ plurimis tenuissimis *filamentis* ex substantia cerebri prodeuntibus constat, quorum extremitates terminantur altera quidem parte in ejus superficie interiori quæ cerebri ventriculos respicit, altera vero parte definit in tunicas & carnem, in quibus tubulus, qui filamenta illa continet, finitur. Non ita vero impleri tubulos per medullam, quin spiritibus animalibus spatii satis relinquatur per quod ex cerebro defluant in musculos, ad quos tubuli isti, qui totidem nervi censendi, tendunt.

Filamentosam productionem esse nervorum funiculos concedit *Blasius*, sine considerabili substantiæ medullaris additione. Quod confirmat observatione *Pavii*. At materia mollis medullosa in nervis artuum observatur, quæ à spinali medulla procedit ob substantiæ similitudinem.

Quamquam vero suppositio sit, non demonstratio ocularis, quicquid de filamentis nervorum *Cartesius* ingeniose comminiscitur, placet tamen multis, quia facile exinde concipiunt motum & sensum. Igitur annotamus ex eodem *Cartesio*, in gratiam curiosorum.

1. Filamentorum innumerum esse numerum, quæ ab invicem discriminata atque per totum corpus diffusa, inserviunt organis *Tactus*, pro ratione varia qua afficiuntur. Si enim tanto impetu trahantur, ut disrumpantur, anima ex

motu eo, qui eo impetu in cerebro excitabitur, causam concipiet sentiendi dolorem. Si pari impetu, sed non rumpantur, voluptatem. Si plura filamenta æqualiter trahantur, superficiem lævem & politam, si inæqualiter asperam. Si non simul, sed alia post aliam separatim, uti à calore, nullum sensum percipit; si paululum intendatur, caloris; si diminuetur, frigoris sensus animæ exhibebitur.

2. Filamenta nervorum linguæ seu *gustus*, facilius moveri posse, quia dissolutiora & membranulis exilioribus involvuntur. Quatuor vero diversis modis moveri posse, & totidem *sapores facere*.

3. Filamenta ad *nasum* pro odore, à particulis longe minutionibus quam quibus linguæ nervi afficiuntur moveri posse, quia tenuiora, & ab objectis magis immediate afficiuntur per aërem inspiratum.

4. Filamenta *aurium* esse crassiora, ita disposita ut omnia facile simul & eodem modo tremulis illis motibus impellantur, quibus aër externus per tympani membranam moveat.

5. Visum dependere à duobus nervis, qui ex ingenti capillamentorum summè mobilium numero compositi sunt, quibus actiones illas diversas cerebro offerunt.

Sed ex communi anatomicorum sententia

Substantia nervorum putatur esse triplex: interna, alba, medullaris; (per quam tanquam centrum actio perficitur) à medulla cerebri, sed compacta magis & densata: & externa duplex tunica: exterior durior à dura matre, & interior tenuior à pia matre. Quæ membranæ idem præstant nervis, quod dura & pia mater cerebro. Cæterum hæc substantiarum distinctio, ratione magis quam sensu investigatur, nisi in maioribus animalibus, in quibus exteriorem corticis instar separavi. Utraque connectitur per fibrillas venarum & nervulos ad vertebrarum foramina enatos.

Cartesius in nervis valvas esse arbitratur, quæ spiritum admittant apertæ: clausæ, sistant ne refluat, alias partium motorum fieri non posse: aperiri enim ab his spiritibus, ab illis vero occludi; hiantes manere si spiritus illac non fluat, tumque occludi musculum. Sed videntur spiritus in partibus retineri posse, si anima, quæ spiritus usque ad valvulam direxit, in ipsas usque partes dirigat. Nemo enim Anatomicorum valvas hætenus observavit. Nec spiritus subtiles valvulis impediuntur. Neque denique faciles forent Apoplexiæ aut Paralyseos, si spiritus possent in partibus à valvulis detineri. Regerit *Cartesius*, naturam eas generali quodam decre-

decreto omnibus corporis nostri locis indidisse, per quæ materia quædam ordinario ingredi consuevit, quæ regressum conari posset. Sed de materialibus ita cogitavit Natura, non subtilibus, seu spiritalibus.

Præter valvas *Circulationem* quoque spirituum animalium in nervis introducit *H. Regius*, quem defendit *Rogers*. Postquam enim ex cerebro per totum corpus sunt distributi, partim credit dissipari per insensibilem transpirationem, partim venis insinuos misceri cum sanguine, & cum eo redire ad cor, & inde iterum in cerebrum nervosque. Limacis vitro inclusi exemplo id probat, ubi spiritus, per corpus transparentes à cauda per ventrem videntur transire ad caput, & à capite per tergum redire ad caudam, indeque rursus ad caput progressuri.

Sed dubia quædam me retrahunt ab hac ingeniosa conjectura, quia

1. *Valeus* indagaturus animalium spirituum motum, nihil aliud observare diligentissimus potuit, quam motum musculorum distentionemque. Nervos enim ligatos à ligatura nec tumere, nec distendi, & discissos non alium motum exhibere, quam quod in se contrahantur. Quamvis enim subtiles sint spiritus, ut mihi objicit *Rogersius*, tamen etiam sisti posse, Apoplexia docet.

2. Spiritus ad venas recurrere opus non est, quia subtiles facile absuntur, & ex ipsiusmet confessione, insensibiliter exhalant.

3. Novus semper à cerebro suppletur, qui absumpti defectum suppleat.

4. Venæ non indigent, quia spiritum sanguini proprium possident, nec motu animali moventur. Imprægnari quoque posse ab animalibus è cerebro spiritibus, non nego, sed id ad sensum non motum animale.

5. Nervi ipsi non moventur per systolen aut diastolen, neque à seipsis, ut dictum, quia non apparet illis ligatis, & motu voluntario movent per musculos, neque ab arteriis, quia hæ exiliores, nec eas ingrediuntur, denique ad talem motum nervi ob lubricitatem sunt inepti.

6. In Limace spiritus ille est sanguinis vice, quo alioquin caret.

7. Vidi qui integros sensus omnes & motum singularum partium ad extremum vitæ halitum servarint, quibus tamen pulsus per aliquot dies intermiserat. Ubi spirituum ad venas non erat regressus, libere ex cerebro ad partes alioquin, donec supererant, commeantium.

Circulatio quædam inventis lymphaticis vasis concipi potest, si ex spiritibus animalibus condensatis, quod voluit *Segerus*, aqua seu lymphæ, velut alembico extracta, lymphaticis indatur, indeque per cor ad cerebrum nervosque recurrat. De spiritibus ipsis eodem modo à nervis in venas assumptis, redeuntibusque per cor ad cerebrum, circulationem fieri posse *Rosfinccius* scribit. *Meyssonnierius* circulationis speciem signat ex sero effuso à synanastomosi vasorum & arteriarum ipsisque filtris fibrosis nervorum in venas, à quibus per synanastomosin effundatur etiam in nervos & partes spermaticas, & inde in glandulas, à quibus iterum in venas & cor migret, per lymphaticos ductus.

*Nervi duri
vel molles.*

Sciendum nunc, non æque duros aut molles omnes nervos esse; unde *Galeno* alii nervi molles, alii duri. Illos *sensitivos* vocat, hos *motorios*. Fiunt vero *duriores* nervi,

1. *Ob productionem*, ut qui longius progredi debuerent, aut per durum corpus, aut obliquo ductu. Et quo longius à cerebro abeunt, eo duriores fiunt. Hinc breviores nervi, ut visus, gustus, auditus, molliores sunt, & odoratorii molliissimi.

2. *Ob usum*. Duri enim ad motum aptiores statuuntur, molles ad sensum. Unde sensus organa, nervos molles accipere, ut nervi affici possint, & sensibili externo occurrente pati. Omnes vero partes motum voluntarium habentes duriores accipere nervos, quia durum ad agendum est magis aptum, molle ad patiendum.

*Cur nervi
motorii du-
riores?*

Quamquam vero molliores ad sensum sint aptiores, duriores ad motum, illi tamen non sunt sine motu tantillo, hi non absque sensus justa proportionem, *Rogersio* animadvertente. Mollior ubique nervus est in centro, circa fissuras utrinque durior, ut recte notat *Blasius*, qui observavit quoque ibidem esse valde fibrosum, & quasi ex quatuor columnis fibrosis.

Distinctio alia *Villisi* est, eaque peropportuna, quod alii nervi ex cerebro actus spontaneos exsequantur, alii ex cerebello functiones involuntarias, imprimis par vagum.

Uusus igitur Nervorum omnium est,

1. *Vehere Spiritum animale* ad omnes partes pro sensu & motu, quod ex læsione illorum constat. Si enim obstruantur in principio, vel totaliter, perit utrumque & Apoplexia oritur; vel ex parte, fit alterius partis sensus vel motus privatio. Si dissecentur, motus istius partis tollitur, in quam inferebantur.

2. *Animale lumen* ad partes diffundere. Nam spiritus animales

males tam subito non tollerentur, sive in ligatura, sive obstructione nervorum, quin illi qui in partibus hærent, adhuc per tempus aliquod, motum vel sensum efficerent. Aliunde igitur erit cerebri *directio*, qua sublata, statim ab officio cessent partes, quemadmodum malleus à manu in incudem, & baculus projectus dirigitur. Quod aliqui præter spiritum animale, per *Accidens* aliquod calidum explicare sunt conati. Sed ego lumine irradiativo à cerebro cum spiritibus misso hæc fieri arbitror, quo intercepto priventur partes dictum factum sensu motuque, sicut à nubecula Sol, & manu opposita candelæ lumen nobis adimitur. Nam

1. Nulla alia causa influens tam subito affluit, tamque subito retrahitur.

2. Lux fere omnis motus causa est in universo, nihilque ea velocius.

3. Post interceptionem interdum remanet, sed non diu, sicut suscepta in lapide Bononiensi lux, & baculus cum impetu à me projectus, media autem via fractus, ulterius pergit per motum à manu impressum.

Lumen hoc animale nobiscum admittit *Kolhansius*, sed nervis non esse adstrictum, sine canali enim ad partes fluere, quia lumen canali non includitur, nec id admittere nervorum conformationem ex fibris cohærentibus. Sed per canalem fluere potest, si à cerebro dirigatur, sicut per vitrum species externæ in cubile tenebricosum constringuntur. Poros habent nervi per quos lumen transeat, quo tamen ligati nervi non intumescunt, quia immateriale.

3. Temperies corporis figuram & temperiem nervi sequitur, quare in propinando medicamento fugere oportere quæ eam dissolvant, monet *Jo. Damascenus* in Aphor. ad filium 7.

4. Aliis novitiis nervi cum glandulis familiaritatem habent, ut aliquid ad has vel adferant, vel ab iis auferant; pro nutritione partium spermaticarum succum nutritium adferre. Sed non opus entia multiplicare, nam vasa sanguinea sufficiunt, quæ omnibus partibus, etiam spermaticis, adsunt, nervis ipsis, membranis, tunicis, cerebro &c. Et sanguis heterogeneus variis suis partibus singulorum indigentæ consulit. Glandulas carere sensu & motu, verum non est. Moventur obscure, quando exprimitur illis lymphæ, quod in salivalibus manifestius. Sentiant nonnihil, ut idoneo nutrimento alantur.

Succi hujus nutritii commentum varios auctores habet, *Succi nutritii commentum.*
Th. Cornelium, Backium, Mœbium, & olim *Fortium*, denique
 Anglo-

Anglorum plerosque, *Gliffonium*, *VVhartonium*, *Charletonum*. Qui tamen ipsi in sectas dividuntur. Horum enim sententia succus nutritius per nervos à cerebro deferitur pro partium spermaticarum nutritione, & quod superfluum est, refunditur per lymphatica. Aliis, ut *VVillifio* & *Rogersio*, est tantum vehiculum spirituum Animalium. Priores impugnat acriter *Deufingius*, *Meara*, nosque prius in *Spicilegiis*.

Impugna-
tur.

Credimus arterias eadem præstare posse, quæ nervis tribuuntur ab istis, & superfluam lympham ex partibus, lymphatica revehere, quod alibi fufius, hic breviter demonstrabimus contra nutritii succi Patronos: quippe 1. Omnes partes, etiam membranosæ, sanguinea vasa habent, adeoque sanguine, vel iis quæ in sanguine continetur, nutriri possunt. 2. Nervi cavitatem sufficientem non habent pro succo crasso, qualis nutritius est istarum partium frigidarum. 3. Succum nutritium à cerebro non excipiunt, quia cerebrum, à quo oriuntur, talem non conficit, nec possidet. 4. Non observatus talis in nervis succus ab ullo, nec ligaturæ, nec vulnera quicquam monstrant. Si quid exstillare in quibusdam observetur, vel à sanguine manat, ejusve sero aut lymphaticis comitantibus partes, vel aliis excrementis, quibus p. n. scatent animalia, vel à partibus vicinis compressis. Non omnis succus nervis subtrahitur, sed talis qui aliat alias partes. 5. In hepate exiles nervi, copiosa lymphatica ejusdem cum aliis substantiæ & usus. 6. In Paralyfi nonnunquam emaciantur membra, non nervorum culpa, sed vel amisso tactu, vel à frigore calorisque defectu, unde pulsus ibi debilior. Sæpe tamen vidi resoluta brachia & tumore & calore & pulsu vegetiora, quam sanæ partes; ubi nervi obstructi nullum succum mittunt. 7. Succus quicumque in nervos irruens, tremores, spasmos, &c. excitare solet. 8. Atrophia laborantes, sanis nervis marcescunt. Novi tabidos, incolumi sensu, ad motum agiles; at præpingues contra, copia succi nutritii abundantes, ad motum ineptos, ad sensum stupidos. 9. Partes copiose nutritæ paucos nervos, parcius copiosos sortitæ sunt, quod in mesenterio aliisque patet.

Ejusque
motus.

Motum succi nutritii in nervis varium fingunt ejus fautores, vel mixtum quietis interpunctione interruptum, vel reciprocum, vel electivum, vel irritativum. Sed quia oculis hæc nostris non obversantur, donec cerrior experientia aliud docuerit, dubitamus: quia 1. Incertum adhuc an humorem contineant. 2. Si sit, motus rectus convenientior, quia recta à cerebro dirigitur, in systole enim cerebri expellitur

litur spiritus ad nervos, nec quicquam remeat, si valvulæ concedendæ. Referre noxios humores ad cerebrum in hysteriis, &c. ob contrarium contentorum motum, non facile credimus. In diastole sanguinem ex arteriis recipient. 3. Per somnum item motus, quia etiam tum partes crassiores nutriuntur, & moventur. 4. Reciproco motui adversatur Paralysis & Apoplexia, ubi intercipitur rectus è cerebro spirituum cursus, nec recurrunt per nervos, ut redeat sensus motusque. 5. Electivi motus non major hic quam in sanguine necessitas, nec is rectum excludit. 6. Nec irritatione invertitur naturalis motus, sicut nec in vasis aliis. 7. Nullus motus in ligaturis seu spiritus, seu succi observatur. In duplici ligatura, nervum inter vincula nihil intumescere vidi, nec discissum liquorem stillare. Ergo nullus continetur, qui regredi non potest propter superius vinculum, nec electivè trahi pellive propter inferius, nec alio evaporare.

5. Speciosus rem exponit *VVillisius*, nempe succum nervosum seu laticem aquosum inservire in nervis spiritibus, tum pro *vehiculo* sua fluiditate, tum pro *retinaculo* ne protinus dissipentur, sua visciditate: cujus idcirco defectus aut depravatio, spirituum animalium inordinationes & nervosi generis affectus excitet. Habere enim se hunc succum instar seminis masculini, qui humori nutritio seu sanguini ab arteriis suggesto crassiori, velut femina, suffunditur, velut fermento impregnat & spiritu animali.

Sed spiritus animalis, subtilissima sanguinis portio, vehiculo isto non indiget. Per se id omne præstare potest, quod huic succo nervoso invisibili, incerto, non necessario attribuitur. Dicitur spirituosus liquor suis auctoribus. Ergo & hic alio vehiculo indiget. Huic alium insuper auxiliarem in via suppeditari concedunt, ne deficiat. Ita in infinitum multiplicantur entia. Spiritus tamen animales necessarii ad partium commodiorem nutritionem, ut partes promptius alimenta trahant. Hinc hilari alacrique animo stomachus facilius concoquit, mæstus difficilior. Alioqui vehiculum aliud spiritibus per se fluidis, impedimento foret, quia lumen splendidius fulget cælo sereno, quam per nubes.

6. Formas quibus anima movetur cum imaginatur & judicat, non esse tantum in cerebro, sed & in omnibus nervis, in quibus imaginationem continuari existimat *Petitus*, in iisque esse non quidem lucidam, ut in cerebro, sed pro conditione recipientis obscuriorem paulum, & ad so-

lum

An in nervis imaginatio.

lum movendi officium determinatam. Summa : *imaginationem* in nervis quoque residere probat 1. ob similitudinem nervorum cum cerebro. 2. Quia sensus communis & imaginatio eadem apud veteres. Illum autem nervis quoque inesse. Nec differre vim motricem, nisi gradu siccitatis. 3. Imaginatio & motrix facultas re ipsa idem sunt, & connectuntur, quia phrenetici vim movendi tam intentam habent, ut vix teneri à sanis robustis possint. In trepidatione subita idem docetur. 4. Multi debiles artubus, imaginatio ne robur exseruerunt, in quibus Sibillæ & Bacchæ.

Subordinationem hic asylum ignorantia vocat, quia connecti imaginationem & motus instrumenta putat. Dependendam tamen hic admittendam liquet, quod cerebro, ut origine, læso, nervi patiantur, vel intercepto, hi nihil agant. Observatum *Amstelodamensibus* contrahi artus si spinalis medulla irritetur, immisso per caput ranæ stylo. Aliud experimentum in cane apud eosdem occurrit, corpore vertebrarum aperto : dum enim membrana fecaretur, nullus motus in membris notabatur, dum vero medulla scalpello tangeretur, aut divideretur, motus in crure videbatur manifestus. Cerebri primam ubique esse affectionem aliæ observationes produnt. Observatum enim, abscisso brachio, arthriticum quendam dolore adhuc manum credidisse. Dogma *Cartesii* est, nec gratam nec tristem sensationem esse in pede, sed cerebro.

C A P. II.

DE DECEM PARIBUS NERVORUM, intra Cranium à medulla oblongata ortis, eorumque progressu.

An olfactorii, nervi sunt?

PRIMUM PAR olfactorium facimus, cujus processus *millares* dicuntur. Hi vero processus satis cogniti fuere ab omnibus : at nervi, quibus illigantur pone, & ferme continuantur, nemini aut paucissimis.

Præoccupatio.

Nervi hi circa sellam sphenoidis ex medulla elabuntur, prope ventriculos anteriores, & ductum, colorem, usum nervorum habent, quamobrem pro nervis numeramus.

Nervorum enim nomen ideo eis detrahi non debet, quod extra calvariam non egrediantur, & crassam meningem, eaque postea non investiantur : alioquin omnes reliqui nervi quamdiu intra cranium sunt, non essent nervi dicendi, quod absurdum.

Cavi-

Cavitatem manifestam invenit *Willisius*, utrinque ad ventriculos anteriores continuatam, cui si immisso siphone insuffletur, statim tota cerebri moles intumescit. Ejusdem monitu, nervi hi in plures *fibras & filamenta* divisi in narium cavernas delati, membranae inferuntur.

Nervis his adjectæ sunt duæ crassiusculæ portiones vel PROCESSUS dicti MAMILLARES, papillares.

Processus
mamillares.

Numero duo, albi, molles, lati, oblongi, in hominibus tenuiores & minores, in brutis majores, præcipue in canibus & animalibus olfactu exquisito præditis, & in avibus rostratis patuli ad radicem rostri protenduntur. Nam

Usus horum processuum est, ut sint olfactus vera organa, non nasus aut ejus tunica. Hanc tamen eligit *Schneiderus*. Conjungit processus *Willisius*, quia illorum filamenta in canibus venaticis plura sunt & insigniora quam aliis: ipsam vero sensationem proprie à fibris internæ tunicæ dependere, quæ sensile per nervos ad cerebrum deferunt, Processibus adduntur hæc argumenta, quod 1. in coryza illis obstructis vel læsis, lædatur odoratus, illæsa tunica. 2. Perpetuo pleni sunt spiritibus. *Cavitatem* enim habent in vitalis amplam & rotundam, aqua limpida impletam ad demulcendas odorum species *Willisio*.

Organum
olfactus.

Hi processus in anteriore cerebri parte locantur, post os colatorium, huicque dura meninge vestito faciem apponunt, per quod os cribrosum, odores ascendunt.

Aliud par olfactoriorum nervorum ex quinto seu tertio pari addunt *Schneiderus*, *Rolfinckius*, *Willisius*, naibus implantatum, unde consensus gustus & olfactus.

SECUNDUM PAR, quod in aliis primum, est opticum vel visorium, quia spiritus visivos ad oculos defert vel species ipsas ad cerebrum; non vero humores ad oculum ex cerebro pro nutritione, quod commentum est *Casalpini*. *Hierophilus* vocat poros opticos, vel meatus, quia cavi putantur. *Malpighius* invenit in Thynno & Xiphia ex pluries replicata membrana constare vasorum filamentis connexa. Antea *Eustachius* complicatos asseruit, veluti tenuissimum matronarum linteum, in innumeras rugas inæquales pari serie distributas, & tunica illas ambiente, coactum: qua incisa evolvi, & in amplam membranam totum explicari.

Hi nervi inter decem hæc paria sunt maximi, crassissimi, sed aliis molliores.

Oriuntur, non ut communis est opinio, ex anteriore parte basis cerebri; nam ulterius occiput versus querendum eorum initium, ubi feruntur inter cerebrum, & spinalis medullæ

Opticorum
ortus.

dullæ principium, atque ex medullæ oblongatæ truncorum priorum è cerebro natorum principio oriuntur. Hoc est, ubi medulla prolongari incipit. *Riolanus* vero demonstrat revolutos esse circa magnas illas cerebri eminentias, quas *Galenus* Thalamos nervorum Opticorum appellat, quæ ad ventriculos anteriores perveniunt, ut inde spiritus opticos depromant. Quia prope corpora striata sua optici & olfactorii oriuntur, *Villifus* asserit olfactus & visivas species immediate cerebrum ferire.

Unio opticorum, & ejus vera causa.

Paululum vero progressi, in media fere via uniuntur, supra sellam ossis sphenoidis, non per simplicem contactum vel intersectionem in homine, sed totalem substantiæ confusionem, ut minus in medio viæ longioris tractu ob mollietatem patiantur. *Vesalius*, *Aquapendens*, *Valverda*, aliquando observarunt, toto ductu divisos mansisse. Contactu in quadam conjunctos observavit *Vesalius* quoque, cui dexter oculus ab ineunte ætate emarcuerat, quia nervus dexter tenuior erat sinistro ultra conjunctionem. Sed in plerisque ordinarie confunditur interior substantia, ut accurata inquisitione deprehendi.

Coalitus nervorum opticorum ideo à natura institutus, sive ne sensibile utroque haustum oculo geminetur, sive ut spiritus visivus, alteri oculo, si opus sit alterutro læso, totus conferatur, quæ *Galenus* sunt conjecturæ, sive denique ob robur & fulcimen hic necessarium, ne in cerebri concussionibus distrumpantur, distorqueanturve, neve ob cerebri opticorumque mollietatem & humectationem, quod *Plempio* placet, à destillationibus & excrementis aliis flaccidiores redditi, à tramite suo depellantur.

Statim deinde separati exeunt extra calvariam in oculorum centrum in homine, in brutis longe inferius; cum ad latera magis prospiciant.

Intra calvariam tenui tantum meninge vestiuntur; à foraminibus vero, quæ pertranseunt usque ad oculos, simul crassa meninge obducuntur. Hanc expandit deinde ad scleroticam tunicam, alteram ad Choroidem, interiorem vero substantiam medullarem ad retinam.

Notandum ex *Villifio* 1. Nervi hujus truncum extra cranium paulum indurescentem, esse plurium fibrarum una coalescentium & *ὑφ' ἑκείνης* productarum quasi fasciculum, ut spiritus animales totidem lineis rectis, in oculo satis refracti, moveantur. 2. Fibras quamplurimas è nervis motoriiis emissas, opticum ubique ambire & circumligare. 3. Vasa sanguifera ex carotidibus utriusque nervi se juncti
trunco

trunco inniti: Hinc à potu & uberiori victu somnolentiam oriri & circa oculos gravedinem.

TERTIUM PAR, aliis secundum, est *motorium* oculorum, priori proximum.

Oritur putatur vulgo Anatomicorum prope primi originem à cerebro: Sed accedit mediam capitis sedem, infra opticos progreditur, intercussationem faciens, &

Oritur ad intimam partem principii medullæ oblongatæ, ubi in ortu sic utrinque uniuntur hi duo nervi *motorii*, ut se mutuo tangant, immo continui sunt; quæ causa est, quod uno oculo moto alter etiam moveatur.

Hoc par priori minus & durius, atque visorio attentum, per alia foramina calvariæ egreditur, ad musculos oculorum & palpebrarum. Rarius ramulum mittit ad musculum temporalem; unde aliquando hoc læso, læditur oculus, & è contra.

Motibus quibusdam spontaneis & patheticis fere tantum inservire creditur Willisio, & extra cranium in 4. ramos dividi, quorum tres exinde in totidem distinctos musculos rectos, attollentem, adducentem, & deprimentem feruntur, quartus singulari trunco longius pergit, & in medium musculi, oculum ad angulum internum deorsum versus oblique circumducentis, implantatur.

Quartum, Quintum & Sextum paria confunduntur valde ab Anatomicis. Nam alii quartum & quintum par unicum faciunt, & Tertium par vocant, ex duabus radicibus constans, quarum minorem alii tertium par faciunt, qui ipsi, quintum & sextum pro unico, videlicet pro quarto iis dicto pari habent. Qui vero pro unico numerant, Quartum par nobis dictum, iis est tertii paris radix minor, & sextum par pro quarto habent. Nos hæc omnia paria distinguimus.

Itaque QUARTUM PAR, aliis, ut Bauhino. Tertium, aliis, ut Fallopio, octavum par dicitur; aliis vero male tertii paris minor radix: nam cum sequenti pari nihil habet commune, neque in principio, neque in progressu cum eo jungitur, & extra ordinem aliorum parium enascitur; aliis quidem.

Ex latere initii medullæ oblongatæ, aliis ex infima & posteriore sede medullæ cerebri exiguo oritur nervulo: deinde antrosum defertur, & secundo pari attensum, cum eo per commune foramen exit, oculi orbitam subit, atque de se ramos dat.

In oculi adipem, musculum quintum, atque per foramen peculiare ossis frontis ad cutim frontis exit, & palpebram superiorem: Atque his primus ejus ramus prospicit.

FIGURÆ EXPLICATIO.

Origo nervorum, cerebro inverso conspicienda;
repræsentatur ex *Veslingio*.

A A. Nervi olfactorii. Auctori primum par.

b b. Eorum processus papillares.

C C. Nervi optici prope orbitam abscissi. seu secundum par.

D. Glandula pituitaria.

E. Infundibulum.

ff. Glandulae duae candidæ, cerebri meatui præpositæ.

G G. Arteriæ carotidis ramus major.

HH. Arteria cervicalis.

III. Principium spinalis medullæ intra cranium.

K k k. Ramuli arteriarum minuti, qui aliis Rete mirabile designant.

LL. Nervi tertii paris. secundum Auctorem.

M M. Nervorum quinti paris initia.

NN. Nervorum sexti paris initia.

OO. Nervi auditorii. seu octavum par.

PP. Noni paris initia.

QQ. Paris decimi ortus.

R R R R. Cerebri corpus ipsum inversum.

SSS. Cerebellum.

Secundus vero musculus superioris labri, & nonnullis nasi, & ipsi labro & gingivis.


Tertius per narium cavitatem, harum tunicæ.

Quartus musculi temporalis parti internæ. Quos omnes ramos subsequenter duabus conjugationibus tribuit *Fallopianus*: at nostram distributionem proponunt *Vesalius*, *Columbus*, *Platerus* & *Baubin*.

In summitate medullæ oblongatæ pone protuberantias orbiculares nates & testes dictas, radicem ponens *Villisius*, exitumque in musculum trochlearem, oculorum *Patheticos* vocat, quod proprium illorum munus credat, juxta passionum impetus; ac naturæ instinctus, à cerebro in cerebellum, & vice versa, per nates & testes, eorumque processus medullares, oculos pathetice movere.

QUINTUM PAR, aliis terciæ conjugationis crassior radix; aliis quartæ conjugationis major radix; putatur communiter facere ad linguæ sensum seu gustum.

Hoc



Hoc prope sequentem conjugationem oritur, ex medullæ oblongatæ lateribus, & statim à transitu per os sphenoides, propago instar vitis capreoli contorta prodit: quod aliqui putant facere ad duritiem conciliandam, & cum auditorii nervi duobus ramulis unitur.

Prospicit musculis faciei, temporali, mansorio buccarum, cuti faciei, gingivis & dentibus (nam horum beneficio dentes quem sensum habent, obtinent) musculo in ore latitanti, inferiori labro.

SEXTUM PAR, aliis quarta conjugatio, aliis quartæ conjugationis gracilior radix.

Originem minorem habet, priori proximam, paulo durior.

*An sextum
par idem
sit cum
quinto.*

Per commune foramen exit cum priori. Non tamen idcirco cum priori pari unum erit: nam & per unum foramen transeunt paria nobis dicta, tertium, quartum & septimum.

Fertur in palatum. Alii volunt hoc quoque par facere ad sensum gustus.

SEPTIMUM PAR, quod aliis octavum, aliis nonum, aliis quinti paris minor portio, cum tamen peculiare sit par, quinto gracilius & durius, item origine & progressu distinctum à quinto:

Nam oritur paulo ante quintum vulgo dictum, in medietate medullæ oblongatæ, & tertium par conscendens atque ad angulos interfecans, progreditur ductu suo inter tertium & quartum par, ubi sursum & antèrèus latera versus fertur.

Egreditur per foramen cum tertio & quarto pari, & fere totum in musculum oculi abducentem absumitur. Dubium vero est, quod alii dicunt, ferri in musculum temporalem, atque in eum qui in ore latitat.

OCTAVUM PAR, alii quintum, Villisio septimum, quod auditorium, proxime ad latera priorum paulo inferius oritur. Os petrosum ingreditur, & dividitur in ramum majorem, quem expansum tympanum facere volunt, & minorem deorsum latum, ac si sextam conjugationem comitari veller.

*Cur in au-
rium pur-
gatione pro-
funda tuf-
sicula?*

Propagines per primam & secundam vertebra[m] mittit ad laryngis musculos proprios. Unde aures profundius purgando sicca tussicula excitatur. Putatur aliquando ramos mittere in brachium, cum quarto, quinto & sexto brachii, & aliquando in totum pedem, cum nervis spinæ, postquam spinalem medullam deorsum vergendo comitata est.

NONUM PAR, Villisio octavum, functioni fere tantum invo-

involuntariæ inserviens, aliis *sextum & vagum*, quia plurimis hinc inde partibus prospicit, etiam omnibus internis in medio Ventre & infimo sitis, quibus ad sensum rami dantur, cum molliora sint corpora, nec durioribus à spinali medulla ortis gaudeant. Et ob longum ductum *membranis* fortibus *vestiuntur*, atque partibus vicinis connexæ feruntur.

Plexus glandiformes tres utrinque numerat *Galenus*. *Plexus* *mum* in collo supra laryngem, alterum ad radicem costa- *glandiformes*.
rum, tertium quando primum exeunt è thorace. Duos *Fal-*
lopius, qui corpus olivare vocat, quia oblongum. *Willisius* in
 trunco vagi unum tantum, alterum in vicino intercostali
 constituens. *Vesalius* comparat cordulis in galeris Cardina-
 lium, *Willisius* nodis in cannis vel radicibus arborum, quo-
 rum *Usus* sit qualis *diverticuli* est juxta compita siti, ne spi- *Usus*.
 ritus animales una cum succo nervoso sibi occurrentes, con-
 fundantur, sed alii ab aliis secedant. Ego ad robur compa-
 ratum credo, in longo nervorum tractu. Ita *Galenus*, ubi
 longo itinere natura ductura est nervum exiguum, ibi sub-
 stantiam ejus corpore crassiori inintercipit.

De plexus hujus generatione notat *Willisius*, majorem evadere, ubi eodem loco furculi quidam abscedunt, aliique adveniunt vel plures vel pauciores. Si quando autem ramus à nervo quodam sine plexu procedere videatur sub eadem tunica, non tam ramum quam socium habendum, qui antè discessum illi non inoculatur.

Oritur hoc par paulo infra præcedens, variis fibris statim unitis, *Galeno* tribus.

Roslinckio modo pluribus, modo paucioribus, *Willisio* duodecim ad minimum, ut ad singulas partes sua fibra abeat. Originem hic à protuberantia supra medullam oblongatam, homini peculiari, ideo deducit, quia loquela homini propria

Egreditur per foramen occipitis, per quod ascenderat ramus major jugularis internæ: & non procul ab egressu prospicit musculis in cervicæ sitis, præsertim cucullari. Deinde descendit truncus, & connectitur cum ultimo pari; arteria Carotide, & vena jugulari, per membranam atque ad laryngis musculos internos transversim mittit propaggines, item ad musculos hyoïdis & faucium, ut & ad linguam.


Mox inter Carotidem & jugularem ad tracheæ latus descendens supra jugulum utrinque dividitur in ramum exteriorem & interiorem.

Exterior constituit NERVOS RECURRENTES, seu *vocales Nervi* re-
 dictos, quia iis lēsis læditur animalis vox, ita ut altero præ-
 currentes.

FIGURÆ EXPLICATIO.

Nervi sexti paris, Bartholino noni, aliis Vagi, Propagines inferiores designantur.

- aa. Eorum nervorum egressus ex calvaria.
- bb. In utroque latere ramus externus.
- cc. In utroque latere ramus est Internus.
- dd. Ramus insignis ad linguam diffusus.
- ee. Ramus utrinque ab eodem ortus ad Laryngis musculos.
- ff. Ramulus alter qui ad laryngem fertur cum præcedenti.
- gg. Ramuli ab externo ramo orti, & ad musculos cervicis propagati.
- hh. Externi rami singularis conjunctio cum nervis qui à cervicis plexibus oriuntur.
- ii. Recurrens utrinque nervus.
- k. Internus magis ramus prope primam costam thoracis ortus, qui ramulum t signatum trunco asperæ arteriæ largitur, deinde descendens in pericardium desinit.
- l. Ramulus a recurrente ortus, qui descendens ramulum alterum ex se producit & in pericardium tendit, tandemque in externum implantatur.
- m. Ramulus ab eodem, ut dictum est, ortus, & in pericardium diffusus.
- nn. Ramuli duo ab externo orti, quorum alter in cordis substantiam implantatur, alter vero ad vasorum principia tendit.
- o. Ramus, de quo supra, qui in pericardium implantatur.
- pppp. Plexus utriusque rami dextri scil. & sinistri circa gulam prope orificium superius Ventriculi.
- qqqq. Ramuli in pulmones diffusi.
- rrrrrr. Ramuli per superiora præcipue Ventriculi propagati.
- ss. Quatuor spectabiles propagines, quæ in mesenterium descendentes ad intestina diffunduntur.
- tt. Nervulus dexter & sinister renum.
- u. Nervulus Lienis.
- x. Nervus hepatis.



secto semivocale reddatur animal; utroque mutum. Rationem reddit *VVillis*, quia nisi trachea moveatur, (quod fit hujus nervi beneficio) spiritus efflatus cavitatem ejus, quasi fistulam in toto ductu æquabiliter cavam, sine ulla refractione pertransiens, sonum non edit. Dicuntur item *reversi* sive *recursemi*: nam primo descendunt, deinde utrinque quasi circa axin circumvolvuntur: dexter circa arteriam axillarem, *sinister* circa truncum arteriæ descendentem: & postea ascendunt usque ad musculos laryngis, quibus ramos numerosos impertiunt. Quæ recursio fieri debebat, quia muscoli laryngis capita sua habent non superne, sed inferne.

Singularem hunc nervum esse dicit *VVillius*, ab origine, quanquam sub eadem tunica contineatur. Sed ita pro fibrarum multitudine multiplicare nervos esset facile, Recte *Rolfinccius* pro uno habet propter involucrum unum.

Itaque *Exterior dexter* sexti paris, statim à divisione prospicit musculis è sterno & clavicula ortis, deinde constituto recurrente dextro ut plurimum ex tribus ramulis reflexis & unitis, sub jugulo oblique descendit, & in transitu pro tunica pulmonis, pleura, pericardio & corde ramos progerminat, & deinde stomachicum dextrum efficit, sub œsophago cum sinistro junctum, atque per septum transiens, abit in orificium Ventriculi sinistram, ad sinistram.

Exterior sinister eodem modo partibus, ut prior, prospiciens, atque recurrente sinistro constituto, stomachicum sinistram generat, qui orificium ventriculi cum compare amplexatur, reliquum vero janitorem accedit & jecoris cavum.

Interior dexter primo ad radices costarum cuilibet nervo intercostali ramulum de se largitur; deinde cum arteria magna septum pertransit, & infimo ventri toti prospicit, dum ad os usque sacrum pergit. Abit vero in tres ramos.

Raucedinis post colicam causa. I. Ad Omentum contendit, à quo alii tres ramuli, 1. ad Colon. Hinc post diuturnam Colicam raucedo. 2. Minimus & vix conspicuus ad initium intestinorum. 3. Ad ventriculi fundi partem dextram, superiorem omenti membranam, hepatis tunicam, & folliculum fellis.

II. Inferior ad renem dextrum. Hinc solent dare causam vomitus in Nephriticis.

Cur in nephriticis vomitus? III. Maximus ad mesenterium, intestina, & vesicæ dextrum latus.

Interior sinister in suo latere eodem modo distribuitur, nisi quod loco hepatis ad lienem pars abeat. Sed ab utroque inte-

interiore aliquando propagines mittuntur ad uterum, & ejus testes.

Hæc est distributio sexti vulgo dicti paris, nobis noni.

De *intercostali* aliter sentit *Willisius*: per surculos cum pari vago quidem inter se communicare, sed quoad utriusque principia, truncos & *divaricationes* plane distingui, potiusque originem debere nervis quinti & sexti paris: indignum quoque videri par vagum, quod ad ipsa vitæ palatia & præcipuam victus officinam ducit, ad viliora intestina etiam & corporis cloacam ferri. Nos tamen à recepta sententia non discedimus, ne pro tyronibus ordo confundatur.

Eodem docente, *intercostalis truncus* in descensu, juxta costarum radices, in singulis earum interstitiis & usque ad os sacrum, à vertebrarum internodiis *ramum vertebralem* admittit 1. ad fulcimen, 2. commercia actionum voluntariarum & spontanearum inter cerebrum & cor. Hinc in Apoplexia, abstrusa origine prope cerebellum, per vertebralem ramum subsidia cordi mittuntur, cerebri quoque conceptus statim afficiunt cor, & versa vice. 3. ad expurgandum serum superfluum ex spinali medulla per ramum mesentericum.

DECIMUM & ULTIMUM PAR nervorum, intra cranium in postremo occipite ex medulla oblongata jamjam in spinam illapsura ortum, aliis septimum est, *Willisio* nonum.

Hoc reliquis *durius* est, variisque prodit radicibus postea unitis, & per proprium atque obliquum foramen cranii egreditur. Statim vero fortibus membranis jungitur (non commiscetur) cum præcedenti pari, munimenti ergo. Deinde vero rursus sejungitur, & in linguam abit maxima sui parte, minima vero in hyoïdis & laryngis musculos.

C A P. III.

DE NERVIS EX SPINALI MEDULLA prodeuntibus, & primo de nervis ex Cervi- ce, adeoque totius manus Nervis.

Hactenus decem paria nervorum intra Calvariam ex medulla oblongata prodeuntia: sequuntur reliqua PARIA, quæ TRIGINTA, nonnunquam viginti novem, ab eodem principio, videlicet medulla longa emanantia, sed prout illa jam extra cranium, in *Spina dorsalis* est, ubi *spinalis* vel *dorsalis* dicitur. Prodeunt autem nervuli ex foramini-

bus spinarum continuato tractu sese inflectentes, à summis ad infimos.

*Medulla
spinalis
Anatome.*

Medullæ dorsalis, seu spinalis Anatomem alibi diligentius instituimus in *Spicilegiis*. Per ejus longitudinem insignis vas sanguineum protendunt, ex quo ramusculi minores hinc inde emittuntur, sicut in cerebro. Ad latera utrinque alius ramus, sed minor, decurrit eodem modo. An ad medullam pertingant, non vidi. Puncticulæ tamen rubicundæ in medulla interiore comparent, à venis capillaribus.

Divisio.

Dividitur medulla in duas partes, sicut cerebrum antèrius per falcem, ita hæc per tunicam piæ matris sobolem distinguitur, facile separabilem, minutissimis venis ornata. Supra divisuram incedit nominatum ante vas sanguineum, instar sinus in falce. Ad mediam medullam divisio procedit, paulatim enim & membrana tenui & medullæ confusione obliteratur. Non unam, sed duplicem fissuram hic notat *Blasius*, anteriorem eamque minorem, & posteriorem majorem: illam spectare cor, hanc vertebrarum spinam, quod tamen in brutis tantum vidit. In homine semel observavit *Pavius*, in editis à me Observationibus, ita cerebro similis est medulla, quod *Galeno* quoque notatum; uti & minores aliæ, quas ita accuratè distinguere non possumus propter exilitatem, ambit enim omnes nervos, ut cerebrum, duplex tunica, duræ matris exterior, & piæ interior, qua constringuntur & rotundi fiunt, quibus tertiam addit *Willisius* & *Blasius* arachnoiden. Cavitatem manifestam non habet, nam fistula immissa spiritus vehemens non permeat medullæ substantiam, nisi per sinum seu divisuram. Post me distinctius *Willisius* in hac medulla spinali, ut in cerebro, arterias, sinus, & venas quoque observavit, & accuratè descripsit, uti & *Blasius*, qui legendi.

Ex MEDULLA, dum IN CERVICE est, oriuntur nervorum paria, aliis septem, aliis octo, in totum caput exterius & musculos vicinos disseminata.

Primum & *Secundum* par præ reliquis omnibus hoc peculiare habent, ut non à latere, sed partibus antica & postica prodeant, ob peculiarem articulationem primæ & secundæ vertebræ.

Primum vero par oritur inter occiput & primam vertebam; quod dari negabat Patavii Jo. Leonicens in eximendis nervis dexterrimus, quum nec viderit, nec ex prima vertebra exire possit foramine carente, & arcte secundæ vertebræ occipitiq; coherente.

Secundum par inter primam & secundam vertebam & sic deinceps.

Pri-

Primum & Secundum par disseminantur in capitis musculos, & ad aures.

Tertium & quartum in musculos genarum, item qui capiti & collo communes sunt.

Quintum cum quarti & sexti propaginibus faciunt nervos diaphragmaticos insignes: & quintum cum prædictis partem retrorsum mittit, partem antrorsum in musculos caput inclinantes, brachiorum, scapularum, & cutim ibidem.

Sextum ad brachia & scapulæ cavum.

Septimum cum vicinis duobus, nempe sexto colli & primo thoracis jungitur, cujus præcipua portio ad brachium accedit usque ad manus extrema.

Feruntur enim IN BRACHIA quinque vel sex paria nervorum, videlicet ex quinto, sexto & septimo cervicis paribus, item primo & secundo paribus thoracis. Quæ ubi primum emergunt, commiscuntur omnes & uniuntur, nec sine damno separantur, mox vero in dicta jam paria dividuntur separatim, forsan ut levi illo congressu, animalium spirituum fieret collectio. Hinc topica in Paralyfi brachii vel convulsione applicanda supremo brachio affecto, à dorsi supremi & colli latere, unde nervi prodeunt, non directe in medio seu colli seu dorsi, nisi ob commune nervorum principium.

PRIMUM PAR ex quinto pari Cervicis in Deltoïdem potissimum & brachii cutim abit, partem relinquens quæ vena humerariam comitatur. Nervi manus totius.

SECUNDUM crassius, per medium cubiti & anticam partem fertur, ubi bicipiti prospicit, unde cum tertio nervo jungitur, postea deorsum vergens, supinatore longiorem ramulo salutatur: Ad flexuram vero cubiti dividitur modo in duos, modo in tres ramos.

1. Superior minor, per brachii sedem externam pergit, ad pollicis internodii primi vel secundi regionem externam.

2. Medius & crassior intra cubitum descendit oblique ad carpum.

3. Inferior, Basilicæ ramo interiori attentus, in cutim cubiti & manus absumitur.

TERTIUM cum priori jungitur, sub bicipite; prospicit brachio & manus internæ sedi.

QUARTUM crassissimum, cum vena profunda & arteria progreditur, postea varie finditur. Prospicit autem musculis cubitum extendentibus, carpo, pollici, indici & medio, muscu-

FIGURÆ EXPLICATIO.

Spinalem medullam, ab eaque ad artus derivatos nervos demonstrat.

- A. Spinalis medulle initium prope calvariam.
 b b b. Propagines seriatim à medulla propagate.
 c c c. Ipsum medulla corpus, vertebris è dimidio inclusum, supra quod venula arteriolaque decurrunt.
 D d d. Rami è tribus cervicis & duorum thoracis nervorum paribus orti ad manum distribuendi.
 E. Plexus & commixtio illorum nervorum.
 ff. Primum par nervorum manus.
 gg. Secundum par.
 h h. Tertium par.
 i i. Par quartum ceteris grandius.
 k k. Quintum par.
 l l. Sextum par, quod est subcutaneum.
 M. Primus cruris nervus.
 N N. Secundus nervus.
 o o o. Secundi nervi ramus, qui saphenam comitatur.
 P P. Tertius cruris nervus.
 Q Q Q. Quartus cruris nervus omnium crassissimus.
 r r. Ramus externus.
 s s. Ramus ejus internus.

musculisque digitos extendentibus.

QUINTUM priori attensum inter cubiti musculos, quibus providet, descendens, per cubiti inferiora & posteriora (ubi nonnunquam impingentes vel nervum comprimentes, stuporem in digitis per sentimus) in cubiti medio bipartitur.

Unus ramus externe per ulnam pergit ad medium, annularem, & minimum. Secundum interiora digitorum latera securitatis ergo, ut in apprehensione cedant, eo enim loci vulnera periculosiora quam medio.

Alter interne per ulnam pergit, inter musculos digitos flectentes usque ad carpum, & iisdem partibus propagines mittit, quibus prior.

SEXTUM in cubiti cutim evacuat, inter cutim & membranam progrediens.



Back of
Foldout
Not Imaged

CAP. IV.

DE NERVIS THORACIS DORSI,
ET LUMBORUM.

EX MEDULLA IN DORSO oriuntur *paria duodecim*, quibusdam undecim: quæ omnia & singula ab egressu *dividuntur* in ramos majorem & minorem: quorum alter antrosum fertur, alter retrorsum, ad posteriora recurvatus.

Rami *anteriores* mittuntur ad singula spatia intercostalia, pro musculis intercostalibus, internis & externis, quos singulos in duos ramos aliquando vidi divisos, pro musculis thoraci incumben- tibus, item pro oblique descendente abdominis.

*Posterior*es rami & minores retrorsum abeunt ad vertebrarum spinas, inter musculos vertebris adnatos, in quos partim absumuntur, partim in eos, qui ab apicibus his spinarum oriuntur, ut in Rhomboideum, cucullarem, &c.

Ex spinali MEDULLA, quando IN LUMBORUM VERTEBRIS est, *oriuntur* paria nervorum, aliquando *quinque*, aliquando quatuor: quæ paria *majora* sunt dorsalibus. Et horum quodlibet dividitur in ramos anteriores & posteriores, qui partim in musculos lumborum & hypogastrii, partim in crura desseminantur. Nam

I. Par dat furculum ad diaphragmatis carnosas partes, deinde prospicit musculis abdominis & lumborum.

II. Ramos concedit nonnullis femoris & tibiæ musculis, atque ex plurimorum sententia, furculum ad vasa spermatica.

III. Ad genu abit, ejusque cutim, parsque Saphænam comitatur, pars vero abit ad musculos lumbis incumbentes.

IV. Inter lumbaria maximum est, ad anteriores musculos femoris & tibiæ, usque ad genu procedens.

V. Foramen transit, quod est inter os Coxendicis, pubis, & Ilii, ramosque impertit nonnullis musculis femoris, penis, collo uteri & vesicæ.

Maximi vero rami ab ultimis tribus his partibus ad crura abeunt, ut *sequenti capite* dicemus.

FIGURARUM EXPLICATIO.

Spinalem medullam ex Vertebra Canis exemptam exhibet
ex Ger. Blasio.

FIG. I. In tres partes divisa.

- A A. Cerebellum.
B. Quatuor Cerebri Ventriculus.
CCCCCCCCCCCC, &c. Dura mater secundum longitudinem spinalis medulla, à capite ad caudam dissecta & utrinque reclinata atque expansa.
D. Pars medullæ spinalis cervicalis.
E. Pars dorsalis.
F. Pars lumbalis.
GG. Pars inclusæ ossi sacro & coxendicis.
HH. Nervus accessorius Willisii.
aaaaaaaa, &c. Transitus nervorum per duram meningem; in aliquibus tantum representatus, insequentium enim eadem ratio.
BBBBBBBBBBBB. &c. Coniunctio duræ meningis cum tenui per membranacea filamenta, nervosa.
iii. Nodi extra duram meningem ex concursu plurium filamentorum nervorum exorti, quibus similes etiam variis aliis in locis se exhibere solent.
k k. Nervi duplici exitu gaudentes.
Notandum.

1. Nervos hic à Spinali medulla procedentes duplici linea denotari, sic ut album inter duas lineas nigricantes interjectum nervum designet.
2. Proponi hic spinalem medullam prout à parte postica; quæ vertebrae spinæ respicit, spectatur.
3. Constitutionem partium ubique observatam esse, sic ut spinalis medullæ magnitudinem quoad longitudinem & latitudinem, nervorumque numerum, exortum; crassitiem, ab insequentibus distantiam ita exprimere allaboraverimus, prout in corpore eo cunjs erant sese exhibebant.

FIG. II.

- aa. Nervi à parte spinalis medullæ posteriore procedentes.
bb. Nervi à parte ejus anteriore.
cccc. Dura mater à parte posteriore qua vertebrae spinæ respicit per longum dissecta, & ad latera utrinque reclinata.
d. Coniunctio nervorum dictorum extra meningem duram.
e. Fissura postica, major.
f. Fissura antica, minor.
g. Substantia interna rubicundior.

FIG. III.

In pet medium dissecta spinalis medullæ eadem accuratius exhibentur. Ubi

- aa. bb. ddd. Idem quod in fig. 2.
cccc. Duræ matris particula est, ut nervorum per eam transitus, & extra eam coniunctio melius cognoscantur.
ddd. Coniunctio nervorum dictorum cum meningem.

FIG. IV. V.

In medulla spinali per transversum dissecta fissuram utramque exhibet, utriusque lateris medulla arte adhuc sibi invicem coherente.

- a. Linea hac fissuram designat anticam.
b. Eandem posticam.
cc. In hac medietate cavitatem quasi figuram.
dddd. Extra hanc albicantiore corpuseula in substantia alba.

FIG. VI. VII.


Fissuræ hic magis deteguntur, ubi utriusque lateris medulla dextre separatur.

- a a. Fissura minor antica.
bb. Major, postica.
cc. Substantia media medullaris.
d d d d. Cavitatem.

Fig. Pars I.

Pars II.

Pars III. 686



Back of
Foldout
Not Imaged

CAP. V.

DE NERVIS EX OSSIS SACRI

Medulla prodeuntibus, & de nervis
totius pedis.

EX MEDULLA spinali in OSSE SACRO exsistente *oriuntur* *quinque*, aliis *sex* nervorum paria, ex quorum quatuor superioribus, & tribus lumborum inferioribus, oriuntur NERVI CRURALES, inter pedes descendentes, qui in exortu instar reticuli conjuncti mox de se quatuor ramos spargunt, uti statim dicetur de nervis pedis.

Nervorum vero ossis sacri *par primum dividitur* instar lumbarium in ramum anteriorem & posteriorem. At sequentia quinque paria aliter. Nam antequam exeunt, utrinque gemina sunt, & utrinque nervus unus in anteriora & unus in posteriora excidit. Posteriores rami disseminantur ut lumbares posteriores, in partes videlicet posticas vicinas.

Anteriores tres superiores ad CRUS abeunt, duo inferiores ad musculos ani & vesicæ, in nonnullis ad cervicem uteri, vesicæ penem; aliique ad interfœmineum & scrotum.

Finis porro medullæ dorsalis *unicam* de se fundit propaginem, ideoque sine pari dictam; aliquando vero cum pari *ne pari*. Abit in cutim inter nates & anum, atque aliquot femoris musculos.

Sequuntur jam NERVI IN CRUS euntes, qui supra dicebantur *quatuor* esse.

Primus & *Tertius* breviores sunt, & ad femur tantum perveniunt. *Secundus* longior, & ad tibiam quoque fertur, *quartus* longissimus.

PRIMUS ex tertio & quarto lumborum paribus conflatus, ad parvum trochantera descendens, abit in femoris cutim & musculos, atque aliquot tibiæ, & supra genu *finitur*.

SECUNDUS ex eodem loco *natus*, cum vena & arteria ad crus descendit, per inguina in femur, adit femoris musculos anteriores, & circa genu spargitur. Ramum vero insignem intus cum saphæna ad malleolum demittit.

TERTIUS *oritur* in articulatione quartæ & quintæ vertebræ, pubis ossis foramen pertransit ad aliquot superioris femoris, & penis, à pubis oste natos musculos, atque femoris cutim in inguine.

QUAR-

QUARTUS omnium est crassissimus, longissimus, durissimus, siccissimus in toto corpore, ex ossis sacri quatuor partibus conflatus, qui prospicit cuti femoris, ejusdem aliquot musculis, uti & tibię atque pedis: hunc duplicem ortu, duplici & progressu aliquando notavi, *Externum* unum, alterum *Internum*.

Truncus vero ille magnus sub sinu posteriore genu sive poplite, dividitur in ramum externum & internum.

Externus ad poplitem, pedis exteriora, musculos peroneos, & externum malleolum vergit.

Interior & major secundum tibiā ad musculos pedum & digitorum; malleolum internum, pollicem & plantam: & digitis singulis duos largitur furculos.

Quocirca fere omnes nervi qui in totam tibiā, & totum pedem minorem abeunt, ab hoc solo crurali maximo nervo nascuntur,

ANATOMIÆ

BARTHOLINIANÆ

LIBELLUS IV.

ET ULTIMUS,

DE OSSIBUS.

Ubi simul

DE CARTILAGINIBUS ET LIGAMENTIS.



OSTEOLOGIAM tandem ultimo loco, com- *Ratio ordi-*
pendiose, uti hactenus alia, explanabimus; *nis.*

Ultimo vero loco, quia remotis & separa- *Cur ultimo*
tis omnibus aliis. OSSA primum in conspē- *de ossibus*
ctum venientia examinare possumus. *Ratio agatur?*
nis diligentissimus, duplici loco in Enchiridio de Ossibus
instituit tractatum, semel prout resectis musculis in cada-
vere comparent, alibi ut in scelero sunt exsiccata. Sed su-
pervacanea est hæc in compendio ostentatio. Alioquin enim
de venis, arteriis, nervis, intestinis, ventriculo, utero, aliis-
que exemplis & exsiccatis, & ad pompam in Theatris sus-
pendi solitis, nova instituenda esset Anatome. Nullus po-
sterioris Osteologiæ est usus, nisi ad memoriam sublevan-
dam, nec sine priori perfecte cognoscitur, at illa sine hac esse
potest. Hinc alii Anatomici cum partibus singulis subjecta
ossa demonstrant in cadavere. Nos igitur de una tantum
solliciti, cum illâ

Conjungimus doctrinam de CARTILAGINIBUS & LI-
GAMENTIS.

I. Ob substantiæ similitudinem. Proxime enim ad se invi- *Cur cum*
cem accedunt tres hæ partes similes: OS, CARTILAGO, *ossibus de*
LIGAMENTUM, ut ratione minoris & majoris tantum inter *cartilagini-*
se differre videantur. Est enim os durissimum, *bus & li-*
lo mollior, quæ in os tamen abire potest, uti in infantium *gamenta*
tenellis ossibus videre est, quæ initio cartilaginea sunt. *agatur?*
Liga-

X x

men-

mentum cartilagine adhuc mollius est, quod & ipsum aliquando in os abit, ut in decrepitis. Hinc eandem multi tribuunt materiam ossi, cartilagini, ligamento, imo & tendini.

2. Ob loci vicinitatem. Os enim, cartilago & ligamentum ut plurimum se invicem comitantur, simulque reperiuntur conjuncta. Nam ligamenti alligantur ossa, quæ ubi alligantur, circa capita, cartilaginea crusta ceu operculo obducuntur.

CAP. I.

DE OSSIBUS IN GENERE.

OSSIUM natura de facili innotescit, si eorum causas & accidentia ordine proponamus.

Materia ex qua in utero generantur ossa, Hippocrati est excrementum terreum cum pinguedine & humiditate adjuncta. Aristoteli item excrementum seminale: Galeno crassior & durior pars seminis exsiccata.

Quædam vero ossa perfecte generantur in utero, ut auditoria, quæ minima; quædam imperfecte, ut dentes & reliqua ossa omnia, in quibus aliquid deest, vel processus, vel appendix, &c.

Deinde alia omnia ossa præter dentes certam crescendi metam habent: dentes vero semper crescunt, siquidem opposito ablato alter oppositus fit longior: quod fieri natura voluit, quia in attritu ciborum semper imminuuntur.

*Medulla an
ossum sit
alimentum,
an excre-
mentum?*

Materia nutriendi remota putatur sanguinis pars crassior, terrestrior, & veluti excrementitia, per venas influens in medullam, ut in cavernis ossium excoquatur, nam arterias ossibus denegat Platerus; repugnante tamen Spigelio, si venæ adsunt, aderunt sine dubio arteriæ, quæ tam sunt inconspiciuæ quam illæ. Hinc in istis cavitatibus ossium animalium nuper natorum medulla adhuc cruenta est.

Proxima ossium excavatorum statuitur Hippocrati & Galeno medulla in ossibus contenta (quibus contrarius est Aristoteles, aliique Peripatetici, qui medullam excrementum potius ossium esse volunt) sicut in cartilaginibus mucosum quod circumfunditur, proxima est nutriendi materia: & ligamenti, membranis & nervus, lentus ille humor inspersus.

Ossium solidorum sanguis crassus per poros intronissus; quia 1. fracta uniuntur callo ex reliquiis alimentarii sanguinis generato, 2. in sua substantia pati possunt abscessum super-

perfluitatibus alimenti in poris putrescentibus. *Hofmannus* nutriri sanguine in medulla contento approbat, medullam vero servire sanguini, partem solidam vehendo.

Pro excremento pugnat *Glissonius*, imprimis, quia in grandiori ætate augetur medulla, minor est in junioribus: sed grandiora ossa minus indigent, quia nutriuntur, non augentur amplius. Nutriri autem hac medulla, indicium est, quod ossa per diuturnam elixationem in gelatinam quandam, quæ chylosæ videtur substantiæ, resolvantur. *Stetterus* ossa vult à medulla vigorem suum acquirere, quæ enim ossa plus moveri & fortius debebant, plus etiam præ reliquis medullæ continent, ut ossa humeri, cubiti, femoris & tibiæ; cætera in alveolis tantum humorem medulla liquidiorum concludunt. Certe dum ea nutriuntur, majori etiam robori inserviunt.

EFFICIENS est vis ossifica, seu vis insita calore adjuvante agens.

FORMA ossis est anima, cum toto: deinde Ratio qua os tale est. 2. de gen. an. cap. 1. Unde ossa mortuorum non sunt ossa, nisi æquivoce. Accidentia ossium sunt figuræ varix, soliditas, robur, &c. de quibus postea.

FINIS vel usus.

1. Esse fundamenta vel sustentacula totius corporis, sicut columnæ vel fundamenta in ædibus.

2. Esse partibus nonnullis loco munimenti, quemadmodum calvaria munit cerebrum.

3. Progressioni inservire, quod liquet in cruribus. Hinc *Reptilia* serpentes, vermes, & alia reptilia, quæ cruribus carent, *serpentes* pere coguntur.

Stetere usus est, movere se, corpus & musculos beneficio spirituum sibi insitorum, de quo suo loco egimus.

4. Privati sunt usus variorum ossium nonnulli, de quibus in speciali ossium historia.

5. Usus Medici quidam, Pulvis cancrum curat, febres, fluxus quoscunque. Oleum Arthritidi confert, magisterium cranii epilepsiæ adversatur, uti & triangularia occipitis ossa, &c.

Situs ossium est profundior, quia fundamenta sunt, & stabilimenta corporis.

Magnitudine variant, pro varietate utilitatum. *Magna* sunt ossa, tibiæ, femoris, brachii, scapulæ, &c. *Parva*, auditoria, sesamoidea, dentes, ossa carpi, &c.

Numero plura sunt, non unicum, ad motuum varietatem; & ne uno læso statim totum lædatur.

XX 2

Cur ossa
plura in
Mon- animalis?

Monstruosum autem est hominem nasci ἀνοστῆον absque ossibus, cujusmodi puelluli meminit Hippocrates, magnitudine quatuor digitorum, sed non diu viventis, cui similem Forestus quoque vidit.

Numerus vero omnium ossium non est idem in omnibus. Nam in pueris plura sunt; quæ paulatim coalescunt, & in pauciora abeunt. Alii seorsim epiphyse numerare possunt, & ita numerum maximum constare. Alii omittere possunt sesamoïdea, aliaque parva, aut quæ rarius reperiuntur, ut in arteriis Carotidibus: & ita facit Archangelus, tantum 249. numerans: alii communiter 304. Alii tot, quot unius anni dies.

Figura variant. Alia enim sunt rotunda, plana, acuta, obtusa, &c. ut in specie dicitur.

Color in naturaliter constitutus est candidus, cum minimo rubore admixtus.

Cinguntur extrinsecus (non intrinsecus, quia nec orbita oculi interior, nec ossa palati, nec aurium cavitates, nec interna calvaria, periosteum habent,) periosteo omnia ossa, exceptis dentibus & ossibus sesamoïdeis, atque sedibus reliquorum ossium, quibus mutuo articulantur. Et periosteum exquisite sentit: ipsa vero ossa sensu tactus carent, exceptis dentibus, quibus sensum aliquem tribuere possumus, cum sentiant aërem vel aquam frigidissimam, etiam extremis partibus, in hæmodia præsertim, antequam ad membranas nervosque, quorum beneficio sentire creduntur, pertingat.

Connexio ossium varia est. Dicitur autem mutua & artificiosa omnium ossium cohærentia Græcis σκελετόν, quasi exsiccatum cadaver, ἀπὸ τῆς σκίλλειν, ab exsiccatione. Ex naturalibus partim ligamentis, cum ossibus exsiccatis; partim artificialibus compactum, modo erecta, modo sedentis forma, cum musculis vel colore pictis, vel ex corio vel panno rubro agglutinatis; quod ad Anatonem proprie non spectat, sed naturalis altera Osteologia per naturam constructa, suisque ligamentis humidis ornata.

Et hæc cohærentia vel connexio naturalis Galeno fit vel κατ' ἀρθρον, vel articulum, seu articulationem, vel κατὰ σύμφυσιν, seu coalescentiam.

Ἀρθρον facit duplicem; Ἀρθρωτικὴν sive per articulationem; ut sunt ἐναρθρωτικῆς, ὀρθραΐδια, & γλῆνυμδος: vel σπυαρθρωτικὴν, ut vult esse suturam, harmoniam & gomphosin.

Σύμφυσις porro statuitur vel sine medio, vel per medium. Sed nos ita dividimus ossium connexiones:

Ossa

Periosteum
sentit, non
ossa.
Dentium
sensus.

Connexio
vel articu-
latio ossium
quotuplex
Galeno?

Ossa connectuntur vel per articulationem, vel per σύμφυτον.

Articulatio cum motu est, eoque vel obscuro; (quam alii vocant neutram, seu dubiam articulationem) ut est costarum cum vertebriis, item ossium carpi & pedii; vel evidenti laxo & manifesto, diciturque

Διαρθρωσις, cujus tres species:

I. Εναρθρωσις, inarticulatio est, ubi insignis quantitas adest, tam cavitatis recipientis, quam capitis ossis quod recipitur: ut in articulatione femoris cum Ischio.

II. Αρθρώδια, est ubi cavitas excipiens est superficialis, & capitulum, quod excipitur, depressum: ut est maxillæ inferioris cum osse temporum.

III. Γιγλυμοίς, cum os idem excipit & excipitur, ut se invicem subintrent ossa contigua. Fitque tripliciter.

1. Cum idem os ab unico osse excipitur, quod vicissim excipit, ut fit in osse humeri cum cubito.

3. Cum excipit unum, & excipitur ab alio, ut fit in vertebriis. Vertebra enim in medio sedens superiorem excipit, & ab inferiore excipitur.

3. In modum rotæ, ut est vertebræ secundæ colli cum prima, ubi quasi circa axem unius vertebræ altera volvitur & circumrotatur.

Per σύμφυτον seu coalitum, connexionem ossium voco, quæ fit absque motu, & duo tamen ossa se invicem tangunt, vel ad se mutuo appropinquant, ut in prioribus.

Estque coalitus vel absque medio, vel per medium.

Absque medio:

1. Ράφη, sutura in ossibus capitis.

2. Αρμοσία, id est, compages ossium, per lineam simplicem, rectam, obliquam vel circularem, ut in ossibus maxillæ superioris & nasi. Ita epiphyse fere omnes annectuntur.

3. Γόμφωσις, hoc est, conclavatio, quando os ossi infligitur instar clavi, ut in dentibus videre licet.

Has tres species Galenus, & alii eum secuti, sub Synarthrosi tanquam genere complexi sunt. Sed male: quia motum non habent: forsan tamen ad Synarthrosin spectant ob stabilementum quod partibus præstant.

Per medium fit triplex etiam coalitus, intercedente triplici corpore:

1. Cartilagine, & dicitur συσπιδρωσις, ut in ossibus maxillæ inferioris & ossibus pubis.

2. Ligamento, & dicitur συνδένωσις. Exemplum in osse coxendicis cum femore. Hujus loco Spigelius tres alias sub-

stituit, *Syndesmosin*, cum nexus fit per ligamentum, *Syntenosin*, cum per tendinem, *Synymensin*, cum ope membranæ, sicut in recens natis ossa sincipitis junguntur cum osse frontis. Sed *synneurosin* longo usu latam significationem, retinendam suadet *Senguerdus*, vel in hæc tria membra posse dividi.

3. Carne vel musculo, & dicitur *συνάρθρωσις* quasi concarnatio, ut in osse hyoide cum scapula.

Substantia ossium dura est; sed non cum ariditate in naturaliter constitutis, verum cum pinguitudine splendescente: cui spiritum acidum & sal volatile admiscunt alii, propter quod ignem facile concipiunt & loco ligni comburuntur, ut Romanorum rogos testatur: alias enim facile frangerentur, ut in ossibus calcinatis videmus, & in grandæva illa muliere, cujus membra tactu levissimo dissolvebantur, quod in observationibus suis refert *N. Fontanus*. Quum *Galeno* teste ossium quædam in sabulum fere resolvuntur, exemplo lignorum quibus vetustas cariem induxit, siccitatis autem hic effectus.

Durities hæc quo minor, eo melius ossa fracta coalescere possunt, & unionem recipere.

At in adultis non vere coalescunt aut regenerantur, sed interventu alterius substantiæ, ceu glutinis agglutinantur, quod *callum* vocant, *Galenus* porum: callus vero aliquando evenit præter naturam, etiam ex multa alimenti copia & mala nutritione: nempe quando callo osseo ita agglutinantur tres superiores colli vertebrae, ut una videatur: aut quando prima vertebra calvariæ glutinatur; atque ii annuere, & renuere nequeunt.

Durities major est in nonnullis ossibus, ut femoris, &c. Alia vero molliora sunt, ut os spongiosum, digitorum ossa extrema, &c. Præter naturam omnia ossa adeo mollia deprehenderunt *Fernelius*, *Ruellius*, *Hollerius*, ut ceræ instar flecterentur, idque ex lue præsertim Venerea, teste *M. Donato*. Cartilago ensiformis subinde nimis mollis & flaccida decidit, de qua *Codronchius*.

Partes ossium sunt solidæ vel cavæ. *Plinius* tamen auctor est, quosdam vivere solis ossibus solidis sine cavitate, quos *corneos* vocat, signumque illorum esse nec sitim sentire, nec sudorem emittere. Quod de *Lyddano* Syracusano confirmat *Solinus*. Sed neutrius fides semper incorrupta.

Cavitates aut *intus* adsunt, ubi medulla, quæ tamen *cavitates* non ubique conspicuæ, vel *extra* ad articulationem, quæ si *profunda* sunt, dicuntur *κεφάλαια* vel *κεφαλίδες*, (non *κεντραι*.)

ἡ τετραδόνες) item acetabula. Cotyle enim antiquis fuit mensura liquidorum, vel hemina; aliis poculi genus. Si *superficiales* sunt sinus, dicuntur γλήνες καὶ γληνοειδεῖς, forma ocularium sinuum, qui clausis palpebris apparent.

Partes ossium *solidæ* sunt tres.

PRIMA & præcipua os dicitur, estque pars durissima, & in medio locari solet.

SECUNDA Græcis ἐπίφυσις dicitur; vocant item ὀστέων, ἐκφυγόν, &c. Latinis dicitur *processus*, productio, projectura, extuberantia, &c. est pars ossis non contigua, ut epiphysis, sed continua, protuberans ultra planam superficiem; quales multæ sunt in vertebrae dorfi, item maxilla inferiore.

Usus præcipuus est ad partium, ut musculorum, ortus atque insertiones.

TERCIA ἐπίφυσις, seu appendix, adnascencia, additamentum, est os ossi adnatum, per contiguitatem simplicem & immediatam, quamvis non adeo plana superficie, sed non-nihil mutuo capitum sinuumque ingressu instar ginglymi, licet absque motu.

Substantia ἐπιφύσεων est rara & laxa, primo ortu fere cartilaginosa; sed induratur in adultis, atque in os abit: imò in senioribus adeo unitur ἐπίφυσις cum osse, ac si unum continuum os esset.

Extremitatibus ἐπιφύσεων cartilago adponitur.

Sed non omnibus ossibus datæ sunt hæ adnascencie: varix tamen reperiuntur; ut in scapula, in osse tibiæ & fibulæ utrinque videlicet ad genu & pedem, &c. Item dens secundæ vertebræ, rotator magnus, styloides appendices, epiphyses sunt.

Usus ἐπιφύσεων.

1. In medullofis ossibus esse instar operculorum, ne effluat medulla.

2. Ad firmitatem. Nam firmior est basis, quæ latior & amplior.

3. Ut ex his ligamenta oriantur.

4. Paviò, ut quasi intermedia materia essent inter os & ligamenta inferenda, sicut inter cerebrum & cranium membranæ.

Apophyses dicuntur alicubi *capita*, alicubi *cervices*, alicubi *tubercula*, alibi *spinæ*, alibi *mucrones*. Partes vero ad sinuum orbem instar labrorum prominentes, & sinus profunditatem augentes, dicuntur *supercilia* & *labra*.

CAP. II.

DE CARTILAGINIBUS IN GENERE.

CARTILAGINES post ossa sunt partes similes durissimæ & fere ejusdem cum ossibus naturæ: nam quæ animalia ossibus carent, illis cartilago, ossium vicem gerit, inquit *Aristoteles*.

Differunt tamen, quod molliores sunt ossibus, ligamentis vero duriores. Et licet cartilaginee plurimæ in ossa progressu temporis convertantur, ut exemplo furis Mediolanensis etiam docet *Cardanus*, cui aspera arteria ossea evascerat. Epiglottidem osseam observavit *Pavius*. Cartilagineam quoque scutiformem in duritiem substantiamque osseam mutatam, plurima *Henrici Fuijreni* consobrini nostri sceleta monstrant, quod & nos in sectionibus observavimus, & ante nos *Fallopianus* de thyroide & cricoide, *Riolanus* de arythenoide quoque; non tamen omnes, ut ensiformis, pubis, spinarum dorsii, narium & aurium: quæ tamen aliquando in senibus ossificantur. Deinde cartilago est absque medulla, absque cavitatibus & cavernulis.

Efficiens est vis *συσχόνδεσεν*, cartilaginifica.

Materia eadem *Aristoteli* quæ ossium, à quibus differre vult tantum secundum magis & minus. *Galeno* est seminis pars terrea, sed humida simul, mollis, partim viscosa & glutinosa, partim pinguis: sed magis viscosa quam pinguis.

Ufus 1. & primarius est motum faciliorem reddere in juncturis, & diuturniorem, dum partes ossium subjungit, ne attritu lædantur mutuo. Hinc in quibusdam articulis reperiuntur cartilaginee incrustantes duo ossa inter se articulata.

2. Partes ab injuriis externis tueri. Non enim facile contunduntur aut rumpuntur, siquidem duræ sunt & friabiles, nec facile contunduntur aut inciduntur, quemadmodum molles & carnosæ partes. Hinc narium extrema cartilaginea sunt. Hinc sterno & costis cartilaginee apponuntur, ad defensionem cordis & pulmonum, atque cartilago ensiformis, ad diaphragmatis orisque ventriculi tuteiam.

3. Connexionem facere ossium, *συσχόνδεσεν* dictam.

4. Partes prominentes efficere, vel cavas formare; ut liquet in auribus, larynge, & trachea.

5. Cavitates explere, præsertim in articulis, ut patet in genu.

6. Operculi operam præstare, ut in epiglottide.

7. Lo-

7. Loço fulcri aliquid sustentare, ut faciunt cartilaginee palpebrarum, quibus pili infiguntur.

Situs est varius, nam in diversis partibus reperiuntur cartilaginee, in palpebris, naso, aure, larynge, trachea, spina, thorace, auriculis; de quibus singulis suo loco.

Magnitudo itidem variat: sic &

Figure diversæ sunt, ut annularis, scutiformis, ensiformis, &c.

Connexio. Aliæ cartilaginee per se constituunt partes, ut nasi, xiphoidis, coccyx; aliæ connascuntur ossibus, quæ connectunt vel absque alio medio, ut in ossibus pubis & sterni, vel interjectu communium ligamentorum, ut in connexionem per *Algeppa Civ.*

Substantia aliæ duriores sunt, ut quæ osses evadunt cum tempore, aliæ molliores, articulos colligantes, & ligamentorum naturam fere referentes, unde *χονδρῶδες* vocitant.

Quamvis autem dura sit substantia, tamen flexilis est & lenta, quia minus frigida, siccaque quam os, deinde mucositatem circumfusam habet.

Estque hæc substantia sensus expers: quia nervorum & membranarum consortium non agnoscit. Nec sentire debebat, ne in motu, quando invicem alluduntur cartilaginee, dolor causaretur.

Reliqua cum ossibus conveniunt.

C A P. III.

DE LIGAMENTIS IN GENERE.

LIGAMENTUM, vel *vinculum*, Græcis *σύνδεσμος* dicitur. Antiqui ut *Hippocrates*, *Aristoteles*, & alicubi etiam *Galenus*, vocarunt *nervum*, item *nervum colligatum*; quia figura & colore nervum mentitur: & alioquin late ligamenti vox tribui potest cuivis parti, quæ plures colligat. Item ligamentum *Galeno* dicitur principium musculi, cujus pars in tendinem abire putatur. Hæc omnes improprie sunt acceptiones. Proprie dictum ligamentum jam explicabitur.

Efficiens est vis ligamentifica.

Materia est seminis pars lenta & tenax.

Usus: Corporis partes, præsertim ossa, instar funiculi mutuo colligare, & ita custodire in capite, thorace, dorso & artibus, ne fiat luxatio.

Ratione tenacissimæ adhesionis dicitur ligamentum *coire*

X x 5

(cum

(cum alias ex semine nascatur) ab osse primario, alias ex cartilagine, osse cartilaginoso, vel membrana: & *inferi* dicitur in os, cartilaginem, musculum, vel partem aliquam. Aut si mavis, inter ossa nascuntur ligamenta, vel in ossibus.

Situs. Alia intrinsecus sunt inter ossa, ut ligamenta cartilaginea dicta, quæ crassa & fere rotunda: alia extrinsecus ossibus obvolvuntur, quæ tenuia & membranosa.

Figura alia sunt latiora, quæ membranosa vocant Anatomici, ut modo dictum, alia longiora, quæ nervosa. Atque ita vocant ob similitudinem, non quod ligamentum membranofum sit aut nervosum. Sic membranosa dicuntur lata & tenuia, quæ articulos cingunt, item quæ tendinibus musculisque obvolvuntur.

Substantia est solida, alba, exsanguis, cartilagine mollior, sed durior nervis membranisque: est enim quasi media inter cartilaginem & nervum.

Est absque cavitate, sensu & motu. Absque sensu esse debebat, ne perpetuo doleret in motibus; cum aliquando longiora vel breviora reddantur ligamenta, id est, contrahantur & extendantur. Sunt tamen qui velint ligamenta membranosa sentire, sed id per membranas, non propria substantia, debent concedere.

Nam substantia hæc divisibilis est in fibras, teste experientia & ipso Galeno, sensibiles, hoc est, sensu conspicuas.

Est vero hæc substantia alibi *mollior* & membranofior, ut in omnibus fere ligamentis, quæ articulos in orbem amplectuntur; & in his mollior circa humeri articulum quam circa coxendicis; & adhuc mollior, ubi ambit digitorum intermedia. Alibi vero est substantia *durior*, & quasi ex parte cartilaginea, unde etiam dicuntur ibi ligamenta cartilaginea, suntque illa, quæ inter ossa latent, ut quæ ab it ex femoris capite in articulum coxendicis.

CAP. IV.

DE CRANIO IN GENERE.

*Divisa
sceleti.*

Dividimus omnia ossa sceleti, in CAPUT, TRUNCUM, & ARTUS; hos vero in manus & pedes.

Compages ossium capitis dicitur CRANIUM, quod sit veluti *κεφάλιον*, galea, alius calva & calvaria.

Situs & magnitudo sequuntur cerebrum.

Figura alia est naturalis, alia non naturalis, uti vocant, vel magis depravata.

Natio-

Naturalis figura rotunda est, ut capax sit, sed nonnihil oblonga antè & posterius, ubi protuberat, ut cerebrum & cerebellum contineat, ad latera utrinque compressa, sed magis anteriora versus; unde pars postica capitis capacior est. Ex qua craterem pro festis diebus confecit Albovinus Longobardorum rex, teste Diacono.

Figura depravata & non naturalis multiplex est.

Figura ta-

I. Quando deest anterior capitis protuberantia sive projectura; & tales homines putantur insulsi & amentes ob inopiam cerebri, quod anteriore parte esse debet copiosius.

11.

II. Quando posterior desideratur.

III. Cum uraque deficit, & fit figura rotunda, qualis Turcarum creditur & Groenlandorum. Atque has tres figuras depravatas agnoscit Hippocrates.

Quartam figuram addit Galenus, quam fingi posse putat, sed non dari, cum longitudo in latitudinem mutatur. Vesalius vero Venetiis & Bononiæ se talem observasse asserit.

Quinta addi potest etiam ex Hippocrate, acuminata vel figura ovalis, quando caput in acutum superius ascendit: quam figuram apud quasdam gentes estimationis & generositatis locum obtinuisse monet Hippocrates, fierique potest ab obstetricibus, quando fascia caput in acutum comprimunt, & ita conservant; & tandem natura talia capita à parentibus in liberos transfert. Duplicis generis hanc capitis figuram idem in Epidemiis inducit, cum partium robore, & aliam cum partium imbecillitate. Et talis etiam figura caputum hodie in nonnullis regionibus frequentior est quam aliis.

Sed jam adjiciemus alias figuras, quas in multis craniis observavimus, præsertim in Italia.

Alia capitis figura secundum Auctorem.

VI. Cum pars lateralis dextra protuberat.

VII. Cum pars lateralis sinistra prominet.

VIII. Cum anterioris projecturæ pars dextra deest, & sinistra admodum prominet, magis vel minus.

IX. Cum pars sinistra non conspicitur anterioris protuberantiæ, prominente parte dextra.

X. Cum posterioris projecturæ pars dextra est.

XI. Cum sinistra.

Atque ita in universum duodecim figuras capitis constituo: unam naturalem, & undecim depravatas.

Substantia Cranii ossea est, ad securitatem cerebri mollis. Sed in nuper natis mollior est, alicubi cartilaginosa & membranosa, præsertim circa futuras, & magis in media atque suprema regione capitis; & hæc omnia ob partum facilitio-

ciliorem, ut nonnihil compressioni cedat. Sed est substantia cranii.

1. Crassa non tenuis, ut fortius externis injuriis resistat.
2. Rara, non densa. 1. ne nimis ponderet. 2. Ut succum pro alimento contineat. 3. Ut exhalare queant vapores.

Constat vero hæc cranii substantia raro simplici per totum & unico tabulato sine meditullio, quale in sectione cujusdam inveni, rarius triplici, ut plurimum ex *duplici tabulato*, pariete, squama, lamina seu tabula. Alii *diploas* vocant, quorum externo illæso, interior lædi potest. Et utraque hæc lamina exterius & interior fere polita est, lævis atque densa. Hinc apparet crassities calvariae, cum ubique fere duplex sit.

Error Chirurgorum.

Dico fere, quod alii non animadvertunt: nam quibusdam locis cranium est simplex, tenue & pellucidum, absque meditullio. Unde falluntur Chirurgi nonnulli, qui in abstractione laminae primæ, putant tam diu secundum & pungendum, donec sanguis extat. Externam laminam aliquando lues Venerea exedit, nonnunquam in gummata elevat.

Raritas vero cranii apparet ex *media substantia* inter utramque laminam, quam *meditullium* vocant, certis cellulis, quadrangulis, sexangulis, triangulis inclusum. Hæc inquam substantia, rara est, laxa, venulasque recipiens: quod & Hippocrates agnovit, qui idcirco monet omnium facillime cranium inflammari, unde in trepano ferramentum aliquoties lacti & aquæ immergendum.

Superficies cranii externa est vel interna.

Externa superior lævis est & æqualis; inferior vel basis, aspera & inæqualis, ob appendices & processus varios.

Interna superior concava, æqualis est, nisi quod inscriptiones habet venarum, & aliquot sinus, quibus dura mater innascitur: Inferior maxime inæqualis est ob varias protuberantias.

Ubique vero per cranium *foramina* crebra sunt, exigua & inordinate disposita, per quæ *venule* & *arteriole* transeunt ad cavitatem ossium interiorum, & duram meningem. Aliquando tamen desunt.

Cranium ex pluribus ossibus constitutum.

Tandem ut ad partes cranii veniamus, sciendum non ex unico osse constare calvariam, ne ex uno vulnere frangatur, sed ex pluribus; quæ per *suturas* connectuntur, de quibus sequenti capite.

Suntque alia ossa cranii, alia maxillæ.

CRANII ossa in adultis sunt octo, quorum duo communia sunt cranio cum maxilla superiore, nempe cuneiforme & spongiosum. Sex vero propria sunt ossa, quæ cranii scutellam

lam constituunt: Unum *frontis* (in recens natis duo) duo *sin-*
cipitis, unum *occipitis* (infanti quatuor) duo *temporum*. Et la-
 tent in meatibus auditoriis alia *sex ossa*, utrinque tria parva:
malleus, *incus*, & *stapes*, quibus quartum additur *orbiculare*.

Atque ita *quatuordecim* vel *sexdecim* fiunt ossa perpetua
cranii.

Ufus Cranii.

I. Esse domicilium & propugnaculum cerebri alias
 mollioris.

II. Ut per illud vapores transpirent.

Ad illud facit crassities & durities; ad hoc raritas una cum
 futuris.

In cranio humano nonnunquam *cornua* excresecunt, mo-
 do mollia, modo duriora arietinis simillima, interdum cra-
 nio, interdum cuti affixa, eaque ab humore crasso, lento
 & melancholico. Exempla habent *Paræus*, *Thuanus*, *Hil-*
danus, *Renodæus*, *Zacutus*, *Severinus* aliique, & nos duo vi-
 dimus, unum *Patavii* in *Mionali*, alterum *Purmerenti* in
 verula satis longum & durum, de quibus in *Obs. nostris*
Novis de Unicornu egimus.

C A P. V.

DE SUTURIS CRANII.

SUTURA est connexionis species, imitans compagem
 duarum ferrarum, vel vestium ex pluribus pannis lace-
 ris compositionem.

Tales in humano capite plures sunt: raro enim absque *Caput sine*
 omni futura reperitur caput, quale visum refert *Aristoteles*, *futuris*.
 & *Helmstadii* atque in Francorum monasterio *Heilbrun-*
nensi tale monstratur, & passim occurrit.

Atque ejusmodi homines externis injuriis caput non ita
 obnoxium habent, at internis maxime, cum transpiratio sit
 difficilior. Ex qua distinctione *Celsus* cum *Hippocrate* con-
 ciliant *Fallopianus* & *Columbus*, imprimis *Riolanus*, quorum
 ille caput sine futuris firmissimum, minimumque dolere,
 hic cum futuris sanius, scripsit, id quod *Robertus Constanti-*
nus in *Celso* tentavit.

Aliquando diuturnitate & siccitate in senibus ita coale-
 scunt futuræ, ut vix appareant; cum in junioribus interim
 manifestius videantur. Aliquando coronalis sola oblitterata
 observatur; non vero facile abolitæ temporales deprehen-
 duntur, nisi omnes reliquæ prius perierint.

Nume-

Error Aristotelis.

Numerus & Situs futurarum idem est in foemina atque in mare, contra quam putavit *Aristoteles*; neque mutatur pro ratione figurarum, ut voluere *Hipp.* & *Galenus*; nisi rarissime. Observavit enim *M. A. Severinus*, inter futuras sagittalem & lambdoideam, aliam insuper figura triangulari, & sub finem earundem in alia calvaria, futuram novam ovalem.

In figura porro deviabant futuræ capitis fatui cujusdam quæ omnes uno quasi clivo exaltatæ eminebant. Quod in tribus epilepticis pueris Neapoli vidimus, præsertim coronali. Ut novam Epilepticorum & causam & curationem suggererit.

Sutura propria, ossa nimirum cranii invicem connectentes, aliæ dicuntur veræ & propriæ, aliæ mendosæ & spuria.

Veræ dicuntur, quæ pectinatim coeunt, vel more dentatæ serræ, quas nonnunquam vidi ex contusione mobiles, quod in plerisque calvariis alioquin nimium in terra exsiccatis vulgatum est, ruptis nimirum flosculis & securiculis, quibus futuræ inter se committuntur, *Rolsinckio* monente: tales autem futuras in adultis reperiri, non infantibus, in quibus singularis est combinationis species, *συννύμφις* seu *commembranatio*. Laxæ sunt etiam in pueris, unde à se recedunt in Hydrocephalicis, quod *Hafniæ* in puero vidi non semel, simili illo quem *Severinus* inter Abscessus depingit, & *Donatus* describit.

Spuria squamarum modo & imbricatim agglutinantur, unde dicuntur squamosæ conglutinationes, & magis commissuræ dici possunt, cum & ad harmoniam magis accedant, quam ad futuram.

Veræ tres sunt.

*Coronalis
sutura cur
ita distat?*


I. Anterior est, & dicitur *coronalis* 1. Quod antiqui ea capitis parte coronas gestaverint. 2. Quia coronæ vel circulo aliquo modo similis apparet.

Nam à temporibus utrinque ascendit per transversum ad summum capitis. Arabibus *arcualis* dicitur hæc futura & *puppis*.

Usus est, connectere os frontis cum ossibus sincipitis, adcoque ab invicem distinguere. Locus coronalis in vivente invenitur vel manu à carpo per nasum superius exporrecta, vel filo ab utraque aure extenso, cui transversale aliud ab extremo naso ducatur.

II. Huic opposita posterior est, & in occipite: dicitur *Λαμβδοειδής* à figura Græcæ literæ A, aliis *Υψιλοειδής*, item *proxa* futura.

Hæc à basi occipitis ad utramque aurem oblique ascendit, & in



FIGURÆ EXPLICATIO.

- A. Portio suturæ sagittalis.
- B. Sutura Lambdoidea.
- C. Sectio serra facta.
- D. Primum os Vvormianum, sinistri ductus.
- E. Secundum.
- F. Tertium.
- G. Primum dextri ductus.
- H. Secundum.
- I. Tertium.
- K. Magnum cranii foramen.
- LL. Processus mammillares.

Ossa trian-
gularia
cranii.

& in angulum coit. Aliquando cum occiput amplum est, vel alias, transversa futura dividitur, simplici vel gemina: aliquando duplex vel triplex futura est, ac si trigonus major unum minorem, vel duos minores contineret; ubi ita comprehensa dicuntur ossicula triangularia, in epilepsia commendata.

Præter hæc ossa triquetra, alia in futura lambdoidea invenit, *Olaus Worm*, summus Vir, utrumque cranii tabulatum perforantia, à paucissimis hætenus animadversa: tria ut plurimum in dextro, totidem in sinistro ductu, magnitudine, figura & situ discrepantia, quæ etiam in infantibus accurate discernuntur. *Infimum* ad processum mammillarem conspicitur, *medium* paulo superius, vix dimidii digiti intervallo, *tertium* aliquanto longius à secundo distat. Duo similia his tantum invenit *Pavius*, suis futurulis circumscripta, de quibus dubitat num ad bregmatis num occipitis pertineant ossa.

Figura sunt varia, triquetra, oblonga, ovalia. Interdum instar exostoseon in viventibus eminuisse notavi, ut tactu perceperim.

In sinistro ductu *majora* omnia apparent. Maximum tamen unguem pollicis non excedit.

In concava cranii superficie distincta magis quam in convexa apparent, quare omnia observantur clarius ablata calvaria.

Notandum tamen in diversis craniis tam numero, quam magnitudine & figura situque variare hæc ossa *Wormiana*, ut modo quatuor sint, modo duo, atque in dextra linea tantum aliquando in ipsa junctura sagittalis cum Lambdoidea, aliquando etiam in squamosis temporalibus.

Usum credo 1. ut ampliori circa ea tractu futuræ ad excrementorum exitum amplientur.

2. Ut cranium plurium ossiculorum contextu in contusionibus magis sit tutum.

Præter hæc ossa *Wormiana*, alia observavi in variis craniis, in Musæo meo asservatis, ubi varie quoque ludit Natura tam in numero futurarum quam forma. In una calvaria ossiculum conspicitur in confinio futuræ sagittalis & lambdoideæ, oblongum, quinque eminentiis donatum, undiquaque futuris circumvelatum. In eodem cranio sagittalis futura, obliqua visitur, & prope coronalem, ossiculum singulare constituit. In alio furis à me dissecti, duplex est lambdoidea, & inter utramque ossa satis magna, quatuor conspectiora, ita tamen ut occipitis os præ reliquis promi-

neat,

neat, magisque protuberet quam ossa sincipitis. Sutura coronalis in alio utrinque versus os temporum includit os orbitale, quod insulæ instar, futuris tanquam mari cingitur. In futura spuria temporali visitur quoque ossiculum tale, simili futura spuria inclusum.

Usus hujus suturæ Lambdoideæ est, os occipitis distinguere à temporum & sincipitis ossibus.

III. Inter has media est, *sagittalis* dicta, quia recta vel per rectam lineam, instar sagittæ, projicitur per longitudinem capitis inter coronalem & lambdoideam.

Aliquando per coronalis medium & frontem medium pergit usque ad nasum, præsertim in infantibus: in quibusdam etiam ossis occipitis partem secatur. Interdum deuisse memini. Dicitur sutura hæc *virgata*, item & recta.

Usus, duo sincipitis dividere & conjungere.

Duæ menses communiter statuuntur, quæ *squamosæ*, *cor-* *Cur squa-*
тикаles & temporales dici solent, quia temporum ossa circum- *marum mo-*
scribunt. Debit autem fieri hæc connexio instar squama- *do sunt*
rum, quia ossa temporum parte inferiore crassissima nimis *quædam*
ponderassent, nisi superius sensim attenuata fuissent, & *sutura ?*
ossibus sincipitis paulatim instar squamarum attenuatis
juncta.

Cæterum plures ubique in calvaria tales reperiuntur spu- *Suturarum*
ria suturæ, item harmoniæ variæ, ubi ossa invicem conne- *numerus*
untur: in osse palati peculiaris apparet sutura. *bonus.*

Suturarum verarum magna est in figura *differentia*. Quædam serras sive dentes simplices æmulantur, eosque vel breves, vel oblongos, vel incurvos, vel rectos, vel acutos, vel obtusos, vel latos. Quibusdam dentes mire inter se sunt contexti, lateque invicem implexi. Nonnullæ infinita ossicula rotunda, arenarum in modum, gyro involuto complectuntur. Singula recensere non possumus, quia variant in variis.

Usus suturarum:

I. Ad liberam fuliginum transpirationem. Hinc *Hippocrates* pronunciat illos homines esse sanioris capitis, qui plurimas futuras habent: & qui capita habent absque futuris, *Cephalæa* infestantur. Et *Galenus* ex nimis firma ligatura arctatis futuris, cohibitisque excrementis, tantam vidit obortam inflammationem, ut oculi ex orbitis eruperint.

II. Ut iis dura mater suspendatur & alligetur, ne interiores cerebri partes comprimantur.

III. Ut eadem dura mater emittat ibi fibras pro pericranio & periosteo constituendis.

IV. Ut vasa alia intro, alia foras excidant, pro partium

nutritione & vita : quæ vasa *Fallopian* venas puppis vocat.

V. Ne unius ossis fractura alteri communicetur. Hinc negat cum *Galeno Paulus*, *Guido*, & *Fallopian* contra fissuram dari, nisi in solido capite, contra quam scribit *Hippocrates*, qui *εὐμεφολὺν* vocat seu infortunium, *Celsus* aliique, & exempla ipsa recitant *Fallopian*, *Paræus*, *Pavius*, *N. Fontanus*, & ante hos *Soranus*, sumpta similitudine à vitreo vase, quod sæpe percussum una parte, rimam contrahit in opposita. Pro *Fallopian* notat *Senguerdus* 1. in opposita parte pus aliquando inveniri & abscessus. 2. Aliquando oppositam partem frangi ab alia causa, ut à lapide. 3. Laterales partes ejusdem ossis frangi posse. Sed hoc extra rem nostram.

VI. Ut topica exterius applicata facilius penetrent.

C A P. VI.

DE OSSIBUS CRANII PROPRIIS IN SPECIE.

P RIMUM OS, est OS FRONTIS, aliis coronale, *inverecundum*, os puppis: quod

Figuram habet imperfecte circularem; perfectius nimirum, ubi sutura coronali circumscribitur, imperfectius juxta oculorum sedem.

Substantiam habet tenuiorem quam os occipitis, crassiorem quam ossa sincipitis.

Duplex est in recens natis, sutura sagittali distinctum: duplici quoque lamina constructum, externa & interna.

Ad nasi summum supra supercilia adsunt CAVITATES vel sinus amplissimi (sed non adsunt 1. in puellulis usque ad annum, quia humidiores partes & molliores. 2. in quibus facies est depressa & sima, nisi id raro. 3. in quibus frons est divisa) ut plurimum gemini inter utrumque tabulatum, interdum *membrana* viridi succincti & separati, corpus quoddam molliusculum & medullosum continente:

Et habent hi sinus *foramina*, quæ desinunt in narium amplitudinem, & aliud quod in cranium desinit, supra suptum ossis spongiosi, quo olfactus organa distinguuntur.

Uusus harum cavitatum:

1. Ad canoram reddendam vocem; quia sinus hi in iis, qui male loquuntur, non reperiuntur.

2. Aliis, ut in iis elaboretur aer ad animalis spiritus generationem.

3. Ut aerem odorum vehiculum per nares attractum conti-

contineant, unde ad olfactus organa sensim transeat, & ad cerebrum, quod alteret, & mutatum ad statum naturalem reducat. Unde odor sæpe per integrum diem in narium summitate perferitur.

4. Aliis, ut ibi colligantur excrementa non modo crassa, sed etiam aquea, quæ ad glandulam lachrymalem delata lachrymas efficiant.

5. Alii volunt materiam medullosam inibi contentam, foramen canthi majoris oculi transire; oculumque humectare & lubricare, ut moveatur facilius.

6. Ut protuberantiam illam & eminentiam superciliorum extendant, ad faciei gratiam & oculorum propugnaculum: hincque in iis deficiunt, quibus frontes depressæ. Primarius hic *Higbmo* est usus, nobis secundarius.

7. *Blasius* inservire eas vult muci narium collectioni.

Processus habet hoc os: unum ad oculi canthum majorem; alterum ad minorem, pro orbitæ parte superiore constituenda, & pro sede muscutorum palpebras claudentium. Ad sunt præterea duæ eminentiæ angulares, utrinque una, versus tempora, quæ cornua vocat *Albucasis*, *Dionysiscos* Auctor definitionum & *Heliodorus* Medicus; & si alterutra tantum parte sit tumor ille osseus, *Dionysiscum* appellat *Ingrassias*.

Foramina tria habet; unum interius, de quo supra, quod in cranium definit: duo exterius, ad superciliorum medium, pro nervorum tertiæ conjugationis ad frontem transitu. Exilia alia interius pro vasis medullarij.

SECUNDUM & TERTIUM sunt duo OSSA SINCIPITIS vel verticis, aliis parietalia, arcualia, nervalia, rationis seu cogitationis, Græcis *βασίλαι* & *ὀστέα*, quia sub ipsis cerebrum humilissimum & molliissimum est situm.

Figura sunt quadrilatera, inæquali.

Substantia rarior & infirmior quam aliorum, quia caput *Vulnera* hac parte plurima indiget evaporatione: unde vulnera *sincipitis* *cur lethalia* *lia* 3

In infantibus (hominum, non brutorum) pars ea, quæ ad commissuram coronalis & sagittalis est, membranosa reperitur, & mollis, & ultimo inter ossa capitis in os induratur, sed non ita tum est crassum, verum pellucens; *Aristoteli* & *Plinio* quando vocem articulatam edere puer incipit. Hinc eo loci in pueris hiatus seu fovea observatur, aliis *fontanella* dicta, & *fons pulsatilis*; ubi quoque cauteria in desperatis catarrhis inurere consueverunt. Hanc partem in adultis membranosa, ut in infantibus, necdum osseam factam, semel tantum & quidem in viro quadragenario observavi.

FIGURARUM EXPLICATIO.

Cranii ossa, futuræque, ut & maxillæ utriusque partes ostenduntur.

F i g. I.

- A A. Sutura coronalis.
 B. Sagittalis portio.
 C C. Squamosa sutura ossis temporum.
 D. Os frontis.
 E E. Processus ejus ossis ad oculi canthum majorem.
 F. Alter processus ad canthum minorem.
 G. Foramen pro nervorum transitu in uno latere expressum.
 H. Os bregmatis.
 I. Os temporum.
 K. Appendix ejus styloides.
 L. Processus ipsius Mammillaris.
 M. Alter ejus processus, qui jugale sive Zygomatis os constituit.
 N. Primum os maxillæ superioris secundum Auctorem.
 O. Secundum os.
 P. Foramen hujus ossis, cui adjacet caruncula lachrymalis.
 Q Q. Tertium os maxillæ superioris.
 R R. Quartum ejusdem os.
 S. Septum narium.
 T. Maxilla inferior.
 u. Foramen ejus exterius minus. Majus autem interne spectatur.
 X. Processus ejus maxillæ quæ Corone vocatur.
 Z. Alter Processus retusus Condylodes dictus.
 α α. Dentes incisores.
 β β. Canini.
 δ δ δ δ. Molares.

F i g. II.

- A A A. Sutura coronalis.
 B B. Sagittalis.
 C C. Lambdoidea.
 D. Os frontis.
 E E. Ossa sincipitis seu bregmatis.
 F F. Portio ossis occipitis.




Fig. I



Bauhinus in uxore sua **XXIX.** annorum adhuc invenit apertum.

Cavitates intus superficiales adsunt, venarum impressiones, & extrinsecus foramina exigua.

QUARTUM OS OCCIPITIS, aliis *basillare*, os *proræ*, os *memoria*, os *pyxidis*, Græcis *ἰσθμὸς*; totam fere posticam & internam calvarię partem constituit.

Quod in adultis communiter *unicum*, rarius duplex vel triplex, in pueris communiter ex quatuor ossibus, rarius ex quinque constat,

Figura est trianguli spherici, *Laurentio* Rhomboidea.

Substantia est crassissima omnium & densissima (quia ibi situs est Ventriculus nobilis, & ibi quasi à fonte nervi oriuntur) præsertim ad basin cranii, nisi ad latera magni foraminis, ubi tenuissima est, (quare recte dixit *Aristoteles*, hujus respectu hoc os esse tenuissimum, quod *Columbus* taxat) ideo ad tutelam in ejus medio *prominentia* oblonga est.

Foramina quinque habet, unum maximum prope primam vertebra, per quod egreditur medulla oblongata, & arterię vertebrales adscendunt; reliqua minora ad nervorum egressum, & venarum atque arteriarum ingressum. Duo nonnunquam addit *Marchettus* pro ramis arterię cervicalis.

Sinus habet novem, interius septem, exterius duos. Interiores duo conspicui longi, ubi latet sinus cerebri lateralis in dura matre. Reliqui amplius pro cerebello & cerebri parte postica.

Processus habet antè ad basin duos latos (in pueris sunt epiphyses) cartilagine rectos, interius magis eminentes, in primæ vertebræ sinus ad capitis motum insertos. Alius processus parvus est posterius, vertebrę primę junctus.

In canum occipite aliud os est inter cerebrum & cerebellum, quod *triangulare*; ut primum gressum, quasi fulcro sustentet. In cranio humano simile vidi.

Os triangulare in canibus.

QUINTUM & **SEXTUM** sunt OSSA TEMPORUM, ad aures, aliis ossa lapidosa, petrosa, saxeæ, squamiformia, mendosa, item aliis *parietalia* & *arcualia*.

Figura eorum inæqualis est (magis tamen circularis quam trilatera) ob substantiam multiplicem, quæ est instar rupium & inæqualium asperitarum; unde etiam dicuntur ossa petrosa. Sed parte superiore paulatim attenuantur, ut transpareant, ubi musculis temporalibus subjaceps, & ossibus sincipitis squamarum instar committuntur.

Foramina habent externa sex, interna duo. Primum externum

ternum amplum est, videlicet meatus auditorius; reliqua exigua, pro transitu vasorum.

Sinus duos. Exterior, cartilagine obductus, maxillam inferiorem recipit. Interior oblongus, ossi occipitis communis est.

Appendicem habet quodlibet acutam oblongam & gracilem, unde *Styloides* dicitur, *Belenoides*, *Graphioides*, *plectrum*, &c. Levi occasione abrumpitur, unde non in omnibus calvariis, præsertim è terra effossis, adest. In adultis ossea est, in infantibus cartilaginea, nec ante 25. annum reperitur ex sententia quorundam, qui veri sunt de solis appendicibus. Nonnihil curvatur, ut calcar galli. Alligatur ossi hyoidis per ligamenta. Observavit tamen *Marchettus* aliquando ad cornua ossis hyoidis pervenire, ipsique valido nexu devinciri.

Processus tres.

1. *Externus* est & obtusus, crassus, brevis & cavernosus, *mammillaris* dictus à figura.

Etiā *externus*, est ossis jugalis portio.

Os enim *JUGALE* sive *Zygomatis* sub oculo situm, non est peculiare os, sed ex duorum ossium processibus constituitur: uno modo dicto, altero maxillæ per futuram obliquam commissis, ut fiat quasi pontis forma: cujus usus, musculi temporales tendinem tueri, cum alias eo loci calvaria sit tenuis.

3. *Internus* petrosus in longum protuberans, in quo triplex cavitas adest: *tympanum*, *labyrinthus*, & *cochlea*, item ossicula auditus. *Suturas* in osse hoc petroso observavit *Bilsius*, quarum ductu sine sectione os durum dividit, cavitatem deregat, & ossicula auditus monstrat. Si vero exterior meatus ante tympani membranam adnumeretur, quatuor erunt cavitates meatus auditorii, licet Veteres unius tantum cavernæ meminerint.

I. Cavitas *TYMPANUM* seu *concha*, aliis *pelvis*, *Aristoteli cochlea*, est statim post membranulam tympani sita, cui *osseus circulus* obtenditur, facile in infantibus separabilis, in senibus difficulter, in qua aër congenitus, quatuor item ossicula, ligamentum, & musculi, fenestellæ, & aquæ ductus & ab hac cavitare canalis in palatum abit: aërem utpote congenitum & à natura retentum non transmittens.

Fenestræ sunt duo parva foramina in hac cavitare: unum ovale, in medio cavitatis, *anterius* & altius est, cui *stapedis* basis incumbit, & magna ex parte claudit: parte posteriore in cochleam se aperit insigni amplitudine, & conjungit se

FIGURARUM EXPLICATIO.

Auditus organi internam structuram cum ossiculis
auditus demonstrant.

FIG. I.

- A A.** Os Temporis.
b b b. Squamosa sutura dicti
ossis.
c c. Os spongiosum.
D. Cavitas in quam nervi au-
ditorii fit insertio.
e. Circulus osseus.
ff. Gyros major cochleæ.
ggg. Tres semicirculi ossei La-
byrinthum efformantes.
h. Malleus in situ.
i. Incus.
k. Stapes.
l. Musculus auris externus.
m. Musculus auris internus. de
quibus musculis vide lib. 3.
cap. 9.

FIG. II.

- a a a.** Labyrinthus.
b. Cochlea.
c. Foramen ovale in quo situs
stapes.
d. Aquæductus Fallopii.
e. Fenestra rotunda.
ff. Exigua foramina pro exi-
tu venularum & arteriola-
rum.

FIG. III.

- a a.** Cochlea dissecta.
b b. Intermedium quoddam co-

chleam in duos gyros divi-
dens.


- c.** Foramen rotundum in ca-
vitate auditus, & in gy-
rum cochleæ inferiorem de-
sinens.
d d. Labyrinthi circumvolu-
tiones apertæ.
e. Fenestra ovalis.

FIG. IV.

- a.** Caput mallei rotundum.
b. Ejus extremitas qua tympa-
no adnectitur.
c. Processus minor mallei.
d. Subtilior & longior ejus pro-
cessus à Folio primum obser-
vatus.
e. Incus, cujus superior pars si-
num habet pro mallei capite
recipiendo.
f. Processus Incudis longior, cui
stapes alligatur.
h. Stapes.
i. Quartum ossiculum me-
diante ligamento stapedi an-
nexum, Fr. Sylvio observa-
tum.

FIG. V.

Osseum circulum infantium, cui
membrana tympani annecti-
tur, exhibet.



etiam foramini posteriori, quod humilior est, in homine, minus atque angustius, & hoc in duos canales scinditur, squama ossea tenuissima divisos: uno cum fenestella ovali cochleam petit, altero labyrinthum, & posterior quidem canalis dicitur aquæ ductus, item meatus cochlearis, tortuosus, cæcus, capreolaris, ob tortuosum ductum, per quem varie deducitur pars nervi auditorii major cum arteria.

II. Rotunda & priori minor, LABYRINTHUS dicitur, & fodina, ob varios anfractus: post fenestram ovalem cavitate sequenti se jungit. Ab hac multæ viæ excurrunt, quas vocant semicirculos osseos excavatos, vel funiculos, ut plurimum tres, initio amplos, deinde sensim angustatos, tenui membranula vestitos, ut soni acutiores fiant, & sensim fracti in cerebrum ascendant. Quatuor foraminibus patet, præter ovale & quintum quod in cochleam terminatur.

III. COCHLEA dicitur ob flexuosam circumgyrationem, aliis cavitas cochleata, buccinata, antrum buccinosum, &c. Nam gyros tres vel quatuor se mutuo excipientes (unum tantum vel duos, quibus obtusior auditus) habet, & tenuissima atque mollissima membranula succingitur, venulisque infinitis ornatur, quæ circa cochleæ gyros circumvolutæ, variis propaginibus labyrinthi secreta perreptant.

CAP. VII.

DE OSSIBUS AUDITUS.

SEquuntur octo alia ossa capitis, quæ minima, utrinque quatuor, AUDITUS OSSICULA, dicta à forma: MALLEUS, INCUS & STAPES, & ORBICULARE, antiquis plane incognita, quorum duo priora invenit Jacobus Carpus, quem postea secuti Massa, Jacobus Sylvius & Vesalius: hic vero à Fallopio monitus tertii tandem quoque meminit, cujus primus inventor est Ingrassias; licet Eustachius & Columbus sibi inventionem arrogent.

Quartum os auditus invenit nobisque monstravit Franciscus Sylvius, rotundum, exiguum Nic. Fontano squamæ piscis lupi simile: Lindano cochleare vocatum. Stapedi, qua incudi committitur, per tenue ligamentum ad latus annexum, quod in coctis vitulorum capitibus, in quibus quam in homine majus est, reperies facilius, quamquam nec in homine appareat exile. Pavius in bubulo capite anoso huic simile sesami forma observavit.

SITA sunt in cavitate prima seu concha.

Sub-

Substantiam habent duram & densam, intus cavam, ut leviora sint & medullam pro nutritione contineant, nullo periosteo cinctam; præterea ut sicciorem aërem efficiant, deferantque instar funis, quo januæ alligatæ attolluntur, claudunturque. In recens natis eque perfecta sunt, & magna atque in adultis; licet non ita dura, sed magis humida; unde infantes obtusius audiunt.

Connexio. *Malleus* processu suo pertinaciter adhæret membranæ tympani ultra medium, instar reflexæ caudæ, cujus caput incudis cavitati inarticulatur, parvum habens processum, ut tendo applicetur musculi rotundi; habet & longiorem quendam processum, sed subiliorem à *Cecilio Folio* primum observatum, cui alligatur musculus alter, auris externus. Osseo circulo transversim incubat, cum quo forsan in adultis coalescit, fere enim in pueris tantum conspicuus, in aliis facile rumpitur ob subtilitatem, quando eximuntur ossa.

Incus molarem dentem referens, malleo subjacet, habens inferne duos processus: unum breviorē, ossi squamoso innitentem, alterum longiorem sustinentem verticem stapedis sive ossis triangularis, quod cochleæ insiluit, dum basi latiuscula fenestræ ovali immergitur, cui laxo ligamento nequitur, ut leviter quidem attolli, non vero sursum & deorsum possit.

Tria hæc ossicula ligamento tenuissimo junguntur, quod toti membranæ, ut nervus tympano bellico, circumten-
ditur.

Ujus ossiculorum est: non quod invicem percussa strepitum edant, sed ut species soni excepta ad inferiora permeet, & aurium excrementis via pateat. Nam stapes fenestram *Auditus* ovalem seu superiorem claudens, ab incude movetur, unde *quomodo* aperitur fenestra, ut species soni in nervum trajiciatur, & *fiat?* incus à malleo, malleus à membranula tympani aëris externi appulsu percussa (quæ ne nimium intropellatur, malleus propugnaculo est) quod dum fit, intro pellitur hæc, & gibba redditur, unde aër congenitus afficitur, qui per cochleam errans efficit, ut nervi auditorii propagines sonorum species per fenestellas delatas suscipiant, & cerebro subministrent. Atque ita malleus tantum intro commovetur. In recursum vero extrorsum movetur; cum membrana tympani, à musculo illo minime à *Casserio* invento.

FIGURARUM EXPLICATIO.

Quarum 1. 2. 3. ex *Bilfio*, reliquæ ex *Pavio*.

FIG. I.

Partem ossis petrosi secundum naturales ejus futuras à se invicem dissecti continet. Hic videre est

- A A. *Concham.*
- B. *Tympanum.*
- C. *Malleolum.*
- D. *Incudem.*

FIG. II.

Ossis petrosi partem eodem modo dissecti indicat.
Hic habes

- E. *Stapedem nonnihil è foramine ovali prominentem.*
- F. *Quartum ossiculum tenui vinculo stapedi annexum.*
- G. *Foramen ovale.*

FIG. III.



Ossicula extracta tria describit eadem forma, qua loco suo naturali conjuncta sunt. Hic ostenduntur

- H. *Malleolus.*
- I. *Incus.*
- K. *Stapes.*
- L. *Ossiculum quartum.*

FIG. IV. V.

Meatum auditorium exhibent.

- A. *Initium auditorii meatus.*
- B. *Circulus limbo prominens, cui alligatur tympani membrana*
- C. *Cavernula, ibi conspicua ubi tympanum desinit.*
- D. *Foramen in processu quarto ossis petrosi, per quod ingreditur auditorius nervus.*



CAP. VIII.

DE OSSIBUS CAPITI

& maxillæ superiori communibus,
Cuneiformi & spongioso.

OS SPHENOIDES seu CUNEIFORME dicitur à Cuneo, cujus formam referre volunt, antiquis *πολύμορφον*, *multiforme*: ob varios, quibus exasperetur, intus & extra procellus: alii os *paxillare*, os *basilare*, os *celatorii*, os *palati*, &c.

Situm est in media basi capitis, & cerebro instar basis substernitur, ita ut omnia fere capitis & maxillæ superioris ossa tangat.

Os *unum* est in adultis: at primo confit ex quatuor, postea unitis.

Processus varii sunt.

Exterius duo insignes ad palati latera *πριζοειδῆς* *aliformes*, quia vespertilionum alis assimilantur, & sinu oblongo donantur.

Interius quatuor parvi sunt, utrinque duo, habentes formam ephippii vel sellæ Turcicæ, diciturque *sella sphenoidis*, in quo processu quadrato & lato, *sinus* est pro glandula pituitaria excipienda.

Ad sellam *antrum* est foraminulentum, ut aër inspiratus ad spiritus necessitatem elaboretur, & ut excrementa pituitosa per infundibulum ex ventriculis cerebri destillent. Per ossis hujus foramina in palatum nihil ferri probat *Schneiderus*. Non tamen ad levitatem tantum condita foramina recte *Willisius* urget, quia in iis animalibus quæ majorem habent glandulam, plura etiam & majora ei subsunt foramina. Intra foramina ista contineri vasa idem deprehendit.

Foramina habet varia, pro transitu hinc inde vasorum. Numero septem. 1. Per quod nervus opticus ad oculos exit. 2. Pro nervo secundi paris oculorum motorio, & ramo arteriæ carotidis ad oculos. 3. Longum pro nervo tertii paris, & quarti ad musculos anguli externi, & octavi paris. 4. Rotundum, pro altera portione nervi tertii paris intra cavitatem oculi, a qua portione nervus exilis ad palatum & dentes maxillæ superioris. 5. Ovale, pro tertia portione nervi tertii paris ad linguam & maxillam inferiorem. 6. Longum sub ephippio, pro arteriæ carotidis ramo majori ad cerebri. 7. Ovale exile, pro ramo minori venæ jugularis interna,

ternæ, duram matrem egredientis. Ita confusionem *Riolani* distinctius emendat *Marchettus*.

OS SPONGOIDES, *spongiosum* vel *spongiforme* in media frontis basi situm, & narium cavitatem opplens, dicitur etiam *modò* *cribriforme* vel *cribrosum*: quia

Pars ejus *interior*, qua capiti jungitur, multis foraminibus, cribri instar, sed tortuosis & anfractuosis, non rectis, pervia est; atque hæc pars proprie est dicique debet cribrosa.

Habet in medio *acutum processum*, *cristam galli* referentem, quo, tanquam septo, discriminatur hoc os in duas partes: & huic processui superiori *alius* inferne apponitur, nares distinguens, ubi pars ossis hujus exterior est, quæ in narium cavitate extra calvariam continetur, rara & fungosa; ubi spongiosa proprie dicitur.

Habet & aliam partem planam, tenuem, solidam & lævem, qua oculorum orbitæ committitur, cujus portiunculam constituit, non vero maxillæ superioris pars est, ut voluit *Vesalius*.

Usus partis spongiosæ est, inspiratum cum odoribus aërem alterare.

Usus partis cribrosæ primarius est;

1. Ad aëris introitum pro spiritu animali.

2. Ut odorem species cum aëre ferantur ad processus mammillares, olfactus organa, quæ in hæc foramina desinunt. Unde in *Coryza*, obstructo hoc osse, perit odoratus actio.

Secundarius usus est cerebri expurgatio. Non enim tantum per glandulam pituitariam ad palatum expurgatur pituita, sed stillat etiam in os cribrosum atque nares, si superiores dicti cerebri ventriculi nimia pituita affluant. Cæterum præternaturalis est hic fluxus. Nam *Schneiderus* docet nec duram nec piam matrem instar hujus cribri perforatam esse, sed naturam per illa foramina transmittere filamenta nervis similia, vel ipsos nervos sensifricos à dura matre ad interiorem narium tunicam.

CAP. IX.

DE OSSIBUS MAXILLÆ IN
GENERE.

OSSA MAXILLÆ sunt fundamenta totius faciei, & supra os quidem *maxilla superior*, infra *inferior*.

Superior enim, quam *Celsus malam* vocat, est faciei pars ossea,

ossea, comprehendens oculorum orbitæ partem inferiorem, & laterales, nares, malas, palatum, & dentium superiorum ordinem.

Atque hæc maxilla in homine brevior & rotundior est, quam in brutis, ad venustatem, *Senguerdio* ut homo literas perfectius formare & articulatas voces proferre valeat, item immobilis, ut & in animalibus, exceptis *Psittaco*, *Phœnicoptero*, & *Crocodilo* fluviali, teste *Aristotele* & *Plinio*, terrestrique, qui tamen non maxillam solam movent, sed quemadmodum & viperæ una totum caput artissime illi connexum, quod & de *Psittaco* dicendum.

Inferior vero maxilla in homine, aliisque animalibus sola mobilis est, excepto *Crocodilo*, qui hanc cum ossibus temporum adeo unitam habet, ut nullo modo moveri queat; *Psittacus* vero utramque movet.

Connexio est absque motu in maxilla superiore, per futuram vel harmoniam, cum ossibus propriis multis, ex quibus constat, & aliis circumjectis ossibus; in inferiore per *συσχόνδρῳσις*, quæ in medio mento est. Sed in adultis ita cartilago in os mutatur, ut unicum os esse videatur maxilla inferior, cum antea ex duobus constiterit.

In margine vel circuitu utriusque maxillæ (*Galenus* hanc regionem vocat *Φαλβίαν*) cavitates occurrunt, quibus dentes infixi, quas *Galenus* *βόθραι* appellat, Latini *alveolos*, *loculos*, *fossulas*, *præsepiola*, *mortariola*.

Hi alvei pro radicum dentium ratione, sunt modo simplices, vel triplices: aliquando oblitterantur, & constringuntur, dentibus cadentibus vel evulsis. Aliquando renascuntur novi, à novis dentibus exeuntibus. In senio non raro amissis dentibus alvei oblitterantur, & circuitus acutiores facti, durique, ut in senibus ad manducandum dentium vicem subeant.

CAP. X.

DE OSSIBUS MAXILLÆ SUPERIORIS PROPRIIS.

OSSA MAXILLÆ SUPERIORIS PROPRIA sunt undecim, utrinque quinque, & unum est sine pari.

PRIMUM fere triangulare, constituit partem orbitæ oculi inferiorem, canthum minorem, partemque ossis jugalis & malæ.

SECUNDUM efficit canthum majorem, ubi foramen est in

in nares pervium, cui adstat caruncula lachrymalis, foramen illud vocatur *punctum lachrymale*, unde canaliculi supra descripti.

Hic fiunt abscessus, quos *ægilopas* vocant, qui si imperite tractentur aut negligentur, ad os penetrant, unde fistulæ lachrymales, per quas pus, medicamenta & alia transeunt. *Locus affectus in ægilope.*

Est hoc os parvulum, & inter ossa maxillaria superiora minimum, tenue, pellucidum, laxè hærens, ut facile frangatur & deperdatur: unde raro reperitur in calvariis è terra effossis.

TERTIUM maximum est, unde constituuntur palati maxima regio, & orbita inferior magna, dentes continens. Sinus habet amplos, (& foramina, quæ vasa transmittunt) utrinque & insignes, tum ad levitatem, tum ut medullam contineat pro nutritione ossium & superiorum dentium. Aliis ad producendam vocem. In pueris primum excavantur post annos aliquot, & tenui membranula succinguntur.

QUARTUM cum suo compari constituit partem nasi eminentiorem osseam.

Est tenue, durum, solidum & quadrangulare.

Suntque externa hæc duo nasi ossa, futura divisa. Internæ aspera sunt, ut rectius annectantur nasi cartilagines.

Aliud interius os est (quod nasi tertium) adherens processui ossis spongiosi, quod *septum narium*, quia nares distinguit, dicitur. Hæc tria nasi ossa oblonga *Gradus Scala* appellat *Rolfinckius*, quod gradatim unum positum sit supra aliud. In singulis cavitas observatur.

QUINTUM ad palati extrêmum, ubi narium foramina ad fauces tendunt, situm est. A se invicem distinguuntur suturâ palati mediâ, & efficiunt amplitudinis palati nariumque partem posticam. Sunt tenuia, solida & lata.

His decem addit *Columbus undecimum* aratro simile, *Vomer* dictum, supra palatum, intimum & medium, partem imam narium instar septi discludens.

FIGURARUM EXPLICATIO.


Prima nasi spongiosa ossa, Cavitas in osse frontis, & ductus ab illis ad maxillæ antrum, exhibentur.
Ex Highmoro.

- A A. *Cranium dissectum cum medullari interstitio.*
- B B. *Interior cranii pars.*
- C. *Cavitas ossis frontis.*
- D. *Cavitas inferior à priore ad narium cavitatem ducens, à qua etiam ductus alter ad maxillæ antrum fertur.*
- E. *Narium cavitas.*
- F. *Antrum maxillæ.*
- G. *Glandula pituitalis in sella.*
- H. *Ductus è sella ad palatum.*
- I. *Os maxillæ supra palatum dissectum.*
- K. *Palatum cum dentibus maxillæ infixis.*
- L L. *Vestigia venarum in cranio insculpta.*
- a. *Crista galli.*
- b. *Os cribrosum.*
- c. *Meatus à cerebro ad cavitatem illam in osse frontis ducens.*
- d. *Ductus à cavitate inferiore frontis ad antrum maxillæ.*
- e. *Ubi superior cavitas se in inferiorem exonerat.*


Secundâ Cavitas Ossis frontis proponitur
ex Pavio.

- a. *Os sincipitis dextrum.*
- b. *Os sincipitis sinistrum.*
- c c. *Cavitates ossis frontis.*

Fig. I.



II.



FIGURARUM EXPLICATIO.

Inferior calvaria pars interiori & exteriori sua facie
conspicienda præbetur.

FIGURA I.


- AAAA. Duplex crani tabulatum cum intermedia substantia medullo-
cérnitur.
B. Cavitas seu foramen in osse Frontis, in narium amplitudinem desinens.
cc. Os cribrosum plurimis foraminulis pertusum.
D. Ejus processus acutus, Cristam galli referens.
EE. Duo processus interiores anteriores ossis sphenoidis seu Cuneiformis.
FF. Duo processus interiores posteriores ejusdem ossis.
GG. Foramina ejus ossis pro nervorum opticorum egressu.
H. Sinus in sella medio incisus, quo glandula pituitaria continetur.
I. Sinus alter cui nervorum opticorum coitus innititur.
KK.
LL. } Foramina denotant Ossis Cuneiformis pro vasorum transitu.
MM.
NN. Processus petrosus ossis Temporum.
oo. Foramen ejus processus nervo auditorio transitum præbens.
pp. Additamentum ossis occipitii.
Q. Maximum foramen ossis occipitii per quod spinalis medulla elabitur.
RR. Sinus ossis occipiti intra cranium, in quibus cerebellum recumbit.


FIGURA II.


- AA. Quintum os maxilla superioris, sutura distinctum.
BB. Os jugale.
CC. Foramina in narium amplitudinem dehiscencia.
D. Septum narium.
E. Undecimum os maxilla superioris Columbo dictum aratro simile.
FF. Processus externi ossis Cuneiformis, alas vespertilionum exprimens.
gg. Processuum horum cavitas.
HH. Sinus ossis Temporum, caput maxilla inferioris excipiens.
I. Additamentum ossis occipitii.
KK. Processus ossis Temporum styloides.
LL. Processus Mammillares.
MM. Duo capita seu processus ad basin ossis occipiti, quibus prima ver-
tebra inarticulantur.
N. Foramen maximum ejusdem ossis.
OO. Ossis occipiti utrumque latus, variis protuberantiis donatum.

FIGURA III. & seq. ex Pavio.

- A. Dens molaris radicibus quaternis.
B. Dentes varii.
C. Appendices quæ sunt loco radicum dentibus.







CAP. XI.

DE MAXILLA INFERIORE.

MAXILLA INFERIOR in adultis ex unico osse constat; in puerulis incerto tempore *Senguerdio*, ad annum vel biennium *Riolano*, nobis cum *Laurentio* nonnunquam ad septimum usque annum ex duobus, per *συζυγόρῳ* *C.* junctis.

Figura ejus est Græcæ literæ *v* vel arcus.

Substantia est durissima & validissima, ut in mordendo & manducando perduret; intus cava, ubi medulla continetur pro nutritione sui & dentium.

Foramina habet utrinque duo, quæ instar fistulæ contine per maxillam feruntur, ita, ut secum inditum per unum, & per alterum emissum, exire queat.

Aliud est *interius* posterius & majus, intromittens partem nervorum nobis dicti quinti paris, ad dentium radices, cum venula & arteriola.

Aliud est *exterius*, minus rotundum, per quod dicti ingressi nervi propago extra emittitur ad labrum inferius.

Asperitates habet & *sinus* varios, ob muscutorum ortus & insertiones.

Processus item utrinque binos, *cornua* dictos, sursum de-
latos.

Unus *antrorsum* fertur, latus & tenuis, cujus cuspis vel acuta pars dicitur *κροῶν*, in quam muscoli temporalis tendo implantatur. Unde inferioris maxillæ luxatio *Hippocrati* lethalis.

Alter posterior *retrosum* fertur, tuberculum referens; & dicitur *κροῦδλωδης*, habens capitulum cartilaginea crusta obductum, sub quo cervix oblonga.

Per hunc processum fit articulatio cum osse temporum, ubi adhuc alia *cartilago* reponitur, inter suum & capitulum cartilagineum, ad faciliorem motum. Obvolvitur etiam hanc articulationem *ligamentum* membranosum commune.

CAP. XII.

DE DENTIBUS IN GENERE.

DENTES quasi edentes, Græcis *ὀδόντες* quasi *ἐδόντες* dicuntur, suntque ossa proprie dicta, uti alia, dura & solida, lævia item & candida, ut alia ossa.

*Dentes ab
aliis ossibus
quomodo
differant?*

Habent aliqua peculiaria præ aliis ossibus, quæ tamen ideo non excludunt eos ab ossium numero.

1. Duriora sunt ossa quam alia, ut duriora etiam conterere

rere possent; & lapidibus vix cedunt, nec facile igne cremari possunt, & cum Sarcophago intra 40. dies totum corpus absumatur, dentes immunes à lésione manent, unde *Tertullianus* in illis latere semina futurę resurrectionis prodidit.

2. Nudi sunt dentes, & absque periosteo, ne inter manducandum doleant.

3. Et tamen senriunt, sed magis qualitates primas quam secundas, & imprimis magis frigidum teste *Hippocrate* (unde hæmodia sive dentium stupor) quam calidum, è contra quam caro.

Sentit autem non totus dens per se, sed pars interior, mollior & magis medullosa; cui obvolvitur alia durior & exterior, quæ non dolet, neque ab igne, nec à ferro: sicut in ense sentiat? sub cortice chalybis durissimo medulla ferrea intus latet minus dura, & ut cutis per cuticulam non sentientem sentit, sic pars intima per exteriorem, in quam intimam, cum cava sit, ingrediuntur nervuli molles, & membranulæ succingentes. Hinc monialis quædam Patavii dentem quem habebat præ aliis longissimum cum secari curasset ad deformitatis curam, statim convulsa & epileptica decidit. In parte autem dentis absccta nervi vestigium apparebat.

4. Hinc secus quam alia ossa nervos intra cavitatem admittunt.

5. Longiore tempore vitæ augentur, fere usque ad extremum senium, quia videlicet quotidie minuuntur ex manducatione & attritione; sicut

Gutta cavat lapidem, non vi, sed sæpe cadendo.

Quantum ergo atteruntur, tantum rursus auferunt. Liquet hoc inde: si dens aliquis decidat & non renascatur, oppositus tanto crescit longior, quantum spacium vacuum est prioris dentis.

Hæc considerans *Fallopianus*, uti & quod novi dentes nasci putentur, cadentibus aliis, colligit vim formatricem in dentibus remanere vivificam, ad extremum usque senium.

Helmontio materia dentis non mere ossea est, sed inter os & petram media, seu neutra, quia dens suo contactu tandem petrificat, quicquid cibi pertinacius adhæserit, sive ex panificio, carne, olere, pisce, pomo aut legumine. Sed nulla ibi petrificatio, nisi tartareæ naturæ sint assumpta, sed exsiccatio quædam assumpto per salivam humido; neque dentes illa appositione augentur, quæ modo deraditur, modo in mucum convertitur.

GENERANTUR dentes in utero, post maxillarum generationem, in qualibet maxilla duodecim, vel paulo plures, ut

ut infra dicetur de numero, quatuor incisorii, duo canini, sex maxillares: qui aliquandiu in maxillis imperfecti latent (rarum enim est statim dentatum nasci infantem) ne infans sugens papillam lædat. Udde in abortu vel infantulo dentes exigui erui possunt.

Erumpunt extra gingivas citius in bratis, quanquam in equis diversum sentiat Varro, quia citius solidiorem cibum capiunt: in homine mense septimo vel serius, post anni cursum, & citius superiores, nonnullis citius inferiores, & in his

Antiores prius: 1. Quia hi magis acuti sunt.

2. Quia minores reliquis.

3. Quia os ea parte est tenuius.

4. Quia horum maior est necessitas, & ad vocis formationem, & ad ciborum divisionem.

*Dentientes
cur ægre-
scant?*

Atque eo tempore quo erumpunt dentes in infantulis, docet Hippocrates oriri febres, convulsiones & alvi profluvia; maxime cum canini egrediuntur: quia dentes gingivas perforantes, plus, quam stimuli in carne affligunt.

Hi dentes habent SUBSTANTIAM osseam, duram & cavam parte qua erumpunt, parte vero posteriore mollem, membrana tenui & pellucida vestitam.

*Dentes ju-
nioribus cur
quomodo
cadant?*

Circa septimum vero annum & decimum quartum, solent alii erumpere (excidentibus prioribus) in utroque maxilla decem, quatuor incisorii, duo canini, & quatuor maxillares. Et priores excidunt quarto, quinto atque sexto anno: quia alveoli crescunt & ampliantur, unde dentes tum temporis molliores vacillant & cadunt. Nicephoro in Oneirocriticis, dentem ejicere & rursus alium adnasci, lucrum præbet, & gaudium præter spem. Si non excidunt, per novos alveolos prodeunt posteriores, superius ut plurimum extra, inferius intra, ac si novus esset ordo dentium. Frequentius ad latera oriuntur, & numerum augment.

*An post
casum den-
tium in
pueris novi
nascantur
extra ute-
rum?*

Hi vero non nascuntur de novo extra uterum: alias etiam nascerentur de novo membranulæ, nervi, vasa & vincula: sed intus, in maxillis, seminaria latent. Observavit enim Eustachius & Riolanus minores nonnullos à tergo reliquorum, qui excidunt, remoto interstitio tenuissimo, quod inter utrosque dentes reperitur. Rarum autem est dentes renasci post annos multos & in senectute. Ut in centenario refert Thuanus; in Fionia nostra seni 140. annorum dentes renati, & Venetiis militi sexagenario. Helmontius vidit senem & vetulam anno 63. ætatis, quibus quondam amissi dentes sponte renascebantur, etiam cum doloribus puerilibus, nullo longè vitæ indicio, nam uterque eodem anno obiit. Non dissimile in se-

in sene habet exemplum *Verulamius*, & nos meminimus.

Sed nunc de dentibus in adultis hominibus agemus.

Siti sunt dentes in ambitu utriusque maxillæ, in homine intra os conclusi, in apro exerti, uti & balæna *Narhual* Groenlandiæ nostræ, quæ longissimum dentem striatum unum exerit ex sinistra mandibulæ superioris parte, qui vulgo pro Unicornu habetur, hætenusque in pretio apud Magnates fuit.

Magnitudine cedunt aliorum animalium dentibus, ob oris angustiam. Et in homine alii majores, alii minores.

Figura variant. In homine triplicis sunt figuræ; incisores, canini, & molares, ut dicetur in sequenti capite, nisi quod *Fontanus* observavit, in quodam omnes molares fuisse. In ruminantibus duplices; incisores & molares. In piscibus plane acuti fere sunt omnes, excepto genere balenæ singularis, quod *Islandi* Springwall appellant, cui obtusi dentes, sed lati.

Superficies lævis & æqualis.

Color candidus nitidusque, nisi impendant negligentia, senectus & morbus. *Helmontius* post octennium candorem vitri opaci referre tradit, splendidum & politum colorem album esse, & tum esse adolescentem: deinde sensim pallescere: mox surde albescere ceu ebur, & juvenilem dentis esse; post obscure pallere, esseque ætatem virilem: demum pallide flavescere, & senectutem fores illorum pulsare. Sed non omnibus hæc differentia convenit.

Numerus non est idem omnibus. Nam ut mittamus quæ rara sunt, videlicet, quod nascantur homines uno continuo dente in superiore maxilla, quod de *Pyrrho* referunt, & Groenlando quodam ex patria Hafniam Regiis navibus ad- vecto, item duplici vel triplici ordine dentium, qualem in piscibus nonnullis vidi, & qualem *Ludovicus XIII.* Galliarum Rex habuit, id quod de Mantichora prodidit *Solinus*, & de Lamia notum, quæ quintuplicem habet mire dispositum, dentesque in eo acutissimos, figura *Glossopetras* referente, unde *Glossopetras* Melitenses *Columna* putavit esse dentes Lamia petrificatos, de quo nos alibi. In Lupo marino observavi duplicem seriem, anteriorem quidem ex acutis, interiorem vero ex molaribus arte invicem nexis, qui palatum inferius occupant. Commune est homini unicum ordinem dentium habere in qualibet maxilla, & in universum viginti octo dentes, aliquando triginta, in superiori sedecim, in inferiori quatuordecim, ut plurimum vero triginta duos, in qualibet maxilla sedecim.

Zz 5

Raro

Raro vero mutatur hic numerus, præterquam in molaribus, qui aliquando in quolibet latere quinque, aliquando quatuor, aliquando supra quinque, infra quatuor, aut quinque in dextra parte, quatuor in sinistra, & è contra.

*Multi dentes longae-
vitatem de-
notant.*

Multi den-
tes longæ-
vitatem de-
notant.

Major autem numerus longævitatē denotat, minor brevitatē vitæ, testibus Hippocrate & Galenō. Et recte. Est enim raritas & paucitas dentium mala ut signum, & ut causa. Ut signum: nam denotat materiæ inopiam, & formatricis imbecillitatē fuisse. Ut causa: quia pauciores dentes cibos non recte præparant, unde vitiatur coctio prima, & ob hanc secunda. Sed intelligendum, brevitatē vitæ denotari ut plurimum, & maxima ex parte, non semper, ut recte disputat Scaliger Exerc. 271. contra Cardanum. Nam Augustus, qui annos 76. vixit, dicitur habuisse dentes raros. paucos & scabros; ita quoque Forestus, qui octuagesimum transcendit.

Connexio est per *γύμφων*; nam infixi videntur in alveolis suis, quemadmodum clavi in ligno. Maxillis continuatos semel observavit *Hollerius*: *vinculis* quoque robustis, quæ radicibus adhærent, alligantur præsepulis five locellis suis; & deinde cingunt *gingivæ*, de quibus supra.

Substantia exterior, est solidior & durior, non sentiens; interior paulo mollior, sentiens, ob nervi & membranæ viciniam, habetque in se cavitatem, ampliorem in puerulis, & ad septimum annum tenui squama, instar favorum apum circumseptam, mucoque repletam; in adultis, resiccato humore diminutam.

Dentium
affectus &
dolores un-
de?

Dentium affectus & dolores unde? Succingitur cavitas hæc tenuissima *membranula* exquisitè sentiente, quæ si humorem aliquem à cerebro defluentem imbibit dolor maximus fit dentium. In hac incipiunt erosiones, putredines, cariesque dolorificæ; & aliquando in hac vermiculi minimi generantur, admodum hominem excruciantes. Membranz adhærent *vincula* exilia, quibus præsepulis adnectuntur, observante *Eustachio*.

Vasa ad hanc cavitatem feruntur per foramina radicum dentium.

Venula pro revehendo sanguine post nutritionem & augmentationem continuam. Quæ in homine non ita manifeste (uti nec venæ tunicæ oculorum adnatæ) sed in bove manifestissime conspiciuntur, & ex sanguinis aspersione in sinu colliguntur.

Arteriola pro dando calore nativo, & sanguine pro nutritione & augmentatione. Unde ex inflammatione dolor aliquando pullatorius fit dentium, quem *Galenus* in seipso exper-

expertus est. Hinc multum lucidi sanguinis dente perforato aliquando emanat, & nonnunquam ad mortem usque.

Nervuli molles & tenues ex quinto pari nobis dicto eo feruntur, qui per radices in cavitatem intrant, ubi intus dissipantur, & parvulis propaginibus cum substantia quadam mucosa in dente medio reperta, miscentur.

Ufus dentium

Primus & *primarius*, est ad cibos comminuendos. Unde edentuli forbila tantum hauriunt; quam ob causam dejectos dentes videre malum *Nicephoro*, & in somniis vulgo amici casum præfagit.

II. Ad vocem formandam (hinc infantes non loquuntur, antequam os dentibus plenum) præcipue ad literas quasdam exprimendas incisori conferunt. Hinc edentuli litteras quasdam pronunciare nequeunt v.g. T. & R. ubi lingua ampliata prioribus dentibus inniti debet. Alioquin incisori- *Vocis lassa.*
rum amissio lædit vocis explicationem, teste *Galeno*, ut sermo tardior, & minus clarus facilisque fiat. Hinc edentuli arcte dentes institutos sibi procurant, aureo filo vinciendos.

III. Ad ornatum. Edentuli enim deformes sunt.

IV. *Homerus* putat ad compescendam garrulitatem.

V. In brutis etiam ad pugnam, ubi homo manibus utitur.

VI. Iisdem brutis ad ætatem designandam. Equorum enim ætatem inspectum os prodit, ubi primi dentem *gnomonem* ferunt, quadrimi alium, qui foramen habet pisæ capax, quotannis minui solitum, donec octenni dens lævis fiat, coalitumque foramen non appareat.

CAP. XIII.

DE DENTIBUS IN SPECIE.

Ratione triplicis figuræ, situs & officii *triplices* in homine *dentes* sunt: PRIMORES, CANINI, & MOLARES.

PRIMORES sive anteriores, ab officio in cibis incidendis, dicuntur *incisores* & *incisorii*, item *τελειωτοι*, quia inter ridendum primi nudantur.

In medio, parte anteriore, reliquorum *siti* sunt, in quolibet maxilla *quatuor* (quibusdam duo, latitudinem tamen quatuor habentes) acuti & lati instar gladiorum, caninis breviores, & simplicibus radicibus in fixi alveolis; ideo facilius excidunt, præsertim superiores. Succedunt utrinque

CANINI dicti ob acutiem, duriciem, & usum; nam quod superiores scindere non possunt, hi confringunt. Vulgo *oculares* dicuntur, non, ut quidam putant, quod oculorum ambitum

bitum fere attingant, cum vix alarum nasi infimam partem; sed quia in eos deferitur portio nervi oculos moventis, & profundius inferuntur, unde eorum extractio periculosa putatur, & ipsis etiam dolentibus palpebræ nonnihil palpitent.

*Cur paucos
caninos ho-
mo habeat?*

Sunt hi dentes in qualibet maxilla duo, utrinque unus, in basi lati & crassi, reliqua parte acuti. Non enim multis caninis egebat homo, cum sit animal mansuetum, & manibus utatur.

Infiguntur simplicibus radicibus, ut primores, sed altius infiguntur & firmitus: nam radices eorum superant alias omnes proceritate, & superioribus quidem longiores radices sunt. Dentium, præsertim incisoriorum & caninorum radices, nonnunquam *curva acutie* latius præsepiolis suis infigi recte notat *Spigelius*, unde difficile evolvuntur, nec sine metu alveolorum.

MOLARES dicuntur reliqui & postremi, tum à figura molarum, tum ab usu; quia instar molarum conterunt cibum præcisum, asperi & magni sunt, duri & lati. *Germanis* Buccarum dentes vocantur.

Plures sunt homini quam incisores; è contra in brutis ferocibus, quæ ad pugnam etiam utuntur dentibus acutis,

Communiter sunt *viginti*, utrinque in qualibet maxilla quinque, quamvis numerus variet, uti supra dictum.

Ex his duo postremi dicuntur *dentes sapientiæ*, item sensus & intellectus, quia tum primum erumpunt, (subinde cum maximis cruciatibus, aliquando indolenter) quando sapere incipiunt homines, circa annum vigesimum octavum vel trigessimum, aliquando in summa senectâ; vidit *Aristoteles* 80. ætatis anno nonnullis apparuisse, & *Walæus* 83. ætatis anno demum provenisse: nonnunquam vix prominent, aliquando vix creantur; Latini *genuinos* vocant.

*Cur superiores mo-
lares plures
habeant
radices?*

Hi dentes pluribus radicibus nituntur, aut binis & ternis, ut maxillares inferiores, aut ternis & quaternis, ut superiores, quæ plures habent radices.

1. Quia alias penduli sunt, secus, quam inferiores, qui etiam gravitate sua incumbunt.

2. Quia substantia superioris maxillæ est rarior & mollior.

Transitio.

Atque ita primi pars sceleti, videlicet caput, absoluta est: sequitur secunda pars vel TRUNCUS.

CAP. XIV.

DE SPINA EJUSQUE VERTEBRIS IN GENERE.

IN TRUNCO, vel altera parte sceleti, examinandæ erunt omnes vertebrae spinæ, præterea ossa Ischii, costæ, sternon, clavicula & scapulae.

SPINA (Græcis *ῥαχίς*, vel *ράχης*, unde Rachitis morbus) *Spina quid?* dicitur omne id, quod à prima cervicis vertebra est usque ad os coccygis: ita dicta, quia posterior ejus pars est spinosa seu acuta.

Partes spinæ dicuntur *σπόνδυλοι*, Latinis vertebrae, quia per ea corpus varie vertitur.

Et dividuntur hæc ossa spinæ in vertebrae colli septem, dorfi duodecim, lumborum quinque, & ossis sacri quinque vel sex; quibus additur os coccygis.

Excavatae sunt omnes vertebrae, pro medulla spinali continenda, unde nonnullis *Fistula sacra* dicitur, quia partem principem continet, interprete *Fallopio*, plures factæ, non unica, tum ob motum, qui antrorsum & retrorsum fieri debuit, tum ne unius læsio totam spinam in consensum traheret. Quinque, conglobatas invicem in bajulo vidit *Parus N. Fontani*. Et in silicerniis in unam fere coalesceret siccata humiditate & intermediis ligamentis induratis norat *Pavius*, appictaque figura demonstrat. Testudo os continuum habet loco vertebrae dorfi & lumborum, apud *J. Fabrum*, nosque in Museo. Spinam dorfi bifidam observavit *Tulpus* in puero, & *Salmuth* in suspensis ruptam. Quod refellit *Riolanus*, reponitque posse avelli caput humeris, ut vidit in foeminae separatam caput à cervice, à chorda tenui in primæ vertebrae articulatione cum capite dissecta cervice, alibi impossibile esse effringi. Auferri integras superstiti homine, milites narrant, de quo nos in *Epistolis*.

Figura totius spinæ est, quod modo introrsum inclinet, ut vertebrae colli, ad sustentandam gulam atque tracheam; & lumborum pro trunco Aortæ & Cavæ descendentes; modo extrorsum, ut dorfi, & nonnihil ossis sacri: ut locus amplius sit pro corde, pulmonibus, vesica, ano, utero.

Et hæc quidem partes magis extrorsum flectuntur in foeminae, in gratiam foetus.

Figura cujuslibet vertebrae superius & inferius plana atque lata est, ne facile fiat luxatio, interius rotunda, convexa & prominens, sed in cervice latior & æquabilior, ob incumbentes

bentes tracheam atque gulam. Exterius seu posterius variis prominentiis donatæ sunt vertebre.

Nam *processus* in qualibet vertebra sunt triplices.

I. *Obliqui quatuor*, duo superiore parte ascendentes, duo inferiore descendentes.

II. *Transversi duo*, pro musculorum ortu & insertione. Illi vero in cervicis vertebribus sunt lati & perforati; in dorso crassi, solidi & rotundi, exceptis undecima & duodecima.

II. *Acutus unus* in postica parte, quæ proprie *spina* dicitur, & in prima vertebra deest.

Appendices quinque habent. Infra & supra duas, ad ipsarum corpus; totidem ad processus transversos; & unam ad *spinæ* extremitatem.

Foramen est amplissimum, in qualibet vertebra per medium, pro medulla reservanda: deinde alia sunt foramina lateralia, quæ minora, pro nervorum egressu, quos tantum per commissuras spinarum exire affirmabat l. Leonicens.

Vertebre cujuslibet *substantia* est interna parte crassior & fungosior: cui adnascantur *epiphyses* & *cartilagines*. Nam vertebrearum extrema, prima cervicis excepta, appendicibus donantur, quas *cartilagines*, ut facilius moveantur, intercedunt crassæ & molles, ita ut supra infraque habeant cartilagines, quæ in osse sacro duriores & sicciore sunt, quia hoc os immobile.

Connectuntur vertebrae per articulationem à parte posteriore, videlicet per *γῆλας*, at parte anteriore per *σύνφυσις*, & quidem per *vincula* validissima.

Duplicia vero *ligamenta* sunt vertebrearum.

Alia superius & inferius connectunt vertebrae, suntque *figuræ* lunaris, crassa, valida, fibrosa & mucosa.

Alia oriuntur ab epiphysibus tam transversis quam acutis, quæ membranæ sunt, quibus processus firmiter alligantur.

C A P. XV.

DE SPINÆ VERTEBRIS IN SPECIE.

Cervicis seu COLLI VERTEBRÆ communiter septem sunt; in longo collo octo, ad phthisin prono, quia angustior est thorax, unius defectu. In brutis plerumque sex tantum, Hyenæ vero *Busbequio* nullæ, quem P. Castelli skeleton

leton refellit; & nos in Civettæ utriusque sexus sectione falsumprehendimus; quæ præ aliis peculiaria quædam habent:

I. Bifidos aliquæ habent processus transversos.

II. Eosque perforatos, pro venis & arteriis cervicalibus, in cerebrum ascendentibus.

III. Spinam bifidam.

Dua Prima per ligamenta junguntur occipiti, ut firmissime capiti adhæreant, & præ reliquis quinque peculiare quid habent.

I. *Atlas* dicitur, quia caput sustentare videtur, quod sibi *Cur prima* duobus sinibus incumbit, nonnullis Epistropheus, quod *vertebra* cundæ plures assignant. *spina caret*, ne parvi duo muscoli *spina capit* capitis à secunda vertebra oriundi, in extensione capitis laxentur.

Motus capitis, quo in orbem ducitur, fit supra primam vertebra ex *Galeno*, qui annuendo & renuendo, per secundam.

Substantiam habet tenuiorem sed densiorem. Excipit, non excipitur, unde suum habet cartilagine obductum, ad excipiendum sequentis vertebrae dentem.

II. *Επιστροφή* dicitur à vertendo: nam ex medio ejus corpore assurgit appendix (aliis processus) rotunda & oblonga instar dentis canini, circa quam caput cum prima vertebra vertitur.

Hinc dicitur appendix illa densissimo tota vertebra *Hipocrati* ita dicitur, ex cujus luxatione sæpe vult fieri angina insana, nam insanabilem.

Dentis superficies aliquo modo aspera est, quia inde prodit ligamentum, quo occipiti alligatur; cui etiam solidum tereque ligamentum, nervi figuram referens, & miro artificio contextum, circumducitur, ne comprimatur medulla.

Cum prima vero jungitur hæc secunda vertebra *ligamento* lato in orbem circumjecto.

P. Vasc. Castelli est animadversio, duas priores facilius luxari, quia sunt mobiliore.

III. Dicitur *αζωα*: reliquæ nomine carent.

Ultima cum thoracis vertebra magis convenit, & processum posteriorem non semper habet bifidum.

DORSI VERTEBRÆ sunt plerumque *duodecim*; quibus totidem costæ à quovis latere articulantur: raro una deest; rarius una superest.

Crassiores sunt quam cervicis; minus solidæ, & pro vasc-

vasorum nutrientium transitu, foraminibus exiguis plenæ.

I. Antiquis dicitur *λίσια* quod præ aliis immineat, vel *λοφία* quod galeæ similetur.

II. *Μαχαλίστη*, Axillaris.

Reliquæ *πλευρικής*, costales.

Undecima *ἀρρετής*, quod ejus spinæ recta sit.

Duodecim *Ἀγζωστή* præcingens, à vicino diaphragmate De hac duo notanda ex *Vesalio*, 1. singularem esse articulationem cum prima lumbari. Nam descendentes duodecimæ vertebræ processus more descendentium processuum in vertebrae lumbaribus, in sinus ascendentium processuum primæ lumborum vertebræ subintran. 2. ut dorsum sibi dicatis ageretur motibus, hanc vertebram utrinque susceptam quiescere.

LUMBORUM quinque, raro sex, crassissime sunt & maximæ, foraminibus crebris perviæ, quarum motus laxior quam dorsii, ut facilius ad terram inclinare queamus.

Transversi processus longiores sunt, sed tenuiores, exceptis prima & quinta; spinæ vero crassiores sunt & latiores, quibus muscoli & ligamenta dorsii nectuntur.

1. Dicitur *νεφελής* à renibus, qui ei incumbunt.

Ultima, quibusdam *ἀσφαλής*, firmans vel fulciens.

Reliquæ cum reliquis conveniunt.

Os sacrum
cur ita di-
ctum?

Os SACRUM sequitur, ita dictum, quod sit omnium in spina maximum. Antiqui enim magnum *sacrum* vocarunt; vel quod partibus obscænis & à natura ipsa occultatis subiacet: *sacrum* enim etiam execrabile erat, ut ex *Petronio* docet *Servius*, ad illud *Virgilii*: *Auri sacra fames*.

Est latum & immobile, dorsii basin constituens.

Figura est fere trianguli. Anterior cavum est, læve & æquale: posterius gibbum & asperum.

Os sacrum
proprie non
habet ver-
tebras.

Vertebræ ejus ita dictæ, non ob usum, sed similitudinem, sunt quinque, aliquando sex, in puerulis facile separabiles, in adultis ita conglutinatæ, ut unum os esse videantur, aliquando septem observarunt *Salomon Albertus* & *Pavus*.

Galenus os sacrum ex tribus constituit ossibus; quia reliqua ossis sacri sub osse coccygis comprehendit, & epiphysin vocat, quod alii os Coccygis.

Foramina, non ut in prioribus, lateralia sunt, sed antica (quæ majora, ob nervos ibi majores) & postica: quia ad latus est os Ilium.

Tribus superioribus sinus exsculpti sunt, ubi ossa illi adhærent.

Os Coc-

Os Coccygis, dictum à figura rostri cuculi *σέγγιον*, huic subest ex tribus vel quatuor ossibus & duabus cartilaginibus constans. Majorem vero ossium & cartilaginum numerum adfuisse puto in puero illo Danico, cui cauda excreverat, & in cubitali cauda Quirini Veneti.

Connexio est laxa, & in fœminis laxior, ut retrorsum cedere queat.

1. In excretionem majorum excrementorum.

2. Partus tempore, ut amplior fiat capacitas. Unde *Os coccygis luxari potest.* hoc os solum in partu cedere putant quidam, sed repugnante *Pinao*, dolores autem parturientium dependere partim à nervulorum ibidem concursu. Deinde antrorsum cedere in sessione, & sponte deinde in locum suum redire.

Tendit hoc os in viris magis introrsum, ad sustinendum intestinum rectum, (hinc pueri ob humiditatem hujus ossis ani procidentiae magis obnoxii) in mulieribus magis extrorsum, ob collum uteri, & ut cavitas major sit.

Læso hoc vel fracto ingentes dolores excitantur, ut docent historiae apud *Amatum* & *Donatum*. Nullius usus credit *Hofmannus*, *σπυειρ γάρον* seu caudæ notam esse, sicut mammæ papillæ in viris. Cæterum omnes partes ad usum comparatas constans est *Galen*i doctrina

CAP. XVI.

DE OSSE INNOMINATO.

OS INNOMINATUM, aliis Os COXÆ vel ILIUM, ad latera ossis sacri est, constans ex tribus ossibus; *Ilio*, *Pubis* & *Ischio*, per cartilagines junctis, fere usque ad septimum annum, ut triplici linea distinctum appareat, sed in adultis unum.

Os ILION, quod Ilium intestinum contineat, est prima pars, quæ superior & latissima, sacro connexa, per *ligamentum commune* membraneum validissimum, quamvis & cartilago intercedat.

Ambitus ejus, vel circumferentia semicircularis & inequalis, dicitur *spina ossis Ilii*, cujus pars interior cava & lata costa dicitur, exterior inequalibus lineis formata, *dorsum*.

Amplius est hoc os in muliere, & spina ejus magis in latera educitur, ut gravidæ uterus melius innitatur. Ideo de hac parte nonnihil pregnantæ conqueruntur, ac si divelleretur ab osse sacro & vicinis, quibus adheret.

Os PUBIS vel *pectinis* est secunda pars, media & anterior, *Os pubis*

A a a

quod

*laxari in
partu.*

quod os cum alterius lateris osse *πρὸς ὀστέον* necitur, id est, per mediam cartilaginem; *πρὸς* mulieribus brevior quidem, sed duplo crassior & laxior, ut dehiscere & laxari, (non dissolari aut dearticulare) in partu hæc ossa queant, ad imperum infantis egredientis. Subinde tamen pro necessitate sive fœtus grandioris, sive loci angusti, ossa pubis divelluntur, ut præter auctoritatem veterum observarunt in dissectis puerperis *Paræus*, *Riolanus*, *Bauhinus*, *Courveus*, &c. Fulseque probatum in *Contr. Anat. Bartholin. Patris*; sed non semper, quando nempe fœtus mollis & pro loci angustia flexilis, lubrica via, ossa latius diffusa, &c. tum enim laxatio cartilaginis sufficit, accedente coccygis retrocessione, acclamante *Marchetto*.

An autem moveantur ossa pubis, alia quæstio. *Joh. Cajus* affirmat moveri beneficio recti abdominis musculi. *Spigelius* quoque peculiariter moveri sursum, dum pedibus sursum elatis in lecto convolvitur corpus. *Riolanus* ossa pubis non sola, sed cum osse sacro, Coxæque, moveri eorundem musculorum ope, probat à congressu Venereo, ubi motitantur hæ partes, ab incessu truncatis pedibus; denique à saltatione.

Sed me adhuc dubia quædam retardant, quod

1. Fateatur ipse *Cajus*, non moveri sua natura pubis os, addo & reliqua, sed flexu spinæ.

2. Ossa ista invicem juncta per symphyfin, nullum motum habere possunt, ipso quoque fatente *Riolano*.

3. Musculis Rectis alium usum assignavimus supra 1. 1.

5. Motus illi ossium apparentes, non sunt proprii illorum, sed vel cruris, vel dorsi, quorum motum sequuntur. Nam in adductis exemplis quilibet in se experiri potest, moveri & crura & dorsum, præterea manu explorare, moveri tum musculos cruris *Gluteos*, reliquosque adjacentes.

5. Immobilia esse debent, quia hoc fundamento superiora nituntur, hac parte nobis sedentibus requies.

In modo fœtis facile hæc ossa separantur cultro dorsi tenuis, secus quam in aliis. Deinde licet per cartilaginem jungantur ossa pubis, tamen duo etiam.

Magna foramina in ossibus pubis cur? Ossa pubis ampliora in mulieribus.

Ligamenta habent: 1. Circulariter ea ambiens. 2. Membraneum, quod foramen occupat.

Tenuia sunt, & levitatis ergo, maximis foraminibus donata, in mulieribus ampliora & capaciora, ob uterum & fœtum: nam processus interiores & inferiores magis extorsum protuberant.

Cum

Cum osse sacro constituunt cavitatem, quæ pelvis dicitur, in qua sunt vésica, uterus, & pars intestinorum.

Os ISCHION vel *coxendicis* est tertia pars, quæ inferior & exterior, in qua est ampla & profunda cavitas (acetabulum vocant & pyxidem) pro femoris capite insigni excipiendo, quod si excidat sive ab humore interno, sive casu externo, luxatio oritur & semiluxatio. Hujus cavitatis processus cartilagineus dicitur *supercilium*.

Partes infimæ hujus ossis in mulieribus magis distant, quæ idcirco pelvim habent ampliorem.

Connectitur hoc os cum osse sacro, duplici ligamento, ex osse sacro enato: *Unum* inferitur in processum *coxendicis* acutum, *alterum* posterius in ejus appendicem, ut intestinum rectum cum suis musculis sustineatur.

CAP. XVII.

DE COSTIS.

Quemadmodum ad latera ossis sacri os est innominatum, ita ad latera vertebrarum dorsi sunt *COSTÆ*. Itaque in sceleto ascendendo, hæ modo sunt explicandæ, tanquam partes laterales thoracis.

Situs costarum est in lateribus, & Græcis dicuntur *πλευραι*, eo quod latera efforment.

Figura arcum referunt, vel furculi segmentum minus, ut thorax capacior sit. Bifurcatam in dextro cujusdam latere invenit *Joh. Fontanus*, & ego *Hafnia* dextri lateris costam tertiam crassitie duas æquantem, sterni junctam duplicato crurè demonstravi.

In exortu sunt angustiores & rotundiores, quo vero peractus magis accedunt, tanto fiunt latiores. Parte superiore crassiores sunt. Et superiores costæ magis curvæ atque etiam breviores sunt; mediæ longiores & latiores; inferiores rursus breviores.

Superficies externa aspera est, qua vertebris alligantur, quia inde ligamenta prodeunt alligantia: ibi vero duobus donantur tuberculis: 1. Articulatur sinui vertebræ. 2. Jungitur vertebræ processui transverso. Sed inferiores quinque simplici junguntur tuberculo.

Interna lævis est ob *πλευρα*.

In infima parte sunt *sinus* secundum longitudinem pro vena, arteria, & nervo, qui magis apparent, quo vertebris viciniore sunt,

FIGURARUM EXPLICATIO.

Vertebra aliquot, os sacrum, os innominatum, costas, scapulamque peculiariter ostendunt, eorumque particulas designant.

FIG. I.

- A A. Anterior facies prima Colli vertebra, Atlas dicta.
 B. Foramen per quod spinalis medulla descendit.
 C C. Processus transversi seu laterales.
 d d. Foramina lateralia per qua arteria ad cerebrum ascendunt.
 E E. Sinus duo occiput suscipientes.

FIG. II.

- A A. Posterior facies vertebra Colli secundae.
 B. Appendix seu processus ejus instar Dentis.
 C. Spina ejus bifida.

FIG. III.

- A A. Posterior facies vertebra dorsi.
 B. Superior ejus superficies, minus solida & foraminibus exiguis plena.
 C C. Processus transversales.
 D. Posterior processus seu spina.

FIG. IV.

- A A. Anterior facies vertebra Lumborum.
 B. Inferior ejus superficies, cartilagine plurima obducta.
 C. Foramen pro transitu medulla.
 D D. Processus transversi, seu laterales.
 E. Processus posterior, seu spina.
 II. Processus ejus obliqui.

FIG. V.

- A A A. Posterior ossis sacri facies suis gibbositatibus & asperitatibus conspicua.
 B. Foramen pro descensu spinalis medulla.
 C C. Processus obliqui.
 d d. Processus posteriores.
 e e e e. Foramina ejus pro exitu nervorum.
 f f f. Processus ejus posterior bifidus.

FIG. VI.

Os coccygis exhibet quatuor officulū, seu cartilaginibus constans.

FIG. VII.

Os innominatum monstrat.

A A A. Os Ilium, una ossis Innominati pars.

b b b. Spina ejus.

C. Dorsum ipsius.

D D D. Os pubis, altera ossis Innominati pars.

E. Foramen amplum.

F. Os Ischion seu Coxendiciū, tertia Innominati pars.

G. Cavitas ampla, seu Acetabulum.

h h. Supercilium ejus.

I. Tuberculum.

K. Appendix ossis Ischii.

FIG. VIII.

A A A. Vertebra dorsi.

B B B. Costa.

C C C C. Sinus infima costarum patiti insculptus.

D D D D. Duo Costarum Tubercula, quibus mediantibus articulantur.

E E. Sinui vertebra.

F F. Vertebra processui transverso.

G. Infima est costa, simplici tuberculo donata.

FIG. IX.

A. Clavicula.

b. Caputulum quo sterno committitur.

c. Alterum ejus extremum quo scapula jungitur.

D. Scapula.

E. Processus ejus primus, ἀκρωμίων dictus.







F. Processus minor inferior, acutus, κορυνοειδής vocatus.

G Processus brevissimus, αὐχὼν cervix appellatus.

h h. Basis scapula.

i. Superior angulus.

k. Angulus inferior.



Admonitio pro Chirurgis. Ubi notent Chirurgi in thoracis apertione, quæ sit inter quintam & sextam costam, secundum *Æginetam* numerando à supernis, vel inter 3. & 4. costam, juxta *Hippocratem* numerando à costis infernis, faciendam sectionem à summo ad imum, non è contra, ne hæc vasa lædantur. De quibus videndus in Armamentario *Jo. Scultetus*, qui de Paulina & Hippocratica sectione eligenda egregie judicat.

Connexionem habent costæ: unam cum vertebrais dorsi, alteram cum sterni cartilaginibus.

Cartilagine costarum.

Substantia est partim ossea, partim cartilaginea.

1. Ut facilius contrahatur & distendatur thorax.

2. Ut difficilius contingat fractura.

Ossea est parte prope dorsum, & parte laterali.

Cartilaginea prope *στέρον*, cui committuntur.

Nam omnes costæ parte anteriore habent cartilagineas, instar *ἐπιφύσεων*, quæ in mulieribus (non viris, nisi valde senibus) successu temporis ossescunt, ut mammarum molem incumbentem, firmitus sustineant.

Cartilagineas superiorum duriores sunt, quia cum ossibus sterni copulantur: inferiorum molliores, quia cum cartilaginibus committuntur. Deinde parte posteriore qualibet cartilaginem habet, quæ vertebra articulat.

Costæ eorum plures?

Numero plures sunt, ut facilius moveatur thorax. *Pausanias* in Atticis refert, *Protophanem* Magnesium costas conatas seu connexas habuisse, ab humeris ad costas nothas usque. *Nicolaus Fontanus* tres unitas inseparabilesque vidit. Ut plurimum utrinque sunt duodecim, tam in viris, quam mulieribus. Raro tredecim, quod *Bauhinus* in facinoroso vidit, & *Marchettus*, rarius undecim utrinque, quod *Patavii* vidit *Columbus* & *Rolsinckius*. Sæpius vero unica superest. Verisimile ergo est in Adami uno latere fuisse tredecim costas, ex quibus unam cum musculosa carne adnata exemit *Jehova*, & in *Evam* convertit; aut in uno 12. costas, in altero 11. quod *Fallopio* visum, nisi cum *Manasse ben Israël* dicamus *latus* Adami, pro costa, (utrumque enim notare *צלץ*) quod avulsum credit; mulierem enim conjunctam cum Adamo creatam, & quasi pice agglutinatam scapulis, ita ut à fronte Adamus, à tergo esset Eva. Fabulæ.

Dividuntur costæ, ut aliæ sint veræ, genuinæ & legitimæ; aliæ spurie, adulterinæ & illegitimæ.

Veræ costæ quot?

Veræ sunt septem superiores, ita dictæ, quia magis circum perficiunt, & *στέρον* attingunt, cum quo perfectam habent articulationem, & cum vertebrais duplici tuberculo, ut supra dictum.

Dux

Dux superiores dicuntur *εὐθεταὶ* retortæ.

Dux sequentes *σπυριαι* solidæ ;

Tres reliquæ *σπυριδαι* pectorales.

Spuria dicuntur quinque inferiores , quia sunt minores , *Spuria* co-
molliores , breviores , nec *σπυριαι* attingunt (ut melior ibi in *stæ.*
initio imi ventris fiat dilatatio) nec cum eo perfectam ha-
bent articulationem , sed cum solis vertebriis connexæ , quasi
mutilæ in cartilagine longiores , quam verarum finiuntur ;
quæ sursum reflexæ inter se quasi conglutinatæ cohærent ,
excepta ultima , quæ minima est , & nulli adhæret , ideoque
vere spuria est , ut amplior locus sit jecori , lieni , & intestinis
superioribus distentis . Undecima tamen aliquando & duo-
decima septo transverso alligantur : aliquando ultima obli-
quo abdominis descendenti musculo extra diaphragma
connascitur ; aliquando proprii musculi , ipsum detrahen-
tis circumscriptionem habet .

Ufus costarum est :

I. Inprimis verarum , ad defensionem pectoris , visce-
rumque inibi contentorum , ut cordis , &c.

II. Ad sustentationem musculorum respirationis , & a-
liquot abdominis .

III. Spuriarum , ut partibus naturalibus in abdomine
contentis inserviant .

C A P. XVIII.

DE OSSE PECTORIS SEU STERNO.

OS PECTORIS , quod in anteriore thoracis parte costis *σπυριαι*
incumbit & insternitur , unde *sternum* dici putant , *Hippo-* quid signi-
crati *σπυριαι* dicitur ; quæ vox tamen aliquando significat *fictæ* ?

1. Totum anteriorem thoracem .

2. Ejus dolorem .

3. Os pectoris , ut hoc loco .

4. Orificium ventriculi .

5. Cartilaginem ensiformem .

Aliis hoc os gladioli dicitur & *ensiforme* , ob formam gla- *Figura*
dii , vel potius pugionis antiquorum ; est enim *convexum* , *sterni*
longum & latum .

Substantia est partim ossea , sed fungosa & rubens , partim
cartilaginea .

Ex ossibus constat , non uno , ut fere in senibus conspicitur ;
sed pluribus , uti apparet remotis ejus membranis . In

infantibus totum cartilagineum est, præter os ipsius primum. Et deinde superiora ossa citius fiunt, quam interiora, & mediæ partes, quam externæ, ita ut tandem octo ossa reperiantur in sterno pueri, quæ post septennium coalescunt, & pauciora fiunt, adeo ut in adultis nunc tria, nunc quatuor, nunc plura sint ossa. Sed primum & ultimum manent in adultis, ut in pueris; mediis vero coalescentibus, variis ibi ossium sit numerus.

Distinguuntur hæc ossa lineis transversis, connectuntur per *συνχόνδρῳσι*; nam interjiciuntur cartilaginee ligamentorum instar.

PRIMUM Os & supremum amplius est crassiusque, planum & inæquale, superius lunatum; referens pugionis nodum ad capulum. Alii vocant *jugulum*, alii *superiorem furculam*.

Sinum habet utrinque in superiore parte, pro claviculæ capitibus excipiendis, quam copulationem cartilaginee intercedunt.

Alium vero intrinsecus in medio exsculptum, ut trachææ descendenti cedat.

SECUNDUM angustius est, & sinus multos habet utrinque pro costarum cartilaginibus excipiendis.

*Cartilago
ensiformis.*

TERTIUM adhuc minus, sed secundo latius, desinit in cartilagineam, quæ dicitur *ἐνφοειδής*, *ensiformis*, ensiculata & mucronata, quia instat mucronis gladii, circa finem acuitur. Arabibus malum Punicum seu granatum; *Avicenna* epiglottalis, vulgo *scutiformis*.

Est triangula hæc cartilago & oblonga, in fine aliquando rotunda, aliquando lata, nonnunquam bifida, unde quibusdam *furcilla*: rarius duplex.

Aliquando *perforata* est, non ad perspirationem ventriculi, aut fumorum distillationem, ut censet *Amatus*, sed ob venas & arterias mammarias, quas comitatur nervus. Aliquando in senibus osseam substantiam acquirit: digiti eam longitudine in sene deprehendit *Veslingius*, non sine magna ventriculi noxa, & in corporis incurvatione molestia. *Pavivius* quoque osseam duritiem hic vidit, qui summa respirandi difficultate laboraverat.

Hæc si nimium introrsum prematur & curvetur, subjectæ partes læduntur, hepar & ventriculus, infantesque *ἀπρόσφρα* pereunt. De quibus videndi *Condronchius* & *Septalius*, *Zacutus*, *Wilhelmus Piso*; qui affectus, mulierculis quibusdam dicitur cordis compressio. Monet *Marehettus* ne in læsione sterni pars uratur, sed sensim abradatur, ne propter spongiosi-

giositatē ad interiores partes ignis pervadat, citiusque separetur.

Duos exiles *musculos* à latere positos observavit *Folius*, à quibus hæc cartilago leviter deorsum moveatur & introrsum.

Cavitas hoc in loco extrinsecus apparens, dicitur *fovea* vel *scrobiculus cordis*.

Uusus sterni est, 1. ut ab externis injuriis instar clypei cor defendat.

2. Ut mediastinum sustineat.

3. Costas inter se colliget.

CAP. XIX.

DE CLAVICULIS ET SCAPULIS.

CLAVICULÆ κλειδῆς, quod thoracem claudant, & instar clavis firment scapulam cum sterno: vel quod claves ædium antiquas referant, Patavii in antiquis ædibus à *Spigello* visas. *Celsus* jugula vocat à jungendo, alii *ligulas*, os *furcale*, *furcalem superiorem*.

Sita sunt transversim sub imo collo, in pectoris summo, utrinque una.

Figura est oblongi S Latini, hoc est, ex duobus semicirculis adverso modo junctis, ad jugulum foris convexa, extrinsecus leviter cava, ne vasa ibi lata comprimantur. In viris vero magis incurvantur, ut minus impediatur brachii motus: in mulieribus minus, pulchritudinis ergo, cum *fovea* circa *claviculas* eo in loco non ita conspicuæ sint in fœminis atque in viris, unde & minus agiles sunt ad projiciendos lapides.

SUBSTANTIA crassa est, sed fistulosa & fungosa; unde sæpe frangitur, & facile coalescit.

Superficies aspera & inæqualis.

Connectuntur cum scapulæ processu superiore per cartilaginem, quæ tamen ei connascitur, ut cedat nonnihil in motibus scapulæ atque brachii, sed tantum ligamenti detinetur articulum amplexantibus, capite lato & oblongiusculo & cum sterno alio capitulo jungitur, ut supra dictum.

Uusus est, ad varios motus brachii, quod, quia hoc osse tanquam palo stabilitur, ideo facilius sursum & retrorsum movetur. Hinc bruta claviculis carent; exceptis simia, sciuro, mure, & echino.

SCAPULÆ Os, Græcis ὀμοπλάτη, quod humeri latitudinem constituat, Barbaris *spatula*, est os latum & tenue, præ quid.

fertim in medio, sed in processibus crassum, utrinque unum, incumbens superioribus costis parte postica instar scuti.

Figura fere est triangularis.

Ejus partes.

Partes ejus varię sunt. Pars interna cava est, pars externa (quę & angulum & costam habet superiorem & inferiorem) gibba, quę testudo dicitur, item dorsum scapulę. Est etiam spina quędam producta, supra & infra cavitates respiciens, quę dicuntur interscapulia.

Processus habet tres :

I. Est modo dictę spinę extremum, & dicitur ἀνγαίμιον, humeri mucro, summus humerus, quo cum clavicula jungitur.

II. Minor, inferior & acutus, à forma nempe rostri effigie dicitur κρηγεῖδης; item αἰσχροῖδης, à figura alterius partis anchorę, item σιμυεῖδης. Et hoc processu humeri os in sua sede continetur.

III. Brevissimus, dicitur αὐχὴν, cervix, in cujus extremo est cavitas superficialis, in quam inseritur caput humeri, quod ne facile excidat, augetur sinus profunditas crassa cartilagine, labra cingente. Et per hunc processum & cavitatem jungitur scapula cum brachio.

Epiphysēs habet quinque, tres ad latus internum, & ad basin juxta spinę ductum. Duo ligamenta procreant, quę jungunt caput ejus humero, & ἀνγαίμιον claviculę. Undique cingunt vero articulum omoplattę & brachii communia ligamenta tenuia & membranosa.

Ufus scapulę.

1. Ad costarum robur.

2. Ad humeri & clavium articulationem, & securitatem. Unde raro, nisi maxima violentia, luxatur humerus versus superiora aut ad latus, plerumque deorsum, ubi scapula nulla obstat. Quam luxationem vocat Hippocrates in alam.

3. Ad musculorum implantationem.

4. Ad apprehensionem primario Hofmanno, cui inserviunt partim inarticulatione, partim explantatione quorundam musculorum brachii.

5. Secundario cor tegere.

CAP. XX.

DE OSSIBUS TOTIUS
MANUS.

OSSA MANUS dividuntur in *brachium, cubitum & extremam manum.*

BRACHII Os, Celfo humerus, unicū est, magnum & validum, longum, teres, & inæquale. Parte superiore appendicem habet vel caput magnum, rotundum, cartilagine obductum, adnatum, quod cum scapula articulatur per *ἀγκυρωσις*.

Inferior pars cubito & radio articulatur, ubi duo processus sunt; *externus* minor, cartilagine incrustatus; & *internus*, duos sinus habens, ut forma fiat trochleæ vel rotulæ, ad quam volvuntur funes, unde cubitus *ginglymo* junctus in acutissimum angulum flecti potest, at ultra rectam lineam non extendi.

CUBITI Ossa sunt duo, humero breviora, & appendices utrinque habentia, sibi mutuo incumbentia, atque ligamento membranæo invicem commissa.

Primum inferius majus & longius, dicitur *ulna, cubitus*, Barbaris *Focile majus*, alterum superius & minus, dicitur *radius* vel *Focile minus*.

ULNA, à mensuræ similitudine dicta, parte superiore cum humero per *ἄγκυρωσις* articulatur, ideo habet ibidem processus & sinus.

Processus sunt duo oblongi, & quasi triangulares, asperi, ut ligamenta articulum valide ambiant. Dicuntur *κροτάλαι*, id est, rostra seu glandes. Anterior & superior humeri sinum subit; posterior crassior & amplior in obtusum angulum desinit, & humeri sinum posteriorem subit. Vocat Galenus *ἀλκονογον*, Hippocrates *ἀκῶνα*, Latini gibberum.

In medio horum est magnus sinus seu cavitas, instar semicirculi, unde dicitur *σιμμοειδής*. Habet adhuc alium sinum lævem externum lateralem, pro radii capite.

Parte inferiore articulatur cum carpo, tum per medianam cartilagine, tum per processum acutum, ideoque *styloideum* dictum: unde ligamentum oritur, cubitum cum carpi articulo firmans.

Alte-

FIGURARUM EXPLICATIO.

Skeleton exhibet corporis adulti ab anteriore parte,
ut mutuus omnium contextus appareat.


A. Os frontis.
b b. Sutura coronalis.
C Os temporum.
d. Processus mammillaris.
E. Os jugale.
F. Maxilla superior.
G G. Maxilla inferior.
h h h. Vertebra colli seu Cervicis.
iiii & c. Duodecim thoracis costæ.
K K. Os sternum.
L L. Clavicula.
M M. Utriusque scapula internum
latus.
N N. Os brachii seu humeri.
O O. Superius & Internum caput
ossis humeri quod rotandum est, &
in sinum ossium scapularum inse-
ritur.
P P. Inferior ejus pars cubito & ra-
dio articulata ubi.
q q. Exterius caput ejusdem appen-
dicis quod Radium suscipit.

r r. Caput interius inferne ossis humeri
appendicis quod Trochlea dicitur,
& cubitum excipit.
S S. Os cubiti Ulna vocatum.
T T. Alterum os cubiti seu Radius.
u u. Processus Ulna recurvus, Galeno
ὀλέκρον.
x x. Processus ulna minor.
Y Y. Carpus octo constans ossiculis.
Z Z. Metacarpus quatuor habens ossa.
a a a a a a. Digitorum phalanges.
β β. Pollex tribus ossibus compositus.
γ γ. Clavicularum pars ceteris prope
jugulum.
δ δ. Clavicularum pars latiuscula
prope humerum.
ε. Cartilago Mucronata vel ensiformis.
ζ ζ. Superius & Externum caput
humeri quod ligamentorum im-
plantandorum ergo formatum est.

Sequentes Characteres inferiora Sceleti ossa
commonstrant.

A a a a. Quinque lumborum Ver-
tebra.
B B. Ossis Sacri interior facies una
cum foraminibus.
C C. Ossis Ilii cavitat, magnam pel-
vis partim constituens.
D D. Os coxendicis cum acetabulo.
E E. Ossa pubis cum foraminibus.
F. Linea media pubis ossa connectens
mediante cartilagine.
G G. Os femoris.
h h. Rotundum ejus ossis caput.
i i. Ejus Cervix.
k k. Externus Cervicis processus seu
Trochanter major.
l l. Alter processus, seu Trochanter
minor.
m m m m. Capita femoris inferiora.
N N. Mola seu Patella.
O O. Tibia utraque, in qua
p p p p. Duos superiores sinus,
r r. Spinam,

S S. Inferiorem processum seu Mal-
leolum, internum denotant.
T T. Os fibula, seu Perone.
u u. Inferior ejus pars Malleolum
externum constituens.
X X. Ossa Tarsi septem.
Y Y. Metatarsi ossa quinque.
Z Z. Ossa digitorum, e quibus duo
pollici, reliquis digitis tria adsi-
gnantur.
α α. Astragalus.
β. Calx seu calcaneum.
γ. Os Cymbiforme.
δ δ. Ossa tarsi quatuor.
ε ε. Spina ossis Ilium.
ζ ζ. Connexio ossium Innominato-
rum cum osse sacro,
η η. Pelvis.
θ θ. Duo tubercula ossis coxendi-
cis θ θ Internum & externum de-
notat.



Back of
Foldout
Not Imaged

Alterum os, RADIUS, obliquius est, & à priori in medio nonnihil distat, ubi tenue interest *ligamentum*: supra vero ulna radium excipit; infra hic illam.

Superior ejus pars cum externo brachii processu articulatur per *Algeῖρα*, unde motus pronus & supinus.

Inferior per appendicem cum carpi osse ad maximum digitum.

Hujus superior pars tenuior, inferior crassior; contra quam in priori.

MANUS EXTREMA seu parva, quadruplicia habet ossa: Carpi seu brachialis, metacarpi seu postbrachialis, digitorum, & sesamina.

CARPUS, Arabibus Rafetta, octo habet ossa distincta *αἰόνυμα*, inæqualia admodum, figura & magnitudine differentia.

Primo ortu sunt cartilagines, postea fiunt ossa spongiosa. Spinæ ventosæ Arabibus dictæ in pueris hic subjectum, quam unctione Arabica curasse M. Aur. Severinum vidi, Rolsinckius inunctione Mercuriali.

Obducuntur *ligamentis cartilagineis* validissimis, & simul constringuntur, ac si unum os essent.

Atque hæc ligamenta ab inferioribus processibus radii & cubiti orta, articulationi inserviunt.

Alia vero sunt *ligamenta*, quæ transversa & annuli formam habentia, pro firmandis & tuto transmittendis tendinibus. Internum, continens musculorum digitos flectentium tendines; & externum, extendentium. Quæ vincula licet unum videantur, in plura dirimi possunt.

Ordine aliquo disponuntur ossa Carpi: nam superne quatuor sunt radio & cubito articulata: inferne totidem, quatuor metacarpi ossibus connexa.

METACARPIMUM vel palma, quatuor habet ossa (aliis quinque, qui primum pollicis inter hæc numerant) oblonga & gracilia.

Cum carpo junguntur per connexionem, quæ est motus obscuri, & per *ligamenta cartilaginea*: cum digitis per *μεγλυρόν*.

Fistulosa sunt hæc ossa medullam continentia, intus cava, foris gibbosa.

Appendices habent utrinque, quæ prope digitos sunt capita rotunda & oblonga, digitorum sinus subeuntia. In medio ab invicem dehiscunt, ubi latent musculi dicti interossei.

DIGITORUM OSSA sunt quindecim, in quovis digito
tria.

tria. Nam primum pollicis huc annumeratur, quia laxiorem habet articulationem, quam postbrachialia.

Seriem digitorum vocant Græci *Φαλαγγες*, quia velut in acie stare videntur.

Habent singuli digiti ligamenta parte interna, secundum longitudinem instar canalium, quibus invicem ligantur.

Magnitudine differunt ossa digiti. Nam in quovis digito primum majus est secundo, & secundum tertio: omnia vero ad articulationem crassiora sunt, ubi tubercula eorum dicuntur *κνέδυλοι*, *nodi*.

Foris gibba sunt, intus cava & plana ad apprehensionem.

Processus habent supra & infra, præter tertii internodii ossa, quæ supra non egebant, ubi unguibus junguntur.

CAP. XXI.

DE OSSIBUS TOTIUS
PEDIS.

PES sicuti & manus dividitur in tres partes: Femur tibiæ, & extremum pedem.

FEMUR à ferendo dictum, eo quod animal ferat & sustineat, unico osse constat, sed maximo & longissimo totius corporis, cujus pars antica & externa magis gibba, interna & postica magis sima.

Admonitio Chirurgica. Etenim oblique, interiora versus, ad genu descendit; quod notandum Chirurgis, ne in ejus fractura hunc situm invertant.

Pars superior tres habet *processus*, qui potius epiphyses sunt, & facile in puerulis separantur.

I. Est caput maximum & rotundum, ex appendice factum, quod in coxendicis acetabulum inseritur, & duplici ligamento cum coxendice nectitur: uno communi, lato, membraneo, sed satis crasso, orbiculatum articulum ambiente; altero, tereti, quasi cartilagine (ac si nervus esset cartilaginofus) inter femoris caput & profunditatem cavitatis, ne femoris caput excidat.

Est & aliud ligamentum cruentum intra acetabulum interjectum ossibus, notatum *Vesalio*; tale ligamentum reperitur in articulatione tibiæ cum femore, in osse scaphoide cum astragalo, in articulatione ossis sacri cum osse ilium, quod apparet manifestum in puerperis, *Riolani* monitu.

Hujus

Hujus *cervix processum* habet duplicem, appendice donatum, quæ appendices facile in infantibus divelluntur, non in adultis.

II. Est externus, qui dicitur magnus *ῥοζοῦντις* vel *rotator*, habens sinus, impressiones & lineas.

III. Internus, *parvus rotator*.

Processum alium his addit *Senguerdinus* à se observatum, quod *tuberculum* est magnitudine cedens duobus superioribus, opponiturque rotatori minori, in exteriori quodammodo parte situm habens sub rotatore majore. Sub hoc impressio vel sinus datur longus, parum excavatus, unde initium sumit linea deorsum tendens & os quodammodo acuminans.

Quorum *usus* ad musculorum, per quos motus fit, ortum atque insertionem. Unde dicuntur etiam *ῥοζοῦντις*.

Inferior pars cum tibia per *ῥυθμυδόν* articulatur. Nam ad genua, capite gemino, interno crassiore, & externo latiore atque depressiore, tibiæ sinus intrat, inter quæ capita spatium amplum est latitudine pollicis; per quod vasa cum nervo quarti paris ad crura transeunt, suntque ob convulsionem in hac parte periculosa vulnera.

MOLA, dicta à similitudine, os rotundum & latum, hoc loco imponitur articulationi femoris & tibiæ, ubi genua membraneo ligamento cingitur, excepta mola. Alii *rotulam* vocant, *patellam* genu, *molam*, *scutum*, os *scutiforme*, &c. quod genu constituit.

Substantia ejus aliquot mensibus in puerulis est cartilaginea, in adultis fit ossea.

Figura est umbonis circularis: nam in medio ejus pars crassior reddita prominet. *Rolsinckio* representat scutum sexangulum.

Innascitur & firmatur tendinibus crassioribus musculorum aliquot femoris.

Mobilis est, & ad faciliorem motum intus ad femur, cartilagine obducitur lubrica.

Usus est: I. Articulum ibi firmare, ne femur ad anteriora labatur & luxetur, atque ita homo cadat, præsertim per declivia ambulans, & genu multum flectens. In Nova Zembla feruntur homines retrorsum æque ac antrosum genu flectere.

II. Ad tendines musculorum tuendos.

TIBIA pars inter genu & talum, ossibus duobus constat, ut cubitus.

Unum interius & majus totius nomine donatur, & tibia dicitur *κνήμη*, aliis *Focile majus*, *canna major*, &c. In solo Elephantis flexura est seu articulatio in medio tibiæ, teste *Bontio*, præter alias communes.

Parte superiore processum habet in medio à femoris cavitate exceptum, & sinus binos oblongos, pro femoris capitibus; quorum sinuum profunditatem auget annexa per ligamenta cartilago, mobilis, mollis, lubrica & humore unctoso delibuta, in ambitu crassa, centrum versus attenuata, unde *lunata* dicitur. Tertium sinum addit *Senguerdus*, qui medium tenet locum, à parte anteriore inter duos illos externos sinus, multo minor.

Sinus duos separat tuberculum ibi natum, ex cujus summitate ligamentum robustum prodiens femoris sinui infigitur.

A regione vero antica & aspera veniunt ligamenta, quæ cartilaginee lunares augent.

Anterior ejus pars acuta & longa, *spina* dicitur, ubi ossis quasi figura triangularis est, & ita acuta est, ut cultri aciem effingat. Unde hac parte anteriore si tibiæ os alliditur, dolor fit insignis, quia cutis vicina & periosteum acuto osse quasi cultro scinditur.

Inferiore parte adest processus excarnis in interno latere, gibbus & prominens, juxta pedem, diciturque *malleolus internus*, sicuti processus fibulæ, *malleolus externus*.

FIBULA *ῥαχίς*, quia tibiæ musculos conjungere videtur, dicitur etiam *sura*, *canna minor*, *Focile minus*, &c. Estque os minus & tenuius, tibiæ extrinsecus attensum, ut radius cubito.

Parte superiore caput ejus rotundum, genu non attingit, sed infra subsistit: at parte inferiore, infra tibiam pergit, idcoque æque longum os est atque tibia.

In medio ab invicem dehiscunt tibia & fibula, ob musculos pedis ibi locatos, quo intervallo ligamentum tenue, & latum, secundum longitudinem hæc ossa jungit. Committitur etiam tibiæ ligamento communi, superius & inferius.

Inferius caput in acutum tendens, appendicem habet, quæ crassescens, gignit processum, dictum *malleolum externum*, protuberantem illum locum externum, excarnem ad pedem; interno humiliorem.

PEDIS EXTREMI OSSA dividuntur ut ossa manus, in tres partes: in *tarsum* seu pedium, *metatarsum* seu metapedium, & *digitos*.

TARSI ossa *septem* sunt, quorum quatuor posteriora tantum nonnulli in tarso numerant, quia tria priora in manu non habent sibi ossa similia.

I. Dicitur *ἄσπράζαλος*, Latinis *Talus*, vulgo *os balistæ*, dicitur & *quartio*, à quatuor lateribus.

Basis instar subjicitur ossibus tibiæ: jungitur enim cum tibiæ appendice per *μεσολύμιον*; unde habent ex cervice oblonga *caput* elatius orbiculare & læve, *cartilagine* obductum; in cujus medio *sinus* lævis est: unde utrinque fit *superciliosum*, ut in rotula ad quam funis refectitur.

Ad latera utrinque suscipit malleolos: jungitur etiam cum osse naviculari: sed & inferius cum calce, duplici articulo, ubi pars ejus inferior inæqualis est, bis cavata, & ter gibbosa. Ossis calcis caput recipit.

Notanda in horum articularum medio *cavitas* (cui calcis sinus responderet) in qua continetur pinguedo & mucosa substantia, ad humectanda ligamenta cartilaginea, talum ossi neccentia, præsertim ossa ipsa, ne in motu exsiccentur. Hinc observavi quoties humida & pinguis hujus substantiæ inopia est, aut carentia, vel ex vulnere ibi facto, vel alia causa quacunque, inter ambulandum sonum in pede fieri, ex duorum ossium collisione, absque tamen dolore, cum intus sit pars nulla sensibilis, sed tantum ossa, cartilaginee & ligamenta. Sonus in pede inter ambulandum unde?

II. Maximum & crassissimum in pede, quippe ad cujus firmationem facit (sicut talus ad motionem) ideo per ligamenta plurima jungitur talo, ossibusque aliis adjacentibus. Auctoris observ. & ratio.

Dicitur *κλίγνα*, *calx*, *calcaneum*, *pedis calcar*: id quod os *Chorda* totius corporis maxima & robustissima inseritur, ex trijum musculorum pedis tendinibus constata.

Pars ejus inferior latiuscula est, versus posteriora vergens, ut pes tutius firmetur, per retrorsum homo facile concideret. Superius caput amplum habet, ingrediens sinum superficiale excipientem tuberculum tali. Sed & ossi cubiformi jungitur capite depresso.

III. Dicitur *naviculare σκαφοειδής*, à scaphæ vel cymbæ similitudine: connectitur cum talo, & tribus ossibus posterioribus.

IV. A forma cubiti dicitur *cuboides*, item *os tessera*, Arabibus *grandinosum*, aliis *πυλμορφον*. Cæteris majus calcis.

FIGURARUM EXPLICATIO.

Figuris his cum Musculi digitorum pedis eorumque tendines exhibeantur, ex *Aquapend*, ad Caput de Musculis pedis referri debet.

FIGURA I.

- A. *Calcaneus.*
- BBBB. *Tendo latus in suo situ.*
- cccc. *Insertio tendinis in digitos pedis.*
- d. *Adducens musculus pollicem.*
- ee. *Abducens minimum digitum.*
- ff. *Interossei musculi minimum digitum extendentes.*
- gg. *Interossei pollicem extendentes.*

FIGURA II.

- A. *Calcaneus.*
- B. *Tendo latus plantaris musculi, extra situm protractus.*
- cccc. *Quatuor tendines musculi perforati seu flexores secundi internodii, in situ.*
- D. *Pollicem adducens.*
- e. *Tendo internus ejusdem musculi in primum os pollicis insertus.*
- f. *Abducens minimum pedis digitum.*
- g. *Interosseus musculus externum latus ultimi ossis pedis occupans.*

FIGURA III.


- A. *Calcaneus.*
- B. *Perforatus extra situm, seu flexor secundi digitorum internodii, cum quatuor suis tendinibus.*
- C. *Musculus tertium digiti articulum flectens.*
- dddd. *Quatuor tendines ejusdem musculi perforantes.*
- eee. *Quatuor musculi lumbricales primum internodium flectentes.*
- ff. *Duo interossei musculi in situ, externum latus ultimi ossis metatarsi occupantes.*
- g. *Abducens musculus minimi digiti è situ suo remotus.*
- h. *Pollicem flectens.*
- i. *Pollicem adducens.*
- k. *Musculosa carnis portio ad lumbricales vergens.*



Fig. II



Fig. III.



præponitur inæquali superficie *jungitur*, altero latere committitur pedii ossi quarto & quinto: interius vero septimo tarfi ossi.

Reliqua *tria*, olim innominata, à *Fallopio Calcoidea* dicta, *Cuneiformia*, naviculari articulantur; suntque majus, medium & minus, à latiori basi sensim attenuata.

OSSA METATARSI, vel plantæ, *quinque* sunt, tarfi ossibus connexa; quorum hæc inter se proportio, ut quod pollicem sustinet sit reliquis crassius, ex reliquis longissimum quod indici substernitur, tum quod medio digito, & ita porro longitudo minuitur. Externum processum huic dat *Senguerdus* valde eminentem & tarfi ossa excedentem, DIGITORUM *quatuordecim*, quia pollex tantum ex duobus ossibus confatur, & internodia breviora sunt quam in manu, sed pollicis crassiora quam in manu.

Cætera se habent uti ossa in manu his respondentia, sicut & ligamenta fere respondent.

Verum sub planta pedis, cute adipeque remotis, *ligamentum* latum est validumque, ab imo calcis osse in omnia primæ phalangis sesamoidea inserta, pro totius pedis meliori firmitate.

CAP. XXII.

DE OSSIBUS SESAMOIDEIS.

In internodiis manuum & pedum reperiuntur OSSICULA quædam minima, dicta sesaminis vel SESAMOIDEA, quia sesami semini respondent forma & parvitate.

Figura.
Magnitudo.

Rotunda sunt & nonnihil depressa.

Minora sunt in pedibus, nisi in pollice pedis, quia hic major est quam manus pollex. In senibus majora & nonnihil plana.

Situs.

Imascentur tendinibus musculorum digitos moventium, sub quibus latent in *ligamentis* inflexa, ut cum iis auferantur in repurgandis ossibus, nisi accedat diligentia.

Substantia.

Modo cartilaginea sunt, ut in pueris, in quibus non bene conspicua, modo oslea, cartilaginibus tecta, atque intus fungosa & porosa.

Número communiter duodecim sunt in singulis manibus & pedibus, sed alias sedecim, 19. 20. & plura observantur: aliquando decem tantum. Numerosiora sunt, majora & duriora in interna sede manus quam externa, in qua nullum agnoscit *Riolanus*. Numerus ergo incertus est: nam multa

ita

ita parva sunt, ut non observentur: & tanquam in minus necessariis natura hic modo abundat, modo deficit.

Peculiariter vero notanda sunt ob magnitudinem *duo illa*, quę primo pollicis articulo ad metatarsi ossis caput opposita sunt, quorum *unum majus* est, subjectum parti nervosę musculi, primum os pollicis flectentis. Estque *forma & magnitudo* dimidię partis pisi majoris decorticati: quod ossiculum *Arabes* appellant Albadaram. Ex hoc hominem tandem ali-
quando quasi ex semine rursus propagandum, antiqui non-
nulli Philosophastri statuerunt, quod *Lux* ex Hebręorum traditione vocat *Corn. Agrippa*. Rabbini, teste *Buxtorfio* os 17. *Lux* est os vertebrarum simile amygdalę in fine octodecim vertebrarum. Aliud vero multo minus secundo pollicis articulo substernitur.

Fabula veterum.

Licet vero ut plurimum in internodiis digitorum repellantur ossicula ejusmodi minima, tamen & alibi videre licet.

Ut aliquando in manus externo latere, ad connexum ossis carpi octavi, & ossis metacarpi parvum digitum sustententis, sedem ibi vacuam opprens: & eodem modo tale ossiculum in pedis tarso ad externum latus articulationis ossis quinti metatarsi digitum parvum sustententis cum cubiformi: item bina ossicula in poplite juxta os femoris, musculorum (duorum priorum pedem moventium) non tendinibus, sed principiiis innata, quę in senibus reperiuntur, & animalibus siccis, ut cervis; canibus & leporibus. Huc referunt osseam partem in senibus ossi cubiformi oppositam.

Usus:

I. Tendines tueri, & retinere duritie sua in motu, ne ab articulo extuberante decendant.

II. Firmare articulum, & à luxatione præcavere.

III. Intervalla vacua replere. Et hæc dum fiunt, in manibus apprehensio sit firmior, in pedibus vero statio atque ambulatio constantior, præsertim per loca aspera.

DEO CREATORI NOSTRO
sit Laus, Honor & Gloria, qui nos ex nihilo
tam mirabili structura formavit!

FINIS.



JOHANNIS WALÆI
EPISTOLÆ DUÆ:

DE

MOTU CHYLI,

ET

SANGUINIS:

AD

THOMAM BARTHOLINUM,

CASP. FILIUM.

Editio Undecima.

ARISTOTELES

Lib. 3. de Hist. Animal. cap. 3.

Seçt. XXXVII.

Επὶ δὲ δρχή τοικεν ἡ αἵματις φύσις ἐν τῷ φλεβῶν
 πρῶτον ὡς τέτων λεκλίου ἀλλῶς τε ἐν ἐπιδῇ τῷ φλεβῶν
 τῷ ἀσπέρῳ εἰρηκόντων πῖες ὅκ ἀληθῶς λέγειν. αἵπον
 ἡ τῷ ἀγνοίας, τὸ δουδεάρετον αὐτῶν. ἐν μὲν γὰρ τοῖς πθινῶσι τῷ
 ζῶν, ἀδελῶν ἡ φύσις τῷ κρηιωῶτων φλεβῶν, ἀλλὰ τὸ συμ-
 πίπην εὐθὺς ἐξίοντες αἵματις, μαλίστα ταύτας. (ἐν τέτων
 γὰρ ἐκχάται αἰθέρῳ, ὡς περ ἐξ ἀχρείς. καὶ αὐτὸ γὰρ εὐθὺς ἐκχά-
 με πάλιν. ἐλίζον ἐν τῇ καρδίᾳ. ἀλλὰ τὸ πᾶν ἔστι ἐν ταῖς φλε-
 βῶν.) ἐν ἡ τοῖς ζῶσι ἀδύνατον εἶναι θάσσεσθαι πῶς ἔχειν. ἐν-
 τὺς γὰρ ἡ φύσις αὐτῶν. ὡς οἱ μὲν ἐν πθινῶσι ἐν διηρημῶσι
 τοῖς ζῶσις γεωρῶντες τὰς μεγίστας δρχαίς ὅκ ἐθεώρην. οἱ ἡ ἐν
 τοῖς λελεπτυσμητοῖς σφόδρα ἀνθρώποις, ἐν τῷ τόπῳ ἔξωθεν
 φαινομένων τὰς δρχαίς τῷ φλεβῶν διάρριαν.

EPISTOLA PRIMA

D E

MOTU CHYLI,

E T

SANGUINIS:

A D

THOMAM BARTHOLINUM,

CASP. FILIUM.

Parisior.

Exercuit ab omni ævo Reipubl. & Sacrorum Antistites de primatu contentio : sed nullo seculo Literati ambitiosius quam hodie conati sunt præ reliquis eruditi videri. Et quo id impetrent non verentur plurimi in auxilium calumnias aliasque peiores artes vocare. Nemo edere in publicum, nemo communicare amico scriptum potest, quod egregium quibusdam videbitur, qui non statim obrectatorem inveniat, qui eum pungat, scindat, laceret crudelissime. Nihil aliud autem suis curis, suis laboribus, quam invidiam & animi ægritudinem quærere extrema dementia est.

Hæ, fateor, impediverunt me causæ quo minus crebræ tuæ petitioni potuerim satisfacere; simul & quod ea non libenter definitio quæ longa annorum experientia aut probare non potuit, aut non potuit satis limitare. Tu tamen rogare non desistis, & ego pudore suffundor semper negare. Necessitatem quasi quoque mihi imposuit vir quidam doctus, ut meam de motu sanguinis sententiam aliis debeam aperire. Theses enim quasdam de motu sanguinis me Præsi- *Scribendi occasio.* de disputatas, etiamsi Defendens vere in iis profiteatur suas esse, ut meas tamen aggressus est vellicare. Quamvis autem pudere illum juvenem illarum thesium non debeat: nolim tamen aliena, etiam meo præsidio defensa, pro meis æstimari. Nec ei rationes in obscuro sunt, qui meam in disputando libertatem, aut Academiæ nostræ consuetudinem noverit.

Bbb 5

Quare

Quis san-
guis sit qui
movetur?

Quare nunc meam de motu sanguinis opinionem habet. Sanguis qui è dissectis majoribus arteriis exilit calidior, tenuior, rarior, & floridiori colore est, quam is qui è dissectis fluit venis: non ideo tamen dixerim sanguinem arteriosum à venoso tota forma differre: id enim habere sanguis arteriosus præ venoso potest, quod ille recens quasi à foco caleat, majorique spirituum copia abundet; ut ebulliens lac à refrigerato eadem ratione videmus discrepare. Et certe sanguis arteriosus qualitates eas non aliunde quam à majori calore & spirituum copia habere videtur: qui enim in minoribus arteriis à foco jam remotior est, animadvertitur minus à venoso differre. Et ubi è majoribus arteriis, imò è vivi animalis corde sanguinem accepimus, & ex eodem animali sumimus è venis, siveimusque refrigerati utrumque & condescere, nunquam potuimus in illis differentiam observare. Ut non aliud appareat quam sanguinem arteriosum ejusdem generis cum venoso esse.

Venosum sanguinem duorum esse generum pauciores volunt, alium qui in vena cava, alium qui in vena portæ continetur. Sed nec in his, sive receptaculis suis inclusi, sive ex iis effusi sunt, ullum licet discrimen animadvertere: idem prorsus rationem dictare mox videbimus.

Præter hos alius quoque concipi sanguis potest, qui è chylo in hepate confectus, ulteriorem perfectionem in corde non accepit: qualis is naturæ sit scire non possumus; cum, ut mox audiemus, in vena cava illi sanguini sit permixtus qui ulteriorem aliquam perfectionem in corde acquisivit. Et parum nostra interest ejus naturam cognovisse, quem ad breve prorsus tempus talem tantum perdurare videbimus.

Eum unius
generis esse.

Ut unius tantum sanguinis motus sit nobis inquirendus.

Non move-
ri sursum
& deorsum
in vasis.

Moveri autem sanguis posset, vel in ea arteriæ venæve parte in qua continetur, vel ex ea parte in aliam.

Sanguis in una arteriæ venæve parte naturaliter sursum, deorsum, ut ebulliens aqua non conspicitur moveri; nec in vase receptus, nec in vivo calenteque corpore dimissus, nec in ipsa arteria, si ea utrimque ligata intermedio superiori loco dissecetur. Imò discisso à nobis sæpius vivi cordis mucrone, cordeque erecto, calere sanguis deprehensus est, nunquam ebullire.

Sed moveri
ab una va-
sis parte, in
aliam:

Moveri autem sanguinem ab una arteriæ venæve parte in aliam res oppido manifesta est. Nam in extremitatum venis sanguis continetur, qui cum ibi genitus non sit, eo debet pervenisse. Et manifesto satis in vivis ex vena cava in cor sanguis fluit, & è corde in Aortam effluit.

Quo

Quo autem totus ille sanguinis motus nobis possit innotescere, ab ipso fonte videtur arcessendus.

Solidum cibum in vivis canibus sæpissime conspeximus eum in ventriculo ordinem, quo assumptus est, observare: nisi nimio potu distentus ventriculus fluctuare cibum, & eum ordinem permittat immutari.

Quem recipit cibum ventriculus, etiamsi duarum tantum unciarum sit, manifesto undiquaque complectitur; non absimili ratione ac plicatas crumenas globulum videmus continere, simul & coarctatur superius inferiusque orificium: quod facto in vicinia foramine, immisso minimo digito, stilove, promptum est explorare. Inferius tamen orificium dum deprehenditur plane occlusum, concidisse potius quam esse constrictum videtur, quod minima pressione ventriculi chylum sicut transfluere. Non raro quoque debilior ventriculus, orificiaque ab illa naturali constrictione deficiunt, & tum solent laxiora sentiri.

Retentus in ventriculo cibum, totus à cibi, potus, salivæque liquore permadescit: nec ita multo post porosus & plane spongiosus conspicitur: quandoquidem, ut verosimile est, is liquor aliquid substantiæ cibi elicuit & imbibit.

Paulo post in minima inciditur & quasi discerpitur frustilla, & tenuis & crassior cibum, imo in canibus ipsæ ovarum testæ: quod sine dubio ab humore quodam acido contingit, qui vim dissolvendi habet. Ita experimur ventriculū cibi mole aut crassitie gravatum assumpto aceto, succo citri, oleo sulphuris aut vitrioli, levamen sentire. Neque id quisquam in salivam aut bilem in ventriculū regurgitantem referet, qui in calida saliva, bileve bubula, aliquot horis panem macerari viderit, & ab iis tamen non comminui: in centenis quoque & pluribus canibus, quos hanc ob causam vivos secuimus, invenimus tantum in duobus bilem in ventriculū confluisse, quorum unus inediam passus erat per triduum, & in ejus ventriculo, mirandum visu, biliosa spumia erat ita densa, ita bullans, qualem in lixivio lavantibus lotricibus videmus innatare.

Acidum autem illum humorem conjectamus ex liene in ventriculū venire, quod non alia pars acida in corpore nostro sentiatur: quodque deglutito cocto liene & præsertim suillo, gravitas quoque ventriculi copia & crassitie cibi emendetur.

Ita cibum liquori per minima commixtus, tractu temporis consistentiam tenuioris cremoris hordei coctioni adipiscitur: quam ubi accepit, tum demum cibum ad intestina protruditur.

Verum

Alius citius, alius tardius.

Verum enimvero hanc in ventriculo commutationem æque cito omnis cibus non accipit; peragitur ea breviori mora de die, in paucis cibo, in tenui, beneve masticato; longius tempus exposcit noctu, magna copia, crassius cibus, magnis frustis deglutitus: adeo ut dentibus bene comminutus in cremorem mutari incipiat, quando is etiamnum solidus est qui frustis majoribus est devoratus.

Et quam cito aut tarde concoquatur distribuaturque.

Lac jusculaque de die, horæ spatio aut citius suam perfectionem accipiunt, & nisi aliud impedit tum quoque distribuuntur; quod vel urinae emictio ab iis assumtis, sine ulla sectione, evidenter ostendit: tardius olera. Panis ratione concoctionis medium videtur substantiæ modum habere, videre autem est eum prima hora cum dimidia immutari quam minimum, sequenti hora rarum & prorsus madidæ spongiæ similem fieri, ea elapsa in minima dividi frustilla, & potui permixtum totum liquidum apparere, mox maxime concoqui, ac tandem quod è pane concoctum est, inter quartam quintamque ab assumptione horam per pylorum à ventriculo ad intestina propelli. Remanere vero aliquid à pane reliquum & illud sensim debitam perfectionem accipere, ut & si quis alius cibus cum pane forte ingestus sit, qui eo concoctu sit difficilior: quos hoc animadvertimus ordine concoqui. Primum legumina, inde pisces, mox carnes, & eas demum intra sextam septimamque horam perfici & externi: bubulam intra septimam & octavam: etiamnum tardius earum partes membranosas, & ovorum testas; ossa in tertium usque diem mansisse in ventriculo & interea facta esse cartilaginea vidimus.

Integrene an per partes?

Imo in horummet ciborum partibus magna sæpe varietas conspicitur, ut è pane carneque etiam si integræ in ventriculo videantur, aliquid tamen licet exigua copia prima quandoque hora ad venas lacteas distribuatur.

Adeo ut quidquid concoctum est, alterius concoctionem neutiquam expectet, nec ab incocto quoque remoretur, sed quam primum excidat, & ad intestina transferatur: imo raro, etiam si ante horas sedecim canis comedit, ventriculus cibo plane vacuus reperitur.

Hæc autem observare nobis promptum fuit in canibus, quos, vario post assumptum cibum tempore, vivos secui-
mus.

Concoctus distribuitur per intestina &

In intestinis *chylus* colore cineritius est, nec nisi raro à bilis flavedine tingitur: ab ipso autem jam duodeno incipit Afellii venas lacteas ingredi, nec is ingressus in ullis cessat intestinis, quamdiu aliquid in intestinis chyli reperitur, ut
rectum

rectum ipsum intestinum venis lacteis donatum sit, quæ ab affluxu chyli non raro conspiciuntur candicare. Et ne arbi-
trari possemus eum lacteum succum aliunde quam ex inte-
stinis venire, venas has lacteas, corpori intestinorum inser-
tas ligavimus, & animadvertimus à cavitae intestinorum
ad ligaturam repleri evidenter & intumescere, à ligatura
vero mesenterium versus depleri & concidere.

Nunquam autem chylus animadversus est venam ullam in ventriculi corpore, nec ullam mesaraicam intrare; ut nec sanguis ligatura venæ portæ, cujus ratio postea constabit, in venis mesaraicis immensum adauctus unquam visus est lacteas venas ingredi. Ut non aliud appareat, quam naturam venas lacteas deferendo tantum chylo, venas ventriculi & mesaraicas deferendo tantum sanguini destinavisse.

Chylus in venis lacteis semper candidus est, etiamsi ex chylo cineritio in intestinis, aut bilis tinctura flavo de-
nerit.

Per has venas lacteas chylus sursum vergit, quo id modo, res non satis expedita est. Id nobis videtur maxime verosimile, quod in magnis macilentisque canibus venaticis animadvertisimus, venarum lactearum quasdam ab intestinis uno & continuato ductu in ramum mesentericum, quasdam in ipsam portæ venam, in cava hepatis quasdam, paucissimas quandoque in venam cavam prope emulgentes desinere. Ea enim animalia glandulam in Mesenterii principio unicam non habent, quam Asellius pancreas appellavit, & harum venarum ductum solet obscurare, sed ibi minoribus, ut plurimum quinque, glandulis sunt donata, quæ manifesto intervallo à se invicem sejunctæ, per id intervallum quibusdam venis lacteis liberum transitum largiuntur. Sed cum supra has glandulas pauciores venarum lactearum rami, quarum & quasdam majores, quam infra sunt; crediderim prope eas glandulas, venas lacteas in ramos dividi & eas ut alibi in corpore, vasorum divaricationi inservire.

Aliquando quoque venæ lacteæ nobis monstratæ fuere quæ lienem ingrederentur, sed cum præsentibus ipsi indicibus eas examinarem accuratius, nervos esse comperimus.

Per lacteas has venas delatus chylus permiscetur sanguini in mesenterico ramo, in portæ vena, in ipsoque hepate: quocunque enim loco ligentur venæ lacteæ semper intumescunt, quia impediuntur his partibus chylum transmittere, ac soluta ligatura cum illis partibus manifesto infundunt.

Rami venæ portæ in hepate, quamvis variis in locis annectan-

nectantur ramis venæ cavæ, nullibi tamen in ramum majorem venę cavæ aperiuntur, sed minimi venę portę rami in minimos venę cavæ ramos chylum hunc sanguini mistum transfundunt: ut inflato excarni hepate aqua innatante animadvertere facillimum est. Idem reliquo chylo sanguini mixto accidere postea demum manifestum evadet.

*Ex hepate,
in venam
cavam.*

E ramulis venæ cavæ in hepate, sanguis omnium judicio ipsi *trunco venę cavę* infunditur: & manifesto ea supra hep. in vivis ligata ab influente sanguine intumescit.

*E vena ca-
væ, in cor:*

Ex vena cava cordis *ventriculū dextrum* ingreditur, ligataque alterutra venę cavæ parte, quæ supra infræ cor sita est, observavimus aliquoties, præsertim in anguilla, eam citissime versus cor inaniri. quod & observavit *Harvejus* libelli sui cap. 10.

*E dextro
cordis ven-
triculo, in
venam ar-
teriosam.*

E dextro cordis ventriculo, manifesto satis *venam arteriosam* intrat, & per eam in *pulmones* fertur.

*Non vero
per septum
interme-
dium.*

Aliquid quoque sanguinis è dextro cordis ventriculo, per *septum intermedium* in sinistrum ventriculū transfluere non ausim asserere, cum alibi apertas vias, hic nullas inveniam. Refert *Petrus Gassendus*, vir diffusę eruditionis & candidus, Exercitat. in Fluddan. Philosoph. part. 3. cap. 17. vidisse se *Payanum* ostendentem septum cordis intermedium per varios mæandros, flexuososque quasi cuniculos pervium esse: eosque posse inveniri, si stilo in foveam aliquam leviter immisso, cum sursum deorsum & ad latera patientissime contorqueas, & ulteriorem aditum semper explore, usque dum ejus extremum invenias. Et revera id non raro succedere sumus experti; sed observavimus simul eas vias, eos mæandros nequaquam à natura factos esse; sed à stilo aut cuspe cultri fieri, dum factam viam aperimus, aut ulteriorem quærimus: caro enim cordis ita tenera simul & consistens est, ut minimo rei perforantis attactu statim distrumpatur, & cavitatem relinquat; adeo ut & latera cordis ita potuerimus pervia invenire.

*E vena ar-
teriosa, in
arteriam
venosam,
& sini-
strum cor-
dis ventri-
culum.*

Ingressum per venam arteriosam in pulmones sanguinem per *arteriam venosam* ad *sinistrum cordis ventriculū* redire hinc colligimus, quod ligato prope pericardium in pulmone vivo arterię venosę majori ramo vidimus eum versus pulmonis ambitum indurari & in tumorem attolli, ea parte inanita & concidente qua cor spectabat, solutaque ligatura sanguinem ad sinistrum cordis ventriculū moveri: idque facillimum est in cuniculis observare. Hic autem sanguis cum aliunde venire non possit, ex vena arteriosa huc debet destuere.

Leonax-

Leonardus Botallus, vir doctissimus in fine lib. de Catarrho invenisse se aliam viam arbitratur, qua è dextro in sinistrum ventriculum perpetuo sanguis eat. Paulo supra Coronalem, inquit, satis conspicuum reperi ductum juxta auriculam dextram, qui statim in sinistram aurem recto tramite fertur.

Hic ductus nisi progressus sit venæ cavę ad arteriam venosam, quem foramen ovale appellamus, aut alius ductus, quem aliquando in ovillo corde reperimus calami triticeæ magnitudine ex una auricula obliquo ductu ad aliam vadere, nisi inquam aliquis horum sit, difficile est quis fuerit divinare.

Jam autem id foramen ovale ubique quidem æqualiter non occluditur, & sæpe in medio accrescens membranula tenuissima & pellucida est, minimoque stili tactu facile distrumpitur, rarissime tamen in adultis ulla ratione apertum invenitur. Et transfluens per arteriam venosam è pulmone sanguis membranam illa foramini præpositam affigit, ut etiam quando connata non est difficulter aliquid illac possit transire.

Obliquus vero ille ductus nobis in ovillo corde visus, alte sæpe auriculæ substantiam penetrat, sed rarenter, prorsus ad alteram auriculam fertur. Putamusque eum auriculæ ad nutritionem datam esse, quę ramos non solet à Coronaria accipere

Ex iis vero quæ raro accidunt, nihil eorum concludendum est quæ perpetuo debent evenire; in cordis quippe fabrica non raro ludit natura. Ita in bovini cordis septo intermedio superna parte secundum cordis longitudinem aliquando sinum invenimus, ad sinistrum ventriculum circa mucronem parvum, qui longitudine amplitudineque digitum indicem æquabat. Cui similem videre Aristoteles potuit, cum 3. de part. c. 4. asseruit majora animalia tres in corde ventriculos habere. Nam maxima animalia duos tantum ventriculos habent, ut in dissecto balænæ fœtu animadvertimus.

Adeo ut videatur sanguis, non alia via ordinatim quam per pulmones ad sinistrum cordis ventriculum vadere.

Ita ad sinistrum cordis ventriculum delatus sanguis, inde ad arteriam aortam, mediocres, minimasque arteriolas pergit: iis enim vivis ligatis mirum in modum versus cor intumescunt, & extrema versus concidunt, ac aperta ligatura manifesto sanguinem ad ulteriora dimittunt.

Sanguis è minoribus arteriis potest venas intrare: arteriæ enim quibusdam osculis in venas perviæ sunt. Et quo esse

Non autem

per foramen

ovale,

Indeque in

cor, arte-

viam Aor-

tam, reli-

quasque ar-

teriolas

Ex arteriis

sanguis per

cervi

*communis
oscula,*

certi possemus per ea oscula sanguinem posse transire, venam & arteriam in demortui canis pede liberavimus ab iis, quæ earum solent visum impedire, inanivimusque venam cruralem majorem & eam in iliis ligavimus, ne illac aliquid sanguinis deflueret. In genu vero ligavimus venam hanc simul & vicinam arteriam: tum digitis sanguinem in arteriis iliicis ad genu usque adëgimus, atque ita inanivimus cruralem arteriam, vena vero cruralis visa est manifesto repleti, cumque in venam superne inferneque ligatam, ex ejus ramulis nisi perparum devenire posset, ea vero multum impleteretur, deplereturque prorsus arteria; colligebamus enim sanguinem quo impleteretur vena per oscula ex arteriis inanitis esse depulsum.

*Veteribus
cognita,*

Eam vero opinionem novam non esse ipse Galenus de ul. pulsus cap. 5. ostendit. Arteriarum venarumque Synastomoses sensum nostrum effugiunt: unde si ipsis seu parum constantibus merito fidem abroges, per alia certe quæ veteribus sunt prodita eos esse credas: neque in postremis ex hac rei evidentia, si quis namque accepto animali quovis ex iis quibus ample manifestæque venæ & arteriæ sunt, veluti bove, sue, asino, equo, ovis, ursæ, simia, pardali, homine ipso, vel similibus aliquo, magnas multasque illi arterias vulneret, universum animalis sanguinem per eas exhauriet. Hujus rei periculum subinde fecimus, & cum semper vacuatas cum arteriis venas deprehendissemus, verum esse dogma de communibus arteriarum & venarum osculis, & communi de una in alteram transitu nobis persuasissimum. Imo recepta communis opinio est, sanguinem arteriosum naturaliter minimas venulas intrare, quo partes arterioso venosoque sanguine nutriantur.

Venas ingreditur.

Et revera sanguinem ex arteriis per ea oscula naturaliter in viventibus venas ingredi, hæc indicia luculenter attestantur.

Ut docet copia missi sanguinis ad partes.

Qui in vivis dissectionibus ad eam copiam attendit quæ per arterias partibus venisque communicatur, haud facile ab animo suo impetrabit, eam omnem à partibus nutritione consumi: præsertim si attenderit sanguinem arteriosum satis crassum esse, nec quarta parte esse venoso rariorem, ut sæpius animadvertimus ubi refrigerari utrumque sivimus & concrelescere. Unde merito cum Harveio colligi potest communicatum ab arteriis venis partibusque sanguinem magna ex parte ad majores venas remeare.

Compressio venæ infra foramen in venæ sectione.

Deinde ubi venam in brachio ligato secamus, si venæ tumentis partem foramini propinquam quæ versus manum est pollice comprimamus, aut similem superiori ligaturam brachio

thio prope vulnus versus manum injicias, nihil sanguinis videbis effluxurum; unde videtur colligendum eum à manu venire, qui per factum vulnus exilit. Et cum is sanguis venæ sectione sæpe ad libras educatur, tantumque in inferiori venarum brachii parte contineri non possit, is eo debet ex arteriis venisse, quæ ligatūra supra sectam venam occlusæ non sunt, ut integer earum pulsus ostendit.

Sed quo id nobis ad oculum liqueret, aliquoties in vivis canibus, etiam majoribus, venam & arteriam amplam in *Ligatura* *vena in vi-* *vis.* *vis.* inguine ab iis liberavimus, quæ eorum visum impediabant; quod facile fieri potest, nisi musculus substernantur: venam autem illam filo ligavimus, animadvertimusque eam venæ partem quæ cavam spectaret concidere & inaniri, reliquam verò pedem versus admodum intumescere, adeo ut præ plenitudine durior ipsa arteria videretur; at soluta ligatūra sanguinem mox sursum moveri, & venæ duritiem ac plenitudinem admodum imminui. Ligata vero arteria intumescere mirum in modum eam partem quæ Aortæ vicinior esset, concidere remotiorem: nec venam tum ligatam evidenter intumescere. Idque sæpius factum accidere semper eodem modo.

Nè tamen ullus nobis superesse scrupulus posset, & ut *Dissectio* *vena in vi-* *vis.* animadverteremus simul quid intus in vena ageretur, denudatam ita venam & arteriam elevavimus nonnihil, & sub iis firmiter ipsum crus ligavimus, ne per aliam quam eam quam elevassemus venam sursum aut deorsum moveri sanguis posset. Tum demum filo suspensam & simul occlusam venam, ut seq. figura expressimus, supra filum & infra filum aperuimus levi vulnere. Statim autem ex ea venæ parte quæ à corde remotior esset, sanguis rivulose, copiose, & impetu effluxit. Illa vero pars venæ quæ à filo cor spectaret paucas tantum guttas distillantes dedit. Unde nobis videbatur evidens sanguinem non deorsum è venis majoribus, sed sursum è venis minoribus ad majores devenire; præsertim cum injecta alia ligatura eidem venæ remotius à corde, è vulnere quo ita impetuose exilierat nihil amplius videremus sanguinis effluere. Arbitrabamur enim eas guttas quæ è vulnere cordi viciniore laberentur, provenire posse è sanguine quem cum vulneraretur vena contineret forte, aut quem ex minori ramo venæ cruralis supra filum sito continenter acciperet; verum hæc causa mox clarior evadep.

Obvium est idem sine ulla sectione in iis experiri, qui *Inanitione* *narum ap-* *parentium* *in cut.* conspicuas admodum venas brachii habent. In quibus si *no* digito venam prope manum occludas, altera manu


sanguinem sursum adigas, tota videbitur vena inanita: quæ mox replebitur simulac inferiorem venæ partem à digito liberes, non si superiorem, ut *Harvejus* quoque observavit libelli sui cap. 13. Superior enim sanguis ad majores venas vadit, & descensum remoratur valvula quæ nihil facile delabi permittit, nisi eo usque vena dilatata sit, ut inter eam valvulasque majusculum spatium relinquatur.

Cum itaque à manibus pedibusque sanguis veniat, manus autem pedesque sanguinem novum non generent, quem toti corpori debeant suppeditare, nobis non sit dubium quin ex arteriis ibi sanguis continuo & naturaliter venas ingrediat, & ex minoribus venis ad majores eat.

Neque vereor arteriosum sanguinem, simplici venarum tunica contineri non posse, quem video in arteriis minimis, & in aneurismate contineri, ubi arteriæ unicam tantum tunicam habent. Quod vero propinquiore cordi arteriæ duplicem tunicam acceperint, fieri potuit ne impetu effluentis è corde sanguinis arteria laxaretur, ut eam laxari à valido palpitantis cordis motu videmus.

Non autem sanguis è majoribus venis ad minores venit. Sed an non quoque ut ex arteriis, ita ex maximis venis sanguis ad minores venas fluit? id videri possit venæ sectio indicare, quæ revulsione gratia instituitur: secta enim vena brachii in pleuritide, is revelli sanguis videtur, qui è vena cava in azygon, ex azygo pleuram influebat. Sed nullum indicium est ita sanguinem revelli; potest enim secta brachii basilica, sanguis trahi ex arteriis brachii, brachii arteriæ trahunt ex axillari, axillaris ex aorta, pectus cujus intercostales ramulos in pleuram, non vero per azygi ramulos fluxerat, ut mox videbimus. Et certe nisi in pleuritide sanguis per arterias revelleretur, ratio nulla esset quare ad revellendum venam affecti lateris potius, quam dextram secemus: cum azygos à dextro venæ cavæ latere oriatur, & ut fiat venæ sectio *non è eo latere secanda vena esset*, secundum quod latus sanguis in affectam partem fluit.

Nec brachii à ligatura emaciatio. Sed quid? an non ligatis quibusdam partibus, & sæpe brachio in iis quibus id fistula excavatur, brachium quodammodo emacrescit, quod ligata vena ad inferiores brachii partes debite nequeat sanguis descendere? non est necessarium, potest enim id fieri quod ligata sit arteria. Et revera ita fieri hoc indicio est, quod non raro arteria brachio cui fontanella inest, languidius minusque quam in sano pulsare comperiat, inhibito aliquo modo per ligaturam sanguinis spirituumque influxu. Forsan tamen posset & pars aliqua emaciari, ligata tantum vena; quod natura copio-



FIGURÆ EXPLICATIO.

- A A. Crus canis dextrum. B B. Crus canis sinistrum.
 C. D. Ligatura subiecta arteriæ & venæ, qua femur firmiter constringitur, expressa in dextro crure ne literarum linearumque confusio in sinistro crure spectatorem posset turbare.
 E. Arteria cruralis. F. Vena cruralis.
 G. Filum quo constricta est vena & est elevata.
 H. Acus, cui filum est trajectum.
 I. Vene pars superior à ligatura detumescens.
 K. Vene pars inferior à ligatura intumescens.
 L. Gutte sanguinis, quæ, è superiori parte vena vulnerata, sensim distillant.
 M. Rivulus sanguinis, qui, inferiori vena parte vulnerata, continuo exilit.

copiose novum sanguinem per arteriam in partem infundere non possit, qui per venas libere nequit remeare. Et quamvis copiam tum sanguinis arteriæ & venæ contineant, forsitan is minus aptus quo partes bene nutriantur; verum id postea constabit.

*Nec Vari-
ces.*

Manifestum tamen est in varicosis sanguinem è vena cava ad majores, à majoribus ad minores venas descendere. Id enim in varice femoris, pedis, & hæmorrhoidibus obvium est videre. Verum ille motus sanguinis potest præter naturam contingere, quod debilitatæ venæ sanguinem sursum non mittant, sed colligant; & quod humores sua gravitate motui naturali sursum renituntur & descendant, unde in inferioribus venis cum ulati, accedente semper ex arteriis novo sanguine, earum dilatationem & varicem faciant. Ita fontes artificiales circa ea loca è quibus ascendunt, rimas potissimum agere observamus, tandem à gravitate aquæ divulsi, quæ tamen ex natura fontium sursum deberet ascendere. Et omnino verosimilius est hac ratione varicem fieri; quia humores in varicosis, quando ad motum in exercitio impetum habent, majorem venæ dilatationem non faciunt, sed ubi ab exercitio quiescunt, quod minori motui humores obniti possint & gravitate sua descendere.

Sed è minoribus venis, ad venam cavam fluit. E vena cava iterum in cor:

Ad eo ut hæc indicia non sint, sanguinem è majoribus venis in minores, sed ea ipsa potius indicare sanguinem ex arteriis venas intrare, & è minoribus venis ad majores ipsamque venam cavam deferri.

Ex vena cava jam ante diximus sanguinem dextrum cordis ventriculum ingredi. Sed quid? isne sanguis qui jam antea è vena cava intraverat, & è corde in arterias erat effusus indeque redierat in venas, an is iterum cor ingreditur? an vero is solummodo qui de novo in hepate genitus venam cavam primum ingreditur, nec unquam cor transgressus est? Certe uterque.

Etiam is sanguis qui cor semel transgressus est.

Facile enim id fieri potuit, cum uterque cordi æque sit vicinus; & fieri debuit, cum qui rediit ex arteriis ad cavam, copiosior sit quam qui omnis in nutritionem venæ cave consumatur, & is ad minores non feratur venas. Omnino id fieri indicio est, quod ligata vena cava prope cor, non parum tantum, sed admodum inanitur, omnemque quem habet sanguinem, non aliquem tantum cordi tribuit.

Quia alimeta non

Cor quoque videtur plus sanguinis in arteriam Aortam infundere, quam ei suppeditare hepar saltem non in aliquot dierum inedia possit. In pluribus enim sumus experti cor una hora plures quam ter mille pulsus edere. Cor autem quam-

quamdiu non est plane languidum, singulis pulsibus aliquid expellit: ligata enim prope cor arteria aorta, inter cor ^{tantum sanguinis suppedi-} ligaturamque superius aperuimus arteriam, vidimusque ^{tant, quan-} per foramen singulis pulsibus aliquid exire; nisi ubi prorsus cor languesceret, tum ternis quaternisve demum pulsibus aliquid effluere: quod tam parum è corde pelleretur quod nonnisi cumulatam sursum posset moveri & per superius arteriæ foramen exire.

Abscidimus quoque cordi mucronem, & corde erecto animadvertimus, etiam si ventriculi pleni non essent, singulis pulsibus aliquid effundi; quod & cap. 2. notat Harveyus. Imo & per medium discisso corde singulis pulsibus aliquid effluere prius non desit quam vel emoreretur animal, vel superiori parte concreveret sanguis & quasi pelliculam faceret, ut non amplius illac posset effluere. Et certe aliquid semper exire pulsu è corde debuit, cum in eo semper cor fiat angustius, ut postea constabit.

Quantum autem id sit quod singulis pulsibus è corde ^{Singulis exit,} exit, definire non possumus. hoc testari possumus, è corde cuniculi singulis pulsibus semidrachmam sanguinis effluxisse, è corde majori canis aquatici semiunciam: putamus tamen dum vivum dissecatur animal plus quam in sano effundi. Et si quis conjectura ex iis quæ vidimus definire velit, quantum in homine sano putemus exire, iis non adversabimur, qui è corde singulis pulsibus in homine in aortam, semiunciam effundi asserent.

Sed fingamus tantum scrupulum esse, cum cor 3000. una hora pulsus & plures edat, singulis horis plus quam decem sanguinis libræ cor transibunt, quantum non comedimus, nec hepar potest cordi suppeditare.

Adeo ut omnino necesse sit, eum qui semel cor transiit ^{Adeo ut sanguinem iterum in cor fluere, & ex eo in arterias redire.} Atque ita ^{motus sanguinis esse quasi in orbem, à vena sanguinis sit in-} motum quendam sanguinis esse quasi in orbem, à vena ^{orbem.} cava in cor, è corde in arterias, ex arteriis in venas, a quibus iterum in cor & arterias deferatur.

Equidem ego satis mirari non possum tot retroactis seculis, hunc sanguinis motum incognitum fuisse, cum ejus ^{Hic sanguinis motus non fuit in-} varia nec levia indicia apud veteres inveniam.

In volumine operum Hippocraticorum Auctor lib. 1. de ^{cognitus veteribus.} victus ratione, tres calori nostro & humori circuitus tribuit, quibus introrsum extrorsumque à variis partibus moventur.

Hippocrates in medio libelli de offum natura. Venæ, sub Hippocrati, quibus & arterias complectitur, per corpus, inquit, diffuse Edit. Fœ-

*Spiritus, fluxionem & motum exhibent, ab una multas propa-
gines emittentes. Hæc autem una unde exordium sumat, &
Pag. 277. ubi desinat non satis mihi compertum est. Circulo enim facto
principium non invenias. quem circulum eum potissimum
in distributione humorum intelligere, examinanti locum
patebit.*

*Pag. 229. Ut & in fine libri de natura humana. Crassæ vena sibi mu-
tuo alimentum subministrant, internæ externis, vicissimque exter-
næ internis.*

*Edi. Lind. Et manifestius Auctor lib. de Alimento. Omnium quæ nu-
Pag. 594. triunt, unum est principium, unusque omnium finis, idemque fi-
& 595. nis & principium, quare mox hæc subjungit: ἐς τέλος προ-
φή καὶ ἐς ὄρουμα καὶ ἐς τὸ ἐχάτερον ἐπιφανείτω ἐνδοθεν ἀφικνέσθαι.
ἐξωθεν προφή καὶ τὸ ἐχάτερον ἐπιφανείτω, ἐνδοτέρω ἀφικνέσθαι.
ἑυπόσια μὲν, ἑυμύτρωια μὲν, ἑυπαθία πάντα. Alimentum in
pilos, in ungues, & in extimam superficiem ab internis partibus
pervenit; ab externis partibus alimentum, ab externa superficie,
ad intima pervenit: confluxio una, conspiratio una, consentien-
tia omnia.*

*Diogeni Ab hac quoque opinione non alienus videtur Diogenes
Apolloniata Apolloniata fuisse, apud Aristotelem 3. histor. animal. cap.
ta, 2. Crassissimus sanguis à partibus carniformibus exugitur, qui
vero redundat in hæc loca, venas scilicet majores, tenuis, ca-
lidus & spumofus fit.*

*Platoni, Imo quæ à Platone de sanguine in Timæo traduntur, me-
lius huic opinioni, quam communi conveniunt.*

*Aristoteli. Ipse Aristoteles non difficulter in hanc pertrahi opinio-
nem posset. Ita enim ille lib. de Somno cap. 3. Non omnis
impotentia sentiendi somnus est, sed ea solum quam divaporatio
committit alimenti, quod enim rarefactum est, quadantenus at-
tollit, deinde regredi & resuere instar Euripi necesse est: nam
animantis cujusque calidum in sublime natura fertur, at ubi
eo loci subvectum est, mox universum reciprocatur ac descendit.*

Qui hos consecuti sunt scriptores, non satis sanguinis
motum excoluisse, imo hunc obscurasse suspicio est, quod
ea quæ præcedentes suis venis, hoc est venis & arteriis ad-
scriberent, hi venis, ut arteriis opponuntur, iverint attri-
butum. Et cum Galenus Medicorum summus, omnibus
restituendis in integrum non sufficeret, posterioresque
Græci, ut & Arabes & Latini, nimis presse eum sequerentur
aut describerent, inde suspicamur hunc sanguinis mo-
tum in hoc usque seculum delituisse:

*Sed hoc se- Quo vir incomparabilis Paulus Servita Venetus valvula-
culo denuo rum*

rum in venis fabricam observavit accuratius, quam magnus *excogetatus*
Anatomicus Fabricius ab Aquapendente postea edidit, & à Paula
ex ea valvularum constitutione aliisque experimentis hunc *Servita.*
sanguinis motum deduxit, egregioque scripto asseruit,
quod etiamnum intelligo apud Venetos assevari.

Ab hoc Servita edoctus vir doctissimus *Gulielmus Har-* *Editus à*
vejus sanguinis hunc motum accuratius indagavit, inven- *Guilielmo.*
tis auxit, probavit firmitus, & suo divulgavit nomine. *Harvejo.*

Hæc inventio, hoc fatum hujus sanguinis motus fuit.


Noſ vero quæramus jam porro an *per omnes venas arte-* *Fit autem*
*rias*que ita sanguis fluat, an in quibusdam aliis alium *is motus per*
per motum habeat? de qua re ut nobis certo constaret, ad *omnes arte-*
motum sanguinis in pluribus vivorum venis arteriisque at- *rias venas-*
tendimus, & invenimus, præter id quod jam de arteriis in *que corpo-*
venis brachii crurumque diximus, sanguinem per arterias *ris.*
ſpermaticas ad testes; per venas à testibus ad emulgentem
ſiniſtram aut venam cavam in dextris moveri: per arterias
meſentericas ad inteſtina; per venas ad ramum meſenteri-
cum: per arterias cœliacas ad lienem; per ramum venæ por-
tæ ſplenicum continuo ad hepar: per ramos arteriæ cœlia-
cæ, qui ſequentibus venis reſpondent, ad ventriculū &
omentum; per venas gaſtricas & epiploicas ad ramum ſple-
nicum: vaſa brevია arterioſa & venoſa, arteriæ cœliacæ, ve-
næque ſplenicæ ramulos eſſe, qui ubi ad locum inter ventri-
culum lienemque medium devenere, in duos dividantur
ſurculos, quorum unus ventriculū, alius lienem adeat: per
hunc arteriæ ſurculum ad lienem, per ſurculum ventriculi
ad ventriculū vadere; per ſurculos vero venoſos ad trun-
cum vaſis brevis, à ventriculo & à liene moveri per arterias
emulgentes ad renes; per venas emulgentes ad venam ca-
vām; per arteriam cordis coronalem in venam; ex vena cor-
dis coronali in venam cavam: per arterias intercoſtales in
pleuram; è pleura per venas in azygon, & inde in venam ca-
vam. Invenimus autem id venarum arteriarumque in vivis
ligatura; quæ intumēre ea parte quæ ſpectabat partes à
quibus fluxum fieri diximus, reliqua non detumēre tan-
tum, ſed & concidēre, cavimus autem ſedulo ne cum vena
arteriam ligaremus, quod alias intumeſcens, cor verſus ar-
teria, impositam ſibi venam attolleret, atque ita appareret
quaſi vena ab utraque ligaturæ parte amplius repleretur.

In capite autem & collo vidimus, idque in vivo anſere fa- *Etiam Car-*
cillime & gallina, ligatam jugularem intumeſcere à capite *pitis.*
ligaturam verſus, à ligatura vero ad cavam inaniri: ut & ibi
manifeſtum ſit ſanguinem à capite per venas ad cor redire.

FIGURÆ EXPLICATIO.

- A A A A. Abdomen Canis apertum.
 B B. Diaphragma.
 C C C C. Omentum versus thoracem inversum, quo interiores partes magis visui expositæ forent.
 D D D. Lobi tres hepatis nonnihil dextrorsum moti.
 E E. Portiuncula pancreatis discissi, quo sequentia vasa venirent in conspectum.
 F. Ren sinister suo involucrio tectus.
 G. Pars summa Lienis superior, una cum adjacente pinguedine.
 H. Media lienis pars, circa quam vasa inseruntur.
 I I. Infima lienis pars.
 K K K K. Intestina deorsum mota, quo vasa sequentia in propatulo forent.
 L L L L. Mesenterium.
 M M. Arteria splenica.
 N. Pars venæ splenicæ trunco venæ portæ annexa, à ligatura detumescens.
 O O O O. Portio venæ splenicæ & ejus tres rami inde orti, qui lienii inseruntur, & à ligatura admodum intumescunt.
 P P. Arteria mesenterica sinistra.
 Q. Portio venæ mesentericæ sinistræ, trunco venæ portæ proxima, à ligatura detumescens.
 R. Inferior pars venæ mesentericæ sinistræ jam in ramos dividenda, à ligatura intumescens.
 S S S S. Venæ mesaraicæ ideo pleniores & magis tumidæ, quia venæ mesentericæ ligatæ sunt.
 T T T T. Reliquæ mesaraicæ, quæ non ita tumidæ, quia earum truncus non est ligatus.

Sed quomodo ad jugulares venas veniat, definire non possumus, cum ob cranii duritiem vivum accurate discindere cerebrum non licuerit, quin animal interea expiraret; credibile tamen est per arterias carotides & cervicales ad quatuor cerebri sinus fluere, eæ enim ad illos sinus usque perviæ sunt. Retulerunt quippe mihi viri doctissimi Fr. Sylvius & Fr. van der Schagen retracta illa fibrosa substantia, quæ non raro concreta in venis arteriisque cadaverum invenitur, eam ubi in carotide arteria retraheretur, motum aliquem usque in tertium cerebri sinum ostendisse: & certe cum à sinibus per jugulares sanguis ad cor refluat, non possunt eum aliunde sinus quam ex arteriis accipere. An autem arteriæ immediate eum in sinus infundant, an vero in ramulos qui à sinibus oriuntur, non ita obvium est videre; quia arteriæ ab illis



illis ramulis difficulter distingui possunt, cum in cerebro unicam tantum tunicam quoque arteriæ habeant: crediderim tamen arterias in ramulos sinuum sanguinem infundere potius quam in ipsos sinus, quod observem ea vasa quæ sinibus inferuntur circa sinus esse maxima, ut solent rami esse in exortu.

*Etiā in
fœtu,*

*Per pecu-
liares du-
ctus.*

Ita quidem in adultis; in fœtu vero paulo alia videtur esse circulatio, quam ita fieri concipimus. Ex utero materno sanguis non arterias umbilicales ingreditur, quæ ex observatione Arantii utero non junguntur; sed venam umbilicalem intrat, à qua in hepar, venam cavam, & dextrum cordis ventriculum; cor enim in fœtu etiam imperfectum pulsatur. E dextro ventriculo, in venam arteriosam; sed cum pulmones non respirent, ideoque nec patentes fiant, affatim nequeant sanguinem recipere & ad arteriam venosam dimittere, quare è vena arteriosa per peculiarem ductum in aortam vadit, & quoque per peculiare venæ cavæ foramen, arteriam venosam ingressus, auriculæ cordis sinistræ, ejusque sinistro ventriculo infunditur. E sinistro cordis ventriculo, non aliter ac is è vena arteriosa, arteriam aortam ingreditur: ut in fœtu natura duobus ventriculis pro uno utatur, ne in fœtu, qui copiosi, non intensi caloris, nec siccus esse debebat, bis sanguis excoctus adureretur, pulmonum refrigerio & ventilatione destitutus. Ex arteria aorta sanguis ad arterias umbilicales vadit; iis enim ligatis pars quæ fœtum spectat, pulsatur & intumescit: reliqua versus uterum pulsu destituitur. Ex arteriis umbilicalibus ad placentam; ubi arteriæ venis, manifestis anastomosis, junguntur, & per eas anastomoses sanguis venam ingressus, toto memorato jam ductu iterum deferitur.

*Transit au-
tem ex Ar-
teriis in
venas,*

*Per Ana-
stomoses:*

*Et per cap-
tes.*

Hæc vasa sunt per quæ sanguis & à corde & ad cor fluit. A vase autem arteriarum in venas duplici ratione venit; Primo facillime & frequentissime per *Anastomoses*, quibus arteriæ venis junguntur, quæ Anastomoses magnæ quandoque sunt & in majoribus vasis, ut circa lienem, in vesica, in utero, in uterino hepate. Similem quoque Anastomosin accuratissimus *Beslerus*, arteriæ aortæ in venam cavam abdominis annotat, sed nec in humano, nec in brutorum corpore unquam nobis datum est eam invenire. Quare neque omnes in extremitatibus tantum corporis sunt, sed & in locis intermediis: unde videmus amputatis membris, in mutilo tamen sanguinis illum motum ex arteriis in venas fieri. Secundo & sanguis ex arteriis per ipsam videtur posse carnem in venas redire: videmus enim secta vena usque dum mutetur color, inflam-

inflammationes detumescere, quod extravasatus sanguis e carne trahatur, verum hac via sanguinis transitum esse partem rarioremque existimaverim.

Ut jam esse planum arbitrer quis sanguinis motus sit, & *Et motus per quas is vias fiat: sequitur nunc inquirendum qualis is sit ille sanguinis & quomodo peragatur.*

Sanguinis illum motum à corde in arterias, ab arteriis in venas, à venis ad cor esse continuum observavimus; nec ullo momento eum desinere aut interrumpi. Et certe cum is fiat, ut mox videbimus, quia cor accipit & transmittit, cumque is cordis motus continuo toto vitæ cursu perduret, sanguinis ille motus non potest nisi, secundum naturam, continuus esse.

Celer quoque sanguinis motus est; ligata enim & compressa arteria venave, quamprimum admodum intumescit, & in duritiem attollitur: eaque à compressione & ligatura liberata citissime conspicitur sanguis moveri.

Quam cito autem sanguis circuitum suum à corde, iterum ad cor absolvat, præcise definire non possumus. Citius quidam animadvertitur per Anastomosi cordi vicinam, quam per remotam fieri; nec admodum illi refragaremur qui maximum circuitum & per extremitates assereret, breviori tempore quam horæ quadrante peragi; celerrime enim sanguis vadit. Attamen non ita defertur celeriter, ut eum secta arteria venave videmus exilire, quod is in tenui liberoque moveatur aëre, in corpore vero vas suum attollere, & anteriorem sanguinem propellere cogatur, quare dissectam arteriam præsertim minus remotam à corde, citius inaniri videmus, quam cor novum possit sanguinem suppeditare.

Sed hoc si verum sit, quare singulis horæ quadrantibus febres non redeunt, cum futurus paroxysmus videatur, cum corrupta materia ad cor venit? nunc autem aliæ quotidie, aliæ tertio, aliæ quarto demum die redeunt. Equidem non negaverim id posse contingere, ut corrupta materia ad cor accedente paroxysmus eveniat, ut ejus exemplum habet Harvejus libelli sui cap. 16. Non putem tamen id necessarium esse: potest enim è foco aut decidere portiuncula, aut elevari fuligo, cor petere & febrim accendere, quomodo videntur pleræque febres ab inflammatione partium oriri, quæ aperta vomica, evacuato pure desinunt. Et ut tales symptomaticæ febres, ita & quædam fieri intermittentes febres possunt, à materia vel in vasis vel extra vasa conclusa, quæ per putredinem vel quotidie, vel tertio, vel quarto die, in pa-

in patula vasa regurgitans aut effumans, paroxysmum faciat.

Aut continui.

In continuis fateor, quarum materia in vasis majoribus hæere putatur, difficilius est causam dicere quare singulis circuitibus paroxysmus non fiat, videamur tamen eandem dare posse, quam vulgo dant causam, quare continuæ, non continenter æquales videantur; quod etiam si materia cordi satis propinqua sit, tamen citius paroxysmum non faciat, quam certum putredinis acquisiverit gradum: & cum paroxysmum tamdiu durare, usque dum putrida ea materia sit evacuata quæ cor tangit, aut ei suos fumos mittit. Verum non arbitrer quæquam ob causam quare paroxysmi febri-les certis diebus redeant, quæ prorsus & abstrusa & ignota est, motum sanguinis velle negare satis celerem esse, qui est manifestus.

Hic motus quoque est vehemens:

Præter celeritatem, sanguis in motu & vehementiam habet, quæ ex iis apparet quæ diximus de duritie & tensione quam arteriæ & venæ ligatæ acquirunt: nihil enim à tenui liquidaque materia in summam duritiem tendi potest, præsertim sursum, nisi vehementer in id impellatur retineaturve, sed ea motus vehementia maxima est prope cor, à quo sensim fit minor, adeo ut extremæ arteriolæ non pullent, nisi major solito sanguinis impulsus accadat, ut id in febribus fieri observamus. Quare & videntur venæ non pulsare, quod is impulsus etiam minor sit in iis, quam in minimis arteriis; & quod venæ Anastomosi arteriis junctæ, ubi ab iis abeunt in plures se ramulos quam arteriæ dividant; ubi enim in plura brachia, flumina ducuntur, motus ille impetus imminuitur. Quare ubi quædam venæ occluduntur brachii, vel à re comprimente, ut in quibusdam tumoribus, vel ab aliquo obturante, ut in varicosis gravitate sua relabente sanguine, animadvertitur denuo impetus ille, & venæ pulsare conspiciuntur: plerasque enim palpitationes in partibus, à flatibus provenire creditas, nihil aliud quam venarum pulsationes esse, in venis transparentibus per cutim, non raro nobis licuit observare.

Non ejusdem vehementia in arteriis & venis

Ejusdem tamen celeritatis:

Quia autem motus vehementior in arteriis quam in venis est, videtur, *prima fronte in arteriis quoque celerior, quam in venis esse*, non aliter ac homines, equi, aliaque animalia quæ magno se conatu movent, male sæpe videntur plus promovere. Etenim per arterias protrusus sanguis non omnis potest Anastomoses transire, quod è lato in angustum veniat, unde accumulatur in arteriis, et dilatantur, in qua dilatatione aliquantulum persistunt, quare dimidio dilata-

tionis

tionis totoque quietis tempore, perparum ille impetus ad motus celeritatem facit, qui motus interea expeditior per venas est, quod ex angusto in latum & per plures vias peragatur. Ratio autem hic dictat in hoc sanguinis motu celeritatem utrobique æqualem esse debere, nisi quantum hepar cordi sanguinis novi è chylo suppeditat, arteriæve nutrimenti partibus largiuntur, aut alias tandem cor humore destituendum. Quod & ipsum sensus confirmat, toties enim pulsatur vena cava, toto illo tractu ab hepate in jugulum, ideoque in cor propellit, quoties animadvertitur arteria pulsare & ideo è corde admittere, sed de illo mox plura dicemus.

In ipsis tamen arteriis, sanguis *celerius* movetur; quando cor propellit; à qua celeritate sensim deficit, quando cor quiescere incipit & postea dilatatur. Imo & in ipsis venis motus sanguinis pulsante corde vehementior est & celerior; quod ut in vivorum sectione observavimus, ita id & animadvertimus aliquoties, quando in brachio vena secaretur, in quo à ligatura non admodum distenderentur venæ. Jam dictæ quoque venarum palpitantes non videntur aliunde procedere, quam quod à relabente sanguine, aliove modo arctatis venis, cum sanguis impetu protrusus transire non possit, is venam attollat, quæ concidat iterum quando is impetus imminuitur, aut vena transfluente sanguini liberiores largitur transitum.

Non arbitrer autem sanguinem, qui per arterias v.g. crurales ad crurales venas delatus est semel, eum continuo iis viis deferri, sed eum ubi ad cor rediit, ei qui ex aliis venit partibus permisceri, atque ita promiscue partibus distribui: sic enim melius nutriri partes poterunt, si semper novum sanguinem habeant, è quo elicere possint, quod illis maxime ad nutrimentum & robur facit: ita melius crescunt plantæ, quæ in eodem & immoto solo semper non seruntur.

Hæc tota ratio est, qua sanguis movetur. Et quoque, cum sanguini permisti sint, qua moventur vitales spiritus.

Animalium spirituum motum sæpe conati sumus indagare, sed non potuimus eum alibi observare quam in musculis, qui videbantur ab iis in latum profundumque distendi, & disseci tremere & palpitare: nervi enim ligati à ligatura nec tument nec distenduntur, & discissi non alium motum exhibent, quam quod in se contrahantur. Ligare autem nervos sexti paris qui per thoracem libere vagantur, res perquam facilis existit.

Motus vero Chyli per venas lacteas manifestissimus est. Non

Sed majoris celeritatis pulsante corde.

Una sanguinis portio non eadem semper via vadit.

Cum sanguine moventur vitales spiritus. Animalium spirituum motus per nervos observari non potest.

Sed facile chyli mo-

*quis per ve-
nas lac-
teas:*

*Qualis is
fit?*

*Causa an-
tem qua hic
moveretur
sanguis,*

*Non est vis
quædam
instita:*

*Nec vehi-
tur sanguis
à spiriti-
bus:*

*Nec effun-
ditur san-
guis ob so-
lam rare-
factionem.*

Non est autem ut sanguis continuus, cum non semper suppetat chylus. Quando autem ex intestinis per lacteas venas vagatur, celerius ipso sanguine incedit, & ligatæ venæ intumescunt citissime. Quam ob causam nec diu in vivis dissectis apparent, nec in cadaveribus inveniuntur; nisi quando aliquod obstaculum chyli motui fuit objectum. Quod vero ligatæ non intumescant in duritiem, signum esse videtur, non ita vehementem chyli motum ut sanguinis esse: forsan quod cum per minus spatium moveri chylus debet, non is in motu impetus requireretur.

Sed jam tempus est ut in horum *motuum causas* & primum *sanguinis* inquiramus.

Quidquid sit, vel insita virtute ita movebitur sanguis, vel aliquo motu qui ad vectionem, tractionem, pulsionem sit referendus.

Propria virtute eo modo moveri sanguinem, nec in sanguine in pelvim recepto, nec in corpus effuso, observamus, quem esse momento corruptum durum est asserere: nec in ulla alia re inanimata talem spontaneum motum licet videre. Quod autem *Harvejus* cap. 4. annotat, se, quiescente auricula, motum in ea sanguinis deprehendisse, id & nos quoque, ut & in quiescente corde sensimus; sed simul eum motum in auricula inditum sanguini à vena cava fuisse, in corde, ab auricula, ut statim videbimus.

Vehi hic sanguinem à spiritibus nullo potest indicio comprobari: & si levitate sua sursum sanguinem veherent, quem hic deorsum quoque moveri & ad latera videmus.

Quare reliquum est ut vel trahatur sanguis vel pellatur.

Protrudi sanguinem viri quidam ingenio præclari arbitrantur, quod calore cordis immensum rarescens, majorem locum exposcat, ideoque eum cor dilatare & attollere, cumque nec in dilatato corde contineri queat, in venam arteriosam arteriamque aortam tali effundi impetu, ut omnes distendat arterias & faciat pulsare. Sæpe autem opinionis hoc argumentum adferunt, quod cor anguillæ alteriusve animalis, ubi pulsare desinit, si à substrato calefiat igne denuo pulsum edere conspiciatur. Sed an is pulsus fieri non posset, quod spiritus à calore vegetior factus, melius ei causæ possit inservire quæ in corde pulsum facit? non aliter ac calefactis in vivorum sectione intestinis, musculisque, in quibus tamen nulla ebullitio est, restitui motus videtur. Omnino enim levis tantum quædam rarefactio à repore quodam in corde est, nulla ebullitio, aut diffusio subita. Et revera ob rarefactionem sanguinem è corde non exilire, in validis sæpe canibus

bus conspeximus, quorum cor discisso mucrone; cum ob effluxum sanguinis dimidia parte non repleretur, id erectum, à rarefactione repletum non fuit: sed accedente constrictione, portio illa sanguinis, quæ in corde reliqua erat, ultra quatuor pedes fuit ejecta, ut in magna frequentia nos & vicini conspurcaremur. Unde evidens est, sanguinem à parte propelli.

Propellitur autem quod ita mutatus sanguis cordi illisque partibus sit molestus. Si enim cor integrum, aut ejus vivi dissectique mucro, aliave major particula, cultello aciculae pungatur; quoties pungitur, toties se quasi naturali motu commovebit, etiam si jam aliquamdiu omnem amisisse motum videatur.

Pelli autem à vena cava sanguinem in dextram cordis auriculam, manifesto vivis disiectis animalibus conspeximus: in omni enim cordis motu à vena cava primum motus initium est, quod cum dubitaremus an non fieret, quia cava auriculæ cordique connexa esset, cor & auriculam refecimus prorsus in canibus vivis à vena cava, & animadvertimus etiam tum venam cavam pulsare minimum, & singulis vicibus aliquid sanguinis effundere. Quare & plerumque circa cor vena cava carneas quasdam fibras accepit, quas alibi in vena cava haud invenias: eæ autem admodum conspicuæ in hominis, bovis, canis cava possunt videri. Motus autem ille venæ cavæ prope cor evidentissimus est, ut plurimum tamen eum quoque in vivis canibus observavimus toto illo ductu ab hepate & à jugulo in cor usque.

Auricula dextra quem accepit sanguinem tensione quadam & constrictione in dextrum cordis ventriculum pellit: nam & in auricula motus constrictionis momento prior, quam in corde est. Et dextro cordis ventriculo ad auriculam usque discisso, manifesto apparuit singulis constrictionibus aliquid ex auricula in cor propelli, quod & notat *Harvejus* cap. 4.

Ita quidem pulsione præcipue sanguis ad dextrum cordis ventriculum venit; sed an non quoque & in auriculam & in dextrum ventriculum *trahitur*? ita arbitramur: parte enim ejus sanguinis quem accipiunt interius ali debent: quod autem alere debet, trahi debet, quo pars eum sanguinem accipiat qui illi est utilissimus; pulsione enim etiam inutile amandatur; ut optime *Galenus*, ut solet omnia, deducit libris 1. 2. 3. de nat. fac. Tractio autem hæc non tantum est vicini sanguinis, sed etiam remotioris, ut omnes partes vim eam habent, ne cito alimento destituantur.

Sed

Sed pellitur à vena Cava in auriculam.

Ex auricula in cor.

Trahitur tamen quæque.

Sed an non quoque cor quia dilatatur trahit, metu vacui, ut solemus appellare? non est verosimile, quia in ejus dilatatione nullus metus vacui esse potest, ut mox fiet evidentius.

Eadem causa motus in sinistrum ventriculum est.

Ut sanguis ad dextrum cordis ventriculum, ita quoque ad sinistrum venit, nisi quod impulsione sanguinis concidente pulmone, ex arteria venosa in sinistram auriculam non tam validam quam è vena cava potuerimus observare; aliquid tamen manifestum est.

Contingitque utrobique eodem momento.

Impulsio autem in utramque auriculam & in cordis utrumque ventriculum eodem momento accidit: nisi in moribundis, in quibus aliquando observavimus non eodem tempore utramque auriculam, aut utrumque ventriculum pulsare.

Ubi autem ita sanguis in ventriculos cordis pellitur, cor nullum oculis manifestum motum habet, sed imposito cordi digito aliquid intrare in cor sentimus & cor plenius fieri: quod & observavit *Harvejus* cap. 4. Imo septuagies, aliquando centies pulsasse auriculam observavimus, antequam cordis sequeretur motus.

Ut jam habeamus quomodo sanguis in cor moveatur. Videndum nunc quomodo moveatur in arterias.

E corde in arterias sanguis pellitur, dum cor constringitur.

In Arterias sanguis pulsione movetur: factum enim in arteria foramine dum cor se constringeret, exire sanguinem vidimus, ita & discissa à corde aorta aut vena arteriosa cum cor constringeretur sanguinem effundi; discisso cordis mucrone eoque erecto expelli sanguinem & è corde exilire; discisso corde medio transversim in systole sanguinem expelli, nec unquam in diastole exivisse vidimus. Quod autem quidam in vivis dissectis se in dilatatione vidisse exire sanguinem asserunt, in eo fuisse illos falsos arbitror, quod dilatationem eam esse existimaverint, quæ revera est constrictio: quod insignis ille Anatomicus *Columbus* quoque notavit, l. 14. de re Anatomica.

Etenim in motu cordis, oportet ejus constrictionem, quietem, & dilatationem exacte distinguere.

Ratio constrictionis cordis.

In constrictione cordis sive systole, mucro cordis accedit ab basin, ideoque nonnihil elatior fit. Et in iis animalibus, quibus aorta non basi cordis, sed versus medium nonnihil inferitur, ut in cuniculis, anguillis & similibus, basis quoque cordis accedit ad mucronem. Latera autem cordis quæ costas dextras sinistrasque spectant propius ad se mutuo veniunt, adeo ut si alterutro lateri mucronem abscideris, ut appendeat, in constrictione ad integrum latus, & quasi in locum suum redibit. Latus autem cordis quod sternum spectat

ſpectat attollitur, & quidem præcipue circa baſin: atque ita totum cor undiquaque tenditur. Eaque pars vicina, baſi ſublata, maxime videtur pectus ferire, & quem ſentimus pulſum facere; quamvis & mucro poſſit, quod magnus ille Anatomicus *Riolanus* quoque obſervavit, lib. 6. ſuæ *Anthrop.* cap. 12.

Eum autem cordis motum quem jam deſcripſimus, revera conſtrictionem eſſe, quo nobis certo conſtaret, cordi aliquando abſcidimus mucronem, aliquando tranſverſim diſſecimus per medium; & manifeſto vidimus, cum eum quem diximus motum ederet, ventriculorum cavitatem minorem fieri, & immiſſo cordi digito, ventriculos ad digitum ſenſimus conſtringi. Eum autem quem jam diximus motum cor exterius oſtendere dum conſtringitur, interius quoque oſtendit; niſi quod in ſepto intermedio nullus motus videatur: forſan ne ſi ſeptum, ad ſiniſtrum ventriculum conſtringendum, ſiniſtrum cordis acceſſiſſet latus, dextram ventriculi cavitatem reliquiſſet majorem.

Hæc cordis tenſio conſtrictioque eſt, qua ſanguis è cordis ventriculis in arterioſam venam & aortam pellitur. Ea *Que fit ope fibrarum* autem ubi languida eſt, fit ope tantum fibrarum quibus caro cordis donatur; ſed ad validiorem, majores illæ fibræ concurrunt, quæ in ventriculis cordis viſuntur: ut ſæpe diſſectis cordis ventriculis in vivis obſervavimus.

Fibræ autem illæ in ventriculis, & in ipſa cordis ſubſtantia manifeſto conſtrictionem faciunt, quia in latum undique diſtenduntur, quare in longitudinem abbreviantur; non aliter ac muſculoſæ omnes noſtri corporis partes ita motum abſolvunt: quare ubi cibum maſticare volumus, tumere & indureſcere muſculum temporalem ſentimus. Hoc tumore cavitas quoque ventriculorum cordis redditur anguſtior. Et quidem tumor ille carnis majorumque fibrarum à baſi incipit, & ſenſim uſque ad mucronem pergit. Quem ob motum ſi *Maximus Medicorum* in initio libi de corde, cor quoque muſculum validum appellavit, eleganter ſane ejus motus rationem explicavit.

Ubi in arterias ſanguinem ſua conſtrictione cor expulſit, cor ad naturalem ſtatum redit. Mucro enim recedit à baſi, ut quoque baſis à mucrone, in iis animalibus quæ egreſſum in arteriam aortam in baſi non habent, dextrum verò ſiniſtrumque cordis latus verſus coſtas ſe extendit, & quod ſternum reſpicit latus concidit, ibi maxime ubi oriſicio aoræ reſpondet, atque tum totum cor *quieſcit ac laxum & molle ſentitur.*

Nisi autem superius illud latus concideret prorsus, hoc ad naturalem statum reditu cor dilataretur: ut corde dissecto tangere & videre facillimum est. Verum id superius latus concidere debuit, ne præcedenti constrictione cor inanitum, vacuum pateretur. Ubi vero è vena cava, arteriaque venosa novus sanguis in cor propellitur, & qui in eo continetur sanguis à calore rarefcit, tum superius latus assurgit: & reliqua latera, ut jam diximus, manent extensa. Atque ita cum cor in sua *dilatatione* est; nec aliam totius cordis dilatationem præter hanc est observare.

Atque tum dilatatur.

In particulis vivi cordis dissectis è corpore exemptis, non alia quoque dilatio est quam à constrictione remissio. Equidem in illis particulis ubi constrictio desit, reliqua quandoque videtur quædam palpitatio, sed ea alterius generis motus est à spiritu in carne contento & quærente exitum; qualis & non raro in musculis integris aut dissectis mox ab obitu in dissectis animalibus potest videri.

Adeo ut dilatio cordis & constrictio eadem ratione ut reliquarum partium accadat, ventriculi, intestinorum, vesicæ, uteri, quæ ab eo quod illis immittitur extenduntur, quod ubi expulere, ad naturalem statum redeunt.

Hunc autem cordis motum non melius possumus observare, quam in iis animalibus quæ unicum tantum cordis ventriculum habent, aut si habeant geminum, quando incipiunt animalia languere, alias ubi ea animalia valida sunt ob celeritatem motus, eum agnoscere difficile est; simul & quod duo ventriculi illos motus geminos exhibeant; quodque conus dextri ventriculi, cum minus altus sinistro sit, ubi retrahitur ad basin obliquum motum faciat.

E majoribus in minores arterias sanguis pellitur.

Sed redeamus in viam, videamusque porro quomodo sanguis ex arteriis cordi vicinis, per totius corporis arterias dispergatur? Illud manifesto fit *impulsu*: ligata enim quavis arteria, ad ligaturam intumescit valde & tenditur in summam duritiem.

Sanguinis tamen *gravitas* ejus motum deorsum promovet, unde cor propinquius capiti, quam pedibus esse situm videtur.

Trahitur tamen quomodo.

Trahi quoque in omnes arterias sanguinem verosimile est, quo illæ illisque vicinæ partes convenienti sanguine nutrantur.

Sed dilatatione trahere arterias nulla videtur esse necessitas: solo enim impulsu sanguis propelli potest, & arteriæ possunt pulsare: disrupta quippe arteria & facta in carne aneurismate, aneurisma in carne, eadem ratione ut arteriæ, pulsa-

pulsare sentitur; in quo manifesto caro sanguinem dilata-
 tione non attrahit, sed in eam sanguis pellitur. Quale mise-
 randum exemplum nuper in Experientissimo viro D. Jo-
 hanne Elemanno vidimus, cui disrupa arteria aneurisma *Non neces-
 sario arte-
 riæ dilata-
 tione.*
 quartam thoracis partem occupaverat. Quale & observavit
 Riolanus lib. 6. Anthrop. cap. 12. Et revera ab impulsu san-
 guinis arteriarum pulsum fieri, pulsus undosus, vermicu-
 lans, formicans videntur ostendere, alique non pauci, qui
 motum sanguinis in arteria evidenter imitantur.

Equidem verum est, in Galeni libello, *an sanguis in arter.* *Nec aliud
 contineatur*, verbis ultimis asseri, intrusa arteriis cannula, *inducit Ga-
 leni Expe-
 rimentum*
 arteriaque supra cannulam ligata, ultra ligaturam arteriam
 non pulsare, etiamsi sanguis per cannulam pelli possit. Sed
 mutilum eum esse locum mihi suspicio est, quod ea ratione
 qua ibi describitur, succedere rarissime & difficillime ope-
 ratio possit: libera enim arteria præscribitur ibi secunda,
 è qua dissecta nemo non novit quanta vis sanguinis exiliat,
 adco ut vel moriatur animal, vel præ languore nullæ arte-
 riæ, vel saltem non remotiores queant pulsare.

Sed locus integer sit, & ut ibi jam describitur operatio
 successerit, fieri potuit ut languente prorsus animali ob san-
 guinis effluxum, citra cannulam pulsus sentiretur, quod can-
 nula intrusa arteriam reddens angustiore ex parte sangui-
 nem sisteret, ut facile sanguis replere arteriam posset & at-
 tollere. Ita non raro vidimus arterias quæ vel languidum vel
 nullum exhibebant pulsum, manifestum edidisse, quando
 non ita remote à corde comprimerentur. Ultra vero can-
 nulam à Galeno pulsus non fuit animadversus, quod per can-
 nulam arteria multo angustiore, minus sanguinis arteriæ
 reciperent. Et tale quid facile potuisse contingere in cuni-
 culo animadvertimus, cujus aortæ, ea utrinque ligata, can-
 nulam intrusimus, sed quod soluta ligatura animal emore-
 tur, operæ pretium non videbatur supra cannulam arte-
 riam ligare, visi tamen nobis sumus aliquem usque ad can-
 nulam pulsum sentire, nullum vero potuimus supra aut
 ultra cannulam.

Nec præterea id experimentum nobis unquam successit,
 quod haud facile sit commodam arteriam invenire. Et ea
 ubi oblata debiteque dissecta sit, ocyssime tamen animal aut
 hæmorrhagia, aut quod mirum est, convulsione moriatur.

Ut non aliud appareat quam impulsu sanguinem arte-
 rias posse permeare, & ab eo quoque arterias posse distendi.
 Nec aliam videri ad arteriarum pulsum causam arcescen-
 dam, cum ab his peragi pulsus possit.

*Indicia ta-
men Gale-
nus habet
dilatatio-
nem arte-
riarum ad
motum con-
ferre. De
usu puls. c.
5. an sang.
in arter. c.
8.*

Solet tamen sepiissime natura plura auxilia ad operationes suas instituendas advocare, quam nobis quidem necessaria videantur, qui non semper ejus possumus secreta rimari. Ita & hic quædam à Galeno indicia observata sunt, præter eam dilatationem quam arteriæ ab impulsu sanguinis habent, eas quoque propriam dilatationem moliri. Omnes arterias nostri corporis & in sanis & in vivis dissecatis eodem momento pulsare: nihil autem quod in distans movetur eodem momento ubique esse potest; quare nec eodem momento ubique distentionem facere. Intestina dum flatu Anatomici replent, & coqui, vicina parte prius quam remota distendi conspiciuntur. Verum equidem est, arterias non inanes, ut intestina, sed ex parte sanguine plenas dilatari: cum tamen qui è corde venit sanguis propellere vicinum debeat, & is iterum vicinum, atque ita porro usque dum ubiuis repleantur arteriæ & distendantur, non videtur etiam si è lato in angustum fiat, hoc uno momento peragi posse, non aliter ac videmus à pueris viginti lapides serie, majores primum, collocatos, primo celeriter disseccto, reliquos omnes uno momento non cadere.

Quare suspicandum videtur, arteriarum diastolen & ab impulsu sanguinis & à propria dilatatione fieri: & utrumque ad movendum sanguinem operas conferre.

*Pulsio au-
tem hic
tantum a
corde fit.*

Hinc quoque apparet impulsus illum sanguinis tantum à corde fieri, nec unam arteriarum partem in aliam pellere: nam quæ pars constrictione propellit, ea eodem momento nequit dilatari, omnes autem eodem momento dilatantur.

*Ex arteriis
in venas, è
venis mi-
noribus in
maiores*

Atque ita quidem sanguis movetur per arterias. Ex arteriis autem in venas, è venis minoribus in maiores, ipsamque venam cavam, sanguis quoque impulsu movetur. Quavis enim in vivis ligata vena, versus cor concidit, repletur vero ea parte, qua à corde remotior est.

Pellitur;

Ea autem pulsio ad cor, à quavis videtur venæ parte contingere, ligata quippe vel compressa in brachio vivo vena, non tantum remotiori à corde parte tenditur, sed & in reliqua quæ cordi vicinior est concidit & inanitur; quam viciniorem si quoque liges, & ea ultra ligaturam distenderetur & intumescet. Pulsio autem illa contingit fibris quibus venæ constituuntur.

*A quavis
vena par-
ticula,*

*Et trahi-
tur.*

Arbitramur tamen quoque venas trahere, ne sine delectu sanguinem accipiat, sed id allicere queant quod sibi est utilissimum: pulsione tamen magis videntur sanguinem quam tractione accipere, quod ligatæ venæ mirum in modum tendantur.

In vena cava sanguinis quoddam penarium est, in quo sanguis in futuros usus recondatur, quando copiosior est quam qui cordi omnis debeat suppeditari.

Atque hæc omnes causæ motus naturalis sanguinis sunt. *Itaque* Quibus *causæ motus chyli* non sunt ab similes: etenim fibris pulsu chylis se constringens *ventriculus*, quidquid chyli concoctum ^{lus} movetur est *exprimit*. Et ea pressione aperire quoque simul pylorum ^{è ventriculo} videtur: non enim spontaneus ullus in pyloro motus, qualis ^{lo} in ventriculo aut intestinis videtur.

In *intestinis* chylus longam moram non trahit, sed quam- *Per intestinum* *fibrarum transversarum constrictione* propellitur: dum *stima*, autem multæ & quæ se mutuo consequuntur fibræ simul agunt, premitur chylus, nec totus potest deorsum elabi, unde pressi chyli aliquid venas lacteas ingreditur: ne tamen chylus nimis cito ad anum defluat, inferioris transversæ fibræ constrictione sistitur: atque ita inferne superneque conclusus compressusque, per rugosam intestini tunicam ad venas lacteas quasi per colatorium premitur. Hæc autem fibrarum transversarum constrictione, in omnibus intestinis tenuibus omnibusque crassis, certa serie, per intervalla contingit.

Per venas lacteas chylum in venas portæ, in hepar, quan- *Per venas* doque quoque venam cavam pulsu moveri, ligatura osten- *lacteas* dit.

Vero quoque simile est, ex intestinis lacteisque chylum *attrahi*, celerius enim ex iis movetur, quam intestina *venæ*- *Et quoque* ve lacteæ pellere videantur & promovere. *trahitur.*

Chylus in ramo mesenterico, vena portæ, vena cava sanguini permistus, ab ea movetur causa, quam diximus ibi sanguinem movere.

Per peculiare autem venas potius quam per mesaraicas *Quare non* sanguinem continentes defertur chylus, quod mesaraicæ *per venas* sanguinem admittunt, aperiri osculis in intestina debuit. *mesaraicas.* sent, per quæ facile sanguis in intestina fuisset elapsus, nec ei incommodo poterat vis tractrix obviam venire, quæ multo hic obscurior, multo imbecillior expultrice est.

Ut hic chyli motus, ita quoque sanguinis quasi in orbem motus suos *usus*, suas commoditates habebit, quarum hæc videntur præcipuæ.

Quod continuo illo per cor transitu, continuo quoque *Motus san-* sanguis calefiat, & dum alius paucies, alius pluries cor trans- *guinis con-* ivit, omnis qualitatatis sanguis in venis inveniat: qui dum *tingit in* ad singulas partes defertur, & omnem suum thesaurum na- *us una par-* tura illis exponit & offert, melius calefieri, & accipere id *tium.*

FIGURÆ EXPLICATIO.

AAAAAAAA. Vena mesaraica vulgarè, porta rami, cum arteriis mesaraicis.

BBBBBBBBBB. Venæ Lactæe discurrentes per mesenterium ad intestina.

CCCC. Mesenterii portionem: una etiam nervorum mesaraicarum per eam distributionem signat.

D. Ventriculi fundus.

E. Inferius ventriculi orificium πύλωσιν vocatum.

F. Intestinum duodenum.

G. Jejunum intestinum. H. Ileum intestinum.

IIII. Vena & arteria fundum ventriculi perreptans.

K. Omenti pars.

L. Glandula in mesenterii principio, quam Asellius Pancreas appellat, in qua rami venarum lactearum non tam multi sunt, ut hic designantur.

MM. Venæ lactæe in ipsis intestinis à ligatura intumescences.

NN. Venæ Lactæe in mesenterio à ligatura tumide.

OOOO. Valvule in venis Lacteis.

P. Constrictio intestini superna.

Q. Constrictio intestini inferna, quibus constrictionibus chylus in venas lactæas exprimitur.

alimentum possint, quod maxime ad earum nutrimentum & robur facit.

Et ut conservetur,

Sed & is motus non minimum confert, ut sanguis in integritate sua serveretur: nam


Vitium capiunt, ni moveantur aquæ.

quod & in sanguine esse verissimum, quotidie obstructis vasis licet observare.

Ut perficiatur sanguis,

Contribuit quoque ad sanguinis perfectionem, dum continuo motu rarefcit & attenuatur. Verum præcipue ad ejus perfectionem facit, quod sanguis modo attenuatur, incalcfcit, & rarefcit in corde, modo iterum condensatur & quasi concrefcit in corporis habitu. Nulla enim pars in corpore corde calidior, nulla minus calida corporis habitu sentitur. Unde quædam quasi circulatio contingit, non abfimilis qua Chymici suos spiritus tenuiffimos reddunt & perfectiffimos, qui enim à calore attenuatus est sanguis, ubi à frigore condensatur, in ea potest tenuitate perfiftere, nec ad pristinam crassitiem redit: à qua tenuitate ad majorem tractu temporis calore pervenit, in qua à frigore condensatus denovo conservatur; atque ita tandem ad generationem vitalium spirituum aptiffimus evadit.

Hunc ob finem sanguis in orbem movetur: sed an non is præ-



*Sanguis qui
ad nutrien-
das partes
defertur
non move-
tur in ar-
teriam.*

præterea alicubi alium motum habet? è minimis arterio-
lis sanguis recta in carnem defertur, ut humorem innomina-
tum, rorem, gluten, cambium constituat: nec remeat unde
venit; ne transfluens per carnem sanguis, humores hos ag-
glutinari partibus impedivisset & assimilari.

Fluit hic autem quandoque præcipue, quod ex arterioliis
in carnem pellatur. Et non raro quoque præcipua causa mo-
vens attractio est: etenim non sine tractione ossa ad sui nu-
tritionem crassiorē accipere humoris partem possent, &
reliquam tenuiorem humoris partem ad sui nutritionem
ineptam in vasis relinquere.

*Nec alius
sanguinis
motus est
quo occlu-
duntur cor-
dis valvule.*

Sunt quoque qui arbitrantur sanguinem è corde delatum
retrosum cedere & per arterias denuo ad cor redire. Quod
illis ideo videtur statuendum, ut causa dari mechanica pos-
sit, qua cordis valvulæ in officio arteriarum, decidant & oc-
cludantur. Nos equidem præclarum semper Erasistrati in-
stitutum æstimavimus, omnia quæ in corpore nostro con-
tingunt mechanice explicare, sed divinam sapientiam sua
metiri temerarium judicamus. Eas vero machinas esse sta-
tuendas quas evidens ratio & potissimum sensus ostendant.
Hic contra sensus observant à corde, non ad cor per arterias
sanguinem moveri; & in raro languidoq; pulsu non ultimo
arteriam quæ cordi nectitur, ut fieri deberet, sed primo in-
tumescere. Valvulas quoq; à remeante sanguine non occlu-
di, hoc videmur indicium habere, quod si arteria duobus di-
gitis à corde ligetur, & ea inter ligaturam valvulasque ita a-
periat ut libere exire sanguis possit, quare nec cedere re-
trosum, nec remeare; valvulæ tamen aliquoties bene con-
stringantur, cor ordinate moveatur, & non nisi in sua con-
strictione sanguinem effundat. Quamobrem si ulla hic no-
bis eligenda esset machinatio, communem admitteremus
opinionem, quæ ut cordis, ita & occlusionem valvularum,
contractione fibrarum fieri asserit. Ea quippe fibrarum in
corde contractio passim obvia in conspectum prodit.

*Nec in
animi affe-
ctibus.*

Alia vero ratione sanguinem naturaliter recta moveri per
venas à corde, per arterias cor versus, nullum equidem ha-
bemus indicium. In gaudio quidem humores extrorsum
vergunt; sed id potest per arterias tantum contingere. Et in
tristitia humores possunt introrsum per venas tantum mo-
verī: & omnino debent, quod cum pulsus non cesset in hoc
affectu, pulsu autem continuo aliquid per arterias extror-
sum eat, difficillime posset aliquid per arterias introrsum &
ad cor moveri.

Sed præter

Præter naturam tamen humores alium quam quem nunc
descri-

descripsimus motum habent, dum humores levitate sua, vel ^{naturans} alio impetu sursum vergunt, vel gravitate sua deorsum de- ^{alius est.} scendunt, ut in varicosis est manifestum. Occlusa quoque ea via qua solebant moveri, aliam querere coguntur. Ita in Anate aliquoties in vasis pectoris variegatum sanguinem vidimus, subcandidum alium, alium rubentem, qui constri- cta arteria ad cor & à corde movebatur secundum arteriæ latus diversum: is tamen motus non diu duravit, nec eo motu unquam sanguis cor ingressus est.

Atque his, præstantissime *Bartholine*, me tibi arbitror de motu sanguinis respondisse. In quem inquisivi scrupulo- sius, quo melius humorum naturam & eorum defluxum cognoscerem: à quo humorum fluxu innumeri morbi oriuntur. Credidi quoque me posse exactius intelligere quo- modo bonus malusve sanguis generaretur, si cognitæ mihi eę partes essent à quibus transiens humor immutaretur. Pu- tavi quoque me melius judicaturum, quomodo plurimi morbi curari debeant, si cognitum haberem cujus venæ in- cisio has illasve potius evacuet partes, & quas pertransire partes remedium debeat antequam ad affectam partem queat pervenire. Occurrebantque innumera per totam Me- dicinam diffusa; pulsum doctrina, febrium, inflammatio- num, obstructionumque generatio & cura, aliaque ob quæ desideravi hunc sanguinis motum cognitum habere.

Experimenta autem quibus in hanc opinionem veni, ita evidentia sunt, ut non dubitem asserere, Medicos doctos cordatosque impostero hunc sanguinis & chyli motum esse admitturos: in causis tamen nonnullis hujus motus qui- busdamque circumstantiis non eum possum consensum polliceri: quotquot enim homines sumus, iudicii quadam disparitate facile in diversas sententias imus.

De fide autem experimentorum dubitare, *Bartholine*, non potes, qui eorum non parvam partem ipse vidisti: adfuerunt autem sæpissime Medicinę Doctores doctissimi tibi non ignoti, *Franciscus Sylvius*, *Joannes van Horne*, *Ahasverus Schmitzerus* in dissectionibus accuratissimi; & viri solidę eruditionis *Franciscus vander Schagen*, & *Antonius Vocke- staert*: nec adfuere tantum, verum ad facienda experimenta & manum & consilia contulere: quibus hoc nomine pluri- mum debeo. His vale, ornatissime *Bartholine*, & me ama. Dabam Lugd. Batav. x. Kal. Octob. Anno clō lō cxi.

ALTERA EPISTOLA

DE

MOTU SANGUINIS,

AD EUNDEM.

*Iterate
scriptio-
nis
occafio.*

*Objectio-
num solu-
tio.*

*In venase-
ctione Ve-
nam à liga-
tura tume-
re.*

*Non præ
dolore.*

*Non à nar-
catione ve-
nae.*

Ha Scriptorum fortuna est, ut etiam cum nolunt porro scribere cogantur, & adversariis suis respondere, nisi aut sibi, aut causæ quam agunt, malint deesse. Mihi certe plane aliis intento

Vir quidam Doctus hæc voluit extorquere. Quas enim antea vellicaverat theses de motu sanguinis hæc diebus peculiari scripto conatus est refutare. In eo scripto non pauca ingeniosa sunt & docta: verum id in auctore desidero quod in Albutio Rhetore Veteres, qui de omni causâ dicere cupiebat, non quidquid debebat dici, sed quidquid poterant. Eum quoque sanguinis motum, qui in vivorum animalium dissectionibus evidens est, nunquam conatus est observare: prorsus quasi certius res animo concipi, quam oculis posset videri. Verum hæc aliaque thesium auctori Rogerio Drake curanda relinquo, nunc apud Londinenses Medicinæ Doctores acuti ingenii & solidæ eruditionis: Ego ea tantum sectaturus sum, quæ motui sanguinis in orbem obfutura videbuntur. Et primo quidnam hic nos doceat venesectionis, de qua digna consideratu Vir doctus annotavit.

Venam secaturus Chirurgus vinculum brachio injicit quo vena in tumorem attollatur. In tumorem attollitur vena, non quæ citra ligaturam cordi propinqua, sed quæ ultra ligaturam à corde est remota. Ejus autem tumoris causâ, non est dolor, quo vinculo constricta pars afficitur: dolor enim sæpe exiguus aut fere nullus est in parte quæ ligatur. Et vellicatione, combustioneve acriori dolore affectum brachium, minus plerumque tumentes venas, quam à simplici ligatura habet.

Neque verosimilius est venas intumescere à ligatura, quod per venas ad ligaturam angustiores, copiosior sanguis & celerius ab hepate feratur; ut circa pontes alibive arctata flumina rapidius labuntur. Fluminis enim defluens aqua circa angustum locum collecta evidenter in tumorem attollitur, à quo decedens celerius vadit: ligato vero brachio contrarium evenit; non enim hepatis propinquiore venæ à quibus sanguis veniret, sed ab hepate remotiores magis distenduntur.

Quare

Quare reliquum est, venas ultra ligaturam tumere, quod *Sed quo sanguinis à minoribus venis ad cor redeuntis motus ligatura sistatur, ibique collectus venam distendat. Sed quo hac de motu sistatur.* re esse denuo certus possem, in vivis animalibus ramum jugularem cruralemq; filo constrinxi arctissime, ut nihil sanguinis transfunderet; aperui autem eam venæ partem quæ à corde remotior esset & sanguinem copiose, celeriter & vehementer effudit. Mox vinculum laxavi & venam dissecui per medium, parsque ejus à corde remotior sursum è corpore extracta, continuo & celeriter sanguinem dedit; interea dum venæ pars cordi propinquior, nonnihil elevata, ne præ dolore se concutiens animal facile exprimeret sanguinem; primo parum, mox nihil sanguinis largiretur. Unde mihi videbatur evidens è venis remotioribus sanguinem ad cordi propinquiores venire, nec è majoribus ad minores; nisi forte data via aliquid vicini sanguinis elaboretur. Tantundem in venæ sectione brachii unusquisque facile potest experiri: si enim sanguinem, qui supra ligaturam est, sursum digito adigat, ut vena inanita videatur, non minus tamen sanguinem infra ligaturam videbit effluere; qui per ramum superiorem jam inanitum non potuit venisse.

Sed si ita vena à sanguine distenditur, qui à minoribus venis ad cor movetur, quomodo à ligatura potest arteria distendi, quam distentam non pauci præstantes Medici referunt fuisse pro vena dissectam? sane à ligatura non intumescit arteria, nisi qua cor respicit, remotiori vero parte concidit aliquantum & imminuitur, ut in vivorum dissectionibus centies & amplius sum expertus. A ligatura autem remotiorem distendi arteriam non plane auctores voluisse arbitror, verum id tantum intendisse, ubi vena non apparet quæ secanda est, tactu explorandum locum esse, ubi ea possit latere; & è fovea, motu, tumoreque sanguinis eum inveniendum: tactu autem invento apparente tumore, non statim judicandum ibi venam subesse; posse enim subesse arteriam quæ nimia ligatura pulsum amiserit, quæque ob tunicarum crassitiem non plane concidens, tumorem & quasi inflationem mentiat.

Verum insuper si à sanguine ad cor redeunte intumescit vena, cur vinculo ut supra ita quoque infra secandam venam injecto, vena tamen intumescit & dissecta sanguinem fundit? qui sanguis ex inferioribus objecto vinculo non videtur posse venire. Verum enim vero id non semper accidit, sed aliquando tantum, quando certo intervallo brachium ligatur, atque tum eum sanguinem venæ majores, loco intra duas

Neque à ligatura intumescere arterias Galen. 5. Meth. c. 7.

Sed duabus ligaturis intumescere quoque venas, quare?

duas ligaturas medio, è minoribus venis accipiunt, quæ minores venæ eum è minoribus habent arteriis, quæ anastomosi minoribus venis junguntur. Revera autem illum sanguinem qui intra duras ligaturas effluit, anastomosi ex arteriis venire, id indicio est, quod is majori impetu & calidior effluat, ac facilius citiusque ad ejus effluxum lipothymia sequatur. Atque hac ligatura uti soleo, ubi spirituosum fermentemque sanguinem esse in vitio indicia habeo, jubeoque Chirurgum illas anastomoses ligatura querere: supra enim anastomosin injecta sistit sanguinis motum, infra vero non remoratur eum, sed calidior sanguis ad ægri tactum exilit.

*Quare in
venasectione
luxetur
ligatura?*

Seçta vena sanguineque effluente quando sanguis minus copiose quam antea, aut ab initio non satis confertim fluit, ligaturam laxamus, quo sanguis uberius effluat. Laxari autem non videtur ligatura quo sanguis per venas ab hepate veniat. Etiam si enim nihil aut minimum sanguinis supra ligaturam, imo fovea aliqua in vena appareat, promoveri tamen laxatione vinculi sanguinis effluxus videbitur, qui ex inani vena non potest venisse. Verum potest laxato vinculo melius sanguis per arterias descendere, & ex iis venas intrare; quod arteriæ à ligatura compressæ, laxatione vinculi liberiores evadant. Arterias autem ligato brachio sæpe non satis liberas ligati testabuntur, quia arteriæ sæpe pulsus ad ligaturam præsentiscunt, quem sensum compressa adfert arteria ubi ad carnem allidit. Et Medicus si exploret, sæpe minorem pulsus in ligato brachio quam in libero perferent. Testarique possum, me aliquoties, cum vinculum laxaretur, digitum carpo applicuisse, & animadvertisse, ubi à laxatione vinculi sanguis copiosior efflueret, pulsus factum esse majorem.

Quare copiosus educi sanguis possit?

At si is sanguis qui seçta vena effluit, ex arteriis in venas veniat, quomodo is potest copiosus educi? omnes enim arteriæ pulsant æqualiter, quare & videntur eadem mensura sanguinem venis largiri: si autem reliquæ arteriæ tantum suis venis, quantum arteriæ brachii tribuunt & educitur, an non cito cor omni sanguine destitueretur? nullum certe periculum est: tam cito enim diximus sanguinem ad cor venire, quam ab eo pellitur.

Non arbitrer tamen sanguinem æqualiter omnes venas intrare, etiam si æqualiter arteriæ pulsare videantur: in locum enim vacuum facilius fluit, celeriusque omnis liquor, in quo nihil est, quod adigere debet & propellere. Et insuper hic ab evacuatis venis sanguis, magis quam à repletis trahitur.

Et copiosior

E vena autem seçta cubiti copiosior sanguis, quam è manu

nu fluit, quod omnis ille sanguis qui per omnes anastomoses cubiti manusque ad venas venit, per venas cubiti debeat redire; per manus autem venas parcius, & is tantum qui per anastomoses manus venit.

E vulnerata quidem arteria sanguis continuo effluit et- iam si non ligetur. Verum id accidit quod sanguis per arte- rias vehementius, quam per venas feratur: qua vehementia arteriam replet, tunicam attollit & distendit, & ea si aperta sit, necessario impetu elabatur.

E secta vena ubi satis sanguinis effluxit, eum sistimus sub- lato vinculo, quod via pristina jam libera iterum queat san- guis deferri. Sin vero accidat ut collecto circa ligaturam sanguini nimis copioso, venæ celerem nequeant transitum largiri; aut ita vulnus amplum inflictum sit, ut illac qua conclusus antea deferebatur sanguis, jam recta queat elabi, nonnunquam laxato vinculo sanguis rivulose effertur.

Quem ut sistant plane nostri Chirurghi hodie non raro, paulo infra vulnus venam comprimunt atque ita sanguinem sistunt; ne si supra vulnus comprimant, statim in vulnere retentus sanguis concreascet & venæ consolidationem remo- retur. Hac autem ratione sisti posse sanguinem qui negant, nescio ubi illi debeant fidem mereri, qui in re obvia nobis audent imponere. Cum autem is sanguis inferiori parte compressa sistatur, liquet sane eum ex inferioribus venisse.

Sin vero contingat, non in venæ sectione quidem, sed alio infortunio, venam vulnerari, ut sanguis sisti nequeat, vena transversim discinditur: unde, cum non amplius ut antea tendatur vena, sursum & deorsum discissæ partes in carnem trahuntur, à qua carne comprimuntur occludunturque ve- næ oscula, idque tanto facilius, quod per vicinas venas ten- sas patulasque moveri sanguis his occlusis possit. quare & eam ob causam discissa minori arteria transversim, hæmor- rhagia aut inflammatio non succedit.

Quæ cum ita sint, omnibus arbitror liquere, ea quæ in venæ sectione accidunt, aut comprobare circularem sangui- nis motum; aut ei saltem non refragari.

Sed cum alia quoque nobis objiciantur, excutienda & ea sunt. Et quidem quod sanguinem per venas non ex arteriis, sed proxime ab hepate venire eo comprobant, quod partes quædam sanguinem accipiant, & ab affluxu sanguinis tumo- res patiantur, quæ arterias non habent, inter quas pleuram numerant. Verum non sequitur si partes arterias non ha- bent, earum venas sanguinem ab hepate, non vero alibi ab arteriis accepisse, ut enim diximus sanguinem ex arteriis

Quare ex

arteria

vulnerata

non ligata

effluit.

Laxata li-

gatura san-

guis sisti-

tur, non-

numquam

fluit, &

quare?

tem infe-

rius im-

posito ve-

neæ

discissa

quoque per

medium

vena, &

quare?

Sanguinem

partes nul-

la per ve-

nas acci-

piunt, he-

pate exce-

pto.

mesen-

mesentericis cœliacisque venas mesentericas splenicisque intrare, per quas in hepar ferantur: ita & aliæ venæ accipere sanguinem ab arteriis possent, quem in partem ab arteriis remotiorem possent deferre. Nulla tamen corporis pars iusta molis est, in qua Anatomici conspicuas arterias non & vere agnoscant. Et infinite adhuc illos latuere, quod minime arteriæ per carnes dispersæ unicam tantum tunicam ut venæ habeant. Imo in ipso hepate, tot rami arteriæ cœliacæ sunt, quot sunt rami venæ portæ, & totidem quoque sunt rami ductus cholidochi, quæ omnia hætenus ab Anatomicis pro venis portæ habitæ sunt, quod communi tunica tria illa vasorum genera in hepate includantur. Saltem nemo pleuræ arterias denegabit qui in vivi animalis thoracem unquam vidit aperiri; solet enim dum disseccatur is, è pleuræ arteriis sanguis exilire.

*Brachium
quare ali-
quando in
immensam
molem, ali-
quando non
intumescat?*

Porro probant ex arteriis sanguinem venas non intrare, quod ligato brachio ita tamen ut pullent arteriæ, infra ligaturam brachium in immensam molem non distendatur; in eam autem molem videtur distendi debere, si ob ligaturam nihil ad majores venas possit refuere, & singulis constrictionibus aliquid in venas inferiores arteriæ propellant: quales arteriæ constrictiones plures una hora quam ter mille obcuntur. Verum enimvero fieri potest in illam molem brachium ligatum non intumescere; quod venæ prorsus non sint occlusæ, & sub ligatura per aliquos cuniculos latebrasve sanguis ad majores venas possit remeare: ut fascia repellente constrictam admodum partem ad plures menses annosve nutriri tamen à transfluente sanguine videmus, fieri quoque potest tam parum sanguinis per arterias ligati brachii impelli, quod non nisi longiori tempore id admodum queat distendere, is enim tantum impellitur sanguis, distentis à plenitudine venis, qui in arteriis à ligatura usque ad manum est: qui enim supra ligaturam est per anastomoses liberas melius potest venas intrare, imo fieri posset cum distentæ venæ non amplius sanguinem in se pelli ab arteriis permittant, sisti arteriarum pulsum, aut sanguinem sursum regurgitare, & per anastomoses supra ligaturam venas intrare: quale quid nos in Anate vidisse retulimus. Nisi aliquid horum eveniat, à ligatura intumescet prorsus brachium, & calidi innati à copia impulsu sanguinis suffocatio sequetur. Sæpe enim mihi aliisque supra carpum brachium ligavi, & vidi venas semper distendi, intumescere aliquantulum carnem & rubere, Arterias sæpissime, non tamen semper, sensum minorem pulsum edidisse, imo & aliquando intermisisse; mox li-

gata

gatae manus rubrum colorem in lividum mutatum esse; quare illico ligaturam dissolvi, exterritus hoc exemplo Rustico cuidam vulnerato in brachio interno circa cubitum, cum pagi Chirurgus sistere sanguinem non posset, brachium circa vulnus arctissimo vinculo constrinxit, unde secuta est ingens inflammatio inferioris brachii, & is tumor, ut pro digitorum nodis altae foveae conspicerentur, intraque octo-decim horas inferioris brachii gangraena & sphacelus. Quod Ewaldio Screvelio maximo medico, & me praesente, ab Expertissimo Chirurgo Christiano Regio fuit amputatum.

Obijciunt praeterea, si venosus sanguis ex arteriis venit, quomodo arteriosus sanguis plurimum potest à venoso differre? verum sciendum est eum minus à venoso discrepare quam plerique arbitrantur, qui ex impetu exilientis arteriosi sanguinis copiam in eo spirituum, & summam raritatem colligunt: cum is saltus ab impetu veniat quo cor sanguinem per arterias propellit. Ultra ligaturam quippe aperta arteria sanguis tantum guttatim emittitur. Ea autem quae inter hos est differentia, potest & debet à majori minorive calore & spirituum copia provenire, prout magis minusve à foco & corde est remotus, multum enim differt sanguis prope cor ab eo qui in minimis arteriis invenitur, quem possis difficulter ab eo qui in minimis venis est distinguere. Et minores venae rariorem calidioremque sanguinem quam majores habent: quod unusquisque facile in venae sectione pedis manusque potest experiri. Immo si duplici ligatura venae sectio, ut jam diximus, instituatur, calidior quam simplici exhibit.

*Quomodo
& quare
venosus
sanguis ab
arterioso
differt?*

E minoribus autem venis ad majores sanguinem non ire, probare menstruis conantur, quae illorum judicio integro mense in venis circa uterum colliguntur; & si ab utero in caput ferantur, ea venam cavam & cor putant non transire. Verum communis & vera opinio est, circa tempus consueti effluxus, menstrua demum ad uterum moveri, à quo humorum motu lumborum laterisque dolores eo tempore fere oriuntur. Et compertum habeo, si circa tempus menstrui fluxus cordis arteriarumque pulsus major fieri possit, menstrua melius promoveri, quod per arterias vehementius sanguis in uterum pellatur. Potest tamen contingere, menstrua colligi, & ea obstructionem in utero facere, neque tum ad majores venas impedito eo motu sanguinem redire: verum id praeter naturam est.

*Menstrua
circa ute-
rum quo-
modo colli-
gantur?*

Ubi autem menstrua ex utero in caput feruntur incommoda non est via, per venam cavam, cor & aortae arteriae raram ascendentem. Et revera ea per cor ire, videntur palpita-

*Quomodo
ex utero fer-
rantur in
caput?*

pirationes levesque lipothymix indicare, quæ suppressa solent menstrua comitari.

*Quomodo
noxii hu-
mores cor
transse-
ntes, non
magna in-
commoda
adferant.*

6. loc. aff.

c. 7.

4. aph.

coacar. l. 6.

sect. 2.

Anat. l. 9.

cap. 11.

quæst. 12.

Objectiones

adversus

circum-

stantias.

Nihil im-

pedit quo

minus se-

miniucia

sanguinis e

corde pella-

latur.

Sed an non videri debet periculosum futurum, si omnis qui in corpore nostro pravus humor semper cor penetrare & transire debeat. Verum sciendum est, ita corpus nostrum conditum, ut nobis sanis sit commodissimum, non ut nobis ægotantibus. Deinde & humor qui ab obstructione putrescit & pessimus est, huc non venit, quod obstructa via impediatur. Neque cor ita imbecillum est, ut ab humore pravo, qui longas ibi moras non trahit, statim corrumpatur. observant enim magni illi viri *Galenus, Hollerius, Laurentius* pus empiricorum aliosque acres & fœtidos humores citice, & sine gravibus symptomatibus, per sinistram cordis ventriculū transire. Et id non raro quoque in commodum ægri accidit, quibus pravus ille humor, per cor transiens, cordis vi sæpe domatur.

Cætera quæ obijciunt hujus morus causas tantum spectant, aut quasdam *circumstantias*, in quibus solet liberior esse dissensus. Videamus tamen ea breviter, an aliquod pondus habeant, quo nostram sententiam queant onerare.

Sanguinem asserunt singulis constrictionibus nec semiunciis, nec drachmis, nec scrupulis ex humano corde propelli, tribus de causis: primo quod sanguis is nimis spirituosus sit. Verum jam ostendimus minus eum esse spirituosum quam vulgo solent arbitrari. Secundo quod valvulæ cordis exiles tantum rimas agant, moxque iterum occludantur. Quod experientiæ quoque non consentit: resecta enim arteria à corde magni satis sanguinis radii è corde emittuntur. Tertio quod arteriæ nimis plenæ sint quam quæ sanguinis queant semiunciam, drachmam, aut scrupulum admittere. Verum id nimis inconsiderate est assertum; nam constringente se corde omnes totius corporis arteriæ dilatantur, idque undique, ut non raro tactu deprehendi, dum nudatam arteriam digitis continerem. Quis jam dicat omnes totius corporis arterias dilatatas, præter eum quem habuerunt sanguinem, insuper ejus scrupulum, drachmam, imo semiunc. non admittere?

In factu

quoque ni-

hil impedit

Sanguinis

motum in

orbem esse.

Negant quoque in fœtu è vena cava per vasa cordis unita sanguinem arteriam aortam intrare, indeq; ex arteriis umbilicalibus ingredi venam umbilicalem, & per eam ad cor remeare: quod insigne secuturum absurdum putent, unicam venam sanguinem maternum vehere, & simul tantum sanguinis quantum duæ advexerant umbilicales arteriæ. Quasi vero nunquam flumina uno alveo tantum aquæ transmittant,

tant, quantum plura potuerunt brachia advehere. Et hic vena umbilicalis ubi unica est, multo major est arteria. Sepe unica tantum est arteria, aut geminae sunt venae; ut venis arteriae quam proxime respondeant. *In brutis*, inquit Fallopius insignis Anatomicus, *geminae semper sunt venae atque geminae arteriae, quae usque ad umbilicum cum uracho perveniunt, venaeque statim antequam abdomen ingrediantur in unam coeunt, quae ad portas jecinoris pertingit, ut in ovibus, capris ac vaccis omnibus quarum foetus secui, observavi. Sin autem de humano foetu loquuntur, assero me aliquando geminas arterias umbilicales non vidisse, sed unam tantum arteriam atque unicam venam, una cum uracho ad umbilicum ascendentes: ubi iterum arteria in duas scinditur, quae postea ad ossis sacri latera permeant.* Revera autem illam vasorum cordis unionem in foetu factam esse, ut illac sanguis è vena cava in aortam transeat, videntur nobis animalia aquatica, Anas, Anser, aliaeque docete; quae quod sepe sub aqua respirare & dilatare pulmonem nequeant, quare nec illac sanguinem admittere, eas vasorum cordis uniones adulta quoque habent. quod & notat *Harvejus* cap. 6.

Negant quoque frequentes venarum arteriarumque anastomoses, alias è fluxione congestionemque tumores non orituros. Quasi vero flumina etiam si ostium habeant, si plus aquae deferant, vicinos agros nequeant inundare; nec hic sanguis extravasatus, quod concreseat, potest facile in vasa redire. Fiunt praeterea tumores quod obstructione saepe ulteriori sanguini ocludatur transitus; quodque calore doloreque in carnem trahatur.

Illi autem tumores huic sanguinis motui in orbem potius favere videntur, quod à frigore, contrusione, omni que viae constrictione accidant, quodque aqua vitae, similive medicamento sepe humor in tumoribus redditus fluxilior, hoc motu sanguinis in venas rapiatur; tumorque citius, quam repulsione, revulsione, concoctione, dissipatione vel plane percureretur.

De *Causa motus sanguinis* aliunde quoque nobis difficultates obveniunt; & cum negaverimus ita subito vehementerque ex naturae instituto rarefieri in corde sanguinem, qui facilius movere cor, totius corporis sanguinem, & ipsas arterias possit: viri magni hujus opinionis principes, eo se id probaturos arbitrantur, quod dum frigemus, omnes venae nostri corporis contrahantur & vix appareant, cum autem postea incalescimus adeo turgescant, ut sanguis in iis contentus decuplo plus spatii quam prius occupare videatur.

Ecc

Equi-

Equidem ego ita existimo atque ita animum induco meum, cum tam sedulo jam aliquoties hanc sanguinis rarefactionem persuadere publice sint conati; & vivorum animalium corda dissecuerint, inspexerint, nec ausi hactenus fuerint asserere eam se rarefactionem sanguinis in corde sensisse; eos revera talem sanguinis rarefactionem in corde animadvertere non potuisse, qualem hîc volunt constituisse: qualem revera non esse, ei, qui parum vivorum sectioni assuetus est, videre per quam promptum fuerit. Quamobrem licet probari posset eam rarefactionem sanguinis quandoque præter naturam contingere, non tamen causa motus secundum naturam cordis, sanguinis, arteriarumque in eam ideo deberet conferri.

Sed nec satis certum videtur in eo quod proponunt exemplo ad rarefactionem sanguinem decuplo plus spatii quam antea occupare. Etenim an non facile exurgere illo exteriorum venarum tumor posset, quod cum antea præ frigore constrictæ venæ angustatæque forent, non multum recipere sanguinis possent, quare nec tumere: quo frigore postea, simul & constrictione sublata, laxatisque à calore venis, multum illæ admittere sanguinis possent, qui in eas à corde pellitur, atque ita tumidæ apparere. Hanc non minimam tumoris venarum causam esse, videntur nos febricantes docere, qui si brachia exponant frigori, haud ita tumescentes venas habent, sin vero stragulis arceant frigus, valde tumidas, qui tumor si à rarefactione esset, utrobique propemodum esse æqualis deberet, cum in his rarefactio sanguinis ab interna causa proficiscatur.

Nec id quoque esse indubitatum arbitramur, ubi frigemus primo, & postea incalescimus, ut venas exteriores ita & interiores tumere. Ingens enim suspicio est, partes interiores minus quam antea coloris sanguinisque possidere, quod à quo antea non ladebantur frigore, ubi ita incalimus assumpto frigido potu mirum in modum debilitentur. Sane ut interiores venæ sæpe sanguinis penarium sunt, in quo sanguis in futuros usus recondatur, ita & id penarium esse exteriores venæ possunt, atque tum turgentes apparere.

Sed constrictione cordis supra infraque in arterias pelli.

Hi ipsi cum animadverterent quoque id illorum sententia vehementer officere, quod in constrictione manifesto effundi sanguinem asseruimus, non illam esse cordis constrictionem, sed esse dilatationem asseruerunt: nos vero specie quadam delusos esse, quod in nostra constrictione, in basi tantum constrictione sit, ac circa mucronem dilatatio; quod commentum cum viderent alii subsistere non posse, ne & illi causam

causam deferere viderentur, excogitarunt in cavitate quidem integri ventriculi constrictionem esse, sed in foveis meatibusque laterum, præsertim in canibus, esse extensionem quandam & veram dilatationem.

Sed certe non conspicitur superior pars cordis dilatari, quando inferior constringitur; nisi ubi, moriente animali, ab impulsu sanguinis motus cordis undosus existit. Nec alia dilatatio constrictione fovearum, alia cavitatis ventriculorum, potest observari. Ast tantum progressivus quidam motus in majori corde animadvertitur, quod dilatatio constrictione evidenter à basi incipiat, & sensim ad mucronem pergat; quamvis uno momento ferme pergatur. Et quo mihi plane constaret, interius quoque cor undiquaque constringi, præciso utriusque ventriculi mucrone, vivo canis cuniculique cordi pollicem indicemque digitum inferui, sensique manifesto cordis latera digitos ad cordis septum æque in medio mucrone, ac basi premere; foveas autem, ad sensum in majoribus animalibus, non majores, sed minores fieri. Mox autem remittente constrictione latera cordis supra, infra, & in medio laxari, foveasque evidenter majores persentiri. In septo autem ipso nullus motus sentitur, nisi quod à spiritibus, quærentibus exitum, quædam quasi palpitatio videatur. Ubi vero motus sinistri ventriculi in moribundis desinit, septum dextri ventriculi motum sequitur.

In dilatatione tamen cordis, non in constrictione naturaliter effundi sanguinem volunt, quod in vivorum vulnerato corde in dilatatione exire sanguis conspiciatur. Et hoc quandoque verum est; sed quod inde colligunt sensus ipsi attestantur verum non esse. Vel enim canis aliudve animal, capite thoraceque elevato, demisso ventre, constituitur, atque ita cordi infligitur vulnus: in eo jam, cum sanguis qui per venam cavam, arteriamque venosam cor intrat, altior quovis cordis vulnere sit, is simul ac intravit, quod in dilatationis initio est, non pulsu cordis, sed solummodo sua gravitate effluit, quare nec ulla vi, ut in arteriarum contingit pulsu, in distans propellitur. Sin vero, ut fieri æquum est, canis supinus, capite ventreq; in eodem collocetur plano, & vulneratum cor digitis erigatur, quâdiu cordi aliquod robur adest, sanguinem quem accepit citius constrictione in distans eicit, quam cor totum repletum sit aut dilatatum: ubi vero cordis deficit robur, & nō nisi raro, aut prorsus non, se constringit, quia robustiores sunt auriculæ, & eo tempore etiamnum pulsant, quo cor plane defecit, sanguis ab auriculis propulsus intrat cor, accumulatur, & quando majori copia ingressus

Non in dilatatione, etiam si quandoque in ea sanguis exeat.

est, quam quæ corde contineri queat, exit è vulnere, non impetu quodam, ut ad pulsum efficiendum foret necesse, sed leni motu & stillando. Ut sensus nullum validum motum sanguinis nisi in cordis constrictione queat animadvertere.

Et à singulis venarum partibus pulsum ad eum redire.

Per venas autem sanguinem ad cor tantum volunt redire, quod impulsus ad partes sanguis, ut aqua cornu infusa, regurgitet sursum, atque ita ad cor referatur. Verum jam indicia dedi, aut trahi, aut à singulis venarum partibus sanguinem propelli: præter quæ & hæc habeo; quod exempto è corpore corde, motus tamen sanguinis, isque satis celer, in venis videatur. Et si vena ulla, etiam lactea, duobus locis ligetur, laxata ea sola ligatura quæ cordi propinquior est dum partes adhuc calent, semper chylus ad hepar, sanguis ad cor movebitur: qui nec à corde per arterias, nec ab intestinis per lacteas, objecto potuit obice propelli: nec fluiditate sua potius sursum quam deorsum moveretur.

Hoc motu venæ & Arteria possunt nutrirî,

Sed absolvamus reliqua quæ priores objiciunt: putant si ita rapide sanguis moveretur, venas & arterias commode non posse nutrirî. At canis sitim sedare potest è Nilo bibens & fugiens; hic autem partes ad rivum morantur: & quidquid è sanguine traxere in suam substantiam recondunt, ne à transfluxu humoris eluatur.

Et Sanguis melius ventilari.

Sanguini quoque non putant hunc motum plane utilem esse. Eum enim, quia calore nativo abundat, respiratione, transpirationeque ventilatur, satis posse conservari. Amplius tamen eum ventilari certum est, si celeriter moveatur, minimæque etiam ejus particulæ eò motu agitentur, ita lacustris aqua, etiam si moveatur leniter, & superna parte flabellum admittat, corrumpitur tamen, interea dum undique agitata flumina manere saluberrimaprehenduntur.

Hæc ea sunt, præstantissime *Bartholine*, quæ prioribus adjicienda esse videbantur, quo satisfaceret illis, qui novam recipere opinionem non possunt, in qua obscuritatis aliquid aut difficultatis observant: quibus sæpe nec animus nec tempus est, penitus in eam exactiusque inquirendi. Verum meo judicio neganda non sunt manifesta, etiam si solvere non possemus quæ sunt difficilia.

De verbis autem cavillive cum nemine unquam libuit altercari. Plurima egregiaque sunt, quibus illud impendi tempus possit, quod & sæpe non suppetit necessariis. Quærenti quoque derisori scientiam ipsa sese abscondit, sed studio veritatis obviam venit & se præbet conspiciendam. Vale Doctissime *Bartholine*, ex Academia Batava Leydensi, Kalend. Decembris. clb lxxl.

V. C.

D. GERARDO L. BLASIO TH. BARTHOLINUS

S. D.

Cum ad umbilicum perducta sit editio Anatomes meæ Novæ, Tua cura procurata, ne vacaret pagella, placuit subnectere figuram Cl. nostri Nic. Stenonii, Anatomici Regii, amicæ mihi communicatam, pro Circulatione sanguinis, cui universa Anatome Nova nititur, illustranda. Tu, si ita visum, operi adde, & me ama, Tibi hoc nomine, ut alia taceam, addicissimum.

FIGURÆ EXPLICATIO.

Receptaculi sanguinis circulus per ventriculorum cordis separationem ab invicem manifestior redditus.

Receptaculi sanguinei Truncus communis primus compositus ex

- A. Cordis auricula dextra,
- B. Cordis ventriculo dextro,
- C. Trunco arteriæ pulmonalis.

Receptaculi sanguinei Angustia primæ, ubi

DDD. Rami sensim magis magisque divisi.

EEE. Ipsæ angustia visum fugientes, quæ substantiam pulmonum magna ex parte constituunt, & communicant cum radicibus vasis excretorii pulmonalis, Q, quod asperam arteriam vocant.

FFF. Radices sensim confluentes in truncum.

Eee 3

Rece-

Receptaculi sanguini Truncus communis secundus compositus ex

G. Cordis auricula sinistra,

H. Cordis ventriculo sinistro,

I. Trunco arteriæ versus totum corpus sursum deorsumque distribuenda,

Receptaculi sanguinei Angustia secunda, ubi

K K K. Rami sensim magis magisque divisi,

L L L. Ipse angustia visum fugientes, quæ substantiam renum, lienis, &c. magna ex parte constituunt, & communicant cum radicibus vasorum excretoriorum renalium

R R, quot Ureteres vocant, aliorumque viscerum.

M M M. Radices confluentes ex renibus cum reliquarum partium radicibus ad componendum truncum communem primum.

N N. Radices ex liene & aliis partibus confluentes in truncum receptaculi sanguinei tertium, qui non est communis omnibus partibus, quem portam appellant.


Receptaculi sanguinei Truncus tertius


O, quem portam vocant, qui non est communis omnibus partibus.

Receptaculi sanguinei Angustia tertia

P P P, quæ magna ex parte substantiam hepatis componunt, cum quibus communicant radices vasorum biliariorum, quæ angustie inde confluunt in truncum communem primum.

F I N I S.





INDEX

EORUM PROPE OMNIUM,

Quæ in hisce Institutionibus Anatomicis
enucleantur & explicantur.

A.		Anatome cur ab imo ventre initium su-	13
A	bomasus, ejusque usus.	mat?	13
	Acetabula ossium quid.	Anima sedes an orificium Ventriculi su-	68
	Acromion.	perius.	68
	Actio quid. 2. quotuplex. ibid.	Antagonista quid.	41
Adeps quid.	24	Anthelix.	522
Aër qui vis homini haud amicus. 429. ubi		Anthropologia quid. 1. ejus partes.	1
in pulmone contineatur. 430. an Cor in-		Antiaides.	444
tret.	405	Anus, ejusque Musculi, &c.	97
Aër ingenuus.	526	Anus Cerebri, ejusque usus.	493
Aërem ponderandi modi varii.	423	Apella qui sint.	239
Aër elater.	427	Apophysis. 695. usus.	ibid.
Alantoi membrana.	308	Appendix ossis.	696
Ala muliebres. 293. nasc.	527	Aqua pericardii. vide Humor.	
Albadara quale officulum.	757	Aquaticulus.	13
Alvearium.	522	Aqueductus auris.	714
Alveoli.	720	Arteria quid. 646. Ejus constitutio &	
Alveus ampullascens.	615	usus. 647. cur pulset.	647
Ammos membrana. 301. in ea contentus		Arteria magna. 406. ejus ortus, & usus.	ibid.
Humor. 302. utriusque Usus. ibid. an		ibid. Valvula.	ibid.
in homine adsit. 309. an in animalibus		Arteria bronchialis. 419. ejus distributio	
aliis.	ibid.	& usus.	ibid.
Amoris dulcedo.	291	Aorta. vide Magna.	
Amygdala.	444	Axillaris.	652
Anastomosis vasorum Cordis foetus. 407.		Carotid.	652
ejus usus. 407. vasorum Epigastricorum		Cervicalis.	652
& mammariarum an & qualis detur.		Cœliaca.	655
55. vasorum hepatis qualis detur, &		Coronaria Cordis.	651
ob quas Causas. 134. 135. lymphatico-		Cruialis.	658
rum cum Lactis. 136. cum hepatis va-		Hepatica, idem quod vena porta.	646
sis. ibid. vasorum præparantium in			
muliere. 247. vasorum lienis. 161. va-		Humeraria.	652
forum Uteri. 266. vasorum placenta-		Magna.	651
terina. 360. vasorum umbilicalium.		Mammaria.	652
	314	Mesenterica.	655
Anastomoses parallela, cruciata, obliqua,		Phrenica.	655
mixta.	592	Poplitea.	658
Anastomoses vasorum non impediunt quo		Pulmonaria.	404
minus oriuntur tumores.	801	Scapularis.	652
Anatomia quid.	1	Soporalis.	652
Anatomes subjectum. 1. cur corpus hu-		Spinalis.	658
manum præcipue. 1. cur etiam corpora		Splenica.	655
brutorum.	1	Subclavia.	652
Anatome physica & medica.	1	Suralis.	658

Ecc 5

Tha-

INDEX

<i>Thoracica.</i>	652
<i>Venosa.</i> 404. <i>cur sic dicta.</i>	ibid.
<i>ejus ortus & distributio.</i>	405
<i>usus.</i>	ibid.
<i>Arteria Coronaria, eorumque usus.</i>	357
<i>Cystica.</i>	655
<i>Emulgentes.</i>	656
<i>Epigastrica.</i>	658
<i>Gastrica.</i>	655
<i>Hypogastrica.</i>	658
<i>Iliaca.</i>	658
<i>Intercostales.</i>	653
<i>Lumbales.</i>	656
<i>Mesaraica.</i>	655
<i>Muscula.</i>	656
<i>Pudenda.</i>	658
<i>Sacra.</i>	658
<i>Spermatica.</i>	656
<i>Umbilicales.</i>	372. 658
<i>Arteria Hepati quem usum habeant.</i>	131.
<i>Earum distributio.</i>	ibid.
<i>Arteria an simul cum Corde dilatentur.</i>	
649. <i>an sentiant.</i> 650. <i>Earum substantia.</i>	650
<i>Arteria aspera, vide Trachea.</i>	
<i>Arteriotomia an & quomodo instituenda.</i>	
650.	
<i>Arthrodia quid.</i>	693
<i>Articulus quid, & quotuplex.</i>	692. 693
<i>Articulatio quid & quotuplex.</i>	692. 693
<i>Atlas.</i> 735. <i>cur spina careat.</i>	ibid.
<i>Auditus quomodo fiat.</i>	715
<i>Auditus gravis Causa.</i>	625
<i>Auricula quid</i> 521. <i>earum partes.</i>	522.
<i>cur pauci moveantur.</i>	ibid.
<i>Auricula Cordis.</i>	386
<i>Auris interna, ejusque partes.</i>	525

B.

<i>Barba usus.</i>	455
<i>Bilis an ex vesica fellis in hepate moveatur.</i>	153
<i>Bili usus.</i>	151
<i>Brachiales.</i>	555
<i>Bronchia an cum vasis sanguineis communicationem habeant.</i>	421
<i>Brutorum dissectio quid utilitatis Anatomico adferat.</i> 1. <i>quid viventium.</i>	2
<i>Bucca.</i>	532
<i>Buccula.</i>	532

C.

<i>Calculus renum quomodo producat vomitum.</i>	185
<i>Callicreas, vide Pancreas.</i>	
<i>Calva.</i> 451. 698. <i>ejus partes.</i>	ibid.
<i>Calvaria.</i>	698
<i>Calx.</i>	753
<i>Calcaneum.</i>	753
<i>Calcar pedis.</i>	753
<i>Calvitiei causa.</i> 453. <i>cur ea synciput tantum afficiatur.</i>	ibid.
<i>Canalis biliaris, vide Porus.</i>	
<i>Canales urinarii.</i>	287
<i>Canna major & minor.</i>	752
<i>Canina membrana.</i>	310
<i>Canitiei Causa.</i> 457. <i>cur citius canescant, qui capite tecto incedunt.</i> 457. <i>cur citius circa tempora homines canescant.</i>	457
<i>Capreolus.</i>	522
<i>Capillos copiosiores cur homo habeat.</i>	454
<i>Capsula hepatis, f. Glissonii.</i>	136
<i>Capsula atrabilaria, earumque historia.</i>	
118. <i>usus.</i> 192. <i>qua via humor ex illis ad renes feratur.</i> 193. <i>Cavitas ejusque usus.</i>	190
<i>Capsule seminales.</i>	230
<i>Caput quid.</i> 451. <i>cur in summo positum.</i>	ibid.
<i>Caro quotuplex.</i> 5. <i>viscerosa, musculo- membranosa, glandulosa.</i>	ibid.
<i>Caro quadrata.</i>	575
<i>Carpus.</i>	555
<i>Cartilago Annularis f. Cricoides.</i>	443
<i>Ensculata.</i>	744
<i>Ensisformis.</i>	744
<i>Epiglottalis.</i>	744
<i>Epiglottis.</i> 443. <i>an hac musculum habeat.</i>	ibid. & 444
<i>Guttalis f. arytenoides.</i>	ibid.
<i>Mucronata.</i>	744
<i>Scutiformis f. thyroidea.</i>	442. 744
<i>Cartilaginee, quid, & quot.</i> 696. <i>Earum materia, usus, &c.</i>	ibid.
<i>Cartilaginee Narium.</i>	530
<i>Caruncula oculi innominata.</i>	512
<i>Lachrymalis.</i> 509. <i>ejus usus.</i>	ibid.
<i>Caruncula cuticulares.</i> 293. <i>myrtiformes.</i>	
290 <i>papillares renum.</i>	181
<i>Castratorum mutatio unde.</i>	222
<i>Cerebrum proprie quid</i> 467. <i>quomodo a medulla differat.</i> ibid. <i>ejus magnitudo singularis in homine.</i> 468. <i>Tubera.</i>	468.

RERUM ET VERBORUM.

468. cur anfractus habeat. ibid. ejus magnitudo singularis in homine. 468.	Circulatio spirituum animalium an de-	665
Tubera 468. cur anfractus habeat. ibid. ejus substantia 472. an nil nisi fibrilla. ibid. Venas habet arteriasque. 474. non nervos aut lymphaductus. 475. ejus Motus. 475. Usus. 476	Circumcisio mulierum Ethiopicarum. 293	
Cerebro percusso cur Ventriculus patiatur. 76	Clavicula. 745	
Cerebri emunctoria. 524. excrementa 487	Clitorus, ejusque descriptio. 291	
Cerebri Motus qualis, & à qua Causa. 459.	Cochlea auris. 711. 714	
Cerebellum, ejusque descriptio. 484. processus vermiformes. ibid. non est diversa à medulla oblongata. 485. Usus processuum, & Cerebelli. 485	Coitus. 245. in Coitu sanguinis fluxus unde. 285	
Cervix ossis 695	Colus. 235	
Chirurgia infusoria. 589	Columna. 537. nass. 527	
Chorda quid veteribus. 80. medullares quid & unde. 483	Collum ejusque descriptio. 450	
Chorion membrana. 303. ejus Usus. 304 humor in eo qualis & cujus usus. ibid.	Conceptus quid sit. 245. quomodo fiat. 270. an sine utero fieri possit. 269	
Christi ex latere qui fluxit humor unde. 352	Concha auris. 522. 711	
Chylus per quas vias ex ventriculo deferatur in cor. 765. 782. an ex Ventriculo lienum accedat per venas gastricas, & Epiploicas, & vas breve 74. An ventriculi ex spongiosa substantia Venarum osculi insilietur. 75. an ex ventriculo per poros exeat. 72. an ab hepate trahatur an verò eo pellatur. 140	Confricatrices quæ. 291	
Chyli motus per vasa lactea quam habeat Causam 789. pulsus n. & tractionem. ibid.	Constrictio Cordis quam habeat Causam. 784	
Chyli Receptaculum, ejusque Historia 140. inventor ibid. cur in homine glandulosum 105. cur profundior ejus situs. ibid. ejus usus varius. 112	Cor ejusque Historia. 353. quare in medio 354. an in sinistro latere. 354. cur ejus apex sinister sum inclinet. 354. in quibus majus reperiatur. 355. An timidi cor magnum habeant, &c. 355. Cur ejus substantia crassa adeo. 355. an pinguedine polleat. 356. an Nervos habeat & quem in usum. 360. An sit musculus, & qualis. ibid. hispidum quid significet. 363 sanguinem conficit, & perficit. 365. Ejus Calor unde. 364. Est princeps sanguificationis organon. 367. quibus partibus sanguinem elaboret. 368	
Chyli stagnum, penu, vesica. vide Chyli Receptaculum.	Cordis forma qualis in systole. 377. in perisystole. ibid. in diastole. 378	
Chylus an nutriatur fetus. 264	Ejus Motus quam habeat Causam 371	
Chylus pinguedo inest. 35	Flammula quid. 384	
Chylificationis Requisita, Causa, & Modus. 78. 79 ratio. 763	Ignis non lucens. 381	
Cibus quem situm in Ventriculo occupet. 763. quo tempore chylicetur. 764	Auricula, earumque descriptio. 386	
Cicatrix quid. 18	Motus. 387	
Cilia quid. 509. eorum usus. ibid.	Ventriculi, thalami, sinus, specus, quid & quot. 392. Columna cornea in iis. 393. Earum usus. ibid.	
Cinctus. 336	Septum. 349. cujus constitutionis. ibid. an poru pradtum. ibid. an sanguis per id transeat. 401. septi motus, & unde. ibid.	
Circulatio sanguinis. vide Sanguis. qualis & à qua causa. 142 in pulmonibus fetus quomodo fiat 411. quomodo sit in pulmone adulti. 420. Ejus usus. 789.	Cordis capsula, involucrem, arcula, camera, panniculus, &c. 349. Ejus lesiones omnes non sunt lethales. 353	
	In Corde p. n. reperta. 393	
	Cornua uteri quæ. 277	
	Corpus callosum Cerebri. 491. pampini-forme. 203. pyramidale. 203. variiforme. 203	
	Corpo-	

I N D E X

<i>Corpora nervosa penū. 240. varicosa, f. variciformia.</i>	223	D.
<i>Corporū pars quid, & quotuplex.</i>	2	
<i>Costa, earumque descriptio 739. cur plures. 742. quot Adam habuerit.</i>	ibid.	
<i>Coryledones quid.</i>	167 303	
<i>Cranium. 698. ejus figura varia.</i>	699.	
<i>substantia ibid. lamina.</i>	700	
<i>cur ex pluribus ossibus constet.</i>	ibid.	
<i>Ejus Usus.</i>	701	
<i>Cranii sutura. 701. coronaliū.</i>	702.	
<i>lambdoidalū. ibid. arcualiū.</i>	ibid.	
<i>prora ibid. Xpsyloides.</i>	ibid.	
<i>puppis ibid. sagittaliū.</i>	705	
<i>membrōsa, squamosa, corticales, temporales ibid. Earum usus.</i>	ibid.	
<i>Crusta vermiculariū intestinorum.</i>	81	
<i>Cergea ventriculi.</i>	72	
<i>Tribrium renū.</i>	186	
<i>Crista galli.</i>	719	
<i>Cubitus.</i>	747	
<i>Cynnus.</i>	287	
<i>Cuticula, ejusque historia. 14. non fit ex semine. ibid. nec ex sanguine. ibid. neque ex excremento alicujus coctio- nis. 15. sed ex vapore oleoso, &c. ibid. etiam in utero generatur. ibid. ejus causa efficiens & calor & frigus. ibid. cur tenuis adeo. 16. cur densa, & quae ejus porositas. ibid. sine ea natū cur miserē adeo vivat. ibid. ex- sanguis cur dicatur. ibid. sanguine non nutritur. ibid. ejus nigredo in Ethio- pibus undē. ibid. duplex inventa. ib. Exuviarum instar quandoque deponi- tur. ibid. an in glande adsit.</i>	17	
<i>Cutis, ejusque historia 17. non est mem- brana simpliciter. ibid. ejus substantia duplex, nervea & carnea. ibid. carnea ex se non est. ibid. Ejus materia non semen & sanguis. Nec caro exsic- cata ibid. aut Vasorum extremitates dilatata, vel nervi molliores.</i>	18	
<i>sed semen. ibid. an ex fibris vasorum & tendinum. ibid. an ex fibris nervo- rum solū. 19. ejus mira crassities. 22. arterias & Nervos possidet. 23. ejus papillae pyramidales.</i>	19	
<i>Deglutitio an actio animalū, an v. na- turalis. 449. quomodo fiat. ibid. cur aliquando solida facilius deglutian- tur, quam liquida. ibid.</i>		
<i>Dentes eorumque historia. 726. quomodo ab aliis ossibus differant. ibid. an sen- tiant. 727. an semper augeantur. ibid. an in utero generentur 727. quando erumpant. 728. cur cum aegritudine. ibid. quando & cur in junioribus ca- dant. ibid. an post casum eorum in pueris novi nascentur extra uterum. ibid. multi an longevitatem denotent. 730. eorum numerus, differentia, usus, &c. 730. 731</i>		
<i>Dentes buccarum.</i>	732	
<i>Canini.</i>	731	
<i>Genuini.</i>	732	
<i>Incisores.</i>	731	
<i>Molares.</i>	732	
<i>Oculares.</i>	731	
<i>Primores.</i>	731	
<i>Sapientia.</i>	732	
<i>Dentium dolores unde.</i>	730	
<i>Dextra cur agilior ferē sit sinistra.</i>	556	
<i>Diaphragma, ejusque historia 335. eo laeso unde delirium. 336. ejus foramina & pori 338. Motus quomodo fiat. 341</i>		
<i>Diaphragma auris.</i>	525	
<i>Cerebri.</i>	492	
<i>Diafole quid. 371. ejus causa.</i>	785	
<i>in Diafole quid fiat.</i>	371	
<i>Diarthrosis quid, & quotuplex.</i>	693	
<i>Digitus pollex, index f. demonstrator, im- pudicus, annularis, auricularis. 556</i>		
<i>Annularis cur sic dictus. ibid.</i>		
<i>Dilatatio cordis quam habeat causam.</i>	785	
<i>Discretorium.</i>	336	
<i>Disseptum.</i>	336	
<i>Dorsum quid.</i>	323	
<i>Ductus chyloferus.</i>	620	
<i>Roriferus.</i>	620	
<i>Ductus communis biliaris. 154. cur obli- quē inferatur in intestinum. 154</i>		
<i>singularis biliaris. 150. hepaticus. 153</i>		
<i>Ductus Virsungianus, vide Pancreas.</i>		
<i>Ductus aquosi, vide Vasa lymphatica.</i>		
<i>Ductus hygrophthalmici f. hygroblephari- ci. 512. lacrymales. 512. lactei tho- racici. 615. eorum inventio, appella- tio,</i>		

RERUM ET VERBORUM.

rio, distributio, usus, &c. 620, 621.
 Lymphatici, vide Vasa. salivales.
 445, 523, 542. urinarii renum. 180
 Dulcedo amoris. 291
 Dyspnœa diuturna Causa. 415

E.

E later aërii. 427
 Enarthrosis quid. 693
 Epididymus. 225. an hic semen elaboretur, & quale. 227
 Epigastrium quid. 13
 Epiphysis. 696. usus. ibid.
 Exuvia cruce, serpentis, &c. earumque Causa. 17

F.

Facies quid. 451. ejus circulus. 532
 Facultas pulsifica an admittenda. 382
 Farciminalis membrana. 308
 Fascia lata. 581. renum. 177
 Femur. 750
 Fenestra auris. 711
 Fermentatio Cibi in Ventriculo an detur, & quomodo fiat. 77. ejus Causa. ibid.
 78
 Fermentitius Stomachi succus cujus naturae. 78
 Fibra motrix quid, & quotuplex. 40
 ejus Caro. ibid. ordo. ibid. Tendo. ibid.
 versus. 41
 Fibra musculorum quid & quotuplex. 36
 &c. earum Ordines & Versus. 37
 Fibra renum. 180
 Fibrille Cartesii quid, & quem usum habeant. 19
 Fibula. 752
 Fistula sacra. 733. quid veteribus. 482
 Fistula spiritalis. 432. urinaria. 238
 Flammula Cordis quid. 384
 Flos virginitatis. 282
 Focile majus & minus. 747-752
 Fodina auris. 714
 Fœmina an gulosiores viris. 73
 Fœtus an respiret. 411
 Fœtus formatio quomodo fiat. 268. extra
 uterum facta. 269
 Fœtus in quibus differat ab adulto. 295
 Folliculus fellis. vide Vesica biliaria.
 Fontanella Cerebri. 707
 Fontanella locus in brachio. 561
 Foss pulsatilis. 707

Fornix Cerebri. 499
 Fossa magna quid. 287
 Frons quid. 504. ejus Musculi. ibid.
 Functio quid. 2
 Funiculus umbilicalis. 316
 Furcula. 744

G.

Galea quid. 303. 698
 Gargareon. 537
 Gemellorum gestatio an signo certo colligi possit. 277
 Generatio in utero quomodo fiat. 268
 Genu. 751
 Gingiva earumque descriptio. 537
 Ginglymus quid. 693
 Glandula pinealis. 496. ejus descriptio & usus. 497
 Glandula pituitaria. 487. ejus usus. ibid.
 Glandularum usus 5. divisio varia. 6
 Glandula buccarum. 536
 Conglomerata & conglobata. 7
 in quibus differant. ibid.
 lumbales lacteae. vide Chyli receptaculum.
 maxillares. 542
 mesenterii quem usum habeant. 99
 100. an in strumarum omnium sedes. 103
 palatina. 537
 pinguedinis. 30
 pororum Cutis. 21
 sublinguales. 550
 Thyroidea. 445. earum usus. ibid.
 Glans penis. 239
 Gomphosis quid. 693
 Gonorrhœa sedes. 234
 Gravis auditus causa. 525
 Gula, ejusque historia. 447. glandula. 447.
 Gurgulio. 557
 Gustus organon. 552

H.

Hamorrhagia narium magna Causa quadam. 462
 Harmonia quid. 693
 Helix. 522
 Hepar, ejusque historia. 123. cur venarum principium dicatur. ibid. an in lobos divisum. 127. an in frigidum, timidum, gulosum, puerum & macilentum majus sit. 50

INDEX

Et cur. ibid. ejus ligamenta. 130.
Vasa 131. hac quomodo in excarni hepate distinguenda. 132. an vasa lactea habeat. 132. an Nervos. 137. ejus capsulas. 136. an trahat Chylum, an vero eo pellatur. 140 Non sanguificare rationibus variis probatur. 143, 144. Non sanguificat solum, sed una cum corde 144. Ejus usus verus. 145
In hepate sanguis & bilis non miscentur. 145
Hepatis manus dicuntur vena mesaraica. 600
Hepar uterinum. 304
Hircus. 522
Humerus. 747
Humeri mucro. 746
Humor acidus chylicationi inserviens unde. 763
Humor in Amnio fœtus contentus unde, & quis ejus usus. 302
Humor fermentitius Stomachi cujus natura. 78
Humor pericardii unde, & quem usum habeat. 350
Humor in Thoracis cavo collectus. 352
Humores oculorum, aqueus, vitreus & crystallinus. 514. quis eorum pars animata. *ibid. usus.* *ibid.*
Hymen ejusque descriptio. 282
Hymene illeſo an conceptio fieri possit. 286
Hypochondrium quid. 13
Hypogastrium. 13

I.

Jecur. vide Hepar.
Ilia quid. 13
Iliaca passio quot modis fieri possit. 89
Incus. 715
Infundibulum Cerebri. 488. ejus usus. *ib.*
Ingluvies quid. 67
Inguina quid. 13
Interſcapulia. 746
Intestina eorumque historia 80. *cur chorde dicantur. ibid. cur gyriu prædita. ibid. cur incrustata. 81. cur tam copiosa vasa habeant. 84. an poros habeant, chylo subtiliori distribuendo aptos. ibid. Tenuia an recte dicantur superiora. 84*
Intestinum Cecum, ejusque historia. 89
cur sic dictum. ib. Vererim quale. 90 ejus Usus. *ibid.*
Colon, ejusque historia. 91. cur sic

dictum. ibid. quem in usum habeat cellulas. ibid. ejus Valvula. 92.

Duodenum, ejusque historia. 85
foramina duo 86. usus. 87
Jejunum, ejusque historia. 88
cur Vacuum. ibid. non deficit in fœminis. *ibid.*
Ileon, ejusque historia. 88
cur volutus dicatur. *ibid.*
Rectum, ejusque historia. 96
Intestinorum Mutus. 82
Iris oculi. 515
Jugula. 745
Juguum. 744

L.

Labia pudendi. 295
Labra ossis. 696
Labyrinthus auris. 714
Lactis materia non est sanguis. 327. sed chylus. 328. deferitur us ad mammas per ductus lacteos. 330. hi à ductu chyliſero. 331. Causa efficiens quæ. 332.
Lac eriam in viris, virginibus & fœminis non gravidis generari potest. 333 cur post natum infantem generetur. 327
Lactea vesica. vide Chyli receptaculum.
Lacteus saccus. vide Chyli receptaculum.
Lactes. 608. Vide Pancreas.
Lactei Thoracici. vide Ductus.
Larynx, ejusque historia. 438
Musculi. 439
Latera quid. 323
Lien ejusque historia. 115. an eximi possit ex corpore. ibid. cur homini magnus. 158. an eo imminuto imminuat corpus. ibid. cur fiscus dictus. ibid. Fibras quales possideat. 159. quis harum usus. 160 ejus Nervi quem usum habeant. 161 cur copiosi adeo 162 ejus actio. 162. an excrementum melancholicum ab hepate recipiat. 162 an sanguificet ut hepar. 163. quarum partium in gratiam sanguificet. 164 an chyli portionem recipiat, & per quas vias. 166 an imosum sanguinem attrahat ad sui nutritionem, &c. 168. an conficiat spiritus in usum abdominis. 169. an pro sinistro Cordis Ventriculo sanguinem conficiat. 169. an sedes anima

RERUM ET VERBORUM.

<i>ma sensitiva.</i> 169. an humorem acidum conferat & quem in usum.	170
<i>Lienis usus vari.</i> 171. quomodo dicatur sedes rursus. 172. quomodo sua excemen- ta excernat.	172
<i>Liene qua animalia destituuntur.</i>	168
<i>Ligamentum quid.</i> 697. ejus substantia, usus &c. ibid. ciliare.	515
<i>Ligula.</i>	741
<i>Linea alba quid.</i>	46
<i>Linea fatales.</i>	504
<i>Lingua ejusque historia.</i> 546. ejus fra- num. 547. male ab obstetricibus anguis solvitur. ibid. Cornua. ibid. re- te. ibid. fibra triplices. 548. usus.	552
<i>Litera vocales & Consonantes.</i>	446
<i>Loci muscebre.</i>	260
<i>Lumbi quid.</i>	14
<i>Lumen sanguinis quale.</i> 141. insiti virtus. ibid.	
<i>Lux, quale os.</i>	757
<i>Lympha origo, cursus, substantia, motus, &c.</i> 624. usus. 133. 134. 369. 632.	
<i>Lymphæ ductus. Vide Vasa.</i>	

M.

<i>Mala.</i>	719
<i>Malum punicum.</i>	744
<i>Malleus.</i>	715
<i>Malleoli.</i>	752
<i>Mamma, earumque historia.</i> 324. cur in pectore sita. ibid. in quibus à virilibus differant. 325. earum Tubuli.	332
<i>Manus quid.</i> 555. ejus actio. ibid. digiti cur plures. ibid.	
<i>Maris generationem an natura semper in- tendat.</i>	209
<i>Masticatoria in aurium affectibus cur ju- vent.</i>	526
<i>Mater dura. vide Meninx crassa.</i>	
<i>pia, vide Meninx tenuis.</i>	
<i>Matrix. vide Uterus.</i>	
<i>Maxilla.</i>	719
<i>Meatus cysticus.</i> 149. cochlearis, tortuo- sus, capreolaris.	714
<i>Mediaſtinum ejusque historia.</i> 344. an ca- vitatem sub ſterno habeat. ibid.	
<i>Mediaſtinum Cerebri.</i>	492
<i>Medulla quid.</i> 467. quomodo à Cerebro differat. ibid. ejus partes. ibid.	
<i>Caput. ibid. Cauda. ibid. globosa & oblongata.</i>	ibid.

<i>Medulla ſpinalis ſ. dorſalis.</i> 681. ejus con- ſtitutio, diviſio, vaſa, tunica, &c.	682
<i>Medulla ſpinalis principium.</i>	478
<i>Medulla oblongata deſcriptio, &c.</i>	478
<i>principium eſt nervorum.</i>	483
<i>Medullam eſſe principium & originem Cerebri probatur.</i>	478
<i>Medulla an oſſum nutrimentum.</i>	690
<i>Membrana quid.</i> 32. ejus Uſus. ibid.	
<i>Membrana, tunica, & meninx in quibus differant.</i>	32
<i>Membrana Amphibleſtroides.</i>	518
<i>Aranea.</i>	518
<i>Carnosa ejusque historia.</i> 32. cur carnosa. 33. ex pluribus laminis conſtat. ibid.	
<i>Choroides.</i>	515
<i>Conjunctiva.</i>	514
<i>Cornea.</i>	515
<i>Dura.</i>	515
<i>Muſculorum propria.</i>	34
<i>Oculi adnata.</i>	514
<i>Retina.</i>	518
<i>Sclerotica.</i>	515
<i>Tympani.</i>	525
<i>Vitreæ.</i>	418
<i>Uvea.</i>	515
<i>Membrana ſæctum involventes.</i>	295
<i>earum materia.</i>	307
<i>Membrum virile.</i>	235
<i>Meninx crassa.</i> 458 an anata cranio. 459. ejus ſinus, eorumque uſus. 462. 465.	
<i>Meninx tenuis.</i>	466
<i>Meninx propriè quid ſit.</i>	32
<i>Menſtruorum circa uterum collectio.</i>	799
<i>ad caput dilatatio.</i>	ibid.
<i>Mentum.</i>	532
<i>Mefaræon, vide Meſenterium.</i>	
<i>Meſenterium ejusque historia.</i> 98 unde ſic dictum. ibid. ejus Vene & arterie an etiam ſanguinis circulationi inſerviant.	
<i>99. Nervi quem uſum habeant. ibid.</i>	
<i>quem glandula & adeps.</i>	100
<i>Meſocolon, vide Meſenterium.</i>	
<i>Metacarpus.</i>	555. 749
<i>Metapedium.</i>	753
<i>Metatarsus.</i>	753
<i>Mirach Arabum quid.</i>	13
<i>Mortariola.</i>	720
<i>Motus bilis qualis.</i>	153
<i>Motus cauſa.</i> 42. an ſanguis. 44. an ſpi- ritus inſuens. 44. an lumen animale.	
<i>45. an huc valvula faciant.</i>	45
<i>Motus partium quatuorplex.</i>	41

Toni-

INDEX

<i>Tonicens.</i>	<i>ibid.</i>	<i>Oesophagus.</i>	448
<i>Motus Cordis Causa.</i> 379. <i>variorum varia de his sententia.</i>	<i>ibid. &c.</i>	<i>Patientia.</i>	564
<i>Motus sanguinis qualis & à qua causa.</i>		<i>Pectineus.</i>	580
141. 142.		<i>Pectoralis.</i>	559
<i>Motus sanguinis in arterias causa non refectio.</i> 801. <i>sed cordis constrictio.</i>		<i>Perforans Carpi.</i>	577
802. <i>non dilatatio.</i> 803. <i>non impedit hic motus quo minus vena & arteria nutriantur.</i> 804. & <i>sanguis ventiletur.</i>	<i>ibid.</i>	<i>Perforatus Carpi.</i>	575
<i>Motus peristalticus intestinorum.</i>	85	<i>Perforatus humeri.</i>	563
<i>Mucus intestini, ejusque usus.</i>	82	<i>Pèroneus.</i>	282
<i>Musculus quid.</i> 34. <i>est pars organica.</i>	35	<i>Plantaris.</i>	582
<i>ejus partes.</i> <i>ibid. fibræ.</i>	36	<i>Popliteus.</i>	587
<i>Musculi tendo.</i> 27. <i>principium & medium.</i>		<i>Profundus carpi.</i>	576
38. <i>medium an parenchyma.</i>	39	<i>Psoas.</i>	579
<i>ejus finis.</i>	39	<i>Pterygoides.</i>	535
<i>Musculi magnitudo, numerus, figura, actio.</i>		<i>Pyramiformis.</i>	580
&c. 40. 41. <i>usus.</i>	554	<i>Quadratus.</i>	533
<i>Musculus aliformis.</i>	536	<i>Quadratus dorfi.</i>	568
<i>Aniscalptor.</i>	561	<i>Quadratus femoris.</i>	580
<i>Antichenar.</i>	577	<i>Quadratus Radii.</i>	574
<i>Bibitorius.</i>	513	<i>Rhomboides.</i>	564
<i>Biceps.</i>	571. 580	<i>Rotundus major humeri.</i>	561
<i>Brachialis.</i>	571. 574	<i>minor.</i>	<i>ibid.</i>
<i>Brevis Cubiti.</i>	572	<i>Rotundus Radii.</i>	574
<i>Buccinator.</i>	533	<i>Sartorius.</i>	587
<i>Bursalis.</i>	580	<i>Seminembranosus.</i>	580
<i>Coracobrachialis.</i>	563	<i>Seminervosus.</i>	587
<i>Coracoideus.</i>	563	<i>Semispinatus.</i>	569
<i>Crureus.</i>	581	<i>Serratus major.</i>	565
<i>Cucullaris.</i>	564	<i>minor.</i>	563
<i>Deltoides.</i>	559	<i>Soleus.</i>	582
<i>Digastricus.</i>	536	<i>Subclavins.</i>	565
<i>Fascialis.</i>	587	<i>Sublimis Carpi.</i>	575
<i>Gracilis.</i>	587	<i>Subscapularis.</i>	563
<i>Graphyoides.</i>	536	<i>Superbus.</i>	513
<i>Humilis.</i>	513	<i>Superfascularis.</i>	563
<i>Immersus.</i>	563	<i>Supraspinatus.</i>	563
<i>Iliacus.</i>	579	<i>Temporalis.</i>	535
<i>Indicator.</i>	578	<i>Teres Radii.</i>	574
<i>Indignatorius.</i>	513	<i>Thenar.</i>	577
<i>Infraspinatus.</i>	563	<i>Transversus humeri.</i>	561
<i>Latissimus.</i>	561	<i>Trapezius.</i>	564
<i>Levator.</i>	564	<i>Triangularis.</i>	566
<i>Longissimus dorfi.</i>	569	<i>Triangularis Cubiti.</i>	574
<i>Longus Cubiti.</i>	571	<i>Trochlearis.</i>	513
<i>Massorius s. masseter.</i>	535	<i>Musculi abductores digitorum manus.</i>	577
<i>Massoideus.</i>	567	<i>Arytenoidei.</i>	442
		<i>Basioglossi.</i>	550
		<i>Cephalopharyngæi.</i>	449
		<i>Ceratoglossi.</i>	550
		<i>Complexi.</i>	566
		<i>Coracobyoidei.</i>	546

RERUM ET VERBORUM.

<i>Cremasteres.</i>	214
<i>Cricothyrenoides.</i>	442
<i>Cricothyroides.</i>	439
<i>Cubiti.</i>	575
<i>Gastrocnemii.</i>	582
<i>Genioglossi.</i>	546. 549.
<i>Geniohyoides.</i>	546
<i>Glutæ.</i>	579
<i>Hyothyroides.</i>	439
<i>Intercostales.</i>	334
<i>Interossei.</i>	583
<i>Longi Capitis.</i>	566
<i>Longi Colli.</i>	567
<i>Lumbricales.</i>	577
<i>Mesoglossi.</i>	549
<i>Mylohyoides.</i>	546
<i>Myloglossi.</i>	546. 549
<i>Obliqui capitis.</i>	567
<i>Oblique descendentes.</i>	47. adscen-
<i>dentes.</i>	54. eorum verum prin-
<i>cipium.</i>	50
<i>Obturatores.</i>	580
<i>Pterygostaphilini.</i>	540
<i>Pyramydales.</i>	55
<i>Quadrigemini.</i>	580
<i>Radiati.</i>	575
<i>Recti abdominis.</i>	54
<i>an plures sint.</i>	ibid.
<i>Recti capitis.</i>	567
<i>Scaleni.</i>	568
<i>Serrati postici.</i>	565
<i>Sphenopharyngæi.</i>	448
<i>Spinati.</i>	568
<i>Splenii.</i>	566
<i>Sternohyoides.</i>	543
<i>Sternothyroides.</i>	439
<i>Styloceratohyoides.</i>	546
<i>Styloglossi.</i>	549
<i>Stylohyoides.</i>	546
<i>Stylopharyngæi.</i>	449
<i>Supinatores.</i>	574
<i>Thyroarythenoides.</i>	442
<i>Tibiaci.</i>	581, 582
<i>Transversales.</i>	568
<i>Transversi abdominis.</i>	56
<i>Vasti.</i>	587
<i>Vertebrales.</i>	569
<i>Trisaglossi.</i>	550
<i>Musculi abdominis quot.</i>	46
<i>Ani.</i>	97

<i>Auris interna.</i>	526
<i>Brachii.</i>	559
<i>Capitis.</i>	566
<i>Carpæ.</i>	575
<i>Cervicis.</i>	567
<i>Cubiti.</i>	571
<i>Digitorum pedis.</i>	575
<i>Digitorum.</i>	582
<i>Dorsi.</i>	568
<i>Femoris.</i>	579
<i>Frontis & occipitis.</i>	505
<i>Gula.</i>	448
<i>Humeri.</i>	559
<i>Labiorum.</i>	533
<i>Laryngis.</i>	439
<i>Lingule.</i>	549
<i>Lumborum.</i>	568
<i>Maxilla inferioris.</i>	535
<i>Narium.</i>	530
<i>Ossis hyoidis.</i>	543
<i>Oculorum.</i>	513
<i>Palpebræ.</i>	508
<i>Pedum.</i>	587
<i>Radii.</i>	571
<i>Scapula.</i>	563
<i>Thoracis.</i>	565
<i>Tibiæ.</i>	580
<i>Urethræ.</i>	244
<i>Myrtax.</i>	532

N.

<i>Nares.</i>	528
<i>Nasus. 527. ejus partes earumque</i>	
<i>appellationes.</i>	ibid.
<i>Nasi vasa nova.</i>	531
<i>Nates quid. 14. Cerebri.</i>	493
<i>Natura muliebris quid.</i>	287
<i>Nervus quid. 659. an cavus.</i>	662
<i>cur absque cavitate. ibid. an medulla</i>	
<i>gaudeat. 663. ejus usus.</i>	666
<i>substantia triplex.</i>	664
<i>Nervi an habeant Valvulas. 665. cur adeo</i>	
<i>topiosi in liene, & quis eorum usus sit.</i>	
<i>162. an in hepate sint.</i>	137
<i>mesenterici quem usum habeant.</i>	99
<i>motorii an a sensorii differant.</i>	661
<i>motorii cur, & unde duriores.</i>	666
<i>Nervorum principium.</i>	468. 483. 659
<i>usui. 660. numerus.</i>	661

FFF

ip

INDEX

<i>in Nervis an resideat imaginatio.</i>	670
<i>Nervis an cor gaudeat.</i>	360
<i>Nervus colligatus.</i>	697
<i>Nervi auditorii.</i>	676
<i>Ex spinali medulla prodeuntes.</i>	682
<i>&c.</i>	
<i>Gustatorii.</i>	673. &c.
<i>Linguae motores.</i>	681
<i>Motorii oculorum.</i>	673
<i>Olfactorii. 670. an cavi.</i>	671
<i>Optici. 671. eorum ortus.</i>	ibid.
<i>unio. 672. progressus.</i>	ibid.
<i>Recurrentes.</i>	677
<i>Recurvi.</i>	680
<i>Reversi.</i>	680
<i>Vagi.</i>	677
<i>Visorii.</i>	671
<i>Vocales.</i>	677
<i>Nympha muliebres.</i>	293

O.

<i>Occiput quid.</i>	451
<i>Oculi eorumque historia.</i>	505
<i>Odoratus quomodo fiat.</i>	531
<i>Oesophagus. vide Gula.</i>	
<i>Oestrum Veneris.</i>	291
<i>Olecranon.</i>	747
<i>Olfactus organon.</i>	671
<i>Onasus quid, ejusque usus.</i>	67
<i>Omentum, ejusque historia. 61. quomodo sterilitatem inducat. ibid. ejus sacculi, & vasa adiposa. 64. situs in infante & in strangulatis.</i>	61
<i>Omplata.</i>	745
<i>Orificium Ventriculi superius an animae se- des. 68. Cur nervis adeo muniatur. 69. 76. cur Cor veteribus dictum. 68 inferius an semper apertum & quomo- do aperiatur. 69. an valvula prae- dictum.</i>	69
<i>Os oris. 533. ejus partes & usus. ibid.</i>	
<i>Ostis materia, causa nutrimentum, &c. 690. &c. Usus.</i>	691
<i>Ossa cur plura in animali. 691. an sentiant. 692.</i>	
<i>Ostium Connexio quotuplex.</i>	692
<i>Os balistae.</i>	753
<i>Basilare.</i>	710. 718.
<i>Brachii.</i>	747

<i>Coccygis.</i>	737
<i>Colatorii.</i>	718
<i>Coronale.</i>	706
<i>Coxae.</i>	737
<i>Coxendicis.</i>	739
<i>Cribiforme s. cribrosum.</i>	719
<i>Cuboides.</i>	753
<i>Cuneiforme.</i>	718
<i>Cymbiforme.</i>	753
<i>Ensiiforme.</i>	743
<i>Femoris.</i>	750
<i>Frontis. 706. ejus cavitates.</i>	ibid.
<i>earum usus.</i>	ibid.
<i>Furcale.</i>	741
<i>Gladioli.</i>	743
<i>Grandinosum.</i>	753
<i>Gutturis.</i>	543
<i>Hyoides.</i>	543
<i>Ilium.</i>	737
<i>Innominatum.</i>	737
<i>Inverecundum.</i>	706
<i>Ischium.</i>	739
<i>Jugale.</i>	711
<i>Lingua.</i>	543
<i>Memoria.</i>	710
<i>Multiforme.</i>	718
<i>Naviculare.</i>	753
<i>Occipitis.</i>	710
<i>Omplatae.</i>	745
<i>Palati.</i>	718
<i>Papillare.</i>	718
<i>Pectinis.</i>	737
<i>Pectoris.</i>	743
<i>Polymorphon.</i>	718. 753
<i>Prova.</i>	710
<i>Pubis.</i>	737
<i>Puppis.</i>	706
<i>Pyxidis.</i>	710
<i>Sacrum ejusque descriptio.</i>	736
<i>Scapulae.</i>	745
<i>Scutiforme.</i>	751
<i>Sphenoides.</i>	718
<i>Spongiosae.</i>	719
<i>Spongiosum.</i>	719
<i>Tessera.</i>	753
<i>Triangulare.</i>	710
<i>Zygomatium.</i>	711
<i>Ossa arcualia.</i>	707. 710
<i>Bregmatis.</i>	707
<i>Calcoidea.</i>	756
<i>Cognita.</i>	

RERUM ET VERBORUM.

<i>Cogitationis.</i>	707
<i>Cubiti.</i>	747
<i>Digitorum.</i>	750
<i>Lapidosæ.</i>	710
<i>Manus.</i>	749
<i>Mendosæ.</i>	710
<i>Metatarsi.</i>	756
<i>Nervæ.</i>	707
<i>Parietaliæ.</i>	707, 710
<i>Pedis.</i>	750
<i>Petrosæ.</i>	710
<i>Rationis.</i>	707
<i>Saxen.</i>	710
<i>Sesamoidæ.</i>	756
<i>Scincipitis.</i>	707
<i>Squamosæ.</i>	710
<i>Tarsi.</i>	753
<i>Temporum.</i>	710
<i>Triangularia Cranii.</i>	704
<i>Verticis.</i>	707
<i>Ossa pubis an in partu luxentur.</i>	738
<i>an eadem moveantur. ibid. cur ampliora in muliere.</i>	739
<i>Oscula auditus. 714. eorum numerus, & usus.</i>	710
<i>Oscula Wormiana.</i>	704
<i>Ovarium muliebri quid.</i>	248
P.	
<i>Palatum ejusque descriptio.</i>	537
<i>Palma.</i>	555, 749
<i>Palpebræ earumque partes.</i>	508
<i>inferior an moveatur.</i>	ibid.
<i>Pancreas, ejusque historia. 113. ductus Virsungianus, ejusque descriptio & usus. 113. &c. an venarum lactearum origo.</i>	115
<i>Panniculus Carnosus. vide Membrana carnosæ.</i>	
<i>Papille constitutio. 505. sensus unde. ib.</i>	
<i>Parastatæ.</i>	223
<i>Parenchyma quid.</i>	130
<i>Paristhmia.</i>	444
<i>Parotides earumque usus.</i>	523
<i>Pars corporis quid & quotuplex. quænam prius generetur.</i>	2 3
<i>Partes necessitatis, commoditatis, ornatus. 4. principes & ministra.</i>	4
<i>similares & dissimilares.</i>	4. 7

<i>similares quæ. 4. 5. 7. exactè tales quæ. 7 quæ simpliciter. ibid. Spermatica, sanguinea, mediæ. 7. organica s. instrumentales. 8. an eadem quæ dissimilares. ibid. in organo 14. partes sunt. 8. dissimilariarum species.</i>	8
<i>Pectus.</i>	323
<i>Pedum.</i>	753
<i>Pelvis auris.</i>	711
<i>Penis ejusque historia. 235. cur pinæ uedine careat. 238. ejus similitudo cum Utero inepta.</i>	246
<i>Penis induratio & erectio unde.</i>	244
<i>Penis Cerebri. 494. 496. muliebris.</i>	291
<i>Pericardium ejusque historia.</i>	309
<i>Pericranium, ejusque historia.</i>	458
<i>Periostium cranii.</i>	458
<i>Peristoma in intestina quid, quise usus ejus.</i>	81
<i>Peritonæum. ejusque historia.</i>	57
<i>Philtrum.</i>	532
<i>Pili eorumque descriptio. 452. quibus in animalibus. ibid. an ex bono alimento nutriantur. ib. quo loco generentur. ib. cur iis careant animalia crustacea. 453. ad eorum generationem requisita. ibid. usus pilorum. 454. forma in anima. 455. Color varius unde.</i>	456
<i>Pili congeniti. 454. postgeniti. ibid.</i>	
<i>Pinguedo quid. 24. vitæ expers est. ibid. non est pars sed humor. ibid. duplex & radicalis & secundaria. ibid. cur non omnibus partibus data. ibid. Materia non chylus, sed sanguis. 25. Calidum esse probatur. 26. efficiens & color & frigus. 28. fieri a frigido probatur. ibid. non a calido. ibid. nec a densitate membranarum. 29. nec a siccitate. 29. aut formâ pinguedinis. ibid. ejus receptacula. 29. Vasa. ib. Sacculi ib. glandule. ibid. an in alimentum convertatur.</i>	31
<i>Pinna nasi.</i>	527
<i>Placenta uteri. 304. ejus historia. ibid. usus.</i>	307
<i>Plectrum.</i>	711
<i>Pleura, ejusque historia.</i>	343
<i>Plexus choroides, s. reticularis. ejus usus.</i>	495 496
<i>Retiformis Cerebri.</i>	486
Fff 2	
glan-	

INDEX

Rumi-

RERUM ET VERBORUM.

Ruminatio quid. 67. quomodo fiat. ibid.
Ruminantium Animalium Ventriculi, 67

S.

Sacculi pingues.

30

Sanguis in Corde fit. 365. ex Chylo. 366. qui ex Receptaculo. ibid. an in Cordis utroque Ventriculo aequè perficiatur. 370. hepaticus quis. 368. quis venosus. ibid. qualis moveatur. 762. Arteriosus & venosus an differant. ib. an Venæ Cavæ & Portæ. ibid. non moventur sursum & deorsum in vasis. ibid. sed ab una vasis parte in aliam. ibid. quæ viâ ex dextro Cordis Ventriculo feratur in sinistrum. 766. non per septum. ibid. nec per foramen ovale. 767. quæ viâ ex hoc Ventriculo ad Corporis partes alias. 767. ex arteriis quomodo intret Venas. 768. fieri hoc per oscula communia variis probatur. ibid. transitus ex Venis minoribus ad majores quomodo fiat. 772. semel cor qui transit redire, sic ut motus sit circularis. 773. Motum hunc Veteribus fuisse cognitum probatur. 773. fit per omnes arterias & venas etiam Capitis. 778. etiam in fœtu per peculiare ductus. 778. 800. qualis & à qua Causa. 141. 142. Est continuus. 779. celer. ibid. vehemens. 780. quo tempore absolvatur. ibid. Ejus Causa. 782. partim pulsio, partim tractio. 783. 788.

Sanguis cur ex arteria non ligata vulnerata effluat. 797. abdominis an circuletur. 656. venosus & arteriosus in quibus differant. 799. an septum Cordis transeat. 401

Sanguinis circulatio quomodo fiat in pulmone. 420. Rubedo unde. 141. Lumen quale. 141. fluxus in Coitu primo unde. 285. quantitas in corpore. 374. quantum horâ quavis corde exeat. 376. incrementum triplex. 173

ad Sanguinem perficiendum quæ requirantur. 369

Sanguini pinguedo inest.

25

Sanguificationis Materia, Causa, Modus. 140. 365.

Saliva quid faciat ad Chylificationem. 79. unde.

444

Sardonius Risus.

340

Scapha.

522

Scapula. 745. ejus processus.

746

Sceletus quid.

692

Scortum idem quod scrotum.

210

Scrophularum sedes.

524

Scrotum.

210

Scutum.

751

Secundina quid.

301

Sella Sphenoidos.

718

Semen an in renibus præparetur. 187. an

habeant verum mulieres. 249. ejus Causa efficiens. 214. materia triplex. 235

Septum auris. 525. nasi 527. narium.

721. transversum. 336. Lucidum Cerebri. 492. ejus usus. ibid.

Seri in renibus secretio quomodo fiat. 186

Sinus duræ meningis. 462. pudoris. 280

Sonus in pede unde. 753

Sphincter avi. 97. gulæ. 448. Vesicæ. 201

quales ejus fibræ in vivo; quales etiam

in fœmina. 201

Spina quid. 733

Spina ossis. 695

Spiritus Animalis Materia, & generatio-

nis locus. 468. 476. 482. an in Ner-

vis circuletur. 665

Spirituum vitalium motus qualis. 781. 4-

nimalium motus. 781

Splen. vide Lien.

Stapes.

715

Sterilitatis Causa quedam. 276. 278

Sternum.

743

Sternutationis causa.

531

Stomachus. vide Gulæ.

Stomachus quid. 68

Succus fermentans stomachi qualis. 77

Succus nutritius an per nervos feratur. 568

Sudoris vascula. 19. foramina. 21

Suffocationis uteri Causa. 275

Supercilia. 509. usus. ibid. ossis. 695

Superfætationis exempla. 270

Sura.

752

Surditatis Causa.

525

Suspirium quid sit.

445

Sutura quid.

693

Sutura Cranii. 701. Earum usus. 705

Symphysis quid. 692. 693

Fff 3

Synci-

INDEX

<i>Synsciput quid.</i>	451
<i>Syndefmosis.</i>	694
<i>Synchondrosis.</i>	693
<i>Syneurosis.</i>	693
<i>Syntenosis.</i>	691
<i>Synymesis.</i>	694
<i>Syssarcosis.</i>	694
<i>Systole quid.</i> 371. <i>eius in Corde Causa.</i>	371
784. <i>In ea quid fiat.</i>	371

T.

<i>Tactus organon verum.</i>	19
<i>Tulus.</i>	753
<i>Tarsus.</i>	512. 753
<i>Tempora quid.</i>	451
<i>Tendo musculi quid.</i> 37. <i>eius principium.</i>	39
<i>ibid. an eum nervi ingradientur.</i>	39
<i>Tentigo quid.</i>	291. 292
<i>Testes eorumque historia.</i> 208. <i>cur in viris extra corpus penduli.</i> <i>ibid. dexter an sit calidior sinistra.</i> 209. <i>Cur pinguedine careant.</i> 210. <i>que eorum substantia vera.</i> 211. <i>quis Usus</i> 214. <i>sine iis an possit fieri generatio.</i> 215. <i>eorum consensus cum toto corpore.</i>	222
<i>Testes muliebres, eorumque historia.</i>	247.
<i>in quibus differant a virilibus.</i> <i>ibid. cur incus siti.</i> <i>ibid. an sint Ovarium.</i>	248.
<i>Eorum Usus.</i>	249
<i>Testes Cerebri.</i>	493
<i>Testudo Cerebri.</i>	493
<i>Tharax quid.</i> 323. <i>hispidus quid significet.</i>	362
<i>Thymus.</i>	348
<i>Tibia.</i>	752
<i>Tonsilla.</i> 444. <i>Eorum usus.</i>	<i>ibid.</i>
<i>Torcular dura meningis.</i>	462
<i>Trachea, ejusque Historia.</i> 432. <i>cur cartilaginea.</i> 436. <i>cur ligamentosa.</i> <i>ibid.</i>	
<i>Tuba uteri.</i> 257. <i>cur flexuosa adeo.</i>	259
<i>Tubercula ossis.</i> 696. <i>glandulosa pylori.</i> 69	
<i>Tunica quid sit.</i> 32. <i>Arachnoides spinalis medulle.</i> 682. <i>Testis Elytroides f. vaginalis.</i> 210. <i>Erythroides f. rubra.</i> <i>ibid. albuginea.</i> <i>ibid. costalis.</i>	343
<i>Tunica, membrana, & meninx in quibus differant.</i>	32
<i>Tympana auris.</i>	525. 711
<i>Tympani membrana.</i>	525

V.

<i>Vagina portæ.</i>	136
<i>Valvula Coli cujus conditionis & usus.</i>	<i>ibid.</i>
92. <i>quis inventor ejus.</i>	<i>ibid.</i>
<i>Valvula intestini Coli Rayæ.</i>	296
<i>Valvula Cordis sigmoides, tricuspides, mitrales.</i>	402. 403. 404. 406.
<i>Valvula venarum quid.</i> 594. <i>Earum inventores.</i> <i>ibid. cur non ubique.</i> 595. <i>cur non in venarum exortibus.</i> <i>ib. Earum in Venis situs.</i> <i>ib. substantia, usus, &c.</i>	598
<i>Varicum Causa.</i>	594
<i>Vas breve an, & quomodo. Ventriculum accedat.</i> 73. <i>quem in usum.</i> 74. <i>an chylum lieni adferat ex Ventriculo.</i> 74. 166.	
<i>Vasa adiposa.</i> 64. <i>crystallina, serosa.</i> vide	
<i>Vasa Lymphatica. comparantia.</i> 225. <i>distributoria lactea thoracica.</i> 620. <i>deferentia feminis.</i> 223. 253. <i>Ejaculatoria feminis.</i> 223. <i>Emulgentia re-ctius Renalia dicuntur.</i> 181. <i>lachrymalia.</i> 512. <i>lactea.</i> 608. <i>an ad uterum accedant.</i> 264. <i>preparantia quotuplicia.</i> 202. <i>Eorum usus.</i> 203. <i>an nervos habeant.</i> 207. <i>an semini materiam vehant.</i> 207. <i>in muliere.</i> 246. <i>Lymphatica.</i> 621. <i>Eorum inventio.</i> 622. <i>Descriptio.</i> <i>ibid. Appellationes.</i> <i>ibid. Usus.</i> 624. 632. <i>Spermatica quotuplicia.</i> 202. <i>Eorum Usus.</i> 202. <i>umbilicalia.</i> vide <i>Umbilicus.</i>	
<i>Vasa ante viscera generantur.</i>	3
<i>Vasi in hepate ex carni quo modo distingui queant.</i>	132
<i>Vasorum Cordis anastomosis.</i> 407. <i>Ejus Usus.</i> 407. <i>unia per canalem.</i>	410
<i>Vasorum hepatis Anastomosis.</i> 134. <i>lienis.</i>	161.
<i>Vasorum Lymphaticorum circa hepar distributio &c.</i> 133. <i>Valvula, ususque.</i>	133.
<i>Vasorum preparantium anastomosis in muliere.</i>	247
<i>Vasorum uteri anastomosis.</i>	266
<i>Vasorum umbilicalium anastomosis.</i>	314
<i>Contorsio extra umbilicum.</i>	316
<i>Vasorum uterinorum in gravidis magnitudo.</i>	266
	<i>Viscu-</i>

RERUM ET VERBORUM.

<i>Vascula buccarum.</i> 536. sudoris.	19	<i>Mediana.</i>	642
<i>Velamentum bombycinum intestinorum</i>		<i>Mediastina.</i>	638
<i>quid, ejusque usus.</i>	87	<i>Mesenterica.</i>	602
<i>Vena quid.</i>	585	<i>Ostia.</i>	599
<i>Venarum substantia.</i> 594. <i>Valvula.</i> 594.		<i>Phrenica.</i>	636
<i>principium an cor, vel hepar.</i>	585	<i>Pneumonica.</i>	637
<i>Usus.</i> 586. <i>Anastomosis.</i>	590	<i>Poplitea.</i>	644
<i>Vena an fibras habeant.</i> 594. <i>cur non om-</i>		<i>Pudenda.</i>	644
<i>nibus locis investiantur tunicis.</i>	593	<i>Pulmonaria.</i>	404
<i>Vena cur à ligatura intumescat in vene se-</i>		<i>Sacra.</i>	643
<i>ctione.</i> 794. <i>quenam secunda in pleuri-</i>		<i>Salvarella.</i>	641. 642
<i>tide.</i> 637. <i>mammaria & epigastrica</i>		<i>Saphena.</i>	644
<i>an conjungantur sub Musculo Recto.</i> 55.		<i>Spermatice.</i>	643
<i>spermatice sinistra cur non à Vena Ca-</i>		<i>Splenica.</i>	602
<i>ve trunco oriatur.</i>	202	<i>Subclavia.</i>	638
<i>Vena Cava.</i> 403. <i>motu manifesto gaudet.</i>		<i>Suralis.</i>	645
<i>ibid. Ejus Valvula.</i>	<i>ibid.</i>	<i>Vena Epiploica.</i>	602
<i>Vena arteriosa.</i> 404. <i>cur sic dicta.</i>	<i>ibid.</i>	<i>Gastrica.</i>	602
<i>ejus ortus & progressus.</i> <i>ibid. Valvula.</i>	<i>ibid.</i>	<i>Gastro-Epiploica.</i>	602
		<i>Hæmorrhoidales.</i>	633
<i>Vena umbilicalis ejusque descriptio.</i> 310.		<i>Hypogastrica.</i>	643
<i>Usus.</i> 311. <i>Nodi in ea quid sint & an</i>		<i>Iliacæ.</i>	643
<i>aliquid significant.</i> 311. <i>ante partes a-</i>	3	<i>Jugulares.</i>	640
<i>lias generatur.</i>		<i>Lumbales.</i>	643
<i>Vena portæ appellatio.</i> 599. <i>Ejus radices</i>		<i>Mesaraica.</i>	602
<i>in hepate, & intestinis.</i> 600. <i>princi-</i>		<i>Earum usus.</i>	<i>ibid.</i>
<i>pium.</i>	137	<i>Muscula.</i>	638. 643. 644
<i>Vena Adiposa.</i>	643	<i>Thoracica.</i>	640
<i>Axillaris.</i>	638. 641	<i>Vena Lactea.</i> 607. <i>Earum inventio.</i> <i>ibid.</i>	
<i>Azygos s. sine pari.</i>	636	<i>appellatio.</i> 608. <i>insertio in hepate.</i> 609.	
<i>Basilica.</i>	641	<i>usus, &c.</i> 612. 613. <i>cur subito adeò</i>	
<i>Brevis.</i>	602	<i>dispareant.</i> 614. <i>an etiam in hepate.</i>	
<i>Capitalis.</i>	641	132.	
<i>Cava.</i> 635. <i>Ejus divisio.</i>	<i>ibid.</i>	<i>Vena Epiploica an chylum lieni adferant.</i>	
<i>Cephalica.</i>	641	74.	
<i>Cervicalis.</i>	638	<i>Vena gastrica an chylum lieni adferant.</i>	
<i>Coronaria, ejusque usus.</i> 357. 602		74	
<i>Coronaria Cordis.</i>	636	<i>in Vena sectione cur ligatur à quoque laxetur.</i>	796
<i>Dorsalis.</i>	640	<i>Veneris astrum.</i>	291
<i>Emulgens.</i>	643	<i>Ventres quid.</i> 8. <i>quos.</i>	<i>ibid.</i>
<i>Hepatica.</i>	641	<i>Venter imus quid.</i> 13. <i>cur ab eo sectionis</i>	
<i>Epigastrica.</i>	644	<i>initium fiat.</i> <i>ibid. ejus partes.</i>	<i>ibid.</i>
<i>Humeralis.</i>	641	<i>Venter primus in Ruminantibus quid,</i>	
<i>Jecoraria.</i>	635. 641	<i>ejusque usus.</i>	67
<i>Intercostal.</i>	637	<i>Ventriculus ejusque historia.</i> 66. <i>an poros</i>	
<i>Ischiæ.</i>	644. 645	<i>habeat apertos.</i> 72. <i>an per os Chylus</i>	
<i>Lactea Arabum.</i>	599	<i>ferri possit.</i> <i>ibid. An minor in scemino</i>	
<i>Linearis.</i>	648	<i>quam viris.</i> 73. <i>Ejus magnitudo quo-</i>	
<i>Mammaria.</i>	638	<i>mudo cognoscatur.</i> 73. <i>an vase brevi</i>	
<i>Maxima.</i>	635	<i>prædi-</i>	


INDEX RERUM ET VERBORUM.

<i>præditus, & quem in usum.</i>	74	<i>Ungues, eorumque historia.</i>	557. <i>Materia;</i>
<i>Ventriculi fibra quales, & quis singularum</i>		<i>Causa efficiens, usus.</i>	ibid.
<i>usus. 70. Ejus Rugæ. 72. Crusta car-</i>		<i>Vomitibus nephriticorum.</i>	680
<i>nea.</i>	72	<i>Vox quid propriè. 446. ejus differentia.</i>	
<i>Ventriculi orificium cur Cor dictum.</i>	68	<i>ibid. partes. ibid. quomodo fiat. 446.</i>	
<i>an hic anima sedes.</i>	ibid.	<i>gravis & acuta unde. 438. unde ma-</i>	
<i>Ventriculus Cordis dexter, ejusque descri-</i>		<i>gna. ibid. ejus mutatio unde.</i>	439
<i>ptio & usus. 398. sinister. 398. usus</i>		<i>Vocis organa quæ.</i>	445
<i>utriusque.</i>	399	<i>Urachus quid.</i>	319
<i>Ventriculi Cerebri quot. 490. Anterio-</i>		<i>Ureteres eorumque historia. 194. princi-</i>	
<i>rum descriptio. ibid. 491. tertius. 493.</i>		<i>pium an in Renibus, an verò in Vescicâ.</i>	
<i>nobilis s. quartus. 482. cur calamus</i>		<i>195. valvulis gaudent occludentibus, ne</i>	
<i>scriptorius dicatur. ibid. est locus gene-</i>		<i>urina reoedat.</i>	195
<i>rationis spiritus animalis.</i>	482	<i>Urethra ejusque historia.</i>	238
<i>Ventriculi Cerebri usus.</i>	499	<i>Urina quomodo fiat.</i>	186
<i>Ventriculi Ruminantium.</i>	67	<i>Usus partus quid. 2. quomodo ab actione</i>	
<i>Vernicularis intestinorum crusta quid. 81</i>		<i>differat.</i>	2
<i>Vertebra quid, & quot.</i>	733	<i>Uterus ejusque historia. 260. cur in hypô-</i>	
<i>cur plures. ibid. Colli.</i>	734	<i>gastrio situs. ibid. gravidis an attenu-</i>	
<i>dorsi. 735. lumborum.</i>	736	<i>tur. 261. Ejus ligamenta. 262. an Vasa</i>	
<i>Vertex quid.</i>	481	<i>lactea accipiat. 264. sine utero an con-</i>	
<i>Vesica biliaria, ejusque historia.</i>	148	<i>ceptio fieri possit. 269. sine eo an vive-</i>	
<i>Vesica urinaria, ejusque historia.</i>	196	<i>re potuerint scæmina. 274. Ejus Motus,</i>	
<i>cur crusta obducatur. 200. an ejus sub-</i>		<i>stantia musculoſa.</i>	ibid.
<i>Vesica seminales. 227. an in his semen con-</i>		<i>Vteri os interius. 278. quando aperit-</i>	
<i>tineatur.</i>	231	<i>tur.</i>	280
<i>Vesicularis substantia pulmonum.</i>	418	<i>Collum.</i>	280
<i>Via stomachi & ventris.</i>	447	<i>Cervix.</i>	280
<i>Virile membrum.</i>	235	<i>Ostium.</i>	280
<i>Virga. 235. muliebris.</i>	291	<i>Ruga interna. 281. quando oblite-</i>	
<i>Virginitatis an detur nota. 282. flos. 282</i>		<i>rata.</i>	ibid.
<i>Visio quomodo fiat.</i>	520	<i>Uteri Collum breve. 276. Cornua. 277</i>	
<i>Vitta quid.</i>	303	<i>Uterus an Odores sentiat. 275. cur odo-</i>	
<i>Ulna.</i>	747	<i>ratis moveatur. ibid. an intellectu bru-</i>	
<i>Umbilicus quid. 310. an pervius. 310. 320</i>		<i>tali polleat. 275. an sine periculo vitæ</i>	
<i>ejus nobilitas.</i>	319	<i>aufferri possit.</i>	274
<i>Umbilicalis regio.</i>	13	<i>Uteri procidentia. 262. suffocationis Cau-</i>	
<i>Umbilicalia Vasa quæ. 310. eorum usus.</i>		<i>sa.</i>	275
<i>314. an chylum ducant vel sanguinem.</i>		<i>Utriculus.</i>	260
<i>314.</i>		<i>Vulva. vide Uterus. 287. Cerebri.</i>	494
<i>Undatio qualis pulsus.</i>	371	<i>Vvula. 537. ejus usus.</i>	547

F I N I S.







93-10050

